

# Bibeli Luayātaalá



The Holy Bible in the Boko language spoken in Benin and  
Nigeria

# Bibeli Luayātaalá

## The Holy Bible in the Boko language spoken in Benin and Nigeria

copyright © 2010 SIM International

Language: Boko

Translation by: SIM International

### Boko Bibeli Luayātaala

This translation, published by the SIM au Benin, was published in 2010.

If you are interested in obtaining a printed copy, please contact the SIM at ECWA/SIM H.Q., P.M.B. 2009, Jos, Plateau State, NIGERIA.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-25

---

PDF generated using Haiola and XeLaTeX on 21 Feb 2024 from source files dated 29 Jan 2022

ffb0f4b3-18b7-564f-bd5d-307e9e532fb9

## Contents

Mathee . . . . .	1
Maaku . . . . .	45
Luku . . . . .	72
Zāa . . . . .	117
Zinač yākeac . . . . .	149
Lomadeč . . . . .	189
1 Kčlenideč . . . . .	209
2 Kčlenideč . . . . .	227
Galatič . . . . .	239
Efesedeč . . . . .	246
Filipideč . . . . .	253
Kčlōsideč . . . . .	258
1 Tesalonideč . . . . .	263
2 Tesalonideč . . . . .	267
1 Timčtee . . . . .	270
2 Timčtee . . . . .	276
Titu . . . . .	280
Filemčč . . . . .	283
Ebeluč . . . . .	285
Zaaki . . . . .	300
1 Pičč . . . . .	306
2 Pičč . . . . .	312
1 Zāa . . . . .	316
2 Zāa . . . . .	322
3 Zāa . . . . .	323
Yuda . . . . .	324
Zia yá . . . . .	326

# MATIEE

## Yá pó kú láe bee guu

Matiee baona pó a kè ku zéze lán Maaku pówae:

Zää da'iléna waasokéa (3.1-12)

Yesu da'ilekeá ní aà yðao (3.13-4.11)

Yesu zíkeá Galile, gu pó à waasokèu bílae à yádané, à gyáeò gbågbâ (4.12-18.35)

Aà geá Yelusaléú (19-20)

I gëgëo, ássä do taa, ñ wà Yesu kù wà yádàaàla wà aà dè. Aà bøa gau yá bò ní sae, ñ à bò mò gbéòwa (21-28).

Matiee Yesu buibökii yá bøolekè ní aà iao ní aà negòò yáo (1-2).

Yá beeò guu à gbé pó Yesu de a ü ð: Kíae mé Suabanae lá Lua a legbènëwa, wí mé lò Emanueli. Bee mè Lua kúwanò. Òme yá pó Lua ò a bàakuańcò káau lá guu pàpa.

Matiee Yesu yádanéò káaa lee sco:

Yádaané sìsì musu lé kpala pó bò Lua kíi gbéò luanaaikéa ñlòwëe (5-7).

Ledilea gbé pó aa kpalapi baokpanéòne (10).

Kpalapi asiyyá leeüané. Kpalapi uléa già, áma a bo gupuau ní gawio ziewa (13).

Kua ní kôo kpalapi guu (18).

Wèdøa kpalapi moai (24-25).

Baona pó Matiee kè guu, Yesu mé kpala pó bò Lua kíi Kíia ü, mé ále yádada gbé pó aale gëòne, ké aa e wàò de a seeladeò ü gbéòne.

*Bui pó Yesu bò ní guu  
(Luk 3.23-38)*

<sup>1</sup> Davidi ní Ablahaüo bui Yesu Kilisi yá pó këa Luayataalaun ke: <sup>2</sup> Ablahaü Izaaki í, Izaaki Yakøbu í, Yakøbu Yuda í ní a vñlo ní a däunaö. <sup>3</sup> Yuda Pelezi ní Zelao í ní a na Tamaao, Pelezi Ezõnò í, Ezõnò Alaü í. <sup>4</sup> Alaü Aminadabu í, Aminadabu Naasö í, Naasö Salamo í, <sup>5</sup> Salamo Boazu í ní a na Lahabuo. Boazu Òbedi í ní a na Lutuo, Òbedi Yese í, <sup>6</sup> Yese kí Davidi í.

Davidipí mé Salomòo í ní Uli nao, <sup>7</sup> Salomòo Løboau í, Løboau Abia í, Abia Asa í, <sup>8</sup> Asa Yosafa í, Yosafa Yeholau í, Yeholau Ozia í. <sup>9</sup> Ozia Yoataü í, Yoataü Akazi í, Akazi Ezekia í, <sup>10</sup> Ezekia Manase í, Manase Amo í, Amo Yosia í, <sup>11</sup> Yosia Yekonia í ní a däunaö gòò pó wà gbéò kùkù tåńno Babiloni.\*

---

\* 1:11 2Kia 24.15

<sup>12</sup> Taa ní gbé Babiloni gbea ɔ Yekoniapi Salatieli i, Salatieli Zolobabeli i, <sup>13</sup> Zolobabeli Abiudu i, Abiudu Eliakiū i, Eliakiū Azoo i. <sup>14</sup> Azoo Zadoki i, Zadoki Akiū i, Akiū Eliudu i, <sup>15</sup> Eliudu Eleazaa i, Eleazaa Matana i, Matana Yakobu i, <sup>16</sup> ɔ Yakobu Maliama zá Yosefu i. Maliamapi mé Yesu pó wí me Mesii i.

<sup>17</sup> Za Ablahaú léu e à gè pè Davidiwa, mae ní a néo ku géo mèndosaiε. Za Davidi léu e gɔɔ pó wà tā ní gbé Babiloni, mae ní a néo ku géo mèndosaiε. Za taa ní gbé Babiloni e à gè pè Mesiiwa, mae ní a néo ku géo mèndosaiε.

*Yesu Kilisi ia  
(Luk 2.1-7)*

<sup>18</sup> Lá wà Yesu Kilisi ìn ke: Aà da Maliamaá Yosefu nɔkpamaε. E àɔ gé zákei à nosi ní Lua Nisina gbāao. <sup>19</sup> Aà gɔkpama Yosefupiá gbémaae, a ye widawào, ɔ à zèò á bɔ aà yáu asii guuε. <sup>20</sup> Gɔɔ pó ále làasooké yápiwa, Dii malaikae bò mòwà nana guu a òè: Davidi bui Yosefu, rísu bílike n nɔkpama Maliama sea yá musuo, asa nɔ pó a sia bò Lua Nisina kíie. <sup>21</sup> A ne'i gɔε ū, ní tókpaè Yesu, asa a a gbé bɔ ní duuna guu. <sup>22</sup> Bee kè píi, ké yá pó Dii dà ãnabiε a ò e ke à mè:

<sup>23</sup> Nɔe léso mé a nosi,

i ne'i gɔε ū,

wi tókpaè Emanueli.†

Tó bee mè Lua kúwanø.

<sup>24</sup> Ké Yosefu vù, a kè lá Dii malaikapi dílæewa, à a nɔpi sè.

<sup>25</sup> Ama i aà dɔ nɔe ūo e à gè negɔεpi iò. Ó à tɔkpàè Yesu.

## 2

*Saanyadɔnaɔ mɔa Yesu gwai*

<sup>1</sup> Wà Yesu i Beteleū\* Yude bùsuu kí Elodi gɔɔe. Ó saanyadɔnaɔ bò gukpε oi aa mò Yelusaleū, <sup>2</sup> aa gbé lā aa mè: Né pó wa i Yudaɔ kíia ū ku má ni? Wa aà saana è gukpε oie, ɔ wa mɔ kúleiè. <sup>3</sup> Ké kí Elodi yápi mà, à bílikè n Yelusaleūdeɔ píi. <sup>4</sup> A Yuda sa'onkiaɔ ní Mɔizi ikoyádanedeɔ kàaa píi, ɔ à ní lá gu pó wa Mesii iu. <sup>5</sup> Aa wèwà aa mè: Beteleū, Yude bùsuu lae. Asa lá ãnabi kèn ke:

<sup>6</sup> Beteleū pó kú Yudaɔ bùsuu,

ní késää Yudaɔ mεewiaɔzio fá.

Asa n guu ɔ kíia a bɔu,

i dɔaa ma gbé Isailiɔne.†

<sup>7</sup> Ó Elodi saanyadɔnaɔ sisi asii guu, à saanapi bɔgɔɔ sásasã gbèamá. <sup>8</sup> Ó à ní gbáe Beteleū à mè: A ge népi gbéagbea ní laaio. Tó a aà è, à mɔ omee, mapi sɔ mí ge kúleè.

† 1:23 Isa 7.14 \* 2:1 1Sam 16.1 † 2:6 Mis 5.1-3

<sup>9</sup> Ké aa kíá yāmà, ɔ aa dàzeu. ɔ saana pó aa è gukpé oi yāa dàaané lɔ e à gè zè népi kúkia. <sup>10</sup> Ké aa saanapi è, an pɔ këna maamaa. <sup>11</sup> Aa gè kpéu aa népi è ní a da Maliamao, ɔ aa wùlè ní gbéeu aa kùle. ɔ aa ní aizée kpagoloɔ wèwè aa aà gbà vua ní zōgo lí'ɔ ginanao ní tulaletio. <sup>12</sup> Lua òné nana guu aasu bòle Elodi kíio, ɔ aa tà ní bùsuu ní zé pâleo.

### Bàale taa ní Yesuo Egipi

<sup>13</sup> An taa gbea Dii malaika bò mò Yosefuwa nana guu à mè: Fèle népi sé ní a dao, ní bàale táńno Egipi, ní ku we e mà mɔ yā'one lɔ, asa Elodi a népi weele à dèe.

<sup>14</sup> ɔ Yosefu fèle gwāasina, à népi sè ní a dao à tárńno Egipi. <sup>15</sup> A ku we e Elodi gè gào. Bee kè kéké yá pó Dii dà ãnabie a ò e ke yáie à mè:  
Ma a né gbèsi Egipi.‡

<sup>16</sup> Ké Elodi è saanyādñao ɔnɔkèee, aà pɔ pà maamaa. Lá a saanapi bɔgɔɔ taa dɔ yá pó á gbè saanyādñapiɔwa yái, ɔ à gbéɔ zì, aa negɔe pó kà wè pla ge i kaoɔ dède Bæteleū ní a bualoū píi.  
<sup>17</sup> Yá pó ãnabi Zelemii ò kè sa à mè:

18 Wà wii gbāa mà Lama,

wàle óɔlɔ, wàle búbuape.

Laseli mé lé a néo óɔlɔ,

à gí awamai, asa aa ku lɔo.§

<sup>19</sup> Ké Elodi gà, ɔ Dii malaikapi bò mò Yosefuwa Egipi nana guu <sup>20</sup> à mè: Fèle népi sé ní a dao, ní táńno Isaili bùsuu, asa gbé pó aale népi wee gâga.

<sup>21</sup> ɔ à fèle népi sè ní a dao à tárńno Isaili bùsuu. <sup>22</sup> Ké a mà Aakelau mé lé kible Yude a mae Elodi gbéu, zɔlea wekli vía aà kù. Lua yá'òè nana guu, ɔ à tà Galile bùsuu, <sup>23</sup> à gè zɔle wéle pó wí me Nazaleti. Beewa yá pó ãnabi ò kè, aa mè: Wàli mèè Nazaleti gbé.

## 3

### Zaa Da'ilena waasokéa

(Maa 1.1-8, Luk 3.1-18, Zaa 1.19-28)

<sup>1</sup> Bee gbea Zaa Da'ilena mò Yude gbáau, àlé waasoké <sup>2</sup> à mè: A nòselile, kpala pó bò Lua kíi kà kai. <sup>3</sup> Zääpi yá ɔ ãnabi Isaia ò yää à mè:

Kpàwakéna lɔɔ ma dɔ gbáau,

àlé me à zekéke Dii,

à zéwewenao pooè súsú.\*

<sup>4</sup> Zääpi iɔ yiongo ká pɔkasao daa, mé i báa sántilii dɔ a pi.†  
Kwa ní zó'io mé aà pɔblea ū. <sup>5</sup> Wí bòle Yelusaleū ní Yude gupiio

‡ 2:15 Oze 11.1 § 2:18 Zel 31.15 \* 3:3 Isa 40.3 † 3:4 2Kia 1.8

ní Yuudé dòòio, wíó gé aà kíi. <sup>6</sup> Wí n yávái o gupuau, ñ í n da'iléké Yuudéi.

<sup>7</sup> Ké Zää è Falisio n Saduseo lé mó a kíi da'iléké dasidasi, ñ a òné: Gbénazin píligona! Démé òé à báasi pökúma pó Lua a bóbomáei? <sup>8</sup> A nòselilea yá ke, wiò dò ké a lile. <sup>9</sup> Ké Ablahaú dè á dezi káau ú, ásu à e bee mé a á boo. Málé oé, Lua a fí gbeé beeo ke Ablahaú buiú ú. <sup>10</sup> Mòo dilea lídzi kò. Lua a lí pó lé né maa io zó zu téue. <sup>11</sup> Málé á da'iléké á nòselilea seela úe. Ama gbéé a mó ma gbeá, aà iko demala, mi ka mà aà sabala séléeo. Óme a á da'iléké ní Lua Nisínao ní téo. <sup>‡</sup> <sup>12</sup> A gbaana kúa a ñzí ésegbékii. Tó a fà, a a pówéna ká a dòu, i a bísá ka té gasai guu.

### Yesu da'ilékéa

(Maa 1.9-11, Luk 3.21-22)

<sup>13</sup> Ó Yesu bò Galile à mó Zää kíi Yuudéi aà a da'iléké, <sup>14</sup> Zää ye gí, à mè: Ma gbé pó má dè ní ma da'iléké ñ n mó ma kíia? <sup>15</sup> Ó Yesu wèwà à mè: Áo dè màa già, asa a maawano beewae yákeá a zéwa yáí. Ó à wèi. <sup>16</sup> Ké Yesu da'iléké, à bùa gò. Luabe wèaa, ñ à Lua Nisína è, àle su lán felenawa, à díé. <sup>17</sup> Ó wà yá'o mà bòa luabe à mè: Gbéé beeá ma Néé, má yeaàzi, ma pò kèwà na. §

## 4

### Yesu yáa

(Maa 1.12-13, Luk 4.1-13)

<sup>1</sup> Ó Lua Nisína gè ní Yesuo gbáau ké Ibiisi aà yó. <sup>2</sup> Yesu leyè fáane ní gwáasínao e gó bla. Ké nɔana lé aà dè, <sup>3</sup> ñ kɔnidépi sɔáazi à mè: Tó Lua Nén n ú, o gbeé beeó li pëe ú. <sup>4</sup> Yesu wèwà à mè: A këa Lua taalau wà mè, pobleá yá ñ gbénazína kuò adoo, sema yá pó Lua lé o píi.\*

<sup>5</sup> Ó Ibiisi aà sè gèò Lua wéleu, à aà zé Lua kpé misonaa, <sup>6</sup> a òè: Tó Lua Nén n ú, ní nzìa zu zíle, asa a këa láu Lua mè, a n yá'o a malaikaóne aa ñdama, ké ñsu gënale gbewao yáí.†

<sup>7</sup> Yesu òè: A këa Lua taalau lò wà mè, ñsuli Dii n Lua le ní gwao.‡

<sup>8</sup> Ó Ibiisi aà sè gèò lò gbésisí lesí maamaa musu, à dúnia bùsu píi bòlè ní ní àizéeo <sup>9</sup> à mè: Má n gba beeó píi, tó n wule n gbeéeu n misilémee. <sup>10</sup> Ó Yesu òè: Géi Setáu! Asa a këa láu wà mè: Kúlé Dii n Luaé, níz zóbleé ado.§

<sup>11</sup> Ó Ibiisi aà tò we sa, ñ malaikaó mó dòaàle.

\* 3:11 Zin 2.3-4    § 3:17 Soú 2.7, Isa 42.1    \* 4:4 Iko 8.3    † 4:6 Soú 91.11-12

‡ 4:7 Iko 6.16    § 4:10 Iko 6.13

*Yesu ɔkpaa a ziwa*

(*Maa 1.14-20, Luk 5.1-11, 6.17-19*)

12 Ké Yesu mà wà Zāa kù wa dàkpεu, ɔ à tà Galile. 13 I zɔlε Nazaleti lɔo, à gè zɔlε ísida sae Kapεnañε, Zabulɔni buiɔ ní Nefatali buiɔ bùsuu, 14 ké yá pó ãnabi Isaia ò ke yáai à mè: 15 Zabulɔni buiɔ ní Nefatali buiɔ bùsu za ísia oi e Yuudε baale, Galile bùsu pó buipáleɔ kuupi, 16 an gbé pó kú gusiauɔ gupua zɔɔ è, gu dò bùsu pó kú ga lézípi deɔnε sa.\*

17 Za gɔɔ bee Yesu nà waasokεawa à mè: A nòsεlile, kpala pó bò Lua kíi kà kái.†

18 Ké Yesu lé dɔ Galile ísidai, à kpɔwεnaɔ è gbεn pla, vñi ní dāunao, Simɔɔ pó wí me Piee ní a dāuna Andeleeo. Aale táalu zu ísidapi guu. 19 Ó Yesu ònε: A mo temazi, mí á ke gbεwεelenaɔ ũ. 20 Wegɔɔ aa ní táaluɔ tò we, aa bò teaàzi. 21 Ké à gè ae, à gbεn pla pález è, vñi ní dāunao lɔ, Zebedee né Zaaki ní a dāuna Zāao. AA ku gó'lena guu ní ní mae Zebedeepio, aale ní táaluɔ keke. Yesu ní sisi, 22 ɔ aa ní mae tò gó guu wegɔɔ, aa bò teaàzi.

23 Yesu iɔ Galile bùsu keele, i yádané ní lousisikpε guu, i kpala pó bò Lua kíi baokpa, i gbé gbágbá ní gyā bui píio ní kɔɔ píi. 24 Àà tó lì Sili bùsua píi, ɔ wñi moè ní gbé pó aale gyā bui dasi ge wāwākeɔ ní tǎadeɔ ní gbakɔɔndeɔ ní eeɔ píi, ɔ i ní gbágbá. 25 Wà bò Galile ní Wéléménkwi bùsuo ní Yelusalεüo ní Yudeo ní Yuudε baaleo dasidasi, wà tèaàzi.

## 5

*Báaadeɔn Yesu iwaɔ u*

(*Luk 6.20-23*)

1 Ké Yesu gbé bílapiɔ è, à dède sísíwa. Ké à zɔlε, aà iwaɔ mò aà kíi, 2 ɔ à nà yádaanéwa à mè:

3 Gbé pó aa ní gbáasaike dɔɔ mé báaadeɔ ũ, asa kpala pó bò Lua kíi de ní pó ũε.

4 Pɔsiadeɔ mé báaadeɔ ũ, asa Lua a ní sɔ níninéε.\*

5 Zìabusanaɔ mé báaadeɔ ũ, asa aame aaɔ dúnia vñi.†

6 Báaadeɔn yázede nidεnaɔ ũ, asa aame aa ká.‡

7 Báaadeɔn wénadɔnedeɔ ũ, asa Lua a wénadɔnéε.

8 Báaadeɔn nòsεpuadeɔ ũ,

\* 4:16 Isa 9.1-2    † 4:17 Mat 3.2    \* 5:4 Isa 61.2    † 5:5 Sou 37.11    ‡ 5:6 Isa 55.1-2

asa aame aa wesi Luale. §  
 9 B  aaade  n   bel  midena     ,  
 asa wali on   Lua n      .

10 B  aaade  n gb   p   w     adam   y  k  a a z  wa y  i     ,  
 asa kpala p   b   Lua k  i   de    p         .

11 B  aaade  n      , t   w      s  s   m   w     ad  w  , m   w   y  v  ai p  i    
 d  w   ma y  i  . 12 A p  onak  , i  y  alo  , asa   asea a  o   z  o   luab  . M  a  
 w     ad     abi p   k  u        a  wa.

*Yesu   wa   m   wisi   gupuauo   *  
*(Maa 9.50, Luk 14.34-35)*

13 Am      wisi    d  unia  . T   wisi    na s  t  , kpelewa w   k         g    
 wisi    l  i  ? A   ie v  l  o  , sema w   k  l  e g  b     t  a  'ow   b  asio.

14 Am      gupua    d  unia  . W      l  e p   wa k  l  e s  i  s  i   musu l  i   e       u  l  ao. 15 W  ili filia na w   p  ena k  l  ew  ao. W  i   di d  auwa  , i   gupu  
 g  b   p   k  u   ua  ne. 16 A gupu g  b     ne beewa, aai   maake  a   e, aai  
    Mae p   k  u   musu s  aukp  a.\*

### *M  izi ikoya b  ok  ke  a*

17 Asu    e ma m   M  izi ikoy        anabi   y  a   b  d  ei no. Mi m    
 a kee b  d  eo, ma m   papai  . 18 Siana m  l  e o  , luabe    d  uniao a  
 g  ,   ma Luay  taala w  s   n  na ge a p   kelenae a b  d  eo, y  pii a  
 k  . 19 Ay  meto t   g  b   y   p   wa d  l  ep  i   m  endo g  b  a  , baa a p   p    
 k  s  aa  n  zi, m      da g  b     ne aa k   m  a  , ade a  o   k  s  aa  n  zi kpala p    
 b  Lua k  i   g  b     ue. T   g  b   k  u   m      dan   m  a   s  , ade a  o   z  o    
 kpala p   b  Lua k  i   g  b     ue. 20 M  l  e o  , t      m  a   i   de M  izi  
 ikoy  dan  de      Falisi  l  ao,    g   kpala p   b  Lua k  i   guuo.

### *P  ok  uma*

21 A m   wa    y  a  de  ne aasuli g  b  d  eo. G  b   p   g  b  d  , wa  
 y  kpale  ke  a  n  .† 22 Mapi s  m  l  e o  , g  b   p   a p   p   a g  b  dee  zi,  
   k   w   y  kpale  ke  a  n  . G  b   p   a g  b  dee   s  s   k   w   g  ea  n    
 g  b  a  de   k  i  . G  b   p      a g  b  dee   misaide s     k   a  a   g  t  e  . 23 T    
 n   m   Lua g  bai p   a g  bagb  ak  ii, m      d  ongu wek  ii k   n   g  b  dee  
 y  k  u  anno  , 24   n   n   g  ba to sa  ok  ii a   we, n   g  e   awakpa g  b  pi  e   g  ia,  
 n   e   su    sa  o   sa. 25 T   n   ib  e   ye g  enn   y  kpale  , k   kpakpa  
 k  ea  n   na e a  a   d  az  eu, k   asu n   k  pa y  kpale  kenawao y  i  . T   ni  
 k   m  a  ao, y  kpale  kenapi a  n   k  pa d  aiwa  , i  n   dakpe  u. 26 Siana  
 m  l  e on  , f  y  b   weo e   n   g  e      flaboo  . Baa t  anga a   g   tenzio  .

### *G  bas  k  ea*

27 A m   w   m        s  uli w  l  e    g  b  p  ale n  oo.‡ 28 Ama mapi m  l  e  
 o  , t   g  b   n  e   gw      l  a  s  oo p  ale  ,    g  b  as  k  ea  n   we k  . 29 T  

n oplaa wé mé tò nle fu, bɔ n vúaa. N megue vúaaa maa de wà n mè búu zu téula. <sup>30</sup> Tó n oplaa mé tò nle fu, zɔ n vúaa. N megue vúaaa maa de n mè búu taa téula.

### *Gia nozi yá*

(Mat 19.9, Maa 10.11-12, Luk 16.18)

<sup>31</sup> Wa ò lɔ, tó gbé lé gí a nazi, aà gínsila kpawà. <sup>32</sup> Mapi sɔ málē oé, tó gbé gí a nazi, mé i ke à gbásikè no, aà zápi mé tò à gɔ gbáside ū. Tó gbé nɔ pó wà gíi sè sɔ, à gbásikèe.

### *Lek ea Luawa*

<sup>33</sup> A mà wa ò yāadeɔne lɔ, aali lé pó aa kè Diiwa kε, aasuli bɔ a kpeo.\* <sup>34</sup> Mapi sɔ málē oé, ásuli me á sì n Luao seo. Asuli me á sì n luabεoo, asa Lua kpalabaaε, <sup>35</sup> ge dúnia, asa Lua gbadibɔε,† ge Yelusaleū, asa Kíá zɔɔ wéleε.‡ <sup>36</sup> Nsu me n̄ sì n̄ n mioo, asa n̄yɔ fɔ n̄ n mikā mèndo puakū ge n̄ a siakūo. <sup>37</sup> Ali me ao ge aawo. Yá pó de beeaa bɔ Setāu kíie.

### *Tɔsiama*

(Luk 6.29-30)

<sup>38</sup> A mà wà mè wà wé flabo n̄ wéo, swaa n̄ swaaao. <sup>39</sup> Mapi sɔ málē oé, ásuli gí taiinaio. Tó gbé n̄ sānke n oplaa gεewa, n̄ n ozeε pɔ dɔè lɔ. <sup>40</sup> Tó gbé ye n̄ danzii yákpalekennɔ, n̄ n ulada toè lɔ. <sup>41</sup> Tó gbé teasidànε n̄ asoseε kiloo do, gεoè kiloo pla. <sup>42</sup> Tó gbé wabikèma, n̄ aà gba. Nsu gbé pó ye pó sεama tεo.

### *Yea ibεεzi*

(Luk 6.27-28, 32-36)

<sup>43</sup> A mà wà mè àɔ ye á gbédeezi, à za á ibεεgu.\* <sup>44</sup> Mapi sɔ málē oé, àɔ ye á ibεεɔzi, à wabike gbé pó aa iadawáɔne, <sup>45</sup> kε à gɔ á Mae pó kú musu néɔ ū siana. Asa i latε bɔ gbεvāiɔne n̄ gbεmaaɔ píie, i lou ma tāaesaidεɔne n̄ tāaedeo píie. <sup>46</sup> Tó gbé pó yeáziɔ ū á yeázi, á àie e Lua kíie? Baa ośinaɔ lí kε māao lé? <sup>47</sup> Tó á gbé ū i fɔkpakpamá n̄tεe, bó á deò dālai? Baa luayādɔnsaiɔ lí kε māao lé? <sup>48</sup> Ayāmeto àɔ kú wásawasa lá á Mae pó kú musu kú wásawasawa.†

## 6

### *Gbé gbaa pɔ*

<sup>1</sup> A laaika á lousisiyákεa gupuauzi. Asuli kε gbεnazīna wé yáio. Tó álé ke māa, á ài'e á Mae pó kú musu kíio. <sup>2</sup> Tó nle taaside gba pó, n̄su n̄ a kpàwakε lán moafilideɔwao. Aa i ke lousisikpεo guu n̄ gāaεɔ, kε gbé e n̄ tɔnasi yáie. Siana málē oé,

---

§ 5:31 Iko 24.1-4 \* 5:33 Nao 30.3 † 5:35 Isa 66.1 ‡ 5:35 Sou 48.3 § 5:38  
Bøa 21.24 \* 5:43 Lev 19.18 † 5:48 Lev 19.2

aa n̄ ài èn we kò! <sup>3</sup> Mpi, tó n̄le taaside gba pó, n̄su to n̄ ozeε dō lá n̄ oplaa lé kεo. <sup>4</sup> To n̄ gbadaa kε asiyyā ū, n̄ Mae pó asiyyā dō i a flabone.

*Wabikea*  
(Luk 11.2-4)

<sup>5</sup> Tó ále wabike, ásu ào de lán moafilidewao. Aaļo ye wabikea zea lousisikpeui n̄ zékpaa, kέ gbéo n̄ e yáie. Siana málē oé, aa n̄ ài èn we kò! <sup>6</sup> Mpi, tó n̄le wabike, gε n̄ kpεa, n̄ gbata, n̄ wabike n̄ Mae pó kú we asii guuwa,\* n̄ Mae pó asiyyā dō i sinno. <sup>7</sup> Tó ále wabike, ásuli yābōle dasi lán luayadōnsaiwao. Aaļo e n̄ yābōlea dasi mé a tó n̄ yá ká. <sup>8</sup> Ásu ào deñwao, asa á Mae pó pó á a ni v̄i dō e ào ḡe gb̄eaiwa. <sup>9</sup> Ali wabike à me:

Wá Mae pó kú musu,  
to wà n̄ tó kuaadoakε dō,  
<sup>10</sup> to kpala pó bò n̄ kíi bò gupuau,  
wīo n̄ p̄oeā ke dúnia guu lá w̄i ke n̄ kíiwa.  
<sup>11</sup> Wá gba ú pó wá ble gbā.

<sup>12</sup> Wá tāaeo kέwá,  
lá wi gbé pó tāaekèwēeo kέwa.

<sup>13</sup> Nsu to wà fu ȳawao,  
wá kέ vāiwa.

<sup>14</sup> Tó a gbéo kέ n̄ n̄ tāaeo, á Mae pó kú musu a á kέ s̄e. <sup>15</sup> Tó i gbéo kέ n̄ n̄ tāaeo s̄o, á Maepi a á kέ n̄ á tāaeo.

*Leyea*

<sup>16</sup> Tó á leyea s̄o, ásuli oosisi lán moafilidewao. Aaļi n̄ oa fénkpa kέ gbéo e dō wa leyea yáie. Siana málē oé, aa n̄ ài èn we kò! <sup>17</sup> Mpi, tó n̄ leyea, oopi, n̄ n̄sidoo, <sup>18</sup> kέ gbéo su dō n̄ leyean, sema n̄ Mae pó kú asii guu bāasio. N̄ Mae pó asiyyā dōpi i a flabone.

*Aizeε*  
(Luk 11.33-36, 12.33-34, 16.13)

<sup>19</sup> Asu àizeε kāaaázi dúnia guu lao. Lak̄ii kòoo n̄ pótānkapeao i pó ɔ̄kpau, mé kpái i guf̄aa póo s̄ele. <sup>20</sup> A á àizeε kāaa luabe. Wek̄ii kòoo n̄ pótānkapeao lí pó ɔ̄kpauo, mé kpái i lí guf̄aa póo s̄eleo. <sup>21</sup> Gu pó n̄ àizeε kúu, wek̄ii ū n̄ laai ū kuu.

<sup>22</sup> Wé mé me filia ū. Tó n̄ wé kú gudoū, n̄ mè būu āo gupua v̄ie. <sup>23</sup> Tó n̄ wé kú plapla s̄o, n̄ mè būu āo gusia v̄ie. Tó gupua pó n̄ kūa de gusia ū, gusiapi z̄oo. <sup>24</sup> Gb̄ee lí f̄o z̄oblè dii mèn plaeo. Āo za gb̄edogue, īo ye gb̄edozi. A na gb̄edowa, īo saka gb̄edogu. A f̄o āo z̄oble Luaε n̄ ūao s̄anuo.

\* 6:6 2Kia 4.33

*Luanaaik a  
(Luk 12.22-31)*

<sup>25</sup> Ay meto m le o ,  suli   w ni k ake p blea ge imia y  musuo.  suli me k ake p kasa  y  musuo. W ni de p blealao l ? Me de p kasalao l ? <sup>26</sup> A gwa b wa. Aali p t o, aali p kekeo, aali p  k  d  guuo, k si   Mae p  k  musu   ble kp m c . A de b la maamaae f ! <sup>27</sup> A guu,   d me a f    a w ni gb a  k fl, baa g  do, a y k ak a  guui?

<sup>28</sup> B y i i p kasa y k ak ei? A l  vude  gwa s u, l  aa de. Aali z lk o, aali bua t o, <sup>29</sup>  ma m le o , baa Salom  n  a  dekeo, i ulada a maa k  n  keewao.<sup>†</sup> <sup>30</sup> S a l  p  k  gb  m  a t k  ziapi, l  Lua   p  nai m a ,  pi , wa   p  o l e? Luanaaif n nde ! <sup>31</sup> Ay meto  suli p e k ake   me, b  w  blei, ge b  w  mii, ge b  w  daio. <sup>32</sup> Luay d nsai    p  bee  p i  y    d aan . L    Mae p  k  musu d  k  p  bee  ni kuw , <sup>33</sup>   to kpala p  b    k i n  y  p  z v  Luapieo d aa  g ia, i p p i  k aa  p i . <sup>34</sup> Ay meto  su zia y k ak o, asa zia az a y  d . G op i  taasi m w .

## 7

*K t ae'ea  
(Luk 6.37-38,41-42)*

<sup>1</sup>  suli k t ae eo, Lua a  t ae e s o. <sup>2</sup> Asa l  ni gb t ae e, m a  Lua a n t ae e. Zaa p  n  y u gb     Lua a y un . <sup>3</sup> B y i n l  s k na p  da n gb dee w u e, m  n l  l  mi na p  da n w u y da  ni? <sup>4</sup> K  l  mi na da n w u, kpelewa n y  o n gb dee : To m a  s k na p  da n w u b ne ? <sup>5</sup> M afilide, l  mi na p  da n w u b  g ia, n  gu e w sawasa k  n  e s k na p  da n gb dee w u b  . <sup>6</sup> Asu Lua p  kp gb w o.

Aa lia  n  aa  t aitai .

Asu  os o  zu s awakusana ne .

Aa t a o'ow  .

*Wabikea  
(Luk 11.9-13)*

<sup>7</sup> A wabike, Lua i kp w . A we le,   e. A gbal , Lua i w  . <sup>8</sup> Asa gb  p  wabik , wa kp w  . Gb  p  w  le s o a ee . Wa z w e  gb  p  gbal  . <sup>9</sup> A guu, d me a g e k pa a n wa, t o   p   wabik w  ? <sup>10</sup> Ge t o   k p  wabik w , a p l igona kp w  y  ? <sup>11</sup> Baa n    v ik o,   p oma  k aa    n wa d . Wa   Mae p  k  musu p oma  k aa  gb  p  aa wabik w  a  p  o l e?

<sup>12</sup> A k e gb ne  l    ye aa k ew . M izi ikoy  n anabi  y   min we .

*Z  le tuuuna  
(Luk 13.24)*

<sup>†</sup> 6:29 1Kia 10.4-7

<sup>13</sup> A zéle tuuuna sé. Zé pó a lé yàasa mé a dèepookái ví i géñno kaale guue. Bee õ gbé daside lé sé. <sup>14</sup> Zé pó i géñno àizâna guu lé tuuuñ mé a naaa, mé gbé pó aa è lé séo bílao.

*Gbé dža a yákewa  
(Luk 6.43-44, 13.25-27)*

<sup>15</sup> Alaaika ãnabi egénaazi. Aaĩ mó á kíi sã báa daa, àwalewan noandenaon n̄ ũ sõ. <sup>16</sup> A n̄ d̄ ñ yákewa. Wili kuke lè líwao. Wili kpa bo kaaewao. <sup>17</sup> Lí maa i né kefena i, lí väi i né gia i. <sup>18</sup> Lí maa lí f̄ n̄ gio io, mé lí väi lí f̄ n̄ kefena io. <sup>19</sup> Wi lí pó lí né maa io z̄ zu téue.\* <sup>20</sup> Beewa á n̄ d̄ ñ yákewa.

<sup>21</sup> I ke gbé pó i omee Dii, Dii, mé a ḡ kpala pó b̄ Lua kíi guuo, sema gbé pó i ma Mae pó kú musu pœä ke. <sup>22</sup> Yákpalekégoozi gbé daside o mée: Dii, Dii, wiLua yá'oné n̄ n̄ tóoo lé? Wi táago n̄ n̄ tóoo lé? Wi dabudabu ke dasi n̄ n̄ tóoo lé? <sup>23</sup> Má oné wásawasa: Má á d̄ gueio, à gomala vâikenao!†

*Kpebon gbéon plao  
(Luk 6.47-49)*

<sup>24</sup> Ayámeto gbé pó ma yáe bee ñ mà mé à zikèwà de lán gbé laaide pó a kpédò gbewawa. <sup>25</sup> Ké lou mà, i dàgwa, íana kâka sù kpépiwa, õ i kwéo, ké wa dàale gbewa yái. <sup>26</sup> Gbé pó ma yáe bee ñ mà mé i zikewào de lán misaide pó a kpédò bùsu'ufaawawa. <sup>27</sup> Ké lou mà, i dàgwa, íana kâka sù kpépiwa, õ à kwé à lèle wíliü.

<sup>28</sup> Ké Yesu yá bee ñ ò a làa, àa yádaané b̄ bila sae, <sup>29</sup> asa i yádané lá Mɔizi ikoyâdanedeowao, a dàné n̄ ikooe.

## 8

*Kusude gbágbaa  
(Maa 1.40-45, Luk 5.12-16)*

<sup>1</sup> Ké Yesu pila sísíwa, bila teaàzi. <sup>2</sup> Ò kusude mò kùle aà ae à mè: Dii, tó n̄ wei, nýõ f̄ n̄ gbâbomée. <sup>3</sup> Yesu obò nàwà à mè: Ma wei. Gõ gbâlesai. Wegõ gõepi kusu làa. <sup>4</sup> Ò Yesu òè: Ma. Nsu o gbée mao. Ge n̄ nzia obò sa'ona, ní sa pó Mɔizi dîle o n̄ gõa gbâlesai seela ü gbéone.\*

*Sosao gbézõo zikëna gbágbaa  
(Luk 7.1-10)*

<sup>5</sup> Ké Yesu lé ḡ Kapenaü, õ sosao gbézõo mò aà kíi, à wabikèwà à mè: Dii, ma zikëna wúlea be, à kâaü, àle wâwâke maamaae. <sup>7</sup> Ò Yesu òè: Má gé mà aà gbágba. <sup>8</sup> Ò gbézõopi òè: Dii, mi ka n̄ gé ma beo. Baa tó n̄ yá'ò, ma zikëna a gbágba. <sup>9</sup> Mapi, wa iko

\* 7:19 Mat 3.10 † 7:23 Sou 6.9 \* 8:4 Lev 14.2-4

víaε, mé má iko vĩ sosaçwa. Mi o an gbẽdoe aà gé le, i gé. Mi o a pâlee aà mɔ ke, i mó. Mi o ma zíkənae aà ke kewa, ã i ke.

<sup>10</sup> Ké Yesu yápi mà, à bò aà sae, ã a ò gbé pó aa teaziøne: Slana málε oé, mi e gbé ma náaikè kewa Isailiø guuo. <sup>11</sup> Málε oé, gbé bɔ gukpe ñ be'aeo dasidasi aa mɔ bleblei n Ablahaüo ñ Izaakio ñ Yakobuo kpala pó bò Lua kíiu. <sup>12</sup> Gbé pó de yãa aa ku kpalapi guuo sõ, wa ñ zu bâasi gusiaue. We aa õolou aa õdi ñ musu. <sup>13</sup> O Yesu ò sosaç gbézöøpie: Ta be. A kene lá n ma náaikèwa. O aà zíkənapi gbâgbâ zibeezi gôø.

*Yesu gyæø gbâgbâ dasidasi*

(Maa 1.29-34, Luk 4.38-41)

<sup>14</sup> Yesu gè Piee be, ã a è aà nada wúlea, àle mèwâake. <sup>15</sup> Ké à õkà aà ñwa, aà me níni, ã à fèle blekèè.

<sup>16</sup> Ké oosi kè, ã wà mò Yesue ñ tâadeø dasidasi, ã à tâapiø gònë n yã'oao, à gyæø gbâgbâ píi. <sup>17</sup> Mâa yá pó ânabi Isaia ò kè à mè:

A wá gbâasaike sè,  
à wá gyãø gòwá.<sup>†</sup>

*Gbé pó aa ye te Yesuziø*

(Luk 9.57-62)

<sup>18</sup> Ké Yesu è bîla kâaaazi, ã a ò a ïwaçne: Wà bua ísida baale.

<sup>19</sup> O Mɔizi ikoyâdanëdee mɔ ò Yesue: Metulu, gu pó ñle géu píi máo tenzie. <sup>20</sup> O Yesu òè: Gbêgbonaø ñ tòò vĩ, bâo ñ sakpe vĩ, Gbénazin Né sõ a ïampakii vio.

<sup>21</sup> O ïwa pâle òè: Dii, to e ma de'ia kpagui già. <sup>22</sup> O Yesu òè: Temazi. To geø ñ geø vĩ.

*Yesu zâa'lanæ zeæ*

(Maa 4.35-41, Luk 8.22-25)

<sup>23</sup> Yesu gè gó'ilena guu, ã aà ïwaç dàzeuaàno. <sup>24</sup> Kândo zâa'lan gbâa kâka ísidaa, i vïvï lé pélepele ñ góu. Yesu lé i'o, <sup>25</sup> ã aà ïwaç sâaàzi, aa aà vù aa mè: Dii, wá suaba, wâlé kaalee. <sup>26</sup> O Yesu òñé: Luanaaifënënde! Akeá á sea vî màai? O à fèle gî ïanaæ ñ ío, ã gu níni kílikili.<sup>‡</sup> <sup>27</sup> Yápi bò gbépiø sae aa mè: Gbé kpeletaan wei? Baa ïana ñ ío aaí aà yâmae.

*Tâaø dia sâwawæne*

(Maa 5.1-20, Luk 8.26-39)

<sup>28</sup> Ké Yesu bùa baale Gadala bùsuu, tâade gbéøn plaeø bò gbé'e pó de mia üø guu, aa mò dâaâle. Aa pâsi maamaae, gbé lí fñ zépi sèo. <sup>29</sup> Aa wiilè aa mè: Bóme wá daai, Lua Né? N mɔ ïadaiwála e a goø àò ka yâ? <sup>30</sup> Sâwakusan waiø kúrño kâaa, aale pôble. <sup>31</sup> O tâapiø awakpâ Yesue aa mè: Tó n wá yá, wá

<sup>†</sup> 8:17 Isa 53.4    <sup>‡</sup> 8:26 Sou 107.28-29

gbae sàwa wai keeo guu. <sup>32</sup> Ⓛ Yesu òné: A gé. Ⓛ aa gò gbépiowa, aa dí sàwaoné. Ⓛ sàwa waipi wí ní bao pii, aa pila sònawà aa sí ísida, ɔ aa gàga í guu we. <sup>33</sup> Ⓛ sàwadànao bàalè tà wéle guu, aa yápi dàu aa sìuné ní yá pó tåadeo lèo pii. <sup>34</sup> Ⓛ wéledeo bòle gè dai Yesule mìpii. Ké aa àà è, aa awakpàè aa mè aà bònè ní bùsuu.

## 9

### *Gbëkaaua gbágbaa*

(Maa 2.1-12, Luk 5.17-26)

<sup>1</sup> Yesu gè gó guu, à èa bùa ísida, à kà a be wéleu.\* <sup>2</sup> Ⓛ wà mòè ní gbëkaauao wúlea mákeleu. Ké Yesu è gbépi a náai vî, ɔ a ò gbëkaauapi: Ma gbé, sôdile! N duuna këma. <sup>3</sup> Mɔizi ikoyàdanedeo ku we, ɔ aa ò ní sô guu: Gbé bee lé dóé ní Luaoe. <sup>4</sup> Yesu ní làasoo dɔ, ɔ à ní lá à mè: Bóyái a làasoo vãi dà á sô guui? <sup>5</sup> Tó má ò aà duuna këwà, ge tó má ò aà félé tå'a'o, a kpele mè àai? <sup>6</sup> Má ò màa ké à dɔ Gbënazin Né duunakëama iko vî dúniaue. Ⓛ a ò gbëkaauapi: Félé n n mákelè se ta be. <sup>7</sup> Ⓛ à félé tà a be. <sup>8</sup> Ké bíla è màa, vía n kú, aa Luu pó iko bee taa kpà gbënazina wa sáaukpà.

### *Matiee sisia*

(Maa 2.13-17, Luk 5.27-32)

<sup>9</sup> Yesu bò we àlé gë, ɔ à gbé pò wí mè Matiee è zòlèa a ɔsikpeu. Yesu òè: Mɔ temazi. Ⓛ à bò tæaàzi. <sup>10</sup> Ké Yesu lé pòble aà be, ɔsinao ní luayàdansai ku we dasi, aale pòbleaànò ní aà iwaò sànu. <sup>11</sup> Ké Falisiò è màa, ɔ aa aà iwaò là aa mè: Bóyái á dii lé pòble n ɔsinao ní luayàdansai? <sup>12</sup> Ké Yesu yápi mà, à mè: Gbé gbàa baa kú n lòotoooo, sema gyâe. <sup>13</sup> A ge làasooke yá pò këa lâue bee miwa wà mè:

Gbëkèkeakò ò má yei,  
i ke sa'oà no.<sup>†</sup>

Mi mò gbëmaao sisii, sema duunkena.

### *Leyea*

(Maa 2.18-22, Luk 5.33-39)

<sup>14</sup> Ⓛ Zää Da'iléna iwaò mò Yesu là aa mè: Akëa wápi ní Falisiò, wí ye mòmò, mé n iwaò lí ye sô? <sup>15</sup> Ⓛ Yesu yâlèeñé à mè: Nôsenà gbé pòsia ke gò pò a kúñno nôse guue? Aawo, ãma a gò lé mó kékwa nôsenapi bò ní guu, gò bee ɔ aa leye sa. <sup>16</sup> Gbëe lí pòle dafu di pòkasa ziuo, asa a dafu a sôsue, aai kô gá, ula zi fâa i kâfî. <sup>17</sup> Wili vëe dafu kâ báa tùu zi guuo. Tó wa kë màa, tùupi a pûnae, vëe i kôle, tùu i ɔòkpa. Aawo, wí vëe dafu kâ báa tùu dafu guue, aai maa pii.

\* 9:1 Mat 4.13    † 9:13 Oze 6.6

*Nenɔena vua n̄ nɔe pó ɔkà Yesu ulawao  
(Maa 5.21-43, Luk 8.40-56)*

18 Goo pó Yesu lé yá beeɔ oné, gbāadee mò kùlèè à mè: Ma nenɔena kèsai tia. Mɔ n̄ ɔnawà, i vu. 19 Ḍ Yesu fèlè tèaàzi n̄ a ìwao.

20 Nɔee ku we, au lé bɔlewà à kà wè kuεpla. A mò ɔkà Yesu ula léwa aà kpe. 21 Asa nɔepi lé me: Baa tó ma ɔkà aà ulawa lé, má gbāgbāe. 22 Yesu lili à aà è, ɔ à mè: Sɔdile, nɔe! Ma náai pó n̄ kè mé n̄ gbāgbā. Wegɔ nɔepi gbāgbā.

23 Ké Yesu kà gbāadepi be, a è wàlè kulepε, bíla kɔfì dɔ. 24 Ḍ Yesu mè: A ázìa gá. Nenɔenapi i gao, àlè i'oe. Ḍ aale Yesu ke póɔpoo. 25 Ké wà bíla gbāe, ɔ Yesu gè kpéu à népi o kù, ɔ à fèlè. 26 Ḍ yápi bao lì bùsupia píi.

### *Vìa gbāgbāa*

27 Ké Yesu bò we, vìa gbēon plao teaaizi n̄ wiio aa mè: Wá wénagwa, Davidi Bui! 28 Ké Yesu kà be, vìapi sɔaàzi, ɔ à n̄ lá à mè: A ma náai vî ké má fɔ yápi keéa? Aa wèwà aa mè: Ao, Dii. 29 Ḍ à ɔkà n̄ wéwa à mè: A keé lá álé ma náikewa. 30 Ḍ an wé wè. Yesu lé lèné à mè: Åsu o gbēe mao. 31 N beeo aa gè aà bao fàaa bùsupiu píi.

### *Yesu wénadža gbēon*

32 Goo pó vìa lé bɔle, wà mò Yesue n̄ tǎade léna naaleao. 33 Ké Yesu tǎapi gòè, ɔ à yã'ò. Yápi bò bíla sae aa mè: Wi yá bee taa e Isaili bùsuu yääo. 34 Ḍ Falisi mè: I tǎa go n̄ tǎa kia gbāaoe.

35 Yesu mεewia n̄ zɔewia kεele píi, à yādānè n̄ lousisikpε guu, à kpala pó bò Lua kíi baokpànè, à gyaeo gbāgbā píi n̄ kòo píi.‡ 36 Ké à bíla è, ɔ à kèè wénau, asa aa kpasaan mé aa liaaa lán pó dāna viowae.§ 37 Ḍ Yesu ò a ìwaoné: Pɔkeke a zɔo mé zikena dasio. 38 A wabike Budewa aà zikena gbae a pó kekei.

## 10

*Yesu ìwaɔ  
(Maa 3.13-19, Luk 6.12-16)*

1 Yesu a ìwa gbēon kuεpla sisi, ɔ à n̄ gbá iko aa tāago gbēwa, aa gyaeo gbāgbā píi n̄ kòo píi. 2 Zina gbēon kuεplapi tón ke: Gbē séia Simoo pó wí me Piee, aà dāuna Andelee, Zebedee né Zaaki, aà dāuna Zāa, 3 Filipi, Batelemii, Tomaa, osina Matiee, Alafe né Zaaki, Tade, 4 Simoo Ginziao n̄ Yudasi Isaliɔti pó bò Yesu kpeo.

‡ 9:35 Mat 4.23 § 9:36 Nao 27.17, 1Kia 22.17

*Yesu a iwa gbēn kuεplāz zīa  
(Maa 6.7-13, Luk 9.1-6)*

5 Ké Yesu lé gbēn kuεplāz zī, a òné: Åsu gé buipālē kíi oio. Åsu gë Samali wéle guuo. 6 A gé Isaili pó aa sásāa lán sāowāo kíi. 7 A gé ío waasoke ào geò à me: Kpala pó bò Lua kíi kà kái! 8 A gyāe gbágbā, à ge vu, à gbābō kusudeñé, à tāagoné. Lá á è pókpasai, à kené pósisai. 9 Åsu ào ña kúao, baa ñsɔgbéna. 10 Åsu babalaboo seo ge ula plaade ge kyale ge gopana, asa zíkēna kà à a ble e. 11 Wéle pó ásu kau píi, mèewia ge zjewia, à gbēmaa kpákpa à pilawà, ío ku we e à ge gëò zéa. 12 Tó a gë ua, í fñ na kpámá. 13 Tó uadeo kà, á fñ na a gñé. Tó aai kao sñ, á fñ na a ea suwáe. 14 Gu pó wi gbāakpauázio ge wi swáse á yáio, à bō ua bee ge wéle bee guu, í kóolemá. 15 Siana málē oé, yákpalekegcozi wélepideo iadama e de Sodū ñ Gomoco bùsudeo la.\*

*Yesu yá pó a a iwa le oané  
(Maa 13.9-13, Luk 12.2-9, 21.12-17)*

16 Málē á zí sāo ū àwalewanao guue. Åo laai vñ lán mléowa, ío de yäesaideo ū lán felenaowa. 17 A laaika gbēnazinazí, asa aa á kú aa yákpalekeáno, aai á gbē ní fláalao ní lousisikpeo guu. 18 Wa géano bùsu gbāadeo ní kíao kíi ma yá. Bee a á gba zé ào dené ma seeladeo ū ní buipālē. 19 Tó wà á kpámá, ásu bílike yá pó á o ge yá pó á líwào. Zibeezi Lua mé a yá pó á o sóso káé á léu. 20 I ke áme á yá'oo, á Mae Nisína mé a sóso káé á léu.

21 Vñi ní dāunao kñ kpámá dea yá. Måa maeo ní néo kpámá. Néo bō ní de ní dao kpe wà ní de. 22 Gbépii a zaágu ma yá, åma gbé pó zea gbāa e a gco léwa a bō. 23 Tó wàle iadawá wéleu, à bàale ta a páleu. Siana málē oé, á e Isaili bùsu wéleo keele píio, ñ Gbēnazin Né a mó. 24 Iwae lío de a yádanedelao. Zòblenae lío de a diilao. 25 Tó iwa a yádanede lea lè, ge tó zòblena a dii lea lè, bee mòwà. Tó wà tókpà uabele Beezebu, tó pó a väi de beea ñ wa kpa aà uadeo.

26 Åsu viakeneo. Yá pó uléa píi a bō gupuau, mé asiiyæe ku ké wa gí dñio. 27 A yá pó málē oé gusiau o gupuau. A yá pó ále ma bùnu guu kpàwake gääe. 28 Asuli viaké gbé pó aai gbéde, aali fñ aà nisína dèoñeo. Ali viaké Luæ, asa a fñ gbé ní a nisínao kaale té guu píi. 29 Wili gólegolen mèn pla yía dalao lé? Kási an kee wá lí su tóole á Mae lé saio. 30 Apio sñ, baa á mikå, a a lé dñ. 31 Ayämeto ásu viakéo. A beee de gólegolen dasiøla.

32 Gbé pó zèmano gbé aë, má zeaànó ma Mae pó kú musu aë. 33 Gbé pó lelekpàmazi gbé aë, má lelekpaàazi ma Mae pó kú musu aë.

\* 10:15 Daa 19.24-28

<sup>34</sup> Asu à e ma mō kē gbéō aaō na ní kō dūniau no. Mi mō kē gbéō aaō na ní kō yái no, sema fēlēa ní kō. <sup>35</sup> Ma mōe, kē gōe bō a de kpe, nōe bō a da kpe, nōzāē bō a zāda kpe. <sup>36</sup> Gbē bēdeō gō aà ibēē ū.† <sup>37</sup> Gbē pō ye a de ge a dazi dēmala i ka àō de ma īwa ūo. Gbē pō ye a negōe ge a nōezi dēmala i ka àō de ma īwa ūo. <sup>38</sup> Gbē pō i a lipāakō se àō teomazio i ka àō de ma īwa ūo. <sup>39</sup> Gbē pō a wēni kūa, wēnipi a vūaawà. Gbē pō gī a wēnii ma yái sō, ade mé aō wēni vī.

<sup>40</sup> Gbē pō á dīlē, ade ma dīlēe, mē gbē pō ma dīlē gbē pō ma zī dīlēe. <sup>41</sup> Gbē pō ãnabi dīlē aà ãnabikē yái a ãnabi asea e. Gbē pō gbēmaa dīlē aà maake yái a gbēmaa asea e. <sup>42</sup> Baa í niē, gbē pō dà néē beeō doe ma īwakē yái, sīana málē oé, a kua a aseawao.

## 11

### Zāa Da'ilēna zīnaō (Luk 7.18-35)

<sup>1</sup> Ké Yesu yá beeō dà a īwa gbēōn kuēplāone a làa, à bò we à gè waasokei ní wéleō guu, àle yādané.

<sup>2</sup> Zāa kua kpēu à Kilisi yākēaō mà, ᳚ à a īwaeō zī <sup>3</sup> aa aà lae, ᳚mē gbē pō a mō ūa, ge wàō wedō gbēpālezi? <sup>4</sup> O Yesu wēmā à mè: A ge yá pō ále ma mē ále e o Zāaē à mē,

<sup>5</sup> vīlaō lé gu'e, eeō lé tāa'o,  
wàlē gbābō kusudeōne,  
swādōō lé yāma, geo lé vu,

mē taasideō lé baona waaso ma.\*

<sup>6</sup> Bāaadēn gbē pō lí fu ma yāwao ū.

<sup>7</sup> Ké gbēpiō tā, Yesu nà Zāa yā'oa bílaewa à mè: Bó a ge gwai gbāau? Fee pō īana lé deedee yā? <sup>8</sup> Bó a ge gwai sai? Gbē pō pōkasa zāē naaazi yā? Pōkasamaadanaō īō ku kibēe. <sup>9</sup> Bó a ge gwai wei? Anabi yā? Ao! Málē oé, a de se ãnabia. <sup>10</sup> Asa Zāa yá wa ò taalau wà mè:

Má a zīna gbae aà dōaa zekēkēnē.†

<sup>11</sup> Siana málē oé, nōe ne'ia guu ãnabie i bō à kà Zāa Da'ilēnawao.

N beeō gbē pō de gbē kpeē ū kpala pō bò Lua kīi gbēō guu deaàla.

<sup>12</sup> Za gōō pō Zāa Da'ilēna waaso dàale e gbā, wàlē kōdē wà e gē kpalapiu, ᳚ wàlē siu ní gbāao. <sup>13</sup> Mōizi ní ãnabiō pīi dōaa aa a yā'ō e à gè pē Zāawa. <sup>14</sup> Tō á fō à sí, Zāapi mē Elia pō wà mè a mō ū.‡ <sup>15</sup> Gbē pō nōsē vī aà yāpi ma.

<sup>16</sup> Bó má gbāgbēō leeūdi? Aa de lán né pō aa ku gāae aale lezukōjōwaē<sup>17</sup> aale me:  
Wa kule pēé, i ūwāo.

† 10:36 Mis 7.6 \* 11:5 Isa 35.5-6, 61.1 † 11:10 Mal 3.1 ‡ 11:14 Mal 3.23

Wa wēnale sīé, i ázīa gbēgbēo.

<sup>18</sup> Ké Zāa mò, ili pēe soo, ili vēemio, ñ wà mè tāadee. <sup>19</sup> Ké Gbēnazin Né mò, i pōble, i imi, ñ wà mè: Asiade wēmina, osina ñ luayādansai gbēnae! Ama wī Lua ñno dō a yākēa gbēwae.

*Yesu zoadja wēleeo deewa  
(Luk 10.13-15)*

<sup>20</sup> ○ Yesu fēle zoadjò wēle pō à a dabudabu daside kēu gbēwa, kē aai nōselileo yāi. <sup>21</sup> A mè: Waiyoo Kolazēnide! Waiyoo Besaidade! Tó wà dabudabu pō má kēé kē Tii ñ Sidō yāa, § dō wēlepideo zwānkasa kākanila, aa būsukà ñ miu nōselilea seela ū. <sup>22</sup> Málē oé, yākpalekegōzī á iadama a de Tiide ñ Sidōde pōa. <sup>23</sup> A Kapēnaūde sō á fō gbā zō Luawa yā? Wa ozāzie e bedau.\* Asa tó wà dabudabu pō má kēé kē Sōdō yāa, dō a ku e ñ a gbāo.† <sup>24</sup> Málē oé, yākpalekegōzī á iadama a de Sōdō pōa.

*Kámaboa Yesu kīi  
(Luk 10.21-22)*

<sup>25</sup> Zibeezi Yesu mè: Baa, musu ñ zíleo Dii, ma n sáaukè, kē n yāe bee ñle yādōnaone ñ ñoode, mé ñ òlo ladōnsaione. <sup>26</sup> Ao, Baa, bee kāngu māa. <sup>27</sup> Ma Mae pōpii nāmee ma ozī. Gbēe Lua Né dō, mé i ke Mae Lua bāasio, mé gbēe Mae Lua dō, mé i ke aà Né ñ gbē pō Népi yei à aà oloné bāasio.

<sup>28</sup> A mo ma kīi á gbē pō á asosea a kpasa píi, mí á gba zé à kámabo. <sup>29</sup> A ma zuu sé, i yādada ma kīi, á sō i nini, asa má busé mé ma nōse nie. <sup>30</sup> Asa bea ñ ma zuuo zl'ūo, mé ma aso gbiao.

## 12

*Kámabogōzī  
(Maa 2.23-3.6, Luk 6.1-11)*

<sup>1</sup> Bee gbea Yesu lé pā blewembua kámabogōzī. Nōana lé aà iwa de, ñ aa pōwena wōlo, aale só.\* <sup>2</sup> Ké Falisi è, ñ aa ò Yesue: N iwa gwa, aale yā pō wili ke kámabogōzī ke.† <sup>3</sup> ○ Yesu ònē: I kyoke á è lá Davidi kē ñ a gbē gō pō nōana lé ñ deo lé? <sup>4</sup> A gē Lua ua, à pēe pō wa kāle Luae sō, pēe pō aāpi ñ a gbē aa a soa zé vīo, sema sa'onao bāasio.‡ <sup>5</sup> Ké sa'ona pō aa ku Lua ua kámabogōzī lé bo gōpi yā kpe mé aa tāae vī sōo, i a kyoke á è Mōizi ikoyā guuo lé?§ <sup>6</sup> Málē oé: Pō pō a zō de Lua uaa ku la. <sup>7</sup> Tó á yāe bee midōe, gbēkēkēakōe ñ má yei, i ke sa'oa no,\* dō yāa i yāesaide tāae eo. <sup>8</sup> Asa Gbēnazin Né iko vī kámabogōwae.

---

§ **11:21** Isa 23.1-18 \* **11:23** Isa 14.13-15 † **11:23** Daa 19.24-28 \* **12:1** Iko 23.25 † **12:2** Bōa 34.21 ‡ **12:4** 1Sam 21.1-6, Lev 24.9 § **12:5** Nao 28.9-10 \* **12:7** Oze 6.6

9 Ké Yesu bò we, ɔ à gè n̄ lousisikpeu. 10 Gõe pó a o imia ku we. Ké gbẽe ye yâda Yesula yái, ɔ aa aà là aa mè: Gbégbâgbâa zevi kámabogoozìa? 11 O Yesu wémá à mè: A déme aó sã vî, a zuwà eu kámabogoozì, a gë bɔio ni? 12 Gbénazâna de sâa zôo. Ayâmeto maakea kámabogoozì zevi. 13 O Yesu ò gõepie: N n opi poo. A pòo, ɔ à sù a gbeu wásawasa lá adowa. 14 O Falisió bòle gè lekpaañi Yesuzi, lá aa ke wà aà dë.

### *Zikena pó Lua sè*

15 Yesu dò, ɔ à gò we. Bíla bò teaàzi, ɔ à n̄ gyæe gbâgbâ píi, 16 à giné aa a tó fâaa. 17 Beewa Lua yá pó ãnabi Isaia òe bee kè, à mè:

18 Ma zikena pó má sèn ke,  
ma yenzide pó aà yá i kamagu.  
Má a Nisâna pisiwâ,  
i yázede da buiñne.

19 A lekpaañeo, a palamáo,  
gbée a aà zôa ma dò gâaøo.

20 A fee ekpaazœua éo,  
a filia yëeëna dëo,

ɔ a to yázede mo ñoda zâa.

21 Bui píi wé aó døaàzi.†

### *Tâagoa*

(Maa 3.20-30, Luk 11.14-23)

22 O wà mò Yesue n̄ tâade via pó a léna naaleao. Yesu aà gbâgbâ, àle yâ'o sa, àle gu'e. 23 O yâpi dì bílawa píi aa mè: Davidi Buipi yâ moco? 24 Ké Falisió mà, ɔ aa mè: Gbé bee a fô tâa gonéo, mé i ke n̄ tâa kía Beezebu gbâao bàasio.‡ 25 Yesu n̄ lâasoo dò, ɔ à mè: Kpala pó a gbé ïbelèsè n̄ kôo a midé. Wéle ge ua pó a gbé ïbelèsè n̄ kôo a gô bëzì üe. 26 Tó Setâu lé a gbé goné, à ïbelèsè n̄ azlaon we. Aà kpala aó zea kpelewa ni? 27 Tó Beezebu gbâa miò tâagoomá be, á gbé ïgo n̄ dé gbâao sô ni? Beewa ázìa gbé yâ'likpâwá. 28 Lá Lua Nisâna gbâa ɔ málé tâagoomá, ào dò ké kía pó Lua kpà mò á guun we.

29 Kpelewa gbé a gë gôsa gbâa kpéu à aà pôo sélé, mé i ke à aà yè già bàasio ni? Aà yea gbea ɔ a aà kpé yôe sa. 30 Gbé pó de ma gbé ûo á ma ibeëë, mé gbé pô lé pô kâaamano, àle fâaaë. 31 Ayâmeto málé oé, Lua a gbé ké n̄ duunao n̄ a tó bëe pô aa siò píi, áma a gbé pô à a Nisâna tôbëesì këo. 32 Tó gbé yâdò Gbénazâna Néwa, Lua a aà ké, áma tó gbé yâdò Lua Nisâna, Lua a ade kë dûnia tiae bee guuo ge a pô lé mó.

† 12:21 Isa 42.1-4    ‡ 12:24 Mat 9.34

*Gbé dža a yákeawa*  
(Luk 6.43-45)

<sup>33</sup> Tó n lí maa bà, a né ū maaε. Tó n lí vāi bà sō, a né ū vāiε. Asa libe wí lí dōwà. <sup>34</sup> Gbēnazin píligona! \* Ké á vāi, kpelewa á fō yāmaa oi? Asa yá pó kò sōu ū lé ū o. <sup>35</sup> Gbēmaa ū maa bō a sō maa guue. Gbēvāi sō ū vāi bō a sō vāi guue. <sup>36</sup> Málε oé: Yákpalekēgōzí gbē ū yāfaasai pó aa ò séle siu Luaε píi. <sup>37</sup> Asa yá pó ū ò mé a yānakpama ge ūmē a yādanla.

*Seelagbēaa Yesuwa*  
(Maa 8.11-12, Luk 11.29-32)

<sup>38</sup> Ḍ Mɔizi ikoyādanedeε ū Falisieo ò Yesue: Mae, wá ye ū seelae ke wà e. <sup>39</sup> Ḍ Yesu wémá à mè: Gbāgbē vāi luanaaikensai ū mé lé seela gbēaa. Má seelae kēnēo, sema ānabi Yonasi pó. <sup>40</sup> Lá Yonasi kē kpō gbēne gbēe guu fāane ū gwāasīnao e gō ū ūaõ, màa Gbēnazin Né a ke tēenau fāane ū gwāasīnao e gō ū ūaõ. <sup>41</sup> Yákpalekēgōzí Ninivadeo fele yāda gbāgbēlae. Asa kē aa Yonasi waaso mà, aa nōselile, <sup>‡</sup> mé gbē pó a zō de Yonasia ku la. <sup>42</sup> Yákpalekēgōzí geomidokíi oi nōe kia a fele yāda gbāgbēlae. Asa nōepi bō za tōle lēwa, à mò Salomō ūnōyā maiε, <sup>§</sup> mé gbē pó a zō de Salomōka ku la.

*Táa taa a sō ziwa*  
(Luk 11.24-26)

<sup>43</sup> Tó wà tāa gō gbēε, ū liaaliaa gugiiu à gbē weelé à dièe. Tó i eo, <sup>44</sup> ū mè: Má ea ta ma sō ziwaε. I ea tawà, ū e a bē ado à zu'ò, à azia kēke wásawasa. <sup>45</sup> Ḍ ū ge tāa pó an vāi dealao séle mèn sopla à suínō, aa ū diè. Ḍ gbēpi gwea gbēzā vāi ū de a káaua. Gó dōupi mé a gbāgbē ū bua sō.

*Yesu daε*  
(Maa 3.31-35, Luk 8.19-21)

<sup>46</sup> Ké Yesu lé yā'o bílaε, ū aà da ū aà dāunaç kà, aa zè bāasi, aa ye aà yái. <sup>47</sup> Ḍ wa òè: N da ū n dāunaç ze a bāasi, aa ye n yái. <sup>48</sup> Ḍ Yesu a zāsī gbēpiwa à mè: Démē ma da ge ma dāunaç ū? <sup>49</sup> Ḍ à ñdà a iwaçwa à mè: Ma da ū ma dāunaçn ke. <sup>50</sup> Asa gbē pó ū ma Mae pó kú musu pōeä ke mé ma dāuna ge ma dāe ge ma da ū.

## 13

*Pswenkēelεa*  
(Maa 4.1-20, Luk 8.4-15)

<sup>1</sup> Goo doɔpi zí Yesu bò be à gè zɔlē ísidale. <sup>2</sup> Wà kàaaaàzi dasidasi, ɔ à gè zɔlē gó'lena guu, gbépii gò sia ísidale. <sup>3</sup> O à yälleeūné dasi à mè: Zɔee mé bò gè pówenakéelei. <sup>4</sup> Lá àle keele, ɔ a keeo lèle zé guu, bao mo blè. <sup>5</sup> A keeo lèle gbeséena musu, gu pó tɔole gèeleuo, ɔ aa bòlē gò kék tɔole gèele weo yái. <sup>6</sup> Ké laté gbákù, aa tekù aa giigàga, kék aa zína vio yái. <sup>7</sup> A keeo lèle le guu, ɔ le fèlē kùaaamá. <sup>8</sup> A keeo lèle tɔole maau, aa fèlē ne'i, a keeo wén basɔobasɔo, a keeo baañbaaañ, a keeo baakwikwi. <sup>9</sup> Gbé pónòse vñi àa yápi ma.

<sup>10</sup> O Yesu iwaɔ sɔñaàzi aa aà là aa mè: Bóyái níle yá'oné ní yälleeūaoi? <sup>11</sup> O a wémá à mè: Lua á gbá zé à kpala pó bò a kíi asiic dɔ, áma i ní gba zéo. <sup>12</sup> Asa gbé pó pó vñi, Lua a káflè e à fée. Gbé pó pøe vñi sɔo, baa yoona pó a vñi, Lua a siwàe. <sup>13</sup> Ayámeto málé yá'oné ní yälleeūao, asa aañ gugwa pøe'esai, mé aañ swákpa yámasai. <sup>14</sup> Lua yá pó ãnabi Isaia ò këmá, à mè:  
Baa tó aa swákpa maamaa, aa yæe mao,  
baa tó aa wëbii maamaa, aa pøe eo.

<sup>15</sup> Asa an nòse paaao, kék aasu ñnɔkúo yái,  
an swá gbää, kék aasu yämao yái,  
an wé kùaaa, kék asu këo yái.  
Aa ye ea sua mà ní gbágbao.\*

<sup>16</sup> Båaaadeon á ü, kék á wé lé gu'e, mé á swá lé yäma. <sup>17</sup> Siana málé oé: Anabi ñ gbëmaao ku dasi aa ye pó pó ále eø e, aai eo. Aa ye yá pó ále mao ma, aai mao.

<sup>18</sup> A pówenkéelea yäma sa. <sup>19</sup> Tó gbé kpala pó bò Lua kíi yämà mé i dɔo, Setäu i mó pó pó wa tò aà sɔ guupi siwàe. Pówena pó lèle zé guu min we. <sup>20</sup> Pówena pó lèle gbeséenawa sɔ, bee mé yá pó gbé mà a sì gò ní pɔnão ü. <sup>21</sup> Lá yápi zína vñi àa guuo, ilí ke gɔɔplao. Tó taasi aà lè ge tó wàlē iadawà yápi yái, i fu gòœ. <sup>22</sup> Pówena pó lèle le guu de yá pó gbé mà, ɔ dúnia yákäakea ní yea àizeeio kùaaawà ü, ɔ i gò àisai. <sup>23</sup> Pówena pó lèle tɔole maau de yá pó gbé mà mé a dɔ ü. I káflaké lee basɔobasɔo ge lee baañbaaañ ge lee baakwikwi.

*Yälleeūa ní kpala pó bò Lua kíio  
(Maa 4.30-34, Luk 13.18-21)*

<sup>24</sup> Yesu yápale lèeūné à mè: Lá kpala pó bò Lua kíi den ke: Gbëe mé ése maa tò a bua. <sup>25</sup> Goo pó wàlē i'o, ɔ aà ibee mò papaa kà ésepiu, ɔ à gëzea. <sup>26</sup> Ké ése nosí, àle pia, ɔ papaa bò gupuau. <sup>27</sup> O búde zíkenaɔ mo òè: Dii, blewena ní tò n buao lo. Papaa bò má ni? <sup>28</sup> O a òné: Ibëe mé bee ke. O zíkenaɔ òè: N ye wà ge

\* **13:15** Isa 6.9-10

woləwolə yà? <sup>29</sup> Ḍ à mè: Aawo! Tó álé woləwolə, á ése woləðə.  
<sup>30</sup> A to aa fəle sānu e pōkəkəgō, mí o pōkəkenaōne aa papaapi  
 kē già, aai a gbakpa té pó ū, aai gbasa ése kəke ka ma dō.

<sup>31</sup> Yesu yāpālē lèeūnē lō à mè: Kpala pó bò Lua kíi de lán dō  
 bui pó gbēe se tō a buawaε. <sup>32</sup> A wéna keleū de pówenasla píi,  
 āma tó à fəle, i zōokū de dō buisla píi. I lí kε, ñ bāo i mó pépe a  
 gōnaçwa.

<sup>33</sup> Yesu yāpālē lèeūnē à mè: Kpala pó bò Lua kíi de lán  
 pēeṣe'ese pó nōe se kà pēeti zaa le àaā guu a līa píiwa.

<sup>34</sup> Yesu yá beeɔ o bīlae ñ yālēeūao, i yāe oné yālēeūane saio,  
<sup>35</sup> kē yá pó ãnabi ò kε yái, asa à mè:

Má yālēeūnē,

má yá pó uləa za dúniakalegō oné.†

<sup>36</sup> Ḍ Yesu bīla tō we à tā be. Aà iwaɔ sòaàzi aa mè: Bua  
 papaa yá bōolekewēe. <sup>37</sup> Ḍ a ònē: Blewēntōnaá Gbēnazin Né.

<sup>38</sup> Buaá dúniaε. Blewēnaá kpala pó bò Lua kíi gbēçne. Papaaá  
 gbēvāiçne. <sup>39</sup> Ibeε pó ñ tōá Ibiisiε. Pōkəkeeaá dúnilalaagōe. Pōkəkenaōá malaikaçne. <sup>40</sup> Lá wíi papaa kē káteu, māa a kē  
 dúnilalaagōe. <sup>41</sup> Gbēnazin Né a a malaikāo gbaε aa gbēsāsānaç  
 ñ vāikenāo bōle a kpala gbēç guu píi, <sup>42</sup> aai ñ ká té pāsī guu. We  
 aa óclou aa òdi ñ musu. <sup>43</sup> Ḍ gbēmaao aao teke lán iatēwa kpala  
 pó bò ñ Mae kíiu.‡ Gbē pó nōse vīi aà yápi ma.

<sup>44</sup> Kpala pó bò Lua kíi de lán àizee pó uləa buawaε. Ké gbēe  
 bōwà, a kēke ûle, ñ pōna guu à tā à pó pó á vīi yīa píi, ñ à buapi  
 lù.

<sup>45</sup> Lá kpala pó bò Lua kíi den ke lō. Laatana mé lé òso maaç  
 wēele. <sup>46</sup> Ké à òso òde è, ñ à tā à pó pó á vīi yīa píi, ñ à òsopi lù.

<sup>47</sup> Lá kpala pó bò Lua kíi den ke lō. Wà táalu zù ísiau, à kpò  
 bui píi kù. <sup>48</sup> Ké à pà, wa gàle bùaò sìsiā, ñ wà zìle wà a maaç plè  
 wa kà gbíu, wà a vāiø kòle. <sup>49</sup> Māa a kē dúnilalaagōe. Malaikāo  
 mo gbēvāiç sélé aa ñ bōle gbēmaao guu, <sup>50</sup> aa ñ ká té pāsī guu.  
 We aa óclou aa òdi ñ musu. <sup>51</sup> Ḍ Yesu ñ lá à mè: A yá beeɔ mi dō  
 sa píia? Aa wèwà aa mè: Ao! <sup>52</sup> Ḍ a ònē: Tó Mɔizi ikoyādanede  
 kpala pó bò Lua kíi yādàda, aø de lán uabele pó i pō dafu ñ a zio  
 bō a làasi guuwaε.

### *Nazalētideø gio Yesu ndaikεi (Maa 6.1-6, Luk 4.16-30)*

<sup>53</sup> Ké Yesu yá beeɔ lèeūnē a làa, à bò we. <sup>54</sup> A gè gu pó à  
 neblèu, ñ à yādānē ñ lousisikpēu. Aà yá bò ñ sae aa mè: A ño  
 ñ dabudabu beeɔ sè má ni? <sup>55</sup> Li'āna nén aà ùo lé? Aà da tón  
 Maliamao lò? Aà dāunaon Zaaki ñ Yosefuo ñ Simçço ñ Yudao

† 13:35 Sou 78.2 ‡ 13:43 Dan 12.3

úo lò? <sup>56</sup> Aà dāeò kúwanò lao lé? A yá beeò è má píi ni? <sup>57</sup> O bee tò aai aà náaikèo. Yesu òné: Anabi líò bëeesaio, sema aà be wéleu ní aà uao bàasio. <sup>58</sup> I dabudabuke we bílao, ké aai aà náaikèo yá.

## 14

*Zaa Da'ilena gaa*

(Maa 6.14-29, Luk 9.7-9)

<sup>1</sup> Gòo bee bùsupi kí Elodi Yesu bao mà. <sup>2</sup> O a ò a iwaoné: Gbépiá Zää Da'ilena. Gàbòe. Bee yá mé tò à gbää'è, àlé dabudabuò ke. <sup>3</sup> Asa Elodi Zää kù yää, à mokàwà à aà dàkpeu a däuna Filipi na Elodia yáie. <sup>4</sup> Ké Zää lò oè: N Elodia vía nò ù zé vio.\* <sup>5</sup> Elodi ye à aà de, áma àlé vñake bílae, asa aa aà ánabike sìe.

<sup>6</sup> Elodi ia dikpe zí, Elodia nenon gbää õwà gbé pó mà weoné, õ à kè Elodie na maamaa. <sup>7</sup> O à legbè à mè: Má sì ní Luao, má n gba pó pó n a wabikèa píi. <sup>8</sup> O aà da yädàè, õ népi mè: Ma gba Zää Da'ilena mi pelenti la tia. <sup>9</sup> O kíapi po yà, áma lé pó a gbè bleblenaç wáa yái õ à mè wà kpawà. <sup>10</sup> O à gbé zì Zää Da'ilena mi zöi kpéu. <sup>11</sup> Ké wà mà ní aà mio pelenti, wa kpà népiwa, õ à gèò a dae. <sup>12</sup> O Zää iwaò mà, aa aà ge se vñ, õ aa gè wa ò Yesue.

*Yesu blékpaa gbéon ñaasoso lee soowaa*

(Maa 6.30-44, Luk 9.10-17, Zaa 6.1-15)

<sup>13</sup> Ké Yesu yápi mà, õ à gè gó'ilena guu, àlé gé gusaëna ké àò ku ado. Ké gbéò mà, aa bò wéle ní wéleo dasidasi, aa pèleaa àzi këse. <sup>14</sup> Ké Yesu bò gó guu, à bila è, õ aa kèè wënañ, õ à ní gyæeò gbågbâné. <sup>15</sup> Ké oosi kè, aà iwaò sòaa àzi aa mè: Gueá sëgbâe, mé laté i gò bíla lò. Gbéò gbae aa ta wéleò guu, aa poblea wéele lú. <sup>16</sup> O Yesu òné: I ke aa ta teasio. A pó kpámá aa ble. <sup>17</sup> O aa òè: Pëe mèn sòona ní kpò mèn plao õ wá vñ la. <sup>18</sup> Yesu òné: A moomee la. <sup>19</sup> A ò gbépiòne aa zòle sëwa, õ à pëe mèn sòo ní kpò mèn plaopi sè, à wesè musu à báaadàu. O à pëepi è'e kpà a iwaòwa, aa kpaalè bílae. <sup>20</sup> Ampii aa pòblè wà kâ. O wà a miøna pó fèò sèlé gbí kuepla pai.† <sup>21</sup> Gòe pó aa pòblèò kâ gbéon ñaasoso lee sòo (5.000) taawa, nœø ní néø bàasi.

*Yesu tåa'oa ísidaa*

(Maa 6.45-56, Zaa 6.16-25)

<sup>22</sup> O Yesu nàe a iwaòwa gòò aa gè gó guu, aa døaae ísida baale e àò bíla gbae. <sup>23</sup> An gbaea gbea à dède sìsi musu wabikei Luawa ado. Gu lé si, a ku we ado. <sup>24</sup> Gópi zàkú ní gòsòleo, õ zàa'lana kàka lé dae, i lé a za'òwá. <sup>25</sup> Guféne Yesu be ía, àlé gé a iwaò kíi.

\* 14:4 Lev 20.21 † 14:20 2Kia 4.42-44

26 Ké aa àà è bë ía, õ sõ këñgu aa mè: Gyaadee! Aa wiilè ní vïao,  
 27 õ Yesu òné gëò à mè: A sõdile, máme! Asu to vïa á kúo. 28 Ḍ  
 Piee ðè: Dii, tó míme, to mà tåá'o ía mà mò n kíi. 29 Ḍ Yesu mè:  
 Mò! Ḍ Piee bò gó guu a bë ía, àle gé àà kíi. 30 Ké a è íana lé a pá,  
 õ vïa aà kù, àle kpále, õ à wiilè à mè: Dii, ma suaba. 31 Wegëò  
 Yesu ñbò à aà kù, õ a ðè: Luanaaifënende! Bóyái n seakèi? 32 Ké  
 aa gë gó guu, íana làa. 33 Ḍ gbë pò aa ku gó guuò kùleè aa mè:  
 Lua Nén n û siana.

34 Ké aa bùa baa, aa kà Genezaleti bùsuu. 35 Wekiideò Yesu  
 dò, õ aa aà bao fàaa bùsupiu píi, õ wà mòè n gyäeò píi. 36 Wà  
 wabikèwà, baa aà ula lé, wà e ñkawà. Ḍ gbë pò ñkawàò gbàgbà  
 píi.

## 15

### *Felëkaaya* (Maa 7.1-13)

<sup>1</sup> Falisieò ní Moizi ikoyädanedeò bò Yelusaleù aa mò Yesu kíi,  
 õ aa aà là aa mè: <sup>2</sup> Bóyái n íwaò lío wá dezio felëkaayä kúao ni?  
 Aali ñpi lá felëkaayä dílewa aa gbàsa pöblèo. <sup>3</sup> Ḍ Yesu a zásimá  
 à mè: Bóyái i pákpa yá pò Lua dílezi ñ felëkaayä kúai? <sup>4</sup> Asa  
 Lua mè, àli á de ní á dao kpelaë.\* A mè lò, gbë pò a de ge a da  
 kpelbò, wà ade de.† <sup>5</sup> Apio sõ i me tó gbë ð a de ge a dae, pò pò á vï  
 à dñoñle gò Lua pò üe, <sup>6</sup> ade bò n kpelaa yáun we. Beewa i Lua  
 yá bâde á felëkaayä kúa yái. <sup>7</sup> Moafilideò! Anabi Isaia dòaa á  
 yá'ò wásawasa à mè:

<sup>8</sup> Bui bee i Lua kpela ní léoe,  
 an sõ kuwà lòo.

<sup>9</sup> Aaïò aà sisi pâe,  
 gbënazîna ikoyä õ aaï dané.‡

### *Yá pò i to wà gbale* (Maa 7.14-23)

<sup>10</sup> Ḍ Yesu bila laai sisi à mè: A swákpa yâma. <sup>11</sup> I ke pò pò i  
 gë léu mé lí tó gbë gbâlèo. Yá pò i bò léu mé i to gbë gbâle. <sup>12</sup> Ḍ  
 aa íwaò sôaâzi aa mè: N dò ké Falisio yápi mà, à zò n pöwao lé?  
<sup>13</sup> Yesu wèmá à mè: Pò pò ma Mae pò kú musu i tò, a wolee. <sup>14</sup> A  
 ní tó we. Vïla dñaanaone! Tó vïla dòaa vïlae, an pla mïpii aa zu eue.  
<sup>15</sup> Piee ðè: Yápi bçolekewëe. <sup>16</sup> Ḍ Yesu mè: E tia i ñnokúoa? <sup>17</sup> A  
 dò ké pò pò gë léu i ta gbëeu, õ wí a bñikpekeo lò? <sup>18</sup> Yá pò bò léu  
 sõ à bò sõ guue. Óme i to gbë gbâle. <sup>19</sup> Asa za sõ guu õ làasoo vâi i  
 buu: Gbëdea, wûlea ní gbëpâle nñoo, gbâsîke, kpái'oa, yâdama

\* 15:4 Boa 20.12 † 15:4 Lev 20.9 ‡ 15:9 Isa 29.13

ní gbéssssao. <sup>20</sup> Yá beeó mé i to gbé gbálé. Pooblea opisai lí tó gbé gbáléo.

### *Buipale nɔe wabikéa*

(Maa 7.24-30)

<sup>21</sup> O Yesu bò we à gè Tii ní Sidōo bùsuu. <sup>22</sup> Kanaa nɔee ku bùsupiu, à mò wiilèwà à mè: Dii, Davidi Bui, ma wénagwa. Táa lé iada ma nenoenawa maamaae. <sup>23</sup> O Yesu i wewào. Aà iwaó sssàazi, aa wabikèwà aa mè: Nɔepi yá, asa aó téwázi ní wiioe. <sup>24</sup> Yesu wèmá à mè: Isailiò vúaaa lán sssowae. An kíi ɔ Lua ma ziu ado. <sup>25</sup> O nɔepi mò kuleè à mè: Dii, ma ia. <sup>26</sup> Yesu òè: A maa kéké wà néc ble se zu gbéonéo. <sup>27</sup> O nɔepi mè: Sianae Dii! Baa ní beeó gbéó i ble kasona pó lèle ní dii táabünu zíe péele. <sup>28</sup> O Yesu wèwà à mè: Nɔe, ní ma náai vñ zóo. A kene lá ní yeiwa. O aà nenoena gbágba zaapiwa gòo.

<sup>29</sup> Yesu bò we à sù, àlé dò Galile ísidai, ɔ à bùa à zòle sísia. <sup>30</sup> Wà mòè ní eeó ní vñaó ní kòwo ní swádoó ní gyae pález dasidasi. Wà ní kále aà gbázì, ɔ à ní gbágba. <sup>31</sup> Ké gbéó è swádoó lé yá'o, gbékaaúao lé gô wásawasa, eeó lé taa'o, mé vñaó lé gu'e, yápi bò ní sae, ɔ aa ní Isailiò Lua sáaukpà.

### *Yesu blekpaa gbéon ñaasoso lee stiñwa*

(Maa 8.1-10)

<sup>32</sup> Yesu a iwaó káaa a òné: Gbéew kémee wénau, asa aa kumanó a gôo àaõn la, mé aa poe vñ wà bleo. Má ye mà ní gbae ní nöanaao, kéké an yéee su láa zéuo yái. <sup>33</sup> O aà iwaó aà là aa mè: Mákii wá ble eu sëgbáu la à gbé sà dasieó kái? <sup>34</sup> Yesu ní lá à mè: A pëe vñ mèn üma ni? Aa mè: Mèn sopla ní kpò kelenae. <sup>35</sup> Yesu ò bílae aa zólezóle tóle. <sup>36</sup> O à pëe mèn soplapio sè ní kpoo, à sáaukpà, ɔ a è'e kpà a iwaówa, aa kpà bílawa. <sup>37</sup> Gbépii pooblé kák. Wà a miøna pó fèo sèle sò sopla pai. <sup>38</sup> Gôe pó aa bléo kák gbéon ñaasoso lee siiñ (4.000) nöeo ní néc bàasi. <sup>39</sup> Ké Yesu bíla gbáe, ɔ à gë gó'ilena guu, à gè Madala bùsuu.

## 16

### *Falisió seelagbeaa*

(Maa 8.11-21, Luk 12.54-56)

<sup>1</sup> Falisió ní Saduseò mò Yesu kíi. Aale aà kpakpa, ɔ aa gbéawà aà seelakené ní Lua gbáao wà e.\* <sup>2</sup> O Yesu a zásimá à mè: Tóiaté gë kpéu i me: Gu a weeé, asa luabe téakùé. <sup>3</sup> Tó kooe i me: Lou a ma gbá, asa luabe de ténduuuduue. A luabe wé döké, áma i fô gôoe bee seela dòo. <sup>4</sup> Gbágbeó vái, luanaaikensaióné! Aái seela gbeaa, áma má seelae kénéo, sema Yonasi pó.† O à ní tó we à tâ.

<sup>5</sup> Ké aà ïwaç bùa baa we, pëe kùsüa yá sàñgu. <sup>6</sup> Ⓛ Yesu òné: Aò ázia kúa dö! A laaika Falisiò ní Saduseo pëesë'ësei. <sup>7</sup> Ⓛ aale okõe: Pëe pó wi seo yái a òi màa. <sup>8</sup> Yesu dòmá, ɔ à ní lá à mè: Luanaaifënendeo, bóyái ále okõe kék pëe vño yáiëi? <sup>9</sup> E tia i döoa? Pëe mèn sòo pó má kpà gbëon ðaasosoo lee sòoowa (5.000) yá dòágwu lé? A sèlë gbí ûma ni?<sup>‡</sup> <sup>10</sup> Pëe mèn sopla pó má kpà gbëon ðaasosoo lee sìiñowa (4.000) sò, á sèlë sò ûma ni?<sup>§</sup> <sup>11</sup> Bóyái i dö kék pëe yá má ðéoo ni? A laaika Falisiò ní Saduseo pëesë'ësei! <sup>12</sup> Ⓛ aa dò sa i ke pëesë'ëse ále oné wà laaikaio, Falisiò n Saduseo yádanee.

*Piëe Yesu Mësiikë oa  
(Maa 8.27-33, Luk 9.18-22)*

<sup>13</sup> Ké Yesu kà Sezale Filipi bùsuu, ɔ à a ïwaç là à mè: Dé wàlé o Gbënazin Né dé a üi? <sup>14</sup> Aa mè: Gbëeo ì me Zää Da'ilenaë.\* Gbëeo ì me Elia. Gbëeo ì me Zelemii ge ãnabi yääen n ü. <sup>15</sup> Yesu mè: Apio sò, dé i me má dé a üi? <sup>16</sup> Simoo Piëe wèwà à mè: Mësiin n ü, Lua bée Né. <sup>17</sup> Ⓛ Yesu ðè: Bääaden n ü, Yonasi né Simoo! Asa i ke gbënazina mé yá bee dàneo, ma Mae pó kú musue. <sup>18</sup> Málë onë: Piëen† n ü, mé gbesipi ɔ má a gäli zedowà. Baa beda gbäadeo a ziblewào. <sup>19</sup> Má kpala pó bò Lua klii kilineo kpama. Pó pó n yè dúniau aó yea musue, mé pó pó n pòlo dúniau aó poloa musue. <sup>20</sup> Ⓛ Yesu a ïwaç lepapa aasu o gbëee Mësiin a üo.

*Yesu a gaa ní a vuao yá'oa  
(Maa 8.31-38, Luk 9.22-26)*

<sup>21</sup> Za gòo bee ɔ Yesu lé a Yelusaleü gëa piliwà a ïwaçne à mè, sema à taasike gbëzòò ní sa'onkiaç ní Moizi ikoyádanedeo ozì, aai a de, í vu a gòo ñaaðdezì. <sup>22</sup> Ⓛ Piëe aà sìsi gusaë, ále giè à mè: Sue Dii! Bee a n leo! <sup>23</sup> Ⓛ Yesu lili ò Piëee: Gomee we Setau! N ye zezòmeeë, asa n làasooá Lua pó no, gbënazina pòe.

*Yesu lia  
(Maa 8.34-9.13, Luk 9.23-36)*

<sup>24</sup> Ⓛ Yesu ò a ïwaçne: Tó gbé ye ke ma ïwa ü, aà gi azia wëñizi, i a lipäakja sé, i temazi. <sup>25</sup> Gbé pó ye ào a wëni kúa, wëñipi a vüaawà. Gbé pó gi a wëni ma yái sò, ade mé aó wëni vi.<sup>‡</sup> <sup>26</sup> Tó gbé dúnia bùu è mé à kùa ziawa, bò ài bee vii? Bó gbé a flaboo à zia'ei? <sup>27</sup> Asa Gbënazin Né a ea mo a Mae gawi guu ní a malaikao, i flabo baadee a yäkeawa.<sup>§</sup>

<sup>28</sup> Siana málë oé, gbé pó aa ku laeo gao, aa Gbënazin Né e, ále mó kíá ü.

---

\* **16:9** Mat 14.17-21    § **16:10** Mat 15.34-38    \* **16:14** Mat 14.1-2    † **16:18** Bee mè gbe.    ‡ **16:25** Mat 10.38-39    § **16:27** Sou 62.13

## 17

<sup>1</sup> Goo soolo gbea Yesu Piee n Zaakio n aà dãuna Zãao sèlè gèñino gbësisi lesi musu nítëe. <sup>2</sup> O à lì n wáa. Aà oa lé teke lán iatëwa, mé aà ulao gò pùntaitai. <sup>3</sup> O Mɔizi n Eliao bò mòmá, aale yã'o n Yesuo. <sup>4</sup> O Piee ò Yesue: Dii, a maa wào ku la. Tó n yei, má lákpe dò mèn àaõ, n pò do, Mɔizi pò do, Elia pò do. <sup>5</sup> Goo pò àle yã'o, luabepuana tekea kùrila. O aa lò mà luabepuanapi guu à mè: Gbée beeá ma Né mèndona yenzidee, aà yá i kamagu. A aà yáma.\* <sup>6</sup> Ké aà iwapio lòopi mà, vía n kú maamama, aa wùlé n gbeeu. <sup>7</sup> O Yesu sòñzi à onàmá à mè: A fele, ásu vîakeo. <sup>8</sup> Ké aa wesè musu, aai gbeé eo, sema Yesu ado.

<sup>9</sup> Goo pò aale pila gbësisi piwa, Yesu díléné à mè: Ásu yá pò á è o gbée mao e Gbënazin Né ge bòò gau. <sup>10</sup> O aà iwaõ aà là aa mè: Bóyái Mɔizi ikoyádanedeò i o Elia mé a døaa moi?† <sup>11</sup> O a wèmá à mè: Elia a mo sianaæ, i ea yápii keke. <sup>12</sup> Ama málé oé: Elia mò kò,‡ wi aà dòo, õ wà n pœa dàè. Maa wa Gbënazin Né wetâ lò. <sup>13</sup> O aà iwaõ dò kéké Zãa Da'ilena yá àle oné.

*Yesu negjé tåade gbågbåa  
(Maa 9.14-32, Luk 9.37-45)*

<sup>14</sup> Ké aa kà bíla guu, gjee mò kùlè Yesue <sup>15</sup> à mè: Dii, ma né wénagwa, asa gbakònde. I taasiké maamamae, ì lélé téu ge íu mòòmòe. <sup>16</sup> Ma moaàñò n iwaõne, aai fò aà gbågbåo. <sup>17</sup> O Yesu mè: Gbågbé kolea luanaaikensai! Máo kúáñò e bøe ni? Máo menakeáñò e bøe ni? A momæeaàñò la. <sup>18</sup> Yesu gí tåae, õ à gò népiwa, à gbågbå wegjò.

<sup>19</sup> Bee gbea Yesu iwaõ sòñazi nítëe, aa aà là aa mè: Bóyái wa fua tåapi goi? <sup>20</sup> A wèmá à mè: Ké á Lua náai vî bílao yáie. Siana málé oé: Tó á Lua náai vî a gbëne kà efò wénawa, mé á ò gbësisi beeé aà fele la aà gé le, a felee. Yâe a á fuo. <sup>21</sup> Wabikea n leyéao mé i tåa bee taa go.

*Yesu a gaa n a vuao yá'oa  
(Maa 9.30-32, Luk 9.43-45)*

<sup>22</sup> Goo pò a kú n a iwaõ sánu Galile, a ònë: Sema wà Gbënazin Né kpámá, <sup>23</sup> wi aà dë, i vu a goo àaõdezi. O an po yà maamama.

*Lua kpé wè'ña flaboa*

<sup>24</sup> Ké aa kà Kapenaü, Lua kpé osinaç mò Piee là aa mè: A yádanede lí wè'ña kpao lé?§ <sup>25</sup> Piee wèmá à mè: I kpá. Ké Piee lé gë ua, Yesu dòaa òè gjò: Simòo, deò dûniaæ bee kíao i wè'ña ge asea símái? An néo yâ, ge gbëpâleñé? N yápi è kpelewai? <sup>26</sup> Piee mè: Gbëpâleñé. Yesu òè: Tó beewæs, an néo bâa kuo.

---

\* **17:5** Mat 3.17    † **17:10** Mal 3.23    ‡ **17:12** Mat 11.13-14    § **17:24** Bøa 30.13-16

27 Ama kék wá yá su ɔmáo yái, gé kokoa dai ísidaa. Kpò sémia pó ní kù, ní a lé wëaa, níyɔ ña e a guu. Bee se kpámá, mapi ní mpio pó û.

## 18

*Tea Yesuzi lán néwa*

(Maa 9.33-48, Luk 9.46-48, 15.3-7)

<sup>1</sup> Zibeezi Yesu ìwaç mò aà là aa mè: Démé deñla kpala pó bò Lua kíi gbéø guui? <sup>2</sup> O Yesu néfénenae sìsi zè ní ae <sup>3</sup> à mè: Siana málé oé, tó i lile a gɔ́ lán néwao, á gë kpala pó bò Lua kíi guuo. <sup>4</sup> Gbé pó azìa sòaa à gɔ́ lán néfénenae beewa mé deñla kpala pó bò Lua kíi gbéø guu. <sup>5</sup> Gbé pó né bee taa dílc ma ìwaké yái, ade ma dilee.

<sup>6</sup> Tó gbé tò né pó lé ma náaikeéø do fù, a maa ní adeo yää wà wísiløgbé gbènø dò aà nɔee, wi aà zu ísi guo. <sup>7</sup> Waiyoo dúnia, kék yái pó i to wà fu ku a guu yái. Sema yái pó i to wà fu ào ku, áma waiyoo gbé pó fua yápi sù bò aà kíi. <sup>8</sup> Tó nɔ ge n gbá mé tò níle fu, zɔ́ ní vúaa. Gëa àizäna guu kòø ù ge ee ù maa de wà n zu té gasai guu ní mèn plao ge ní gbá mèn plaola. <sup>9</sup> Tó n wé mé tò níle fu, bɔ́ ní vúaa. Gëa àizäna guu wedode ù maa de wà n zu zia té guu ní wé mèn plaola.\*

<sup>10-11</sup> A laaika sakaa nééø douzi, asa málé oé, an malaikao ku luabé, aa ku kɔ́ wéu ní ma Mae pó kú weo gɔɔpiie. <sup>12</sup> Ale e kpelewa ni? Tó gbé sã vñ mèn basso, tó ado vúaa, a a mèn basso mèndosai to gbepøleu we à gé a pó pó vúaaapi wéeleio lé? <sup>13</sup> Siana málé oé, tó a è, aà pɔ́ aɔ nawà de a mèn basso mèndosai pɔ́ aai kóleocla. <sup>14</sup> Màa á Mae pó kú musu ye néé beeø do vúaa sɔ́o.

*Sùuukëa ní kɔ́*

<sup>15</sup> Tó n gbédee tåaekè, ge ní aà le ndo, yápi boë gupuau. Tó à n yämà, n n gbépi mísie. <sup>16</sup> Tó i n yämão, gbé mèndo ge gbéøn pla se nama, kék à e yápi si seelade gbéøn pla ge àaɔ̄ musu.† <sup>17</sup> Tó à gí n yämái, yápi o gáli guu. Tó à gí gálipi yämái lɔ́, ní aà dile zìlo ù luwayádansai û.

<sup>18</sup> Siana málé oé: Pó pó á yè dúniau, aɔ yea musue, mé pó pó á pòlo dúniau aɔ poloa musue.‡ <sup>19</sup> Málé oé lɔ́, tó á gbéøn plao lé kè doù dúniau la, yá pó a a wabikè ma Mae pó kú musuwa píi, a keéé. <sup>20</sup> Asa gu pó gbéøn pla ge gbéøn àaɔ̄ kɔ́ kàaau ní ma tó, miɔ́ kú ní guue.

\* **18:9** Mat 5.29-30   † **18:16** Iko 19.15   ‡ **18:18** Mat 16.19

<sup>21</sup> Bee gbea Piee mò Yesu là à mè: Dii, gën ūma mà sùuuké ní ma gbédee pó ìo taaekemeeoi? Gën sopla yá? <sup>22</sup> Yesu wèwà à mè: Málé oné, i ke gën sopla no, gën sopla leé báa ñ kwie. §

<sup>23</sup> Bee yái kpala pó bò Lua kíi yá de lán kíae bee yáwa. Kíae mé ye à a ña yá gggó ní a ìwao. <sup>24</sup> Ké à nà ñapi yáwa, ñ wà mò è ní gbé pó aà fia sea miliò òaa kwio. <sup>25</sup> Lá a ña ví à flapi boo, ñ aà dii mè wà aà yía ní aà nao ní aà néo ní pó pó a vñ píi, wi gbasa wà aà kéké. <sup>26</sup> O zíkenapi wùlè a dii ae, à awakpàè à mè: Menakemano, má n flabone píi. <sup>27</sup> O aà dii aà wénagwà, à aà gbàe à flapi tòè. <sup>28</sup> Ké zíkenapi bò lé, à kpàau ní a zíkendee pó a fia dòwà ánuusu ñ waté bassoo. O à aà kù, àle aà kòlo wi à mè: Ma flabomee. <sup>29</sup> Aà gbédeepi wùlè aà ae à awakpàè à mè: Menakemano, má n flabone. <sup>30</sup> Ama i weio. A tò wà aà dàkpéu e aà a flaboe.

<sup>31</sup> Ké aà zíken gbé kíniò è màa, à kéné ìi maamaa, ñ aa gè yápi sèle sìu ní dii píi. <sup>32</sup> O diipi aà sìsi à mè: Iwa vãi! Ma n fia tòne píi, kéké n awakpàmee yá. <sup>33</sup> Lá ma sùuukènnó, a maa ní sùuuké ní n gbédeo sôo lé? <sup>34</sup> Aà diipi pó pà, a tò wà aà dàkpéu wàò ñadawà e aà ge flapi boò píi. <sup>35</sup> O Yesu èa mè: Tó á baade lí sùuuké ní a gbédeo ní nòsé mendooo, màa ma Mae pó kú musu a kéké.

## 19

### Nɔyaa

(Maa 10.1-12)

<sup>1</sup> Ké Yesu yá beeò ò a làa, à bò Galile à gè Yude bùsu kpe dou Yuudé baale. <sup>2</sup> Bila teaàzi, ñ à ní gyæeò gbägbäné we. <sup>3</sup> O Falisiëò mò likpaléiwà, aa aà là aa mè: Gòe zeví à a na ya yápii yáia? <sup>4</sup> A wémá à mè: Ké Lua ní kéké gòe ní nòeo za káau, i a kyoke á èo lé?\* <sup>5</sup> Lua mè a yái gòe a go a de ní a daowa, i na a nawa, an pla mòpíi aai gògò lán sàwakula ní gbalaowa.† <sup>6</sup> Beewa aa ku dodo lòo, aa gògò medoñé. Ayämèto pó pó Lua nàkòwa, gbënazina su këaao. <sup>7</sup> O Falisiëò aà là aa mè: Bóyái Mòizi díle gòe lí gínzila kéké kpa a nawa, i gbasa à aà yai?‡ <sup>8</sup> Yesu wémá à mè: Mòizi á gbá zé à a na yá kéké á swá gbää yáie, áma a de màa za a daalegco. <sup>9</sup> Málé oé, tó gbé a na yá, mé i ke à gbásikè no, tó à nò pàle sè, à gbásikè. §

<sup>10</sup> O aà ìwao òè: Tó màa gòe yá de ní a nao, a maa wà nòséo. <sup>11</sup> O Yesu ònè: I ke gòe píi mè a fò yápi seo, sema gbé pó Lua ní gbá a zé. <sup>12</sup> Asa gbëeò lí nòséo kéké wà ní màa yái, mé gbëeò ìo ku màa kéké wà ní le wí yái, mé gbëeò nízila kù màa kpala pó bò Lua kíi yái. Gbé pó a fò yápi se aà sè.

§ 18:22 Daa 4.24 \* 19:4 Daa 1.27 † 19:5 Daa 2.24 ‡ 19:7 Ilko 24.1-4

§ 19:9 Mat 5.31-32

*Báaadaa négu**(Maa 10.13-16, Luk 18.15-17)*

<sup>13</sup> Bee gbea gbé wà mò Yesue ní néo aà ònamá, i wabikené, õ aà ìwaò lé gíné. <sup>14</sup> Ⓛ Yesu mè: A to néo mo ma kíi. Asu gínéo, asa kpala pó bò Lua kíiá gbé bee taaò pósé. <sup>15</sup> Ké à ònamá, õ à bò we.

*ɔde**(Maa 10.17-31, Luk 18.18-30)*

<sup>16</sup> Ⓛ gòee mò Yesu kíi, à aà là à mè: Metulu, bò maa má ke mà àizána ei? <sup>17</sup> A wèwà à mè: Bóyái ríle ma la maakeai? Lua ado mé maa. Tó ní ye ní gé àizána guu, nyô aà yâdileaò kúa. <sup>18</sup> Ⓛ à aà là à mè: An kpele ni? Ⓛ Yesu mè: Nsuli gbédeo, nsuli wúle ní gbépâle nñoo, nsuli kpái'oo, nsuli yâdò n gbédeewao, <sup>19</sup> níli n de ní n dao kpela, nyô ye n gbédeezi lá nízia wéniwa.\* <sup>20</sup> Ewaasopi òè: Má yá beeò kúa píi. A kpele mé gòmeeb lì? <sup>21</sup> Yesu òè: Tó ní ye nyô kú wásawasaε,† gë ní n pósé yíia píi, ní a ña kpá taasideewa, ní mo temazi, nyô àizée vî luabe. <sup>22</sup> Ké èwaasopi yápi mà, à tà ní pøsiao ké aà pósé dasi yái.

<sup>23</sup> Ⓛ Yesu ò a ìwaòne: Slana málé oé, òde gëa kpala pó bò Lua kíiu zí'ú. <sup>24</sup> Málé oé lò, yiongo gëa abaaweu àa de òde gëa kpala pò bò Lua kíiula. <sup>25</sup> Ké aà ìwaò yápi mà, õ à ní kú gbää aa mè: Tó màae, déme a boi? <sup>26</sup> Ⓛ Yesu ní gwá soee, a òné: Gbénazin a fjo. Lua mé apii zé vî.

<sup>27</sup> Ⓛ Piee a zäsiwà à mè: Wápiò sô wa pòpii tò wa bo tenzi. Bóme a gòwéé sai? <sup>28</sup> Yesu òné: Slana málé oé: Tó Gbénazin Né zòle a kpalabaa gawidewa dúnia dafu guu,‡ á gbé pò á temazio á zòle kpalabaa mèn kuëplaoùwa, ío yágõgõ Isaili bui kuëplaoùne. <sup>29</sup> Gbé pò a be tò ge a vñiò ge a dâunaò ge a mae ge a da ge a néo ge a buaò ma yái, a ea bee taa e lee basoò, mé a àizána e. <sup>30</sup> Dasi pò døaaao gõ zá, mé dasi pò té záò gõ døaaa.

**20***Yaleeuà ní gbèwinaò*

<sup>1</sup> Lá kpala pò bò Lua kíi den ke: Uabelee mé bò koo koo, à gë gbèwinaò weelei aa zíkkee a bua. <sup>2</sup> An yá kôsé aà flaboné ánnusu òwaté dodo. Ⓛ à ní gbáe a bua. <sup>3</sup> A bò lò muuwãamigoo, õ à gbépâleò lè gääe kálea pâ. <sup>4</sup> A òné: Apio sô à gé zíkei ma bua, mí flaboé a zéwa. <sup>5</sup> Ⓛ aa gë. A èa bò lò laté minanguo, õ à èa bò laté auapilaa, a ò gbépâleòne màa lò. <sup>6</sup> Ké à bò oosi, à gbépâleò lè kálea, õ à ní lá à mè: Bóyái á kálea la pâ za kooi? <sup>7</sup> Aa wèwà aa mè: Ké wi zídadawéeo yáie. A òné: A gé zíkei ma bua sô. <sup>8</sup> Laté gëa kpéu\* õ budepi ò a ziiæ: Zíkenaò sísi ní flaboné. Daale gbé

\* **19:19** Boa 20.12-16    † **19:21** Mat 5.48    ‡ **19:28** Dan 7.13-14    \* **20:8** Iko 24.15

zá̄wa e à ge mide gbé káaūwa. <sup>9</sup> Ḍ oosideo mò, aa ánuṣu ḡwatē è mèndodo. <sup>10</sup> Ké gbé káaū mò, aale e ní ña aó de gbé zá̄lae, ñ ánuṣu ḡwatē do aa è mípii. <sup>11</sup> Ké aa ní ña sì, ñ aa zoadò uabelepiwa <sup>12</sup> aa mè: Leelu do ñ gbé zá̄ zìkè, mé ní dílè sáa ní wá gbé pó wa zì zō̄de kè, wa iatē gbāa kàkawálao? <sup>13</sup> Ḍ à wè ní gbépiò dowa à mè: Ma gbé, mi n bleo. Wa kó yāmà ánuṣu ḡwatē do musu nolo? <sup>14</sup> N n pó si n tá. Má ye kpa gbé zá̄ beewa lá n pówaε. <sup>15</sup> Má zeví mà ke ní ma ñao lá má yeiwao lé? Nle wébōboi ké má gbéke vñ yái yá? <sup>16</sup> Beewa gbé pó té zá̄ gō̄ dō̄aaa, mé gbé pó dō̄aaa gō̄ zá̄.

*Yesu a gaa ní a vuao yá'oa  
(Maa 10.32-34, Luk 18.31-34)*

<sup>17</sup> Gō̄ pó Yesu lé gé Yelusaléü, à a ìwa gbéon kuəplao kàaa nítéε, à yá'òné zéu à mè: <sup>18</sup> Wále gé Yelusaléü. We wa Gbénazin Né kpáu sa'onkiaç ní Mɔ̄izi ikoyādanédeowa, aai yádaaàla, <sup>19</sup> aai aà kpa luayādōnsaīwa. Aa aà ke pó̄poo, aai aà gbé n flàalao, aai aà pálīwa, aai aà de, i vu a gō̄ àaðdezi.

*Zaaki ní Zaaō wabikéa  
(Maa 10.35-45)*

<sup>20</sup> Bee gbéa Zebedee néo da mò Yesu kíi ní a néo. A ye wabikewà, ñ à kùléè. <sup>21</sup> Ḍ Yesu aà là à mè: Bó ní yeii? A wèwà à mè: To ma né gbéon plaeo aao kunno n kpalau, gbédo n ɔplai, gbédo ɔzeεi. <sup>22</sup> Ḍ Yesu ò népiòne à mè: A yá pó ále a wabikéa dō. Taasi kéeona pó má a imi, á fó mia? Aa wèwà aa mè: Wá fó. <sup>23</sup> Yesu mè: I pó má mi, á mi fá, ãma zó̄lea ma ɔplai ge ma ɔzeεi de ma yá ūo. Zó̄lekli beeò de gbé pó ma Mae kékénéo pó ūe. <sup>24</sup> Ké aà ìwa gbéon kwi klini yápi mà, an pó pà vñi n dāunapiozi. <sup>25</sup> Ḍ Yesu ní kàaa mípii, a ònè: A dō ké bùsu gbääadeo i gbäablemá, mé gbézō̄o i ikokemá, <sup>26</sup> ãma aó de màa á kílio. Tó á gbéye aò de gbézō̄o ū, aà gō̄ á dōnlède ū. <sup>27</sup> Tó á gbéye aò de dōaana ū, aà gō̄ á zòblena ū. <sup>28</sup> Asa Gbénazin Né i mò wà dōalèo, à mò dōi gbéleε, i gi a wénii gbé dasī boa yái.

*Vìa baakenā gbágbaa  
(Maa 10.46-52, Luk 18.35-43)*

<sup>29</sup> Gō̄ pó aale bò Yeliko, bíla té Yesuzi. <sup>30</sup> Vìa gbéon plao zó̄le zé lé, aa mà Yesu mé lé gë, ñ aale lé gbāa zu aa mè: Dii, Davidi Bui, wá wénagwa! <sup>31</sup> Wàle gíné wàle me aa nílè, ñ an lezu kéké gbääakù aa mè: Dii, Davidi Bui, wá wénagwa! <sup>32</sup> Ḍ Yesu zè à ní sisi à ní lá à mè: Bó á ye mà keéi? <sup>33</sup> Aa wèwà aa mè: Dii, wá ye ní wá wé wénagwa! <sup>34</sup> Yesu ní wénagwa, à ɔkà ní wéwa. Wegō̄ aa gu'è, ñ aa bò teaàzi.

# 21

*Gbaakpaa Yesuzi Yelusaleū*

(Maa 11.1-26, Luk 19.28-48, Zaa 12.12-22)

<sup>1</sup> Ké aa kà kái ní Yelusaleūo, aa kà Befaze wéle pó kú Kùkpé sìsípôleu, ɔ Yesu a iwa gbéon plao zì <sup>2</sup> a òné: A gé wéle pó kále á ae kee guu. Tó a gë, á zàa'ina e døa ní a néo wegɔ̄. A polo suomee. <sup>3</sup> Tó gbée á lá, kpelewa ni, í me Dii mé ye ní mɔaoi, a ní gbaeè tia. <sup>4</sup> A de màa ké yá pó ãnabi ò ke yáie, à mè:

<sup>5</sup> O Siñadeone an kía mé lé mó ní kíi.

Aà nòse nie, a di zàa'in bɔl kpe. \*

<sup>6</sup> Iwapiɔ ge kè lá Yesu ònéwa. <sup>7</sup> Aa sù ní zàa'napio ní a néo, aa ní ulaɔ kpàlemá, ɔ Yesu díkpe. <sup>8</sup> Gbé dasideo lé ní ulaɔ kpále zéu,<sup>†</sup> gbéeo lé lá zɔ wàle kpále zéu lɔ. <sup>9</sup> Bila pó døaaaè ní gbé pó té aà kpeo lé wiile wàle me:

Gbää ke, Davidi Bui!

Báaaden gbé pó lé mó ní Dii tóo u!

Wà gbäakpaaàzi à zɔ luawa.‡

<sup>10</sup> Ké Yesu gè Yelusaleū, wéle lòo, gbépii lé me: Dén gbé bee ui? <sup>11</sup> Bila mè: Anabi Yesue. A bò Nazaleti, Galile bùsuue.

*Yesu gæa Lua ua*

(Maa 11.15-19, Luk 19.45-48, Zaa 2.13-22)

<sup>12</sup> Yesu gè Lua ua à laayianaɔ ní laalunaɔ yà ní bɔl píi. A òleūkpakenaɔ táabñnuɔ ní felenyianaɔ kilaɔ fuangba. <sup>13</sup> A òné: A këa Lua taalau, wali o ma kpéé lousisikpe,§ ɔ kë gbéblenaɔ tòo u. \*

<sup>14</sup> Vlaɔ ní eeɔ mò aà kíi Lua ua we, ɔ à ní gbägbä. <sup>15</sup> Ké sa'onkiaɔ ní Mɔizi ikoyādanedeɔ yâbɔnsae pó àlé keɔ è, mé aa mà nèo lé wiidɔwà Lua ua aale me, gbää ke Davidi Bui, ɔ an pɔ pà. <sup>16</sup> Aa òè: N mà lá aale oa? Yesu wèmá à mè: Ao! Ké Lua dà néfènenenaɔne ní né yɔ̄minaɔ aa a táasile, i a kyokeo lé?† <sup>17</sup> O à bò wéleu à ní tó we, à tà ii Betani.

*Yesu kaadɔenli kaa*

(Maa 11.12-14,20-24)

<sup>18</sup> Ké gu dò kɔokɔɔ, à èa lé su wéledau, ɔ nɔana lé aà de. <sup>19</sup> A kaadɔenli è zé lé, ɔ à sɔ̄i, i né ewào, sema lá pã. O a ò lípiè: Nyɔ ne'i bau lɔo. Wegɔ̄ lípi giigàga. <sup>20</sup> Ké aà iwaɔ è, ɔ à bò ní sae aa mè: Akea kaadɔenlipi giigàga màa gɔ̄ɔi? <sup>21</sup> Yesu wèmá à mè: Siana málé oé, tó á Lua náai vî seasai, i ke kaadɔenlipi yá ɔ kë adoo. Baa tó á ò sìsíe beeɛ aà azia se zu ísiau, a kee.‡ <sup>22</sup> Tó á Lua náai vî, pó á gbèawà wabikea guu píi, á ee.

\* **21:5** Zkl 9.9    † **21:8** 2Kia 9.13    ‡ **21:9** Sou 118.25-26    § **21:13** Isa 56.7

\* **21:13** Zel 7.11    † **21:16** Sou 8.3    ‡ **21:21** Mat 17.20

*Yesu laa a ikoī*  
(Maa 11.27-33, Luk 20.1-8)

<sup>23</sup> Yesu gè Lua ua, àlè yădané. Ḍ sa'onkiaɔ ní gbēzɔɔ mò aà là aa mè: Iko kpele nílè yá beeɔ keòi? Déme n gba iko bee? <sup>24</sup> Ḍ Yesu wèmá à mè: Mapi sɔ má yá mèndo gbewawá. Tó á òmee, õ má iko pó málè yá beeɔ keo oé. <sup>25</sup> Dé iko Zāa gbé da'ilékèòi? § Lua pó yà, ge gbénazina póε? Ḍ aa lekpàaì aa mè: Tó wa mè Lua póε, a wá lá býai wi Zāa yá sio ni. <sup>26</sup> Tó wa mè gbénazina póε sɔ, wá bíla vía ví, asa ampii aa Zāa ãnabikε siε. <sup>27</sup> Ḍ aa wè Yesuwa aa mè: Wá dɔo. Ḍ Yesu ònè: Mapi sɔ má iko pó málè yá beeɔ keo oéo.

*Né gbén plaɔ*

<sup>28</sup> Ḍ Yesu mè: Gbée mé negɔenaɔ ví gbén pla. Ḍ a ò Wooε: Gé zíkei bua gbã. <sup>29</sup> Woo mè: Má geo. Ḍ à nòselile gbeza, à gè. <sup>30</sup> Maepi ge ò See màa lɔ. Ḍ Se mè: Too. Kási i geo. <sup>31</sup> A è kpelewai? Gbén plaipi guu, an déme a mae pœa kèi? AA mè: Wooε. Ḍ Yesu ònè: Siana málè oé: Ḍsinaɔ ní káaluaɔ gë kpala pó bò Lua kíi guu á ãa. <sup>32</sup> Asa Zāa mò à zé súsu òlɔé, i aà yá sio. Ḍsinaɔ n káaluaɔ mé aa aà yá si. Baa ní bee eao i nòselile gbeza a aà yá siø.

*Vëebu zíkënaɔ*  
(Maa 12.1-12, Luk 20.9-18)

<sup>33</sup> A yápale ma lɔ. Uabelee mé kú a vëebu ví, à kaa líai à eyɔ a guu vëefékli ü, à gbadà.\* Ḍ à a vëebupi nà zíkënaɔne ní ɔzì, õ à félè ní táo. <sup>34</sup> Ké vëekɔzɔzgɔɔ kà, õ à a ïwao zì zíkënapiowa aa a vëe asea siε. <sup>35</sup> Ḍ zíkënapio aà ïwao kùkù, aa ní gbédo gbé, aa ní gbédo dè, aa ní gbédo pàpa ní gbeo aa dè. <sup>36</sup> Uabelepi èa ïwa pâleɔ zì,† an dasi de gbé káauɔla, õ aa kèné màa lɔ. <sup>37</sup> Gbeza õ à a né zílmá à mè: Aa ma né yáda. <sup>38</sup> Ké zíkënapio népi è, aa òkɔε: Túbiblenan kee. Wà aà dè, bú i gɔwëë. <sup>39</sup> Ḍ aa aà kù bò kaau aa aà dè. <sup>40</sup> Tó búde sù, kpelewa a ke zíkënapioñei? <sup>41</sup> Aa wèwà aa mè: A gbé pásipio dède pásipásie, i búpi na zíkëen pâle pó aa aà asea kpawa a gɔowaañe ní ɔzì. <sup>42</sup> Ḍ Yesu ònè: I yáε bee kyokε taalauo lé?

Gbe pó ñbonaɔ pákpaì mé gɔ gbé mide ü.

Dii mé bee kè õ à kèwëë yâbɔnsae ü.‡

<sup>43-44</sup> Ayâmeto málè oé: Lua a á bɔ kpala pó bò a kíi guu, i gbé pó aa a asea kpawaɔ kpau.

<sup>45</sup> Ké sa'onkia o n Falisi o Yesu yâlêe ûanepi o mà, aa dô kéké n yâ àle o. <sup>46</sup> O aale zeweele wà aâ kú, âma aa vîlakè bila e, kéké wà aâ dîle ãnabi ù yái.

## 22

### Nôsepônakêa (Luk 14.15-24)

<sup>1</sup> Yesu èa yâlêe ûné à mè: <sup>2</sup> Lá kpala pô bò Lua kíi den ke ló. Kiae mé lé nôsepônakê a néé, <sup>3</sup> ô à a zikena o zì gbé pô à n gbea blebleawao sisii, âma aa ye moaio. <sup>4</sup> O à èa zikenpâle o zì a òn é: A ge o gbé pô ma n gbeaone ma sou mà, ma zuswana o n potuo mekpaao dède má lâa. Aa mo nôse guu. <sup>5</sup> O aai laaido yâpiwao, an baade gè a bôolekei. Gbêeo gè n bua, gbêeo gè n laatai, <sup>6</sup> gbé kini o zikenapi o kùkù aa widamá aa n dede. <sup>7</sup> O kiapi pô pâ, à a sosao gbâe aa gè gbedenapi o dède, <sup>8</sup> aa tesò n wélewa. <sup>8</sup> O kiapi gbâsa ò a zikenaone: Nôseble mà, âma gbé pô ma n gbea kewà fénœü. <sup>9</sup> A gé zékpaa o guu, i gbé pô á è pii sisi nôse guu. <sup>10</sup> O zikenapi o fele gè zéo guu, aa gbé pô aa èo kâaa, gbenvâi o n gbemaa o pii. Mâa nôsepônakena o gupâ.

<sup>11</sup> Ké kiapi gè pônakenapi o gwai, à gôee è we, a nôsepôna ula daao, <sup>12</sup> ô a òè: Ma gbé, àkeea n gè la nôsepôna uladasai? O à n kparuu. <sup>13</sup> O kia ò a døaione: A aâ oo ye n aâ gbâo, i aâ zu bâasi gusiau. We a óolou à odi a musu. <sup>14</sup> Asa dasi ô Lua sisi, âma gbé pô a sèo bílao.

### Yesu lousisin gbézôwo fua

(Maa 12.13-40, Luk 10.25-28, 20.19-47)

<sup>15</sup> Bee gbea ô Falisi o bò gè lekpâa i lá wà kë aa e Yesu kú a yâ'oa guu. <sup>16</sup> O aa n iwa o zìwâ n Elodi kpala zenkpêdee o, aa mè: Metulu, wá dô kéké náaiden n ù. Ni Lua zé oloné wásawasa e. Nili yâsi n gbêo ublembeké yâio, asa nili gbêe wegwao. <sup>17</sup> Lá n è n owé e. A kù wà wé'ôa kpá Sezaawaa, ge i kûo? <sup>18</sup> Yesu n nôsevâi dômá à mè: Møafilide o! Bóyai ále filifilimbakpamee i? <sup>19</sup> A ña pô wí wé'ôa kpa òlomé e. O aa ñapi do dôe. <sup>20</sup> O à n lá à mè: Dé mi n a tóon lai? <sup>21</sup> Aa wèwâ aa mè: Sezaa pôe. O a òn é: Too, à Sezaa dee pô kpawâ, i Lua pô kpawâ. <sup>22</sup> Ké aa yâpi mà, à bò n sae, ô aa aâ tò we aa tâ.

<sup>23</sup> Gôo doüpi zì Sadusee o mò Yesu kíi. Aa ñ me geo lí vu o, ô aa aâ là aa mè: <sup>24</sup> Metulu, Møizi mè, tó gôe gâ nésai, dâuna lí a vîl gyaa da'uake, aâ a vîl gêe ke ð.\* <sup>25</sup> Tò. Dedoüde o kú wá guu yâa gbêon sopla. Woo no sè à gâ a nöpi tò nésai, ô gyaa gò See. <sup>26</sup> A

\* 22:24 Iko 25.5

kè See màa lɔ ní Bío e à gè pè gbẽn soplapiɔwa píi. <sup>27</sup> Ampii gbea õ nɔ gâ sɔ. <sup>28</sup> Geɔ vugɔɔzì an gbẽn soplapiɔ guu, déme aɔ nɔpi v̄i? Asa ampii aa aà dɔ nɔ ūe. <sup>29</sup> O Yesu wèmá à mè: A sãsãe á Luayātaala ní aà gbääo dɔsai yái. <sup>30</sup> Tó geɔ vù, aa nɔseο, aa zākeo, aaɔ ku lán luabe malaikaɔwae. <sup>31</sup> Geɔ vua yá musu i yá pó Lua ðé kyokeo lé? A mè <sup>32</sup> ámeaa Ablahaũ ní Izaakio ní Yakɔbuo Lua.† Geɔ Luan aà ūo, sema gbé b̄eɛ. <sup>33</sup> Ké bíla yápi mà, aà yâdaané dímá.

<sup>34</sup> Ké Falisiɔ mà Yesu Saduseɔ fù, aa kɔ kâaa. <sup>35</sup> O an ikoyādñnaɔ do likpàlewà à aà là à mè: <sup>36</sup> Metulu, Mɔizi ikoyā kpele gbia mé deñlai? <sup>37</sup> Yesu wèwà à mè: Nyɔ ye Dii n Luazi ní nɔsəmendoo teasisai, n sɔ iɔ kuwà.‡ <sup>38</sup> Ikoyā pó a gbia deñlan we. <sup>39</sup> A plaade pó bòwan ke: Nyɔ ye ní gbénazin deezi lá nzia wèniwa.§ <sup>40</sup> Mɔizi ikoyā píi ní ãnabiɔ yáɔ píi looa ikoyā mèn pla beeɔwae.

<sup>41</sup> Lá Falisiɔ kâaaa, Yesu ní lá à mè: <sup>42</sup> A è kpelewa Mesii yá musui? Dé buin aà ūi? Aa wèwà aa mè: Davidi buie. <sup>43</sup> O Yesu ðné: Akea Lua Nisina dède Davidiwa, õ a ðé Diii? A mè <sup>44</sup> Dii ð ma Dii e aà zɔlè a ɔplai e àa aà ibeeɔ kálèè a gbá zíe.\*

<sup>45</sup> Lá Davidi ðé Dii, kpelewa aɔ de aà bui ūi? <sup>46</sup> Gbẽe i fɔ yázáslwào. Za gɔɔ bee gbẽe i we yæe làwà lɔo.

## 23

*Mɔizi ikoyādanedeɔ ní Falisiɔ mɔafili*

*(Maa 12.38-40, Luk 20.45-47)*

<sup>1</sup> Bee gbea Yesu yá'ò bílae ní a ïwaɔ <sup>2</sup> à mè: Mɔizi ikoyādanedeɔ ní Falisiɔ mé aa gɔ Mɔizi gẽe ū. <sup>3</sup> Ayāmeto àli yá pó aaï oéø ke píi, iɔ kúa. Ama ásu ní kea keo, asa aali yá pó aaï o keo. <sup>4</sup> Aaï aso gbia yeye da gbéne ní gâue, mé baa ɔton do aaliɔ ye kaio. <sup>5</sup> Aaï ní yá píi ke ké gbé ní e yáie. Màa aaï Lua yá eseba gbéne da,\* aaï tufa gbâa da ní pɔkasai.† <sup>6</sup> Pɔnableble zɔlekli maaɔ ní lousisikpε zɔlekli maaɔ õ aaïɔ weelé zɔleu. <sup>7</sup> Aaïɔ ye wào fɔkpakpamá gâae, wào one Metulu. <sup>8</sup> Asuli tó wà oé Metuluo, asa ápii v̄iɔ n dãunaɔn á ū, mé á Metulu mèndoe. <sup>9</sup> Asuli o gbéee á mae dûnia guu lao, asa á Mae mèndoe, õme kú musu. <sup>10</sup> Asuli tó wà oé Dɔaanaao, asa á Dɔaana mèndoe, õn Mesii ū. <sup>11</sup> Gbé pó zɔɔ á guu aâɔ de á dɔnlede ū.‡ <sup>12</sup> Gbé pó i azia kâflí Lua a aà busae, mé gbé pó i azia busa Lua a aà kâflí.

\* 22:32 Boa 3.6    † 22:37 Iko 6.5    § 22:39 Lev 19.18    \* 22:44 Sou 110.1

\* 23:5 Iko 6.8    † 23:5 Nao 15.38    ‡ 23:11 Mat 20.26-27

*Yesu zoadaa Mɔizi ikoyadanedeo n Falisiowa  
(Luk 11.37-42)*

<sup>13</sup> Waiyoo á yādanedeo n Falisi! Mɔafilideo! I kpala pɔ bɔ  
Lua kii zé ta gbéon. Ili gēuo, mé ili we gbé pó aa ye gēuo gēu  
sō.

<sup>14</sup> Waiyoo á yādanedeo n Falisi! Mɔafilideo! I wabi gbàa ke  
Luawa à gyaa bleò. Bee yái á iadama pāsi aó dēnla.

<sup>15</sup> Waiyoo á yādanedeo n Falisi! Mɔafilideo! I bebe tɔole n  
isiao iwa mèndo ea yái. Tó á è sō, i aà ke té pó ū deála lee plae.

<sup>16</sup> Waiyoo á vìla dɔaana! I me tó wà mè wa sì n Lua kpéo, a  
yāe vño, áma tó wà mè wa sì n Lua kpé vuao, bee mé yāvì. <sup>17</sup> Vìla  
misaideo! A kpele mé zɔɔi? Vua yà, ge Lua kpé pó i to vua gō aà  
pó ūe? <sup>18</sup> I me lɔ tó wà mè wa sì n sa'okio, a yāe vño, áma tó wà  
mè wa sì n sa'obo pó kú weo, bee mé yāvì. <sup>19</sup> Vìla! A kpele mé  
zɔɔi? Sa'obo yà, ge sa'okli pó i to sa'obo gō Lua pó ūe? <sup>20</sup> Gbé pó  
mè á sì n sa'okio, a sì n pó pó kú weo lɔ píi. <sup>21</sup> Gbé pó mè á sì n  
Lua kpéo, a sì n Lua pó kú a guuoe lɔ. <sup>22</sup> Gbé pó mè á sì n luabeo,  
a sì n Lua kpalabaaos n Lua pó zɔlèwàoe.

<sup>23</sup> Waiyoo á yādanedeo n Falisi! Mɔafilideo! I toe dosina n  
kianaakpeo n dà láo kwide kpa Luawa, ñ i Mɔizi ikoyā gbia to  
we, yázede n sùuuo n náao. Yá beeó mé dè wà ke a kíni tosai.\*  
<sup>24</sup> Vìla dɔaana! I maemilona ple á imiau, ñ i yiongo mó.

<sup>25</sup> Waiyoo á yādanedeo n Falisi! Mɔafilideo! I gbâbô bisa  
kpée n tao, mé bli n gbétainkéao mé á nòse pà. <sup>26</sup> Falisi vìla!  
Bisa guu pípi già, a kpe i gō gbâsisai.

<sup>27</sup> Waiyoo á yādanedeo n Falisi! Mɔafilideo! A dè lán mia pó  
wà soolèwàwae. An kpe maa wéé, áma gewa n gbâsi píio mé  
n guu pà. <sup>28</sup> Mâae ápi sō, á bea maa gbé wéé, áma mɔafili n  
yâvâio mé á guu pà.

<sup>29</sup> Waiyoo á yādanedeo n Falisi! Mɔafilideo! I pó bo ãnabi  
miaawa, i zâble Lua gbé pówa, <sup>30</sup> i me: Tó wá kú yää wá dezio  
gō, wá bâa aó kúrino ãnabi dède a guuo. <sup>31</sup> Beewa á dò ké gbé  
pó aa ãnabi dède buiñ á ū. <sup>32</sup> A ãiake à á dezio tâaaba, i  
a midé sa! <sup>33</sup> Mlê! Gbénazin píligona! Kpelewa á bɔ té yá  
pó daaála guui?† <sup>34</sup> A yái má ãnabi n ñononac n yâdanedeo  
zîwá, i n gbé e dède, i n gbé e páliwa, i n gbé e gbé n flâalao á  
lousisikpeo guu, i n yá wéle n wéle. <sup>35</sup> Beewa Lua gbé pó wà n  
dède yâ a wi á musu, sea za gbémaa Abelíwa‡ e à gè pè Balakia  
né Zakali pó a aà dè Lua kpé n sa'okio zânguowa.§ <sup>36</sup> Siana  
mâle oé, yâ beeó píi a wi gbâgbé musue.

§ 23:22 Isa 66.1 \* 23:23 Lev 27.30 † 23:33 Mat 3.7, 12.34 ‡ 23:35 Daa 4.8

§ 23:35 2Lad 24.20-21

<sup>37</sup> Yelusalɛ̄de, Yelusalɛ̄de! A ãnabi ðède, a gbé pó Lua ní zíwáo pàpa ní gbeo a ní dède. Miø ye mà á kāamazi mòmò, lá ko i a gàsia kú a nélawá, ãma ili weio. <sup>38</sup> Lua a á kpé tóé kpézí ûe sa. <sup>39</sup> Málë oé, za tia á ma e lò, e à omee báaade gbé pó lé mó ní Dii tóo.\*

## 24

*Yelusalé ñ díuzá ní dúnialaagoo seela*  
(Maa 13.1-20, Luk 21.5-24)

<sup>1</sup> Yesu bò Lua ua, ále tá, õ aà ïwaø sòaàzi, aa lesuikèè Lua kpé ñdawa. <sup>2</sup> Yesu òné: A bee è píia? Siana málë oé, wa gbeo to dikõa weo, wa a díuzé.

<sup>3</sup> Goo pó Yesu zòlæa Kùkpø sìsípøleu, aà ïwaø mó aà kíi nítéé, aa aà là aa mè: Owéé, yá bee ke boø ni? Bóme aø de n móa ní dúnialaagoo seela üi? <sup>4</sup> Yesu wémá à mè: A laaika, ásu to gbéé á sásão. <sup>5</sup> Asa gbé mó ní ma tó dasi, aa me Mesiin ní ü, aa gbé sásä dasi. <sup>6</sup> Ali zì bao ma ní a súuo. Asu to sò kéágwo. Bee a kee, ãma goo láaa pón we giao. <sup>7</sup> Asa bui ní buio aa fele ní kòoe, màae lò bùsu ní bùsuo. Nòana ní tóole lualuaao aø ku guoø dasi. <sup>8</sup> Yápi ñpíá nòwawá daaleæ. <sup>9</sup> Bee gbea wa á kpámá wà á wetä, wi á de, bui píi i zaágu ma yái.\* <sup>10</sup> Gbé daside i gbasa fu, aai bo kò kpe, aaiø zakòu. <sup>11</sup> Anabi egénaø mó dasi aa gbé sásä dasi, <sup>12</sup> yávái i kò, gbé daside yea Luazi i busa. <sup>13</sup> Gbé pó zéa gbää e a goo léwa, ade mé a bo.† <sup>14</sup> Wa kpala pó bò Lua kíi baokpa dúnia gupiø seela ü bui píi, a lé i gbasa ká.

<sup>15</sup> Tó a tè gudéna pó ãnabi Danieli a yá'ò‡ è Lua ua, kyokéna yápi da, <sup>16</sup> goo bee gbé pó aa ku Yudeø báale mipe sìsíowa. <sup>17</sup> Gbé pó kú kpé musu su pilø gë kpéu pøe séio. <sup>18</sup> Gbé pó kpe bua su ea be a ula séio. <sup>19</sup> Waiyoo nòsindeeø ní neadeø goo bee. <sup>20</sup> A wabiké Luawa ke lala'oapi su ke buzie ge kámabogoozio. <sup>21</sup> Asa goo pi taasi aø zòø. Zaa Lua dúnia kàlè e gbä, a taa i keo, mé a ke lò. § <sup>22</sup> Tó Lua i zeò à goo pi laoo, dò gbéé a boø. Ama a lào gbé pó à ní séo yáie.

*Gbénazin Né móa*  
(Maa 13.21-37, Luk 17.20-37, 21.25-33)

<sup>23</sup> Goo bee tó gbéé su òé, gwa, Mesiø ku la ge a ku le, ásu siø. <sup>24</sup> Asa Mesiø egénaø ní ãnabi egénaø mó aa seela zòø n dabudabuø ke, ké baa gbé pó Lua ní séø aa ní sásäò, tó a zeké. <sup>25</sup> Málë oé za káauë. <sup>26</sup> Tó wa òé, gwa, a ku sëu, ásu geo. Ge tó wa òé, gwa, a ku kpea, ásu siø. <sup>27</sup> Asa lá lou i píle à luabe pu za

\* 23:39 Soü 118.26 \* 24:9 Mat 10.22 † 24:13 Mat 10.22 ‡ 24:15 Dan 9.27, 11.31, 12.11 § 24:21 Dan 12.1

gukpe e be'aε, màa Gbēnazin Né mɔa aο de. <sup>28</sup> Gu pó gε kuu, we yāamusuɔ kāaa.

<sup>29</sup> Gɔɔ bee wétēa gbea gɔɔ, iatē a siakū, mɔvua a ikeo, saanaɔ wolo luawa, pó pó kú luawapiɔ zā ní pékliwa.\* <sup>30</sup> Gbēnazin Né seela i gbasa bɔ luabe, bui pó kú dúnia guuɔ i nízia gbègbè nípii, aai Gbēnazin Né mɔa e luabepuanau ní gbāao ní gawi zɔɔ.† <sup>31</sup> A a malaikao zí ní kāae'ɔ gbāao, aa a gbé pó à ní sēɔ kāaa za dúnia gola sīiɔwa za luabe lélə e a léle.

<sup>32</sup> A yá pó kaadɔenli lé daé gwa. Tó a gɔna busekù mé àlε bɔlɔbɔ, i dɔ kέ guantēna kāikù. <sup>33</sup> Màaε sɔ, tó a yá beeɔ è píi, ào dɔ kέ aà mɔa kāikù, a ze kpεele. <sup>34</sup> Siana málε oé, gɔɔbeedeɔ gεlε yá beeɔ píi kesaio. <sup>35</sup> Luabe ní dúniao a gεlε, kási ma yáɔ gεlεa vio.

<sup>36</sup> Gbēe a gɔɔ ge a zaa dɔo, baa luabe malaikao, baa Lua Né, sema ma Mae ado. <sup>37</sup> Lá a de Nɔee gɔɔ,‡ màa aο de Gbēnazin Né mógoɔ. <sup>38</sup> Gɔɔ pó i i da dúrialao, wàlε pɔble, wàlε imi, wàlε nɔse, wàlε zákε e Nɔee gè gè gó'lena guu. <sup>39</sup> Aai dɔo, ɔ i mì ní sélé nípii.§ Màa aο de Gbēnazin Né mógoɔ lɔ. <sup>40</sup> Gɔɔ bee gɔɔ gbēon plao aao ku bua, wa gbēdo sé, wa gbēdo to we. <sup>41</sup> Nɔe gbēon plao aao pó lɔ gbεzì, wa gbēdo sé, wa gbēdo to we. <sup>42</sup> Ayāmeto à itékε, asa á gɔɔ pó á Dii a mɔwà dɔo. <sup>43</sup> Aɔ yáε bee ma. Tó uabele zaa pó kpái a mɔwà a be dɔ yáa, dɔ à itékε, a we aà a kpé gbooo. <sup>44</sup> A yáí ápiɔ sɔ ào ku sɔu guu, asa Gbēnazin Né a mɔ zaa pó á wé dɔiowaε.

### Zikén ndaide laaide (Luk 12.41-48)

<sup>45</sup> Démε zikennáaide laaide pó aà dii a zikenaɔ naè a ɔzì, aàli ble kpámá a gɔɔwa ū? <sup>46</sup> Báaden zikena pó aà dii aà lè àlε ke màa a sugɔɔ ū. <sup>47</sup> Siana málε oé, a a àizεe píi naè a ɔzìe. <sup>48</sup> Ama tó zikenapi väi, a o a sɔ guu a dii lè gεgε, <sup>49</sup> i fele na a zikendeeɔ gbègbèawa, iɔ ulatable, iɔ imi ní wëdenaɔ, <sup>50</sup> aà dii a su gɔɔ pó aà wé dɔiowaε, zaa pó a dɔowa, <sup>51</sup> i aà zɔezɔe, i aà baa daaa ní mɔafilideɔ. We a ólɔu à ɔdi a musu.

## 25

### Wéndia gbēon kwiɔ

<sup>1</sup> Gɔɔ bee kpala pó bò Lua kíi yá aο de lán wéndia gbēon kwi pó aa ní filiaɔ sè bòò aale gε dai nɔsenaleɔ yáwaε. <sup>2</sup> An gbēon sɔoɔá laaisaideɔne. An gbēon sɔoɔ sɔ laaideɔne. <sup>3</sup> A laaisaideɔ ní filiaɔ sè nísi kùsúa saiε, <sup>4</sup> a laaideɔ sɔ aa ní filiaɔ sè nísi kùsúa. <sup>5</sup> Nɔseña i mɔ kpaaø, ɔ i ní lè nípii, aale i'o. <sup>6</sup> Wεedo wà wiilè wà

\* **24:29** Isa 13.10, 34.4, Yoe 3.4    † **24:30** Dan 7.13    ‡ **24:37** Daa 6.5-7    § **24:39**  
Daa 7.10-24

mè: Nōsenā lé mó! A fēle gē daiaàlē. <sup>7</sup> O wéndiapiō vù mppi, aa n̄ filiaō kēke. <sup>8</sup> O a laaisaideō ò a laaideōne: A wá gba n̄isi yooe, wá filia lé gae. <sup>9</sup> O a laaidepiō wémá aa mè: A mówá n̄ ápiō píio. A gē á pó lúi a yianas kíias! <sup>10</sup> Ké aa gē lúi, ɔ nosena kà. Gbē pó an sōu māo gēaànō nosé guu, ɔ wá gbatà. <sup>11</sup> Gbezā wéndia kínipiō sù, aale lezu: Dii, Dii! ZewéWéé! <sup>12</sup> O a wémá à mè: Siana málē oé, má á dōo. <sup>13</sup> Ayámeto à itékē, asa á a gōo ge a zaa dōo.

### *Odakea zíkēnaōne (Luk 19.11-27)*

<sup>14</sup> Kpala pó bò Lua kíi de lán gbé pó ye fēle n̄ táo, ɔ à a zíkēnaō sisi à a àizee nàné n̄ ɔzíwae. <sup>15</sup> A odakè an gbēdoe bāni sōo, gbēn̄ plaade bāni pla, gbēn̄ àaōde bāni do. A kpà an baadewa a gbāa léu, ɔ à fēle n̄ táo. <sup>16</sup> Bāniode gē zíkè n̄ ɔapio gōo, ɔ à aikèè bāni sōo. <sup>17</sup> Bāniplaade kē māa l̄, ɔ à aikèè bāni pla. <sup>18</sup> Bānidode sō à gē eyōe, ɔ à a dii ɔapi ûleu. <sup>19</sup> Gooplakea gbea zíkēnapiō dii sù, ɔ àle a ɔa yá ḡḡḡr̄in̄. <sup>20</sup> Bāniode m̄ n̄ bāni sōo pâle pó á èo à mè: Dii, bāni sōo pó n̄ kpàa gwa, à aikè bāni sōo l̄. <sup>21</sup> O aà dii òè: N kē zíkēn maa náaide! Lá n̄ náai v̄i n̄ a yooacao, má a zōo nané n̄ ɔz̄ie sa. Gē ma p̄onakea guu. <sup>22</sup> Bāniplaade m̄ l̄ à mè: Dii, bāni pla pó n̄ kpàa gwa, à aikè bāni pla l̄. <sup>23</sup> O aà dii òè: N kē zíkēn maa náaide! Lá n̄ náai v̄i n̄ a yooacao, má a zōo nané n̄ ɔz̄ie sa. Gē ma p̄onakea guu. <sup>24</sup> O dode m̄ sa à mè: Dii, má d̄ kē gbé zí'ün n̄ ū. Ni p̄okeke gu pó ni t̄uo, mé ni pó kāaa gu pó ni gbēuo. <sup>25</sup> O v̄ia ma kū, ma gē ma n̄ ɔa ûle eu. N pó kē. <sup>26</sup> O aà dii òè: Zíkēn v̄ai māade! N d̄ kē mi p̄okeke gu pó mi t̄uo, mi pó kāaa gu pó mi gbēuo l̄? <sup>27</sup> Tó n̄ dakèò gbēee yāa, lá ma sué, d̄ má s̄i n̄ a io. <sup>28</sup> A bāni dopi siwà, i kpá bāniodewa. <sup>29</sup> Asa gbé pó pó v̄i Lua a káflè e à fēe. Gbē pó v̄i sōo, baa pó pó a v̄i Lua a siwàe.\* <sup>30</sup> Zíkēn p̄ae bee sō, à aà zu bāasi gusiau. We a óolou à odì a musu.†

### *Yákpale gbeza*

<sup>31</sup> Tó Gbēnazin Né m̄ a gawi guu n̄ a malaikā píi, a zōle a kpalabaa gawidewa.‡ <sup>32</sup> Dúnia buiō i kāaa aà ae píi, i n̄ kékōwa lá p̄odāna i sāo kékōwa n̄ bleōwa. <sup>33</sup> A sāo kpa a ɔplai, bleō ɔzeei. <sup>34</sup> Bee gbea Kiapi a o gbé pó aa ku a ɔplaiōne: A gbé pó ma Mae báaadàágwu à m̄ kpala pó à a sōukèé za dúniakalegōo ble. <sup>35</sup> Asa kē n̄oana lé ma d̄e, a ble kpàa. Ké imi lé ma d̄e, a i kpàa. Ké má d̄e nib̄ ū, a ma dile. <sup>36</sup> Ké má b̄e būu, a uladàmee. Ké málē gyákē, a ma gwa. Ké wá ma dakpeu, a m̄ ma gwai.

<sup>37</sup> Gbēmaao i gbasa oè: Dii, b̄e wá è n̄oana lé n̄ d̄e wa ble kpàmai, ge imi lé n̄ d̄e wa í kpàmai? <sup>38</sup> B̄e wa n̄ e nib̄ ū wa

\* 25:29 Mat 13.12 † 25:30 Mat 8.12, 22.13 ‡ 25:31 Mat 16.27, 19.28

n dilei, ge n̄ b̄u wa uladānei? <sup>39</sup> Boε wá è n̄lē gyākē ge wà n̄ dakpeu, wa ge n̄ gwaii? <sup>40</sup> Kiapi i wemá: Siana málē oé, ḡo p̄ á k̄ ma gb̄ē bee doe, baa an gb̄ē p̄ k̄sāańzi, máme á k̄mee.

<sup>41</sup> Bee gbea a o gb̄ē p̄ aa ku a ɔz̄eeiōne: A gomee we luag-inzideo! A ta té gasai p̄o Lua k̄ke Ibiisie n̄ a īwač guu. <sup>42</sup> Asa k̄ n̄oana ma de, i bl̄e kpaaao. Ké imi ma de, i ī kpaaao. <sup>43</sup> Ké má de nib̄ ū, i ma dileo. Ké má b̄e b̄u, i uladamēeo. Ké málē gyākē ge wà ma dakpeu, i m̄o ma gwaio. <sup>44</sup> Aai gbasa aà lá: Dii, boε wa n̄ e n̄oanao ge imi ge nib̄ ū ge b̄u ge gyāe ge dakpeuna ū, m̄é wi d̄onleo ni? <sup>45</sup> Kíia i wemá: Siana málē oé, lá i k̄ gb̄ē bee doe, baa an gb̄ē p̄ k̄sāańzi, máme i k̄meeeo. <sup>46</sup> Gb̄ē bee ta īadama láasai guue, gb̄ēmaač s̄o aizāna guu. §

## 26

### Lekpaaia Yesuzi

(Maa 14.1-2, Luk 22.1-2, Zaa 11.45-53)

<sup>1</sup> Ké Yesu yá bee ò p̄í a làa, ɔ a ò a īwačne: <sup>2</sup> A d̄o k̄ ḡo pl̄a gbea wa Gēamusu\* dikpeke, wi Gb̄enazin Né kpámá wà aà paliwa.

<sup>3</sup> Bee gbea sa'onkia n̄ Yuda gb̄ez̄oo k̄ k̄aaa sa'onkia p̄o w̄i m̄e Kaaifa b̄e. <sup>4</sup> Aa lekpaaí lá aa e Yesu kú kpái, aai aà de <sup>5</sup> aa m̄e: Wásu k̄e dikpe z̄io, k̄e bíla su fel̄e n̄ zoao yáí.

### Tulalekaa Yesu miwa

(Maa 14.3-9, Zaa 12.1-8)

<sup>6-7</sup> Ké Yesu kú Betani, àl̄e p̄oble Simoo kusude b̄e, ɔ n̄oee s̄aaàzi, a tulale ɔde loona kūa. ɔ a k̄a Yesu miwa. <sup>8</sup> Ké aà īwač è, ɔ an p̄o fel̄e aa m̄e: Bón p̄o pâkeea bee ūi? <sup>9</sup> D̄o yāa wà tulalepi ȳia n̄ o z̄oo, wi a ña kpá taasidecw̄a. <sup>10</sup> Yesu d̄ommá, ɔ a òn̄é: Bóyai àl̄e īadai n̄epiwai? Yá p̄o a k̄mee maae. <sup>11</sup> Taasidec̄ ɔ kúáno ḡo piie,† ãma māo kúáno ḡo piio. <sup>12</sup> Ké à tulalepi k̄a ma mewa, a k̄ ma ḡe kpelaa yáíe. <sup>13</sup> Siana málē oé: Gu p̄o wàl̄e ma baokpau dúnia gupiiu, wač yá p̄o n̄epi k̄e o aà d̄ongu yáíe.

### Yudasi b̄a Yesu kp̄e

(Maa 14.10-11, Luk 22.3-6)

<sup>14</sup> Bee gbea gb̄en̄ kuepl̄a do p̄o w̄i m̄e Yudasi Isalio ti ḡe sa'onkia k̄ii <sup>15</sup> à m̄e: Tó ma Yesu kpàwá, b̄o á we kpaaai? ɔ aa ãnusu ɔwat̄ baakwi‡ n̄ào aa kpàwà. <sup>16</sup> Za ḡo bee ɔ àl̄e z̄eweele à aà kpámá.

### Gēamusu bleblea

(Maa 14.12-31, Luk 22.7-23, Zaa 13.21-38, 1Kln 11.23-25)

<sup>17</sup> Kàaso dikpègòo sèia zí Yesu ìwaç mò aà là aa mè: Má n ye wà Gëamusu bleble sçoukeunei? <sup>18</sup> A wèmá à mè: A gë wéledau gbèe kíi, i oè Metulu mè a gòo kà kái. Aà be á Gëamusu ble bleu ní a ìwaç. <sup>19</sup> Yesu ìwaç kè lá a dànéwa, aa Gëamusu bleble sçoukè. <sup>20</sup> Ké oosi kè, Yesu zòlè táabùnui ní a gbèon kuëplapi. <sup>21</sup> Gòo pò aale pòble à mè: Siana málë oé, á gbèdo a ma kpámá. <sup>22</sup> An pò yà maamaa, an baade fèle lé aà la dodo: Asa mámëo yó, Dii? <sup>23</sup> Yesu wèmá à mè: Gbé pò wále okäaa ta doù mé a ma kpámá. § <sup>24</sup> Gbénazin Né a ánuato lá wà a yá'ò taalaauwa,\* áma waiyoo gbé pò a aà kpámápi. A maa wà aà i yääao. <sup>25</sup> O Yudasi pò a aà kpámápi mè: Asa mámëo yó, Metulu? Yesu òè: Omè dò n léu we.

<sup>26</sup> Gòo pò aale pòble, Yesu kàa sè à báaadàu, ɔ a è'e a kpà a ìwaçwa à mè: A si só. Ké beeá ma mëe. <sup>27</sup> O à imibò sè lò. A sáaukpà, ɔ a kpámá à mè: A mi ápii. <sup>28</sup> Ké beeá ma auë. A de Lua báa kua ní gbé dasiò au† pò a bòlea an duunakéama yái üe. <sup>29</sup> Málë oé, za gbà má vëebé'i mi lò. Sema tó kpala pò bò ma Mae kíi bò gupuau, ɔ má a dafu miánò. <sup>30</sup> Ké aa lesì, ɔ aa bòle gè Kùkpè sìsìpòleu.

<sup>31</sup> Bee gbea Yesu òné: Apii á ma to we gwääsinnaa, asa a këa láu wà mè, Lua a pòdâna lé, aà kpàsa pò i fääa.‡ <sup>32</sup> Ma vua gbea má døaaé Galile. <sup>33</sup> O Piëe òè: Baa tó ma gbéon to we mìpii, má n to we bauo. <sup>34</sup> Yesu òè: Siana málë onë, gwääsinnaa e ko àò gé lezui, nyô lelekpmazi gën àaã. <sup>35</sup> Piëe òè: Baa tó má su ganno, má lelekpanzi bauo. O aà ìwaç ò màa sõ mìpii.

### *Yesu wabikëa Gesemani (Maa 14.32-42, Luk 22.39-46)*

<sup>36</sup> Bee gbea Yesu ní a ìwaç kà gu pò wí me Gesemani, ɔ a òné: A zòlè la e mà gë wabikë le. <sup>37</sup> A Piëe ní Zebedee né gbèon plaç sè gèñño. Aà pò siakù, tòlobi zùaàgu. <sup>38</sup> O a òné: Pòsia ma kù gbää e ma ka gaa. A ze la, i itékemano. <sup>39</sup> O à gè ae yòo, à wùlé a gbeeu à wabikë à mè: Baa, tó a zeke, to taasi keeonaæ bee dømazi. Ama i ke lá má yeiwa no, sema lá ní yeiwa. <sup>40</sup> O à èa sù a ìwaç lè, aale i'o. O a ò Piëee: Måa yà? I fñ itékemano baa yòo? <sup>41</sup> A itékë àò wabikë, ké ásu fu yòawao yái. A nisina yei, áma á me mé busë. <sup>42</sup> Aà këamá gën plaade, à wabikë à mè: Baa, tó taasi keeona í a dømazi a imisaio, to n pœä ke. <sup>43</sup> Ké à èa sù ní lè, a è aale i'o lò, asa an wé gbiakùe. <sup>44</sup> O à ní tó we lò, à gè wabikë a gën àaãde, à yá doùpi ò lò. <sup>45</sup> O à èa sù a ìwaçwa a òné: Ale i'o álé kámabo e tiaa? A gwa! Gbénazin Né kpaa duunkenaçwa gòo kà. <sup>46</sup> A felé wà tá. Gbé pò lé ma kpámá lé mò.

---

§ **26:23** Sou 41.10    \* **26:24** Sou 22.1-19, Isa 53.1-12    † **26:28** Bøa 24.8, Zel 31.31-34    ‡ **26:31** Zkl 13.7

*Yesu kúu**(Maa 14.43-50, Luk 22.47-53, Zaa 18.3-12)*

<sup>47</sup> Goo pó àle yápi o, ñ aà ïwa gbéon kuëplao do Yudasi kà n bíla pó aa bò sa'onkia ñ Yuda gbézõo kíio. Aa fëndao kúkúa ñ go. <sup>48</sup> Bonkpédepi sõ à seela òné à mè: Gbé pó ma su lepèwà, aàpin we. A aà kú. <sup>49</sup> O à tää'ò Yesuwa gô à mè: Fo Metulu. O à lepèwà. <sup>50</sup> Yesu òè: Ma gbé, ñ n kea ke! O wà mò opèlé Yesuwa, wà aà kú. <sup>51</sup> O Yesu ïwa ñ do a fënda wò, à sa'onkia zikena lèò à aà swá gò. <sup>52</sup> O Yesu òè: N n fënda pe a gbéu. Asa gbé pó zè n fëndao, fënda mé a aà de. <sup>53</sup> Tó má ye ma Mae malaika zìgõo gbaemee gô ñ de gáli kuëplao la, ñ dõ má fua a wabikewà yà? <sup>54</sup> Tó má kè màa sõ, kpelewa yá pó këa Luayataalau wà mè a ke a kei? <sup>55</sup> O Yesu ò bílae: Kpái weliwen ma û, ñ a mo ma kúi n fëndao ñ gooa? Goopii mi ñ zõle Lua ua mà yádané, i ma kúo. <sup>56</sup> Ama yápi kè píi, kè yá pó ânabi ñ ke yáie. O aà ïwa aà tò we mípii, aa báasi.

*Yuda gbaade, yákpaleke a ñ Yesuo**(Maa 14.53-65, Luk 22.54-55, 63-71, Zaa 18.13-14, 19-24)*

<sup>57</sup> Gbé pó aa Yesu kùo gèaàno sa'onkia Kaaifa be. Moizi ikoyádanede ñ gbézõo kääaa we. <sup>58</sup> Piee te Yesu kpé kääa e sa'onkiapi be. A gè ua à zõle ñ døai, kè à yápi midéa e. <sup>59</sup> Sa'onkia ñ Yuda gbaade píi lé yá wéele do Yesuwa aa e wà aà de. <sup>60</sup> Baa kè gbéo mò yádòdowà dasi, i keo. Gbeza gbeon plaeo mò <sup>61</sup> aa mè: Dee mè á fó Lua kpé wí, í ea do go ñ aáñe sé! <sup>62</sup> O sa'onkia félé zè a ñ Yesue: Yá pó wàle dòdòmapi dea ni? Nyõ yæ zásioa? <sup>63</sup> Ké Yesu níle kpé, ñ sa'onkiapi òè: Ma nané Lua bëei, owéé tó Lua Né pó wí me Mesiin n û. <sup>64</sup> Yesu wèwà à mè: Óme do n léu we. Mapi sõ mále oé, za gbá á Gbénazin Né e zõlea Gbäapiide oplaai, § mé á aà e, àle mó luabepuanau.\* <sup>65</sup> O sa'onkiapi a pokasa ñ gá a kè à mè: A dóé ñ Luao! Wá báa úma n seelade ñ li? A mà lá à dòé ñ Luao wea? <sup>66</sup> A è kpeleawai? O aa wèwà aa mè: Aà tääe kà wà aà de.† <sup>67</sup> O wà lé'ikà aà oawa‡ wà aà lè ñ ñkúo. Gbëeo aà sãnkèke<sup>68</sup> aa mè: Mesiil, ânabikeke ñ gbé pó n le owéé.

*Piee lelekpa Yesuzi**(Maa 14.66-72, Luk 22.56-62, Zaa 18.15-18, 25-27)*

<sup>69</sup> Piee zõlea ua, ñ noé zikenee mo ñ òè: Mpi sõ ñ sánu ñ Galile gbé Yesupioe. <sup>70</sup> O à lelekpa gbépíi wáa à mè: Má dõ yá pó níle oo. <sup>71</sup> Ké à gè gõu, noé pâle aà è, ñ a ñ gbé pó kú weone: Gbëeo bee sánu ñ Yesu Nazalecioe. <sup>72</sup> Piee èa lelekpa à mè: Má sì ñ Luao má gbépi dõo. <sup>73</sup> Ké à kè sàa yoo, gbé pó zea weo sõ Pieezi aa mè:

Sianaε, an gbēdon n ū, asa wá n dō n yā'oawaε. <sup>74</sup> Ḷ à fēle azia kà à mè: N Luao má gbēpi dō. Wegōo ū ko lezù. <sup>75</sup> Ḷ yā pō Yesu ò dōaāgu kē à mè, e ko ào gē lezui a lelekpaazi gēn àaā. Ḷ Pieepi bò bāasi, à ūlò à kè wēna.

## 27

### *Yudasi gaa*

(Zin 1.18-19)

<sup>1</sup> Ké gu dō kooķoo, sa'onkiač ní Yuda gbēzōo píi lekpāai Yesuzi, kē aa e wà aà de. <sup>2</sup> Aa aà yè, ū aa gè aà kpà bùsu gbēzōo Pilatiwa.

<sup>3</sup> Ké Yudasi pō aà kpāmá è yā zōlēwa, à gō déndōmee guu, ū à gè ánuṣu ɔwatē baakwipi sōaai sa'onkiaone ní gbēzōo. <sup>4</sup> A ònē: Ma duunakè, ma tāaesaidé kpà gai. Ḷ aa òè: Wá bāa ūmai? N yāε. <sup>5</sup> Ḷ Yudasi ūapi zù Lua kpéu, ū à tā à gè azia lòo. <sup>6</sup> Ḷ sa'onkiač ūapi sèle aa mè: Ūapi kaa Lua kpé kpagolo guu zevio, asa gbēdē ūae. <sup>7</sup> Ké aa lekpāai, ū aa oobona gitōkii lù ní ūapi nibōo vīkli ū. <sup>8</sup> Ayāmeto e ní a gbāo wí me tōolepie Gbēdēna tōle. <sup>9</sup> Ḷ yā pō ánabi Zelemii ò kè, à mè: Wà ánuṣu ɔwatē baakwipi sèle, ūa pō Isailiō zèò aa kpà aà yā musupi, <sup>10</sup> ū aà oobona gitōkii lùò lá Dii òmeeεwa.\*

### *Pilati yákpalekeε ní Yesuo*

(Maa 15.1-20, Luk 23.1-25, Zaa 18.28-19.16)

<sup>11</sup> Yesu zea bùsu gbēzōo ae. Ḷ gbēzōo pi aà lá à mè: Yudač kian n ūa? Yesu wèwà à mè: Òmè dō n léu we. <sup>12</sup> Gōo pō sa'onkiač ní gbēzōo lé yādōdōwà, i yāe zāsimáo. <sup>13</sup> Ḷ Pilati òè: Nlē yā dasi pō wāle dōdōma mao lé? <sup>14</sup> Ké Yesu i yāe o yāpiō kee musuo, à bò bùsu gbēzōo pi sae maamaae.

<sup>15</sup> Gēamusu dikpe zī píi, bùsu gbēzōo pi i dakpeuna do pō bíla yei gbaenéε. <sup>16</sup> Gōo bee sō dakpeuna tōdee ku we, wí me Balaba. <sup>17</sup> Ké bíla kāaa, ū Pilati ní lá à mè: Dé á ye mà kēéi? Balaba yā, ge Yesu pō wí me Mesiiε? <sup>18</sup> Asa a dō kē wedōa Yesue yái ū wà aà kpāiwa.

<sup>19</sup> Gōo pō Pilati zōlēa gínaa, aà na gbē zìlwà à mè: Nsu yāe ke gbēmaapiεo, asa nana pō má ò aà yā musu già gwá ma kū gbāa maamaae.

<sup>20</sup> Sa'onkiač ní gbēzōo nàe bílawa aa Balaba gbēa, wi Yesu de. <sup>21</sup> Ayāmeto kē bùsu gbēzōo pi ní lá, gbēn plapiō guu dé aa ye à kēnéi, ū aa mè Balabaε. <sup>22</sup> Ḷ Pilati ní lá à mè: Kpelewa má ke ní Yesu pō wí me Mesiioi? Gbēpii mè: N aà pálīwa. <sup>23</sup> Ḷ à ní lá à mè: Vāi kpele a kèi? Ḷ an wiilea kāflí aa mè: N aà pálīwa. <sup>24</sup> Ké Pilati è á fō yāe keo, mé zoa lé kāflí, ū à idà à opī bíla wáa à mè: Ma ɔbōle gbēpi gaa yáu.† A yāε. <sup>25</sup> Ḷ gbēpi mè: Aà dēa yā wí wá

\* 27:10 Zkl 11.12-13 † 27:24 Iko 21.6-7

musu ní wá néo. <sup>26</sup> O à Balaba kéné à mè wà Yesu gbé ní flàalao, wi aà páliwa.

<sup>27</sup> Bee gbea Pilati sosao gè ní Yesuo bùsu gbézòpi be, õ an gáli pii lìaaàzi. <sup>28</sup> Aa aà pòo wòlowà, aa gomusu tēa dàè. <sup>29</sup> Aa lè fùa tà wa kpàè, aa fee nàè a oplaaup gopana ū. O aale kúlekuleè, aale aà ke pòòpoo aale me: Fø, Yudaø kíia! <sup>30</sup> Aa lé'ikàwà, aa feepi sè aa aà lèò a miwa. <sup>31</sup> Ké aa aà kè pòòpoo aa làa, aa gomusupi bòàala aa aà pòkasao dàè, õ aale gé aà páliwa.

### *Yesu gaa*

(Maa 15.21-41, Luk 23.26-49, Zaa 19.17-30)

<sup>32</sup> Ké aa bòle lé gé, aa kpàaú ní Sileni gbé pò wí me Simoo. Aa teasidàè, õ à Yesu lipàakòa sè. <sup>33</sup> Ké aa kà gu pò wí me Gogota, (bee mè mitɔnagu), <sup>34</sup> õ aa vée yáalea ní eseò dòè aà mi.‡ Ké a ié, õ à gí mii. <sup>35</sup> Ké aa aà páliwa, õ aa télepà aà pòkasao kpaalea yá musu.§ <sup>36</sup> O aa zòle lé aà dòa we. <sup>37</sup> Wà aà tåae pò wa è kè wa nà aà mia wà mè:

Gbéé beeá Yesu Yudaø kíae.

<sup>38</sup> O wà kpáiweliweò páliwa Yesupi sae gbéon pla, ado oplaaai, ado ozeesi. <sup>39</sup> Gbé pò lé gë weo lé ní midè, aale aà sòsò\* <sup>40</sup> aale me: N mè nýõ Lua kpé wí, ní ea dò gòò àaõ nolo?† Tó Lua Nén n û, n nzia suaba, pila líwa. <sup>41</sup> Måa sa'onkiaø n Mɔizi ikoyàdanedeø ní gbézòò lè aà ke pòòpoo lò aa mè: <sup>42</sup> A gbépaleø suabà mé a fɔ à azia suabaoa? Isailio kíia nolo? Aà pila líwa sa, wí aà náake. <sup>43</sup> A Lua náai ví. Tó Lua yeaàzie, aà aà bò sa,‡ asa à mè Lua Nén a û. <sup>44</sup> Baa kpái pò wà n páliwa sànuo lé aà sòsò måa lœ.

<sup>45</sup> Gusia kù bùsupi gupiu za iaté minanguo e aua gè pilaò.§ <sup>46</sup> Iaté'auapilaa õ Yesu wii gbää lè à mè: Eli, Eli, lema sabatani! Bee mè ma Lua, ma Lua, àkea n ma to wei?\* <sup>47</sup> Ké gbé pò zea weeø yápi mà aa mè: Ale Elia sisie. <sup>48</sup> Wegòø an gbédo báalè gè sao se kpàlé vée kùmau, a pè feea, õ a dò Yesue aà mi.† <sup>49</sup> O gbé kiniø mè: Ze gíia wà gwa tó Elia a mo aà suabai. <sup>50</sup> Yesu èa wii gbää lè lò, õ à tå.

<sup>51</sup> O Lua kpé zwää‡ pò daa luakukii ae pàa pla za musu e zílè. Toole lìalua, gbeø pàapaa, <sup>52</sup> miaø wèwë, õ Lua gbé vù dasi aa bò gau. <sup>53</sup> Yesu vua gbea aa bòle miau aa gè Lua wéle pò a kua adoau, gbé ní é dasi. <sup>54</sup> Ké sosao gbézòò ní a gbé pò aale Yesu dòaø toole lìaluaapi è n yá pò kè píi, iwää kà n pøa maamaa aa mè: Gɔepiá Lua Née siana. <sup>55</sup> Noøø ku we dasi, aale gugwa kääa. Aa te Yesuzi za Galilee, aa ñ blekeè. <sup>56</sup> Maliamma Madeleni kú n guu n Zaaki n Yosefuo da Maliamao n Zebedee néo dao.

‡ 27:34 Sou 69.22    § 27:35 Sou 22.19    \* 27:39 Sou 22.7, 109.25    † 27:40 Mat 26.61    ‡ 27:43 Sou 22.9    § 27:45 Amo 8.9    \* 27:46 Sou 22.1    † 27:48 Sou 69.22    ‡ 27:51 Bøa 26.31-33

*Yesu vía**(Maa 15.42-47, Luk 23.50-56, Zaa 19.38-42)*

<sup>57</sup> Ké oosi kè, Alimate gbé òde pó wí mè Yosefu mò. Yesu iwaes lò. <sup>58</sup> A gè Yesu ge wabikè Pilatiwa, ɔ Pilati mè wà kpawà. <sup>59</sup> Ké Yosefu gепi sè, à báabaa dafu fíwà <sup>60</sup> à aà dà azia gbé'e pó wa sò mia ü guu. Ḷ à gbé gbéne gbeembo tà epile à tå. <sup>61</sup> Maliamá Madeleni ní Maliamá pâlepio zôlea we, an ae døa miawa.

<sup>62</sup> Ké gɔɔ lile, kámabogɔɔzì kà, ɔ sa'onkiaç ní Falisiç gè Pilati kíi sānu <sup>63</sup> aa mè: Yá pó gbésásānapi ò a bée zí døwágú, à mè gɔɔ àaɔde zí á vuε. <sup>64</sup> O wào miapi džá e a gɔɔ àaɔdezi. Tó màa no, aà iwaç mɔ wà aà ge se kpáie, aai o gbéne à bò gauε. Eε gbezã bee aɔ de a séiala. <sup>65</sup> Ḷ Pilati ònè: A sosac sí, í gé mia džá lá á fíwa. <sup>66</sup> Ḷ aa gè seelakè miagbetaewa, aa sosac tò we aao džá.

**28***Yesu bɔa gau**(Maa 16.1-8, Luk 24.1-12, Zaa 20.1-10)*

<sup>1</sup> Kámabogɔɔ gbea, ásjanenzì kɔɔkɔɔ Maliamá Madeleni ní Maliamá pâlepio gè mia gwai. <sup>2</sup> Ḷ tɔɔle lüalua gbáugbáu, asa Dii malaikae bò musu à mò gbeipi gbeembò a gò mialee, ɔ à zòlèwà. <sup>3</sup> Aà oa de lán loupileawa mé aà ula de púntaitai. <sup>4</sup> Vía gudžanaç kù, aale lualua, ɔ aa gò sáii. <sup>5</sup> Ḷ malaikapi ò nɔepiɔnè: Asu to vía á kúo. Má dɔ ké Yesu pó wa pàliwa ɔ álé weele. <sup>6</sup> A ku lao, à vù lá a ówa. A mɔ gu pó wà aà wùleu gwa, <sup>7</sup> í ge o aà iwaçne kpakpa à bò gau. A døaané Galile, we an wé a siukɔlè. Má òén we.

<sup>8</sup> Ḷ aa gò mia kíi kpakpa ní vía, áma an pɔ na zɔɔ. Aa báalé lé gé a baokpai aà iwaçne. <sup>9</sup> Ḷ Yesu dàrile gò, à fɔkpàmá. Ké aa sòàazi, aa kùleè, ɔ aa onà aà gbakpeawa. <sup>10</sup> Ḷ Yesu ònè: Asu to vía á kúo. A ge o ma gbéne aa ta Galile. Wekii wá wesiukɔlè.

<sup>11</sup> Nɔe kpe ɔ sosa gudžanaç gè wéle guu, aa yá pó kè ò sa'onkiaçne píi. <sup>12</sup> Ḷ sa'onkiapiç gbézɔɔ sisi aa lekpàaï, ɔ aa ɔ zɔɔ kpà sosapiçwa gusaç <sup>13</sup> aa mè: A o aà iwaç mé mò gwāasina, aa aà ge sè kpái gɔɔ pó álé i'o. <sup>14</sup> Tó bùsu gbézɔɔ sù yápi mà, wá awakpaè, í bɔ yákeleu. <sup>15</sup> Sosac ɔapi sì, ɔ aa kè lá wa dànèwa. Ḷ yápi gò Yudaçne yää ü e ní a gbão.

*Yesu zinna a iwaçne ní zì**(Maa 16.9-20, Luk 24.36-53, Zaa 20.11-23, Zin 1.6-8)*

<sup>16</sup> Yesu iwa gbéon kuedoç tà Galile, sisi pó à a yänukènè yää musu.\* <sup>17</sup> Ké aa aà è, aa kùleè, áma an gbéøe lé seakee. <sup>18</sup> Ḷ

Yesu sɔ̄nzi à yā'òné à mè: Lua musu n̄ dũniao iko píi kpàa.<sup>†</sup>  
19 Ayãmeto à gε bui píi ke ma iwaɔ ũ, i n̄ da'ileke n̄ Mae Lua tóo  
n̄ aà Né tóo n̄ aà Nisïna tóo, 20 i yā pó má dileéø dané aaɔ kūa píi.  
A ma, máɔ kúáñɔ gɔɔpiie e dũnia gε láaò.

---

<sup>†</sup> **28:18** Dan 7.14

## MAAKU

# Yá pó kú láe bee guu

Baona lá mèn síiõ guu, Maaku pó mé geseñ mè a këa dàaa a kíniõne.

Se a za a dòo sëiawa à Yesu dëa Lua Né ù ðlwëe (1.1). Wì bìlikë tópiwa, kási a ku lápi guu dasi (1.11, 3.11, 5.7, 9.7, 13.32, 14.61, 15.39).

Tó gbé pó Lua aà zìpi mò, sema wà gbääkpaàazi wà aà kpëla. A yái Zää Da'ilëna mò, ké gbé ñou e ào maà. (1.2-8) Zäapi mé Yesu dà'ilë kë (1.9-11).

Yesu yäa gbáau gbea (1.12-13), õ à ñkpà a zìwa. Maaku ï iko pó Yesu vî ɔlwëe mòmò, aà yädaa bílae ñ aà gyæe gbágbääo ñ aà gbé ñisia aa mo teazio (1.14-8.30).

Aà lápi midékli ðwëe lá Yesu mipë Yelusalëüwa gu pó a taasikeu, wi aà dë, i gbasa bò gau. (8.31-10.52). Yesu a taasikëa ñ a gaao ñ a bøa gauo yä'ò a ìwaõne gën àaõ, kási aali a gbadõ. A a dëa Gbénazin Né ù yä'ònë a gëna lé vïo, ñ beeo aà kua asii gi uléanée.

Ké à gë Yelusalëü, wà gbääkpaàazi, ãma a gbea à laatanaõ yà Lua ua ñ flão, õ à zoadò Isaili lousisin døaanaõwa. Zibeezi à ze'è à yá gbezâ dà a ibeõne ñ bílao ñ a ìwaõ (11-13).

Lëe 14 e 15 guu Maaku lé gò pla pó gò Yesue aà ãsña gbezâ guu yä'o. A guu à pó gbezâ blèu ñ a ìwaõ, ké à pëe ñ vëeo kpaalènë, a gbea õ à wabikë Gesemani swaluu ado, õ wà aà kù, wà yädàaàla, wà aà pàliwa, wà aà vï gbe'e'u. A gò òaaõde zì ké nœo gë aà mia klii, aa e a da giie, õ aa mà wa òné wà mè à bò gau a ku bëe (16.1-18), õ aa bòle ñ pçnao.

Baona lá pó Maaku kë, tó ñ a kyokë ñ làa, dò lá sosac gbëzô dòwa, ké Yesu Nazaletiá Lua Néé sìlana.

*Zää Da'ilëna waasokëa*

*(Mat 3.1-17, Luk 3.1-22, Zaa 1.19-28)*

<sup>1</sup> Lua Né Yesu Kilisi baon ke: <sup>2</sup> A dàalë lá a ku ãnabi Isaia lá guuwae à mè:

Má a zìna zì aà døaane,  
i zekëkene,\*

<sup>3</sup> Kpàwakëna lò ma dò gbáau à mè:  
A zekëkë Diië,  
à zéwewenæ pooë súsu.†

<sup>4</sup> Beewa õ Zää Da'ilëna kuò gbáau, àle waasokë, a ò gbéõne aa nòsélile aa da'ilëkë, Lua i ñ duuna këmá. <sup>5</sup> Yude bùsudeo

\* **1:2** Mal 3.1    † **1:3** Isa 40.3

ní Yelusaleüdeo gè aà kíi mípii, aa ní duunaø ò gupuaø, ɔ à ní da'ilekè Yuudëi.<sup>‡</sup> <sup>6</sup> Zäapi ìs ula pó wa tå ní yiongo káø daa, à báa sántiliø dò a pi. § Kwa ní zó'io mé aà pøblea ü. <sup>7</sup> A waasokè à mè: Gbëe a mo ma gbëa, aà iko demala. Mi ka mà kúle mà aà sabala bøbøèo. <sup>8</sup> Mi á da'ilekè ní ioe. Gbëpi sõ, ɔmë a á da'ilekè ní Lua Nisïnao.

<sup>9</sup> Goo bee Yesu bò Nazaleti, Galile bùsuu, à mò, ɔ Zäa aà da'ilekè Yuudëi. <sup>10</sup> Ké Yesu bùa gòo, a è luabe lé këaa, Lua Nisïna lé su lán felenawa, à dëe. <sup>11</sup> O à yä'o mà bøa luabe à mè: Ma Nén n ü, má yenzi, ma po këma na.\*

<sup>12</sup> Zibeezì Nisïnapi nàewà à gè gbáau, <sup>13</sup> ɔ a ku we ní sëanoboo e goo bla, Setäu lé aà yö. O malaikaø mò døaàle.

*Yesu a iwa sëiaø sisia  
(Mat 4.18-22, Luk 5.1-11)*

<sup>14</sup> Zäa kúa gbëa ɔ Yesu tà Galile, àlè baona pó a mà Lua kíi waasokpa <sup>15</sup> à mè: A goo kà, kpala pó bò Lua kíi kà kái. A nòselile, í baonapi sí.

<sup>16</sup> Ké Yesu lé dø Galile ísidai, à kpòwenaø è, Simoo ní a däuna Andeleeo, aale táalu zu ísidapi guu. <sup>17</sup> O Yesu òné: A mo temazi, mí á ke gbëweelenao ü. <sup>18</sup> Wegëo aa ní táaluø tò we, aa bò teaàzi. <sup>19</sup> Ké à gè ae yoo, à Zebedee né è, Zaaki ní a däuna Zäao. Aa ku gó'ilena guu, aale ní táaluø keke. <sup>20</sup> A ní sisi gòo, ɔ aa ní mae Zebedee ní zíkennaø tò gó guu we, aa bò teaàzi.

*Yesu kua Kapenau  
(Mat 8.14-17, Luk 4.31-44)*

<sup>21</sup> Aa kà Kapenau. Ké kámabogoozì kà, Yesu gè lousisikpeu, àlè yädadane. <sup>22</sup> Àà yädaané bò gbëo sae, asa í dané ní ikooe, illi ke lán Mɔizi ikoyädanedeowao.

<sup>23</sup> Zibeezì gëe táadée ku kpépi guu. Aà tää mò, a pùna à mè: <sup>24</sup> Bó wá vñ ní kñoi Yesu Nazaleti? N mo wá kaalei yä? Má dñ gbë pó ní de a ü. Lua gbë pó a kua adoan n ü. <sup>25</sup> O Yesu gí tåapi è à mè: Nilé! Go gbëpiwa. <sup>26</sup> O tåapi aà zìazìa, à wii gbää lè, ɔ à gòwà. <sup>27</sup> Bíli gbëpii kù, aale kñ lala aa mè: Bøtaa bui yán wei? Yá dafu daané yä? I dané ní ikooe. Baa tääo, tó à yädilené, aañ aà yämae. <sup>28</sup> O kändo Yesu tó lì Galile bùsuu pii.

<sup>29</sup> Ké Yesu bò lousisikpeu, ɔ à tà Simoo ní Andeleeo be gòo ní Zaakio ní Zäao. <sup>30</sup> Simoo nada lé sionake wúlea, ɔ wà aà ya'ò Yesue gòo. <sup>31</sup> A gè aà kíi, à aà kù a ñwa à aà félé. O aà sionapi wéewà, ɔ à blekènè.

\* 1:5 Yuudëá swae    § 1:6 2Kia 1.8    \* 1:11 Soü 2.7, Isa 42.1

<sup>32</sup> Ké oosi kè, iatē lé gẽ kpéu, wà mòè ní gyæc ní tåadeç píi.  
<sup>33</sup> Wéledeç kåaa aà kpé kpæele píi. <sup>34</sup> A gbéç gbågbå dasi ní ní gyå bui píio, à tåao gò dasidasi. Ili tåao gba zé aa yå'ðo, asa aa dôgbé pó a de a ù.

<sup>35</sup> Guféne kåaukaau Yesu fèlè bò gè sëu gusaëna, àlè wabikë we. <sup>36</sup> O Simoo ní a gbéç pèleaàzi. <sup>37</sup> Ké aa bòwà, aa ðè: Gbépii lé n gbea. <sup>38</sup> O a ðoné: Wà gé gupâlei, wéle pó kú wá saeç guu, mí waasoke we ló, asa a yái ma moi. <sup>39</sup> Måa ló bëbe Galile bùsu gupiiu, ló waasoke an lousisikpeç guu, ló tåagoné.

<sup>40</sup> O kusudee mò aà kíi, à kùlé à wabikèwà à mè: Tó ní yei, nýj to mà gô sääsai. <sup>41</sup> A kè Yesue wënaü, õ à obò à nàwà à mè: Má yei, gô sääsai. <sup>42</sup> Wegoo aà kusu lâa, à gô sääsai. <sup>43</sup> O Yesu aà gbâe gôò, à gîè à mè: <sup>44</sup> Nsu o gbée mao. Ge n nzia olø sa'onae, ní sa pó Mɔizi dîle o n gôa sääsai seela ü gbéoné.† <sup>45</sup> Ké à bò, à gè lé yápi o'oné. Yápi fâaa, õ Yesu lí fô gè wéleu gupuau lóo. Iò ku sëu gusaënae, õ wîo bo gupiiu wào mó aà kíi.

## 2

### *Gbékaaua gbágbaa*

(Mat 9.1-8, Luk 5.17-26)

<sup>1</sup> Goopla gbea Yesu èa tà Kapënaü. Ké wa mà a ku be, <sup>2</sup> õ wà kåaaaàzi dasidasi, gëkki kú ló baa kpæele, àlè Lua yå'oné. <sup>3</sup> O wà mòè ní gbékaauao, gbéon sfiôj mé aa aà sea. <sup>4</sup> Lá aai e sòò Yesuzio dasi yái, õ aa dèdeò musu, aa kpé fô gu pó Yesu kíu, õ aa gbékaauapi pîla wúlea mákelé guu. <sup>5</sup> Ké Yesu è aale a náaike, a ò gbékaauapi à mè: Ma gbé, n duuna kèma. <sup>6</sup> Mɔizi ikoyâdanedeeç zôlea we, aale o nì nòse guu: <sup>7</sup> Bóyái gbépi lé oi måai? Ale dôé ní Luaoe! Démé a fô duunakëmái, mé i ke Lua ado bâasio?\* <sup>8</sup> Wegoo Yesu dô a nòse guu làasoo pó aale ke, õ à ní lá à mè: Bóyái álè làasoo bee taa ke á nòse guui? <sup>9</sup> Tó má ò gbékaauapi à duuna kèwà, ge tó má ðè aà fele a mákelé se tåa'o, a kpele mé aai? <sup>10</sup> Má ò måa ké àò dôGbénazin Né duunakëama iko vî tóole lae. O a ò gbékaauapi à mè: <sup>11</sup> Málé one, fele ní n mákelé se ta be. <sup>12</sup> O à fele gôò, à a mákelépi sè bòò gbépii wáa. Yápi bò ní sae, õ aa Lua tòbò aa mè: Wi yåe taa e yåao.

### *Yesu Levii sisia*

(Mat 9.9-17, Luk 5.27-39)

<sup>13</sup> Yesu èa bò gè ísidale. Wàle mó aà kíi dasidasi, õ àlè yådané. <sup>14</sup> Goo pó àlè gë, à Alafe né Levii è zôlea a çikpeu, õ a ðè: Mɔ temazi. O à fele tèaàzi.

† 1:44 Lev 14.1-2 \* 2:7 Isa 43.25

<sup>15</sup> Ziewa ké Yesu lé poble aà bε, ḥsinao ní duunkenaó lé pobleanɔ dasidasi ní aà iwaɔ sānu. Asa gbé bee taaɔ teaàzi dasie. <sup>16</sup> Falisi pó aaʃ Mɔizi ikoyá danéɔ ku we. Ké aa è Yesu lé poble sānu ní ḥsinao ní duunkenaó, õ aa aà iwaɔ là aa mè: Bóyai i poble sānu ní ḥsinao ní duunkenaó? <sup>17</sup> Ké Yesu yápi mà, a ònè: Gbé gbää bää kú ní lòotoooo, sema gyæe. Mi mo gbëmaao sisio, sema duunkenaó.

<sup>18</sup> Zää Da'ilena iwaɔ ní Falisió lé leye, õ wà mò Yesu là wà mè: Zää iwaɔ ní Falisió iwaɔ aaʃ leye, mé n iwaɔ lí ye sɔo bε? <sup>19</sup> O Yesu ònè: Nɔseña gbéɔ leye gɔɔ pó a kúrño nɔse guue? Aawo! Gɔɔ pó nɔseña kúrño, aa leyeo. <sup>20</sup> A gɔɔ a mo ké wa nɔseña bɔ ní guu. Gɔɔ bee õ aa leye sa. <sup>21</sup> A mè lɔ: Wili pólé dafu di ula zi guuo. Tó wa kë màa, a dafu a sɔɔue, aai kɔ gá, ula zi fɔa i káfl. <sup>22</sup> A mè lɔ: Wili vëe dafu ká báa tūu zi guuo. Tó wa kë màa, vëe a a pùnae, vëe ní tūupio i ɔɔkpa píi. Wí vëe dafu ká báa tūu dafu guue.

### Kámabogɔɔzì

(Mat 12.1-21, Luk 6.1-11)

<sup>23</sup> Kámabogɔɔzì Yesu lé pã ble bua. Lá àle gé, aà iwaɔ lé pówena wolo aale só.† <sup>24</sup> O Falisió ò Yesue aa mè: Gwa! Aale yá pó wíli ke kámabogɔɔzìo ke sɔ bε?‡ <sup>25</sup> O Yesu ní lá à mè: Lá Davidi kë gɔɔ pó aàpi ní a gbéɔ aale taasikε, nɔana lé ní de, i a kyoke á èo lé? <sup>26</sup> A gɛ̄ Lua ua sa'onkia Abiataa gɔɔ, õ à pëe pó wa kàlε Luæ sò, õ a kpà a gbéɔwa.§ Sa'onaɔ bàasio gbëe lí pëepi so sɔo.\* <sup>27</sup> Yesu èa ònè lɔ à mè: Lua kámabogɔɔ dile gbënazìna aafia yáie. I ke kámabogɔɔ yáie õ à gbënazìna këio. <sup>28</sup> Ayameto Gbënazìn Né iko vñ kámabogɔɔwa sɔ.

## 3

<sup>1</sup> Yesu èa gè lousisikpεu. Gbëe ku we, aà o do imia. <sup>2</sup> Falisió lé Yesu tåasika, tó a su à aà gbägbä kámabogɔɔzì, wi e yädaaàala. <sup>3</sup> O Yesu ò gbé pó a o imiapie à mè: Fele mo ze zä guu la. <sup>4</sup> Ò à n lá à mè: Kámabogɔɔzì a zevi wà yâmaakea, ge vâie? Wí gbé misi yâ, ge wí deee? O aai yâe oo. <sup>5</sup> Yesu wëpâňla à n gwá ní pøfø, asa aà pø yâ an nòsesai yáie. O a ò gðepie à mè: N n òpi poo. Ké a pòo, õ aà òpi sù a gbëu. <sup>6</sup> O Falisió ní kí Elodi kpala zënkpedeo bòle gè lekpaañi Yesuzi gɔɔ, lá aa ke aa aà de.

### Yesu zìna gbëon kueplaz dilea

(Mat 10.1-4, Luk 6.12-19)

<sup>7</sup> Yesu ní a iwaɔ nízìla gàné we, aa gè ísidale. O bïla bò Galile aa tèaàzi. Aa bò Yude lɔ<sup>8</sup> ní Yelusalëü ní Ëdɔü bùsuo ní Yuudë

† 2:23 Iko 23.25 ‡ 2:24 Bøa 34.21 § 2:26 1Sam 21.1-6 \* 2:26 Lev 24.9

baaleo n̄ Tiio n̄ Sidōo, aa m̄ò aà k̄ii dasidasi, k̄é aa yá p̄ó àle keɔ bao mà yáí. <sup>9</sup> B̄ilapi yáí Yesu ò a iwaon̄e aa gó'ilen̄a s̄oukeε, k̄é wasu naewao yáí. <sup>10</sup> Asa Yesu īo gb̄é̄o gb̄agb̄ā dasie, õ gyǣo lé naewà dasi k̄é aa e ɔk̄awà. <sup>11</sup> T̄aadəo s̄õ, t̄o aa aà w̄epà, aaī m̄o wúl̄e aà aee, aaī wiile aa me: Lua Nén n̄ ū. <sup>12</sup> O Yesu ī gín̄e aa o gb̄é p̄ó á de a ū.

<sup>13</sup> K̄é Yesu d̄ède s̄is̄iwa, à gb̄é p̄ó a yeīo s̄isi, õ aa m̄ò aà k̄ii. <sup>14</sup> O à gb̄é̄on̄ kuεplac̄ d̄ile aao kuan̄o, k̄é āo n̄ z̄i waasokei <sup>15</sup> m̄é aao t̄aagoamá iko v̄i. A t̄okpān̄e z̄in̄ao. <sup>16</sup> An t̄ón ke: Simoo (Yesu t̄okpāe Piee), <sup>17</sup> Zebedee né Zaaki n̄ a d̄auna Zääo (Yesu t̄okpān̄e Boaneege, bee m̄è loupūnaade), <sup>18</sup> bee gbea Andelee, Filipi, Batelemii, Matiee, Tomaa, Alafe né Zaaki, Tade, Simoo Ginziao <sup>19</sup> n̄ Yudasi Isalioti p̄ó b̄ò aà kpeo. O Yesu èa tà be.

### Táagoa

(Mat 12.22-32, Luk 11.14-23)

<sup>20</sup> Bila èa kàaa l̄, õ Yesu n̄ a iwaø aai ze'e baa aa p̄oblèo. <sup>21</sup> K̄é aà daēo yápi mà, aa dà aà gbesizeu, asa wâle me iana kàwàe.

<sup>22</sup> M̄ɔizi ikoyādan̄ede p̄ó aa b̄ò Yelusaleū aa m̄ò m̄e: Tääo kí Beezebu m̄é diè, ī t̄áagoné n̄ aà t̄óoe. <sup>23</sup> O Yesu n̄ laai s̄isi à yâtaa òné à m̄e: Setäu a we azia gb̄é̄o goé? <sup>24</sup> Tó kpaladeo ibel̄esè n̄ kõo aa k̄ëaa leē pla, kpalapi a gëgëe? <sup>25</sup> Tó uadeo ibel̄esè n̄ kõo aa k̄ëaa leē pla, uapi a gëgëe? <sup>26</sup> Tó Setäu ibel̄esè n̄ azia gb̄é̄ aa k̄ëaak̄swa, a gëgëo, a midee. <sup>27</sup> Gb̄ee a f̄õ ḡe ḡosa gb̄aa kpéu à taiinakaèo, sema à aà ye ḡia bàasio, ī gbasa a aà kpé yœ.

<sup>28</sup> Siana mál̄e oé, Lua a gb̄é̄ k̄é n̄ n̄ t̄aaēo n̄ a t̄ó b̄èe p̄ó aaī sīo píi, <sup>29</sup> ãma t̄ó gb̄é aà Nis̄ina t̄ob̄ees̄i, a aà k̄eo, à duuna p̄ó lí kémáo k̄èe. <sup>30</sup> Yesu bee ò k̄é aa m̄e a t̄aa v̄i yáie.

### Yesu daēo

(Mat 12.46-50, Luk 8.19-21)

<sup>31</sup> K̄é aà da n̄ aà d̄aunaø kà, aa zè kp̄eele, õ aa aà gb̄ea. <sup>32</sup> Wa kâlea liaaaàzi dasidasi, õ wa òè wà m̄e: Gwa! N da n̄ n̄ d̄aunaø ze kp̄eele, aale n̄ gbea. <sup>33</sup> O à m̄e: Deon̄ ma da n̄ ma d̄aunaø ūi? <sup>34</sup> O à w̄epà gb̄é p̄ó kâlea liaaaziøla à m̄e: Ma da n̄ ma d̄aunaøn̄ ke. <sup>35</sup> Luap̄eák̄ken̄o m̄é ma d̄auna n̄ ma d̄aeo n̄ ma dao ū.

## 4

### P̄ówenkeel̄ea

(Mat 13.1-23, Luk 8.4-15)

<sup>1</sup> Yesu èa lé yâdané ísida sae. Wà kâaaaàzi dasidasi, õ à ḡè z̄õl̄e gó'ilenau ía, dasipi kâlea mípii ísida ḡõsõl̄e. <sup>2</sup> A yâdâdané n̄ yâleeeüaneo dasi. Lá àle dadané à m̄e: <sup>3</sup> A swâkpa! Z̄õe mé kú à b̄ò ḡe p̄ówenakeel̄ei. <sup>4</sup> Lá àle keele, õ a keeo l̄ele zé guu, b̄ao m̄o

blè. <sup>5</sup> A keeo lèle gbesee na musu, gua pó tcole gèeleuo, <sup>5</sup> aa bòle gò, ké tcole gèele weo yái. <sup>6</sup> Ké laté félé, <sup>5</sup> aa tekù aa giigàga, ké aa zína vio yái. <sup>7</sup> A keeo lèle le guu, <sup>5</sup> le félé nàemá, aai ne'io. <sup>8</sup> A keeo sõ aa lèle tcole maa guu. Aa bòle aa zòkù aa ne'i. A keeo káflaké baakwikwi, keeo bàaõbaaõ, keeo basobasoo. <sup>9</sup> O Yesu mè: Gbé pó nòse vî àa yápi ma.

<sup>10</sup> Ké Yesu gòné we, a ku ado, <sup>5</sup> aà zína gbëon kuelpao n àa iwaõ mò yápi mi gbèawà. <sup>11</sup> O a òné: A kpala pó bò Lua kíi asii dõa zé vî, áma mi yápii o gbé kiniõne n yâleeüaoe,  
<sup>12</sup> ké aa webiibii pœ'esai  
mé aa swákpakpa yâmasai,  
ké aasu ze nLua, i sùuukeñño yái.\*

<sup>13</sup> O Yesu n lá à mè: A yápi dõoa? Kpelewa á a kiniõ ma lò?  
<sup>14</sup> A ma! Zòepi Lua yá 5 àlé keele. <sup>15</sup> Gbëeo de lán pówena pó lèle zé guuwaæ, gu pó wà Lua yá këeleu. Tó aa mà, <sup>5</sup> Setau i mò Lua yá pó wa këele n guupi símá gò. <sup>16</sup> Gbëeo de lán pówena pó lèle gbesee na musuwa. Tó aa Lua yâma, aaï sí n pønao gò. <sup>17</sup> Ama lá aa zína vio, <sup>5</sup> aali ke gooplao. Tó wà n wetà ge wà iadàmá Lua yá yái, aaï fu gò. <sup>18</sup> Gbëeo de lán pówena pó lèle le guuwaæ. Aa Lua yâma, <sup>19</sup> áma aaï aafia kâake, àizee i n sõ ble mé aaï pó kiniõ niaka, <sup>5</sup> yá bee i gupa Lua yápizi, à gò àisai. <sup>20</sup> Gbëeo de lán pówena pó lèle tcole maawaowa. Aaï Lua yâma, aaï sí, <sup>5</sup> aaï káflaké, an keeo baakwikwi, keeo bàaõbaaõ, keeo basobasoo.

### *Yâleeüa n kpala pó bò Lua kíio*

(Mat 13.31-34, Luk 8.16-18, 13.18-19)

<sup>21</sup> Yesu òné: Wili filia na wà pëna kùlewào. Wili dilé lii zíeo. Bábana 5 wì diwào lò? <sup>22</sup> Pœ ku ulea ké à gí boj gupuauo. Asiie ku ké wà gí maio. <sup>23</sup> Gbé pó nòse vî, aà swákpa yápi ma.

<sup>24</sup> A òné lò: A laaido yá pó álé mawa. Zaa pó á dàuné, bee Lua a daué sõ, i ea kâfli. <sup>25</sup> Gbé pó pó vî 5 Lua a ea kâfli. Gbé pó pœ vio, baa a yoona pó a vî Lua a siwàe.

<sup>26</sup> A mè lò: Kpala pó bò Lua kíi de lán pówena pó gbé këele buawaæ. <sup>27</sup> Gwâasina n fâaneo àlé i'on nò, a b  en nò, pówenapi i b  le i zòkù, gb  pi lío d   lá i keo. <sup>28</sup> Tcole mé i to à ne'i n azlao. I kakpa g  ae, a g  ea i nosi, a g  ea 5 i pia. <sup>29</sup> Tó à mà, <sup>5</sup> wì k   n komao, asa a kekeg  o mé k   we.†

<sup>30</sup> A mè lò: Kpala pó bò Lua kíi dea ni? B   wa leeuði? <sup>31</sup> Doe ku lán ef  wa. A t  go a w  na kele de pówena pó kú d  nia guuila p  i. <sup>32</sup> Tó wa t   sõ, i b  le à zòkù de d   buiila p  i. I g  n g  eleo pápa, b  o i   kaka a láu.

\* 4:12 Isa 6.9-10 † 4:29 Yoë 4.12-13

<sup>33</sup> Yesu Lua yã'ònè dasi nì yâleëüa bee taaø lá aa fõ ma léu. <sup>34</sup> I yã'oné yâleëüsaio. Tó à gò nì a iwaø nítëe, õ i yápii bçolekené.

*Yesu zàa'íana zea*  
(Mat 8.23-27, Luk 8.22-25)

<sup>35</sup> Goo doúpi zì oosi Yesu ò a iwaøne à mè: Wà bua baale. <sup>36</sup> Lá Yesu kú gó guu, aa gëuaànø aa dàzeu màa, aa bíla tò we. Gó pâleø gèñno. <sup>37</sup> O zàa'ían gbää fèle. I lé gó zäämpapa, àle ká a guu e a ye pai. <sup>38</sup> Yesu kú gó pòøkpe, àle i'o, aà mi di mibçowa. O àa iwaø aà vù aa ðè: Metulu! Ké wâlc gaga, àle kâadanlao lé? <sup>39</sup> O Yesu fèle gí íanaæ, a ò íe à mè: Nîle! Zùuke we! O íana kpâle, gu kë kílikili. <sup>40</sup> O à nì lá à mè: Akéa á sea vî màai? Asi ále ma náaikë e tiaoa? <sup>41</sup> O aa gò bíli guu, aale kô lala aa mè: Dén gbépi ù sai? Baa íana nì io aañ aà yâmaæ.

## 5

*Tâaø dia sâwâøne*  
(Mat 8.28-34, Luk 8.26-39)

<sup>1</sup> Aa kà Gadala bùsuu ísida baale. <sup>2</sup> Ké Yesu bò gó guu gòø, táadee bò gevïkii à mò daiaàle. <sup>3</sup> Iò ku gbë'e pò de mia üù guue. Baa mòdaona lí fõ aà kù lbo. <sup>4</sup> Asa wîø aà ye nì mòdaonao, wîø aà daliu mòmooe, áma i mòpiø kékëe, i lípiø gboogboo. Gbëe gbää i ka à aà zùukeo. <sup>5</sup> Gwâasîna nì fâaneo píi iò bëbe gevïkii nì sìsípøleøe, iò wiile, iò azia lili nì gbeøo.

<sup>6</sup> Ké à Yesu è kâaa, õ à bâalè mò wûle aà ae. <sup>7-8</sup> O Yesu mè tâapi gowà, õ à wii gbää lè à mè: Yesu, Lua Musude Né, bómë wá daaai? Ma nane Luazi, nìsu nì ma wetâo. <sup>9</sup> O Yesu aà lá à mè: N tón kpelewai? O a wèwà à mè: Ma tón Dasi, asa wá dasie. <sup>10</sup> O aa awakpâ Yesue maamaa aa mè asu nì yá nì bólë bùsupiøo.

<sup>11</sup> Goo bee sâwakusan waiø ku we, aale pòble sìsípøleøu. <sup>12</sup> O tâapiø wabikè Yesuwa aa mè: Wá gbaø sâwao guu wà diné. <sup>13</sup> Yesu nì gbä zé, õ tâapiø gò gòepiwa aa dì sâwapiøne. O sâwa wai pò kâ òaa kwi taawapiø wî nì bao, aa pîla sôonawa aa sì ísidaø, õ aa gâga we. <sup>14</sup> O an dânaø bâalè gè yápi oiné wéleøu nì bualoø. O wà bòle gè yá pò këpi gwai. <sup>15</sup> Ké aa mò Yesu kîi, aa gòø pò tâa diè dasi yâapi è zôlea we, a ula daa, aà íanapi wèewà, õ via nì kú. <sup>16</sup> Gbë pò yápi è nì wéoø yá pò tâadepi nì sâwao lè dàu aa sìuné. <sup>17</sup> O wà wabikè Yesuwa aà bçné nì bùsuu.

<sup>18</sup> Ké Yesu lé gë gó'ilena guu, gòepi wabikewà à e taaànø. <sup>19</sup> Yesu i weio, a ðè: Ta n bë n gbëø kîi, nì yá pò Dii këne oné píi nì lá à wénadòneø. <sup>20</sup> O gòepi tà, àle yá pò Yesu këe kpàwakë Wélemenkwi bùsuu, õ yápi kë gbépiøe dabuyâ û.

*Zailu né vua n̄ n̄e p̄o kà Yesu ulawao  
(Mat 9.18-26, Luk 8.40-56)*

<sup>21</sup> Yesu èa bùa ísidawa n̄ góo, ɔ wà kàaaaàzi dasidasi ísidale. <sup>22</sup> Lousisikpe gbézō Zailu mò we. Ké à Yesu è, à wùle aà gbázi, <sup>23</sup> ɔ à awakpàè maamaa à mè: Ma nenoena lé kásanake. Mò n̄ onawà aà gbágbā, iɔ ku. <sup>24</sup> Ḍ Yesu dàaàno zéu. Bíla teaàzi, aale naewà.

<sup>25</sup> N̄ee ku we, au lé bolewà à kà wè kuepla. <sup>26</sup> Esedeo aà dà taasiu maamaa, à a ɔa blè pii. I aafia'eo, i keke ào ká'ilée. <sup>27</sup> Ké à Yesu bao mà, ɔ à bíla këaa à s̄aaàzi aà kp̄e oi. Ḍ à ɔkà aà ulawa, <sup>28</sup> asa à mè: Baa aà ula, tó ma ɔkàwà, má gbágbā. <sup>29</sup> Ḍ aà auboleapi zè ḡò. A dò a mè guu ké a gbágbā n̄ a gyäpio. <sup>30</sup> Wegō Yesu dò aziawa ké gbāa b̄agū, ɔ à lili bíla guu à mè: Démé ɔkà ma ulawai? <sup>31</sup> Ḍ aà iwaò òè: N è lá bíla lé naema, ɔ n̄le me déme ɔkàmaia? <sup>32</sup> Ḍ Yesu wepà bílaa ké à gbé p̄o yápi kè e. <sup>33</sup> N̄epi lé lualua n̄ viāo, asa a dò yá p̄o kè a meu, ɔ à mò wùle aà gbázi, à a slana òè pii. <sup>34</sup> Ḍ Yesu òè: N̄e, ma náai p̄o n̄ kè mé n̄ gbágbā. Ta be aafia, n̄ gyäpi wèeman we.

<sup>35</sup> Lá Yesu lé yá bee o, wà bò lousisikpe gbézōpi be wà mò wa òè: N népi kèsai. Nsu tákpa metuluzi pão. <sup>36</sup> Ama Yesu i swásé n̄ yáio. A ò gbézōpi: Nsu to n sô vîo, ma náaike lé. <sup>37</sup> I wei gbée gé zeieo, sema Piee n̄ Zaakio n̄ Zaaki dâuna Zâao. <sup>38</sup> Ké aa kà gbézōpi be, Yesu è aà be lòo, wàle ólo, wàle húbuapè maamaa. <sup>39</sup> Ké à gè kpéu, à n̄ lá à mè: Bóyái á kíi dò, ále ólo? Népi i gao, ále i'oe. <sup>40</sup> Ké aale aà ke p̄ópoo, ɔ à n̄ yá n̄ bólé pii. Ḍ à népi de n̄ aà dao sè n̄ gbé p̄o aa mò sânuo, à gènno gu p̄o népi kuu. <sup>41</sup> Ḍ à aà ɔ kù a òè: Talita kuū! (Bee mè nenoena, má òne fele.) <sup>42</sup> Wegō népi fele tâa'ò, asa aà wè kà kuepla. Yápi n̄ kú gbāa maamaa. <sup>43</sup> Ḍ Yesu gïné fñafia aasu o gbée mao. Ḍ à mè wà poblea kpawà.

## 6

*Nazal tideo Yesunaaikësai  
(Mat 13.53-58, Luk 4.16-30)*

<sup>1</sup> Yesu bò we à gè gu p̄o à neblèu. Aà iwaò gèaàno. <sup>2</sup> Ké kámabogoozi kà, ɔ ále yâdané lousisikpeu. Gbé dasi p̄o aa aà yâmâa bílikè aa mè: Mákli gbépi yápi sèui? Ḍn̄ kpele a è, ɔ ále dabudabu bee taaø kei? <sup>3</sup> Gbépi li'âna nolo? Maliamá né nolo? Zaaki n̄ Yosefuo n̄ Yudao n̄ Simoo vñin weo lò? Aà dâeø kúwanø keo lé? Ḍ bee tò aai aà náaikeo. <sup>4</sup> Ḍ Yesu òne: Anabi líø beeesaio, mé i ke aà be wéleu n̄ aà daeø n̄ aà uadeø kíio bàasio. <sup>5</sup> Yesu i e dabudabue kè weo, sema gyæe p̄o à onàmá à n̄ gbágbæø bàasio. <sup>6</sup> Lá aai aà náaikeo, an yá bò aà sae maamaæ.

*Yesu a ìwa gbèn kuεplas zìa plapla  
(Mat 10.5-15, Luk 9.1-6)*

ɔ à gè wéle n wéleo, àlè yādadane. 7 ɔ à a gbèn kuεplas sisi à n zì gbèn plapla, à tāagoa gbèwa iko kpàmá. 8 A òné aasu pœ se aa geðo, kùsüa ge babalaboo ge ḥsōgbèna, sema gopana. 9 A mè aa kyalekpa, ãma aasu ulada mèn plao. 10 A òné lɔ: Gu pó a pilau, ã ku we e à ge bɔò wélepi guu. 11 Gu pó wi gbāakpauázio, mé wi á yāmao, tó álè tá, à koolemá an toa n Luao seela ù. 12 ɔ aa dàzeu. Aa nòselilea kpàwakè gbènne, 13 aa tāagònè dasi, aa nísimàma gyæeøwa dasi, aa n gbägbä.

*Zaa Da'ilenä gaa  
(Mat 14.1-12, Luk 9.7-9)*

14 Kí Elodi yápiò mà, asa Yesu tó lìguæ. Gbèeò mè Zää Da'ilenä mé bò gau. Bee yái à gbāa'è, àlè dabudabuke. 15 Gbèeò lé me Eliae, gbèeò lé me ãnabiè lán ãnabi yāaewa. 16 Ké Elodi mà à mè: Zää pó ma aà mi zò mé vù.

17-18 A mò lè Elodi doúpi mé a dāuna Filipi nò Elodia sìwà a sè yää. Ké Zää lò oè aà dāuna nò siawà maaø,\* ɔ Elodipi tò wà Zää kù wà mòkàwà, wà aà dàkpeu Elodia yái. 19 Elodia sò a Zää kpènè kūa, a ye à aà dè, ãma i ze'eo, 20 asa Elodi dò ké Zääá Lua gbé zálalaø, ɔ lò vñakeè, ili tó wà iadawào. Tó à gè aà yāmai, làasoo i gëgåaguë. N beeò lò ye faaibooaaànoi.

21 Elodia ze'è Elodi ia dikpegoozi. Elodi gbāadeò n sosa gbèzòò n Galile gbé gbiaø kàaa pønablewa. 22 ɔ Elodiapi nenøe gè ñwà. A kè Elodie na n a nibòò píi, ɔ kípi ò népiè: Pó pó n yei n a wabikea, má n gba. 23 ɔ à èa òè: N ma iao pó pó n a wabikèa pii, má n gbaø, baa ma kpala guoø. 24 ɔ népi bò gè a da là à mè: Bó má a wabikewài? ɔ aà da òè, Zää Da'ilenä miè. 25 Wegòò à èa sù n wääo, a ò kíae: Zää Da'ilenä mi má ye n ma gba pelentiu la tiatia.

26 ɔ kí pò yà dñuduù, ɔ i fɔ gí lòo lé pó á gbè nibòò wáa yái. 27 ɔ kípi a døiae zì gòò, a òè aà ge aà mi se mòò. ɔ à gè aà mi zò kpéu, 28 a dà pelentiu, à mò kpà népiwa, ɔ a kpà a dawa. 29 Ké Zää ìwaø yápi mà, ɔ aa mò wà aà ge sè aa vñ.

*Blekpaø bilawa sëia  
(Mat 14.13-21, Luk 9.10-17, Zaa 6.1-15)*

30 Zinapiò sù Yesu kíi, ɔ aa yá pó aa kèò n yá pó aa dànèò òè pii. 31 Wàlé mò, wàlé tá, ɔ Yesu n a gbèò aai ze'e baa wà pøblèo dasi yái. ɔ a òné: A mò wà gé gusaena wátëe, wí kámabo yoo. 32 ɔ aa gè gò'ilénau aa dàzeu, aale gé gusaena nítëe. 33 Ké gbèò n

\* 6:17-18 Lev 20.21

g ea è, aa n d õ, õ b ãa w ël e p í guu w à b àal è d ãaan é we k ès e. <sup>34</sup> K é Yesu b ã g ó guu, à b ãla è, õ aa k èè w ëna ù, asa aa d e l ãn s ã p ó aa d ãna v ñoowae. <sup>†</sup> O àl e y ãdadan é maamaa.

<sup>35</sup> K é iat ã b ãsa, õ a à ïwa ã s ãaàz i aa m è: Gueá s ãgbãe m é iat ã i g ã b ãla l ão. <sup>36</sup> Gb õ gbae aa ta bualo ù n z ãewia p ó k ú k ãi lau, aai p ó w ee le l ù aa ble. <sup>37</sup> O Yesu a z ãsimá à m è: A p ó kpámá aa ble. O aa òè: N ye w à g e p ëe lu ãnusu õwat ã ðaa do, w í m ó kpámá aa ble y ã? <sup>38</sup> O Yesu n lá à m è: P ëe m èn ûma á v ãi? A g e gwa. K é aa k ã, aa m è: P ëe ku m èn s ão n k p ão m èn pla.

<sup>39</sup> O a òn é: A g b õ z ãlez ãl e s ãb ãl ãwa booloboolo. <sup>40</sup> O aa z ãlez ãl e g ã n g ão, booloe ã g b õn baso ã, booloe ã g b õn blakwi. <sup>41</sup> O Yesu p ëe m èn s ão n k p ã m èn plapio s è, à w es è musu à b áaadàu. O à p ëepi è' e k p ã a ïwa ãwa, aa b ãl e g b õpi ñe. O à k p ã m èn plapio kpaal èn é m ñpii. <sup>42</sup> Ampii aa p ãbl è w à k ã. <sup>43</sup> O w à p ëe mi ñna ã n k p ã k ãni p ó g ã ñ s èl e g b ã kuepla pai. <sup>‡</sup> <sup>44</sup> G õe p ó aa p ãbl è g b õn ñaas ãs ão l ee s ão e (5.000).

### Yesu t ãa'oa ñisidaa (Mat 14.22-36, Zaa 6.16-21)

<sup>45</sup> O Yesu n àe a ïwa ãwa g ã ñ aa g ã g ó guu aa d ãaae Besaida ñisida baale e ào bila gbae. <sup>46</sup> K é à lez à g b õwa a l ãa, õ à d ède s ãs ãwa, à g è w abikei. <sup>47</sup> Iat ã g ãa k p éu g ó'lena k ú ñisidaa m é Yesu k ú s ãs ãla ado. <sup>48</sup> O a è gofia lé ñadamá, k é ãan g b ãa lé g ãn é y ái. Guf ñe õ à g è n k ãi, àl e t ãa' o ãia, õ a k ãl á ye g ãm áwa. <sup>49</sup> K é aa a à è, àl e t ãa' o ãia, aale e gyaadee, õ aa wiil è. <sup>50</sup> K é aa a à è m ñpii, gili g èñgu. O Yesu òn é g ã ñ: A s ãdile, m áme. Asu to v ãia á k ão. <sup>51</sup> K é à g è g ó guu, õ ñana l ãa, õ y ápi n k ú g b ãa, <sup>52</sup> asa an w é i k ã p ëe y á musuo, k é aa n ñs e v ño y ái.

<sup>53</sup> K é aa b ãa baa aa k ã Genezaleti, õ aa god ã we. <sup>54</sup> K é aa b ãle g ó guu, w à Yesu d ã g ã ñ, <sup>55</sup> õ w à b àal è g è b ãsupi k èele, w à gy ãe ã s èl e n mákele o, gu p ó wa m à a kuu p ãi w ñ m ñoè. <sup>56</sup> Gua p ó à g èu p ãi, z ãewia ã ge m ñewia ã ge bualo ù, w ñ m ñe n gy ãe ã, w ñ n k ál e g ãa e, õ w ñ w abikew à a à to aa ñk ã baa a à ula l éwa. O g b õ p ó ñk ãw à ñ g b ãgb ã p ãi.

## 7

### Felekaaya ã (Mat 15.1-9)

<sup>1</sup> Falisi ñ M ñizi ikoy ãdan e de p ó aa b ã Yelusal ñe ã m ñ Yesu k ãi. <sup>2</sup> Aa è a à ïwa e ã l é p ãble ñpia n g b ãb ã'io sai. <sup>3</sup> Asa Falisi ñ Yuda ã p ãi aa n dezis ñ felekaaya ã k ãa e, aali p ãble ñpia n g b ãb ã'io saio. <sup>4</sup> Aali su n eleo aa p ãbl è zu'osaio. Aa felekaaya ã p ãle ã

<sup>†</sup> 6:34 Nao 27.17, 1Kia 22.17    <sup>‡</sup> 6:43 2Kia 4.42-44

kūa dasi. Beewa aai gbābo imiboo ní tac ní ooone. <sup>5</sup> O Falisio ní Mɔizi ikoyādanedепиo Yesu là aa mè: Bóyaii ní wac lí wá dezio felekaayā kūao ni? Aai pobble opia ní gbābo'io saie. <sup>6</sup> Yesu wèmá à mè: A mɔa filideo, Isaia dòaa á yã'ò wàsawasa, lá a kè láuwa à mè:

Buipii ma kpela ní léoe,  
an sɔs kua lɔo.\*

<sup>7</sup> Aai ma sisi pâe,  
gbēnazina ikoyã õ aai dané.

<sup>8</sup> A pâkpâ Lua ikoyaii, õ á gbēnazina felekaayā kúa. <sup>9</sup> O Yesu òné lɔ: A pâaa Lua yáaa ké à e ào á felekaayā kúa maan wea? <sup>10</sup> Mɔizi mè àli misiile á de ní á daoe.† A mè lɔ, gbé pó a de ge a da kpebò, wà ade de.‡ <sup>11</sup> Apioi sɔs i me tó gbé ò a de ge a dae pó pó á ví à dòonleá Koobanie, <sup>12</sup> a zevví à a de ní a dao kpelaò lɔo. (Koobani bee mè, à Lua gbà.) <sup>13</sup> Beewa i Lua yá bâde á felekaayā pó i dadané yái. Yá bee taao õ i ke dasi.

*Yá pó i to wà gbale*  
(Mat 15.10-20)

<sup>14</sup> O Yesu èa bila laai sisi à mè: A swákpa à ma yáma, ápii. <sup>15</sup> Poe ku ké à gé gbé guu à to aà gbâleo. Pó pó bò gbé guu õme i to aà gbâle. <sup>16</sup> Gbé pó nòse ví aà yápi ma.

<sup>17</sup> Ké à bila tò we, à tà bè, õ aà iwac yápi mi gbèawà. <sup>18</sup> A òné: Apioi, i õnokus sooa? Ké poe ku à gé gbé guu à to ade gbâleo, á dòo lé? <sup>19</sup> Pópi lí gé aà sɔs guuo, sema aà gbeeu, õ i a bíikpeke. (Maa Yesu gbâbò ble piie.) <sup>20</sup> O à mè: Yá pó i bò gbé guu mé i to ade gbâle. <sup>21</sup> Za gbēnazina sɔs guu õ làasoo vái i bòu: Káaluakaa, kpái'oa, gbédeea, <sup>22</sup> gbâsíleea, bíli, nòsevvái, mɔa fili, wisaiyã, weboboa pói, gbésòsòja, makamaka ní misaiyão. <sup>23</sup> Yáváipii i bò gbēnazina sɔs guue pii, õ i to aà gbâle.

*Buipale nòe wabikea*  
(Mat 15.21-28)

<sup>24</sup> Yesu bò we à gé Tii bùsuu, õ à píla ueau. A ye wà a dòo, áma ili e úleo. <sup>25</sup> Nòe pó a nenonena táaa ví Yesu bao mà gò, õ à mò wúle aà gbázi. <sup>26</sup> Nòepiá buipaleo, wà aà i Silifinisi bùsuue. A wabikè Yesuwa aà táaa goe a néwa. <sup>27</sup> O Yesu òè: To wà ble kpá néwa già, asa a maa wà néo ble se wà zu gbéoneo. <sup>28</sup> O nòepi a zäsiwà à mè: Dii, baa gbé pó wúleánzio i néo ble kasonao peeleee. <sup>29</sup> Yesu òè: N yáwea maa yái, tá, n né táaa gòwà. <sup>30</sup> Ké à kà bè, à a né è wúlea pewa, táapi gòwà siiana.

*Swado gbágbaa*

\* **7:6** Isa 29.13   † **7:10** Boa 20.12   ‡ **7:10** Boa 21.17

<sup>31</sup> ○ Yesu félé Tii bùsuu à gè Sidō, 5 à bòle ní Wélemenkwi bùsuuo e à gè kà Galile ísidai. <sup>32</sup> ○ wà mòe ní swádo pó yá'o zí'úaànço, wà wabikèwà aà ñawà. <sup>33</sup> Yesu bòaànço bíla guu mípla, à ctona pèpe aà swáu. Ké à lé'i kè a ñwa, 5 à kà aà lénawa. <sup>34</sup> A wesè musu à wè fèee, 5 a ðè: Efata. (Bee mè wë.) <sup>35</sup> Wegòo gòepi swá wè, aà léna góle, 5 à yá'ò wásawasa. <sup>36</sup> Yesu ò gbéoné aasu o gbéé mao, áma aa gè lé a kpàwakené maamaa de lá à ginéla. <sup>37</sup> Yápi dímá maamaa à kè zài, 5 aa mè: Aà yápii kea ló maae. I to baa swádo yáma, mé i to lénanaaladeo yá'o.

## 8

### *Blekpaan bílawa plaade (Mat 15.32-39)*

<sup>1</sup> I gègéo bíla èa kàaaaàzi ló. Aa pobleae vñ ló, 5 Yesu a ñwa sisi a ñné: <sup>2</sup> Gbépió kémee wénaú, asa a góó àaõn la ké aa kumanç, aa pœe vñ aa ble ló. <sup>3</sup> Tó ma ní gbáe aa ta be ní ñoanaao, an yéee a láa zé guue, asa an gbéeo bokli zâe. <sup>4</sup> ○ aà ñwa aà là aa mè: Mákli wa ble eu sègbáu la à gbépió kái? <sup>5</sup> ○ Yesu ní lá à mè: Pëe mèn úma á vñi? Aa mè: Mèn soplae. <sup>6</sup> ○ a ð bílae aa zéle tóole. ○ à pëe mèn soplapi sè à sáaukpà, a è'e kpà a ñwaçwa aa kpaale bílae, 5 aa kpaalènè. <sup>7</sup> Aa kpà nénao vñ yóo ló. Ké à báaadàu, a ñné aa ea bee kpaalènè ló. <sup>8</sup> ○ aa blé aa kà, 5 wà a miøna pó gòò sèle sò sopla. <sup>9</sup> Gbépió kà ñaasçoso lee siiñ (4.000) taawa. Ké Yesu ní gbáe, <sup>10</sup> 5 à gè gó'ilena guu ní a ñwa, aa gè Damanuta bùsuu.

### *Falisiò seelagbeaa*

*(Mat 16.1-12)*

<sup>11</sup> ○ Falisiò mò lé lkpaakeaànço, aale líkpalewà, aale weele aà seelakené ní Lua gbáao. <sup>12</sup> ○ à wè fèee à mè: Bóyái gbägbëo lé seela weeleai? Siana málé oé, má seelae ke gbägbëonéo. <sup>13</sup> ○ à ní tó we, à èa gè gó'ilena guu à tà baale.

<sup>14</sup> A sà aà ñwaçgu aa pëe kùsúa së. Pëe mèndo mé gònné gó guu. <sup>15</sup> ○ Yesu ledàmá à mè: Aò kú ní laaio. A laaika Falisiò ní Elodiò pëesé'esei. <sup>16</sup> ○ aale okõe aa mè: Ké wá pëe vñio yá'i a ði màa. <sup>17</sup> Yesu dímá, 5 à ní lá à mè: Bóyái álé o ké á pëe vñio yáie? E tia á wé i kë á dñoa? A nòse vñioa? <sup>18</sup> A wé vñi, ili gu'eo? A swá vñi, ili yámaoa? Yáe lí dñágua?\* <sup>19</sup> Ké ma pëe mèn sçoo è'e má kpà gbëon ñaasçoso lee sçooawa (5.000), a a miøna sèle gbí úma ni? Aa wèwà aa mè: Gbí kueplae.† <sup>20</sup> Yesu èa ní lá à mè: Ké ma pëe mèn sopla è'e má kpà gbëon ñaasçoso lee siiñawa (4.000), a a miøna sèle sò úma ni? Aa wèwà aa mè: Sò soplae.‡ <sup>21</sup> ○ a ñné: E tia á wé i këoa?

\* **8:18** Zel 5.21, Eze 12.2    † **8:19** Maa 6.43    ‡ **8:20** Maa 8.8

### *Besaida vía gbágbaa*

<sup>22</sup> Ké aa kà Besaida, õ wà mòè nì vùlao, wà wabikèwà aà ɔkawà.  
<sup>23</sup> O à vùlapi kù a ɔwa, à bòaànɔ wénkpè. A lé'i kè aà wéwa à ɔnàwà, õ à aà là à mè: Nle gu'ea? <sup>24</sup> O gòepi wèsè musu à mè: Málε gbé e, aa de lán lío mé lé ták'a'o'owa. <sup>25</sup> O Yesu èa ɔnà aà wéwa lɔ. Ké gòepi wébli, õ aà wé wè, àlè pòpìi e sa wásawasa.  
<sup>26</sup> O Yesu aà gbàe be à mè: Nsu bole wéle guuo.

### *Pieε Yesu Mesiikε oa* (Mat 16.13-23, Luk 9.18-22)

<sup>27</sup> Ké Yesu lé gé nì a iwaç Sezale Filipi bùsu zòewiaç guu, õ à a iwaç là zé guu à mè: Dé wàlε o má de a üi? <sup>28</sup> Aa wèwà aa mè: Gbèeo i me Záa Da'ilenaε, gbèeo i me Elia. Wí ea me lɔ ãnabi yáaen n ū. <sup>29</sup> O à n lá à mè: Apio sɔ, dé i me má de a üi? Pieε wèwà à mè: Mesiin n ū. <sup>30</sup> O Yesu ní lepàpa aasu o gbée mao.

<sup>31</sup> O à nà yádaanéwa à mè: Sema Gbénazin Né taasikε maamaa, gbézòç nì sa'onkiaç nì Moizi ikoyádanedeç giaàzì, wi aà de, a gɔç àaôde zí i vu. <sup>32</sup> A yápi ònè wásawasaε, õ Pieε gèaànɔ gusaε, àlè giè. <sup>33</sup> Ké Yesu lili à a iwaç gwà, õ à gí Pieεe à mè: Gomee we Setau! Lua làasoo lé døaanø, sema gbénazinà pó.

### *Yesu lia* (Mat 16.24-17.13, Luk 9.23-36)

<sup>34</sup> Bee gbea Yesu bíla laai sìsi nì a iwaç, a ònè: Tó gbé ye ke ma iwa ū, aà gi azla wénii, i a lipäakɔa sé, i temazi. <sup>35</sup> Gbé pó ye ào a wénii kúa, a kua a wénipiwae. Gbé pó gí a wénii ma yáí nì ma baona yáo lɔ, ade mé aø ku. <sup>36</sup> Tó gbé gò dúnia búu vì mé à kùa ziawa, bó ài bee vùl? <sup>37</sup> Bó gbé a flaboò à zia'ei? <sup>38</sup> Tó gbé zéamanɔ ge nì ma yáo widè gbágbé duunde luanaaikensai guu, Gbénazin Né a zéaaànɔ wide sɔε, gɔç pó a mo a Mae gawi guu nì a malaikacɔ.

## 9

<sup>1</sup> O a ònè: Siana málε oé, gbé pó kú laeç ga kía pó Lua kpà moa nì gbáao esaio.

<sup>2</sup> Gɔç soolo gbea Yesu Pieε nì Zaakio nì Záao sè à dèdeñɔ gbésisi lesiwa nítéé. O à lì nì wáa, <sup>3</sup> aà pøkasac lè teke púntaitai. Gbée ku dúnia guu ké a fɔ pó pí à puakü maaø. <sup>4</sup> Bee kpe Elia nì Moizio bò mòmá, aale yá'o nì Yesuo. <sup>5</sup> O Pieε ò Yesue: Dii, wá kua la maaø. Wà lákpe dò mèn àaø, n pó do, Moizi pó do, Elia pó do. <sup>6</sup> A dɔ lá álé oo, asa vía nì kú maamaaε. <sup>7</sup> Luabepuana píla kùnla, õ aa looe mà a guu à mè: Gbéee beeá ma Né mèndona

yenzideε, à aà yāma.\* <sup>8</sup> Kándo ḡō ké aa gugwàgwa, aai gbēe e lōo, sema Yesu ado.

<sup>9</sup> Ké aale pila gbèsisípiwa, <sup>5</sup> Yesu òné aasu yá pó aa èpi o gbēe mao e Gbēnazin Né ge bōò gau. <sup>10</sup> Aa yápi kūa, ní beeo aale kōlala aa mè: Bōa gau yá bee dēa ni? <sup>11</sup> O aa aà là aa mè: Bóyái Mōizi ikoyādanēdeō ī o Elia mé a dōaa mōi?<sup>†</sup> <sup>12</sup> A wémá à mè: Elia a dōaa mó, i yápii keke zéze, áma ké a kēa láu wà mè wa saka Gbēnazin Négu, i taasikē maamaa sō bē?<sup>‡</sup> <sup>13</sup> Málē oé, Elia mò kō, <sup>5</sup> wà ní pōeā dàe lá wà aà yā'ò taalauwa.

*Yesu neḡé tāade gbágbaa*  
(Mat 17.14-23, Luk 9.37-45)

<sup>14</sup> Ké aa sù ní gbé kiniōwa, aa è bíla liaarízi mé Mōizi ikoyādanēdeō lé lekpaakeénō. <sup>15</sup> Ké bíla Yesu è, aà yá bò ní sae, <sup>5</sup> aa bāalè gè fōkpàwà ḡō mōpii. <sup>16</sup> O à a iwaō là à mè: Bó lekpaan ále keénōi? <sup>17</sup> O gbé pó kú zā guue wèwà à mè: Dii, ma mōne ní ma néoe, tāa mé aà léna nàale. <sup>18</sup> Tó à dèdewà, ī aà ne zílee, <sup>5</sup> ī l'é'ifula bōle, ī swaalolokōwa, ī gbágba tèlele. Ma mōò n iwaōne aa tāapi go, <sup>5</sup> aa fūa. <sup>19</sup> O Yesu òné: Gbágba luanaaikensai, máo kúáno e bōe ni? Máo mēnakeánō e bōe ni? A mōmee ní népio la.

<sup>20</sup> Ké wà mōoè, ké tāapi Yesu è ḡō, <sup>5</sup> à népi zlazia à aà pàlē zíle kpèbau. O ále gbeembo, ále l'é'ifula bōle. <sup>21</sup> Yesu népi mae là à mè: A aà lè māa za bōe ni? A wèwà à mè: Za aà néfēnen zíle. <sup>22</sup> Iō aà zu té ní io guu mōmōcē, ī ye aà dēe. Tó níyō fō ní pōe ke, wá wēnagwa, ní dōwále. <sup>23</sup> Yesu òè: N mè tó má fōe lō? Yápii zevi gbé pó lè ma náaikeε. <sup>24</sup> O népi mae ò ḡō: Má n náai vī. N n náai pó lè késāa káfimeε. <sup>25</sup> Ké Yesu è bíla lé naemá, à ḡi tāapi è à mè: Tāa swādo, málē one, go népiwa. Nsu ea suwà lō. <sup>26</sup> O tāapi wiilè à aà zìa pāsípāsī, <sup>5</sup> à gōwà. Népi gō lán gewa, <sup>5</sup> gbé daside mè à gāe. <sup>27</sup> O Yesu aà kù a ḥwa à aà fēle, <sup>5</sup> à gō zea.

<sup>28</sup> Ké Yesu ḡe ua, zìloe kúníno lō, <sup>5</sup> aà iwaō aà là aa mè: Bóyái wa fua tāapi goi? <sup>29</sup> O a wémá à mè: Wabikēa ado mé ī fō tāa bee taa go.

<sup>30</sup> Ké aa bō we, <sup>5</sup> aa pà Galilea. Yesu ye wà a kúkli dō, <sup>31</sup> asa ále yādada a iwaōne. A òné: Wa Gbēnazin Né kpámá, wi aà dē, i vu a gō aàa ñdezi. <sup>32</sup> Aai aà yápi midō, mé aa yápi laawà vñakè.

*Tēa Yesuzi lán né̄wa*  
(Mat 18.1-9, Luk 9.46-50)

<sup>33</sup> O aa kà Kapēnaū. Gō pó a ku be, à a iwaō là à mè: Bó lekpaan ále ke zé guui? <sup>34</sup> Aa ní kpàuu, asa zé guu aale lekpaakē denla

\* 9:7 Maa 1.11, Iko 18.15    † 9:11 Mal 4.5    ‡ 9:12 Isa 53.1-12, Sou 22.1-18

yá musue. <sup>35</sup> Ḍ à z̄lē à gbēn kueplapiɔ́ kàaa à mè: Tó gbé ye ke mide ū, aàɔ́ késāa gbépiizi, i ke an baade píi dɔnlede ū. <sup>36</sup> A né se zè ní ae, õ à aà se kpà a kùe a òné: <sup>37</sup> Gbé pó née beeɔ́ do dìlē ma ìwaké yái, ade ma dilee. Gbé pó ma dile sɔ́ i ma dile madoo, à gbé pó ma zì dìlē sɔ́e.

<sup>38</sup> Ḍ Zāa òè: Dii, wa gbéè è, àlè tāago ní n tóo, õ wá ye giè, asa wá gbé no. <sup>39</sup> Ḍ Yesu mè: Asu gièo, asa gbéè a fɔ́ dabudabuké ní ma tóo, a ea ma tɔbëesi gòò. <sup>40</sup> Gbé pó i íbelësewançó, wá bàakpëee. <sup>41</sup> Siana málé oé, gbé pó á gbá imia á dea Kilisi pó û yái, ade a kua a aseawao.

<sup>42</sup> Tó gbé tò né pó lé ma náaikeéè do fù, a maa yää ní adeo wà wísilɔgbé gbènè dɔ́ aà nɔee, wi aà zu ísiu. <sup>43-44</sup> Tó nɔ́ mé i to n fu, zɔ́. Gëa àizäna guu kòò ū maa de n taa té gasai guu nɔ́ mèn plaola. <sup>45-46</sup> Tó n gbá mé i to n fu, zɔ́. Gëa àizäna guu ee ū maa de wà n zu té guu ní gbá mèn plaola. <sup>47</sup> Tó n wé mé i to n fu, bɔ́. Gëa kpala pó bò Lua kíi guu wedode ū maa de wà n zu té guu ní wé mèn plaola. <sup>48</sup> Wekíi an kòobii lí láao, mé a té lí gao. §

<sup>49</sup> Wa temɔ́ baadee an kekeea ní wisio ū.\* <sup>50</sup> Wisiá pó nae. N beeo tó wisi í na tà, kpelewa wa ke à nakü lɔi? A to wisi àò kú á guu, ín na ní kɔ́o.

## 10

### Nɔ́yaa

(Mat 19.1-12)

<sup>1</sup> Ḍ Yesu bò we à gè Yude bùsuu e Yuudé baale. Bíla èa kàaaaàzi we, õ à yädàné lá ìo kewa. <sup>2</sup> Falisieɔ́ mò líkpaleiwà, õ aa aà là aa mè: Gòe zeví à a na yáa? <sup>3</sup> A wèmá à mè: Mɔ́izi dìleé kpelewa ni? <sup>4</sup> Aa mè: Mɔ́izi gòe gbà zé aàli gínzila ké, aàli a na yaðe.\* <sup>5</sup> Ḍ Yesu òné: A swágbää yái Mɔ́izi bee dileié. <sup>6</sup> Za dúnia daalegɔ́o Lua gòe kè ní nɔeøe.† <sup>7</sup> Ayámeto gòe i go a de ní a daowa, i na a nawa, <sup>8</sup> õ aaí gò lán sàwakula ní gbalaowa.‡ Beewa aa ku dodo lɔo, aa gò medoūe. <sup>9</sup> A yái gbé pó Lua ní nákɔ́wàɔ́, gbéè su ní këaao. <sup>10</sup> Ké Yesu tà bë, aà ìwaɔ́ aà là yápi mii. <sup>11</sup> Ḍ a òné: Gbé pó a na yà à a pâle sè gbásikè a nɔ́ sëia yá musun we. <sup>12</sup> Nɔe pó gí a zázi à zá pâle kë sɔ́, à gbásikèn we.

### Yesu báaadaa néøgu

(Mat 19.13-15, Luk 18.15-17)

<sup>13</sup> Wàlè mó Yesue ní néo aà ɔnamá, õ aà ìwaɔ́ gïnè. <sup>14</sup> Ké Yesu è màa, aà pɔ́ pà a òné: A to néo mó ma kíi, ásu gínéo, asa kpala pó bò Lua kíiá gbé bee taao póe. <sup>15</sup> Siana málé oé, gbé pó i kpala

pó bò Lua kíi sí lán néwao a gëuo. <sup>16</sup> Ḍ a néo se kpàkpa a kùe, à ɔnànamá à báaadànígu.

*ɔde  
(Mat 19.16-30, Luk 18.18-30)*

<sup>17</sup> Ké Yesu dàzeu ále gé, õ gɔee báalè mò kùlè aà ae, à aà là à mè: Metulu maa, kpelewa má ke mà àizána ei? <sup>18</sup> Ḍ Yesu òè: Akeá ní òmee má maai? Gbëe maaao, sé Lua ado. <sup>19</sup> N ikoyāo dɔ: Nsuli gbëdeø, r̄nsuli wúlè ní gbëpále nɔoo, r̄nsuli kpái'oo, r̄nsuli yádɔ n gbëdeewao, r̄nsuli gbëbleo, níli n de n n dao kpela. <sup>20</sup> Ḍ à mè: Metulu, za ma néfēnengɔo má yá bee kūa píie. <sup>21</sup> Ḍ Yesu aà gwà ní yenzi wéo a òè: Yá gɔñe mèndo. Ge ní pó pó n v̄i yía píi, ní a ña kpá taasideøwa, ní mo temazi, níyɔ àizee v̄i luabé. <sup>22</sup> Ḍ gɔepi oosisi yápi yáí, à tà n pɔsiao, ké aà àizee dasi yáí. <sup>23</sup> Ḍ Yesu wèpà a iwaøla a òné: Aizeede gëa kpala pó bò Lua kíiu zì'ü. <sup>24</sup> Yápi bò aà iwaø sae, õ Yesu èa òné: Gbëo, gëa kpala pó bò Lua kíi guu zì'ü fá! <sup>25</sup> Yiongo gëa abaaweu àa de òde gëa kpala pó bò Lua kíiula. <sup>26</sup> Ḍ yápi aà iwaø kù gbää, aale okɔe aa mè: Tó määe, déme a bɔi? <sup>27</sup> Yesu ní gwá soee à mè: Gbënazïna a fɔo, ámaa Lua a fɔ wá bo, asa Lua apii gbää v̄ie.

<sup>28</sup> Ḍ Piee òè: Wápi sɔ be? Wa pɔpii tò wa bɔ tenzie. <sup>29</sup> Yesu mè: Siana málé oé, gbé pó a be tò we ge a v̄iø ge a dãunaø ge a da ge a mae ge a néo ge a bua ma yáí ní ma baona yáo, <sup>30</sup> ade a ea be ní v̄iø ní dãunaø ní daø ní néo ní buaø e leø basø dúniaø bee guu ní ladamao lɔ, i àizána e dúnia pó a mo guu. <sup>31</sup> Dasi pó dɔaaaø gɔ zá mé dasi pó té záø gɔ dɔaaaø.

*Yesu a gaa ní a vuao yá'oa  
(Mat 20.17-19, Luk 18.31-34)*

<sup>32</sup> Aa èa dàzeu, aale gé Yelusaleü. Yesu dɔaaaø a iwaøne, õ yápi bò ní sae, mé v̄ia gbé pó té aà kpøø kù. Ḍ Yesu lile ní a iwa gbëon kueplao, à èa yá pó a su a le òné lɔ <sup>33</sup> à mè: A ma! Wále gé Yelusaleü. Wa Gbënazin Né kpá sa'onkiaø ní Moizi ikoyādanedeøwa, aai yádaaàla, aai aà kpa luayadɔnsaiøwa aa aà de. <sup>34</sup> Aa aà ke pɔɔpɔo, aa lé'ikakawà, aa aà gbë ní flàalao, aai aà de, a gɔø àaøde zì i vu.

*Zaaki ní Zaao wabikëa  
(Mat 20.20-28)*

<sup>35</sup> Ḍ Zebedee néo Zaaki ní Zääo sɔ Yesuzi aa òè: Metulu, wá ye ní yá pó wále a wabikëma kewëe. <sup>36</sup> Ḍ à ní lá à mè: Bó á ye mà keéi? <sup>37</sup> Aa wèwà aa mè: Wá gba zé wà zɔlennø ní kpala guu, gbëdo n ɔplaai, gbëdo zeeø. <sup>38</sup> Yesu òné: A yá pó ále a wabikëa dɔo. Taasi kεøona pó má a imi, á fɔ mia? Ga pó má siu, á fɔ siua?

39 Aa wèwà aa mè: Wá fጀ. Ḍ Yesu ònē: I pጀ má mi, á mi, mé ga pጀ má siu, á siu,<sup>40</sup> āma zጀlea ma oplaaai ge zeeiá ma yጀ no. Gbጀ pጀ Lua kጀkenéo pጀse.

41 Ké iwa gbጀn kwi kinió yápi mà, an po pጀ Zaaki ní Zāaozi.  
 42 Ḍ Yesu ní kāaa a ònē: A dጀ ké gbጀ pጀ wàle ní gwa bùsu gbጀzጀco ū i gbጀable ní gbጀwae. Māa gbጀadeo i kiblemá lጀ. <sup>43</sup> Ama a deán̄ māao. A guu gbጀ pጀ ye gጀ gbጀzጀ ū, aà ke á dጀnlede ū.  
 44 Māae lጀ gbጀ pጀ ye gጀ á dōaana ū, aà ke ápii zጀblena ū.\* <sup>45</sup> Asa Gbጀnazin Né i mo wà dጀnlekees yáio, à mò dጀnlekei gbጀnées, i gi a wēnii ké à e gbጀ bo dasi yáai.

### *Vìla baakēna gbágbaa*

(Mat 20.29-34, Luk 18.35-43)

46 Aa kà Yeliko. Lá Yesu lé bጀ we ní a iwa ní bílao, vìla baakēna Timé né Baatime zጀlea zé le. <sup>47</sup> Ké a mà Yesu Nazaléti mé lé gጀ, õ à nà lé gbāa zuawa à mè: Davidi Bui Yesu, ma wēnagwa! <sup>48</sup> Ḍ dasile giè, aale me aà nílē. Ḍ aà lezua gbāa kàfì à mè: Davidi Bui, ma wēnagwa. <sup>49</sup> Yesu zè à mè: A aà sisi. Ḍ wà vìlapi sisi wa òè: Sōdile fele. Ale n sisi. <sup>50</sup> Ḍ vìlapi a zwāa wòlo à vì pèlé à mò Yesu kíi. <sup>51</sup> Ḍ Yesu aà là à mè: Bó n ye mà kenei? Vìlapi wèwà à mè: Dii, má ye mà gu'eε. <sup>52</sup> Ḍ Yesu òè: Gé, ma náai pጀ n kè mé n gbāgbā. Wegጀ à gu'è, õ à bò teaàazi.

## 11

### *Gbāakpaa Yesuzi Yelusaléū*

(Mat 21.1-11, Luk 19.28-40, Zaa 12.12-19)

1 Ké aa kāikù ní Yelusaléū, aa kà Befaze ní Bétani pጀ kú Kùkpé sīsīpōleuo. Ḍ Yesu a iwa gbጀn pla zì<sup>2</sup> a ònē: A gé wéle pጀ kále wá aë kee guu. Tó a gጀ gጀ, á zàa'ín bōlō e dōa we, gbጀe i dikpē yāao. A polo suò. <sup>3</sup> Tó wà á lá, bō ále ke wei, í me Dii mé ye a mōaoi, a ea suò tia. <sup>4</sup> Ḍ aa gጀ wà zàa'ínna è dōa kpēele gāae. Ké aale polo,<sup>5</sup> gጀ pጀ zea we ní lá aa mè: Bó ále ke ní zàa'ínapi, õ ále poloi?<sup>6</sup> Aa wèmá lá Yesu ònéwa, õ wà ní tó we. <sup>7</sup> Aa sù ní zàa'ínapi Yesue. Aa ní ulao kpàlé zàa'ínapiwa, õ Yesu dīkpé.\* <sup>8</sup> Gbጀeо lé ní ulao kpàlé zé guu,† gbጀeо lé láo zጀ sēu, aale kpàlé lጀ. <sup>9</sup> Gbጀ pጀ dōaaa ní gbጀ pጀ té zāo lé wiile wàle me:  
 Gbāa ke!

Báaaden gbጀ pጀ lé mó ní Dii tó ū.‡

10 Lua báaada wá dezi Davidi kpala pጀ lé vugu.  
 Wà gbāakpaaàzi à zጀ luawa.

\* 10:44 Maa 9.35   \* 11:7 Zkl 9.9   † 11:8 2Kia 9.13   ‡ 11:9 Soú 118.25-26

<sup>11</sup> Ké Yesu kà Yelusalé, à gè Lua ua, ɔ à wépà pópiila. Ké iaté i gõ bila ló yáí ɔ à bò gè Betani n a iwa gbén kuéplao.

*Yesu kaadjenli kaa n aà kua Lua uao  
(Mat 21.12-22, Luk 19.45-48, Zaa 2.13-22)*

<sup>12</sup> Ké gu dò, aa bò Betani, ɔ nɔana lé Yesu dè. <sup>13</sup> A kaadjenli è káaa, a lá pàe. A gè gwai tó a né mà. Ké à kà we, i pøe eo, sema a lá, asa a magoo i ka yáao. <sup>14</sup> Ḍ a ò lípié: Gbée a n né ble bau ló. Aà iwa yápi mà.

<sup>15</sup> Ké aa kà Yelusalé, Yesu gè Lua ua, ɔ à laayianaɔ n laalunaɔ yà n bólé, à ɔleñkpakenaɔ táabúnuɔ n felenyianaɔ kílaɔ fuangba. <sup>16</sup> I wei gbée a aso sè à bò ní Lua uaoo. <sup>17</sup> Ḍ à yádà gbéone à mè: A këa Lua taalau à mè: Ma kpé aø de ma sisikpe ū bui píie. <sup>8</sup> Apio sɔ á kè gbéblenaɔ tòò ū. <sup>\*</sup> <sup>18</sup> Sa'onkiaɔ n Mɔizi ikoyádanedeɔ yápi mà, ɔ aale zeweele wà aà dè. Aale viakéè, asa aà yádaané i di bílawa píie. <sup>19</sup> Ké oosi kè, ɔ Yesu n a iwaɔ bòlé wéleu.

<sup>20</sup> Ké gu dò aa be zéu, ɔ aa kaadjenlipi è, à giigàga e a zína. <sup>21</sup> Ké a yá dò Pieegu, ɔ a ò Yesue: Dii, kaadjenli pó ní kà gwae, à giigàga. <sup>22</sup> Yesu ònè: Aɔ Lua náai vî. <sup>23</sup> Slana málé oé, tó gbé ò sísíle beeɛ aà felé azíla zu ísiau, tó i seake a nòse guuo, tó a a náai víké yá pó a òpi a ke, a keè. <sup>24</sup> Bee yáí málé oé, tó ále lousisi, yá pó a a wabiké píi, à dile á è kò, i.e. <sup>25</sup> Tó a felé ále lousisi, tó á iikúa n gbéeo, à sùuukeáano, á Mae pó kú musu i sùuukeáano ní á tâaeɔ sɔ. <sup>26</sup> Tó i sùuuke ní gbéeo, á Mae pó kú musu a sùuukeáano ní á tâaeɔ sɔ.

*Yesu laa a ikoi  
(Mat 21.23-27, Luk 20.1-8)*

<sup>27</sup> Ḍ aa kà Yelusalé. Lá Yesu lé bebe Lua ua, sa'onkiaɔ ní Mɔizi ikoyádanedeɔ ní gbézɔɔ sɔaàzi <sup>28</sup> aa aà là aa mè: Iko kpele níle yápiɔ keði? Déme n gba yápi kea zéi? <sup>29</sup> Yesu wémá à mè: Má yá mèndoe gbeawá. A wea, mí iko pó málé yápiɔ keð oé sa. <sup>30</sup> A omee. Zaa gbé da'ilekeat bò Lua kíi yà, ge gbénazína kíie? <sup>31</sup> Ḍ aa lekpàai aa mè: Tó wa mè Lua kíie, a me bóyai wi Zaa yá sio nié. <sup>32</sup> Tó wa mè gbénazína kíie sɔ, too. Aa bila via vî, asa gbépii Zaa ãnabike sîle. <sup>33</sup> Ḍ aa wè Yesuwa: Wá dô. Ḍ Yesu ònè: Mapi sɔ má iko pó málé yápiɔ keð oéo.

## 12

*Véebu zíkénaɔ  
(Mat 21.33-46, Luk 20.9-18)*

<sup>1</sup> ○ Yesu fēle yālēeūnē à mè: Gbēe mē vēebu vī, à kaa līai, à eyō vēefēkli ū à gbadà, \* ᳕ à búpi nà zikēnaone n̄ ozi, ᳕ à fēle n̄ tāo.  
<sup>2</sup> Ké vēekozōzōgōo kà, ᳕ à a iwaē zì zikēnapiōwa, aà a vēepi asea símáe. <sup>3</sup> ○ zikēnapiō aà kù wa gbēe wa gbāe ogii. <sup>4</sup> ○ à èa iwa pāle zimá. ○ aa gbēe bee mi fō aa widāwà. <sup>5</sup> A èa a pāle zì lō, ᳕ aa gbēe bee dè. Māa à gbēpāleō zì dasi, aa n̄ gbēeō gbēe, aa n̄ gbēeō dè.  
<sup>6</sup> Budepi né mēndona mē gōe sa, ᳕ à aà zì gbezā à mè: Aa ma né yāda. <sup>7</sup> ○ zikēnapiō òkōe aa mè: Tūbiblenan kee. A to wà aà dè, bú i gōwēe. <sup>8</sup> ○ aa aà kù wa dè, wà aà ge sè wa zù kaa kpē. <sup>9</sup> Tòo, kpelewa budepi a kē sai? A ge zikēnapiō dēdē, i búpi kpa gbēpāleōwaē. <sup>10</sup> I Lua yāe bee kyokeo lé? Wà mè:  
 Gbe pó ēbonaō pākpāi  
 mē gōe gbeō mide ū.

11 Dii mē bee kē,  
 ᳕ à kēwēe yābōnsae ū.†

<sup>12</sup> ○ aa zewēele wà aà kú, asa aa dò n̄ yāi à yāpi lēeūi. N beeo aa vīlakè bílae, ᳕ aa aà tò we aa tā.

*Yesu lousisin gbēzōō fua  
 (Mat 22.15-46, Luk 20.19-47)*

<sup>13</sup> ○ wà Falisieō n̄ Elodi kpala zenkpēdeeō zì Yesuwa ɔnɔkeiè a yā'oa guu. <sup>14</sup> Ké aa kà, ᳕ aa òè: Metulu, wá dō kē gbē nāaiden n̄ ū. Nili yāsi n̄ gbēo ublembekē yāio, asa nili gbēe wegwao. Lua zé ni ɔlōnē wásawasa. A zevi wà wē'ōa kpá Sezaawaa, ge a zeviō? Wà kpa yā, ge wāsu kpao? <sup>15</sup> Yesu n̄ mōafli dō, ᳕ a ònē: Bóyāi ále filifilimbakpameei? A ɔapi do dōmee mà gwa. <sup>16</sup> Ké aa dōè, ᳕ à n̄ lá à mè: Dé mi n̄ aà tōon lai? Aa wēwà aa mè: Sezaa pōe. <sup>17</sup> ○ Yesu ònē: A Sezaa dee pō kpawà, i Lua pō kpawà. Aà yā bò n̄ sae.

<sup>18</sup> ○ Saduse pō aañ geō vua eēboeō mō Yesu lè aa aà là aa mè:  
<sup>19</sup> Metulu, Mɔizi òwēe a lá guu à mè, tō gbē vīli gā à a nō tō nésai, aà dāuna gyaapi da'uake à a vīli gēe kēd.‡ <sup>20</sup> Māae, vīli n̄ dāunaō ku gbēōn sopla. Woo nōsè, ᳕ à aà tò we nésai. <sup>21</sup> Se aà da'uakè, ᳕ à gā à nōpi tò we lō nésai. ○ Bíō kē māa lō <sup>22</sup> e à gē kà an sopladewa. Ampii aa aà tò nésai. Ampii gbea ᳕ nōpi gā. <sup>23</sup> Geō vugōzì an déme aō nōpi vīli? Asa an gbēōn sopla n̄ípii aa aà dō nō ūe. <sup>24</sup> Yesu wēmá à mè: A Lua yā n̄ a gbāao dōsai yāi a sāsāio lō? <sup>25</sup> Tō geō vū, aa nōseō, aa zākeo, aa ku lán malaikāo kua luabewae. <sup>26</sup> Ké geō bo gau sō be, i Mɔizi lá kyoke gua pō à kāelē yā'ouo lé? Lua òè à mè ámēaa Ablahaū n̄ Izaakio n̄ Yakobuo Lua.§ <sup>27</sup> Luaá geō Lua no, gbē bēeō pōe. A sāsā à kē zāi.

\* 12:1 Isa 5.1-2    † 12:11 Sou 118.22-23    ‡ 12:19 Iko 25.5    § 12:26 Boa 3.6

<sup>28</sup> Mɔizi ikoyādanedeē ku we, à lekpaapi mà. Ké a è Yesu yāmaa wèmá, õ à sɔ̄aàzi à aà là à mè: Ikoyā kpele mé deñlai?  
<sup>29</sup> Yesu wèwà à mè: A miden ke: A ma, Isailio. Dii wá Lua mé Dii mèndona ū. <sup>30</sup> Aɔ ye Dii á Luazi n̄ nòsemendoo teasisai á gbāa pua léu, á sɔ̄ iɔ kuwà.\* <sup>31</sup> A plaaden ke: Aɔ ye á gbédeezi lá ázia wèniwa.† Ikoyāe dè bee;lao. <sup>32</sup> O yādanedepi òè: Yāmaae, Metulu. N siana'ò, n mè Lua mèndoe, a plaade kuo, sema aāpi.‡  
<sup>33</sup> Yea Luazi n̄ nòsemendoo n̄ n ɔnɔ píi n gbāa pua léu n̄ yea n gbédeezi lá nzia wèniwao dè sa pó wí a pó káteu à tékū n̄ sa'oa bui píiola.§ <sup>34</sup> Ké Yesu è à yāwèwa n̄ laaio, a òè: Gēa kpala pó bò Lua kíiu zànnɔo. Bee kpe gbēe i we yāe làwà lɔo.

<sup>35</sup> Yesu èa lé yādadané Lua ua, õ à gbéo là à mè: Bóyāi Mɔizi ikoyādanedeō ī o Mesiiá Davidi buie? <sup>36</sup> Ké Lua Nisina dède Davidiwa à mè:

Dii ò ma Diiɛ aà zɔ̄lɛ a ɔplaa*i*  
e àɔ aà ibeɛo kálɛè a gbá zíe.\*

<sup>37</sup> Lá Davidi aà sisi Dii màa, kpelewa aɔ de aà bui ū lɔi? O bila lé aà yāma n̄ pɔnao.

<sup>38</sup> Aà yādaané guu à mè: A laaika Mɔizi ikoyādanedeɔzi. Aaɔ ye bεbea n̄ uladao daa wà fɔkpakpamá gāae. <sup>39</sup> Aaɔ wéele zɔ̄lɛ lousisikpe zɔ̄lekli maaɔ guu n̄ bleble zɔ̄lekli maaɔ. <sup>40</sup> Aai lou gbāa sisi gbéo wé yái, õ aaĩ gyaaɔ kpé siomá. An iadama pāsi aɔ deñla.

### Gyaa taaside gbadaa (Luk 21.1-4)

<sup>41</sup> O Yesu zɔ̄lɛ Lua ua ɔsikpagolo aε, àlε gbéo gwa, lá aale õa dau. Ode saɔ lé o zɔ̄o dau. <sup>42</sup> O gyaa taaside mò tānga dàu mèn pla, i ka dalao. <sup>43</sup> O Yesu a iwaɔ kàaa a ònè: Siana málε oé, gyaa taasidepi õa dà kpagolo guu dè gbépiila. <sup>44</sup> Asa o dia õ aa dà wà kàu nípii. Nɔepi sɔ̄, aà taasideke guu pó pó a ví à pobleò õ a dàu we píi.

## 13

### Yelusalɛū díuzɔa n̄ dúnialaagɔ seelaɔ (Mat 24.1-22, Luk 21.5-24)

<sup>1</sup> Ké Yesu lé bɔ̄ Lua ua, aà iわae òè: Metulu, gwa lá wà kpé maaɔ dò n̄ gbè kεfenaeo taao. <sup>2</sup> O Yesu òè: N kpé zɔ̄opi è píia? Gbεe a gɔ̄ dikɔa weo, wa a díuzɔ píiε.

<sup>3</sup> Yesu zɔ̄lea Kùkpε sìsípɔleu, aà aε dɔa Lua uawa. Piee n̄ Zaakio n̄ Zääo n̄ Andeleeo mé kuaànɔ níteε, õ aa aà là aa mè:  
<sup>4</sup> Owɛε, bee a ke bɔe ni? Bóme aɔ de apii kεgɔ seela ūi? <sup>5</sup> O Yesu

\* **12:30** Iko 6.4-5    † **12:31** Lev 19.18    ‡ **12:32** Iko 4.35    § **12:33** Oze 6.6

\* **12:36** Sou 110.1

òné: A laaika, ásu to wà á sásão. <sup>6</sup> Gbé mó ní ma tó dasi, aa mè Mesiin ní û, aai gbé sásã dasi. <sup>7</sup> Tó a zikakjfl mà ge a bao, ásu bílikeo. Sema bee ke, áma dúnia láaan we giao. <sup>8</sup> Bui ní buio aa fele ní kõo, maae lò bùsu ní bùsu. Tçole a lualua gueo mé noana aó ku. Yápi aó de lán nòwâwâ daaleawae.

<sup>9</sup> Aó kú ní laaio. Wa á kúkú wà yákpalekeáno, wi á gbé lousisikpeo guu. Aó zea bùsu gbäädeo ní kíao ae ma yái, ío dené ma seeladeo û. <sup>10</sup> Sema wà baonakpa bui píie giao. <sup>11</sup> Tó wà gèáno yákpaleu, ásu døaa bílike yá pó ásu owao. A yá pó Lua a sóso káé á léu gçobeezi o, asa i ke áme á yá'oo, Lua Nisinae. <sup>12</sup> Víi ní däunao kõ kpámá dæa yái. Måa maeo ní néo kpámá. Néo bo ní deo ní ní daø kpe wà ní de. <sup>13</sup> Gbépii a zaágu ma yái. Gbé pó menafì e a léwa, ade mé a bo.

<sup>14</sup> Tó a tè gudena\* è gu pó de ào kuuo, (kyokena yápi da), gbé pó kú Yudeo bàale mipe sìsìowa. <sup>15</sup> Gbé pó kú a kpé musu su pila gë kpéu a pøe séio. <sup>16</sup> Gbé pó kpé bua su ea be a ula séio. <sup>17</sup> Waiyoo neadeo ní nɔsindéo gçoo beezi. <sup>18</sup> A wabike ké yápi su á le buzieo, <sup>19</sup> asa wétæa pó aó ku gçöpi aó zööe.† Za gçoo pó Lua dúnia kë e gbä a taa i keo, mé a ke bau lò. <sup>20</sup> Tó Dii i gçöpi laoo, dö gbëe a bo. A gçöpi lao a gbé pó à ní séo yáie.

### Gbénazin Né moa

(Mat 24.23-44, Luk 21.25-38)

<sup>21</sup> Gçoo bee tó wà su óé Mesii gwa ke, ge Mesii ku le, ásu sio. <sup>22</sup> Asa Mesii egénao ní ânabi egénao mò dabudabu ní yâbónsaeo ke, ké baa gbé pó Lua ní séo aa ní sásãò, tó a zé kú. <sup>23</sup> Aó kú ní laaio, ma yápii lezâwá za káauë.

<sup>24</sup> Gçoo bee wétæapi gbea iatë a siakú, móvua a ikeo, <sup>25</sup> saanao wolo luawa, pó pó kú luawapi zä ní pékliwa.‡ <sup>26</sup> Wi Gbénazin Né moa e luabepuanau ní gbää zööo ní gawio,§ <sup>27</sup> i a malaika zí aa gbé pó Lua ní séo kääa za dúnia gola siiñ guu, za dúnia lélé ní a léléo.

<sup>28</sup> A yá pó kaadøenli lé daé ma. Tó a gõnao busékù mé a lá lé paë, ñ i dö guantëna kâikù. <sup>29</sup> Maae lò, tó á è yápi lé ke, ào dö ké aà moa kâikù, a ku kpœele. <sup>30</sup> Siana málë oé gçobeedeo gële yápi píi kesao. <sup>31</sup> Luabe ní tçoleo a gële, áma ma yá gëlea vño. <sup>32</sup> Gbëe a gçoo ge a zaa dö, baa malaika pó aa ku luabeo ge Lua Né, sema Mae Lua.

<sup>33</sup> Aó kú ní laaio à itëke, asa á dö zí pó gçöpi a kao. <sup>34</sup> A de lán gbé pó lé gé wéleuwae. A a be tò a zikennaone baade ní a zlo, ñ a ò a gudðanae aà itëke. <sup>35</sup> Apio sõ á uabele sugçoo dö, oosin nò,

\* **13:14** Dan 9.27, 11.31, 12.11   † **13:19** Dan 12.1   ‡ **13:25** Isa 13.10, 34.4, Yoë 3.4   § **13:26** Dan 7.13

wedon nò, ko óljan nò, gufénen nò. Ayameto à itéké,<sup>36</sup> ké asu su kándo, i á le ále i'oo yái.<sup>37</sup> Yá pó málé oé, málé o gbépiiee, à itéké.

## 14

### *Tulalekaa Yesu miwa (Mat 26.1-16, Zaa 12.1-8)*

<sup>1</sup> Géamusu\* dikpe ní Kàaso dikpeo gò pla, õ sa'onkia ní Míizi ikoyádanedeo lé zeweele wà gbéz zámake wà e Yesu kú wà dè. <sup>2</sup> Asa aa mè: Wásu wà aà kú dikpegozio, ké wasu fele ní zoao yái.

<sup>3</sup> Gò pó Yesu kú Simo Kusude be Betani, ále poble, õ noee sààazi a tulale bui maa òde loona kúa. Ó à loonapi waa è à tulalepi kà Yesu miwa. <sup>4</sup> Gbéeo ku we, yápi òmá, õ aa mè: Bóyái à tulalepi pákèi màai? <sup>5</sup> Tulale pó a ña de ánuus òwaté òaa do ní basooa, dò yáa wa yáa wà a ña kpà taasideo wa. Ó aa zoadòwà. <sup>6</sup> Ó Yesu mè: A aà to we. Bóyái ále ìadaiwà? A yámaakémee. <sup>7</sup> Taasideo kúáno gòopiie.† Gò pó á yei, á fò na kéné, áma máo kúáno gòopiio. <sup>8</sup> A kè a gbáa léue, à dòaa tulale kà ma mewa ma ge kpelaa yái. <sup>9</sup> Siana málé oé, gu pó wále ma baokpau dúnia guu píi, wa yá pó noepi kè o aà yá ðoanigu yái.

<sup>10</sup> Bee gbea Yudasi Isalioti pó de gbéon kuepla gbédo ú gè sa'onkia ní kíi Yesu kpaamá yái. <sup>11</sup> Ké aa aà yámà, an pò këna, õ aa legbèè wa ña kpawà. Ó ále zeweele à Yesu kpámá.

### *Géamusu bleblea*

*(Mat 26.17-35, Luk 22.7-34, Zaa 13.21-38, 1Kln 11.23-25)*

<sup>12</sup> Kàaso dikpego séia zí, gò pó wí Géamusu sá kòlokpa, Yesu ìwa òè: Má ní ye wà ge Géamusu ble sòukeunei? <sup>13</sup> Yesu a ìwa gbéon pla zí a òné: A gé wéledau. A kpaaú ní gbéeo í sea lo guu. A tèaàzi <sup>14</sup> e ua pó a gëu, í o uabelee, Metulu mè má á pilau, gua pó á Géamusu ble bleu ní a ìwa? <sup>15</sup> A kpèdiakòa kpea zò musu pó wa kèke òlé, í sòukewéé we. <sup>16</sup> Ké ìwapij dàzeu, õ aa kà wélepi guu, aa è lá a ònéwa. Ó aa Géamusu ble sòukè we.

<sup>17</sup> Ké oosi kè, Yesu kà we ní a ìwa gbéon kuepla. <sup>18</sup> Ké aa zòlé lé poble, õ Yesu mè: Siana málé oé, á gbé pó wále poble sánu do a ma kpámá.‡ <sup>19</sup> An pò yà, õ aale aà la dodo: Asa máméo yó? <sup>20</sup> Ó a òné: A gbéon kuepla doe, wále òkáa ta doú. <sup>21</sup> Gbénazin Né a ta lá wà a yá'ò taalauwa, § áma waiyoo gbé pó a Gbénazin Né kpámápi. A maa wà ade i yáao.

<sup>22</sup> Ké aale poble, Yesu kàa sè à báaadàu, õ a è'e kpàmá à mè: A sí, beeá ma mée. <sup>23</sup> Ó à imibò sè à Lua sáaukpà a kpàmá, õ aa

\* **14:1** Boa 12.1-11 † **14:7** Iko 15.11 ‡ **14:18** Sou 41.10 § **14:21** Sou 22.1-19, Isa 53.1-12

mí mípii. <sup>24</sup> O a òné: Beeá ma aué, Lua báa kua ní gbé dasíó au\* pó a bɔæe. <sup>25</sup> Siana málé oé, má vëebé'i mi lbo e kpala pó bò Lua kíi bɔ gupuau, ɔ má a dafu mi. <sup>26</sup> Ké aa lesí aa làa, ɔ aa bòle gè Kùkpé sìsípóleu.

<sup>27</sup> O Yesu òné: Apii á ma to we, asa a kēa láu Lua mè: Má sàdána lé, sã i fáaa.<sup>†</sup> <sup>28</sup> N beeo ma vua gbea má døaaé Galile. <sup>29</sup> O Piee òè: Baa tó wa n to we píi, má n to weo. <sup>30</sup> O Yesu òè: Siana málé one, gwääsinnaa e ko ào gé lé gën pla zui, nýɔ lelekpamazi gën àaɔ. <sup>31</sup> O Piee legbè à mè máūmañé: Baa tó má su málé ganno, má lelekpanzi bauo. O aa ò màa sõ mípii.

*Yesu wabikea Gesemani  
(Mat 26.36-46, Luk 22.39-46)*

<sup>32</sup> Ké aa kà gu pó wí me Gesemani, ɔ Yesu ò a ïwaoné: A zɔlè la e mào wabike. <sup>33</sup> O à Piee ní Zaakio ní Zääo sè gènño. Iwaa kà aà pøa, tòlobi zùaàgu, <sup>34</sup> ɔ a òné: Pøsia ma kú gbää e ma ka gaa. A ze la à itéké. <sup>35</sup> Ké à gè ae yɔɔ, ɔ à wùle a gbeeu à wabikè, tó a zé kú, gɔɔpi gëala. <sup>36</sup> A mè: Baa, ma Mae, ní yá píi zé ví. To taasi keeonapi dømazi, áma ma pøeä no, sema n pó. <sup>37</sup> Ké à èa sù a gbëñon àaɔpi kíi, a è aale i'o. O a ò Pieee: Simɔɔ, níle i'o yá? Ni fɔ n itéké baa yɔɔoa? <sup>38</sup> A itéké ào wabike, ké ásu fu yɔawao yái. Nisïna yei, áma me busé. <sup>39</sup> A èa gè wabikei, ɔ à yá doüpi ò l. <sup>40</sup> Ké à èa sù, a è aale i'o, asa an wé gbiakùe. O aai dɔ lá wa oèo. <sup>41</sup> Aà ea sua gën àaɔde a òné: Ale i'o álé kámabo e tiaa? Bee mò. Goo kà sa. A gwa, wàle Gbénazin Né kpá duunkenaowá. <sup>42</sup> A fele wà gé. Gbé pó lé ma kpámá lé mó kee.

*Yesu kúa  
(Mat 26.47-56, Luk 22.47-53, Zaa 18.3-12)*

<sup>43</sup> Ké Yesu lé yápi o gɔɔ, ɔ aà ïwapi gbëdo Yudasi kà ní bila pó bò sa'onkia ní Mɔizi ikoyádanede ní gbëzɔɔ kíi. Aa fëndao kúa n goɔ. <sup>44</sup> Bonkpèdepi sõ à dàaa seela òné à mè gbé pó a su lepèwà, aàpin we. Aa aà kú gbää aa taò. <sup>45</sup> Ké à kà we, ɔ à ták'ò Yesuwa gɔɔ, a òè: Metulu! O à lepèwà. <sup>46</sup> O wà opèlewà wà aà kù gíugiú. <sup>47</sup> Zä guu gbëe a fënda wò à sa'onkia zíkenae lèò à aà swá gó. <sup>48</sup> O Yesu òné: Kpái we liwen ma ü, ɔ a mɔ ma kúi ní fëndao n goɔa? <sup>49</sup> Má kúáno Lua ua lá gu lé dɔ, miɔ yádaé, i ma kúo. Ama bee kè ké yá pó këa Luayataalau e ke yái.‡ <sup>50</sup> O aà ïwaò báalè píi aa aà tò we.

<sup>51</sup> Ewaa soe tæàzi, aà zwää kuaaàla pøeyesai. Ké wà aà kù, <sup>52</sup> ɔ à a zwää tòné we, à báalè puizi.

*Piee lelekpaa Yesuzi  
(Mat 26.57-75, Luk 22.54-71, Zaa 18.12-27)*

\* 14:24 Bøa 24.8 † 14:27 Zkl 13.7 ‡ 14:49 Isa 53.8

<sup>53</sup> Ḷ wà gè ní Yesuo sa'onkia bε. Sa'onkia o ní gbēzōo ní Moizi ikoyādanedeo kāaaa we m̄pii. <sup>54</sup> Piee té ní kpε kāaa e à gè gè sa'onkia bε'ua. A zōle we, àle tékpakpa ní d̄ai sānu. <sup>55</sup> Sa'onkia o ní Yuda yákpalekena p̄ii lé yá w̄eele wà d̄o Yesuwa wà e wà aà dε, ᷑ aai eo. <sup>56</sup> Wà yādōwà dasi, āma an yāe i kōsēo. <sup>57</sup> Ḷ gbēeo f̄ele yādōwà l̄ aa m̄e: <sup>58</sup> Wá mà dee m̄e á Lua kpé p̄o gbēnazina d̄o wí, i a pâle p̄o gbēnazina i d̄o d̄o ḡo aāōe. <sup>59</sup> Baa ní beeo an lé i ke doōo. <sup>60</sup> Ḷ sa'onkia f̄ele z̄e zā guu à Yesu là à m̄e: Nyō yāe zásioa? Yá p̄o wâle d̄od̄omapi d̄ea ni? <sup>61</sup> Yesu n̄ile kp̄é, i yāe wewào, ᷑ sa'onkiapi èa aà là à m̄e: Mm̄e ní Lua bâaade Né Mesii ūa? <sup>62</sup> Ḷ Yesu m̄e: Mám̄e má aà ū. A Gbēnazin Né e zōlea Gbāapiide oplai, § mé á aà m̄oa e luabepuanau.\* <sup>63</sup> Ḷ sa'onkiapi a ulao ga k̄e à m̄e: E'e, wá bâa kú ní seeladeo l̄e? <sup>64</sup> A mà lá à d̄e ní Luao weó? Kpelewa a z̄eōi? Ḷ aa yá d̄i e m̄pii aa m̄e wà aà dε.† <sup>65</sup> Ḷ wà f̄ele lé l̄'ikakawà.‡ Ḷ wà p̄okùè aà wéwa, wâle aà lele n̄ okūo, wâle oè: Anabikeke, ní gb̄é p̄o n̄ le o. Ḷ d̄ai aà kû aa aà sānkekē.

<sup>66</sup> Piee ku z̄ile ua, ᷑ sa'onkia bε n̄e z̄ikena do m̄o we. <sup>67</sup> Ké à Piee è, àle tékpakpa, ᷑ à aà gwà soee, a òè: Mpi s̄o, i sānu ní Yesu Nazaletipioe. <sup>68</sup> Ḷ à lelekpa à m̄e: Má d̄o, mi ma lá n̄ile oo. Ḷ à f̄ele gè ḡo guu. <sup>69</sup> N̄epi èa aà è we, ᷑ a ò gb̄é p̄o zea weone à m̄e: Gōepiá an gbēdoe. <sup>70</sup> Ḷ Piee lelekpa l̄. Ké à k̄e sâa ȳo, gb̄é p̄o zea we ò Piee: Sianae an gbēdon n̄ ū, asa Galile gbēn n̄ ū. <sup>71</sup> Piee vâikpâai ní azlao, ᷑ à m̄e: Má s̄i ní Luao, má gb̄é p̄o ále aà yā'opi d̄o. <sup>72</sup> Wegōo ᷑ ko lé ḡen plaade zu, ᷑ yá p̄o Yesu ò d̄o Pieegu, ké à m̄e e ko ào ḡe lé ḡen plaade zui, a lelekpaazi ḡen aāō. Ḷ à nà oolowa.

## 15

### Pilati yákpalekeea ní Yesuo

(Mat 27.11-31, Luk 23.1-25, Zaa 18.28-19.16)

<sup>1</sup> Ké gu d̄o ḡo sa'onkia o ní gbēzōo ní Moizi ikoyādanedeo ní gbāadeo p̄ii lekpâai, ᷑ aa Yesu yè aa gè aà kpâ Pilatiwa. <sup>2</sup> Ḷ Pilati aà là à m̄e: Yudao kían n̄ ūa? Yesu wèwà à m̄e: N̄ òn we. <sup>3</sup> Sa'onkia o lé yādōwà, <sup>4</sup> <sup>5</sup> Pilati èa aà là à m̄e: Nyō yāe ooa? Yá p̄o wâle d̄od̄oma ma fá! <sup>5</sup> Ké Yesu i yāe zásimáo, ᷑ aà yá bò Pilati sae.

<sup>6</sup> Ḡamusu dikpegoz̄i Pilati i dakpeuna do p̄o wa yei kēné. <sup>7</sup> Bùsudena p̄o aa bò gbāadeo kpε aa gbēdēo ku kpéu. An gbēdo tón Balaba. <sup>8</sup> Ḷ bíla s̄o Pilatizi aa wabikèwà aà ke lá i kēnēwa. <sup>9</sup> Ḷ Pilati ní lá à m̄e: A ye mà Yudao kíia kēé yâ? <sup>10</sup> Asa a d̄o sâasâ ké sa'onkia o wedo Yesue yâi ᷑ aa aà kpâiwa. <sup>11</sup> Ḷ sa'onkia o tekpa

bílagu, ñ aa òè aà Balaba kéné. <sup>12</sup> Ⓛ Pilati ní lá à mè: Kpelewa á ye mà ke ní gbé pó wí me Yudaø kíaoi? <sup>13</sup> Ⓛ aa èa wiilè: N aà páliwa! <sup>14</sup> Ⓛ Pilati ní lá à mè: Bóyáii? Vái kpele a këi? Ⓛ an wiilea käfi aa mè: N aà páliwa! <sup>15</sup> Pilati ye yá pó a káñgu ke, ñ à Balaba kéné. A Yesu kpà sosaøwa aa aà gbé ní flàalao, aai aà páliwa.

<sup>16</sup> Ⓛ sosapiø gèaàñø bùsu gbäädepi be'ua, aa ní gáli kåaa píi. <sup>17</sup> Aa gomusu tée dàè, ñ aa fúa tå ní leo aa kpàè. <sup>18</sup> Ⓛ aale fókpakpawà aa mè: Yudaø kíá fóo! <sup>19</sup> Aale aà gbé a miwa ní feeo, aale lé'ikakawà, aale kúlekule aà ae, aale lémawà. <sup>20</sup> Ké aa aà kë pópoo aa lâa, ñ aa gomusu téeapi bòaàla, aa aàzìa pòkasa dàè. Ⓛ aa bòaàñø, aale gé aà páliwa.

### Yesu gaa

(Mat 27.32-56, Luk 23.26-49, Zaa 19.17-30)

<sup>21</sup> Ké aale gé, gõee bò sè oi, àle dòñzi, ñ aa teasidàè aa Yesu lipääkõa dìè. Gõepi tón Simoo, Sileni bùsu gbéé, Alesànda ní Lufuo de'iae. <sup>22</sup> Ⓛ aa gè ní Yesuo gu pó wí me Gogota. (Bee mè mitçonagu.) <sup>23</sup> Ⓛ aa vëe pó wà lí'ø kàu dòè, áma i mio. <sup>24</sup> Ké aa aà páliwa, ñ aa aà pòkasao kpaalè kàle, aa télepà a sea yá musu.\* <sup>25</sup> Aa aà páliwa iatë muuwääamigooe. <sup>26</sup> Yá pó wa dòwa ñ wa kë wa nà aà mia wà mè:

Yudaø Kíá.

<sup>27</sup> Wà kpáiweliwèø páliwa we lò gbéøn pla, ado aà oplaai, ado zeei. <sup>28</sup> Ⓛ yá pó këa láue bee pà wà mè: Wà aà gwà dou ní tåaekënao.†

<sup>29</sup> Gbé pó lé gë weø lé ní midë,‡ aale aà sôsô aa mè: Ehë! Tò! N mè nýø Lua kpé wí, ní ea dò goo àañ nolo?§ <sup>30</sup> N nzìa suaba! Pila líwa mè! <sup>31</sup> Måa lò sa'onkiaø ní Mɔizi ikoyädanëdeø lé aà kë pópoo aa mè: A gbépâleø suabà, áma a fó à azìa suabao. <sup>32</sup> Tò wá è Isailioø kíá pó wí me Mesiiipi pila líwa, wá aà náaikë sa. Ⓛ gbé pó wà ní páliwa sânuø lé aà sôsô lò.

<sup>33</sup> Sea za iatë minanguo e aua gè pilaø gu siakù bùsupiu píie. <sup>34</sup> Iatë'auapilaa ñ Yesu wiilè gbáugbáu à mè: Eloi, Eloi, lema sabatani! Bee boole mè: Ma Lua, ma Lua, àkeea n ma to wei?\*

<sup>35</sup> Ké gbé pó zea weeø yápi mà, ñ aa mè: Ma we, àle Elia sisie. <sup>36</sup> Ⓛ gbéé bâalè gè sao zò vëe kùmawa,† a pè feea a dò Yesue à mè: A ze già wà gwa, tó Elia a mo aà pila. <sup>37</sup> Yesu wii gbâa lè, ñ à gâ. <sup>38</sup> Ⓛ Lua kpé zwää‡ pó daa luakuküi ae pâa pla za musu e zíle. <sup>39</sup> Ké sosaø gbézõø pó ze Yesu ae we aà gaa è måa à mè: Gõepiá Lua Néé slana. <sup>40</sup> Nœeo ku we lò, aale gugwa kåaa. An guu Maliamá Madeleni kuu ní Maliamá pó de Yosefu ní Zaaki Nénao da üo ní

\* 15:24 Sou 22.19 † 15:28 Isa 53.12 ‡ 15:29 Sou 22.8, 109.25 § 15:29 Maa 14.58 \* 15:34 Sou 22.1 † 15:36 Sou 69.22 ‡ 15:38 Boa 26.31-33

Salomeεeo. <sup>41</sup> Goo pó Yesu kú Galile, aame aañ teaaži wà blekeè. Nœ paleo mbaano Yelusaleū aa ku we lɔ dasi.

*Yesu vía*

(Mat 27.57-61, Luk 23.50-56, Zaa 19.38-42)

<sup>42</sup> Asadazì oosi lé ke. Lá kámabogoo ye daalei, <sup>43</sup> Yosefu Alimate mò. Gbé tódee Yuda gbääde guu, mé àle kpala pó a bɔ Lua kíi dá. A sɔdile à gè Pilati kíi, à Yesu ge wabikewà. <sup>44</sup> Ké Pilati mà Yesu gà kò, à bò aà sae. Ó à sosao gbëzöö sisi, à aà là tó Yesu gà kò. <sup>45</sup> Ké Pilati gbëzööpi yämà, õ à Yosefu gbà zé aà gëpi sé. <sup>46</sup> Yosefu gè bàabaa lù, õ à gè à aà bùa à bàabaapi flwà. A aà dà gbè'ε pó wa sò mia ū guu, õ à gbè gbènè gbeembo tà epile. <sup>47</sup> Maliamma Madeleni ní Maliamma Yosefu dao lé gwa, aa è gua pó wà Yesu gëpi dàu.

## 16

*Yesu bɔa gau*

(Mat 28.1-10, Luk 24.1-12, Zaa 20.1-10)

<sup>1</sup> Kámabogozì láaa iaté gëa kpéu Maliamma Madeleni ní Maliamma Zaaki dao ní Salomeεeo nísi gínana lù, ké wà ge ma Yesu mewa. <sup>2</sup> Asanenzì kooköo iaté bilea õ aa bò gè miapi kíi. <sup>3</sup> Aale kɔ la zéu aale me: Démé a gbeipi gbeembo à gowëë mia'ë lei? <sup>4</sup> Asa gbeipi gbènèe. Ké aa wesè, õ aa è wà gbeipi gbeembò kò. <sup>5</sup> Ké aa gè mia'ëpi guu, õ aa èwaasoe è zɔlea oplaa oi, a ulatao pua daa. Ó iwaa kà ní poa. <sup>6</sup> A òné: Asu to iwaa ká á poao. Yesu Nazaléti pó wa pàliwa ále weeleo lò? A vu. A gu pó wà aà diléu èa? A ku lao. <sup>7</sup> A tá, í o aà iwaçne ní Pieeo, a dɔaané Galile. Aa aà e we lá a ònéwa.\* <sup>8</sup> Iwaa kà ní poa, aale kpakpanaga, õ aa bòlè miapiu ní bao. Aai yae o gbëeëo, ké vía ní kú yái.

*Yesu azìa òlɔ a iwaçne*

(Mat 28.16-20, Luk 24.36-53, Zaa 20.11-23)

<sup>9</sup> Ké Yesu bò gau asanenzì gufëne, à azìa òlɔ Maliamma Madeleni pó à tåa mèn sopla gòëë káau. <sup>10</sup> Ó noëpi ge ò aà gbé pó an po yaa, aale óolɔçne. <sup>11</sup> Ké aa mà Yesu vu, noëpi aà è ní wéo, õ aai sio.

<sup>12</sup> Bee gbea gco pó an gbëon plao be zé guu, aale gë wéleu, à azìa ñloné lán gbëpalewa. <sup>13</sup> Ké aa èa sù ní wélepio, aa ò gbé kiniçne. N beeo aai ní yá sio. <sup>14</sup> Gbezä õ à azìa òlɔ a gbëon kuedoçne gco pó aale pooble. Ó à zoadòmá, ké an swá gbää mé aai a náalkeo yái. Asa aai gbé pó aa aà è à vu yá sio. <sup>15</sup> Ó a òné: A gë dúnia guu pii, í ma baokpa gbëpii. <sup>16</sup> Gbé pó sì mé à da'ilékè a bɔ. Gbé pó i sio sõ, yá a zɔlewà. <sup>17</sup> Gbé pó aa yápi sì yäkeçan ke: Aali tåago

ń ma tóo, aali yãebui'o. <sup>18</sup>Tó aa mlẽ kù ń oo ge tó aa kona í mĩ,  
a pœ kẽnéo. Aali ɔna gyãeɔwa, aai aafia'e.

*Yesu taa luabε  
(Zin 1.9-11)*

<sup>19</sup>Ké Dii Yesu yã'òné a làa, ɔ Lua aà sè tàò musu, à zòlε Luapi  
ɔplaai. <sup>20</sup>O aà iwapíɔ bò gè waasokpà gupiiu. Dii zikèńno, ɔ an  
dabudabukeaɔ yã́ pó aa ò sianapiliwàné.

## LUKU Yá pó kú láe bee guu

Luku Yesu baona lápi kè lá Maaku kèwae.

Zāa da'ilena yā'oa guu, a ye gbēo sōu ào maà wào Yesu dā (3.1-20)

Yesu da'ilékəa ní aà yāao (3.21-4.13).

Yesu zikəa Galile bùsuu, gu pó à waasokèu ñ à gyāeo gbàgbā (4.14-9.50).

Yesu wélegəa bɔa za Galile e taa Yelusalēu (9.51-19.28). Luku yá pó Maaku i kēo kè dasi. A keeon ke: Sāmali gbēmaa yá, òde sōu yá, né pó sásā yá, òde ní Lazaa yá.

Yá pó Yesu kè Yelusalēu (19.29-21.38).

Yesu taasikəa ní aà gaa (22-23).

Lápi midékli (24) Yesu bò gau ñ à bò mò a ìwaewa Emausi zéu e ào ge tái luabe.

Luku Yesu ní Zāa Da'ilenaia ia yá bɔolekè giae (1-2). Wekdi a ò lá malaika bò mò Yesu da Maliamawa ní Zāa Da'ilena da Elizabetio, ní lá sādāna ní saanyādōna mò kùle Yesueo, lá Maliamma ní Zakalio Dii sáaukpà mé Simeo Lua Musude tɔbò. Yá bee guu Luku yá gbia ò kò a Yesu seeladekəkaa guu: Yesu luake ní aà dea Isaili zalala ùo ní lá aà moa dúnia guu dë yāzō ù gbépii eo. Luku òlwéé lò lá Lua ye nòsedo ùdezi ní gbé pò wà pákpañizì ní nɔe ní taasideo ní nibò. Lua Nisina yá kú we lò ní pɔna pò Yesu baona i inéo ní Lua táasileao ní wabikəawào.

Luku i Isaili felekaayá bɔolekewéé wásawasa. Baona láe bee kyokea guu baade a fɔ gbépii Suabana yá dɔu.

<sup>1</sup> Gbēo okpà yá pó kè wá guu dau siua lá guu zézəwa dasi, <sup>2</sup> lá gbé pò aa dë yápi seeladeo ní a baokpana ù za káau òwéewa. <sup>3</sup> Tiasa mapi sɔ, lá ma wëtè yápi ì dodo za a daaleawa, má è a maa mà kēne zéze, ma gbé beeëde Teofili, <sup>4</sup> ké ní e ní yá pó wa dànë sásā dɔ.

*Malaika dɔaaa Zāa Da'ilena ia yā'oa*

<sup>5</sup> Yude bùsu kí Elodi gɔ sa'onae ku, aà tón Zakali. A ku Abia sa'onao gäli guue. Aà na tón Elizabeti. Aalona buie lɔ. <sup>6</sup> An pla mippyiaa maa Lua. Aa òku tāaesai, aa Dii ikoyá ní yá pó a dìle kúa. <sup>7</sup> AA né vño, asa Elizabeti flie, mé an pla mippyiaa zikù.

<sup>8</sup> Gɔ pò sa'oa kà an gäliwa, Zakali mé lé Lua gbagba. <sup>9</sup> Lá sa'onapi ì kewa, aa likpà, <sup>5</sup> lí Zakali sè aà gë tulatikai téa Dii kpéu. <sup>10</sup> Tulatikpasagɔ bíla kàaa kpëele píi, aale wabikë. <sup>11</sup> O Dii malaikae bò mòwà, à zè tulatikateakìi ɔplaai. <sup>12</sup> Ké Zakali

aà è, à bílikè, vía aà kù. <sup>13</sup> Ḍ malaikapi òè: Nsu to vía n kùo Zakali. Lua n wabikea sì, n na Elizabeti a ne'i gõe ū, ní tókpaè Zāa. <sup>14</sup> N pò a ke na, nyō yáalɔ, gbéò pɔnake aà ia yá musu dasi, <sup>15</sup> asa aò dè Dii e gbézɔɔ ū. A wẽ ge í gbääe mio,\* Lua Nisina aò dèdeawà za aà da gbeueue. <sup>16</sup> A to Isailio ze ní Dii n Luao dasi, <sup>17</sup> a dɔaa Dii e ní Lua Nisina gbää pò Elia vî yääao. A to maeò ledoùkè ní ní néo,† a to swáyāmansaideò gbémaaɔ ūnó sé. A gbéò keke aao ku sɔu guu Dii e.

<sup>18</sup> Ḍ Zakali ò malaikapiè: Kpelewa má yápi siána dɔi? Asa maezinan ma ū, mé ma na zikù lɔ. <sup>19</sup> Ḍ malaikapi wèwà à mè: Mámé má Gablieli,‡ miɔ zea Lua aε. Ḍme ma zì yápi oine, mà baonapi kpæne. <sup>20</sup> Ma, n léna a naale, nyō fɔ yä'oo e yápi ge keð, kék ni ma yá pò a ke a gɔɔwa sio yái. <sup>21</sup> Gɔɔ bee sɔ wàle Zakali dá. Aà gégëa Lua kpéu bò ní sae. <sup>22</sup> Ké à bò, i fɔ yä'òññó, õ wa dò kék à wépungu'è Lua kpéue. Lá aà léna nàale, õ àle yä'oné n oo. <sup>23</sup> Ké Zakali sa'ogɔɔ lé kà, õ à tà a be. <sup>24</sup> Bee gbea aà na Elizabeti nɔsi, õ à azia ûlè e mɔ sɔo à mè: <sup>25</sup> Dii kè, à ma wénagwà, à wibòmee.

### Malaika dɔaaa Yesu ia yä'oa

<sup>26</sup> A mɔ soolode guu Lua malaika Gablieli zì Galile wéle pò wí mè Nazaleti guu. <sup>27</sup> A gè nenoé léso pò aà tón Maliama kíi. A gõkpama vî Davidi bui ū, aà tón Yosefu. <sup>28</sup> Ké malaikapi gè aà kíi, a òè: Fɔ báaade! Dii kunnoé. <sup>29</sup> Maliama bílikè yápiwa, à làasookè à mè: Fɔ bee mi dea ni? <sup>30</sup> Ḍ malaikapi òè:  
Maliama, nísu to vía n kùo,  
asa Lua báaadàngue.

<sup>31</sup> Ma! Nyō nɔsi, ní ne'i gõe ū,  
ní tókpaè Yesu.

<sup>32</sup> Aò dè gbézɔɔ ū, wàli oè Musude Né.  
Dii Lua a aà kpa aà dezi Davidi kpalaau,  
<sup>33</sup> iɔ dè Yakɔbu buiɔ kíia ū gɔɔpii,  
aà kpala aò láaa vlo. §

<sup>34</sup> Ḍ Maliama ò malaikapiè: Lá mi gõe dò yääao, bee a ke kpelewa ni?

<sup>35</sup> Malaika wèwà à mè:  
Lua Nisina a dinε,  
Musude gbää i mɔma.

A yái nè pò nyō ipi kua aò adoa,  
wàli oè Lua Né.

<sup>36</sup> N dae Elizabeti negõe nɔsia sɔ a zikù guu. Nɔe pò wa dìle fii úpi kú ní nò mɔ sooloo tia. <sup>37</sup> Asa Lua lí fu yäewao.\* <sup>38</sup> Ḍ Maliama mè: Dii zòblenan ma ū. Aà kemee lá n òwa. Ḍ malaikapi aà tò we.

\* 1:15 Nao 6.3    † 1:17 Mal 3.23-24    ‡ 1:19 Dan 8.16, 9.21    § 1:33 2Sam 7.12, 16, Isa 9.6    \* 1:37 Daa 18.14

### *Maliama ḡea Elizabeti gwai*

39 Ḡo bee Maliama f̄ele ḡe w̄lē p̄ó kú Yude b̄usu gusisideu  
 ḡō. 40 A ḡe Zakali be, ɔ à f̄okpà Elizabetiwa. 41 Ké Elizabeti  
 Maliama f̄opi mà, aà né v̄lv̄i aà gb̄ee guu, ɔ Lua Nisina dède  
 Elizabetiwa, 42 Elizabeti wii gbāa lè à mè: Bāaaden n ū de nɔe  
 p̄ila. Bāaaden né p̄ó kú n̄ gb̄eeu ū l̄. 43 Bón ma ū ké ma Dii da  
 mò ma gwaii? 44 Ḡo p̄ó ma swálè n f̄owa lé, né p̄ó kú ma gb̄eeu  
 v̄lv̄i n̄ p̄onaoe. 45 Bāaaden n ū, asa n̄ s̄i yá p̄ó Dii òne a ke. 46 O  
 Maliama mè: Bāaaden n ū, asa  
 Mâle Dii t̄b̄o ma s̄o guu,  
 47 ma n̄s̄e lé yáal̄o Lua ma Suabanawa,†  
 48 asa à ma yādà,  
 mapi aà z̄oblена p̄ó mi ka p̄oe ūo.  
 Za tia e ḡoppii wàli omee bāaadee,  
 49 asa Lua Gbāadepi yāz̄ōkèmee.  
 Àà t̄o kua adoa.  
 50 I w̄enadō ḡb̄é p̄ó aāl̄ v̄lakēeone e n̄ buiwa.  
 51 A a ḡas̄i p̄òò à a gbāa ɔl̄nē,  
 à walade f̄àaa n̄ n̄ làasoo.  
 52 A gbāadee b̄ò kp̄alau,  
 à t̄aaa kàfl̄.  
 53 A p̄omaa kp̄à n̄andenaowaa aa kà,  
 à ɔde e gb̄ae ɔgii.  
 54 A z̄oblена Isailiɔ̄la,  
 an yá i s̄aaàguo.  
 55 A w̄enadō Ablahaū n̄ a buipiōne‡  
 lá à a legb̄e wá dezionewa.  
 56 Maliama z̄ōle n̄ Elizabetio lán m̄o àaɔwa, ɔ à gb̄asa tà a be.

### *Zaa Da'ilena ia*

57 Elizabeti ne'igōo kà, ɔ à ne'ī ḡōe ū. 58 Ké aà f̄aanidee n̄ aà  
 daeē m̄à lá Dii w̄enadō, aa p̄onakèaàno. 59 A ḡo swaaōde z̄í aa  
 mò t̄oz̄oi n̄épie,§ aai aà mae Zakali t̄okpaè, 60 ɔ à da mè: Aawo!  
 Wàli oè Zāa. 61 Aa òè: Gb̄ee ku n̄ daeē guu, a t̄o bee v̄lo. 62 O aa  
 yā'ò aà maeē n̄ ɔo, ké aa e d̄s̄ lá a ye wà t̄okpaè. 63 Zakalipi p̄ó  
 p̄ó á e lákewà gb̄ea, ɔ a k̄ewà: Aà t̄ón Zāa. Yápi b̄ò n̄ sae n̄ípii.  
 64 Weḡō aà léna ḡole, à leb̄ò lé yā'ò, àle Lua sáaukpa. 65 O v̄ia  
 n̄ f̄aanidee kù p̄ii, ɔ Yude b̄usu gusiside ḡb̄é l̄ yápi galike p̄ii.  
 66 O ḡb̄é p̄ó aa yápi m̄à kūa n̄ n̄s̄e guu aa mè: Bó n̄épi aò de a ū  
 ziai? Asa Dii ɔliaaaàzie.  
 67 Lua Nisina dède aà mae Zakaliwa, ɔ à ãnabikékè à mè:  
 68 Wà Dii Isailiɔ̄Lua sáaukpa!

† 1:47 1Sam 2.1   ‡ 1:55 Daa 17.7   § 1:59 Lev 12.3

A mò a gbéō bò.

<sup>69</sup> A Suaban gbāade bòwēε  
a zōblena Davidi bui guu,  
70 lá a dà a ānabiōne aa ò za ziwa.

<sup>71</sup> Aa mè a wá sí wá ibeeōwa,  
a wá bō gbé pó zawágupiō ɔzì.  
<sup>72</sup> Måaa à wá dezio wēnagwà,  
aà båa pó kúrñc yá i sääágou.

<sup>73</sup> A legbè wá desi Ablahaū\*  
<sup>74</sup> à mè á wá bō wá ibeeō ɔzì,  
í wá gba zé wà zōblee víasai,  
<sup>75</sup> wá kua iō adoaè gbëmaao ū  
e wá wēni léu.

<sup>76</sup> Mpi sô ma né, wàli one Musude ānabi,  
asa mímé nýõ døaa n̄ zekèke Diiε.†

<sup>77</sup> Nyõ to aà gbéō dô lá a n̄ suaba,  
lá a n̄ duuna kémá,  
<sup>78</sup> ké wá Lua nòse sósobi vî yái.  
Bøa musu a mò wá gwai lá gu i døwa,  
<sup>79</sup> i gupu gbé pó kú gusiauōne  
n̄ gbé pó kú ga lézìo,‡  
i wá gbá péle aafia zéu.

<sup>80</sup> Népi zōokù à gò kágbaade ū. A ku gbáau e gò pó à bò gupuau  
Isailiōwa.

## 2

*Yesu ia*

(Mat 1.18-25)

<sup>1</sup> Gò bee Sezaa Ogusi bò n̄ yáo à mè wà dúnia gbépii nao.

<sup>2</sup> Wà nao seiapi kè gò pó Kilini de Sili bùsu gbëzõ ū. <sup>3</sup> Baade píi gè a be wéleu wà a tó dalau. <sup>4</sup> Yosefu sô à bò Nazaleti, Galile bùsuu, à gè Davidi be wéle Beteleū, Yude bùsuu, ké a de Davidi bui ū yái. <sup>5</sup> A gè wà a tó dalau we n̄ a nökpmama Maliamao. A nosia, <sup>6</sup> gò pó aa ku we, aà n̄'igò kà, <sup>7</sup> à a yoa i gòe ū. A zwää fiwà à aà wùle pøtuos pøbleboù, ké aai gu e nibò pilakòlo yái.

<sup>8</sup> Sädânao ku bùsu doüpi guu, aale i sëu, gwäasina aale n̄ sâo dôa. <sup>9</sup> O Dii malaikae bò mòmá, Dii gawi gupùnízi, ɔ vía n̄ kú maamaa. <sup>10</sup> Malaikapi ònë: Asu to vía á koo, asa ma mò baonakpaiéé, gbépii pø i ke na maamaa. <sup>11</sup> Wà Suabana ié Davidi wéleu gwää, ɔmè Mesii ū, Dii ū. <sup>12</sup> Seela pó a to à aà döñ ke: A nétëna e wúlea pøtuos pøbleboù, zwää fiwiwà. <sup>13</sup> Kândo

\* 1:73 Daa 22.16-18   † 1:76 Mal 3.1   ‡ 1:79 Isa 9.1

luabε īwaɔ̄ ku sānu n̄ malaikapio dasidasi, aale Lua tāasilε aa mè:

14 Wà Lua tɔbɔ̄ musu,

gbé pó an yá kēèo i aafia'e tɔole.

15 Ké malaikapiɔ̄ gòrila aa tà luabε, õ sādānaɔ̄ òkɔ̄e aa mè: Wà gé Beteleū wà yá pó kēpi e, yá pó Dii tò wá dɔ̄. 16 ḥ aa fèle gè kpakpa, aa bò Maliama n̄ Yosefuowa n̄ nētēnapiowúlea pɔ̄tuɔ̄ poblebɔ̄u. 17 Ké aa aà è, aa yá pó wa òné nētēnapi yá musu ò. 18 ḥ yá pó sādānaɔ̄ òpi bò gbé pó aa mà sae píi. 19 Maliama yápi kūa a nòse guu píi, àle làasookewà. 20 Sādānaɔ̄ èa tà, aale Lua tɔbɔ̄, aale aà sáaukpa yá pó aa mà mé aa è musu, asa à kē lá wa ònéwae. 21 Ké a gɔ̄o la sù, né tɔzɔgɔ̄o kà, \* õ wà tɔkpàè Yesu, tó pó malaika ò zadɔ̄ wi aà nɔ̄sio.

### *Yesu ɔlɔa Diiɛ*

22 Ké an gbâbɔ̄gɔ̄o kà, aa aà sè gè ɔlɔi Diiɛ Yelusalεū lá Mɔizi ikoyā'òwa. 23 Asa a ku Dii ikoyāu wà mè wà negɔ̄e s̄éiaɔ̄ kpawàe.† 24 Aa sa pó wa dile Dii ikoyāu ò, wà mè felena mèn pla ge felenguulu né bɔlɔ̄ mèn pla.‡

25 Gbëe ku Yelusalεū, aà tón Simeɔ̄. Gbëmaae, a Lua v̄ia v̄i, mé aà wé dɔ̄ Isailiɔ̄ misiai. Lua Nisîna diè, 26 õ Nisînapi òè a ga kia pó Dii kpà esaio. 27 Nisînapi dìaaè, õ à gè Lua ua. Ké Maliama n̄ Yosefuò mò n̄ n̄ né Yesuo yá pó wa dile ikoyāu k̄ea yái, 28 õ Simeɔ̄ aà s̄i a ɔzì, à Lua sáaukpà à mè:

29 Mapi n zòblena gbae niε guu sa  
lá n̄ òmeewa Dii,

30 asa ma wesi Suabana pó n̄ dile

31 n aà yá kēke bui píi wáalε.

32 Aɔ̄ de gupua ū à gupu buiɔnε, §  
i n̄ gbé Isailiɔ̄ tɔbɔ̄.

33 Yá pó a ò népi musu bò aà de n̄ aà dao sae. 34-35 Simeɔ̄ samaa'ònè, õ a ò népi da Maliamae à mè:

ɔme aɔ̄ de seela pó Isailiɔ̄ gii ū,  
pɔ̄sia i n̄ sɔ̄ zɔ̄ lán fèndawa.

Isailiɔ̄ lao ge aa káffí aà yái,  
an nòse guu yá i bɔ̄ gupuau.

36 Nɔ̄e ânabie ku we, aà tón Ana, Fanueli n̄é, Asee buiε. Nɔ̄epi zikùe tāotao. A zákè n̄ a gɔ̄kpamao wè soplae, 37 õ à gɔ̄ò gyaa ū e wè basiɔ̄ n̄ siiɔ̄. Ili bɔ̄ Lua uao, iɔ̄ lousisi fāane n̄ gwāasinao n̄ leyeao n̄ wabikeao. 38 Zibeezi gɔ̄o à sɔ̄nzi à Lua sáaukpà, àle népi yá'o gbé pó an wé dɔ̄ Yelusalεū boaiɔnε píi.

\* 2:21 Lev 12.3    † 2:23 Boa 13.2    ‡ 2:24 Lev 12.6-8    § 2:32 Isa 42.6, 49.6

<sup>39</sup> Ké Yosefu ní Maliamao kè lá a ku Dii ikoyá láuwa píi aa làa, aa èa tà ní be wéleu Nazaleti, Galile bùsuu. <sup>40</sup> Népi félé à gbákù. Óno pàè, mé iò kú ní Lua báaao.

### *Yesu ḡea Lua ua a negoo*

<sup>41</sup> Wé ní wéo Yesu de ní aà dao aaí gé Géamusu\* dikpékéi Yelusaléüe. <sup>42</sup> Ké Yesu kà wé kuépla, aa èa gè dikpékéi lá aaí kewa. <sup>43</sup> Ké dikpé làa, aale tá, 5 an né Yesu gò Yelusaléü, aa dò. <sup>44</sup> Aale e a kú ní gbéguue. Ké aa ták'ò ḡoo do, 5 aa gbásá lé aà weele ní daeo ní gbé džaaguu. <sup>45</sup> Ké aai aà eo, aa èa gè aà weelei Yelusaléü. <sup>46</sup> A ḡoo aàa ñde zí 5 aa aà è Lua ua zólea yádanedeo guu, àle yámamá, àle yálalamá. <sup>47</sup> Aà yádáa ní aà yáweamáo dí gbé pós aale aà yámaawá pii. <sup>48</sup> Ké aà de ní aà dao aà è, à bò ní sae, 5 aà da òè: Bóyái ní kewéé määai? N mae ní mapio, wá pò yà n weelea guu. <sup>49</sup> A wémá à mè: Bóyái ále ma weelei? Ké à kù määku ma Mae kpéu, à dòo lé? <sup>50</sup> Ama aai yá pós a ñnépi dòo.

<sup>51</sup> Yesu èa táríno Nazaleti, à misiléné. Aà da yápió kúa a nòsse guu píi. <sup>52</sup> Yesu zóokù, aà 5no kàffi, mé a na ní Luao ní gbénazinao.†

## 3

### *Zaa Da'ilena waasokpaa*

(Mat 3.1-17, Maa 1.1-11, Zaa 1.19-28)

<sup>1</sup> Sezaa Tibelia kpalablea wé gëode guu Pönsi Pilati mé Yude bùsu gbézóó û, Elodi lé kible Galile, aà dâuna Filipi lé kible Itule bùsu ní Takoni bùsuowa, mé Lisania lé kible Abileni bùsuwa.

<sup>2</sup> Anasi ní Kaaifao mé sa'onkiaó û. Goo bee 5 Lua yá'ò Zakali né Zaae gbáau. <sup>3</sup> O à félé lé bëbe Yuudé baale ní baalao pii, àle waasoké gbéone. A ñné aa nòselile aa da'iléké, Lua i ní duuna kémá. <sup>4</sup> Mää yá pós ñnabi Isaia ò a lá guu kë à mè:

Kpàwakéna lóo ma dò gbáau,  
àle me à zekéké Diié,  
à zéwewenao pooè súsu.

<sup>5</sup> Guzule pii a tata,  
gbé lesiò ní sisíò daaí pii.  
Zé koleao poo súsu,  
zé tòütoóò daaí,  
<sup>6</sup> gbépii i e lá Lua i ní suaba.\*

<sup>7</sup> Bíla iò mò aà kíi da'ilékéi, 5 ñ oné: Gbénazin píligona! Démé ledàwá à bàasi pöküma pós Lua a bɔbɔmáei? <sup>8</sup> A nòselilea yá ke, wi dò ké a lile. Ké Ablahaú dë á dezi û, ásu dilé bee mé a á bɔo.

\* 2:41 Boa 12.1-11    † 2:52 1Sam 2.26, Yaa 3.4    \* 3:6 Isa 40.3-5

Mále oé, Lua a fɔ gbɛe beeɔ ke Ablahaũ buio ũ. <sup>9</sup> Mo dil ea líɔzi kò. Lí pó lé né maa io, wa zɔ zu téue.

<sup>10</sup> Bíla aà là: Tó màae, wá ke kpelewa ni? <sup>11</sup> A wèmá à mè: Gbé pó ula vĩ mèn pla, aà ado kpa gbé pó vlowa. Gbé pó poblea vĩ, aà ke màa lɔ. <sup>12</sup> Osinaç mò da'ilekei, ɔ aa aà là aa mè: Metulu, wá ke kpelewa ni? <sup>13</sup> A wèmá à mè: Åsu õasimá de lá wa dil elao. <sup>14</sup> Sosao aà là aa mè: Wápiç sɔ wá kea ni? A òné: Åsu gbääamo gbéøne à ní bleo. A ze ní fia pó wí boéo.

<sup>15</sup> Gbéø pɔna lé dede. Gbépii lé làasookε a nòse guu Zää yáwa, tó aø de Mesii ũ. <sup>16</sup> Zää òné píi à mè: Mi á da'ileke ní ioe, ãma gbéé lé mó, aà iko demala, mi ka mà aà sabala bɔbɔèo. Óme a á da'ileke ní Lua Nisinao ní téo.† <sup>17</sup> A gbaana kúa à pó fād, i pówena ká a dɔu, i a sào ka té gasai guu. <sup>18</sup> Zää baonakpaané guu, à nàemá ní yápaleø dasi. <sup>19</sup> Ké à yá pó kí Elodi kè a dâuna na Elodia yá musu ní vãi pâle pó a kèø bòè gupuau píi, <sup>20</sup> ɔ Elodi èa yáváikè lɔ, à Zää dàkpeu.

<sup>21</sup> Ké Zää lé gbéø da'ileke píi, à Yesu da'ilekè sɔ. Goo pó Yesu lé wabike, luabe wèaa, <sup>22</sup> ɔ Lua Nisina sù lán felenawa à dìè. Ó wà yá'o mà bɔa luabe à mè: Ma Nén n ũ, má yenzi, ma pɔ këma na.‡

*Bui pó Yesu bò ní guuɔ  
(Mat 1.1-17)*

<sup>23</sup> Goo pó Yesu a zì dàale, a wè baakwi taa vĩ. Wàlε e Yosefu néε.

Yosefupi sɔ Heli néε,

<sup>24</sup> Helipi sɔ Mata néε,

Matapi sɔ Levii néε,

Leviipi sɔ Meleki néε,

Melékipi sɔ Yana néε,

<sup>25</sup> Yanapi sɔ Yosefu néε,

Yosefupi sɔ Matatia néε,

Matatiapi sɔ Amɔsi néε,

Amɔsipi sɔ Nauū néε,

Nauūpi sɔ Eseli néε,

Eselipi sɔ Nage néε,

<sup>26</sup> Nagepi sɔ Maatu néε,

Maatupi sɔ Matatia néε,

Matatiapi sɔ Semεi néε,

Semεipi sɔ Yoseku néε,

Yosekupi sɔ Yoda néε,

Yodapi sɔ Yohanani néε,

<sup>27</sup> Yohananiipi sɔ Lesa néε,

Lesapi sɔ Zolobabeli néε,

† 3:16 Zin 2.3-4 ‡ 3:22 Sou 2.7, Isa 42.1

Zolobabelipi sõ Salatieli née,  
 Salatielipi sõ Neli née,  
 Nelipi sõ Meleki née,  
 28 Melekipi sõ Adi née,  
 Adipi sõ Kosaū née,  
 Kosaūpi sõ Elemadaū née,  
 Elemadaūpi sõ Ee née,  
 Eepi sõ Yozuee née,  
 29 Yozueeepi sõ Eliezee née,  
 Eliezeeepi sõ Yoliū née,  
 Yoliūpi sõ Mata née,  
 Matapi sõ Levii née,  
 Leviipi sõ Simeo née,  
 30 Simeoipi sõ Yuda née,  
 Yudapi sõ Yosefu née,  
 Yosefupi sõ Yonaū née,  
 Yonaūpi sõ Eliakiū née,  
 Eliakiūpi sõ Melea née,  
 31 Meleapi sõ Mena née,  
 Menapi sõ Matata née,  
 Matatapi sõ Natā née,  
 Natāpi sõ Davidi née,  
 Davidipi sõ Yese née,  
 32 Yesepi sõ Obedi née,  
 Obedipi sõ Boazu née,  
 Boazupi sõ Salamo née,  
 Salamōpi sõ Naasō née,  
 Naasōpi sõ Aminadabu née,  
 33 Aminadabupi sõ Adami née,  
 Adamipi sõ Aani née,  
 Aanipi sõ Eseljū née,  
 Eseljūpi sõ Pelezi née,  
 Pelezipi sõ Yuda née,  
 Yudapi sõ Yakōbu née,  
 34 Yakōbupi sõ Izaaki née,  
 Izaakipi sõ Ablahaū née,  
 Ablahaūpi sõ Tela née,  
 Telapi sõ Nakōo née,  
 Nakōoipi sõ Selugi née,  
 35 Selugipи sõ Leu née,  
 Leupi sõ Pelegi née,  
 Pelegipi sõ Ebēlu née,  
 Ebēlupi sõ Sela née,  
 Selapi sõ Kena née,  
 36 Kenapi sõ Aapasa née,

Aapasapi sõ Seū née,  
 Seūpi sõ Nõee née,  
 Nõeepi sõ Lemeki née,  
 Lemekipi sõ Metusela née,  
 37 Metuselapi sõ Enoki née,  
 Enokipi sõ Yeledi née,  
 Yeledipi sõ Maalalee née,  
 Maalaleepi sõ Kena née,  
 Kenapi sõ Enosi née,  
 38 Enosipi sõ Seti née,  
 Setipi sõ Adamu née,  
 Adamupi sõ Lua née.

## 4

*Yesu yɔa**(Mat 4.1-11, Maa 1.12-13)*

<sup>1</sup> Yesu lé su n̄ Yuudeo Lua Nisina p̄eeawà guu, õ Nisinapi gèaàñō gbáau. <sup>2</sup> Ibiisi aà yò we e gɔɔ bla. Gooipi i p̄oe bleo. Ké gɔɔ blapi pà, nɔana lé aà dë. <sup>3</sup> O Ibiisi ðè: Tó Lua Nén n ū, o gbee bee li p̄ee ū. <sup>4</sup> Yesu wèwà à mè: A kēa Lua taalau wà mè: Poblea õ gbēnazinā kuò adoo.\*

<sup>5</sup> O Ibiisi aà sè gèaàñō musu, õ à dúnia kpalaø òløe píi a zegbeu gòò <sup>6</sup> à mè: Má n gba iko beeø píi n̄ a gawio. A ku ma ɔzîe, gbé pó má yei má kpawàe. <sup>7</sup> Tó n kulémee lé, a gõ n pó ūe píi. <sup>8</sup> Yesu wèwà à mè: A kēa Lua taalau wà mè:

Kúlé Dii n Luaε,  
 níz zobleè ado.†

<sup>9</sup> O à gèaàñō Yelusaléū, à aà zè Lua kpé misonaa à mè: Tó Lua Nén n ū, ɔkpa nziai, <sup>10</sup> asa a kēa láu wà mè:

Lua a n yā'o a malaikaøne aa n d̄sa.

<sup>11</sup> Wà mè l̄:

Aa ɔdama, ké n̄su gēnale gbewao yái.‡

<sup>12</sup> Yesu wèwà à mè: Wà mè,

n̄suli Dii n Lua le n̄ gwao.§

<sup>13</sup> Ké Ibiisi Yesu yò n̄ yápiio a làa, õ à aà tò we e gɔɔ pâle.

*Nazalētideø gia Yesu n̄daikεi**(Mat 13.53-58, Maa 6.1-6)*

<sup>14</sup> Yesu èa tà Galile n̄ Lua Nisina gbääo, õ aà tó l̄i bùsupia píi.

<sup>15</sup> I yädadáné n̄ lousisikpεø guu, mé gbépii i aà t̄nasi.

<sup>16</sup> O à gè Nazalēti, gu pó à neblèu. Kámabogoozì à gè lousisikpεu lá i kewa. A fèlè à kyoke, <sup>17</sup> õ wà ânabi Isaia taala kpawà. Ké a pòo, à bò gu pó wà yáe bee k̄euwa à mè:

\* 4:4 Iko 8.3    † 4:8 Iko 6.13    ‡ 4:11 Soü 91.11-12    § 4:12 Iko 6.16

18 Dii Nisīna kua.

A ma se mà baonakpa taasideone,  
à ma zì mà gōa wéēo ū kpàwakε  
gbé pó aa n̄zīa v̄loōne,  
mà w̄ewēa kpàwakε v̄laōne,  
mà gbé pó yeao polo,  
19 mí Dii gbēkēkenegoo kpàwakε.\*

20 Ḍ à lápi kōo a kpà dōnlēdewa, ñ à z̄lε. Gbē pó aa ku kpéeu wé  
flwà píi. 21 Ḍ à yāsē à mè: Lua yāe bee pà gbā, lá ále maewa.  
22 Yāmaa pó dō aà léu bò ñ sae píi, ñ aale aà t̄nasi. Ḍ aa mè:  
Yosefu né nolo?

23 Ḍ a ònē: Má dō sāasā kē á yāasie bee kemee. Tó ñ lōotoo ū,  
ñ nzīa gbágbā. A omee mà yá pó á mà má kē Kapenaū ke ma be  
wéleu la l̄. 24 Siana málē oé, ānabi lío gbia a be wéleuo. 25 Málē  
oé siana guu, kē luabe zé tà Elia gōo, gyaa gbēandoō ku dasi. Lou  
i mao e wé àa ñ mō sooloo,† mé nōan zōo kā Isaili bùsuu píi,  
26 kási Lua i Elia zì ñ keewao, sema gyaa pó kú Salepa wéleu  
Sidō sae.‡ 27 Anabi Elizi gōo sō, Isaili bùsu kusudeō die, kási i ñ  
kee gbágbāo, sema Sili bùsu gbē Naama.§

28 Ké gbē pó kú lousisikpēu yápi mà píi, an pō pà maamaa.

29 Ḍ aa bò ñ Yesuo wéñkpe, aa gēaānō sīsī pó ñ wéle kálewà  
misonaa, kē aa ɔz̄aàzi z̄lē yái. 30 Ḍ à bò ñ guu à tà.

### *Yesu kua Kapenaū*

(Mat 8.14-17, Maa 1.21-39)

31 Yesu tà Kapenaū, ñ ále yādadane Galile bùsu wélepiu  
kámabogōzì. 32 Aà yādaané bò ñ sae, asa aà yá iko v̄lε. 33 Gōe  
tāadee ku lousisikpēu we, ñ à wii gbāa lè à mè: 34 Ee! Bó wá v̄  
ñ k̄oī Yesu Nazaleti? N mō wá kaalei yà? Má dō gbē pó ñ de a  
ū, Lua gbē pó a kua adoan n ū. 35 Ḍ Yesu ḡi tāapié à mè: Nílε!  
Go gōepiwa. Ḍ tāapi gōepi nè dasi guu à gòwà, i aà k̄e'iao. 36 Bíli  
gbépii kù, aale kō lala aa mè: B̄taa bui yān wei? Gwa, i yādile  
tāaōne ñ iko gbāao, ñ aa ī gēzea. 37 Ḍ aà bao l̄ bùsupia gupiiu.

38 Ké à bò lousisikpēu, ñ à tà Simōo be. Simōo nada lé mèwāakε  
maamaa, ñ wà a yā'ōe. 39 Yesu zè aà mizì à ḡi mèwāapiε, ñ aà  
me n̄ni. Wegōo à fēle blekēnē.

40 Ké iatē gē kpēu, gbē pó gyāe v̄l̄ m̄nō Yesue, ñ à ɔnāna ñ  
baadewa, à ñ gbágbā ñ gyā bui dasio. 41 Tāao lé go gbēwa  
ñ wiio dasi l̄ aa mè: Lua Nén n ū. Ḍ à ḡiné aa yā'o, kē aa aà dō  
Mēsii ū yái.

\* 4:19 Isa 61.1-2 † 4:25 1Kia 17.1 ‡ 4:26 1Kia 17.8-16 § 4:27 2Kia 5.1-14

<sup>42</sup> Ké gu dò, Yesu bò wéleu à gè gusaenà, ñ bíla lé aà weele. Ké aa bòwà, aale giè aà ní tó we. <sup>43</sup> O a òné: Sema mà kpala pò bò Lua kíi baokpa wéle kiniñne lò, asa a yái Lua ma zii. <sup>44</sup> O à gè lé waasoké Yudaç lousisikpeo guu.

## 5

### *Yesu a iwa sëiasò sisia (Mat 4.18-22, Maa 1.16-20)*

<sup>1</sup> Ziewa Yesu zea Genazeleti ísida gôssôle, ñ bíla kâaaaàzi Lua yâmaa yái, aale naewà. <sup>2</sup> O à gó'ilena è kâlea gôssôle mèn pla, kpòwenaç bòle lé ní táaluç pipi. <sup>3</sup> O à gè gópi do pò de Simôo pò û guu, à wabikèwà aà ozôi aà go gôsswa yoo. O zôlea gópi guu à yâdà bílae.

<sup>4</sup> Ké à yâ'ò a lâa, ñ a ò Simôo: Gé ní góo ísia à táalu zu, à kpô kú. <sup>5</sup> Simôo wèwà à mè: Mae, wa zikè e gu gè dòò, wi pœ kúo, áma lá ní ò, má kpá. <sup>6</sup> Ké aa kè màa, aa kpô nàaa gîligili e an táaluç ye kékéi. <sup>7</sup> O aa okè ní zikendee pò kú gópi do guuone aa mo dɔníle. Ké aa mò, aa kpô kâ gó mèn plapiç pai e aa ye kpálei. <sup>8</sup> Ké Simôo Piee è màa, à kûle Yesu gbázì à mè: Go ma sae Dii, asa duunkenan ma ü. <sup>9</sup> Bíli Simôo kù ní gbé pò aa sânuç píi kpô gîligili pò aa kùpi yái. <sup>10</sup> Mâa Zaaki ní Zâao, Zebedee né pò aa de kôgbéo ü ní Simôo bílikè lò. O Yesu ò Simôo: Nsu to vâla n kúo. Za gbâa gbénazîna ñ iyoo weele. <sup>11</sup> Ké aa kâ ní góo gôssôle, ñ aa apii tò we, aa bò teaàzi.

### *Kusude gbâgbâa (Mat 8.1-4, Maa 1.40-45)*

<sup>12</sup> Ziewa Yesu kú wélee guu ñ gôe pò kusu lîaâla mò. Ké à Yesu è, à wûle a gbëeu à wabikèwà à mè: Dii, tó n wei, nyô fô gbâbômee. <sup>13</sup> O Yesu obò nàwà à mè: Ma wei, gô gbâlesai. Wegôo aà kusu lâa. <sup>14</sup> O Yesu òè: Nsu o gbëe mao. Ge nízâa olô sa'onaë, ní sa pò Môizi dîle o n gôa gbâlesai seela ü gbéone.\*

<sup>15</sup> Yesu bao lîgwa de yâala. Bila i kâaa, ké aa aâ yâma më kë aâ ní gbâgbâ ní gyao yái. <sup>16</sup> O Yesu i kémâ à ge wabike gusaë.

### *Gbëkaaua gbâgbâa (Mat 9.1-8, Maa 2.1-12)*

<sup>17</sup> Ziewa Yesu lé yâdané. Falisieo ní Môizi ikoyâdanedeo zôlea we. Aa bò Galile ní Yude wéleç guu píie ní Yelusalëüo. Lua gbâa kuaâno, ñ àle gyæeo gbâgbâ. <sup>18</sup> O gbëeo mò, aa gbëkaaua sea ní mákeléo, aale zeweele wà gëaâno aa aâ dile Yesu ae. <sup>19</sup> Lá aai gëkli eo dasi yái, ñ aa dèdeâano kpé musu. Aa kpépi fô, ñ aa aâ pîla ní a mákeléo zâ guu Yesu ae. <sup>20</sup> Ké Yesu è aale a náaiké,

\* 5:14 Lev 14.1-32

à mè: Ma gbé, n duuna kèma. <sup>21</sup> Yādanedepio n Falisipio an làasoo guu aa mè: Dén gbé pó lé dóe ní Luao bee üi? Démè a fɔ̄ duunakémái, Lua ado báasioi? <sup>22</sup> Yesu ní làasoo dɔ̄, ɔ̄ à ní lá à mè: Bóyai ále làasoo bee taa ke á sɔ̄ guui? <sup>23</sup> Tó má ò aà duuna kèwà, ge tó má ò aà fele tá'a'o, a kpele mé àai? <sup>24</sup> Má ò màa ké à dɔ̄ Gbēnazin Né duunakéama iko vī dúniau la. O a ò gbékaaüapi: Má òne, fele ní mákelé sé tá n be. <sup>25</sup> Wegɔ̄ à fele zè n wáa, à a wúlebopi sè à tā a be, ále Lua sáaukpa. <sup>26</sup> Baade píi lé gɔ̄ elea, ɔ̄ aa Lua sáaukpà. Vía guu aa mè: Wa dabu è gbā.

### *Levii sisia*

(Mat 9.9-17, Maa 2.13-22)

<sup>27</sup> Bee gbea Yesu bɔ̄, ɔ̄ à osina pó wí me Levii è zɔ̄lea osikpεu. Yesu òè: Mo temazi. <sup>28</sup> O à fele à pɔ̄pii tò we à tèaàzi.

<sup>29</sup> O à ponable zɔ̄ kè a be, à Yesu sisiwà ní osinao ní gbépaleo dasi, aale pɔ̄ble. <sup>30</sup> O Falisi o ní Mɔ̄izi ikoyādanedeo yákütéka aà iwaɔzi aa mè: Bóyai ále pɔ̄ble ále imi ní osinao ní luayādansai? <sup>31</sup> O Yesu a zāsimá à mè: Gbé gbāa bāa kú ní lòotoooo, sema gyāe. <sup>32</sup> Mi mo gbēmaao sisii aa nòselileo, sema duunkena.

<sup>33</sup> O wa òè: Zāa iwaɔ iɔ̄ leye, aa wabike kɔ̄sɔ̄kɔ̄sɔ̄. Māae ní Falisi iwaɔ lɔ̄. Ama n gbé iɔ̄ pɔ̄ble aa imie. <sup>34</sup> O Yesu wèmá à mè: A we to nɔ̄senapi gbé leye gɔ̄ pó nɔ̄senapi kúrnɔ̄e? <sup>35</sup> A gɔ̄ a mó ké wa nɔ̄senapi bo ní guu. Gɔ̄ bee ɔ̄ aa leye sa. <sup>36</sup> Yesu yālèeūnè lɔ̄ à mè: Wili pɔ̄kasa dafu lí wa dí a zi guuo. Tó wa kè māa lé, pɔ̄kasa dafu a yaaε, mé a zi a kɔ̄se ní a dafu pó wa dñupioo. <sup>37</sup> Wili vëe dafu ká báa tūu zi guuo. Tó wa kè māa, vëe dafu a tūu púnaε, i kóle, tūu i ɔ̄kpa. <sup>38</sup> Wí vëe dafu ká báa tūu dafu guue. <sup>39</sup> Gbé pó dóekè ní vëe zio lí a dafu sáaukpao, i me a zi mé na.

## 6

### *Kámabogɔ̄zì*

(Mat 12.1-14, Maa 2.23-3.6)

<sup>1</sup> Kámabogɔ̄ce zí Yesu lé pā ble bua, ɔ̄ aà iwaɔ pówena wòlo aa a suumpà ní ou, aale sò.\* <sup>2</sup> O Falisi o ònè: Bóyai ále yá pó de wà ke kámabogɔ̄zìo kei? <sup>3</sup> Yesu wèmá à mè: Lá Davidi ní a gbé kè gɔ̄ pó nɔ̄ana lé ní de, i a kyokeo lé? <sup>4</sup> A gè Lua ua, à pëe pó wa kàle Luaε se sò, a kpà a gbéwa,† pëe pó gbé lí sóo, sema sa'onao bàasio.‡ <sup>5</sup> O Yesu ònè: Gbēnazin Né mé iko vī kámabogɔ̄wa.

<sup>6</sup> Kámabogɔ̄ pâle zí lɔ̄ Yesu gè lousisikpεu, ále yādané. Gɔ̄ee ku we, aà oplaa imia. <sup>7</sup> Mɔ̄izi ikoyādanedeo ní Falisi o lé Yesu

\* 6:1 Iko 23.25 † 6:4 1Sam 21.1-6 ‡ 6:4 Lev 24.9

kpakpa, tó a gbépi gbágbá kámabogoozí, wi e yádaaàla. <sup>8</sup> A ní làasoo dò, ò a ó gbé pó a o imiapié: Felé ze zá guu. Ké à félè zé we, <sup>9</sup> ò Yesu òné: Málé á láe. A zeví wà yámaaké kámabogoozí yà, ge yávái? Wà gbé misi yà, ge wà aà dëe? <sup>10</sup> Yesu wépáñla mìpii, ò a ó gbé pó a o imiapié: N n opi poo. Ké a pòo, ò aà o sù a gbeu. <sup>11</sup> Falisiò pò fè maamaa, ò aa lekpààl Yesuzi lá aa këè yá musu.

*Iwa gbéon kueplao se a  
(Mat 5.1-12, 10.1-4, Maa 3.13-19)*

<sup>12</sup> Goo bee Yesu bò gè wabikei sisí musu, ò a kú ní wabikea Luawao e gu gè dò. <sup>13</sup> Ké gu dò, ò à a iwaò kàaaa, à gbéon kueplao se ní guu à ní díle zinao ü. <sup>14</sup> Gbépiò tón ke: Simoo pó à tókpàè Piee, aà däuna Andelee, Zaaki, Zää, Filipi, Batelemii, <sup>15</sup> Matiee, Tomaa, Alafe né Zaaki, Simoo pó wí oè Gínziao, <sup>16</sup> Zaaki né Yudasi ní Yudasi Isalioti pó gò Yesu bónkpede üo.

<sup>17</sup> Yesu pílańno à zé gusalalaa, gu pó aà iwa kíniò ní bílao kuu. Aa bò Yelusaleüe ní Yude bùsuo píi ní ísiale wéle pó kú Tii ní Sidoo saeo. <sup>18</sup> Aa mò aà yámai, mé ké aà ní gbágbá ní ní gyáo yáí. Gbé pó tåa lé iadamáo gbágbá lo. <sup>19</sup> Gbépiii lé weelee o káwà, asa gbää lé bò aà guu, àle gbépiii gbágbäe.

<sup>20</sup> Ò à wesè a iwaò gwà à mè:

Báaadeon á gbé pó ále taasikeo ü,  
asa kpala pó bò Lua kíi de á pó üe.

<sup>21</sup> Báaadeon á gbé pó noana lé á de gbäo ü,  
asa á ká.

Báaadeon á gbé pó ále óolò gbäo ü,  
asa á yáalo.

<sup>22</sup> Báaadeon á ü, tó wà zàagu mé wà glázi,  
mé wà á sôsô mé wà á tóbëesi Gbénazin Né yáí.

<sup>23</sup> Goo pó yá beeò á lé, ào vîvî ní pønao, asa á asea zô luabe.  
Beewa an dezio kè ãnabiøne.

<sup>24</sup> Waiyoo á odeo,  
a me nama è kò.

<sup>25</sup> Waiyoo á gbé pó á kää gbäo,  
noana a á de.

Waiyoo á gbé pó ále yáalo gbäo,  
á wénake, á óolò.

<sup>26</sup> Waiyoo ápiò, tó gbépiii lé á tønasi,  
asa beewa an dezio kè ãnabi egénaøne.

*Yea ibeezi  
(Mat 5.38-48)*

<sup>27</sup> Málé o á gbé pó ále ma yámaøne, ào ye á ibeezi, à maake gbé pó zaáguøne. <sup>28</sup> A samaa'o gbé pó aaï saväi'oeøne. A wabike

gbé pó aañiada wáone. <sup>29</sup> Tó gbé n sánke n gée dowá, n ado doè lo. Tó gbé n ulada síma, nísu giè ní n danziioo. <sup>30</sup> Pó pó gbé gbéama píi kpawà. Tó gbé n pó síma, nísu gbéawào. <sup>31</sup> Lá á ye wà keé, à kéné màa sõ. <sup>32</sup> Tó gbé pó aa yeázió ɔ alí yeńzi, bó sáau bee vñi? Baa luayádansaió ió ye gbé pó yeńziózíe. <sup>33</sup> Tó gbé pó aa maakeé ɔ alí maakené, bó sáau bee vñi? Baa luayádansaió i ke màae. <sup>34</sup> Tó gbé pó á wé dñi à pó emá ɔ alí pó sëané, bó sáau bee vñi? Asa luayádansaió i pó sëakñe a ea a lé gbeu yáie. <sup>35</sup> Aó ye á ibeezí à maakené, à pó sëané wedñisai, i asea zõo e, ió de Musude néo ū, asa i maake guluóne ní gbéváizíe. <sup>36</sup> Aó sósobi vñ lá á Mae sósobi vñwa.

### *Kñ tñae'ea (Mat 7.1-6)*

<sup>37</sup> Asuli gbé tñae eo, Lua a á tñae e sõo. Asuli yáda gbéao, Lua a yádaálao. A sùuuke ní gbé, Lua i sùuukeáno. <sup>38</sup> A gbé gba pó, Lua i á gba. A zaa maa pó á gbégbé à wé à pà yelele káé á ula léu. Asa zaa pó ní yñu gbéé ɔ Lua a yñune sõ.

<sup>39</sup> O à yátaa ñné à mè: Vña a fñ dñaa vñlae? An pla mñpii aa zu euo lé? <sup>40</sup> Iwa lío dñ a diilao. Gbé pó yádáda a làa dñ lá a diiwaé. <sup>41</sup> Bóyái níle sèkona pó da n gbédee wéu e, mé níle lí miøna pó da n wéu yádao ni? <sup>42</sup> N gbé pó níle lí miøna pó da n wéu eo, kpelewa nýñ e o n gbédee aà to ní sèkona pó da aà wéu bñé? Møafilide! Limiøna pó da n wéu bñ già, ní gu'e wásawasa ké ní sèkona pó kú n gbédee wéu bñé.

### *Gbé dñaa yákeawa (Mat 7.15-27, 12.33-37)*

<sup>43</sup> Lí maa lí ní vñi io, lí vñi lí ní maa io. <sup>44</sup> Wí lí píi dñ a bewaé. Wili kpa bo lè líwao, wili kuke kàelewao. <sup>45</sup> Gbémaa i maa bñ a sñ lássoo maa guue. Gbévái sõ i vñi bñ a sñ lássoo vñi guue. Asa yá pó kñ sõ guu ɔ lé i o.

<sup>46</sup> Bóyái ió ma sisi Dii, Dii, mé ili yá pó má ò keo ni? <sup>47</sup> Gbé pó mñ ma kñi à ma yáma mé a kë, má ɔlóé lá ade dñ. <sup>48</sup> A dñ lán ébona pó eyñ zàzä à kpé kpàlé gwewawaé. Ké swa pà, i dàgwa à kà kpépizi, i deeo, ké wa bñ maa yá. <sup>49</sup> Gbé pó lé ma yáma mé àlé keo de lán ébona pó kpé kpàlé tóolea pñ eyñsaiwaé. Ké swa'i kài, ɔ à kwé gñó. Kpépi ñókpaa kë zõo.

### *Sosaa gbézõo zíkëna gbágbaa (Mat 8.5-13)*

<sup>1</sup> Ké Yesu yá bee ḥ gbéon pí a làa, ᠁ à gè Kapenaū. <sup>2</sup> Sosao gbézōe ku we, a zikena vĩ, a yeaàzie maamaa, ᠁ àle gyâke à kà gaa. <sup>3</sup> Ké à diipi Yesu bao mà, à Yuda gbézōo zì wabikewà aà mò a zikenapi misie. <sup>4</sup> Ké aa kà Yesu kíi, aa wabikewà kɔsɔkɔss aa mè: Gbépi kà n̄ dɔaàle. <sup>5</sup> A ye wá buizi, ᠁mè lousisikpe dòwéé. <sup>6</sup> Ḫ Yesu gérno. Ké à kà kái n̄ aà beo, ᠁ sosao gbézōpi a gbénao zì a òné: A oè asu iada aziawao, mi ka ké aà gē ma kpéuo. <sup>7</sup> Ayameto má díle mi ka mà mò aà kíi maziao. A oè aà yā'o, ma zikena i gbágbā. <sup>8</sup> Asa mapi sō, wa iko vĩae, mé má iko vĩ sosaowa. Mi o an gbédoe aà gé, ᠁ i gé. Mi o a pâlee aà mó, ᠁ i mó. Mi o ma zikenaes aà ké bee ke, ᠁ i ke. <sup>9</sup> Ké Yesu yápi mà, à bò aà sae. Ḫ à lili a ò bíla pó teazie: Málé oé, mi e gbé ma náailké kewao, baa Isailio guu. <sup>10</sup> Ké zinapi èa sù, aa è zikenapi gbágba.

### Gyaa né mèndona vua

<sup>11</sup> Bee gbea Yesu gè wéle pó wí me Naini. Aà iwa n̄ gbépaleo gèaàno dasidasi. <sup>12</sup> Ké à kà kái n̄ wélepi bñiboleo, a è wa ge sea wà bòò. Gyaa né mèndonaes. Wélepideo kú n̄ noepio dasi. <sup>13</sup> Ké Dii aà è, ᠁ à kèè wénaū a òè: Nsu ólco. <sup>14</sup> Ḫ à sò gepizi à okà aà pewa. Ké gbé pó seao zè, ᠁ à mè: Ewasa, má òne vu. <sup>15</sup> Ḫ gepi félé zìle à nà yā'oawa. Ḫ Yesu aà kpà aà dawa. <sup>16</sup> Vía gbépii kù, aa Lua sáaukpà aa mè: Wa ãnabi zō è wá guu. Aa mè l̄: Lua mò a gbéo gwai. <sup>17</sup> Ḫ Yesu bao l̄ Yude bùsua n̄ bùsu pó liaai píi.

### Zää Da'ilena zinao (Mat 11.1-19)

<sup>18</sup> Zää iwa yá bee dàu aa siuè píi. Ḫ Zää n̄ gbéon plao sisi, <sup>19</sup> à n̄ zí Diiwa aa aà la, aàpi mé gbé pó a mò ʉa, ge wàò wedo gbépalezie? <sup>20</sup> Ké gbépi kà Yesu kíi, aa òè: Zää Da'ilena mé wá zí wà n la, míme n̄ gbé pó a mò ʉa, ge wàò wedo gbépalezie? <sup>21</sup> Wegō Yesu gbéo gbágba dasi n̄ n̄ gyāo n̄ n̄ wāwāo n̄ n̄ tāo. A tò vña gu'è dasi l̄. <sup>22</sup> Ḫ a ò Zää zinaoe: A ge yá pó á è mé á mào dau siuè. A oè vña lé gu'e, εεo lé tāa'o, málé gbābo kusudeo, swādo lé yāma, geo lé vu, taasideo lé baona waaso ma.\* <sup>23</sup> Bääaden gbé pó lí fuao ʉ.

<sup>24</sup> Ké Zää zinao tå, Yesu nà aà yā'oa bílaewa à mè: Bó a ge gwai gbáau? Fee pó íana lé deedee yà? <sup>25</sup> Bó a ge gwai wei? Gbé pó pɔkasa zāe naaàzi yà? Namablena pó aaí pɔkasa maa daø iku kibee. <sup>26</sup> Bó a ge gwai wei? Anabi yà? Ao! Málé oé a de ãnabia se. <sup>27</sup> Asa Zääpi wà aà yá kè láu wà mè:

\* 7:22 Isa 35.5-6, 61.1

Má a zína gbae aà døaa zekkekene.†

<sup>28</sup> Málë oé, nœ ne'ia guu wi néé i à kà Zääwao. N beeo gbé pó de gbé kpée ũ kpala pó bò Lua kíi guu dëaàla. <sup>29</sup> Ké gbépii aà yämà, baa osinac, õ aa yänakpà Luawa, õ Zää ní da'ilékè.‡ <sup>30</sup> Falisi ní Moizi ikoyädanede sõ aa gí yá pó Lua díle à kenéi, õ aai wei Zää ní da'ilékèo.

<sup>31</sup> Bó má gbägbëo leeuòì? Bó aa bòwài? <sup>32</sup> Aa bò né pó kú gääe aale lezuköjwae aale me:

Wa kule pèé, i õwão.

Wa wénale síé, i ówlø.

<sup>33</sup> Asa Zää Da'ilena mò, i pëe soo, i vëemio, õ a mè täädeee.

<sup>34</sup> Gbénazin Né mò, i pòble, i imi, õ a mè asiade wëminaë, osinac ní luayädansai gbënae. <sup>35</sup> Wí õno dö õnonaç yâkeawae.

### Tulalekaa Yesu gbáwa

<sup>36</sup> Falisie Yesu gbëa aà mò pòbleanç. Yesu gè aà be, õ àlé pòble gengesekéa. <sup>37</sup> Nœ dòé iidee ku wélepi guu. Ké a mà Yesu lé pòble Falisipi be, õ à gè we tulale loona kúa. <sup>38</sup> A zè aà kpe aà gbázì, àlé ówlø. Aà wé'i lé ká aà gbakpeaa, õ a wàà ní a mikão, à lepèpe aà gbáwa, õ à tulalepi kàwà. <sup>39</sup> Ké Falisi pó aà sisipi è màa, õ a ò a sõ guu: Tó gbépiá ânabie, dö à nœ pó lé okåwapi taa dò, ké dòé iidee. <sup>40</sup> O Yesu ò Falisipi: Simoç, má yæe vî mà one. Simoç mè: O, Metulu. <sup>41</sup> Yesu mè: Dakenae mé kú, gbëon plaç aà fia kúa, gbëdo ánusu ɔwatë ðaa pla ní basçoo, gbëdo sõ ánusu ɔwatë blakwi. <sup>42</sup> Lá aa pøe vî aa fiabodo, õ à ní ké an pla mïpii. An guu, déme aø yeaàzi de a deelai? <sup>43</sup> Simoç wèwà à mè: Málë E gbé pó wà aà kë ní o zööoe. Yesu ò: N wè maaë. <sup>44</sup> O Yesu aedò nœpiwa, a ò Simoç: N nœpi èa? Ké ma gë n be, ni í kpaa n ma gbá pípio, õ nœpi ma gbá pípi ní a wé'io, a wàà ní a mikão. <sup>45</sup> Ni lépeao. Nœpi sõ, za gçø pó ma gë la, i kámabo ní lépea ma gbáwaoo. <sup>46</sup> Ni nísidç ma miwao. Nœpi sõ à tulale kà ma gbáwa. <sup>47</sup> Ayämeto málë one, a yemazi maamaa ké aà duun zöö këwà yái. Gbé pó wà aà kë ní a yççnao sõ, aø ye adei yççnnø sõe. <sup>48</sup> O a ò nœpi: N duuna këma. <sup>49</sup> O gbé pó aale pòble sãnuo ðkõe: Dén gbépi ũ ké àlé duunakémái? <sup>50</sup> O Yesu ò nœpi: Ma náai pó níle ke n suabà. Ta be aafia.

## 8

### Nœ pó té Yesuzi

<sup>1</sup> Bee gbea Yesu bëbe wéle ní wéleø, mëewiaç ní zöewiaç píi, àlé waasoke, àlé kpala pó bò Lua kíi baokpané. Aà iwa gbëon kueplaç gëaànç <sup>2</sup> ní nœ pó à täägònë à ní gbägbä ní gyäç.

† 7:27 Mal 3:1    ‡ 7:29 Luk 3:12

Maliama pó wí mè lɔ Maliamma Madelèni, Yesu tāa mèn soplaɔ gòè kú ní guu <sup>3</sup> ní Elodi ziia Kuza na Yoanao ní Suzānao ní nɔe pâleɔ dasi. Aaʃ Yesu ní a iwaɔ gwa ní pó pó aa vîo.

*Pówenkéelea  
(Mat 13.1-23, Maa 4.1-25)*

<sup>4</sup> Wà bò wéle ní wéleɔ wà kàaa Yesuzi, ɔ à yâlèeūnè à mè: <sup>5</sup> Zɔee mè bò gè pówenkéelei. Ké àle keele, a keeo lèle zé guu, wà tâa'òwà, ɔ bão mɔ blè. <sup>6</sup> A keeo lèle gbeséena musu. Ké aa bòle, ɔ aa giigàga, ké aai mòse eo yái. <sup>7</sup> A keeo lèle leɔ guu, ɔ lepiɔ féléñno sânu, aa kùaamá. <sup>8</sup> A keeo lèle tɔɔle maawa, ɔ aa bòle aa ne'i lee basɔo. Ké a ò màa, à pùna à mè: Gbé pó nòse vî aà yápi ma.

<sup>9</sup> Aà iwaɔ aà là yápi bɔɔlei. <sup>10</sup> Ḍ à mè: Lua á gbá zé à kpala pó bò a kíi asiio dɔ, ãma mi o gbé kíniøne ní yâlèeūaneoe, ké aa gugwa pœ'esai, aa yâma dɔsai.\* <sup>11</sup> Yápi bɔɔlen ke: Pówenapiá Lua yâæ. <sup>12</sup> Zé guu pó de gbé pó aa Lua yâmâo ū, ɔ Ibiisi mò yápi bò ní sɔ guu, ké aasu Lua náaike, i ní suabao yái. <sup>13</sup> Gbeséena pó de gbé pó aa Lua yâmâ aa sì ní pɔnao ū, ãma yápi lío zína vî ní guuo. Aaʃ Lua náaike gíia, ãma tó wà ní yé, aaʃ pɔɔbɔzâkèe. <sup>14</sup> Le guu pó de gbé pó aa Lua yâmâo ū, ɔ yâkâakéa ní àizee yáo ní dûnia pɔnakéao i kùaamá, aali fô ne'i à mào. <sup>15</sup> Tɔɔle maa pó de gbé pó aa Lua yâmâ ní nòsepuao ɔ aa kùa ní nòsemmaao ū. Aaʃ menafɔ e aa ge kâflakéò.

<sup>16</sup> Wili filia na wà ta kúlewào ge wà dile lii zíeo. Wí di bábanawae, ké gbé pó lé gëo gupua e yái. <sup>17</sup> Pœ ku ulæa ké à gi bɔi gupuauo. Asiyyâe ku ké wà gí mai wà o balu guuo. <sup>18</sup> Bee yái à yâma ní laaio. Gbé pó pó vî ɔ Lua a kâflè. Gbé pó pœ vî sɔo, pó pó àle e á vî Lua a siwâe.

*Yesu daɔɔ  
(Mat 12.46-50, Maa 3.31-35)*

<sup>19</sup> Yesu da ní aà dâunaɔ mò aà kíi, ɔ aai e sòaàzio dasi yái. <sup>20</sup> Ḍ wa ò Yesue: N da ní n dâunaɔ ku bàasi, aa ye n kɔ'eai. <sup>21</sup> Ḍ a ònè: Gbé pó aaʃ Lua yâma aa zîkewào mé ma da ní ma dâunaɔ ū.

*Yesu zâa'iana zeæ  
(Mat 8.23-27, Maa 4.35-41)*

<sup>22</sup> Ziewa Yesu gè gó'ilena guu ní a iwaɔ, ɔ a ònè: Wà bua ísida baale. Ḍ aa dâzeu. <sup>23</sup> Goo pó aale gé, Yesu gè ní io. Ḍ zâa'iana fele ísidaa, i lé ká gó guu, aa ku kai guu. <sup>24</sup> Ḍ aa sòaàzi aa aà vù aa mè: Mae! Mae! Wâlé kaale! Ḍ à félé gí iânae ní i pó lé ní gó zâampapao, ɔ à zè, gu kë kílikili. <sup>25</sup> Ḍ a ònè: A ma náai vîoa? Ḍ

\* **8:10** Isa 6.9

yápi dímá, vía ní kú, ɔ aa òkɔe: Dén gbépi üi mó? Baa íana ní io, i yādiléné, aañ aà yāmae.

*Táa dia sàwaone  
(Mat 8.28-34, Maa 5.1-20)*

26 ɔ aa kà Gadala bùsuu ísida baale, Galile bùsu gukpe oi.  
27 Ké Yesu bùa sìsia, à kpàaú ní wélepi gbé pó tää vio. A gooplakè ní pønaaazio, mé ilio ku beo, sema miagbe'eo guu.  
28-29 Wí aà yeye ní mðaonaø, wí aà daliu aà zùukea yáí, kási i mðaonapi kékëe, tääpi i aà zu sëu. Ké à Yesu è, ɔ à wiilè à kùlè aà ae, ɔ à pùna à mè: Lua Musude Né Yesu, bómè wá daaai?  
N yá na! Nsu íadaao. A bee ò ké Yesu lé o tääpi gowà yáie.  
30 ɔ Yesu aà là à mè: N tón kpelewai? ɔ à mè: Ma tón Dasi. Asa tääkuwà dasie. 31 ɔ tääpi wabikè Yesuwa asu oné wà si gbáo guuo.

32 Sàwakusan wai ku we, aa kpèese, aale pøble sìsípøleu. ɔ tääpi wabikè Yesuwa aà ní gba zé wà diné. ɔ Yesu ní gbá zé.  
33 ɔ täägò gbépiwa aa dí sàwaone. ɔ sàwapi wí ní bao aa sì sòonau, aa kà ísiu aa kpàle. 34 Ké an dñnaø è màa, aa báalè gè yápi oiné wéle guu ní bualoõ. 35 ɔ wà bòle yá pó këpi gwai. Ké aa kà Yesu kíi, aa gbé pó täägòwàpi è zòlea Yesu gbázì. A pøkasa naaazi, à gò a laaiwa. ɔ vía ní kú. 36 Ké gbé pó yápi kë ní wáaø òné lá wà tåadepi gbàgbà, 37 ɔ Gadala bùsu gbépii awakpà Yesue aà goríla, asa vía ní kú maamaae. ɔ à gè gó guu, a ye tá. 38 Gbé pó à täägòwàpi è awakpàe à e ào kuaànø. Yesu gié à mè: 39 Ea ta n be, ní yá pó Lua kène dau nì siuné píi. ɔ à tà à yá pó Yesu këe kpàwakè wélepi guu píi.

*Zailu né vua ní nœ pó okà Yesu ulawao*

*(Mat 9.18-26, Maa 5.21-43)*

40 Ké Yesu èa sù, ɔ bíla gbäakpàaàzi, asa gbépii lé aà dæ. 41 ɔ gòe pó de lousisikpe døaana ü, wí me Zailu, mò wùle a gbëeu Yesu gbázì, à awakpàe aà gé a be, 42 ké aà né mèndona lé ga yáí. Nenoeipi kà wè kuepla. Ké àle gé, ɔ bíla lé aà gësoomble.

43 Nœe ku we, au lé bølewà à kà wè kuepla. Pó pó nœepi vñ píi a dè esedeo kíi, áma gbëe i fñ aà gbàgbào. 44 Ké à sò Yesuzi aà kpe, ɔ à okàa aà ula léwa. Wegò aà aubølea zè. 45 ɔ Yesu mè: Démè okàai? ɔ gbépii mè á a yá dñ. ɔ Piee mè: Mae, bíla liaanzi, aale naëma. 46 ɔ Yesu mè: Gbëe okàa, asa má dñ ké gbää bòmague. 47 Ké nœepi è wà a yá dñ, ɔ à mò ní lualuaao, à wùle a gbëeu aà gbázì, ɔ à yá pó tò a okàwà ò gbépii wáa ní lá pó à aafia'è gòo. 48 Yesu òe: Nœ, ma náai pó ní kë mé n gbägbà. Ta be aafia.

<sup>49</sup> Ké Yesu lé o māa, gbēe bò lousisikpe dōaanapi be, à mò a òè: N népi kèsai. Nsu tákpa métuluzi pāo. <sup>50</sup> Yesu yápi mā, ɔ a ò Zailue: Nsu to n sō vīo. Ma náaiké lé, a gbágba. <sup>51</sup> Ké à kà aà be, i wei gbēe gèanço, sema Piee ní Zääo ní Zaakio ní népi deo ní aà dao. <sup>52</sup> Gbé pó kú weo lé óolō pii, aale nízia gbégbé. Ò Yesu mè: Asu óolōo. I gao, àle i'oe. <sup>53</sup> Ò aa aà kè póopco, asa aa dò à gâe. <sup>54</sup> Yesu aà kù a ɔwa, ɔ à pùna à mè: Nenoena, félé! <sup>55</sup> Ò aà wëni sù, à félé gò. Yesu mè wà poblea kpawà. <sup>56</sup> Yápi dì népi de ní aà daowa, ɔ Yesu òné aasuu yápi o gbēe mao.

## 9

### Yesu a iwa gbēon kuëplao zia (Mat 10.5-15, Maa 6.7-13)

<sup>1</sup> Yesu a iwa gbēon kuëplao kàaaazi, ɔ à ní gbá zé aa iko vî táa bui píwi, aa gyæeo gbágba. <sup>2</sup> Ò à ní zî kpala pó bò Lua kîi yá waasokei, aa gyæeo gba aafia. <sup>3</sup> A òné: Asu pœ se gëdo, gopana ge babalabco ge kùsúa ge ɔa ge ula plaade. <sup>4</sup> Ua pó a pilau à ku we e à ge gëd zéa. <sup>5</sup> Wéle pó wi gbäakpauázio à bœu, í kôjlemá an toa ní Luao seela ü. <sup>6</sup> Ò aa dàzeu aa bëbe wéle ní wéleo, aa baonakpàné, aa gyæeo gbágba gupiui.

<sup>7</sup> Ké kí Elodi yá bee mā píi, ɔ à bílikè, asa gbēeo mè Zää Da'ilena mé bò gau, <sup>8</sup> gbēeo mè Elia mé bò mòmá, gbēeo mè lɔ ãnabi yää do mé vù. <sup>9</sup> Elodi mè: Ma Zää mi zò. Dén gbé pó ma aà bao māe bee üi mó? Ò àle wéele wesiaàle.

### Yesu blekpaa bílawa (Mat 14.13-21, Maa 6.30-44, Zää 6.1-15)

<sup>10</sup> Ké zinapi sù, ɔ aa yá pó aa kèo dàu a siú Yesue. Ò à ní sé ntéé à gèníno wéle pó wí me Besaida. <sup>11</sup> Bíla dò, ɔ aa pèleaàzi. A gbäakpànzi à kpala pó bò Lua kîi yá'òné, ɔ à gbé pó aa ye aafiai gbágba.

<sup>12</sup> Iaté busaa iwa gbēon kuëplao sôaàzi aa òè: Gbéo gbae aa ta pilakîi ní pobleao wéelei zôewiaç ní bualoü pó kú kái guu, asa sëgbâ wá kúu la. <sup>13</sup> A òné: Apio à poblea kpámá. Aa mè: Pëe mèn sôo ní kpò mèn plao ɔ wá vî. Sema wà gé ble lúi bílae bâasio. <sup>14</sup> Gôe pó kú weo kà lán gbēon ðaasosôo lee sôo taawa (5.000). Ò a ò a iwaçne: A to aa zôle gâgâ gbēon blakwilkwi. <sup>15</sup> Ò aa kè māa aa ní zôlezzôle pii. <sup>16</sup> Ò à pëe mèn sôo ní kpò mèn plapio sè, à wesè musu à bâaadàu. Ò a è'e kpà a iwaçwa, aa bïile bílae. <sup>17</sup> Ampii aa pöblè kâ, ɔ wà a miøna pó fèo sèlè gbí kuëpla.

### Piee Yesu Mesiike oa (Mat 16.13-23, Maa 8.27-33)

<sup>18</sup> Ziewa ké Yesu lé wabike ado, aà ïwaò mò aà lè, ɔ à ní lá à mè: Dé dasile o má dè a üi? <sup>19</sup> Aa wèwà aa mè: Zää Da'ilenaæ. Gbëeɔ i me Eliae. Gbëeɔ i me ãnabi yää do mé vu.\* <sup>20</sup> ɔ à ní lá à mè: Apio sõ, dé ále o má dè a üi? Piee wèwà à mè: Lua gbé pó wí me Mesiiæ. <sup>21</sup> ɔ à gïné aa yápi o gbëe. <sup>22</sup> ɔ à mè: Sema Gbënazin Né taasiké maamaa. Gbëzöö ní sa'onkiaç ní Mɔizi ikoyädanedeç giaàzi, aai aà dè, a gɔo aàa ñde zí i vu.

### Yesu lia

(Mat 16.24-17.13, Maa 8.34-9.13)

<sup>23</sup> ɔ a ò gbépii: Tó gbé ye ke ma ïwa ü, aà gi azia wënizi, iɔ a lipäakɔa se lá gu lé dɔ, i temazi. <sup>24</sup> Gbé pó ye ào a wëni kúa, wënipi a vúuaawàe. Gbé pó gï a wëni ma yái sõ, ade mé aø wëni vî. <sup>25</sup> Tó gbé gɔ dûnia bùu vî, mé a kpà aziai à kùa ziawa, bò aì a èi? <sup>26</sup> Tó gbé zeamanɔ widè ge ma yá, Gbënazin Né a zeaaànɔ wide sõ, gɔo pó a mɔ a gawi guu ní a Mae gawio ní a malaikao gawio. <sup>27</sup> Siана málε oé, gbé pó aa ku laeç ga kía pó Lua kpà esaio.

<sup>28</sup> Yá bee oa gbea, a gɔo la taawa ɔ à Piee ní Zääo ní Zaakio sè dèdeññò gbësisi musu wabikei. <sup>29</sup> Ké ále wabike, aà oa lïlε, aà ulao lé teke púntaitai. <sup>30</sup> Kándo gbëon plao ku we, Mɔizi ní Eliaoæ, aale yá'oaànɔ. <sup>31</sup> Aa bò mòwà gawi guu, aale ánuia pó a to Yelusaleü yá'o. <sup>32</sup> Piee ní a gbëç gë ní io. Ké aa vu, aa Yesu gawi è ní gbëon pla pó ze aà sae. <sup>33</sup> Ké gbëon plapiç lé kékɔwa ní Yesuo, Piee òè: Mae, a maa wào ku lae. Wà lákpe dɔ mèn aàñ, n pó do, Mɔizi pó do, Elia pó do. A dɔ lá ále oo. <sup>34</sup> Ké ále o maa, luabepuana kùaamá. Ké aa gò ka a guu, vïa ní kú. <sup>35</sup> ɔ loope bò luabepuanapi guu à mè: Gbëe beeá ma Néé. Ma aà dïlε, à aà yáma.† <sup>36</sup> Loopi maa gbea aa è Yesu mé gò we ado. Iwapiç ní lë fñ, aai yá pó aa è o gbëeë gɔo beeo.

### Yesu negɔe tåade gbágbaa

(Mat 17.14-23, Maa 9.14-32)

<sup>37</sup> Ké gu dò, aa pïla sïsïpi musu, ɔ bíla mò dai Yesule. <sup>38</sup> Bíla guu gɔee pùna à mè: Metulu, n yá na! Ma né gwaa, asa ma né pó má vïn we. <sup>39</sup> Tää i felewà, ɔ i wiile kándo. I aà zìazìa e aà lë'i fùlabòle, i iadawà, ili gowà kpaa. <sup>40</sup> Ma wabikè n ïwaçwa aa tääpi go, ɔ aa fùa. <sup>41</sup> Yesu mè: Gbágba kolea luanaaikensai! Máo kúáno e boe ni? Máo menakeáno e boe ni? Mó ní n népio la. <sup>42</sup> E népi aà gé sɔiaàzi, ɔ tääpi aà nè à aà zìazìa. ɔ Yesu gï tääpiè à népi gbágba, ɔ à aà kpà aà maewa. <sup>43</sup> Lua iko zɔo yápi gbëpii kù gbää.

\* 9:19 Luk 9.7-8 † 9:35 Isa 42.1, Sou 2.7, Luk 3.22

Gbéō lé elea Yesu yākēawa píi, ñ a ò a īwāone: <sup>44</sup> Aò yáé bee kúá á nòse guu. Wa Gbēnazin Né na gbéōne ñ ɔzì tia. <sup>45</sup> Aai yápi dōo, a mi uléané, ñ aai mao, mé aa yápi laawà vñakè.

### *Tεa Yesuzi*

(Mat 8.19-22, 18.1-5, Maa 9.33-40)

<sup>46</sup> Ò aa fèle ñ lèkpaaō dëakōa yá musu. <sup>47</sup> Yesu làasoo pó kú ñ nòse guu dōo, ñ à né se zè a sae. <sup>48</sup> A ònē: Gbé pó née bee taa dílē ma īwaké yái, ade ma dilee. Gbé pó ma dile sō, ade gbé pó ma zí dílēe. A gbeé pó de gbé kpée û á guu mé zōo.

<sup>49</sup> Ò Zāa yāsè à mè: Mae, wa gbēe è àlé tāago ñ n tōo, ñ wá ye giè, ké ilis téwázio yái. <sup>50</sup> Ò Yesu òè: Asu gièo, asa gbé pó i íbeléséánoóá bāakpreee.

<sup>51</sup> Ké Yesu félē taa luabé gōo kà kái, à mipè Yelusaléūwa. <sup>52</sup> Ò à gbéō gbàe aa døaae. Aa gè gè Samali bùsu zéewiae guu sçukéiè. <sup>53</sup> Ò wélepideo i àa dileo, ké à mipè Yelusaléūwa yái. <sup>54</sup> Ké àa īwaeo Zaaki ñ Zāao è màa, aa mè: Dii, ñ ye wà o té bō luabé à mo kúmá yà? <sup>55</sup> Ò Yesu lili à gïnè. <sup>56</sup> Ò aale gé wéle pâleu.

<sup>57</sup> Ké aa be zéu, gbēe mo ò Yesue: Gu pó ríle géu pii, máo tenzié. <sup>58</sup> Yesu òè: Gbēgbona ñ tòo vñ, bāo ñ sakpe vñ. Gbēnazin Né sō a īampakii vñ. <sup>59</sup> Yesu ò gbépâlee: Mo temazi. Ò gbépi mè: Dii, to e ma de'ia kpagui gïa. <sup>60</sup> Yesu òè: Tó geo ñ geo vñ. Mpi sō ge kpala pó bò Lua kíi yá waasoke. <sup>61</sup> Gbēpâle ò lò: Máo tenzi Dii, áma to mà gé lezai ma bedeo wa gïa. <sup>62</sup> Yesu òè: Gbé pó soona na a ɔzì mé àlé a kpé gwa, ade i kɔsi ñ kpala pó bò Lua kíi ooo.

## 10

### *Gbēōn bāaōkwi ñ plao zìa*

(Mat 11.20-27, 13.16-17)

<sup>1</sup> Bee gbea Dii gbēōn bāaōkwi ñ plao pâleo dílē, ñ à ñ zí gbēōn plapla aaø døaae wéle guu ñ gu pó á ye géu pii. <sup>2</sup> A ònē: Pøkekeea zōo, a kékéna ñ bílao. A wabiké Budewa aà zíkéna ñ gbae pøkekei. <sup>3</sup> A dazeu. Málé á zí sāo û áwalewana ñ guueao! <sup>4</sup> Asu mo kpe seo ge babalaboo ge kyaleo. Asu ze zéu à fɔkpa gbéewao. <sup>5</sup> Ua pó a géu pii, à o gïa Lua uapi gba aafia. <sup>6</sup> Tó aafiade ku we, à fɔ aafiade a gɔè. Tó a ku we sōo, a ea suwáe. <sup>7</sup> Aò ku uapiu, à pó pó wa kpàwá ble ge pømia, asa zíkéna kà à a asea ee. Asu ào sɔkíikpakpao. <sup>8</sup> Wéle pó a géu mé wà á dílē, à pó pó wà mòoé ble. <sup>9</sup> A wélepí gyæeo gbágbá, i o gbéōne kpala pó bò Lua kíi kànino kái. <sup>10</sup> Tó a gë wéleu mé wñ á dileo sō, à bøle gäaæ, i me: <sup>11</sup> Baa á wéle luutë pó kpà wá gbáwa, wá kɔoleowáe.\* Aò dōo sáasá ké

kpala pó bò Lua kíi kà kai. <sup>12</sup> Málé oé, yákpalekègoozí ía pó Lua a da Sodooideowá a ka wélepideo pówao.†

<sup>13</sup> Waiyoo Kélazénide! Waiyoo Besaidade! Dabudabu pó má kè á wéle guu, tó má kè Tii ní Sidoo yää, dò wélepideo zwànkasaò kákárila, aa zòlè tufua à gègë nòselilea seela Ú.

<sup>14</sup> Yákpalekègoozí á iadama aò de Tiide ní Sidoo póa.‡

<sup>15</sup> Kapenauude sõ, á gbä zö luawa yà? Wa ozzázie e bedau.§

<sup>16</sup> Ḍ Yesu ò a iwapione: Gbé pó á yämà, ade ma yämàe. Gbé pó glázi, ade gímazie. Gbé pó gímazi sõ, ade gí gbé pó ma zízíe.\*

<sup>17</sup> Gbén báa ñkwi ní plaopio gè, õ aa èa sù ní pónao aa mè: Dii, baa tää misiilewéen tó yái. <sup>18</sup> Yesu òné: Málé gugwa, ma Setau è à báe luabe lán loupileawá. <sup>19</sup> Ma iko kpàwá à tää'o mlé ní sói ñ á ibee gbää píiowa, pœ a fô à á ke'iao.† <sup>20</sup> N beeo ásu pónake ní mi pó tää i siileéoo. A pónake á tó pó kú taalau luabé yái.

<sup>21</sup> Zibeezí Lua Nisína Yesu pö këna maamáa à mè: Baa, zílè ní musuo Dii, lá n yá bee ùlé yádoo naone ní ɔnɔnao, mé n bò ladoo nsaiñe, ma n sáaukè. Ao, Baa, bee kàngu màa. <sup>22</sup> Ma Mae pópii nàmee ma ozíe. Gbée Lua Né dö, mé i ke Mae Lua báasio, mé gbée Mae Lua dö, mé i ke aà Né ní gbé pó Népi yei aà ɔlonéo báasio.

<sup>23</sup> Ḍ Yesu aedò a iwaowá a òné níté: Bápáadeon á û yá pó ále e ní wéo yái. <sup>24</sup> Málé oé, anabi ñ kíao ku yää dasi, aa ye yá pó ále eo e, aai eo. Aa ye yá pó ále maø ma, aai maø.

### Samali gbémaa

<sup>25</sup> Ikoyádoo nae mé fèle lé likpalé Yesuwa à mè: Metulu, kpelewa má ke mà àizána ei? <sup>26</sup> Yesu òè: Kpelewa a ku Moizi ikoyá guui? Ni a kyoke ní ma kpelewa ni? <sup>27</sup> Gbépi wèwà à mè: Nyö ye Dii n Luazi ní nòsemendoo teasisai n gbää pua léu, n sõ iø kuwà,‡ ní ye n gbédeezi lán nzia wéniwa.§ <sup>28</sup> Yesu òè: N wè maae. Nyö ke màa, nyö ku.¶ <sup>29</sup> Ḍ gbépi ye yänakpa aziawá, õ à Yesu là à mè: Démé ma gbédee úi?

<sup>30</sup> Ḍ Yesu òè: Gbée mé bò Yelusalé ù ále gé Yeliko, õ kpáiweliweo kpàa ñaàno. Aa aà póo sìwà, aa aà gbé dúudu e à kà gaa. Ḍ aa aà tò we, aa gèzea. <sup>31</sup> A mò lè sa'onae zé doüpi sè. Ké à aà è, õ à dàaàzi. <sup>32</sup> Maae lò ké Levii buie kà gupiu, à aà è, õ à dàaàzi. <sup>33</sup> Samali bùsu gbée be zépiu. Ké à mò aà è, õ à kèè wénaú. <sup>34</sup> A sòaàzi, à esé mà aà gu pó kè'laowá ní nísio ní vëeo, à pó yèyewà. Ḍ à aà se dí a zàa ña kpe, à gèa ña niboo pilakki. Ḍ à aà gwà

† **10:12** Daa 19.24-28    ‡ **10:14** Isa 23.1-18, Yoë 4.1-4    § **10:15** Isa 14.13-15

\* **10:16** Luk 9.48    † **10:19** Soù 91.13    ‡ **10:27** Iko 6.5    § **10:27** Lev 19.18

\* **10:28** Lev 18.5

we. <sup>35</sup> Ké gu dò, ጀ à ánuṣu ḥwatē bò mèn pla a kpà pilakìidewa à mè: N aà gwamee. Tó n ea n ጀablè dè beeaa aà yá musu, má a flabone, tó ma su.

<sup>36</sup> Tò, gbèn àaጀpi guu, an déme gbèkèkè gbè pò kpáiò kpàaūaànòpi? <sup>37</sup> A wèwà à mè: Gbè pò wènadòò. Ḫ Yesu òè: Ge ñ ke màa sò.

### *Yesu kua Maata n Maliamao be*

<sup>38</sup> Gò pò aa be zéu, aa kà wéleu, ጀ nòe pò wí mè Maata Yesu dílè. <sup>39</sup> A dāuna vî, wí mè Maliamama, à zòlè Dii gbázî, àlè aà yâma. <sup>40</sup> Kina zì dà Maatala, ጀ à mò Yesu kîi à mè: Dii, ké ma dāuna ma to zípie mado, i kene yâe ጀo lé? Oè aà dòmale. <sup>41</sup> Ḫ Dii wèwà à mè: Maata, Maata, nle yâe kâake, nle lada nzâawa n yâo dasi. <sup>42</sup> A mèndo mè zevî. Maliamama baa maa sè mè wa siwào.

## 11

### *Wabikea*

(Mat 6.9-15, 7.7-11)

<sup>1</sup> Ziewa Yesu lé wabike guei. Ké a làa, aà iwaé òè: Dii, wabikea dawëe lá Zâa dà a iwaonewa. <sup>2</sup> Ḫ a òné: Tó álè wabike, àli mè:

Baa, to wà dò ké n kua adoa.

To kpala pò bò n kîi bò gupuau.

<sup>3</sup> Wá gba ú pò wâo ble lá gu lé dò.

<sup>4</sup> Wá duuna kéwá,  
asa wi gbè pò tâaekèwëe kë píie.  
Nsu to wà fu yâawao.

<sup>5</sup> Ḫ a òné: Gbëe mè gbëna vî, ጀ à gè aà kîi weedo a òè: Ma mò n kîie, pëe sëamee mèn àaጀ. <sup>6</sup> Nibœ pîlaa tiae, má pœ vî mà kpawào. <sup>7</sup> Ḫ aà gbënapi wèwà za kpea à mè: Nsu iadaao, ma zetâ kò. Ma ta kpéu n ma néo, má fô fele mà kpamao. <sup>8</sup> Mâlé oé, baa tó i fele kpàwà gbënaké yâio, a fele pò pò a yei kpawà ké a zëazi yâi. <sup>9</sup> Mapi sò mâlé oé, à wabike, Lua i kpawá. A weele, i e. A gbale, Lua i wëe. <sup>10</sup> Asa gbè pò wabikè, wí aà gbae, gbè pò pò wëele i ee, mè gbè pò gbalè, wa wëe. <sup>11</sup> A gbè pò á néo vî, tó á né kpo wabikèwá, à déme a píligona kpawâi? <sup>12</sup> Ge tó à kogbe wabikèwá, à déme a sói kpawâi? <sup>13</sup> Baa n á vâikeo, lá á poma a kpaa á néo wa dò, á Mae pò kú musu a a Nisïna kpa gbè pò a wabikèwawao lé?

### *Tâagoa*

(Mat 12.22-30,43-45, Maa 3.20-27)

<sup>14</sup> Yesu lé tâa swâdo go gbéwa. Ké à tâapi gò, swâdopi nà yâ'oawa, ጀ yâpi bò bíla sae. <sup>15</sup> Ḫ an gbëe mè: I tâagoné n tâa kí

Beezebu tóoe. <sup>16</sup> Ⓛ gbēpālēo lé likpalewà, aa gbèawa àa seelae kéné ní Lua gbāao. <sup>17</sup> Lá Yesu ní làasoo dō, ñ a ònē: Kpala pó a gbéo íbelésè ní kōo a mide. Ua pó a gbéo íbelésè ní kōo a gō bezl ùe. <sup>18</sup> Tó Setāu íbelésè ní a gbéo, kpelewa àa kpala aó zeai? Má ò màa ké i me mi tāagoné ní Beezebu tóo yáie. <sup>19</sup> Tó Beezebu tó mi tāagoò, á gbéo i go ní dé tóo ni? Beewa ázla gbéo yá'likpawá. <sup>20</sup> Lá ma tāagoamaá Lua ḡbeε, ào dō ké kíia pó Lua kpà kpalau á kíi lèn we. <sup>21</sup> Tó gōsa gbāa gōkebōo kūa, àle a ua dōaò, àa àizeeò ìo aafiae. <sup>22</sup> Ama tó gbé pó a gbāa deaàla mò gè à aà gbè, a àa gōkebō pó a a náai vñ sélé, i aà àizeeò biilené. <sup>23</sup> Gbé pó de ma gbé ùo, ma ibeeε. Gbé pó lí pó kāamano, àle fāaaε.

<sup>24</sup> Tó wà tāa gò gbéε, ìo liaaliaa gugiiu ào gbé weele à dièe. Tó i eo, i me: Má ea ta ma sō ziwaε. <sup>25</sup> Tó à tā we, i e a be ado, à zu'ò, à azla kéké wásawasa, <sup>26</sup> ì ea ge tāa pó an vāi dəalao sélé suñno mèn sopla, aa diè. Beewa gbépi gwea gbezā vāi i de a káaua.

<sup>27</sup> Ké Yesu lé o màa, wà nœe mà, à pùna zā guu à mè: Bápadden nœ pó n i à yó kpàma ù. <sup>28</sup> Ⓛ Yesu mè: Bápadden gbé pó aa Lua yāmà aa kūa ù de beea.

### *Seela gbeaa Yesuwa (Mat 6.22-23, 12.38-42)*

<sup>29</sup> Gbéo nònøaa, ì Yesu mè: Gbägbéo vāi. Aa seela gbeaa, áma má seelae kénéo, sema Yonasi pó. <sup>30</sup> Lá Yonasi de seela ù Ninivadeøne,\* màa Gbénazin Né aó de seela ù gbägbéøne. <sup>31</sup> Yákpalekëgçozì gëomidoñli oi nœ kíia a fele yāda gbägbéølae, asa à bò za töole léwa à mò Salomoo ñnyá maiε,† mé gbé pó a zöø de Salomoo ku la. <sup>32</sup> Yákpalekëgçozì Ninivadeø felε yāda gbägbéølae, asa ké Ninivadeø Yonasi waaso mà, aa nòsølløε,‡ mé gbé pó a zöø de Yonasia ku la.

<sup>33</sup> Wili filia na wà dilø gusøonauo ge wà pëna kúlewào. Wì di bábanawae, ké gbé pó aale gëo gupua e. § <sup>34</sup> N wé mé n me filia ù. Tó n wé kú gudoñ, n mè píi aó gupua vñε. Tó n wé kú plapla sõ, n mè píi aó gusia vñε. <sup>35</sup> Ayämëto laaika ké gupua pó níle e n vñ su ào de gusia ùo. <sup>36</sup> Tó n mè píi gupua vñ mé a kee ku gusiauo, aó gupu wásawasa ländø filia i dømawae.

### *Zøadøa Møizi ikoyadanødeø ní Falisiøwa (Mat 23.1-36, Maa 12.38-40, Luk 20.45-47)*

<sup>37</sup> Ké Yesu yá'ò a lâa, ì Falisie wabikèwà aà mò pøbleanø, ì à gè zöøle. <sup>38</sup> Ké Falisipi è i opipi lá aaí kewa à ghàsa lé pøbleo, à bò aà sae. <sup>39</sup> Ⓛ Dii òè: A Falisip i gbäbø bisao kpeø n tao, kási bii n

\* 11:30 Yon 3.4    † 11:31 1Kia 10.1-10    ‡ 11:32 Yon 3.5    § 11:33 Luk 8.16

yāvālkəao mé á nòse pà. <sup>40</sup> Soū! Lua pó a kpe kè i a guu keo lé?  
 41 A pó pó kú á taø guu dā wēnadeøne, á tapiø i gžé gbâlesai.

42 Waiyoo á Falisiø! I toeø dosina ní kpeaanao ní dopøo píi kwide kpa Luawa, \* 5 i pákpa yágōgōa a zéwai ní yea Luapizio. Yá beeø mé de àø kúa pákpa a kiniøzi sai. <sup>43</sup> Waiyoo á Falisiø! Iø ye zöleø gumaaøu lousisikpeu, iø ye wàø fôkpakpawá gääe. <sup>44</sup> Waiyoo ápiø! A de lán mia kpeøna pó wíø tåa'owà dôsaiwae.

45 O ikoyâdñnae òè: Metulu, tó ní ò màa, níle wá sôsô sôø. 46 Yesu mè: Waiyoo á ikoyâdñnaø sôø! I gbéø da asosea zl'üu, mé ili òdamá ní a seaoø, baa òton do. Waiyoo ápiø! <sup>47</sup> I pó bo ãnabi pó á deziø ní dèdeø miaøwa dñngu yái. <sup>48</sup> Bee lé ølo gbéøne kë a ze ní á deziø yâkæaoø. Aa ãnabiø dèdeø, 5 ále pó bo ní miaøwa. <sup>49</sup> Ayâmeto Lua ñno guu à mè á ãnabiø ní zînaø gbaewá, í ní gbéø dèdeø, í lada ní gbéøwa. <sup>50</sup> Lua a ãnabi pó wà ní dède za dûnia daalegøø e gbâø au tøsi gbägbéøpiøwa. <sup>51</sup> Ao, málë oé, za Abeli dea† e à gë pè Zakali pó wa dè sa'okli ní Lua kpéo zânguowa,‡ Lua a ní au tøsi gbägbéøwaø. <sup>52</sup> Waiyoo á ikoyâdñnaø! A dña zé kili wò. I gëuo, mé a gi gbé pó aa ye gëuøne. <sup>53</sup> Ké Yesu bò we, Mɔizi ikoyâdanødeø ní Falisiø aà lè pâsipâsø, aale yá dasi lalawà, <sup>54</sup> aale aà kpakpa kë aa e wà aà kû yá pó ále o guue.

## 12

*Zea ní Yesuo gbéø aε  
(Mat 10.19-33)*

1 Gøø bee bíla nònøaaaàzi, wa ní lé døø, e aale kësøpeløpeløka, 5 à yâ'ò a iwaøne già à mè: A laaika Falisiø mɔafilii, i liñla lán pëse'eøewae. <sup>2</sup> Yá pó uløa a bø gupuau píi. Asiiyæ ku kë wa gí dñio.\* <sup>3</sup> Beewa yá pó á ò gusiau, wa ma gupuau, mé asiiyä pó á ò kñ swáu lâasiu, wa a kpâwakë gääe.

4 Ma gbënaø, málë oé, gbé pó a á de mé a gbea a fñ yæe këé lbo, ásu vïlakeøø. <sup>5</sup> Má gbé pó de à vïlakeè oé. A vïlake Lua pó gbé zua té guu aà ga gbea iko vïle. Ao, málë oé, à vïlake aâpiø. <sup>6</sup> Wili gólegolena mèn sôø yía daa plao lé? Kási baa a mèndo yá lí sá Luaguo. <sup>7</sup> Baa á mikâø, a a lè døø. Asu vïlakeøø, á de gólegolen dasiøla.

8 Málë oé, gbé pó zèmanø gbéø aε, Gbënazin Né a zeaàøø Lua malaikaø aε. <sup>9</sup> Gbé pó lelekpàmazi gbéø aε sôø, má lelekpaøaàzi Lua malaikaø aε. <sup>10</sup> Tó gbé Gbënazin Né bëøbò, Lua a aà kë. Ama tó gbé Lua Nisina tøbëesø, a këa vïo. <sup>11</sup> Tó wàle géáøø yâkpaløu lousisikpeu ge kíao ní gbâadeø aε, ásu bílike bøkii

\* 11:42 Lev 27.30   † 11:51 Daa 4.8   ‡ 11:51 2Lad 24.10-21   \* 12:2 Luk 8.17

yáwao ge yá pó á o, <sup>12</sup> asa Lua Nisína mé a yá pó de à o daé zibeezi.

*Aizee  
(Mat 6.19-34)*

<sup>13</sup> Zā guu gbē ò Yesue: Mètulu, o ma v̄lie aà ma asea kpaa wá túbi guu. <sup>14</sup> O a wèwà à mè: Ma gbē, déme ma dile á yákpalékéna úi ge á yāgōgōna? <sup>15</sup> O a ò bilae: Aò ázìa kùa dō. A laaika pòpii blikéai, asa àizeeá gbénazin wēni no, baa tó a zōo.

<sup>16</sup> O à yālèeūnè à mè: Òdee mé kú, aà bua blekèè maamaa, <sup>17</sup> à làasookè à mè: Má ke kpelewa ni? Má blewékakii v̄lo. <sup>18</sup> O à mè: Lá má kén ke: Má a blewékakii gbooe, mí a zōo bobo, mí a pówéna káu píi ní ma àizee, <sup>19</sup> mí o maziae: Ma gbē, ní kùsúa v̄i zōo, a kanno wē ūma? Káma bo, poble, imi, pónake. <sup>20</sup> O Lua òè: Sōo, gwāasinae bee má n wēni gbeama. Sōu pó ní kè a gō dé pó ūe? <sup>21</sup> Màa aò de ní gbē pó lé àizee kääa aziae mé a de òde ū Luao.

<sup>22</sup> O a ò a iwaone: Ayāmeto málé oé, ásuli á wēni kääaké poblea yá musuo, ásuli á mè kääaké pokasa yá musuo. <sup>23</sup> Wēni de pobleala, me de pokasala. <sup>24</sup> A gbagbaao gwa. Aali pótōo, aali pokékeo, aa dō ge gbà zōolo v̄lo, mé Lua i ní gwa. A de bāla zōo lé? <sup>25</sup> A guu déme a fō à a wēni gbàa káfl, baa gō do, a yákäakea guui? <sup>26</sup> Lá á yá yɔɔnapi fōo, bóyái ále yá klini kääakei? <sup>27</sup> A lá vudeo gwa sēu lá aa de. Aali zikéo, aali bua tāo. Málé oé baa Salomōo ní a òdekeo, <sup>†</sup>i ula e dà a maa kà an keewao. <sup>28</sup> Luanaafénendes! Sēa lá pó kú gbā mé a tékū zia, lá Lua i pó nai màa, wa á pó o lœ? <sup>29</sup> Asu to pó pó á ble ge pó pó á mi yá dōaaéo. Asu bílikeo. <sup>30</sup> Pópi píi yá i dōaa dúnia gbēnè, áma á Mae dō ké á ye pópi. <sup>31</sup> A to kpala pó bò aà kíi yá dōaaé, i pópi kaaé. <sup>32</sup> Ma kpàsa néna gbē, ásu v̄lakéo, asa à kà á Maegu ké à á kpá kpalapiu. <sup>33</sup> A pó pó á v̄lo yía, i wēnadeo gba a ña. A mokpe pó lí zikoo zōo, luabe àizee pó lí láao kákii ū. Kpái a s̄i weo, kòo a pó zōokpa weo. <sup>34</sup> Gu pó á àizee kúu, wekii õ á laai ió kuu.

*Zikén náaide laaide  
(Mat 24.45-51)*

<sup>35</sup> Aò ku sōu guu, à tó á filia ào naa, <sup>36</sup> iò de lán gbē pó aale ní dii sua ní nōsepónakeao dāwa, ké gōo pó à kà mé à gbalè, aa e zewéè gōo. <sup>37</sup> Bāaadeon zikéna pó an dii a ní lé bēe a sugōpi. Siana málé oé, diipi a a pōo keke ye, i ní zōle, i poblea kääané. <sup>38</sup> Baa tó à kà wēedo ge gufénè, tó à ní lé màa, bāaadeon ní ū. <sup>39</sup> Aò yáe bee dō. Tó uabele kpái mógo dō, a wei aà a kpé gbooo. <sup>40</sup> Apio sō ào kú ní sōuo, asa Gbénazin Né a mo gōo pó á wé dōiwao.

<sup>†</sup> 12:27 1Kia 10.4-7

<sup>41</sup> Piεε mè: Dii, wá yái n yápi lèeūia, ge gbépiiε? <sup>42</sup> Dii mè: Dén ziia náaide laaide pó aà dii a a zíkēnao naè a ɔzi aàli blé kpámá a gōwa ūi? <sup>43</sup> Báaaden zíkēna pó aà dii aà lè, àlé ke màa a sugō ū. <sup>44</sup> Siana málε oé, a a àízeε píi naè a ɔzle. <sup>45</sup> Tó zíkēnapi ò a sôu a dii sua lé gégé sô, i fele na zoncε ge gôeø gbégbéawa, iø ulatâble, iø wéde ke, <sup>46</sup> aà dii a su gô pó aà wé djiowae, zaa pó a dôowa, i aà zôezôe, i aà baa daaa n luayâdansaiø. <sup>47</sup> Zíkēna pó a dii pœa dô mé i souke à aà pœa këo, wa aà gbé dûuduue. <sup>48</sup> Zíkēna pó a dii pœa dôø, mé à yá pó de wá aà gbé kë sô, wa aà gbé yôe. Gbé pó Lua aà gbà zôø ñ Lua a weelewà zôø. Gbé pó Lua pó nàe a ɔzi zôø, a gbeawà deňla.

### Kôkpaalea Yesu yái

(Mat 5.25-26, 10.34-36, 16.2-3)

<sup>49</sup> Té ma mò sôi dûniawa, mé málε wá maamaa ké tépi kú sa. <sup>50</sup> Má ga vî mà siu. Má kú làasoo guu e à ge keð. <sup>51</sup> Àlé e ma mò ké gbéø aao na n kô dûniau yà? Aawo! Málε oé, kôkpaalea yái ma mòi. <sup>52</sup> Za tia ua pó gbéøn sôo kuu aa kôkpaalee. Gbéøn àaøø bô gbéøn plao kpe, gbéøn plao bô gbéøn àaøø kpe. <sup>53</sup> Mae a bô a negôø kpe, negôø i bô a mae kpe. Da a bô a nenoø kpe, nenoø i bô a da kpe. Zá da a bô nozæø kpe, nozæø i bô a zâda kpe.‡

<sup>54</sup> Yesu èa ò bílae: Tó á è lou lé sisi gukpe, i o gôø lou a ma, ñ i ke màa. <sup>55</sup> Tó á è íana lé bô geomidøkli oi, i o gu a wá, ñ i wá. <sup>56</sup> Møafilideø! A tøle n luabeo wé dô, mé á gôø bee yáasi dô sôø bø?

<sup>57</sup> Bóyái á yâkkekæ a zéwa dô áziao ni? <sup>58</sup> Tó n ibee lé genno yâkpaleeu, kôaikæ aà n kë za zéu, ké asu n gâlé genno yâkpalekena kíio yái. Asa yâkpalekenapi a n kpa døaiwae, døaipi i n dakpeu. <sup>59</sup> Málε onø, nýø bô weo e n ge n flapi bo píi. Baa tânga a gô tenzio.

## 13

### Nòselilea

<sup>1</sup> Gôø bee gbéø mò Galile gbé pó Pilati n deðe à n au yâale n n sa'obo auoø yá sîu Yesue. <sup>2</sup> Ó Yesu òné: Ké Galile gbépiø gaa kë màa, àlé e an duuna de Galile gbé kíniøla yà? <sup>3</sup> Aawo! Málε oé, tó i nòselileø, ápii á kaale láñwae. <sup>4</sup> Gbéøn bao plasai pó Siloe kalanga kwèmá aa gâgao sô, àlé e an tâae de gbé kíni pó kú Yelusaléøla yà? <sup>5</sup> Aawo! Málε oé, tó i nòselileø, ápii á kaale láñwae.

<sup>6</sup> Ó à yâe bee lèeùnè à mè: Gbée mé kaadøenli bà a swaluu, ñ à gè a né weelei, i eo. <sup>7</sup> Ó a ò a zíkênae: Gwa, a wé àaøø la, ké mi mò né weelei kaadøenapiwa, mili eo. Zôø. Wá tó à gusi pâ yà?

<sup>8</sup> Ḍ zíkənapi òè: Mae, to we wēa lɔ. Má gubi mà liaiε, mí zùgbɔ̄ kau. <sup>9</sup> A gí ne'ii ziia? Tó i i sao, mí zɔ̄.

### Nœe kaaña gbágbaa

<sup>10</sup> Kámabogɔ̄ce zí Yesu lé yādané lousisikpεu. <sup>11</sup> Nœe ku we, tāa aà kɔ̄okù à kàaàñō wè bao plasai. Iɔ kooae, ʃlì fɔ̄ pòo baa yɔ̄o. <sup>12</sup> Ké Yesu aà è, ɔ̄ à aà sisi à mè: Nœe, n kɔ̄oke gòma. <sup>13</sup> Ḍ à ɔnàwà. Wegɔ̄ à pòo, ɔ̄ à Lua sáaukpà.

<sup>14</sup> Ḍ lousisikpε gbɛzɔ̄ pɔ̄ pà, ké Yesu aà gbàgbā kámabogɔ̄zì yái, ɔ̄ à fèle ò bílae: Gɔ̄ soolo mé kú ké wí zíkeu.\* Ali mó wà á gbàgbā gɔ̄ beeɔwa, kámabogɔ̄zì bàasi. <sup>15</sup> Ḍ Dii a zāsíwà à mè: Mɔafilide! Kámabogɔ̄zì á baade lí a zu ge zàa'īna polo a dɔ̄kli à gè í kpàwào lé? <sup>16</sup> Ablahaū bui nœe bee sɔ̄, Setāu aà yè wè bao plasaiε. Aà bapi poloawà kámabogɔ̄zì zé vio lé? <sup>17</sup> Ké a ò maa, ɔ̄ wí aà ibeeɔ kù píi, ɔ̄ bíla pɔ̄ këna dabudabu pó àle keɔwa píi.

### Yaleeūa ní kpala pɔ̄ bò Lua kílio

(Mat 7.13-14, 21-23, 13.31-33, Maa 4.30-32)

<sup>18</sup> Ḍ Yesu mè: Kpala pɔ̄ bò Lua kíli bò bówà ni? Bó má leeuði?

<sup>19</sup> Doe ku a wéna bò lán ɛfɔ̄ wénawa, ɔ̄ gbée se tɔ̄ a kaau. Ké à bòle à kè lí ū, ɔ̄ bāo mò pèpe a gɔ̄naɔwa.

<sup>20</sup> Ḍ a ò lɔ: Bó má kpala pɔ̄ bò Lua kíli leeuði? <sup>21</sup> A bò pësse'ëse pò nœe se kà pëeti zaa le àaɔ̄ guu a lìa píiwaε.

<sup>22</sup> Gɔ̄ pò Yesu lé gé Yelusaleū, àle pà mëewiaɔ ní zɔ̄ewiaɔla, àle yādané, <sup>23</sup> ɔ̄ gbée aà là à mè: Mae, asi àizāna'enaɔ dasioa? Ḍ Yesu ò bílae: <sup>24</sup> A àiaké à gè zéle tuuuna guu. Málε oé, gbé dasideɔ weele gëu, kási aa eo. <sup>25</sup> Tó uabele fèle zetà a làa, tó a gɔ̄ bàasi, mé àle gbale, àle me: Mae, gbawëwëe, a oé à á dɔ̄ gueio. <sup>26</sup> Bee gbea tó á òè à pòblè à imiánɔ, mé à yādàné á be gääe, <sup>27</sup> a oé á á dɔ̄ gueio. A goala ápii vãikenaɔ.†

<sup>28</sup> Tó a Ablahaū ní Izaakio ní Yakɔbuo ní ãnabiɔ è píi kpala pɔ̄ bò Lua kíli guu, mé wà á zú bàasi, we á ɔɔlbu à ɔdi á musu.

<sup>29</sup> Gbé bɔ̄ gukpε ní be'aeo ní gugbántooo ní geɔmidɔkliɔ, aa mɔbleblei kpala pɔ̄ bò Lua kíli guu. <sup>30</sup> Gbé kpεeɔ gɔ̄ dɔaaa mé gbé pò dàaa gɔ̄ kpεe.

### Yesu ɔɔla Yelusaleūdeɔ yá musu

(Mat 23.37-39)

<sup>31</sup> Gɔ̄ bee gɔ̄ Falisieɔ mò Yesu kíli aa òè: Fele go lakli, asa Elodi ye n deε. <sup>32</sup> Ḍ a ònè: A ge o kífènenapié málε tåagoné, málε gyäeɔ gbàgbā gbā ní ziao, a gɔ̄ àaɔ̄de zí má a zí midε. <sup>33</sup> N beeø sema mà gé ae gbā ní ziao ní zia bàasio, asa i kù ãnabi ga gueio,

\* 13:14 Bɔa 20.9-10 † 13:27 Sou 6.9

sema Yelusaleū. <sup>34</sup> Yelusaleūde, Yelusaleūde, i ãnabiō dēde, i gbé pó Lua ní zíwáo pápa ní gbe à ní dēde. Miō ye mà á kāamazi mòmò, lá ko ī gásia kú a néolawae, kási ili weio. <sup>35</sup> Lua a á kpé tóee sa. Málē oé, á ma e lōo e à omee, báaade gbé pó lé mó ní Dii tóo.‡

## 14

### *Yesu kua Falisie be*

<sup>1</sup> Kámabogooe zí Yesu gè poblei Falisiō gbezō be, ɔ gbé pó aa ku weo lé aà kpakpa. <sup>2</sup> Kákagyákene ku Yesu ae we. <sup>3</sup> O Yesu yásè a ò ikoyadōnaone ní Falisiō: Gbègbagbā kámabogoozi zevia ge a zevio? <sup>4</sup> O aa níle kílikili. O Yesu gyáepi kù à aà gbàgbā à aà gbàe. <sup>5</sup> O a òne: A dé né ge aà zu, tó à zu lòou kámabogoozi, a aà bo gòo ni? <sup>6</sup> Aai fó yázásiwào.

<sup>7</sup> Yesu è lá gbé pó wà ní sisio lé zólekii maaó kükü, ɔ à yálèeüné à mè: <sup>8</sup> Tó wà n sisi nɔsəponablewa, nísu zóle zólekii maauo. Tó wà gbé pó a gbia denla sisi be! <sup>9</sup> Tó á sisina mo òne: Fele zólekii kpá deewa, nyō fele gé zólekii kpεeu ní wíoe. <sup>10</sup> Tó wà n sisi, níli zólekii kpεe kú, ké tó n sisina mó, a one: Ma gbéna, mo ae la. Bee a n ke gbia gbé pó á sānuone.\* <sup>11</sup> Gbé pó i azia káfi, Lua a aà busae, mé gbé pó i azia busa, Lua a aà káfi.

<sup>12</sup> O Yesu ò a sisinapi: Tó níle gbé sisi ble fáane bleawa ge a oosi pó, nísu n n gbénao sisio ge n vlii ní n dāuna ge n daeo ge n ñde dee. Tó ní kë màa, aa ea n sisiwà sɔe, aai flabone. <sup>13</sup> Tó níle gbé sisi pobleawa, taasidee sisi ní gbékaaua ní ee n vla, <sup>14</sup> nyō gō báaade ü, asa aa pøe vñ aa già flaboneo. Lua mé a flabone gbémaao vugoo.

### *Ponableblea (Mat 22.1-14)*

<sup>15</sup> Ké gbé pó aa sānu do yápi mà, ɔ a ò Yesue: Báaden gbé pó a pøble kpala pó bò Lua kíi guu ü. <sup>16</sup> Yesu òe: Gbè mé ye ponableke, ɔ à gbéo gbèa dasidasi. <sup>17</sup> Bleblezi ɔ à a zíkena zì oi gbé pó à ní gbeaone aa mó, wa làa sa. <sup>18</sup> Gbé séia òe: Ma bú lùe, sema mà gé gwai. N yá na, ma awakpàe. <sup>19</sup> Gbèpále mè: Ma zu lù soon sɔo, mà gé wesiei. N yá na, ma awakpàe. <sup>20</sup> Gbèpále mè: Ma nɔsè dafue. Ayāmeto má e mó. <sup>21</sup> O zíkenapi èa tà à ní legbe dàu a sìu a dii. O uabelepi pø pà a ò a zíkenae: Gé wéle guu kpakpa gáaen ní zeao, ní taasidee ní gbékaaua ní vla ní ee naaa suínó la. <sup>22</sup> Bee gbea zíkenapi mo òe: Dii, ma yá pó ní ò kë, mé zólekii gi ku. <sup>23</sup> O diipi ò zíkenapi: Gé zéo guu ní zéwewena píi,

‡ 13:35 Sou 118.26 \* 14:10 Yaa 25.6-7

gāna gbéwa aa gē, ma ua e pa. <sup>24</sup>Málē oé, gbé pó ma ní gbeapi kee a e lezō ma blepiwao.

### *Gōa Yesu īwa u (Mat 10.37-38)*

<sup>25</sup>Wa be zéu ní Yesuo dasidasi, ñ à lili ònē: <sup>26</sup>Tó gbé mò ma kíi mé a ye a de ní a dao ní a nao ní a néo ní a vñiō ní a dāuna, baa aziapizi demala, a fñ ke ma īwa ūo. <sup>27</sup>Gbé pó aø a lipāakōa sea àø teomazio, a fñ ke ma īwa ūo.<sup>†</sup> <sup>28</sup>Tó á gbēe ye kalanga dø, a zñlē gla à a ña dødø à gwa, tó a fñ zípi ke láa ya? <sup>29</sup>Tó i ke màao, tó à è kpàle mé i fñ à a mñdeø, gbé pó aà è píi a aà láaniké <sup>30</sup>a me: Gbēe bee kpé dàale, i fñ a mñdeø. <sup>31</sup>Ge tó kíia ye gé zíkai ní kíia pâleo, a zñlē gla à a wàaipa à gwa, tó a sosa gâli kwíø fñ kuàkpa sosa gâli bao pó lé mówáowao lé? <sup>32</sup>Tó a è á fñø, a zínaø zí lledoúke yagbéaiwà zadø i ka káioe. <sup>33</sup>Màae lø, tó á gbēe i ñzø pó pó á vñzi píio, a fñ gñ ma īwa ūo.

<sup>34</sup>Wisiá pó nae, áma tó a í na tà, kpelewa wa ke à nakü lbi?  
<sup>35</sup>A maa tóoleeo ge zùgbókolékíio, wí kólëe. Gbé pó nòse vñ aà yápi ma.

## 15

### *Pó pó vñaaø (Mat 18.12-14)*

<sup>1</sup>Osinaø ní duunkenaø lé sñ Yesuzi aà yâmai mípii. <sup>2</sup>O Falisiø ní Moizi ikoyádanedeø lé yákütëka aa mè: Gbēe bee i duunkenaø si aa pøble sânuø.\* <sup>3</sup>O Yesu yâæ bee lèeüné à mè: <sup>4</sup>Tó á gbēe sâ vñ mèn basøo mé ado vñaa, ili a basøo mèndosai tó sëu à pèle a pó pó vñaaapizi e à ge bøwào lé? <sup>5</sup>Tó à bøwà, i se da a gâu ní pønaoe, <sup>6</sup>i taø be, i a gbënaø ní a fâanideø sisi, i oné: A pønakemano. Ma a sâ pó sâsâpi è. <sup>7</sup>Màae lø málē oé, wa pønakë luabe duunkena mèndo pó a nòselîle yá musu de gbëmaa gbëon basøo mèndosai pó an bàa kú ní nòselileaoocla.

<sup>8</sup>Nœ pó áñusu ñwatë vñ mèn kwi sñ be, tó a mèndo vñaa, a filiana, i kpewaa, i weele busébusé e à ge bøwào lé? <sup>9</sup>Tó à bøwà, a a gbënaø ní a fâanideø sisi, i oné: A pønakemano. Ma a áñusu ñwatë pó vñaaapi è. <sup>10</sup>Málē oé, Lua malaikao i pønakë duunkena mèndo pó nòselîle yá musu màa lœ.

### *Né pó sâsâ*

<sup>11</sup>Yesu ò lœ: Gbēe mé kú a negõeø vñ gbëon pla. <sup>12</sup>O Se ò a maeë: Baa, ma asea pó máø vñ túbi guu kpaa. O maepi a àizëe kpaalènë. <sup>13</sup>I ke gçoplao, ñ Se a pó nàaa píi à tà bùsu pâleu

<sup>†</sup> **14:27** Luk 9.23 \* **15:2** Luk 5.29-30

zàzà. We à a àizee kpàlèu lalasikea guu. <sup>14</sup> Ké à a pò dè píi, ñ noan zòo kà bùsupiu, õ à gò ní pò wènakeao. <sup>15</sup> A gè nà bùsupi gbèezi, õ gbèpi aà gbàe a bualoú ble kpái sàwakusanaowá. <sup>16</sup> Ò ló ye libe pò sàwao lé ble mómo bëe, ãma wili pòe kpawào. <sup>17</sup> Ké aà wé kë, à mè: Ma mae zìkènaò ble vî die, õ málè ga ní noanao la. <sup>18</sup> Má fèle mà ta ma mae kíi, mí oè: Baa, ma duunakè Luaë ní mpio, <sup>19</sup> mi ka màò de n né ū lòo. Ma dile n zìkènaò do ū. <sup>20</sup> Ò à fèle lé tá a mae kíi. Ké a be kääa, aà maepi aà è, õ à këè wènaü. A bàalè gè kùsiwà à lepèwà. <sup>21</sup> Ò népi òè: Baa, ma duunakè Luaë ní mpio, mi ka màò de n né ū lòo. <sup>22</sup> Ò maepi ò a zìkènaone: A gé kpakpa, à ulada maa pò deńla se móò à daè, í tääanadaè, í kyalekpaè. <sup>23</sup> I gáaemekpaa kú à de wà so pònakea guu, <sup>24</sup> asa ma népi gà à vùe. A sàsàe, õ ma aà è. Ò aa nà pònakeawa.

<sup>25</sup> Woo kpé bua. Ké ále su, à káikù ní beo, õ à kòò gàa mà dò. <sup>26</sup> Ò à zìkènaò do sisi à aà là bòme këi. <sup>27</sup> Ò a wèwà à mè: N däuna mé sù, õ n mae gáae mekpaa dè, ké à aà è aafia yái. <sup>28</sup> Ò Woo pò pà à gí gëi ua. Ké aà mae bò awakpaiè, <sup>29</sup> õ Woopi ò a maeë: E'e, à kà wé üma málè zìkène, mi fokema ziio, mé baa blesan giana ni kpaa mà pònakeò ní ma gbènaò. <sup>30</sup> Ké n né pò à n àizee kàale káaluacnépi sù, n gáae mekpaa dèè. <sup>31</sup> Ò aà mae òè: Ma né, ní kumanò gòcipiè. Pò pò má vî píi, n pòe. <sup>32</sup> A kù wà bleble n pònaoe, asa n däunapi gà à vùe. A sàsàe, õ wà aà è.

## 16

### Aizee náaisai

<sup>1</sup> Yesu ò a iwaoné: Òdee mé kú à ziia dile a zìkènaone. Ò wà mó wà aà komalekèè wà mè ále aà àizee kpále. <sup>2</sup> Ò à aà sisi a òè: Yá pò má mà n musu de kpelewa ni? Lá níle ke n ziiake guu siumee. Nyô e nì ziia zì kemee lòo. <sup>3</sup> Ò ziiaapi ò a sô guu: Ma dii lé ma bò zìue, má ke kpelewa ni? A ke má fò sëwao, mé baakea demee wí ü. <sup>4</sup> Má dò lá má ke gbèò ma dile ní be, tó à ma bò zìu. <sup>5</sup> Ò à a dii fladeò sisi dodo, õ à gbè séia là à mè: N ma dii fla kúa üma ni? <sup>6</sup> A mè: Nísí zaa le basooe. Ò ziiaapi òè: Lá pò n këè ke. Zòlé lile blakwi kpakpa. <sup>7</sup> Ò a ò gbèpalee: Mpi sô n fla üma ni? Ò à mè: Ese sakili basooe. Ò ziiaapi òè: Lá pò n këè ke, lile basiiò. <sup>8</sup> Ò diipi ziia náaisaidepi sáaukpà wézé yá pò a kè musu. Asa dúniae bee gbèò wé zéa de gupua gbèòla kòtée yâkekéa guu.

<sup>9</sup> Mapi sô málè oé, à gbènaò wéele ní àizee náaisaiò, ké gòò pò à midewá, Lua a á dile be pò a gao guu. <sup>10</sup> Gbè pò náai vî ní a yòonaò aò náai vî ní a zòoo lòe. Gbè pò náai vî ní a yòonaoo aò náai vî ní a zòoo. <sup>11</sup> Tó i ke náai vî ní àizee náaisaoo, Lua a á náaike ní a siandoe? <sup>12</sup> Tó i ke náai vî ní gbèpale pòò, Lua a ázìa pò kpawáe? <sup>13</sup> Zìkèna lí e zòblè dii mèn plaeo, asa aò za

gbēdogue, iɔ ye adozi, ge a na gbēdowa, i saka adou. A fɔ àɔ zɔble Luae n̄ õao sānuo.

### *ɔde n̄ Lazaaο*

<sup>14</sup> Falisiɔ ye õai. Ké aa yápi mà píi, ɔ aale lesuikε Yesuwa. <sup>15</sup> Yesu ònε: I yānakpa ázìawa gbēnazinac kíiε, ãma Lua á sɔ dɔ. Yá pó gbia gbēnazinac ɔ Lua i sakau.

<sup>16</sup> Mɔizi ikoyã n̄ ãnabiɔ láku e Zāawa. Za gɔɔ bee wàlε kpala pó bò Lua kíi baokpa, ɔ baade lé ḡeu n̄ gbāao. <sup>17</sup> Luabe n̄ tɔɔleo sāalea àa dε Lua ikoyápi wènsā néna bādeala. <sup>18</sup> Gb̄é pó ḡi a nazi à n̄ pāle sè, à gbāsikèe. Gb̄é pó n̄o pó wà ḡi sè sɔ, à gbāsikèn we.

<sup>19</sup> Gɔε ɔdee ku i pɔkasa maa ɔdeɔ da, iɔ pɔnakε nama guu gɔɔpii. <sup>20</sup> Wēnade pó wí mε Lazaa iɔ wúlea àa be ḡu, bɔ flifwà. <sup>21</sup> Iɔ ble pó i lélé ɔdepi táabūnu zíe blea nide. Gb̄é mε iɔ àa bɔpiɔ sásā. <sup>22</sup> Wēnadepi gà, ɔ malaikaɔ àa sè tào Ablahaū kíi. ɔdepi gà sɔ, ɔ wà àa v̄i. <sup>23</sup> Kua iadama guu b̄edau, ké à wesè musu, ɔ à Ablahaū è kääa, Lazaa ku àa sae. <sup>24</sup> ɔ à lezù à mè: Ba Ablahaū, ma wēnagwa, n̄ Lazaa zí àa a ɔtona zɔ íwa, àa mɔ ma léna nínio mee, asa málé wāwāke tévuae bee guue. <sup>25</sup> ɔ Ablahaū mè: Ma gb̄é, to nama pó pèema n wēnigɔɔ dɔngu n̄ taasi zɔ pó Lazaa kèo. Àa n̄sé n̄ni lakii sa, mε n̄ kú wāwā guu. <sup>26</sup> Bee gbea tɔɔ'ε zòolo da wá zānguo. Tó gb̄é ye bɔ la à gé à kíi, a fɔo, mε gb̄e a fɔ bɔ we à mɔ wá kíio. <sup>27</sup> ɔ ɔdepi mè: N yá na Baa, lá māae, n̄ aà zí ma mae be, <sup>28</sup> asa ma dāunaɔ v̄i gb̄en sɔo. Àa gé ledaimá, ké aasu mɔ gu wāwādee beeuo. <sup>29</sup> ɔ Ablahaū mè: AA Mɔizi n̄ ãnabiɔ lá v̄i, aa n̄ yāma. <sup>30</sup> ɔ ɔdepi mè: Aawo, Ba Ablahaū! Tó gb̄ee bò gau à ḡe n̄ kíi, ɔ aa n̄sēlile. <sup>31</sup> ɔ Ablahaū òè: Tó aai Mɔizi n̄ ãnabiɔ yāmao, baa tó gb̄e bò gau, aa sio.

## 17

### *Luanaaikεa (Mat 18.6-7, 21-22)*

<sup>1</sup> Yesu ò a iwaɔne: Sema yá pó i to gb̄é fu àɔ ku, ãma waiyoo gb̄é pó a bɔ àa kíi. <sup>2</sup> Tó wà wísilgb̄e gb̄en dž̄e a n̄e mε wà aà zù ñsiu, bee maa n̄ adeo dε ké àa to n̄ebee do fula. <sup>3</sup> Aɔ kú n̄ laaio. Tó n̄ gb̄edo duunakè, gε n̄ aà le. Tó à n̄sēlile, sùuukεaànɔ. <sup>4</sup> Tó à duunakènε gɔɔ do ḡen sopla mε à èa òne ḡen sopla a n̄sēlile, sùuukεaànɔ. <sup>5</sup> Dii zinac òè: Wá luanaaikεa káflwèe. <sup>6</sup> Dii mè: Tó à luanaaikεa kà εfɔ wēnawa, à o lasinlie bee azia bile gé péi ñsia guu, a à yāmae.

<sup>7</sup> Tó à gb̄ee zo v̄i, àle s̄ewaè ge àle sāo dāè, tó à sù n̄ buao, àa dii a oè àa mɔ poble ḡɔ yá? <sup>8</sup> Aawo, a oè àa blekεe, àa ula lile, i mɔe n̄ pobleao n̄ imiao, aàpi i gbasa poble, i imi. <sup>9</sup> Wí zo sáaukpa ké

à yá pó wa dàè kè yái yà? <sup>10</sup> Api sō māae, tó a yá pó Lua dàé kè píi, à mè: Zōn wá ū, wá kea wá kè.

### *Kusude gbēn kwis gbágbaa*

<sup>11</sup> Yesu gea Yelusaleū a be Samali būsu zōleu ní Galileo. <sup>12</sup> Ké àle gē wéleu, ጀ gōe kusude gbēn kwis kpàauaàno. Aa ze kāaa, <sup>13</sup> aa lezùuaàzi aa mè: Mae Yesu, wá wénagwa. <sup>14</sup> Ké a è māa, ጀ a òné: A ge ázia olō sa'onaçne.\* Ké aale gē, ጀ aa gbágba. <sup>15</sup> Ké an gbēdo è a gbágba, ጀ à èa sù, àle Lua sáaukpa ní lōo gbāao. <sup>16</sup> A wùlè a gbēeu Yesu ae, à fɔkpàwà. Gbē beeá Samali gbēe. <sup>17</sup> Ḍ Yesu mè: Gbēn kwis mé gbágba lò? Gbēn kēokwis kú má ni? <sup>18</sup> An gbē i ea mì Lua sáaukpaio, sema zìloë beeaa? <sup>19</sup> Ḍ Yesu òè: Fele tá, ma náai pó ní ke mé n gbágba.

### *Gbēnazin Né mōa (Mat 24.23-41)*

<sup>20</sup> Falisiø Yesu là kpala pó a bɔ Lua kíi mógoji, ጀ a wémá à mè: Kpala pó bò Lua kíi lí mó wà e ní wéo no. <sup>21</sup> Wa o gwa ke ge gwa keeo. Kpalapi kú á guue.

<sup>22</sup> Ḍ a ò a iwaçne: A gōo lé mó ké á Gbēnazin Né mógo ea nide, á eo. <sup>23</sup> Wa oé a ku le ge a ku la, āma ásu geo, ásu téńzio. <sup>24</sup> Lá loupilea i gupu luabé lélá ní a léléo, māa aó de Gbēnazin Né mógo. <sup>25</sup> Sema aà taasike già maamaa. Gbágbeo giààzi. <sup>26</sup> Lá à kè Nœe gōo,† māa a ke Gbēnazin Né mógozlò. <sup>27</sup> Wàle poble, wàle imi, wàle nōse, wàle zâke e gōo pó Nœe gè gó'ilena guu, ጀ i dà dúniaa, gbéo gàga píi.‡ <sup>28</sup> Māae lò Lotu gōo, wàle poble, wàle imi, wàle pólú, wàle pó yia, wàle pótō, wàle kpedo. <sup>29</sup> Gōo pó Lotu bò Sɔdōū, té ní iatégbō bò luabé à kwè, ጀ gbéo gàga píi.§ <sup>30</sup> Beewa aó de gōo pó Gbēnazin Né bò gupuau.

<sup>31</sup> Gōo bee gbé pó kú kpé musu su pila kpé guu a pōo séléio. Māae lò gbé pó kpé bua su ea béo. <sup>32</sup> A to Lotu na yá dɔágú.\* <sup>33</sup> Gbé pó ye ào a wéni kúua, wénipi a vúuawà. Gbé pó gí a wénii sō, ade mé aó ku.† <sup>34</sup> Málé oé, gwá bee gbēn plac aao wúlea gudoū, Lua a gbēdo sé, i gbēdo to we. <sup>35</sup> Nœe gbēn plac aao pó lí gudoū, Lua a gbēdo sé, i gbēdo to we. <sup>36</sup> Gōe gbēn plac aao ku bua, Lua a gbēdo sé,‡ i gbēdo to we. <sup>37</sup> Ḍ aa aà là aa mè: Dii, mákíi ni? A wémá à mè: Gu pó ge kuu, we yāamusuo kāau.

## 18

### *Wabikea*

<sup>1</sup> Yesu yálèeūnē ké aao Lua wabike kōsōkōsō, aasu kpasao yái. <sup>2</sup> A mè: Yákpalekenae mé kú wéleu, a Lua vla vlo, mé ili

\* **17:14** Lev 14.1-3    † **17:26** Daa 6.5    ‡ **17:27** Daa 7.6-24    § **17:29** Daa 19.24-25    \* **17:32** Daa 19.26    † **17:33** Luk 9.24    ‡ **17:36** Mat 24.31, 1Tes 4.17

gbēe yādāo. <sup>3</sup> Gyaae ku wélepi guu, ì mō aà kíi mòmoo i me: Zemano ma ibee yá musu. <sup>4</sup> I weio e gōpla. Bee kpe a ò azlawa: Baa tó má Lua vía vño, mé mili gbēe yādāo, <sup>5</sup> lá gyaapi lé ma súu zō, má zeañnoe. Tó mi ke màao, aà zeamala láasai e ma dée.

<sup>6</sup> O Dii mè: A yákpaleken väi yá'oa ma. <sup>7</sup> Lua a ze ní a gbé pó aale wiilewa fāane ní gwāasinaoco lé? A zigbiake ní dōarileo yá? <sup>8</sup> Málē oé, a zéñno kpakpae. N beeo tó Gbēnazin Né mò, a a náaikena e dūniaua?

<sup>9</sup> O à èa yáe bee lèeū gbé pó aale nízia dile gbēmaa ü mé aañsaka gbé kliniguoñe à mè: <sup>10</sup> Gbēn plaeo mé gè wabikei Lua ua, gbēdoá Falisié, gbēdo sō osinae. <sup>11</sup> Falisipi zea, àle wabike. A ò a sō guu à mè: Lua, ma n sáaukè ké má de lán dāwao, dìidiindeo, náaisaideo, gbásikenao ge osinae bee. <sup>12</sup> Mi leye gō plapla ássō ní ássaoe. Pó pó má è píi mi a kwide bōne. <sup>13</sup> Osinapi sō a ze kääa, i fō wesé musu gwà seo. Ale azia gbēgbē à mè: Lua, sùuukemano, duunkenan ma ü. <sup>14</sup> Málē oé, gōepi tà a be Lua siaañno guu, i ke Falisipi no. Asa gbé pó i azia káfi Lua a aà busae, mé gbé pó i azia busa Lua a aà káfi.\*

### Baaadaa négu

(Mat 19.13-15, Maa 10.13-16)

<sup>15</sup> Wà mòè ní ní néfēnenao aà onamá. Ké aà iwaø è, õ aa gïnë. <sup>16</sup> O Yesu néo sisi à mè: A to néo mō ma kíi, ásu kpánéo, asa kpala pó bò Lua kíi de gbé bee taao pó üe. <sup>17</sup> Siana málē oé, gbé pó i kpala pó bò Lua kíi yá sí lán néwao, a gëuo.

### Ode

(Mat 19.16-30, Maa 10.17-31)

<sup>18</sup> Yudaø kíabuie mò Yesu là à mè: Metulu maa, kpelewa má ke mà àizána ei? <sup>19</sup> Yesu òè: Akeá n mè má maai? Gbēe maao, sé Lua ado. <sup>20</sup> N yá pó Lua dileo dë: Nsuli wúle ní gbēpale noo. Nsuli gbēdeo. Nsuli kpái'oo. Nsuli yádö n gbēdeewao. Nili n de ní n dao kpela.† <sup>21</sup> O a òè: Zaa ma ke èwaaso ü, má yá beeo kúa píie. <sup>22</sup> Ké Yesu bee mà, a òè: Yá gōne mèndo. Pó pó ní vía píi, ní a ña biile taasideone, níyoo àizee vía luabe. Bee gbea ní mō temazi. <sup>23</sup> Ké à yápi mà, aà pō siakù, asa òde sà gbängbooe. <sup>24</sup> Ké Yesu è aà pō siakù, à mè: Gëa kpala pó bò Lua kíi guu zí'ü gbé pó aa àizee víaone. <sup>25</sup> Yiongo gëa abaaweu àa de òde gëa kpala pó bò Lua kíi guula. <sup>26</sup> Gbé pó aa yápi mà mè: Démë a àizána e loi? <sup>27</sup> Yesu wémá à mè: Yá pó gbēnazinao fùa ke, Lua i fó.

<sup>28</sup> O Piee mè: Wa wá pópii tò wee, õ wá ténti fá. <sup>29</sup> O Yesu òné: Siana málē oé, gbé pó a be tò ge a na ge a vñio ní a däunaao ge a de

\* 18:14 Luk 14.11 † 18:20 Bøa 20.12-16

ní a dao ge a néo kpala pó bò Lua kíi yáí<sup>30</sup> a ea bee taa e de beea maamaa dúniae bee guu, mé a àizána e dúnia pó lé mó guu.

### Vìla baakéna gbágbaa

(Mat 20.29-34, Maa 10.46-52)

<sup>31</sup> Yesu a gbéon kuεplao kàaaàzi, õ a ònè: Wálε gé Yelusaléüe. Wekíi Gbénazin Né yá pó ánabiò kè Lua yáu a pau píi sa. <sup>32</sup> Wa aà kpa buipálewa, aai aà ke pócpoo, aai aà sósó, aa ilé'ikakawà, <sup>33</sup> aai aà gbé ní fláalalo, aai aà de, a gco aàõde zí i ea vu. <sup>34</sup> Ama aà iwapiò a kee gbáeo, asa yápi mi uléanéé, aa dö yá pó àlé oo.

<sup>35</sup> Ké Yesu kà kái ní Yelikoo, vìae zólea zé lé, àlé baake. <sup>36</sup> Ké a mà bila lé gë, õ a ní lá bómé këi. <sup>37</sup> Ó wa òè, Yesu Nazaleti mé lé gë we. <sup>38</sup> Ó à lezù à mè: Yesu, Davidi Bui, ma wénagwa. <sup>39</sup> Gbé pó døaaaø gíè aa mè aà níle, õ aà wiilea gbákù, àlé me: Davidi Bui, ma wénagwa. <sup>40</sup> Yesu zè à mè wà maañø. Ké à mò, õ Yesu aà là à mè: <sup>41</sup> Bó ní ye mà kenei? A wèwà à mè: Dii, má ye mào gu'eë. <sup>42</sup> Ó Yesu òè: Gu e. Ma náai pó ní kë mé tò n gbágba. <sup>43</sup> Wegøo à gu'eë, õ à bò teaàzi, àlé Lua sáaukpa. Ké gbépii è màa, aa Lua sáaukpa.

## 19

### Zase

<sup>1</sup> Ó Yesu gè Yeliko, àlé pää. <sup>2</sup> Gbée ku we aà tón Zase. Ósinac gbézøe, mé òdee. <sup>3</sup> Ale weele à gbé pó de Yesu ü e, áma i fó aà èo dasi yáí, asa gbé gesenaë. <sup>4</sup> Ó à báalè døaa à gè dède símfofowa kë à Yesu e, asa a gë wee. <sup>5</sup> Ké Yesu kà wekíi, õ à wesé musu a òè: Zase, pila kpakpa. A kù mà i n be gbäe. <sup>6</sup> Ó Zase pila kpakpa, à aà díle n pønao. <sup>7</sup> Ké wa è màa, gbépii lé yákütëka aa mè: A gè pilai duunkena be. <sup>8</sup> Ó Zase fèle zè a ò Diië: Dii, má a àizëe guo kpa taasidewaë. Tó ma gbée taiinké sô, má ea mà a gëe kpawà lee siiñ. <sup>9</sup> Ó Yesu òè: Lua uaëbeedeo misi gbä. Asa gbébee Áblahañ buie l. <sup>10</sup> Gbénazin Né mò gbé pó sásä weelei à aà suabaë.

### Ódakea zíkënañce

(Mat 25.14-30)

<sup>11</sup> Gco pó wàle aà yápi ma, õ à ea yákåfiné l. Lá à káikù ní Yelusaléüo, wàle e kpala pó bò Lua kíi a bò gupuau gòøe, õ à yálééüne<sup>12</sup> à mè: Kíe buie mé lé gé kpablei bùsu zàzäu, i ea su. <sup>13</sup> Ó à a zíkënaç sisi gbéon kwi, à ánuṣu òwatë kpà ní baadewa mèn basobaso, a ònè: Aò laataò e mào su. <sup>14</sup> Aà bùsudeo sô aa zàaàgue, õ aa zínao zì aà kpe aa mè: Wá we gbépi kiblewáo. <sup>15</sup> Aà sua ní kpableao gbea lé, à mè wà zíkëna pó a õa kpàmápiò sisie, kë à e dö lá pó aa ài'e. <sup>16</sup> Gbé séia mò à mè:

Dii, n ɔapi àikèmee lee kwi. <sup>17</sup> O a òè: Násaa, zìkèn maa. Lá n ke náai vî n a yɔɔnao, nýɔɔ iko vî wéle mèn kwíwae. <sup>18</sup> Gbëon plaade mò à mè: Dii, n ɔapi ne'ì lee sɔo. <sup>19</sup> O a òè: Mpi sɔ nýɔɔ iko vî wéle mèn sɔoowa. <sup>20</sup> O gbépâle mò à mè: Dii, n ɔan ke. Má ûlè kooa zwànkasau. <sup>21</sup> Má n vía vî, asa gbé zì'ün n ū. Ni pó pó ni dileo sé, ni pó pó ni tɔo keke. <sup>22</sup> O a òè: Zìkèn vãi, n lé mé n kalikè. N dɔ kéké gbé zì'ün ma ū, mi pó pó mi dileo sé, mi pó pó mi tɔo keke. <sup>23</sup> Ké ní dɔ màa, bóyái ni dakéoné, tó ma su, mà a pó sí ní a ioo ni? <sup>24</sup> O a ò gbé pó kú weɔne: A ánuṣu ḥwaté basɔopi siwà, í kpá gbé pó ài'è lee kwiwa. <sup>25</sup> O wa òè: Dii, a ài lee kwi kùa kò. <sup>26</sup> O a wémá à mè: Málè oé, Lua a pó káffi gbé pó pó vî. Gbé pó vîo sɔ, baa pó pó a vî, Lua a siwàe.\* <sup>27</sup> Ma ibee pó aa ye mà kiblemáo sɔ, à móñno la, í ní dède ma ae.

### *Gbaakpaa Yesuzi Yelusaleū*

(Mat 21.1-17, Maa 11.1-19, Zaa 12.12-19)

<sup>28</sup> Ké Yesu yá bee ò a làa, ɔ à dàzéu, àle gé Yelusaleū. <sup>29</sup> Ké à kákù ní Befazeo ní Betanio, sìsì pó wí me Kùkpè sìsìpôleu, ɔ à a ìwa gbëon plao zì <sup>30</sup> à mè: A gé wéle pó kále wá ae kee guu. Tó a ka we, á zàa'ìn né bɔlɔ e dɔa, gbée i dikpe yâao. A polo mɔð. <sup>31</sup> Tó gbée á lá, déme ò à poloi, í me Dii mé ye a mɔaoi. <sup>32</sup> O zìnao gè aa è lá a ònéwa. <sup>33</sup> Ké aale zàa'ìnapi polo, ɔ a dii ní lá aa mè: Déme ò à zàa'ìnapi poloi? <sup>34</sup> Aa mè: Dii mé ye a mɔaoi. <sup>35</sup> O aa gèoè. Aa ní pɔkasac kpâle zàa'ìnapiwa, ɔ aa Yesu díkpe. <sup>36</sup> Ké àle tá'a'o, gbéo lé ní pɔkasac kpâle zé guu.

<sup>37</sup> Ké à kákù ní gu pó zépi pìlau Kùkpè sìsìwao, ɔ pɔna guu dasi pó teàazì nà Lua táasileawa ní lɔo gbâao, dabudabu pó aa èo yá musu pii <sup>38</sup> aa mè:

Báaaden Kia pó lé mó ní Dii tóo ū.†

Aafia ku luabe! Wà Musude tɔbø!

<sup>39</sup> Falisi pó aa ku zã guue òè: Metulu, gi n iwaɔne. <sup>40</sup> O a wémá à mè: Málè oé, tó aa nílè, gbe òè aa wiipi lé.

<sup>41</sup> Ké à sɔ Yelusaleūzi, a gwà, ɔ à ɔɔlòè <sup>42</sup> à mè: Tó n yá pó a mɔne ní aafiao dɔ gbâ yâa lé, kai! Tia kéwa sɔ a uléanee. <sup>43</sup> A gɔɔ a mɔ kéké n ibee òè da lianzi, aai n kákà, <sup>44</sup> aai n dûuzɔ, aai n gbéo wíwi. Baa gbée aa to dinékão, kéké ní gɔɔ pó Lua lezùnzi dɔo yáí.

<sup>45</sup> Ké Yesu gèe Lua ua, ɔ à nà poyiana yaawa. <sup>46</sup> A òné: A kéké Lua taalau à mè: Ma kpé a ò lousisikpe ûe.‡ Apìs sɔ á kéké gbéblena òò ū.§

\* 19:26 Luk 8.18

† 19:38 Sou 118.26

‡ 19:46 Isa 56.7

§ 19:46 Zel 7.11

<sup>47</sup> Lá gu lé dō Yesu ḥo yādané Lua ua. Ḫ sa'onkiaō ní Mɔizi ikoyādanēdeō lé aà wε sānu ní gbēzōō, <sup>48</sup> āma aai lá wa kε zé eo, asa gbépii lé lua aà yáie.

## 20

*Yesu laa a ikoi  
(Mat 21.23-27, Maa 11.27-33)*

<sup>1</sup> Ziewa Yesu lé yāda gbéonē Lua ua, àle baonakpané, ɔ sa'onkiaō ní Mɔizi ikoyādanēdeō ní gbēzōō sɔ̄aazi <sup>2</sup> aa òe: Iko pó ríle yápiɔ keò owēe. Démε n gba ikopii? <sup>3</sup> Ḫ a wèmá à mè: Mapi sɔ̄ má yá mèndo gbeawá. A omee, <sup>4</sup> Zāa gbé da'ilékəa bò Lua kíi yà ge gbēnazína kíie? <sup>5</sup> Ḫ aa lekpàaī aa mè: Tó wa mè Lua kíie, a wá la bóyái wi aà yá sio ni? <sup>6</sup> Tó wa mè gbēnazína kíie sɔ̄, gbépii a wá pápa ní gbeo wà wá dεe, asa aa zé ní Zāa ānabikeoε. <sup>7</sup> Ḫ aa mè: Wá dɔ̄ má à bòuo. <sup>8</sup> Ḫ Yesu ònē: Má iko pó málε yápiɔ keò oé sɔ̄o.

*Vēebu zìkənaɔ̄  
(Mat 21.33-46, Maa 12.1-12)*

<sup>9</sup> Ḫ Yesu èa yālèeūnē lɔ̄ à mè: Gbēe mé vēebu v̄i, \* ɔ a nà zìkənaonē ní ɔzì, à gè wéleu à gooplakè we. <sup>10</sup> Ké vēekɔzōzōgɔ̄o kà, à a ìwae zì zìkənapiɔwa aa a asea kpawa, ɔ aa ìwapi gbé aa aà gbàe ɔgii. <sup>11</sup> A èa ìwa pàle zì lɔ̄, ɔ zìkənapiɔ aà gbé, aa widàwà aa aà gbàe ɔgii. <sup>12</sup> Ḫ à èa gbēon àaɔde zì lɔ̄, ɔ aa aà kè'ia aa aà yà. <sup>13</sup> Ḫ vēebudepi mè: Má kea sa ni? Má a né mèndona zimáe. Aa gí aà yādaia? <sup>14</sup> Ké zìkənapiɔ aà è, aa òkɔ̄e aa mè: Túbiblenan kee, wà aà dε, bú i gōwēe. <sup>15</sup> Ḫ aa bòaàñø kaa kpe aa aà dè.

Kpelewa budepi a séñño sai? <sup>16</sup> A mɔ̄ zìkənapiɔ dède, i bú si kpa gbépàleowae. Ké gbéo yápi mà aa mè: Lua wá bɔ̄. <sup>17</sup> Ḫ Yesu wépàñla à mè: Yá pó kēa Luayātaalauε bee dε kpelewa ni?

Gbe pó ẽbonaɔ̄ pâkpài mé gò̄ gbeo mide û.†

<sup>18</sup> Gbé pó lèlè gbepiwa a wíwie.

Tó gbepi sì gbéwa sɔ̄, a ade úlɔε.

*Yesu lousisin gbēzōō fua  
(Mat 22.15-23.36, Maa 12.13-40, Luk 11.37-54)*

<sup>19</sup> Mɔizi ikoyādanēdeō ní sa'onkiaō dɔ̄ ké ní yápi lèeūi, ɔ aale zeweele wà aà kù gò̄, āma aa vñakè dasie. <sup>20</sup> Aale aà kpakpa, ɔ aa zāmade pó aale nízia dile gbémaa ƿø zìwà, ké aa aà kù aà yā'oa guu, aai aà kpá ní bùsu gbāadewa aà iko ɔlɔe. <sup>21</sup> Ḫ zāmadepiɔ aà là aa mè: Metulu, wá dɔ̄ ké ni yā'o ní yādané a zéwae, i kε gbēnazína wé yáai no. Ni Lua zé ɔlɔnē ní sianao. <sup>22</sup> A kù wà falubɔ̄ Sezaaε yà ge wásu bɔ̄? <sup>23</sup> Yesu ní ɔnɔ̄ dɔ̄má, ɔ

\* **20:9** Isa 5.1    † **20:17** Soū 118.22

a ònè: <sup>24</sup> A ña do dò mà gwa. Dé mi í aà tóo mé kuwà lai? Aa mè: Sezaa pòé. <sup>25</sup> O a ònè: Tòò, à Sezaa dee pò kpawà, i Lua pò kpá Luawa. <sup>26</sup> O aa fùa aa aà kú a yã'oa guu gbé wáa. Aà yãwea bò ñ sae, õ aa í lé kpàaú.

<sup>27</sup> O Saduse pò aañ geø vua eeboeø mò Yesu kíi, aa aà là aa mè: <sup>28</sup> Metulu, Mɔizi dìlewëe yóo: Tó gbé vli gá à a na tò nésai, aà dâuna nɔpi se à a vli gëe keò. <sup>29</sup> Mâa vli ñ dâunaø ku gbéøn sopla. Woo nɔsè, õ à gá à aà tò nésai. <sup>30</sup> O Se gyaapi da'uakè. <sup>31</sup> Se gbea Bïø kë lø. Aa kë mâa ñ gbéøn sopla mìpii, aa gága aa nɔpi tò nésai. <sup>32</sup> An gbea nɔpi gá. <sup>33</sup> Geø vugoozí an déme aø nɔpi vli? Asa an gbéøn sopla mìpii aa aà dò nò üe. <sup>34</sup> Yesu ònè: Dúniae bee gbéø aañ nɔse aañ zâke, <sup>35</sup> ãma gbé pò Lua dìle aa kà aa bø gau aa dûnia dafu leø aa nɔse weo, aa zâke weo. <sup>36</sup> Aaø de lán malaikaøwae, aa ga løo. Aaø de Lua néø üe, gâbøø ü. <sup>37</sup> Baa Mɔizi lá guu, à geø vua yá piliwané. Gu pò à kâele yá'òu, à mè Dii mé Ablahaü ñ Izaakio ñ Yakøbuo Lua ü. <sup>38</sup> Diiá geø Lua no, sema gbé bëeø pò. Gbépii bëeø Luæe. <sup>39</sup> O Mɔizi ikoyâdanedeø fèle yá'ò aa mè: Metulu, n yâmaa ò. <sup>40</sup> O aai we yâe làwà løo.

<sup>41</sup> Yesu ñ lá à mè: Kpelewa wî o Mesiiá Davidi Buiëi? <sup>42</sup> Asa Davidi ò Soü lá guu à mè:

Dii ò ma Diië aà zôle a opplaai

<sup>43</sup> e àø aà ibeeø keè gbadibø ü.\*

<sup>44</sup> Lá Davidi aà sisi Dii, kpelewa a de aà bui ü løi?

<sup>45</sup> Ké gbépii lé aà yâma, õ a ò a iwaone: <sup>46</sup> A laaika Mɔizi ikoyâdanedeøzi. Aaø ye bëbea ñ ulada daaoi, wàø fôkpakpamá gâaæ. Aaø weele zôle lousisikpe gumaaøu ñ bleble zôleklí maaø. <sup>47</sup> Aañ wabi gbâa ke gbénazinaø wé yâi, õ aañ gyaao kpé siomá. An iadama pâsi aø deñla.

## 21

*Gyaa taaside gbadaa*

(Mat 12.41-44)

<sup>1</sup> Ké Yesu wëzù a aë, õ a è òdeø lé ñ gbaø ka osikpagolo guu. <sup>2</sup> O à gyaa taaside búubuuue è we, à tânga dàu mèn pla. <sup>3</sup> O à mè: Siana mâlé oé, gyaa taasidepi õa dàu de gbépiia. <sup>4</sup> Asa ò dia õ aa dâ kâu mìpii. Nœpi sõ, aà taasideke guu pò pò a vî à pòbleò õ a dàu we píi.

*Yelusalëü dûuzøa ñ dûniaalaagø seelaø*

(Mat 24.1-22, Maa 13.1-20)

<sup>5</sup> Gbëeø lé Lua ua yâ'o, aa mè wà a kpéø këke maa ñ gbë kefenaø ñ pò pò wà Lua gbâø, õ Yesu mè: <sup>6</sup> Goøe a mó, pò pò á

\* 20:28 Iko 25.5    § 20:37 Boa 3.6    \* 20:43 Soü 110.1

è keeo, baa gbee a gō dikōao, wa ní dūuzōe. <sup>7</sup> O aa aà là aa mè: Mētulu, bee a kē bōe ni? Bōme aō de a kēgōo seela ūi? <sup>8</sup> O à mè: A laaika, ásu to wà á sásāo, asa wa mó ní ma tōo dasi, aa mē wa mē wa de aà ū, ge a gōo kà. Ásu téñzio. <sup>9</sup> Tó a zì bao mà, ge á mà wà fēle ní kōo, ásu to iwāa ká á pōao. Sema yápiō ke káau, dúnia láaan we giao. <sup>10</sup> O a ònē: Bui ní buio aa fele ní kōo, màae lō bùsu ní bùsu. <sup>11</sup> Tōoleluualuaa pāsīo aaō ku. Nōana ní gagyāo ka gu ní guo. Asi bēe vīa yáo aaō ku luawa.

<sup>12</sup> E yápi aō mó, wa á kú, wi iadawá, wi á kpá lousisikpēdeōwa, wi á ká kpéu, wi géáno kiaō ní bùsu gbāadeō ae ma yái. <sup>13</sup> Bee a á gba zé aō de ma seeladeō ū. <sup>14</sup> A zeò á sō guu ásu láasooke lá á owao, <sup>15</sup> asa māmē má sóso káé á léu, mí á gba ūnō, kē á ibeēe a fō gii ge a a zásiwáo.\* <sup>16</sup> Baa á de ní á dao ní á vīiō ní á dāunaō ní á daeō ní á gbēnaō aa á kpámáe, wi á gbēeō de. <sup>17</sup> Gbēpii a zaágu ma yái, <sup>18</sup> áma baa á mikā mēndo a vūaao. <sup>19</sup> A menafōa guu ū á aizána e.

<sup>20</sup> Tó á è zīgōo līa Yelusaleūzi, aō dō kē a dūuzōa zāo. <sup>21</sup> Zibeezi Yude bùsudeō bāale mipe sīsīowa, gbē pō kú Yelusaleūo fāaa. Zōewiadeō su gēuo. <sup>22</sup> Asa gōopiá tōsimagōe, kē yá pō kēa Luayātaalau e pa pīi yái.† <sup>23</sup> Waiyoo nōsindeeō ní neadeō zībeezi, asa bùsupi taasi aō zōo, Lua a pōkūmabōbō gbēpiowae. <sup>24</sup> Wa ní gbēeō de de ní fēndao, wa ní gbēeō kū taō bùsu pīi guu zīzōo ū, buipāleō i ūzōo Yelusaleūwa e an gōo pa.

### Gbēnazin Né mōa (Mat 24.29-35, Maa 13.24-31)

<sup>25</sup> Seelaō aaō ku iatē ní mōvuao ní saanaōwa,‡ bui pīi iō ku posia guu dúniau. Aa gō bíli guu ísia kōfi ní a bāaleao yái. <sup>26</sup> Wedōa yá pō lé mó dúniaawai guu, vīa a gbēō kāsānke, asa pō pō kú luawaō zā ní pékiwae, <sup>27</sup> wi Gbēnazin Né mōa e luabepuanau ní gbāa zōo gawideo.§ <sup>28</sup> Tó yá beeō kea dāale, à fele ze, í á mi se musu, asa á suabagō mé kāikū.

<sup>29</sup> Yesu yālēeūné à mè: A kaadōenli gwa ní lí kiniō. <sup>30</sup> Tó á è aa bōlobō, ū i dō áziawa kē quantēna kāikū. <sup>31</sup> Beewae sō, tó á è yá beeō lé ke, aō dō kē kia pō Lua kpā kāikū. <sup>32</sup> Siana māle oé, gōobeedeo gēle yápiō pīi kesao. <sup>33</sup> Luabe ní tōoleo a gēle, áma ma yáo gēle a vīo.

<sup>34</sup> A laaika. Ásu to asiakē ní wēdēkeo ní wēnikāakeao á laai síwáo, kē aà mōgōo su á kú kāndo lán baiwao yái. <sup>35</sup> Asa a kúle gbē pō kú dúnia guuwāwa pīie mó. <sup>36</sup> A itēke, iō wabike gōopii, kē aō gbāa vī à e pili yá pō lé mówa pīi, í bō ze Gbēnazin Né ae.

\* 21:15 Luk 12.11-12 † 21:22 Oze 9.7 ‡ 21:25 Isa 13.10, Yoë 3.4 § 21:27 Dan 7.13

<sup>37</sup> Lá gu lé dō Yesu ī yādané Lua ua.\* Tó oosi kē, ī bō gē i Kūkpē sīsīpōleu. <sup>38</sup> Koɔkɔɔ ū gbépii ī felé gé aà yāmai Lua ua.

## 22

### Lekpaaia Yesuzi

(Mat 26.1-16, Maa 14.1-11, Zaa 11.45-53)

<sup>1</sup> Kāaso dikpe pō wī me Gēamusu\* kā kāi. <sup>2</sup> Sa'onkiaɔ ní Moizi ikoyādanedeo lé weele lá aa ke aa Yesu bɔlia asii guu, asa aale viaké gbéonée. <sup>3</sup> O Setāu dī Yudasi pō wī me Isaliɔti miwa. Yesu īwa gbēon kueplao doe. <sup>4</sup> O Yudasipi gè lekpāai ní sa'onkiaɔ ní Lua ua džanaɔ gbēzɔɔ, lá á ke à Yesu kpámá. <sup>5</sup> An pō kēna, ū aa ledoukē wà ūa kpawà. <sup>6</sup> A zèd, ū àle zeweele à Yesu kpámá gbéo sae.

### Gēamusu bleblea

(Mat 26.17-30, Maa 14.12-26, Zaa 13.21-30, 1Kln 11.23-25)

<sup>7</sup> Kāaso dikpego kā, goɔ pō wī Gēamusu sā kòlokpa. <sup>8</sup> O Yesu Piee ní Zāao gbàe à mè: A gē Gēamusu ble sōukeiwé. <sup>9</sup> O aa aà lá aa mè: N ye wà ke má ni? <sup>10</sup> O a wémá à mè: Tó a gē wéledau, á kpaaū ní ḡeo i sea lo guu. Aɔ teaàzi e ua pō a ḡeu, <sup>11</sup> i o uabelee, Metulu lé gu pō a Gēamusu ble bleu ní a īwāo gbea. <sup>12</sup> A kpədiakɔɔ kpea zɔɔ pō wa kéké olé, i pōblea yá keke we. <sup>13</sup> Ké aa gē, aa è lá Yesu ònēwa, ū aa Gēamusu ble sōukè we.

<sup>14</sup> Ké a goɔ kā, Yesu mò z̄lē we ní a zīnaɔ sānu. <sup>15</sup> O a ònē: Gēamusu ble bee bleaánɔ ni ma de maamaa e māo gē taasikei, <sup>16</sup> asa māle oé, má ble lōo e kpala pō bò Lua k̄ii ge bɔò gupuau, dikpe siana i mó. <sup>17</sup> Ké à imibɔ sè, à sáaukpà, ū à mè: A si dɔdɔkɔé, <sup>18</sup> asa māle oé, za tia má v̄ebe'i mi lōo e kpala pō bò Lua k̄ii ge bɔò gupuau. <sup>19</sup> Ké à kāa sè, ū à sáaukpà a e kpámá à mè: Ké beeá ma me pō māle kpá á yáie. Aliɔ bee ke ma yá dɔaágú yáie. <sup>20</sup> Ké aa pōblè aa lāa, à imibɔpi sè māa lō à mè: Ie beeá ma au pō lé bɔleéé. Lua bāa kua ní gbé tia auε.† <sup>21</sup> Ma o ku ta doū ní ma bɔnkpedeoε,‡ <sup>22</sup> asa Gbēnazin Né a kpagui lá Lua dīleewae. Waiyoo gbé pō a aà kpámápi. <sup>23</sup> O aa nà kɔ lalaawa aa mè: Wá déme a yá bee kei?

### Yesu ledaa a īwāo wa

(Mat 26.31-35, Maa 14.27-31, Zaa 13.36-38)

<sup>24</sup> O lekpaa fèle ní guu, kē aa ye dō ní gbé pō deñila.§ <sup>25</sup> O Yesu ònē: Bùsu kíao ī ikokemá mé gbāadeo ī nízia tsbo, <sup>26</sup> áma ásu ke māao. A kù á gbēzɔɔ aào de gbé pō késaaázi üe. A kù á dɔaana aào de á zikena üe. <sup>27</sup> Bleblena ní blezikena, an déme zɔɔi? Bleblena nolo? Mapi sɔ má kú á guu lán gbé pō lé zikewa.

\* 21:37 Luk 19.47   \* 22:1 Bøa 12.1-11   † 22:20 Zel 31.31-34   ‡ 22:21 Sou 41.10   § 22:24 Luk 9.46

28 Gbé pó zèmano ma taasikəa guuɔn á ũ. 29 Lá ma Mae ma kpa kpala, má á kpá kpala màa sɔ, 30 i bleblemano ma kpala, ío zōlezɔlea báawa ào yákpaleke n̄ Isaili bui kueplao.

31 Simɔɔ, Simɔɔ, ma. Setāu gbèa à á ká íu lá wí pówena ká íu wà gwawa. 32 Ó ma wabikène, ké ma náai pó n̄ v̄i su késāmao. Tó n̄ ea n̄ sua, n̄ n̄ gbé gba gbāa. 33 Piee òè: Dii, má s̄i wà ma dakpeunno, mí ganno. 34 Yesu mè: Piee, málε one, e ko ào gé lezui gbā, n̄yɔ lelekpa ma dɔai gēn àaɔ.

35 Ó à n̄ lá à mè: Ké ma á zí mɔkpε n̄ babalabɔɔo n̄ kyaleo sai,\* pœ késāwae? Ó aa mè: Aawo. 36 Ó a òné: Tiasa gbé pó mɔkpε v̄i, aà s̄é. Maae lɔ n̄ babalabɔɔo. Gbé pó fènda v̄i sɔo, aà a ula yía, i lú. 37 Málε oé, sema yá pó kēa Luayātaalau ma musu papa wà mè: Wà aà dīlε dou n̄ dàakənao.† Asa yá pó wa kē ma yá musu mé lé papa sa. 38 Aa mè: Dii, fènda mèn pla ke. Ó a òné: Bee mò.

### *Yesu kua*

(Mat 26.47-56, Maa 14.43-50, Zaa 18.3-11)

39 Yesu bò gè Kùkpε s̄is̄ipɔleu lá i kewa. Aà iwaɔ t̄eaàzi. 40 Ké à kà gu pó àlε géu, a òné: A wabike kē ásu fu yɔawao yái. 41 Ó à kèmá à kà lán gbezu léléa taawa. Ó à kùle we, àlε wabike 42 à mè: Baa, tó n̄ yei, to taasi keeonaes bee zákūmano, ãma asu ke ma pœa üo, sema n̄ pó. 43 Ó malaika bò luabe à mòwà à aà gbà gbāa. 44 Kua wétēa guu àlε wabike n̄ aia. Ó aà isima lé t̄ó tɔole lán autonawa. 45 Ké à wabikè, à fèlε gè a iwaɔ kíi, à n̄ lé, aale i'o n̄ pɔsiao. 46 Ó a òné: Akeá álε i'oi? A fèlε wabike, kē ásu fu yɔawao yái.

47 Ké àlε yá'o, ɔ wà kà dasidasi. Gbé pó wí me Yudasi, aà iwa gbéon kueplao do mé dɔaaané. Ké à s̄aaàzi lépeiwà, 48 ɔ Yesu òè: Yudasi, lépeaa guu ɔ n̄yɔ Gbénazin Né kpaomáa? 49 Ké gbé pó aa kú n̄ Yesuoɔ yá pó lé mó è, aa mè: Dii, wà n̄ gbègbè n̄ fèndao yà? 50 Ó an gbèdo sa'onkia zìkəna lè à aà ɔplaa swá gó. 51 Ó Yesu mè: A bee tó. A ɔkăa aà swáwa à aà gbàgbà. 52 Ó a ò sa'onkia n̄ Lua ua dɔana n̄ gbézɔ pó aa mòwàone: A moa n̄ fèndao n̄ goɔ lán kpáiweliwen ma üwaa? 53 Lá gu lé dɔ miɔ kúáno Lua ua,‡ mé i ɔkăao. Ama goɔe bee de á pó üe, gusia kiblegɔe.

### *Piee lelekpa Yesuzi*

(Mat 26.57-58,69-75, Maa 14.53-54,66-72, Zaa 18.12-18,25-27)

54 Ké aa Yesu kù sùò, aa gèaàno sa'onkia be. Piee be zàzä. 55 Ké wà tekà ua guo, wà kàlε lìlai, ɔ Piee mò s̄lɔ n̄ guu. 56 Nɔe zìkənae aà è, ɔ à wébliwà à mè: Gbé bee kuaàno sɔe. 57 Ó à lelekpa à

\* 22:35 Luk 9.3 † 22:37 Isa 53.12 ‡ 22:53 Luk 19.47

mè: Nɔe, má aà dɔo. <sup>58</sup> Yɔɔnnɔ gɔ̄o õ gbɛpāle aà è, õ à mè: Mpi sɔ ní de an gbɛdo ūe. Ⓛ Piεe ò gɔ̄epie: Mám̄eo. <sup>59</sup> Ké leelu do taa gɛ, gbɛpāle giiyewà à mè: Siana guu gbɛe bee kuaànɔe, asa Galile gbɛe. <sup>60</sup> Ⓛ Piεe mè: Mi dɔ lá ríle oo. Wegɔ̄o ké ále yā'o, õ ko lezù. <sup>61</sup> Ké Dii lili wεpε Piεewa, õ yá pó a ò dò Piεegu, ké à mè e ko ào gé lezui gbā, a lelekpaazi gēn àaõ. <sup>62</sup> Ⓛ Piεe bò bàasi, à óolò à kè wéna.

<sup>63</sup> Gbé pó aale Yesu dɔ̄aõ aà kè pócpɔ̄o aa aà gbɛ. <sup>64</sup> Aa pó yèè a wéwa, õ aale aà lala aa mè: Anabikekε n̄ o, déme n̄ lei? <sup>65</sup> Dóeaaànɔ guu aa yá dasi pâleo ðè lɔ.

<sup>66</sup> Ké gu dò, Yuda gbɛzɔ̄o kɔ̄ kàaa, sa'onkiaõ n̄ Moizi ikoyādanedeo píi. Ⓛ aa Yesu sè gèdò n̄ yákpalekékii. <sup>67</sup> Ⓛ aa aà là aa mè: Mesiin n̄ ūa? Owɛe. A wèmá à mè: Tó má ðé, á sio. <sup>68</sup> Tó ma yāe làwá sɔ̄, á weo. <sup>69</sup> Za tia Gbénazin Né aɔ zɔ̄lea Lua gbāade ḥplaai. <sup>70</sup> Ⓛ gbépíi mè: Asi Lua Nén n̄ ūa? Ⓛ a wèmá à mè: Lá a dɔ á léuwa, máme má aà ū. <sup>71</sup> Ⓛ aa mè: Wá bāa ūma n̄ seeladeo loi? Wá mà aà léu kò.

## 23

*Pilati yákpalekeea n̄ Yesuo*

(Mat 27.11-31, Maa 15.1-20, Zaa 18.28-19.16)

<sup>1</sup> Ⓛ aa félè m̄pii, aa gèaànɔ Pilati ae. <sup>2</sup> Aale mó n̄ aà yāo aa mè: Wa gbɛe bee è, ále gudekε wá bùsuue, ále gíné wá falubɔ Sezaae, mé à azia dílè Mesii ū, kíá ū. <sup>3</sup> Ⓛ Pilati aà là à mè: Yudaõ kian n̄ ūa? A wèwà à mè: Ìme dɔ n̄ léu we. <sup>4</sup> Ⓛ Pilati ò sa'onkiaõ n̄ dasi pó kú weɔne: Mi tāae'e gbépiwao. <sup>5</sup> Ⓛ aa giiyewà aa mè: Iṣ tékpa gbégu a yādaané guu Yude bùsuu píi. A dàale Galilee, õ à gè kàiò la sa.

<sup>6</sup> Ké Pilati mà māa, õ à gbé ìà tó Galile gbén aà ū. <sup>7</sup> Ké a dɔ à bò Elodi bùsuue, mé Elodipi ku Yelusalé ū zibeezi, õ à aà gbàewà. <sup>8</sup> Ké Elodi Yesu è, õ aà pɔ këna maamaa, asa à aà bao māe, mé a ye wεsiaàle à gègè. Aà wé dɔ Yesu dabudabukea eai. <sup>9</sup> A yāo lálawà dasi, õ Yesu i a kee wewào. <sup>10</sup> Sa'onkiaõ n̄ Moizi ikoyādanedeo zεa we, aale mó n̄ aà yāo pásipásí. <sup>11</sup> Elodi n̄ a sosac sakà Yesugu, aa aà láanikè aa ula tɔde dàè, õ à èa aà gbàe Pilatiwa. <sup>12</sup> Zibeezi Elodi n̄ Pilatio kè na, asa aa iiküa n̄ kɔ̄ yāaæ.

<sup>13</sup> Pilati sa'onkiaõ n̄ gbāadeo n̄ gbé kíniõ kàaa píi, <sup>14</sup> a ònè: A mɔmee n̄ gbɛe bee a mè gudenæ. Ma aà lálà á wáa yá pó á dòdɔwàa musu, mi e à tāaee kèo. <sup>15</sup> Māa Elodi i eo sɔ̄, asa à èa aà gbàewáe. A gwa, i yāe ke à kà mà aà dèo. <sup>16-17</sup> Mā tó wá aà swágaga, mí aà gbae. <sup>18</sup> Ⓛ aa wiilè m̄pii sānu aa mè: Gbépi

dε! Balaba kέwε! <sup>19</sup> Wà Balabapi dàkpεu bɔa gbāadeo kpε ní gbēdεao yáie. <sup>20</sup> Pilati ye Yesu gbaε, ɔ à gbέo laai sisi a kii. <sup>21</sup> O aa èa wiilè aa mè: N aà pálīwa! N aà pálīwa! <sup>22</sup> A gεn àaɔde Pilati ònε: Bó dàa a kεi? Mi tāae pó kà wà aà dε ewào. Má tó wà aà swágaga, mí aà gbaε. <sup>23</sup> O aa didiwà, aale gbeawà ní wii gbāao aà aà pálīwa. O an zoakaa tò an yá blè. <sup>24</sup> O Pilati dile wà ke lá aa gbēawawa. <sup>25</sup> Gbέ pó wa dàkpεu bɔa gbāadeo kpε ní gbēdεao yái pó wa gbēapi ɔ a kéné, ɔ à Yesu kpà gai lá aa yeiwa.

### *Yesu gaa*

(Mat 27.32-56, Maa 15.21-41, Zaa 19.17-30)

<sup>26</sup> Ké wàle geaànɔ, wà dà Sileni gbέ Simɔole, àle su ní buao, ɔ wà aà kù wà lipāakɔa dìè aàò teò Yesuzi. <sup>27</sup> Bila bò teaàzi ní nɔe pó aale ówlɔ aale nzia gbēgbé. <sup>28</sup> Yesu lili aedòmá à mè: Yelusaleñ nɔe, ásu ówlɔ ma yáio. A ówlɔ ázia yái ní á nèo. <sup>29</sup> Asa a gɔo lé mó kέ wa o: Baaadeon fli pó aai nε'io mé né i yɔ mimáoo ũ. <sup>30</sup> Goobeezi  
wa o gbesiøne aa léle simá,  
wa o sìsiøne aa kúrla.\*

<sup>31</sup> Asa lá wàle yáe taa ke ní lí bùsuo, lí gii pó aò dεai?

<sup>32</sup> Wàle gέ ní dàakən plaeo lɔ, kέ wà ní dεde ní Yesuo sānu. <sup>33</sup> Ké aa kà gu pó wí me Mitɔɔnagu, ɔ aa aà pálīwa we ní dàakənapɔ, ado aà oplaaai, ado ozeεi. <sup>34</sup> O Yesu mè: Baa, sùuukeñíno, asa aa dɔ lá wàle keo. O wà télepà wà aà pɔkasao kpaalèokɔe.† <sup>35</sup> Gbέ zea we, aale gwa, mé Yuda gbāadeo lé lesuikεkewà‡ aa mè: A dāo suabà. Tó Mesii pó Lua dileñ aà ũ, aà azia suabae! <sup>36</sup> Sosao lé aà ke pɔçpɔo lɔ. O aa sɔàaazi aa vεe kùma dòe§ <sup>37</sup> aa mè: Tó Yudaø kian n ũ, n nzia suaba. <sup>38</sup> Seelae naa aà mia à mè:

Yudaø kian ke!

<sup>39</sup> Dàakəna pó looa líwapi do dýennɔyá'òè à mè: Mesiin n uto lò? N nzia suaba ní wápiø sānu. <sup>40</sup> O aà gbēdo gie à mè: Nle viakε Luae seoa? Yá douñ mé zɔlewá. <sup>41</sup> Wápiø, à kɔsìwanɔ màae, asa pó pó wá tɔ mé bòlewéε, áma dee i yáe keo. <sup>42</sup> O à mè: Yesu, tó n mɔ kia ũ, to ma yá aò dɔngu. <sup>43</sup> O a wèwà à mè: Siana málε onε, za gbā nýɔo kumanɔ àizána guu.

<sup>44</sup> Ké laté kà minanguo, a biia zè, ɔ bùsupi siakù píi e aua gè pílaò. <sup>45</sup> Zwaa pó daa Lua kpéu\* kε a guo. <sup>46</sup> Yesu wiilè gbáugbáu à mè: Baa, ma a nisina nànε n oziε.† Ké a ò màa, ɔ à tà. <sup>47</sup> Ké sosao gbézɔo yá pó kεpi è, à Lua sáaukpà à mè: Gbépiá gbēmaae siana. <sup>48</sup> Bila pó aa mò wà kàaa yápi gwaa yáio, kέ aa

\* 23:30 Oze 10.8    † 23:34 Sou 22.19    ‡ 23:35 Sou 22.8    § 23:36 Sou 69.22

\* 23:45 Bɔa 26.31-33    † 23:46 Sou 31.6

yá pó kèo è, aa èa tà, aale nízia gbégbé. <sup>49</sup> Yesu gbé dñao ní noe pó teaàzi za Galileø píi ze kääa, aale yápi gwa.‡

### *Yesu via*

(Mat 27.57-61, Maa 15.42-47, Zaa 19.38-42)

<sup>50</sup> Gõee ku aà tón Yosefu. Yuda gbäädeø doe. Gbëmaae, mé luayâmanae. <sup>51</sup> Aà lé kú yá pó a gbéø zè ní a keaopi guuo. Yudaø wéle Alimate gbéé, aà wé dø kpala pó bò Lua kíii. <sup>52</sup> A gè Pilati kíi à Yesu ge gbèawà. <sup>53</sup> Ò a buà à bàabaa fífiwà à aà dà gbé'e pó wa sò mia ü guu. Wi gbée dau we yääo. <sup>54</sup> Gooipiá ásñadazie, kámabogoo lé ká. <sup>55</sup> Noe pó aa te Yesuzi za Galileø te Yosefupi kpe, aa mia'epi è ní lá à Yesu ge díleuo. <sup>56</sup> Ò aa tà gè nísi gínana ní tuläletiø sçukeli. Kámabogoozí aa kámabò lá Lua dílewa.§

## 24

### *Yesu bøa gau*

(Mat 28.1-10, Maa 16.1-8, Zaa 20.1-10)

<sup>1</sup> Ásñanenzí gufène õ noepiø èa gè miapi kíi ní nísi gínana pó aa a sçukèo. <sup>2</sup> Aa lè gbe goa mia'ele. <sup>3</sup> Ké aa gè, aai Dii Yesu ge eo. <sup>4</sup> Aa ku bíli guu, õ gõe gbëøn plaeø bò mòmá pokasa tekeao daa. <sup>5</sup> Via ní kú, aa ní mi pèle, õ gõepiø ònë: Bóyäi ále gbé bëe weele geo guui? <sup>6</sup> A ku lao, à vu. A to yá pó a òé goo pó a ku Galile dñagu <sup>7</sup> à mè, sema wà Gbënazin Né kpá duunkenaøwa, aa aà páliwa, a goo àa ñde zí i vu.\* <sup>8</sup> Ò yápi dñngu. <sup>9</sup> Bøa mia kíi aa gè yápi baokpà aà iwa gbëøn kuedoøne ní gbé kíni. <sup>10</sup> Maliamama Madeleni ní Yoanao ní Zaaki da Maliamao ní noe kíni pó aa kúññoo mé yápi ò zinapiøne. <sup>11</sup> Ó noepiø yápi këne lán faai yáwa, aai sio. <sup>12</sup> Ó Piee félè båalè gè miapi kíi. Ké à wékpalè miapiu, i pøe eo, sema bàabaa pôleø, õ à èa tà, ále làasooke yápi aà kù gbää.

### *Emausi zéu*

(Maa 16.12-13)

<sup>13</sup> Goo doüpi zí Yesu iwa gbëøn plaeø lé gé wéle pó wí me Emausi. N Yelusaleüo à kà kiloo kuedo taa. <sup>14</sup> Aale yá pó kè píi faai bokõe, <sup>15</sup> õ goo pó aale a faaibo, aale a wàaipa, Yesu ní lé, õ aa be zéu sãnu. <sup>16</sup> Pøe kpaané ní aà dñao. <sup>17</sup> Ó à ní lá à mè: Bó yá ále tåa'oò ní kõoi? Ó aa zè, an oo sisia. <sup>18</sup> An gbëdo pó wí me Keleopa wèwà à mè: Mé i ke ndo båasio, gbëe ku Yelusaleü a gi yá pó kè goo plaea dñio. <sup>19</sup> Ó à ní lá à mè: Yá kpelei? Aa wèwà aa mè: Yesu Nazalæti yáé. Anabi zõøe. Gbëpii dñ ké aà yákëa ní aà yá'oao bò Lua kíie. <sup>20</sup> Ó sa'onkiaø ní wá gbäädeø aà kpàmá, ké

wà yādaaaàla yáí, wi aà páliwa wà de. 21 Wápiò sõ wále e ɔmè a Isailiù suaba. Bee kpè yápi këa gòò àaãden gbä. 22 Ò yá pò wá nɔeëc ò bò wá sae. Ké aa gè aà mia kíi gufëneà, 23 aai aà gë e weo. Aa sù aa mè malaikàò bò mòmá, aa òné a ku bëé. 24 Ò wá gbëeëc gè miapi gwai, aa è lá nɔepiò ònëwa, a ku weo. 25 Ò Yesu òné: Låasooosaideò, ili yá pò ãnabiò ò si kpaaò. 26 Lua dìlè Mesii taasike beewa, i gbasa gë a gawi guuo lò? 27 Daaleà Mɔizi láwa e à gè pè ãnabiò pòwa pii, Yesu yá pò këa Lua yáu azia yá musu bɔolekènè pii.

28 Ké aa käikù ní wéle pò aale géuo, Yesu kë lá á ye gëzëawa. 29 Ò aa aà kùkù aa mè: Gôwanò la. Oosi kë, gu lé gëkòu. Ò à gë ua à gòòñò. 30 Gòò pò àlé poobleño, ɔ à pëe sè à báaadàu, ɔ a è a kpàmá. 31 Ò an wé kë aa aà dò sa, ɔ aa kùawà. 32 Ò aa òkëe: Ké àlé yá'owëe zéu, àlé Lua yá pílokëwëe, wá nòse lé yáalò lé? 33 Ò aa fèle gòò aa èa gè Yelusaleù. Aa aà iwa gbëon kuedòò è kääaa we ní gbé pò nàmáò 34 aale me: Dii vù sìanae. A azia òlo Simòòe. 35 Ò gbëon plapiò zé guu yá dàu sìuné ní lá aa aà dò gòò pò à pëe èo.

### *Yesu azia òlo a iwañe*

(Mat 28.16-20, Maa 16.14-20, Zaa 20.19-23, Zin 1.6-8)

36 Ké aale yápi o màa, kándo aa aà è zea ní guu, ɔ a òné: Aò kú ní aafiao. 37 Ò gili gëngu, vía ní kú, aale e gyaade wa è. 38 Ò a òné: Akeà á nòse ɔòkpài? Akeà á kú ní nòse plaplaoi? 39 A ma ñò gwa ní ma gbáò, mámè. A òkää à gwa. Gyaade me ge wá vñ lá a ma ee wao. 40 Ké a ò màa, ɔ à a ñò ní a gbáò ɔònè. 41 Pøna guu aa a ee bò, kë à bò ní sae yáí. Ò à ní lá à mè: Poobleà kua? 42 Ò aa kpò kpaateà kòò kpàwà, 43 ɔ a sò ní wáa. 44 Ò a òné: Yá pò má ðé gòò pò má kúáñò mé kë. Ma mè sema yá pò wa ò ma yá musu Mɔizi ikoyá láu ní ãnabiò láo ní Soù láo pa pii. 45 Ò à ní nòse wènè, kë aa e yá pò kú lápiò guu dò. 46 A òné: A këa Lua taalau wà mè, Mesii a taasike, a gòò àaãde zí i bò gau, 47 wi waasoke bui píie ní aà tóo daaleà Yelusaleù, kë aa nòselile, an duuna i kémá. 48 Yápi seeladeòn á ù. 49 Mapi sõ má gba pò ma Mae a legbè kpásäé. Aò ku wéle guu la e gbää bò luabe à kúála.†

50 Ò Yesu bòòñò wéñkpe e Betani sae, ɔ à ñòsè plapla à báaadàñgu. 51 Ké àlé báaadàñgu màa, ɔ à këmá, Lua aà sè tào a kíi. 52 Ò aa kùleè, aa èa tà Yelusaleù ní pøna zòò. 53 Aa ñò ku Lua ua goopii, aao Lua sáaukpa.

## ZAA

# Yá pó kú láe bee guu

Yesu Kilisi baona lá mèn síiõõ guu Zaa láe bee mé adoa. Yesu taasikéa yá báasi (18-19), yá pó kú láe bee guu doõ ní baona lá kíniõo. Óme nosea Kana (2.1-12) yá'ò ní Nikodeü gea Yesu kíi yáo (3.1-21) ní Samali noe yáo (4.1-12) ní Bezata kpáa'okíi gyäe gbágbää yáo (5.1-18) ní gbé pó wa i vía gbágbääao (9.1-41) ní yápaleo. I Yesu yákéao o dasio, áma pó pó a ò Yesu yádàdaò gbéõne maamaae.

Lápi daalekli (1.1-18) ñlówëe kéké Yesuá Lua Yá pó iò ku gcoopiie, ɔ à gõ gbénazina ū a kú ní guu wëni ní sianao ū.

Baona láe bee kpaalea lee plae, yá pó kéké zadõ Yesu kuggoo i kao (2.4) ní yá pó kéké aà tibogoo kao (12.23).

E aà gco aà ká (1.19-12.50). Zaa Da'ilena dòaa kéké Yesupi seelade ū. Aà iwaç Andelee ní Filipo ní Natanaelio kéké seelade ū lõ, yá pó an baade è Yesuwa ɔ à kéké a seelade ū. Bee gbea à Yesu kpaaua ní gbéø yá'ò ní dabudabu mèn sopla pó à kéké seela ū. Dabudabupiò mi mé yá ū. Kéké Zaa yá séia beeò ò a làa, à yá pó Yesu ò azia yá musu kéké (12.37-50).

Kéké Yesu gco kà (13.1). Yesupi lé gbezä díle a iwaõne lá wí kewa (13-16). Bee gbea wabikéa guu i gi taasi pó a keio, ɔ à a iwa pó aa gõ a kpeø nà a Maeë a øzi (17). Ó Zaa Yesu kúa yá dàu a sìu lá a yá kú baona lá kíniõ guuwa, lá wà yádàaàala, wà aà pà lipääkõawa, ɔ wà aà mia è da gii (18-20). Aà bøa gau gbea à bò mò Maliamma Madeleni ní a iwaçwa, atësa Tomaa. Lee 21 guu à bò mò a iwa gbéõn soplaçwa Tibelia ísida lé.

Lápi láakli (20.30-31) Zaa yá pó tò a baona lápi kéké ò, kéké wà e Yesu sí Lua Né Mesii ū, wí wëni e aà náaikea yái, asa Lua mé Yesu zì, ɔ Yesu mè ámeaa zé ní wënio ní sianao ū (14.6).

### *Yesu Kilisi møa dúnia guu*

<sup>1</sup> Asinizi Yá kú, Yápi kú ní Luao, mé Yápiá Luæ. <sup>2</sup> A kú ní Luao asinizi. <sup>3</sup> Lua pópii kéké aà sabaië, pœ ku à kéké aà saio. <sup>4</sup> Aà guu wëni kuu, mé wënipi de gupua ū gbéõne. <sup>5</sup> Gupuapi i bii gusiau, ɔ gusiapi lí e dàao.

<sup>6</sup> Lua gbéø zì, aà tón Zaa. <sup>7</sup> A mò gupuapi seelade ū, à aà yá'ò gbéõne, kéké gbépii e aà náaike a sabai. <sup>8</sup> Aàpi mé gupuapi ūo, à mò gupuapi seelade ū. <sup>9</sup> Gupua slande pó i gupu gbépiiie mé lé mò dúnia guu.

<sup>10</sup> A ku dúnia guu. Baa kē Lua dúnia kē aà sabai, dúnia i aà dōo. <sup>11</sup> A mò a bē, õ aà gbēo i aà dileo. <sup>12</sup> Gbē pō zèaànc̄ aa aà náaikèo sō, à ní gbá zé aa gđ̄ Lua néo ū. <sup>13</sup> An iapi i bō gbēe au guuo, i bō mēfleea ge gđ̄e pœa kíio, Lua mé n í. <sup>14</sup> Yápi gđ̄ gbēnazīna ū, à gooplakèwano, õ wa aà gawi è,\* Mae Lua Né mèndona gawie, gbēke ní sianao pèewà.†

<sup>15</sup> Zaa mé aà seelade ū, à pùna à mè: Gbē pō ma aà yā'òn kē. Ma mè gbē pō lé mó ma gbea demala, kē a ku ma ãa yái. <sup>16</sup> Aà gbēke pœewà guu à gbēkekè wá baadee, mé aà gbēkēpi kē gbēke ū. <sup>17</sup> Lua a ikoyā kpàwēe Mɔiziwa, à gbēke ní sianao kèwēe Yesu Kilisi sabai. <sup>18</sup> Gbēe i wesi Luale yāao. Lua Né mèndona pō kpaan a Maepi kùe mé tò wa aà dō.

*Zaa Da'ileña seeladekeea  
(Mat 3.1-17, Maa 1.1-11, Luk 3.1-22)*

<sup>19</sup> Yuda gbāade pō kú Yelusalē ū sa'onae ní Levii buie zì Zāawa, õ aa aà là aa mè: Mmenn déi? Yá pō a ònén kē: <sup>20</sup> A òné wásawasa, i yæe ulenéo à mè: Mesiin ma ūo. <sup>21</sup> O aa aà là aa mè: Dén n ū sai? Elian‡ n ūa? A wèmá à mè: Aawo! O aa èa aà là lɔ: Anabi zōon§ n ūa? A wèmá à mè: Aawo! <sup>22</sup> O aa òè lɔ: Mmenn dé s̄i? Owēe kē wà e o gbē pō wá z̄ōne. Kpelewa n̄le o nzia yá musui? <sup>23</sup> O à mè: Gbē pō a lɔ dɔ gbáau, àlè oné wà zepoo Diien ma ū, lá ãnabi Isaia a yā'òwa.\*

<sup>24</sup> Gbē pō wà n z̄ip̄o sō, aa bò Falisi kíie. <sup>25</sup> O aa aà là aa mè: Lá Mesiin n ūo ge Elia ge ãnabi zōo, býyai n̄le gbēo da'ilék̄i? <sup>26</sup> Zaa wèmá à mè: Mi gbēo da'ilék̄, ãma gbēe kú á guu, á aà dōo. <sup>27</sup> Ale mó ma gbea, mi ka kē mà aà sabala bɔbɔèo. <sup>28</sup> Yápi kē Betani pō kú Yuudē baale, gu pō Zaa lé gbēo da'ilék̄ue.

<sup>29</sup> Ké a gu dò, Zaa Yesu è àlè mó a kíi, õ à mè: Sã pō Lua kpà a dúnia duuna wolon kē. <sup>30</sup> Gbēpi yá má ò yāa ma mè, gbē pō lé mó ma gbea demala, kē a ku ma ãa yái. <sup>31</sup> Má aà dō yāao, ãma ma mo, málé gbēo da'ilék̄, kē Isaili e aà dō yái.

<sup>32</sup> Zaa mé aà seelade ū à mè: Ma Lua Nisīna è à bò luabé à sù lán felenawa à mò dīè. <sup>33</sup> Má aà dō yāao. Ké Lua ma zì gbēo da'ilék̄, a òmee gbē pō má è Lua Nisīna mò dīè, aàpi mé a gbēo da Nisīnapiu. <sup>34</sup> Ma bee è, õ má de aà seelade ū, õmè Lua Né ū.

*Yesu ïwa s̄eia*

<sup>35</sup> Ké a gu dò, Zaa èa ku we lɔ ní a ïwa gbēon plao. <sup>36</sup> Ké à Yesu è àlè ḡe, à mè: Sã pō Lua kpàn we! <sup>37</sup> Ké ïwa gbēon plapi yápi mà, aa bò te Yesuzi. <sup>38</sup> Yesu lili a è aa teazi, õ à ní lá à mè: Bó á yeii? Aa òè: N bee ku má ni Labi? (Bee mè Metulu.) <sup>39</sup> A wèmá à

\* **1:14** Bøa 33.18 † **1:14** Bøa 34.6 ‡ **1:21** Mal 3.23 § **1:21** Iko 18.15 \* **1:23** Isa 40.3

mè: A mō gwa. Ḍ aa gè gu pō a kuu è, õ aa gòaàñō zibeezi. Oosi mò sīiñ zaawa.

<sup>40</sup> Gbēn̄ pla pō aa Zāa yāmà aa bò te Yesuzipio, an gbēdo á Simōo Pieee dāuna Andelee. <sup>41</sup> A gè a vīi Simōo lè gīa, õ a òè: Wa Mesii è. (Bee wī me lō Kilisi.) <sup>42</sup> Ḍ à gèaàñō Yesupi kīi. Yesu aà gwà soee à mè: Zāa né Simōon n ū. Wali one sa Pieee. (Bee mè gbe.)

<sup>43</sup> Ké a gu dò, Yesu ye ta Galile bùsuu, õ à kpàaū n Filipo. A òè: Temazi. <sup>44</sup> Filipipiá Andelee n Pieeo be wéle Besaida gbéé. <sup>45</sup> Ḍ Filipi gè Natanaeli lè à mè: Gbē pō Moizi a yā'ò a ikoyā guu mé ãnabiò a yā'ò lō, wa aà è. Yosefu né Yesue. Nazaleti gbéé. <sup>46</sup> Natanaeli òè: Gbēmaa a bō Nazalétie? Filipi òè: Mō n gwa. <sup>47</sup> Ké Yesu Natanaeli è àlè mó a kīi, à aà yā'ò à mè: Isaili zálalan ke, aà nòse moafili vīo. <sup>48</sup> Ḍ Natanaeli òè: N ma dō má ni? Ḍ Yesu wèwà à mè: E Filipi ào gé n sisii, ma n e kaadøena gbáu. <sup>49</sup> Ḍ Natanaeli òè: Metulu, Lua Nén n ū, Isailiò Kian n ū. <sup>50</sup> Yesu òè: Ké má òne ma n e kaadøena gbáu, õ n ma náaikèa? Nyō yāzōo e de kē beela. <sup>51</sup> A èa òè lō: Siana málē oé, á luabé e wēa, Lua malaikao i dède Gbēnazin Néwa, aai pilawà.†

## 2

### Nɔsse Kana

<sup>1</sup> A gōo àaõde zí wàle nɔsse Kana, Galile bùsuu. Yesu da ku we, <sup>2</sup> mé wà Yesu ní a iwaõ sisi nɔssepi guu lō. <sup>3</sup> Ké vēe kèsā, Yesu da òè: Aa vēe vī lōo be. <sup>4</sup> Ḍ Yesu wèwà à mè: Akeá n mō ma kíii? A gōo i kamēe yāao. <sup>5</sup> Ḍ aà da ò zíkennaõne: Lá a oé píi à ke. <sup>6</sup> Ola ku we mèn soolo Yudaõ gbābō'ikabō ū. A keeo i í sí litili basiïõe, a keeo basoolo. <sup>7</sup> Ḍ Yesu ò zíkennaõne: A ika olae beeø pai. Ḍ aa ikà ní pai yeleleyele. <sup>8</sup> Ḍ a òne: A tō geò bleblen døaanae sa. Ḍ aa tò gèoè. <sup>9</sup> Ké døaanaapi í lilea vēe üpi lë, i dō gu pō à bòuo, ãma zíkenna pō aa ípi tò dō. <sup>10</sup> Ḍ døaanaapi nöde sisi a òè: Vēe na õ wī kpámá gla. Gōo pō í zòlémá, õ wī mó n a lío sa. Mpi sō n vēe na tò gbezā.

<sup>11</sup> Yesu dabudabu séia bee kē Kana, Galile bùsuu. A tòbò, õ aà iwaõ aà náaikè.

<sup>12</sup> Bee gbea Yesu gè Kapenaú ní a dao ní a dāunaõ ní a iwaõ, ãma aai gōoplaké weo.

### Yesu kua Lua ua

(Mat 21.12-13, Maa 11.15-17, Luk 19.45-46)

<sup>13</sup> Ké Yudaõ Géamusu\* dikpe kāikù, õ Yesu gè Yelusaleū. <sup>14</sup> A è wàle zuo ní sāo ní felenguuluø yia Lua ua, mé ɔleūkpakenaõ zòlea we. <sup>15</sup> Ḍ à bàflä tå à ní yá n bólé, sāo ní zuo píi. A ɔleūkpakenapiò ña fàaa, à ní táabūnuø fuangba. <sup>16</sup> Ḍ a ò felenyianapiõne: A

† 1:51 Daa 28.12 \* 2:13 Boa 12.1-11

pópiō séle bɔò píi. Asu ma Mae kpé ke ele ūo. <sup>17</sup> O yá pó kēa láue bee dà aà iwaɔgu à mè: N kpé yá ma kū gbāa, àlē ma ibaba.<sup>†</sup> <sup>18</sup> O Yuda gbāadeo aà là aa mè: Dabudabu kpele nyō kewēe, kē wà e dō n yá bee kēa iko vli? <sup>19</sup> Yesu wèmá à mè: A Lua kpéee bee wí, má ea kpépi fele gɔɔ àaõ. <sup>20</sup> O gbāadepiõ òè: Wè blasçø nì mèndoo õ wà kpépi dà, mé mpi nyō fele gɔɔ àaõ lò? <sup>21</sup> Ama Lua kpé pó à a yá'òpi, aà me yá àlē o. <sup>22</sup> Ké Yesu bò gau, yá pó a òpi dà aà iwaɔgu, õ aa yá pó kēa Luayataalau si‡ n yá pó Yesu òpio.

<sup>23</sup> Yesu kua Yelusaleū Gēamusu dikpē zí wà aà náaikè dasi, kē wà dabudabu pó a kèo è yái. <sup>24</sup> Yesu i n náaikèo, asa a gbépii nòse dōe. <sup>25</sup> Aà bàa kú n gbēe gbēnazina yá'oaεoo, asa a yá pó kú n nòse guu dōe.

### 3

#### *Yesu n Nikodeū*

<sup>1</sup> Falisie ku wí me Nikodeū. Yuda gbāadeo doe. <sup>2</sup> A mò Yesu kíi gwāasína a òè: Metulu, wá dō ké yādanede pó bò Lua kíin n ū, asa gbēe a fɔ̄ dabudabu pó ni keo, sema Lua kuaàñø bàasio. <sup>3</sup> O Yesu òè: Siana málε one, mé i ke wà gbé i lò bàasio, a e àɔ kpala pó bò Lua kíi dōo. <sup>4</sup> O Nikodeū Yesu là à mè: Kpelewa wa gbé gbāa ii? A ea gë a da nòse guu, aà a i lò yá? <sup>5</sup> O Yesu wèwà à mè: Siana málε one, mé i ke wà gbé i ní io nì Lua Nisinao bàasio, a e gë kpala pó bò Lua kíi guuo. <sup>6</sup> Gbēnazina ne'iaá me yáε, Lua Nisina ne'iaá nisina yáε. <sup>7</sup> Nsu to yá pó má òne bɔ n saeo, sema wà á i lò. <sup>8</sup> Iana i kákø gu pó a yeiu. Ni a kɔñl ma, nili dō gu pó àlē bɔu ge gu pó àlē géuo. Màa i ò de ní gbé pó Lua Nisina aà io.

<sup>9</sup> O Nikodeū aà là à mè: Kpelewa yá bee a kei? <sup>10</sup> Yesu wèwà à mè: N Isailiɔ yādanede ia õ ní bee dōo? <sup>11</sup> Siana málε one, yá pó wá dō õ wi o. Yá pó wá è seeladeon wá ū, õ ili wá yá sio. <sup>12</sup> Lá ma tɔɔlε yá'òé, ili sio, tó ma luabe yá'òé, á síe?

<sup>13</sup> Gbēe i gé luabe yāao, sema Gbēnazin Né pó bò we bàasio. <sup>14</sup> Lá Mɔizi mlẽ se dò musu guawaiwaiu,\* màa wa Gbēnazin Né sé dò musu, <sup>15</sup> ké gbé pó lé aà náaikè ào wēni láasai vli. <sup>16</sup> Asa Lua ye dúniasi à kè zài, õ à a Né mèndonapi kpà, ké gbé pó lé aà náaikè a gao, wēni láasai õ aɔ vli. <sup>17</sup> Lua i a Né zí dúnia guu yādai dúnipila no, ké à dúnia suaba aà sabai yáie.

<sup>18</sup> Yá a zɔ̄lε aà náaikenawao. Yá zɔ̄lε aà náaikensaiwa kò, ké i Lua Né mèndonapi náaikèo yái. <sup>19</sup> Pó pó tò yá zɔ̄lε gbéwan ke: Gupua mò dúnia guu, õ aa ye gusiai de gupuapila, ké an yākεaɔ

† 2:17 Sou 69.10 ‡ 2:22 Sou 16.10 \* 3:14 Nao 21.9

vái yái. <sup>20</sup> Asa vāikēna píi za gupuauē, íli mó gupua kíio, ké aà yākēao su bōo yái. <sup>21</sup> Gbē pó i zíke sianawa, ade mé i mó gupua kíi, ké wà e dō kua Lua guu ɔ à yápiò kēu.

### Zaa Da'ilēna Yesu yá'oa

<sup>22</sup> Bee gbea Yesu gè Yude bùsuu ní a ïwaø. A gooplakèñno we, àle gbéø da'ilékē. <sup>23</sup> Zaa lé gbéø da'ilékē sô Aino, Saliú sae, asa i di wee. Wíø mó aà kíi, ɔ i ní da'ilékē. <sup>24</sup> Asa wi Zaa dakpeu yääao. <sup>25</sup> Goo bee Zaa ïwaø nà lekpaakeawa ní Yuda gbääadereo gbábøa yá musu. <sup>26</sup> O aa sô Zääazi aa mè: Metulu, gbé pó kunnø yää Yuudë baale, n aà yá'òwëe, ɔmè lé gbéø da'ilékē tia, gbépii lé gé aà kíi. <sup>27</sup> Zaa òné: Gbëe lí fô yäe kèo, sema Lua aà gbà zé bàasio. <sup>28</sup> Amé á ma seelade ù, ké má ò mámè má Mesii ùo. Ma mè Lua ma zì mà dçaaëe.† <sup>29</sup> Nøseña mé nò vî. Nøseña gbëna ì ze aà sae, i swákpa aà yái, nøseña lòø i aà pø ke na. Beewa sô ma pø na kë zài. <sup>30</sup> Sema aàpi aò káffi mapi mío lao.

<sup>31</sup> Gbé pó bò musu dë gbépiia. Gbé pó a këa bò dúnia guuá dúnia gbéë, dúnia yá i o. Gbé pó bò luabé dë gbépiia, <sup>32</sup> iò dë pø pø a è ní yá pø a mào seelade ùe, ɔ gbëe lí aà yá sio. <sup>33</sup> Gbé pø aà yá sì, ade Lua sianadeke së. <sup>34</sup> Gbé pø Lua aà zípi i Lua yá'o, asa Lua i a Nisïna kpawà kasoo. <sup>35</sup> Mae Lua ye a Nézi, ɔ à pøpii nàè a çzì. <sup>36</sup> Gbé pø lé Népi náaike wëni láasai vî. Gbé pø lé gí aà yämai a wënipi eo, Lua pø gi paaàzie.

## 4

### Yesu ní Samali nøeo

<sup>1</sup> Falisiø mà Yesu lé gbéø da'ilékē, àle ïwaø e de Zäala. <sup>2</sup> I kë Yesu mé ní da'ilékè azlao, aà ïwaø mé kë. <sup>3</sup> Ké Yesu yápi mà, à bò Yude à èa lé tá Galile. <sup>4</sup> Gea guu sema aà bò ní Samali bùsuo. <sup>5</sup> O à kà Samali wéle pø wí me Sikaa. A zà ní tçole pø Yakøbu kpà a né Yosefuwa yääoo.\* <sup>6</sup> Yakøbu lòø ku we. Yesu tää'ò à kpàsa, ɔ à zìle lòøpi sae. Iatë kà minanguo.

<sup>7</sup> Samali nøee mó ítçì, ɔ Yesu òè: Ma gba í mà mi. <sup>8</sup> Aà ïwaø sô aa gè wéle guu ble lúi. <sup>9</sup> O nøepi òè: Yudan n ù, Samali nøen ma ù, ɔ nle imia gbeaaa? (Asa Yudaø ní Samaliø yá lí kákøuo.) <sup>10</sup> O Yesu òè: Tó ní gba pø Lua i dané dö ní ma gbé pø málé í gbeamao, dö ní gbëaa, mí n gba í wënidé. <sup>11</sup> Nøepi òè: Mae, ní goa vîo. Lòøe sô, a è zâ. Nyô í wënidépi e má ni? <sup>12</sup> N de wá dezi káau Yakøbula yâ? Ome lòøpi tòwëe. Aàpi a imí ní a néo ní a pøtuø. <sup>13</sup> O Yesu òè: Gbé pø íe bee mî, imi a ea aà dë løe. <sup>14</sup> Gbé pø a í pø mó kpawà mi sô, imi a aà dë bau løo. Asa í pø mó kpawà a gô

† 3:28 Zaa 1.20 \* 4:5 Daa 33.19

aà nòsé guu nibɔ́na pó a ibɔ́e wẽni láasai ū. <sup>15</sup> O nɔ̄epi ðè: Mae, ma gba í bee, ké imi su ma de mà mɔ̄ ítsi la lɔ̄o.

<sup>16</sup> Yesu ðè: Gé n zá sísii, í mó sānu. <sup>17</sup> Nɔ̄epi wèwà à mè: Má zá vio. O Yesu ðè: Ké n mè n zá vio, n yã'ò a zéwaes. <sup>18</sup> N zákè lees sɔ̄o, mé gõe pó n kuaàno tiaá n zá no. N siana'ò. <sup>19</sup> O nɔ̄epi ðè: Mae, má dɔ̄ sa ké ãnabin n ū. <sup>20</sup> Wá dezis kùle Luae gbees bee musu, ápis sɔ̄ i me Yelusaleú mé gu pó wàli kúleuè ū. <sup>21</sup> Yesu ðè: Nɔ̄e, ma yã sí. Gooe lé mó kék á kúle Mae Luae gbees bee musu ge Yelusaleú lɔ̄o. <sup>22</sup> Apis, i kúle Luae mé á aà dɔ̄o. Wápis, wi kúleè mé wá aà dɔ̄, asa gbéo misia i bɔ̄ wá Yudaø kíi. <sup>23</sup> Gooe lé mó, à kà kò, kék lousisin slandeo kúle Mae Luae n sianaø n aà Nisina gbáao. Gbé bee taa ò Mae Luae lé wéele aà kúleè. <sup>24</sup> Luaá nisinae, sema gbé pó aañ kúleèo kúleè n sianaø n aà Nisina gbáao. <sup>25</sup> O nɔ̄epi ðè: Má dɔ̄ kék Mesii pó wí me lɔ̄ Kilisi a mó. Tó à mó, a yápii bɔ̄olekeWée. <sup>26</sup> O Yesu ðè: Ma gbé pó málë yã'one, máme má aà ū.

<sup>27</sup> Goo bee ò Yesu iwaø su. Ké ále yã'o n nɔ̄eo, à bò n sae, áma an gbée i aà la bó a yei ge býayi ále yã'o n nɔ̄epioo. <sup>28</sup> O nɔ̄epi a lo tò we, à gè wéle guu a ò gbéoñe: <sup>29</sup> A mó gþee gwa. A yá pó má kèo píi ðmee. Mesii yà mɔ̄oo? <sup>30</sup> O aa bòle wéleu, aale gé Yesu kíi.

<sup>31</sup> Goo bee sɔ̄ Yesu iwaø ðè: Metulu, nýo pøble ya? <sup>32</sup> O a ðnë: Má pøbleae ví pó á dɔ̄o. <sup>33</sup> O aà iwaø kò lala aa mè: Gbée mó n bleo yà? <sup>34</sup> O Yesu ðnë: Ma pøblea mé gbé pó ma zì pøeäkea ù e mà ge zì pó a dàmee midéo.

<sup>35</sup> Apis i me mó siii mé gð kék pøkekëgoo ká. Málë oé à wése buaø gwa, asa póo mà à kà keke. <sup>36</sup> Pøkekëna lé a asea e kò, ále gbéo káaa àizána pó ū, kék pøtøna n pøkekënao e pønake sānu. <sup>37</sup> Asa yáe beeá sianaæ: Gbëdo i pøtø, gbëdo i keke. <sup>38</sup> Ma á zì pøkëkei gua pó i zikëuo. Gbëpåleo mé zikè we, ò ále n zì ài ble.

<sup>39</sup> Samali pó kú wélepi guuu Yesu náaikè dasi yá pó nɔ̄epi ðnë yái, kék à mè à yá pó á kèo píi ðe. <sup>40</sup> Ayämeto kék aa kà Yesu kíi, aa wabikèwà aà gõñno, ò à kèñno gøo pla. <sup>41</sup> Ké Yesu yá ðnë, gbëpåleo aà náaikè dasidasi. <sup>42</sup> O aa ò nɔ̄epie: I ke yá pó n ðwéé yái wa aà náaikè adoo. Wa aà yámà wázlae, ò wá dɔ̄ siana kék dúnia Suaban aà ū.

### Bùsu gbáadee né gbágbaa

<sup>43</sup> Goo plapi keáñno gbea ò à tà Galile, <sup>44</sup> asa Yesupi ò ãnabi lío bëee ví azia bùsuuo. <sup>45</sup> Ké à kà Galile, Galiledeo gbáakpàaàzi, asa aa gè dikpékè Yelusaleúe, ò aa yá pó a kék dikpëpi zì è píi.‡

<sup>46</sup> O Yesu èa gè Kana, gua pó à í lïlëu vëe ū. § Bùsu gbáadee ku we, aà né lé gyákë za Kapenaú. <sup>47</sup> Ké a mà Yesu bò Yude à sù

Galile, à gè aà kíi, à wabikèwà aà gé a né gbágbáiε, asa a ye gaε.  
 48 Ḍ Yesu òè: Mé i ke a dabudabuɔ ní yābɔnsaeɔ è bāasio, á ma náaikeɔ. 49 Ḍ gbäädepi òè: Mae, mɔ e ma né àò ga. 50 Yesu òè: Ta bε. N né a gao. Gɔ̄epi yá pó Yesu òè sì, õ à dàzεu. 51 Gɔ̄o pó a bε zéu, à kpàaū ní a zlkenaɔ, õ aa òè aà né kú. 52 Ḍ à n lá à mè: Zaa kpeletaa à dáamakèi? Ḍ aa òè: Gia iatε auapilaa gɔ̄o õ mèwāapi gòwà. 53 Ḍ maepi dɔ̄ kέ zaa pó Yesu òè a né a gaon we. Ḍ aa aà náaike, aàpi ní a bεdeɔ pii.

54 Seela plaade pó Yesu kε bɔa Yude sua Galilen we.

## 5

### *Gyæe gbágbaa kpáa'okii*

1 Bee gbea Yudaɔ dikpεe kà, õ Yesu èa gè Yelusaleū.  
 2 Kpáa'okii kú we Sã Bɔlε saε, wí me Bezata ní Ebelu yáo. Kpáa'okii pi bilandaan vñ soo, 3 gyæe wúlεau dasidasi, vñlaɔ ní eeɔ ní gbé pó an gu imiaɔ. 4-5 Gɔ̄ee ku we àlé gyákε à kà wè bla plasai. 6 Ké Yesu aà è wúlεa we, a dɔ̄ kέ àlé gyákε à gègε maamaaε, õ a òè: N ye nyɔ̄ aafiaa? 7 Gyæepi wèwà à mè: Mae, má gbée vñ à ma da í guu gɔ̄o pó à dèedeeo. Tó málε gé gεui, gbëpále i dɔaa gε ma ãae. 8 Yesu òè: Fεle ze ní n pe se taaa'o. 9 Wegɔ̄o gɔ̄epi aafia'è. A a pe sè à taaa'o.

Gɔ̄opiá kámabogɔɔzìε, 10 ɔ̄ Yuda gbäädeɔ ò gɔ̄e pó gbàgbäpiε: Kámabogɔɔzìn gbä. I kú nyɔ̄ n pe seao.\* 11 A wèmá à mè: Gbé pó ma gba aafia mé òmee mà a pe se mà taaa'o. 12 Ḍ aa aà là aa mè: Démε òne ní n pe se ní taaa'oi? 13 Gbé pó gbàgbäpi dɔ̄ dé no, asa Yesu gèlε bíla pó kú we guue. 14 Bee gbea Yesu aà è Lua ua, õ a òè: Ma, n aafia'è. Nsu duunake lɔo, kέ yá pó a vãi dε beeaa su n leo yáí. 15 Ḍ gɔ̄epi ge ò Yuda gbäädeɔnε Yesu mé tò a aafia'è.

16 Ḍ gbäädepiɔ fεle ní iadaa Yesuwao, kέ i yá bee taaa ke kámabogɔɔzì yáí. 17 Ḍ Yesu yázásimá à mè: Ma Mae iɔ zìkε kámabosaiε, màa málε ke sɔ̄. 18 Yá bee yáí gbäädepiɔ lé Yesu we dε káaua. I ke kέ ili kámabogɔɔzì yādāo ado yáí no, kέ i mε Lua mé a Mae ũ, àlé sáakpa ní Luao yáíε.

### *Lua Né iko*

19 Yesu èa a zásimá à mè: Siana málε oé, Lua Né lí fɔ̄ yâe kε ní aziaoo, sema yá pó a è a Mae lé ke bāasio, asa yá pó aà Mae i ke pii, bee aà Népi i ke sɔ̄. 20 Asa Mae Lua ye a Nézi, mέ i yá pó i ke pii ɔlɔè. A yá pó a zɔ̄o dε beeaa ɔlɔè, i bɔ a saε. 21 Lá Mae Lua i geo vu à wèni kpámá, màa aà Né i wèni kpa gbé pó á yeiwa. 22 Mae Lua lí yákpaleke ní gbëeoo, à yákpaleke a iko kpà a Néwa

\* 5:10 Zel 17.21

píie,<sup>23</sup> kéké gbépii aà Né kpela, lá aaí Mae Lua kpelawa. Gbéké pó lé Lua Né kpelao lé aà Mae pó aà zí kpelao.

<sup>24</sup> Siana málé oé, gbéké pólé ma yáma mé àlé gbéké pólé ma zí náaike wéni láasai ví. Yá a zólewào, à bò gau à gè wéni guu. <sup>25</sup> Siana málé oé, gçœlé mó, à kà kò, kéké geo Lua Né ló ma, an gbéké pólé mà i vu. <sup>26</sup> Lá Mae Lua wénikpaama iko ví, à wénikpaama iko kpà a Néwa ló.

<sup>27</sup> A yákpalekeka iko kpàwà ló, kéké a de Gbénazin Né<sup>†</sup> ú yái. <sup>28</sup> Asu to bee bò á saeo, asa gçœlé mó kéké ge pólé kú miauw aa aà ló ma, <sup>29</sup> aai bòle píi. Maakena i vu gë wéni guu, vâikenao sô yâzôleama guu.<sup>‡</sup> <sup>30</sup> Mili fô mà yâe kéké ní maziaoo. Mi yákpaleke lá a òmeevae, mé mi yákpaleke a zéwa, asa mili mazia pœa weeleo, sema gbéké pólé ma zípi pólé.

### Yesu iko seelade

<sup>31</sup> Tó má de mazia seelade ú, ma yá náai vio. <sup>32</sup> Seelade pâle kuí ma yá'o, mé má dô kéké ma yá pólé náai ví. <sup>33</sup> Baa ápi, a gbéké zí Zâawa, ñ à siana'ðé. <sup>34</sup> Má daa gbénazin seeladeke gâuo, málé bee oé kéké à e bò zia yái. <sup>35</sup> Zâa mé filia pólé naa àlé gupu ú, ñ a we pønaké aa gupuai gçœpla. <sup>36</sup> Yá pólé Mae Lua dàmee mà kéké, yá pólé málé kepi deé seela úe kéké Mae Lua mé ma zí. Ma seelapi de Zâa pôla. <sup>37</sup> Ma Mae pólé ma zí ma yá'ò ló. I aà ló ma zíio, mé i wësiaâleo,\* <sup>38</sup> mé aà yá i zólekké e á sô guuo, kéké àlé gbéké pólé a zí náaikeo yái. <sup>39</sup> Imekpa Lua yá kyokeawa, asa iò e we á wéni láasai eu. Ma yá ñ taalapi lé o sô, <sup>40</sup> kási àlé gí mísí ma kíi à wénipi e.

<sup>41</sup> Málé sáau weele gbeñazina kíio, <sup>42</sup> áma má á dô, má dô kéké á ye Luazio. <sup>43</sup> Ma mò ní ma Mae tóo, ñ i ma dileo. Tó gbeñapale mò ní azia tóo, aà dile. <sup>44</sup> Lá i sáau weelekôwa, ili sáau weele Lua mèndonawao, kpelewa á fô ma yá sii? <sup>45</sup> Asu aò e mâmé mé gë ní á yáo ma Mae kíio, Môizi pólé á wé dòi mé a geò. <sup>46</sup> Tó a Môizi yá sî, dô a ma yá sî sô, asa ma yá ñ a kë láu. <sup>47</sup> Lá i yá pólé a kë sio, á ma yá sî?

## 6

### Blekpa bilawa

(Mat 14.13-21, Maa 6.30-44, Luk 9.10-17)

<sup>1</sup> Bee gbea Yesu bùa Galile ïsidawa, (ví me ló Tibelia.) <sup>2</sup> Bíla ló tcaàzi dasidasi, kéké aa aà gyæcœ gbaagbâa dabudabu è yái. <sup>3</sup> Ó Yesu dède zóle sîsî musu ní a iwa. <sup>4</sup> Yuda ñ Gëamusu dikpe kákai. <sup>5</sup> Kéké Yesu wësè musu, a è bíla lé mó a kíi dasidasi, ñ à Filipi

<sup>†</sup> 5:27 Dan 7.14    <sup>‡</sup> 5:29 Dan 12.2    § 5:33 Zaa 1.19    \* 5:37 Maa 1.11

là à mè: Mákii wá ble e luu gbéō blei? <sup>6</sup> A bee ò Filipi le gwaa yáie, asa a dɔ́ lá á ye ke. <sup>7</sup> Ḍ Filipi wèwà à mè: Anusu ñaa do pëe, baa tó wa lili baadee yɔɔyɔɔ, a pëemáo. <sup>8</sup> Aà ïwaɔ do Andelee, Simɔɔ Piee dāuna ðè: <sup>9</sup> Negðenae ku la a pëe zozona v̄i mèn sco ñ kpò giinaeo mèn pla. Bó bee a ke gbé dasie bee guui? <sup>10</sup> Yesu mè: A to gbéō zɔ̄lε. Sè bɔ̄lɔ di gupiue, õ aa zɔ̄lezɔ̄lε. Gðeō nt̄ee aa kà gbéōn ñaaasco lée sco (5.000). <sup>11</sup> Yesu pëepi sè à Lua sáaukpà, õ a kpaalè gbé pó zɔ̄lε wepiøne. Màa à kpɔ kpàmá lɔ́ lá aa yeiwa. <sup>12</sup> Ké aa kà, a ò a ïwaɔne: A a miɔna pó gðo sèlè píi, ké a kee su vúuaao. <sup>13</sup> Ḍ aa pëe mèn sco pó wa sòpi miɔna pó gðo sèlè gbí kuɛpla pai.

<sup>14</sup> Ké wà dabudabu pó Yesu kèpi è wà mè: Gbépiá ñabi pó lé mó dúnia guue siana. <sup>15</sup> Yesu dɔ́ ké wa ye mó a kpa kíá ū ñ gbääoe, õ à gòné we à èa dède sìsì musu ado.

*Yesu tða'oa ïsidaa  
(Mat 14.22-27, Maa 6.45-52)*

<sup>16</sup> Ké oosi kè, aà ïwaɔ gè ïsida gðsɔ̄lε. <sup>17</sup> Ḍ aa gè gó'ilena guu, aale bua ïsidapi baale Kapenaū oi. Gu sì kò mé Yesu i mó ñ kíi yääo. <sup>18</sup> Zàaian gbää kàkà, õ í lé fele. <sup>19</sup> Ké aà ïwaɔ golí aa kà kiloo sco ge soolo taawa, aa Yesu è, ále tá'a'o ía, ále sõ ñ gózi, õ via ñ kú. <sup>20</sup> Ḍ a ðné: Mámé, ásu to via á kúo. <sup>21</sup> Aa wèi aà gè gó guu, õ gópi kà gu pó aale géu gðo.

<sup>22</sup> Ké gu dò bíla zea gðsɔ̄lε ïsida baale. Aa dɔ́ ké gó'ilena kú we yää mèndoe, mé Yesu i gè gópi guu ñ a ïwaɔo, aa tà nt̄ee. <sup>23</sup> Gbezä gó'ilena pâle bò Tibelia aa mò gu pó kái ñ gu pó wà pëe sòu Dii sáaukpaa gbeao. <sup>24</sup> Ké bílapí è aàpi ge aà ïwaɔ ku we lòo, aa gè gópi guu aa gè aà wëelei Kapenaū.

*Yesu mè ble pó ï ní ká wëniwa ü*

<sup>25</sup> Ké aa aà è ïsida baa we, aa ðè: Metulu, n ka la bɔ̄e ni? <sup>26</sup> Yesu ðné: Siana málε oé, ále ma wëele pëe pó á sò a ká yáie, i ke dabudabu pó á èø yáie no. <sup>27</sup> Asu zìkè ble pó ï láá yáio, sema ble pó ï ní ká àizänawa. Gbénazin Né mé a á gba blepi, asa aàpi õ Mae Lua a seela kèwà.\*

<sup>28</sup> Ḍ aa aà là aa mè: Kpelewa wá ke wà yá pó Lua ye wà ke kei? <sup>29</sup> Yesu wèmá à mè: Yá pó Lua ye à ke mé gbé pó a zì náaikeá û. <sup>30</sup> Aa ðè: Dabudabu kpele nýɔ̄ kewëe ké wà e wí n náaikei? Yá kpele nýɔ̄ kei? <sup>31</sup> Wá deziø mana blè guwaiwaiu† lá a këa láuwa wà mè: A blè pó bò musu kpàmá aa blè.‡ <sup>32</sup> Ḍ Yesu ðné: Siana málε oé, i ke Mɔizi mé ble pó bò musu kpàwáo. Ma Mae mé ï ble siande pó bò musu kpàwá. <sup>33</sup> Lua blepi mé gbé pó bò

\* 6:27 Zaa 1.32 † 6:31 Boa 16.15 ‡ 6:31 Soü 78.24

musu ï wëni kpa dûniawa û. <sup>34</sup> Aa ðè: Mae, ñyô ble bee taa kpawá gôopii. <sup>35</sup> O Yesu òné: Mámë \$ má ble pó ï ná ká wëniwa û. Nôana a gbé pó mò ma kíi de lôo, imi a ma náaikeo. <sup>36</sup> N beeo lá má ðéwa, baa kék a ma e, álé ma náaikeo. <sup>37</sup> Gbé pó ma Mae kpàa a mò ma kíi, mé má gbé pó mò ma kíi yá baou. <sup>38</sup> I ke mazìa pœakéa yái ma bɔi musu ma mɔo, sema gbé pó ma zì pó. <sup>39</sup> Gbé pó ma zìpi pœan ke: Másu to gbé pó a kpàao kee vúuaao. A ye mà ní bɔ gau gôogbezâzì. <sup>40</sup> Asa ma Mae pœan ke: A ye gbé pó wesi aà Néle álé aà náaike wëni láasai ee. Mámë má aà bɔ gau gôogbezâzì.

<sup>41</sup> O Yuda gbâadeo zoakâaâazi, kék à mè ámë á ble pó bò musu û yái. <sup>42</sup> Aa mè: Gbépiá Yosefu né Yesue. Wá aà de ní aà dao dôo lé? O álé o a bɔ musuea? <sup>43</sup> Yesu òné: Ásu zoakao. <sup>44</sup> Gbëe a fɔ mò ma kíio, sema ma Mae pó ma zì aà sisi bâasio, mí aà bɔ gau gôogbezâzì. <sup>45</sup> A këa ãnabió lá guu wà mè: Lua mé a yâda baadee.\* Gbé pó Mae Lua yâmà mé a dà mè ï mò ma kíi.

<sup>46</sup> I ke gbëe Mae Lua è ní wéo no. Gbé pó bò aà kíi mé aà è ado. <sup>47</sup> Siana málë oé, ma náaikeo wëni láasai vî. <sup>48</sup> Mámë má ble pó ï ná ká wëniwa û. <sup>49</sup> A dezio mana blè guwaiwaiu, kási aa gâ. <sup>50</sup> Ble pó ï bɔ musu pó málë opi, tó gbé blè, a gao. <sup>51</sup> Mámë má ble bëe pó bò musu û. Tó gbé blèpi blè, aó ku gôopii. Ble pó má kpámá mé ma mëbaasi û, kék dûnia e ào wëni vî yái.

<sup>52</sup> O gbâadepiò lé lekpaaKE ní kôo aa mè: Gbépi a fɔ a mëbaasi kpawá wà sóe? <sup>53</sup> O Yesu òné: Siana málë oé, tó i Gbénazin Né mëbaasi só a aà au mío, á wëni vîo. <sup>54</sup> Gbé pó ï ma mëbaasi só mé ï ma au mi wëni láasai vî. Mámë má aà bɔ gau gôogbezâzì. <sup>55</sup> Asa ma mëbaasiá ble siandee, mé ma auá imia siandee. <sup>56</sup> Gbé pó ï ma mëbaasi só mé ï ma au mi ku ma guu, mé má kú aà guu. <sup>57</sup> Lá Mae Lua bëe ma zì, mé mió ku aà yái, màa gbé pó ï ma me so aó ku ma yái. <sup>58</sup> Ble pó bò musun we. A de lán ble pó á dezio blè aa gâwao. Bleebéeblena aó ku gôopii.

<sup>59</sup> Yesu yá beeò ò gôo pó álé yâdané Kapenaü lousisikpœue.

### Yesu iwaò pòobøzakéa

<sup>60</sup> Kék aà iwaò yápi mà, an daside mè: Yá gbâae, déme a fɔi? <sup>61</sup> Yesu dò a iwaçwa kék aale zoaka yápi musu, õ a òné: Yápi lé á fu yâ? <sup>62</sup> Tó a sù á è Gbénazin Né fèle lé tá gu pó a kuu yâa sô be? <sup>63</sup> Lua Nisina mé ï wëni kpámá, mëbaasi pœ û weo. Yá pó má ðéo mé Lua Nisina pó ï ná ká wëniwa yâ û. <sup>64</sup> Kási á gbëeo lé ma náaikeo. Asa Yesu gbé pó lé a náaikeo dô za káau ní gbé pó

a su a kpámáo. <sup>65</sup> Ḍ à mè lɔ: Bee yái má ðé, gbẽe a e mo ma kíio, sema Mae Lua aà gbà zé báasio.

<sup>66</sup> Za gɔɔ bee aà iwa pòobozákè dasidasi, aai teaàzi lɔo. <sup>67</sup> Ḍ Yesu a iwa gbẽon kuεplao là à mè: A ye ta sɔ yà? <sup>68</sup> Simɔɔ Piee wewà à mè: Dii, dé kíi wá géui? N wẽni láasai yá v̄i. <sup>69</sup> Wa n náikè, ɔ wá dɔ kéké Lua gbé pɔ a kua adoan n ū. <sup>70</sup> Yesu ònē: A gbẽon kuεplao, mi á seo lé? Kási á gbëdo Setau v̄i. <sup>71</sup> Simɔɔ Isalioti né Yudasi yá ɔ àlé o. Aàpi mé gbẽon kuεplapi gbëdo pɔ a à kpámá ū.

## 7

### *Yesu gεa Lákpedɔa dikpeu*

<sup>1</sup> Bee gbea Yesu gè Galile wéle ní wéle, asa a ye bεbε Yudeo, kéké Yuda gbääadeo lé aà we yái. <sup>2</sup> Yuda Lákpedɔa dikpe kāikù, \* <sup>3</sup> ɔ aà dāunao ðè: Fele lakii gé Yude, kéké n iwa pɔ kú weo yá pɔ níle keo e sɔ. <sup>4</sup> Tó gbé ye tɔbɔ, ili a yá ke asii guuo. Lá níle yáe beeo taa ke, n nzia olb dúniae. <sup>5</sup> Baa aà dāunapi o aà náikeo. <sup>6</sup> Ḍ Yesu ònē: A gɔɔ i kamεe yääo. Apio sɔ, gɔɔpii zevl̄e. <sup>7</sup> Dúnia a we zaágwu, áma a zamagu, kéké mi me aà yákevai yái. <sup>8</sup> A gé dikpepiu, málé géuo, asa a gɔɔ i kamεe yääo. <sup>9</sup> Aà yápi oa gbea à gɔɔ Galilee.

<sup>10</sup> Kéké aà dāunapi o gè dikpepiu, ɔ à gbàsa gè. I gé bíla wáao, à gè asii guue. <sup>11</sup> Yuda gbääadeo lé aà weelé dikpepiu aa mè: Aàpi ku má ni? <sup>12</sup> Bíla guu wàle yákukù o maamaa aà musu. Gbẽe mè: Gbẽmaae. Gbẽe mè: Aawo, àlé gbé sásæ. <sup>13</sup> Gbẽe i aà yá'o gupuauo, kéké wàle v̄iaké gbääadepi o yái.

<sup>14</sup> Kéké dikpe kà a guo, Yesu gè Lua ua, àlé yádané. <sup>15</sup> Aà yá bò gbääadepi o sae aa mè: Gbé pɔ i kyokeo mé lá dɔ kewaa? <sup>16</sup> Ḍ Yesu ònē: Yá pɔ mi danéá mazia yá no, gbé pɔ ma zì yáe. <sup>17</sup> Tó gbé ye ze ní Lua pœäkeao, tó ma yádané de aà pɔ ū ge mazia yá málé o, aɔ dɔe. <sup>18</sup> Gbé pɔ i azia yá'o lé weelé à tɔbɔe. Gbé pɔ i weelé à gbé pɔ a zì tɔbɔ, ade náai v̄i, moafili kú aà guuo. <sup>19</sup> Mɔizi i ikoyádaéo lé? A gbé yápi kúa sɔo. Býái álé ma wei?

<sup>20</sup> Ḍ bíla ðè: N táa v̄i. Démé lé n we? <sup>21</sup> Yesu ònē: Yá mèndo má kéké, ɔ à bò ápii sae. <sup>22</sup> Mɔizi tɔzɔyá dàé, † ɔ i tɔzɔ kámabogɔɔzí. (Kási i ke Mɔizi mé dàaleo, à bò á dezi káauo kíie.)‡ <sup>23</sup> Lá wí tɔzɔnées kámabogɔɔzí, kéké wasu bɔ Mɔizi ikoyá kpeo yái, býái á pɔ paamazi, kéké ma gbé mè būu gbà aafia kámabogɔɔzí?§ <sup>24</sup> Asuli yá gwa lá á wé lé ewao. Ali yá gwa a zéwa.

\* 7:2 Iko 16.13   † 7:22 Lev 12.3   ‡ 7:22 Daa 17.10   § 7:23 Zaa 5.9

## Kɔ́kpaałea Yesu yáí

<sup>25</sup> Ḍ Yelusaleüdeeo mè: Gbépiá gbé pó wàlē wé nolo? <sup>26</sup> Gwa, àlē yā'o gupuau kee, mé gbēe lé ledaaázioa? Gbāadeo aà dɔ́ Mesii ū siana yà mɔ́ɔ? <sup>27</sup> Wá dɔ́ gu pó gbépi bòu. Tó Mesii mò, waɔ̄ dɔ́ gu pó à bòuo. <sup>28</sup> Ayāmeto gɔ́o pó Yesu lé yādané Lua ua, à pùna à mè: A ma dɔ́ mé á dɔ́ gu pó ma bòu. Kási mi mó ní maziaoo. Gbé pó ma zìá siandee, mé á aà dɔ́o. <sup>29</sup> Má aà dɔ́, asa ma bɔ̄ aà kíie, aàpi mé ma zì. <sup>30</sup> Ḍ aale weele aà kú, áma gbēe i ɔkāwào, asa aà gɔ́o i pa yāao. <sup>31</sup> Bila guu wà Yesu náaikè dasi wà mè: Tó Mesii mò, a dabudabuke dasi de a pó pó gbée bee këla yà?

<sup>32</sup> Ké Falisiō mà wàlē yákūkū o zā guu aà yá musu, ū sa'onkiaó ní Falisipio dɔaiɔ̄ zì aà kúi. <sup>33</sup> Ḍ Yesu mè: Ma kuaán̄o gò yɔ́o, mí gbasa tá gbé pó ma zì kíi. <sup>34</sup> A ma weele à kuaa, asa á fɔ́ gé gu pó má kúuo.\* <sup>35</sup> Ḍ gbāadepio lé kɔ́ lala aa mè: Má a ye géu, wí kuawài? A ye gé wá gbé pó lala'ò buipaleo guuɔ̄ kíi à yāda buipalepiɔ̄ne yà? <sup>36</sup> Yá pó a òpi mi dea ni? A mè wá a weele wà kuawa, gu pó á kúu, wá fɔ́ gé weo.

<sup>37</sup> Dikpe gɔ́o gbia pó de kaa'isizi ū, Yesu fèlē pùnamá à mè: Gbé pó imi lé de aà mɔ̄ ma kíi, <sup>38</sup> gbé pó lé ma náaikè aà imi, í pó i ní ká wéniwa iɔ̄ bɔ̄ aà nòse guu, lá a kēa Luayātaalauwa.† <sup>39</sup> A bee ò Lua Nisina pó gbé pó lé a náaikèo e yá musue. Aai Lua Nisinapi e giao, ké Yesu i tɔbɔ̄ yāao yáí.

<sup>40</sup> Ké bila yápi mà, gbēeo mè: Gbépiá ãnabipie siana. <sup>41</sup> Gbēeo mè: Gbé beepiá Mesii. Áma gbēeo mè: Mesii a bɔ̄ Galilee? <sup>42</sup> A kēa Luayātaalau wà mè Mesiiá Davidi buiε,‡ a bɔ̄ Davidi be wéle Beteléüe.§ <sup>43</sup> Ḍ bila kɔ́kpaałè Yesu yáí. <sup>44</sup> An gbēeo ye aà kú, áma gbēe i ɔkāwào.

<sup>45</sup> Ḍ dɔaiɔ̄ èa tà sa'onkiaó ní Falisiō kíi. Ḍ aa ní lá aa mè: Bóyái i aà kú sùdo ni? <sup>46</sup> Dɔaiipi wémá aa mè: Gbēe i yā'o lán gbépiwa yāao. <sup>47</sup> Ḍ Falisiō ònē: A á sásā sɔ̄ yà? <sup>48</sup> Gbāadee ge Falisie aà náaikèe? <sup>49</sup> Bila bee Lua yá dɔ́o, Lua láaižimáe. <sup>50</sup> Nikodeü pó gè Yesu kíi\* yāaá gbāadepio doe. A ònē: <sup>51</sup> Wá ikoyā guu wà mè, wásu yāda gbéla aà yāmasai ge yá pó a kè dɔ́saio. <sup>52</sup> Aa òè: Galile gbén n ū sɔ̄? Wétei n gwa. Nyɔ̄ e ãnabie a bɔ̄ Galileo. <sup>53</sup> Ḍ baade tà a be.

## 8

### Nɔ̄e pó wa kù n̄ gɔ́o

\* 7:34 Zaa 12.26, 14.3, 17.24 † 7:38 Isa 44.3, Eze 47.1 ‡ 7:42 2Sam 7.12

§ 7:42 Mis 5.1 \* 7:50 Zaa 3.1-2

<sup>1</sup> Yesu gè Kùkpè sìsípøleu. <sup>2</sup> Ké a gu dò gò, à èa gè Lua ua. Gbèpii mò aà kíi, ɔ à zòlè lé yádané. <sup>3</sup> O Mɔizi ikoyádanedeo n Falisiɔ mò n nœ pó wa kù n gɔoo, aa aà zè zã guu <sup>4</sup> aa ò Yesue: Metulu, wà nœee bee kù n dàakeaoe. <sup>5</sup> Mɔizi dìlèwëe wá ikoyá guu wà nœee bee taa pápa n gbeo wà dëe.\* N è kpelewa sɔi? <sup>6</sup> Aa bee ò ké aale líkpalèwà aa e yádaaàla yáie. O Yesu nàale, àle ɔgbeké tɔolewa. <sup>7</sup> Ké aa gí lé aà lala, ɔ à a mi fèlè a òné: A gbé pó i duunaké yääo, aà aà pá n gbeo séia. <sup>8</sup> O à èa nàale, àle ɔgbeké tɔolewa lɔ. <sup>9</sup> Ké aa mà màa, ɔ aa gèzea dodo sea za gbézɔɔwa. O Yesu gò ado n nœepio. <sup>10</sup> O à èa a mi fèlè a òè: Nœe, aa tà má ni? Wi yádanla lɔoa? <sup>11</sup> Nœpi wèwà à mè: Baa, gbée ku la lɔo. O Yesu òè: Mapi mà yádanla sɔo. Géi. Za gbä rísu duunaké lɔ.

### *Yesu mé gupua ū dúniae*

<sup>12</sup> O Yesu yá'ò bilaes lɔ à mè: Mámë má gupua ū dúniae, gbé pó temazi aɔ ku gusiau lɔo, gupua pó i n ká wëniwa ɔ vñ. <sup>13</sup> O Falisiɔ òè: N de nzia seelade ū, n yá náai vñ.† <sup>14</sup> O Yesu wémá à mè: Baa tó málë mazia yá'o, ma yá náai vñ, asa má dɔ gu pó ma bɔu n gu pó málë táuo. Apio, á gu pó ma bɔu n gu pó málë táuo dɔo. <sup>15</sup> Ale ma tåae e lá á wé lé ewae. Málë gbée tåae eo. <sup>16</sup> Tó ma su gbé tåae è, ma aà tåae'ea aɔ náai vñ, asa má kú madoo, ma Mae pó ma zí kumano. <sup>17</sup> A kú á ikoyá láu wà mè, seelade gbéon plao yá mé náai vñ. <sup>18</sup> Mámë má de mazia seelade ū. Ma Mae pó ma zíla ma seeladee lɔ. <sup>19</sup> O aa aà là aa mè: N mae ku má ni? Yesu wémá à mè: A ma dɔo mé á ma Mae dɔo. Tó a ma dɔ, dɔ a ma Mae dɔ.

<sup>20</sup> Yesu yá bee ò osiklii, gɔo pó àle yádané Lua uae. Wi aà kúo, asa aà gɔo i pa yääo.

<sup>21</sup> O Yesu òné lɔ: Málë tá mé á ma weele, ãma á ga á duuna guue. A fɔ gé gu pó málë táuo. <sup>22</sup> O gbâadepio mè: A mè wá fɔ gé gu pó ále táuo. Asu azia de yá mɔɔɔ? <sup>23</sup> O Yesu òné: Zílè la gbéon á ū, musu gbén ma ū. Dúniae bee gbéon á ū, dúniae bee gbén ma ūo. <sup>24</sup> A yáí tó má òé á ga á duuna guue. Asa tó i si mámë má aà ūo,‡ á ga á duuna guue. <sup>25</sup> O aa aà là aa mè: Mmenn déi? Yesu wémá à mè: Gbé pó má òé za káauë. <sup>26</sup> Má yáví dasi mà o á yá musu, mí yádaoála. Gbé pó ma zíla siandee, yá pó má mà aà kíi ɔ mi o dúniae.

<sup>27</sup> Aai dɔ ké Mae Lua yá ɔ àle onéo, <sup>28</sup> ɔ Yesu òné: Tó a Gbénazin Né se dò musu, í gbasa dɔ mámë má aà ū. Mili yæe ke n maziaoo, yá pó ma Mae dàmee ɔ mi o. <sup>29</sup> Gbé pó ma zí

\* 8:5 Iko 22.22-24 † 8:13 Zaa 5.31 ‡ 8:24 Boa 3.14

kumano, i ma to madoo, asa mis yá pó i kaaàgu ke goopii. 30 Goo pó Yesu lé yápi o, wà aà náaikè dasi.

### *Yesu dea Ablahaū*

31 O Yesu ò Yuda gbāade pó aa a yá siøne: Tó á ma yá kú, áo dë ma ïwaç ū yama. 32 Aø siana dø, sianapi i to à gõ wéø ū. 33 O aa òè: Ablahaū buin wá ū, wi zoble gbëeë yääo. O ríle o wá gõ wéø ūa? 34 Yesu wémá à mè: Siana málë oé, gbé pó i duunakeá duun zoë. 35 Zoá ua gbéë goopii, ua né mé ua gbé ū goopii. 36 To Lua Né á bó, á gõ wéø ū siana. 37 Má dø ké Ablahaū buin á ū, áma ále ma we, ké ili ma yáda á nòsseuo yái. 38 Yá pó má è ma Maewa õ málë o, yá pó á mà á mae kíi õ ále ke. 39 O aa òè: Ablahaū mé wá mae ū. O Yesu òné: Tó Ablahaū ñolesenaon á ū, dø ále Ablahaū kea ke. 40 Tia kewa ále ma we, ma gbé pó ma siana'òé, siana pó má mà Lua kíi. Ablahaū i yá bee taa keo. 41 Ále á mae kea kee.

O aa òè: Naaenéon wá ūo. Wá mae mèndoe, ñn Lua ū. 42 Yesu òné: Tó á maen Lua ū, dø á yemazi, asa Lua kíi ma bøu ma mo. Mi mó ní maziaoo, aàpi mé ma zi. 43 Bóyäi á ma yá midø ni? Ké á fñ swádø ma yáio yái. 44 A mae Ibiisi pón á ū, aà pœä õ á ye ke. Gbëdenan aà ū za káau, i ze ní sianaoo, ké siana ku aà nòsse guuo yái. Tó à eetò, aàzìa dàan we, asa eeden aà ū, egeø midee. 45 Mapi sõ mi siana'o. A yái ili ma yá sio. 46 A guu, déme duuna èai? Lá siana málë o, bóyäi ále ma yá sio ni? 47 Gbé pó de Lua pó ū i swádø yá pó Lua lé oie. A de Lua pó ūo, a yái ili swádø ma yáio.

48 O gbäadepi òè: Samali gbén n ū! N tåa vî! Wá yá na noa? 49 Yesu mè: Má tåa seao. Mi ma Mae kpela, õ i ma kpëbo. 50 Mili weele mà azia tbøo, Lua mé i weelmeé, õme yágögöna ū. 51 Siana málë oé, gbé pó ma yá kú a ga bauo.

52 O gbäadepi òè: Wá dø sa ké ní tåa vî. Ablahaū gá ní anabiò più, õ ríle o gbé pó n yá kú a ga bauoa? 53 N de wá dezi Ablahaū pó gâla yà? Anabiò gâga l. Dé ríle nzia dile a ūi? 54 Yesu mè: Tó málë mazia tbøe, bee gbiao. Ma Mae pó ále me a de á Lua ū, aàpi mé i ma tbøo. 55 A aà døo, áma má aà dø. Tó ma mè má aà døo, má de eede ū lááwae. Má aà dø mé má aà yá kú. 56 A dezi séia Ablahaū pønakè ma goo ea yá musu. A è, õ aà pø këna. 57 O gbäadepi òè: Ni ka wè blakwi yääo, õ n Ablahaū èa? 58 Yesu òné: Siana málë oé, e wào gé Ablahaū ii, má kú.

59 O aa gbe sèle wà aà pápaò. O à ùlë à bò Lua ua.

<sup>1</sup> Ké Yesu lé bεbe, à gbé pó wa i vía è. <sup>2</sup> O aà iwaò aà là aa mè: Metulu, dé duuna yái ò wà gbépi ii vía? Aà zia pó yái yà, ge aà de ní aà dao pó? <sup>3</sup> Yesu wémá à mè: I ke aà duuna ge aà de ní aà dao pó yái no. Ké wà Lua yákεa ewà yái. <sup>4</sup> Sema wà gbé pó ma zì yákεa ke za gupua wéi. Gwāasína lé mó kέ gbée a e yāe ke lò. <sup>5</sup> Goo pó má kú dúnia guu, má de gupua ū dúniae.

<sup>6</sup> Ké a ò māa, à lé'i tò bùsuwa, ò a yà a màma aà wéwa. <sup>7</sup> A òè: Ge ñ oopi Siloe i guu. (Bee mè i síisia.) O à gè oopi, ò à sù wé wéa. <sup>8</sup> Aà fāanideò ní gbé pó aa aà d᷑ baakena ùò mè: Gbé pó iò baake zòleapin weo lò? <sup>9</sup> Gbéeo mè: Aàpi. Gbéeo mè: Aawo, ade bòaàwae. Gbépi mè: Mámè! <sup>10</sup> O aa aà là aa mè: Kpelewa ní kέ n wé wéi? <sup>11</sup> A wémá à mè: Gbé pó wí me Yesu mé bùsu yà a màma ma wéwa, à mè mà ge oopi Siloe i guu. Ké ma ge oopi, ò ma gu'è. <sup>12</sup> O aa aà là aa mè: Aàpi ku má ni? A mè: Má d᷑o.

<sup>13</sup> O aa gè Falisiò kíi ní gbé pó de vía ū yāapio. <sup>14</sup> A mò lè kámabogoozì ò Yesu bùsu yà à aà wé wéè. <sup>15</sup> O Falisiò aà là lò: Kpelewa ní kέ n gu'èi? A wémá à mè: A bèle nà ma wéwa. Ké má pípi, ò ma gu'è. <sup>16</sup> O Falisiò mè: Gbépi i bò Lua kíio, asa ili kámabogoozì yādao. An gbéeo mè: Duunkena a f᷑ dabudabu beeò taa kée? O aa kòkpaalè. <sup>17</sup> O aa aà là lò: Mpi s᷑ n gbé pó à n wé wéne, níle e kpelewa aà yá musui? A mè: Anabie.

<sup>18</sup> N beeò gbāadeò i si kέ a de vía ū ò aà wé wéò, ò aa gè aà de ní aà dao sisi. <sup>19</sup> Aa ní lá aa mè: A nén laa? A aà i vía yāma yà? Kpelewa a kέ àlē gu'e sai? <sup>20</sup> O aà de ní aà dao wémá aa mè: Wá d᷑ kέ wá néé. Wa aà i vía. <sup>21</sup> Ama lá a kέ sa àlē gu'e, wá d᷑o. A aà la we, gbé gbāae, a f᷑ azia yā'o. <sup>22</sup> Aà de ní aà dao ò māa, kέ aale vía kέ gbāadeone yái. Asa aa zèò kέ gbé pó ò Yesuá Mesiié, wà lousisikpezòèe. <sup>23</sup> Bee yái aà de ní aà dao mè, gbé gbāae, aa aà la.

<sup>24</sup> Gbé pó de vía ū yāapi síisia gēn plaade guu ò aa òè: O ní sì ní Luao. Wá d᷑ kέ gōepiá duunkena. <sup>25</sup> O à mè: Tó duunkena, má d᷑o. Yá mèndo má d᷑. Vian ma ū yāa, ò málē gu'e sa. <sup>26</sup> O aa aà là aa mè: Bó a kēnei? A n wé wéne kpelewa ni? <sup>27</sup> A wémá à mè: Má òé kò, i swáséio. Bóyái á ye mai lòi? A ye gō aà iwaò ū s᷑ yà? <sup>28</sup> O aa zoadòwà aa mè: Mme ní de aà iwa ū we! Wamowawo Mɔizi iwaon wá ū. <sup>29</sup> Wá d᷑ kέ Lua yā'o Mɔizie. Aàpi s᷑, wá d᷑ gu pó à bòuo.

<sup>30</sup> O gōepi òné: Yābɔnsae ma we! A ma wé wéme, ò á d᷑ gu pó à bòuo? <sup>31</sup> Wá d᷑ kέ Lua lí swásé duunkena yái, i swásé a yāmana pó i a pœä ke yái. <sup>32</sup> Zaa Lua dúnia kàlē, wi ma gbée gbé pó wa i vía wé wéò. <sup>33</sup> Tó gbépi i bò Lua kíio, a f᷑ pœ keo.

34 Ḍ aa òè: Wà n i duuna guu míomíe, ᳕ nle yādadawēea? Ḍ aa aà yà.

### *Luad̄saiá v̄lakūae*

35 Yesu mà wà aà yà. Ké à aà è, à aà là à mè: Nle Gb̄enazin Né náaike? 36 Gōepi wèwà à mè: Mae, dén aà ui, ké mà e aà náaike? 37 Yesu òè: N aà è, aàpi mé lé yā'onnō. 38 Ḍ gōepi òè: Dii, málē n náaike. Ḍ à kùlēè. 39 Ḍ Yesu mè: Gb̄eo kpaalea yái ma mōi dúniau la, ké wésiadeo gu'e, wékēnao i gō v̄laø ū.

40 Falisieo ku we. Ké aa yápi mà, aa òè: Wápiø, v̄laøn wá ū sōa? 41 Ḍ Yesu òné: Tó v̄laøn á ū, dō á duuna v̄io. Lá ále o á wé kēa, á duuna ḡi kue.

## 10

### *Yesuá sādān maae*

1 Siana málē oé, gb̄é pó lí ḡe sā kaa léuo, ᳕ v̄i kaaa gupālei, adeá kpáie, kpáiweliwēe. 2 Gb̄é pó ᳕ ḡe kaa léu sō, ade mé sādāna ū. 3 Kaa lé dōana ᳕ zewē adee, sāo sō aa aà lōo dō. I a sāo sisí an baade tówa, ᳕ bōleñño. 4 Tó à bōleñño, ᳕ dōaané, aañ̄ teaaži, ké aa aà lōo dō yái. 5 Aali we tè gb̄epālezio. Aař bāaleè, ké aa gb̄epāle lōo dōo yái.

6 Yesu yápi lèeñne, ᳕ aai dō bō yá a ònéo. 7 Bee yái Yesu èa òné: Siana málē oé, máme má kaa lé ū sāoñe. 8 Gb̄é pó aa dōaameeøá kpáioñe, kpáiweliwēeñe nípii, ᳕ sāo i n̄ yāmao. 9 Máme má kaa lé ū. Gb̄é pó ḡe ma guu a aafia'e. Alio ḡe alio bō, ali pōblekii e. 10 Kpáioa yái ᳕ kpáio i mōi, ᳕ pó de i pó bōkpa. Ma mōe, ké gb̄eo aao wēni v̄i, aai v̄i à kē zāi. 11 Máme má sādān maa ū. Sādān maa ᳕ gi a wēnii a sāo yái. 12 Gb̄ewinaá sādān maa no. Lá sāo de aà pó ūo, tó a è àwalewana lé mó, ᳕ sāo to we à bāaleè, ᳕ àwalewana ᳕ sāo kúkū ᳕ n̄ fāaa. 13 Gb̄epi bāa lío kú n̄ sāo, ké a de gb̄ewina ū yái.

14 Máme má sādān maa ū. Má a sāo dō, mé aa ma dō, 15 lá Mae Lua ma dō mé má aà dōwa. Málē gí ma wēnii an yái. 16 Má sā pāleø v̄i aa ku kaae beeuo. Sema mà dōaané sō. Aa ma lōo ma, kpāsa i gō mèndo n̄ dānao mèndo. 17 Málē gí ma wēnii ké mà ea si lō yái. A yái Mae Lua yeimazi. 18 Gb̄ee a ma wēni siao, má gii n̄ maziaoe. Má a giia zé v̄i, mé má a sia zé v̄i lō. Yá pó ma Mae dīlēmeeen we.

19 Yápi yái Yuda gb̄aadø kōkpaaalè lō. 20 An guu gb̄é daside mè: A tāa v̄i, aà mi līaae. Bóyái ále swásø aà yái? 21 An gb̄eeø mè: Tāade yā'oan weo. Tāa a fō v̄laø wé wēe?

### *Yesu a luake oané*

<sup>22</sup> Lua kpé sakēa Yelusaleū dikpé kà. Buziee,<sup>23</sup> ጀ Yesu lé bεbε  
Lua ua a gu pó wí mε Salomoo bilandaau.<sup>24</sup> የ Yuda gbāadeo  
līaaàzi aa aà là aa mè: Nyō wá tó looa e bɔe ni? Tó Mesiin n ū,  
owee wásawasa.<sup>25</sup> የ Yesu wèmá à mè: Má òé, i sio. Yá pó málε  
ke ní ma Mae tóoo, yápi o mé a seela ū.<sup>26</sup> Apio sō i sio, kέ á de  
ma sāo ūo yái.<sup>27</sup> Ma sāo ī ma yāma. Má n dō mē aačo temazi.  
28 Mi wēni láasai kpámá, aa gaga bauo. Gbēe a fɔ n bɔ ma ɔzlo.  
29 Ma Mae mē ní kpaa, mē aà zō dē gbépiia. Gbēe a fɔ n bɔ aà  
ɔzlo.<sup>30</sup> Mapi ní ma Maeo wá doúe.

<sup>31</sup> Gbāadepio gbe sèle lɔ, aa ye aà pápaò aa aà dε. <sup>32</sup> የ Yesu  
òné: Ma yāmaa pó ma Mae dàmeeo kék dasi. A kpele yái á  
ye ma pápa ní gbeoi?<sup>33</sup> የ gbāadepio wèwà aa mè: Wá ye wà  
ní pápa ní gbeo yāmaa pó ní kék yái no. Ké n dōe ní Luao yáie.\*  
Gbēnazinan n ū, ጀ n nzla dile Lua ū.<sup>34</sup> የ Yesu wèmá à mè: Lua  
ò á ikoyā láu à mè, luaon ní ū.<sup>†</sup> <sup>35</sup> Lua i o gbé pó àlé yā'onepiōne  
luaco lé? Aà yá bāde a vī sō.<sup>36</sup> Ma gbé pó ma Mae ma dile adoa  
à ma zí dūnia guu sō, kέ ma mè Lua Nén ma ū, býāi a mè ma  
dōe ní Luaoei?<sup>37</sup> Tó málε ma Mae kea keo, ásu ma yá sio.<sup>38</sup> Tó  
málε ke sō, baa tó i ma yá sio, à ma náaikē ma yākeao yái, kέ à  
e dō sáasā Mae Lua ku ma guu mē má kú aà guu.<sup>39</sup> የ aa èa lé  
zeweelle wà aà kú, ጀ à pílimá.

<sup>40</sup> የ à èa gè Yuudē baale, gu pó Zaa gbé da'ilékèu séia. A  
gɔɔplakè we,<sup>‡</sup> <sup>41</sup> ጀ wà mò aà kíi dasidasi wà mè: Baa kέ Zaa i  
dabudabue keo, yá pó a ò gbé bee musu píia sianae.<sup>42</sup> የ wà  
aà náaikè we dasi.

## 11

### Lazaa gaa

<sup>1</sup> Gbé pó wí mε Lazaa lé gyāke Betani, wéle pó aà dāeo  
Maliama ní Maatao kuu.<sup>2</sup> Maliamapi mē nōe pó tulale kà Diiwa  
à aà gbá wàa ní a mikāo ū.<sup>3</sup> የ Lazaa dāepio lékpásákè Yesue aa  
mè: Dii, n gbēna lé gyāke.<sup>4</sup> Ké Yesu yápi mā à mè: Gyāpi miá ga  
no. Ké Lua zōke bɔ gupuaau yáie, Lua Né i tɔbo a musu.<sup>5</sup> Yesu  
ye Maata ní aà dāunao n Lazaaizi.<sup>6</sup> Aà Lazaa gyāke a baomaa  
gbea à kék gu pó á kúu già gɔɔ pla.

<sup>7</sup> Bee gbea ጀ a ò a iwaone: Wà ea gé Yude.<sup>8</sup> የ aà iwa òè:  
Metulu, gbāadeo ye n pápa ní gbeo i gégéo, ጀ ní ye wà ea gé we  
løa?<sup>9</sup> Yesu mè: Fāane do leelu kuεpla nolo? Gbé pó lé bεbε fāane  
lì gēmbøleo, kέ àlé gu'e dūniae bee gupua yái.<sup>10</sup> Tó àlé bεbε  
gwāasina, a gēmbøleε, kέ a gupuapi vño yái.

\* **10:33** Lev 24.16   † **10:34** Sou 82.6   ‡ **10:40** Zaa 1.28

<sup>11</sup> Yápi oa gbea Yesu òné: Wá gbëna Lazaa i'ò. Málé gé aà vuie. <sup>12</sup> O aà iwaç òè: Dii, tó àlé i'oé, a aafia'e. <sup>13</sup> Lazaa gaa yá Yesu lé oné, ɔ aale e i'oae siana. <sup>14</sup> O Yesu òné sa wásawasa: Lazaa gàe. <sup>15</sup> Ma pó këna kék má kú weo, kék à e à ma náaike yái. Wà gé aà kíi. <sup>16</sup> O Tomaa pó wí me Sia ò a gbéone: Wà gé, wí ga ní Dii o sõ.

<sup>17</sup> Kék Yesu kà we, à mò lè wà Lazaa vñ à kék gco siiõ kò. <sup>18</sup> Betani ku kái ní Yelusaléñ lán kiloo àa ñ taawa. <sup>19</sup> Yuda gbääade bò we dasi aa mò Maata ní Maliamao kíi an nòse níniiné an dãø ga yá musu. <sup>20</sup> Kék Maata mà Yesu lé mó, à gè daiaàlé. Maliamma gò zöleá be. <sup>21</sup> O Maata ò Yesue: Dii, tó ní kú la yää, ma dãø a gao. <sup>22</sup> Baa tia má dãø kék yá pó ní gbëa Luawa, a kene. <sup>23</sup> Yesu òè: N dãø a vu. <sup>24</sup> Maata òè: Má dãø kék a vu zí pó geo vu gco gbezäzi. <sup>25</sup> Yesu òè: Mámé má gbé pó i geo vu à wéni kpámá ü. Baa tó ma náaikena gá, a gi ào kue. <sup>26</sup> Gbé pó kú mé àlé ma náaike a ga bauo. N bee sia? <sup>27</sup> Maata òè: Ao Dii, má sí kék Mesii, Lua Né pó wà mè a mò dúnia guun n ü.

### Lazaa vua

<sup>28</sup> Kék Maata yápi ò, à gè a dâuna sisi, a òè asii guu: Metulu mò, àlé n gbea. <sup>29</sup> Kék Maliamma yápi mà, à félé kpakpa, àlé gé aà kíi. <sup>30</sup> Yesu i gé wéle guu yääao, a ku gu pó Maata dâuaàlé giae. <sup>31</sup> Gbääadepi ku kpéu ní Maliamao, aale aà nòse niniè. Kék aa è à félé ní wääao à bò, aa bò teaàzi, asa aale e àlé gé ówlí miaae.

<sup>32</sup> Kék Maliamma kà gu pó Yesu kúu, kék à aà è, à kùle aà gbází a òè: Dii, tó ní kú la yää, ma dãø a gao. <sup>33</sup> Yesu è àlé ówlí mé gbääade pó mòaàñopi lé ówlí lò. O tolobi zùaàgu, aà pó yà. <sup>34</sup> O à mè: A aà vñ má ni? Aa wèwà aa mè: Mae, mò n gwa. <sup>35</sup> Yesu wé'ikàu. <sup>36</sup> O gbääadepi mè: A gwa lá a yeaàzi. <sup>37</sup> O an gbëeo mè: Aà gbé pó à vñla wé wë, a fñ gi Lazaa ga yääao lé?

<sup>38</sup> Kék Yesu lé gé miapi kíi, ɔ tollobi zùaàgu lò. Miapiá gbé'ee, gbé gbëne ta a lélé. <sup>39</sup> Yesu mè: A gbeipi go epile. O gepi dæe Maata òè: Dii, à yaikè kò, asa à kék gco siiõe. <sup>40</sup> Yesu òè: Mi oné, tó níle ma náaike, nyõ Lua zööké eo lé? <sup>41</sup> O wà gbeipi gò. Yesu wèsè musu à mè: Baa, ma n sáaukè kék n ma yämà. <sup>42</sup> Má dãø kék niø ma yämä gco pii, áma má ò bíla pó kú la yái, kék aa e si míme n ma zí.

<sup>43</sup> Kék a ò beewa, à pùna ní lòo gbääao à mè: Lazaa, mò n bo. <sup>44</sup> O gbé pó gápi bò, pólé fifia aà mewa mé zwää yea aà miwa. Yesu òné: A pó polowà, í aà gbae.

### Lekpaaia Yesuzi

<sup>45</sup> Yuda gbääade pó aa mò Maliamma kíipi, kék aa yá pó Yesu këpi è, aa aà náaike dasi. <sup>46</sup> Ama an gbëeo gè Falisi kíi, aa yá pó

Yesu kē ònē.<sup>47</sup> Ḍ sa'onkiač ní Falisipio gbāadeč gbèa kōkāaawa aa mē: Gbépi lé dabudabuke dasi, wá sé kpelewa ni?<sup>48</sup> Tó wá tò ále ke māa, wa aà náaike píie, Lomadeč i mo wá Lua kpé ní wá buio suumpa pii.<sup>49</sup> Ḍ an gbēdo Kaaifa pó de sa'onkia ū wé bee ònē: A yāe dōo.<sup>50</sup> Ké gbé mèndo gaa wápii gbēu maa de wá bui mideala, á dōo lé?<sup>51</sup> I yá bee o ní aziaoo. Ké a de sa'onkia ū wé bee yái,<sup>52</sup> à ãanabikékè à dōaa lá Yesu a su ga Yudač gbēu ò.<sup>53</sup> I ke Yudač nítēe no, ní Lua né pó fāaaače ló, ké aà ní ke mè doú.<sup>54</sup> Za zibeezi ɔ gbāadepio zè ní Yesu dēao.<sup>55</sup> A yái tò Yesu i bō gupauu ní guu ló. Ḍ à gè zōewia pó kú gbáa léa, wí me Eflaiú. A gōoplakè we ní a iwač.

<sup>55</sup> Yudač Gēamusu dikpe kāikù. Wà bò zōewiač guu dasidasi, wà gè Yelusaleū e dikpepi ào ka gbābōa yái.<sup>56</sup> Wàlē Yesu weelē, wa zea Lua ua, wàlē kō lala wà mē: A è kpelewai? A we mo dikpeue?<sup>57</sup> Sa'onkiač ní Falisič dīlē tó gbēe Yesu kúkdi dō, aà oné kē wà e aà kú.

## 12

### Tulalekaa Yesu gbáowa (Mat 26.6-13, Maa 14.3-9)

<sup>1</sup> Gēamusu dikpe gò gōo soolo, ɔ Yesu mò Betani, Lazaa pó à aà vù à bò gau be wéleu.<sup>2</sup> Wà blekè Yesue we. Maata mé lé ble kpaale, mé Lazaa ku bleblenač guu ní Yesuo.<sup>3</sup> Ḍ Maliamal tulale bui maa ɔde sè mòò, à kà litili guo, ɔ a kà Yesu gbáowa à aà gbápič wàa ní a mikão. Tulale gí lì kpéa.<sup>4</sup> Yesu iwač do, Yudas Isalioti pó a Yesu kpámá mē:<sup>5</sup> Tulale bee ɔa kà wé do zì ɔa ū. Bóyai wi yía wà a ɔa kpà taasidečwao ni?<sup>6</sup> I bee o taasideč wénagwaa yái no, kē kpáie yáie. Omé ló mòbōo kúa, ló ɔa kini kuluyeye.<sup>7</sup> Ḍ Yesu mē: Nœpi tó. Aà bee ulé e ma gè kpelagoo.<sup>8</sup> Taasideč kúáno gōopiič,\* áma máo kúáno gōopiič.

<sup>9</sup> Yuda gbāadeč mà Yesu kú Betani, ɔ aa gè we dasidasi. I ke Yesu yái aa gèi adoo, kē aa Lazaa pó Yesu aà bò gau e lóe.<sup>10</sup> Ḍ sa'onkiač zèò aa Lazaa de ló,<sup>11</sup> asa aà yái ɔ gbāadeč lé kémá dasi, aale Yesu náaike.

### Gbāakpaa Yesuzi Yelusaleū (Mat 21.1-11, Maa 11.1-11, Luk 19.28-40)

<sup>12</sup> Ké a gu dò, bíla pó mò dikpeuč mà Yesu lé mó Yelusaleū,<sup>13</sup> ɔ aa kpakpalao zòzò aa gè daioaàlé. Aale wiile aale me:  
Gbāa ke!

Báaaden gbé pó lé mó ní Dii tóo ū!

Báaaden Isailio Kíá ū!<sup>†</sup>

<sup>14</sup> Yesu zàa'ina è, à díkpé lá a kēa láuwa wà mē:

\* 12:8 Iko 15.11    † 12:13 Sou 118.25-26

15 Siɔnadeo, ásu vĩakeo.  
A kíá lé mó dia zàa'ín bɔlɔ kpe.‡

16 Aà iwaɔ i yápi midɔ giao. Yesu fele taa gawi guu gb ea ñ aa dɔ sa ké wà yápi kè aà yá musue, mé m̄piɔ wà apii kèè. 17 Ké Yesu Lazaa sisi à bò miau à aà vù à bò gau, gbé pó kuaànɔ a baokpàkpané. 18 A yáí bíla gè daiaàlé, asa aa mà à dabudabupi kèe. 19 Ⓛ Falisiɔ òkɔe aa mè: A èa? Wá fɔ pœ wowào. Gwa, dúnia bò teaàzi.

### *Yesu a gaya'd'oa*

20 Gelekies ku gbé pó aa mó lousisii dikpœu guu, 21 ñ aa gè Besaida pó kú Galile gbé Filipi kíi, aa wabikèwà aa mè: Mae, wá ye Yesu kɔ'eai. 22 Filipi ge ò Andeleee, ñ aa gè wa ò Yesue sānu. 23 Yesu ònè: Gbénazin Né tɔbɔgɔ kà. 24 Siana málé oé, tó pówena i gë tíu à fɔmbasibò, iɔ ku adoë. Tó à fɔmbasibò sɔ, i ne'i maamaae. 25 Gbé pó ye a wénii, wénipi a vūaawà. Gbé pó ḡi a wénii dúniae beeu sɔ, ade aɔ ku gɔɔpiie. 26 Tó gbé ye zikemee, aà temazi, ma zikemapi iɔ ku gu pó má kíu. Tó gbé lé zikemee, ma Mae a aà kpela. 27 Tiasa ma pɔ yà. Kpelewa má oi? Mà o, Baa, ma bɔ yá pó lé mɔau yà? Aawo! Ma mɔ yá pó lé mɔapi yáie. 28 Baa, tɔbɔ. Ⓛ lɔo bò luabe à mè: Má bò kò, mé má ea bɔ lɔ. 29 Ké bíla pó kú we mà aa mè: Lou mé v̄i. Gbēe mè: Malaika mé yá'òè. 30 Ⓛ Yesu ònè: I ke ma yáí lɔɔpi bɔio, á yáie. 31 Yá a zɔlè dúniae beewa sa. Wa dúniae bee kíá bɔ kpalau sa. 32 Mapi sɔ, tó wà ma se ma dɔ musu, má bui píi sisi aa mɔ ma kíi. 33 Ké Yesu ò màa, à dòaa lé ga pó a su ga yá'oë.

34 Ⓛ bíla òè: Wá mà a ku ikoyá láu wà mè, Mesii aɔ ku gɔɔpiie, § mé n mè wa Gbénazin Né se dɔ musu sɔ bε? Démè Gbénazin Népi ui? 35 Yesu wèmá à mè: Gupua kuaánɔ gò yɔɔe. Goo pó á gupuapi v̄i, aɔ bεu, ké gu su siwáo yáí. Gbé pó bε gusiau líɔ dɔ gu pó àlé géuo. 36 Goo pó á gupua v̄i, à gupuapi náaiké, í gɔ gupua gbé û. Ké Yesu ò màa, ñ à gè ulené.

### *Yuda gbaadeo Yesu ndaikensai:ne*

37 Baa n̄ dabudabu dasi pó a kè n̄ wáao, aai aà náaikèo, 38 ké yá pó ãnabi Isaia ò e pa yáí à mè:  
Dii, gbēe i bao pó wá kpà sio.

Wà n gbāa è, wi dɔ. \*

39 Aai we aà náaikèo, asa Isaia ò lɔ:

40 Lua n̄ wé vĩakùnè ké aasu gu'eo,  
à n̄ nòse tátané ké aasu yáma aa εa suwa,  
i n̄ gbágbão yáí.†

---

‡ 12:15 Zkl 9.9    § 12:34 Sou 110.4, Isa 9.6, Dan 7.14    \* 12:38 Isa 53.1    † 12:40 Isa 6.10

41 Isaia bee ò kék à Yesu gawi è‡ yáie, ɔ à aà yá'ò. 42 N beeo gbääadepiɔ Yesu nääikè dasi. Falisiɔ yái ɔ aaliɔ ye wà dōmáo, kék wasu lousisikpezõnéo yái. 43 Asa aa ye gbënazinaɔ ní sáaukpa de Lua ní sáaukpaæ.

44 O Yesu pùna à mè: Gbé pó lé ma nääiké, i ke mapi àlé a nääiké adoo, àlé gbé pó ma zì nääikéee lɔ. 45 Gbé pó lé ma e lé gbé pó ma zì ee lɔ. 46 Ma mɔ dúnia guu gupua ūe, kék gbé pó lé ma nääiké su àɔ ku gusiau lɔo. 47 Gbé pó ma yämà mé a kúao, i ke mámé má yädaaàlao, asa mi mɔ yädai dúniala no, ma mɔ dúnia suabai. 48 Gbé pó gílmazi mé i ma yá sio, yákpale lé aà däe. Yá pó má dàèpi mé a zɔlèwà gɔɔgbεzazí. 49 Asa mi yäe o ní maziaoo. Yá pó má ò ní yá pó má dànéo, ma Mae pó ma zì mé dílémee. 50 Má dö kék yá pó a dàmeeá wëni láasai yáe. Beewa yá pó málé o, málé o lá ma Mae òmeewäe.

## 13

### Yesu a iwaɔ gbá pípia

1 E Gëamusu dikpe àɔ ka, Yesu dö kék a bɔa dúniae bee guu taa a Mae kíi gɔɔ kà. Lá a ye a gbéɔzi dúnia guu, a yeñzi e a wëni léwae.

2 Aalé poble. Ibiisi dà Simɔɔ Isaliɔti né Yudasie a sɔu kò, kék aà Yesu kpámá. 3 Yesu dö kék a Mae pípii nàe a ɔzì. A dö kék a bɔ Luapi kíi, mé a ea lé tá aà kíie. 4 Gɔɔ pó aalé poble, Yesu fèle à a ula bɔ kàlè, ɔ à saveti se dò a pi. 5 Bee gbea à ikà ta guu, ɔ à nà a iwaɔ gbá pípiawa, àlé waa ní saveti pó á dò a pipio. 6 Kék à kà Simɔɔ Piee kíi, Piee pi òè: Dii, míme nyɔ ma gbá pípimeea? 7 Yesu wèwà à mè: N yá pó málé ke dö giao. Nyɔ dö gbezä. 8 Piee òè à mè: Nyɔ ma gbá pípimee bauo. Yesu òè: Tó mi n gbá pípio, wáɔ yäe vñ n kɔo lɔo. 9 Simɔɔ Piee òè: Dii, i ke ma gbáe adoo, ma ɔ ní ma mioe lɔ. 10 Yesu òè: Gbé pó zu'ò bàa kú ní a gue pípiaco, sema aà gbá, asa a zéae. A gbásio, ãma i ke ápii no. 11 A dö gbé pó a su à a kpámá. A yái à mè aa gbásisai mپiio.

12 Kék à ní gbá pípiné a làa, à a ula se dà, ɔ à zɔlè lɔ. A òné: A yá pó má kék dà? 13 I omee Metulu ge Dii. Ale o a zéwae, asa má de a ūe. 14 Lá ma gbé pó má de á dii ní á yädanédeo ū ma á gbá pípié, àliɔ kɔ gbá pipi sɔ. 15 Ma a taa kéké. Aliɔ ke lá má kékéwa. 16 Siana málé oé, zòblena lío de a diilao, zína lío de gbé pó a zìlao. 17 Lá a yá bee dò, báaadeon á ū to álé ke. 18 I ke ápii yá málé oo. Má gbé pó má sèo dö. Sema yá pó këa láue bee pa wà mè:

Gbé pó wi okåaa ta doü mé bò ma kpé.\*

19 Málē oé tia e ào gé mói, kékó à mò, á sí mámē má aà ū. <sup>20</sup> Siana málē oé, tó gbé gbé pó ma aà zí díle, à ma dilee. Tó gbé ma dile sõ, à gbé pó ma zí díle.

*Yesu d̄aa Yudasi n̄ Pieeo yā'oa*

(Mat 26.20-35, Maa 14.17-31, Luk 22.21-34)

<sup>21</sup> Ké Yesu bee ò, tòlobi zùaàgu, õ a òné wásawasa à mè: Siana málē oé, á gbédo mé a ma kpámá. <sup>22</sup> Ò aà iwaç kô gwàgwa, aa bílikè gbé pó àlé owa. <sup>23</sup> Iwa mèndo pó Yesu yeaàzi gengesekéa aà sae. <sup>24</sup> Ò Simoo Piee lesuikèè aà Yesu la gbé pó àlé o. <sup>25</sup> Ò iwapí sôkpàlé Yesuzi à aà là à mè: Dii, dé ni? <sup>26</sup> Yesu wèwà à mè: Má lɔmazõ dowá, mí kpá adewa. Ò à lɔmazõ dowá a kpà Simoo Isaliicti né Yudasiwa. <sup>27</sup> Ké Yudasi lɔmapi sì, Setau gèaàgu gò. Ò Yesu òè: Yá pó níle ke ke kpakpa. <sup>28</sup> Gbé pó aale pobleo, an gbé i dõ býai Yesu bee òièo. <sup>29</sup> Lá Yudasi mé lõ mòbwo kúa, õ gbéeo lé e Yesu òè aà gé dikpe pó pó aa yeio lúie ge aà gé pœ kpái taasideowae. <sup>30</sup> Ké Yudasi lɔmapi sì, à bò gò. A mo lè gwâé.

<sup>31</sup> Ké Yudasi bò, Yesu mè: Tiasa Gbénazin Né a tɔbɔ, mé Lua a tɔbɔ aà yá musu. <sup>32</sup> Tó Lua tɔbò aà musu sõ, Lua a aà tɔbɔ a kíi mé a bɔ gò. <sup>33</sup> Ma gbéo, ma kuaán̄o gò yóo. A ma weele, áma málē oé tia lá má ò gbáadeonewa, á fõ gé gu pó málē táuo.<sup>†</sup> <sup>34</sup> Málē yá dafu dileéé, álio yeköi. Lá má yeázi, ápió sõ álio yeköi maa ló. <sup>35</sup> Tó á yeköi, õ gbépii a á dõ ma iwaç ū.

<sup>36</sup> Simoo Piee aà là à mè: Dii, níle tá má ni? Yesu wèwà à mè: Gu pó málē táu, nýo fõ temazi giao. Gbezä õ nýo mó. <sup>37</sup> Piee òè: Dii, býai má fõ tenzi tiao ni? Má gó ma wénii n yái. <sup>38</sup> Yesu mè: Nyó gi n wénii ma yái ló? Siana málē one, e ko ào gé lezui, nýo lelekpamazi gën àaá.

## 14

*Yesu mé luabe zé ū*

<sup>1</sup> Ásu tó á pø yao. A Lua náaiké, í ma náaiké. <sup>2</sup> Ma Mae be kpé vî dasi, málē gé gukekeié. Tó a de mào, dõ mi oéo. <sup>3</sup> Lá málē gé gukekeié, má ea mo mà á séle táán̄o ma kíi, kékó sõ ào ku gu pó má kúu. <sup>4</sup> A gu pó málē táu zé dõ. <sup>5</sup> Ò Tomaa òè: Dii, wá dõ gu pó níle táuo. Wá fõ a zé dõ kpelewa ni? <sup>6</sup> Yesu wèwà à mè: Mámé má zépi ū, mámé má siana ní wénio ū. Gbé lí e gë ma Mae kíi ma këse kúsaio.

<sup>7</sup> Tó á ma dõ, dõ á ma Mae dõ. Za tia a aà dõ mé a aà è. <sup>8</sup> Ò Filipi òè: Dii, n n Mae olwéé. Bee a mówá. <sup>9</sup> Yesu òè: Filipi, má kúán̄o za gbão, õ ní ma dõoa? Gbé pó ma e ma Mae èe. Býai níle o mà a Mae oléé? <sup>10</sup> Ké má kú ma Mae guu mé ma Mae ku ma

guu, ni sio lé? Yá pó málē oé, málē o ní maziaoo. Ma Mae pó kú ma guu mé lé a yākēao ke. <sup>11</sup> Ké má ò má kú ma Mae guu mé ma Mae ku ma guu, à ma yá sí. Tó màan sōo, à si ma yākēapió yái. <sup>12</sup> Siana málē oé, gbé pó lé ma náaike a yá pó mi kēpió ke. A ke de beeəla se, ké málē tá ma Mae kíi yái. <sup>13</sup> Má yá pó a a wabikè ní ma tóo ke, ké ma Mae e tɔbɔ ma musu yái. <sup>14</sup> Tó a yāe wabikè ní ma tóo, má ke.

### *Yesu legbēa a Nisīna yá musu*

<sup>15</sup> Tó á yemazi, áo yá pó má díleə kūa. <sup>16</sup> Má gbea ma Maewa, i á gba Zennode pāle pó aə kúáno gɔɔpii\* <sup>17</sup> Nisīn siande ū. Dúnia gbéo fɔ aà dileo, asa aale aà eo mé aa aà dɔo. Apio á aà dɔ, asa a kúáno mé aə kú á guu. <sup>18</sup> Má á tó ádoo, má ea mɔ á kíi. <sup>19</sup> A gò yɔɔe ké dúnia a ma e lɔo, áma á ma e. Ké má kú yái, áo ku sɔ. <sup>20</sup> Gɔɔ bee áo dɔ ké má kú ma Mae guu, á kú ma guu, mé má kú á guu. <sup>21</sup> Gbé pó ma yādileao dà mé a kūa, ade mé yemazi. Ma Mae aə ye gbé pó yemazizi, mé māo yeaàzi, mí azia ɔlɔe.

<sup>22</sup> O Yudasi aà là, i ke Yudasi Isalioti gbé no: Dii, bó yá mé mò, nýɔ̄ nzia ɔlwëe, mé dúnia a n eo ni? <sup>23</sup> O Yesu wèwà à mè: Tó gbé yemazi, aə ma yá kūa. Ma Mae aə yeaàzi, wí mɔ aà kíi, wí zɔlēaàno. <sup>24</sup> Gbé pó yemazio ma yá kūao. Yá pó ále mapi i bɔ ma kíio, à bɔ ma Mae pó ma zì kíie. <sup>25</sup> Ma yápi òé gɔɔ pó má kúáno. <sup>26</sup> Ma Mae a a Nisīna zì ní ma tóo Zennode ū. Óme a yápii dadaé, i to yá pó má òé dɔágú píi. <sup>27</sup> Málē á tó ní aafiao, mazia aafia ɔ málē á gba. Málē á gba lá dúnia i ní gbawao. Ásu tó á pɔ yao, ásu sɔ̄deedeekeo. <sup>28</sup> A mà, má òé málē tá, mí ea mɔ á kíi. Tó á yemazie, dɔ á pɔ na, ké málē tá ma Mae kíi yái, asa ma Mae demala. <sup>29</sup> Má òé tia e ào gé kei, ké tó à kè, á ma náaike. <sup>30</sup> Má e yā'oáno gbàa lɔo, asa dúniae bee kíia lé mɔ. A iko vñao, <sup>31</sup> áma lá ma Mae dàmee ɔ málē ke, ké dúnia e dɔ má yeaàzi. A fele wà go lakii.

## 15

### *Yesu mē vēeli siande ū*

<sup>1</sup> Mámē má vēeli siande ū, ma Mae mē vēebude ū.\* <sup>2</sup> I gɔna pó peə ne'isai píi zɔe, ɔ i a ne'ina píi mibo, ké a ne'ia káflí yái. <sup>3</sup> Apioá zëae yá pó má òé yái. <sup>4</sup> Aɔ naa mapiwa lá má naawáwa. Ligɔna lí fɔ ne'i ní aziaoo, sema ào peə lidawa. Måaæ apio á fɔ káflakeo, sema ào naaa bàasio.

<sup>5</sup> Mámē má vēe lida ū, áme á a gɔnao ū. Gbé pó naaa mē má naawà, ade a káflaké maamaae, asa á fɔ pɔe ke ma saio. <sup>6</sup> Tó

\* 14:16 Zin 2.1-4 \* 15:1 Isa 5.1-4

gbé naaa, wa aà vúaa, lá wí ligõna zõ vúaa à giigaga, wà séle káteu à tékúwaæ. <sup>7</sup> Tó á naaa mé ma yá kú á sõu, à pó pó á yei wabike, í e. <sup>8</sup> Tó a káflakè maamaa, áo de ma iwaõ ū siana, ma Mae i tõbo.

<sup>9</sup> Má yeazi lá ma Mae yemaziwa. A ze ní ma yeaázio. <sup>10</sup> Tó á yá pó má díleø kúua, á zea ní ma yeaázion we, lá má yá pó ma Mae díleø kúua mé má zea ní aà yeamaziowa. <sup>11</sup> Ma yápiø òé, ké ào põna pó má ví ví, á põna i ke zài. <sup>12</sup> Yá pó má dileén ke: Aø yekõi lá má yeáziwa.<sup>†</sup> <sup>13</sup> Tó gbé gí a wénii a gbënaø yái, gbëe aø ye gbéi de beelao. <sup>14</sup> Tó ále yá pó má díleé ke, ma gbënaøn á ū. <sup>15</sup> Má oé zòblenaø lõo, asa zòblena lõo a dii boole dõo. Máo oé sa gbënaøe, asa yá pó má mà ma Mae kíi õ má òé píi. <sup>16</sup> Amé i ma seo, mame ma á sé, mé ma á zí à gé káflakei, káfla pó aø ku, Mae Lüa i á gba pó pó a a wabikèwa ní ma tóo. <sup>17</sup> Yá pó má díleén ke: Aø yekõi.

### Dúnia zaa Yesu ní a gbéøgu

<sup>18</sup> Tó dúnia zàágu, ào dõ ké à zàmagu á aa. <sup>19</sup> Tó dúnia gbéøn á ū, dõ dúnia yeazi. Lá ma á sé ma á bó dúnia guu, á de a gbéø ūo. Bee yái dúnia zaiágu. <sup>20</sup> A to yá pó má òé døágu. Zòblena lõo de a diilao. Lá aa iadàa, màa aa dawá sõ. Tó aa ma yá kúae, aao á yá kúua sõe. <sup>21</sup> Aa yá beeø keé píi ma tó yái, asa aa gbé pó ma zí dõo.

<sup>22</sup> Tó mi mõ ma yá'ònéo, dõ aa duuna vïo. Tia kewa an duuna awa vïo. <sup>23</sup> Gbé pó zamagu za ma Maegue sõ. <sup>24</sup> Tó mi yá pó wi ke yääo ke an guuo, dõ aa duuna vïo. Tia kewa aa yá pó má kèø è, õ aa zàmagu ní ma Maeo wápii, <sup>25</sup> ké yá pó kú Mɔizi ikoyä guu pa, wà mè aa zàmagu pã.<sup>‡</sup>

<sup>26</sup> Tó Zennode pó má aà gbaewá bò ma Mae kíi à mò, Nisín slande pó i bò aà kíipi, aø de ma seelade ū. <sup>27</sup> Apíø sõ áo de ma seelade ū, ké á kumanø za káau yái.

## 16

<sup>1</sup> Ma yá beeø òé ké ásu suo yái. <sup>2</sup> Wa lousisikpezõé. A gõo lé mó se ké gbé pó á dé aø e ále zílké Lüaee. <sup>3</sup> Aa yápiø keé ké aa ma Mae ní mapio dõo yái. <sup>4</sup> Ma yá beeø òé, ké tó a gõo kà, ío dõ má òé kòe.

### Lua Nisína zí

Mi yá beeø òé za káauo, ké má kúánø yái. <sup>5</sup> Málé tá gbé pó ma zí kíi sa. A gbëe i ma la gu pó málé táuo. <sup>6</sup> A põ siakù sa, ké ma yá beeø òé yái. <sup>7</sup> Siana málé oé, ma taa a àikëé, asa tó mi tao,

<sup>†</sup> 15:12 Zaa 13.34    <sup>‡</sup> 15:25 Sou 35.19

Zennodepi a mówáo. Tó ma ta, má aà zíwá.\*<sup>8</sup> Tó à mò, a dúnia eekaè a ɔzí duuna ní maakeao ní yákpalekeao yá musu,<sup>9</sup> duuna yá musu, ké aai ma náaikeo yái,<sup>10</sup> maakea yá musu, ké málé tá ma Mae kíi, mé á ma e lóo yái,<sup>11</sup> yákpalekeea yá musu, ké wà yákpalekè ní dúniae bee kíao yái.

<sup>12</sup> Má yávì dasi mà oé ló, ãma á yápiò fñ giao. <sup>13</sup> Tó Nisín Siande mò, a døaaé siana píi guu. A yá'o ní aziaoo, yá pó a mà ɔ ali o, i yá pó lé móo baokpaé. <sup>14</sup> A ma tøbo, asa ɔme a ma yá' sélé siué.<sup>15</sup> Pó pó ma Mae ví píia ma póe. A yái ma mè a ma yá' sélé siué.

<sup>16</sup> A gò yóo ké á ma e lóo, à gò yóo ló i ma e.

### *Pøsia lillea pøna u*

<sup>17</sup> O aà iwaec òkçë: Bó yá àlé owëe wei? A mè à gò yóo wá a e lóo mè à gò yóo ló wí a e. A mè ló àlé tá a Mae kíi. <sup>18</sup> O aa mè: A gò yóo pó a òpi de kpelewa ni? Wi yá pó àlé opí mao. <sup>19</sup> Yesu dò ké aa ye a la, ɔ a òné: Ké ma mè à gò yóo á ma e lóo, mè à gò yóo ló i ma e, bee àlé kó lalaia? <sup>20</sup> Siana málë oé, á óló á wënaké, ãma dúnia a pønake. Aø ku pøsia guu, ãma á pøsiapi a lile pøna ü. <sup>21</sup> Tó nœ ye ne'ii, aà pø i siakü ké aà wäwäkegø kà yái. Tó à ne'i sõ, wäwä pó a kèpi lí døaàgu lóo. Aà pø i ke nae, ké à né dafu kà dúniawa yái. <sup>22</sup> Måa ápiò, á pø sia già. Má ea mà á e ló, á pø i ke na, mè gbëe a fñ á pønapi síwáo. <sup>23</sup> Gøo bee á yæe laa lóo. Siana málë oé, ma Mae a pó pó a a wabikèwa ní ma tóo kpáwá. <sup>24</sup> E tia i pøe wabikè ní ma tóoo. Ali wabikè, ili e, ké á pøna e pøewá yái.

<sup>25</sup> Ma yápiò lèeüéé. A gøo lé mó ké má yá'oé ní yâleëüao lóo, mí a Mae yá'oé wásawasa. <sup>26</sup> Gøo bee á wabikè ní ma tóo. Mi oé mámë má wabikèé ma Maewao, <sup>27</sup> asa ma Mae yeázi ké á yemazi yái, mè a ma bøa aà kíi sì. <sup>28</sup> Ma bø ma Mae kíi ma mó dúnia guu. Tiasa málë dúniato málë tá aà kíi. <sup>29</sup> O aà iwaec òë: Too, níle yá'o ní yâleëüao lóo, níle o wásawasa. <sup>30</sup> Wá dò sa ké ní yápii dò, baa tó gbé i a láasoo oneo. Bee yái wa n bøa Lua kíi sì.

<sup>31</sup> O Yesu òné: Àlé ma náaike saa? <sup>32</sup> A gøo lé mó, à kà kò, ké á fääa, á baade i ta a be i ma to mado. N beeo má kú madoo, asa ma Mae kumanœ. <sup>33</sup> Ma yá beeç òé, ké naaa guu á nòse àò daa doù. A wétëa e dúnia guu, ãma à sôdile, ma ziblè dúniawa.

## 17

### *Yesu wabikèa a Maewa*

<sup>1</sup> Yesu yápi oa gbea à wësë musu à mè: Baa, a gøo kà. N n Né tøbo, n Né i n tøbo. <sup>2</sup> N tò má iko ví gbépiwa, ké mà wëni láasai kpá gbé pó ní kpàaowá píi. <sup>3</sup> N Lua mèndona siande ní mapi

\* 16:7 Zin 2.1-4

Yesu Kilisi pó n zio dōa mé wēni láasai ū. <sup>4</sup> Ma n tōbō tōole, zì pó n dàmee mà ke má làa. <sup>5</sup> Baa, gawi kpaa n kíi sa, lá n kpàa n kíi zadō dūnia kuo.

<sup>6</sup> Gbē pó n n sé dūniau n n kpaa, má tò aa n dō. N pōcne, 5 n n kpaa. Aa n yá kúa, <sup>7</sup> aa dō sa ké yá pó n dàmee bō n kíi píie. <sup>8</sup> Ma yá pó n dàmee dàné. Aa sì, 5 aa dō ké ma bō n kíi siana. Aa sì ké míme n ma zì. <sup>9</sup> Málē wabikéné, i kē dūnia málē kēèo, sema gbé pó n n kpaaapi, asa n pōcne. <sup>10</sup> Ma pōcá n pōcne píi, n pōcá ma pōcne píi. Málē tōbō gbépi yá musu. <sup>11</sup> Málē su n kíi, máo ku dūnia guu lō, áma ampi aao ku dūnia guu. Baa Kuaadoade, n n dōa n tó pó n kpaa gbāao, ké aao ku medoú lágawa. <sup>12</sup> Gōo pó má kúrño, ma n dōa n tó pó n kpaaapi gbāao. Má n kúa, 5 an gbēe i vüaao, mé i kē gbé pó mipè kaalewa ké n yá e pa yái bāasio.\*

<sup>13</sup> Tiasa málē su n kíi. Ma yá bee o dūnia guu, ké aao pōna pó má vī vī, i pēemáe. <sup>14</sup> Ma n yá dàné, 5 dūnia zángu, ké dūnia gbéon n uo lán mapiwa. <sup>15</sup> Málē wabikéma, i kē ké n n bō dūnia guu no, ké n kàedańzi Setáu yá musue. <sup>16</sup> Dūnia gbéon n uo lán mapiwa. <sup>17</sup> To an kua à adoa n siana gbāao, n yá mé sianapi ū. <sup>18</sup> Lá n ma zì dūnia guu, mapi sō ma n zì dūnia guu. <sup>19</sup> Málē azia kpama an yái, ké aao ku n gbéo ū siana.

<sup>20</sup> I kē málē wabikéné nido no, n gbé pó aa ma náike n yáioe lō, <sup>21</sup> kē ampii aao ku medoú. Baa, lá n kú ma guu mé má kú n guu, ampi sō aao kú wá guu, ké dūnia e sí míme n ma zì. <sup>22</sup> Gawi pó n kpaa 5 má kpàmá, ké aao ku medoú lágawa. <sup>23</sup> Má kú n guu mé n kú ma guu, ké aao ku medoú míomí, dūnia i dō míme n ma zì, mé n yenzi lá n yemaziwa.

<sup>24</sup> Baa, gbé pó n kpaa, má ye aao ku gu pó má kúu, ké aa wesi ma gawile, gawi pó n kpaa ké n yemazi zadō dūnia kuopi. <sup>25</sup> Mae Maa, dūnia n dō, áma má n dō, mé gbébee dō kē míme n ma zì. <sup>26</sup> Má tò aa n dō, mé má ea mà to aao n dō lō, ké áo yenzi lá n yemaziwa, mío naamá.

## 18

*Yesu kúa*

(Mat 26.47-56, Maa 14.43-50, Luk 22.47-53)

<sup>1</sup> Yesu yápi oa gbea à bō n a ìwa, aa bùa Sedō baale. Lu ku we, 5 à gèu n a ìwa. <sup>2</sup> Yudasi bónkpéde sō a gupi dō, asa Yesu n a ìwa aai káaa we mòomooe. <sup>3</sup> O Yudasi gè we n sosa gáli doo n dōai pó sa'onkia n Falisi n zìo. Aa filia kúa n sëteo n

\* 17:12 Sou 41.10, Zaa 13.18

gōkēbō. <sup>4</sup> Yesu yá pó a a le dō píi, 5 à bò dānle à ní lá à mè: Dé álé wéelei? <sup>5</sup> Aa wéwà aa mè: Yesu Nazalietie. 6 a òné: Mámé má aà ü, 5 aa èa kpekpé aa bòlēle. 7 Yesu ní lá ló: Dé álé wéelei? 8 aa mè: Yesu Nazalietie. 8 Yesu wémá ló: Má óé mámé má aà ü. Tó mámé álé ma wéele, à to gbéé bee tá. 9 A bee ò kéké yá pó à dòaa ò e pa yáie à mè: Gbé pó ní kpàa, an gbéé i vúaa. <sup>10</sup> Simoo Piee fënda looa, 5 a wò à sa'onkia zikena lèò à aà oplaa swá gò. Zikenapi tón Malaku. <sup>11</sup> 9 Yesu ò Pieee: N n fënda pe a kpéu. Mátasi pó ma Mae díle mà ke keeona í mio lé?

<sup>12</sup> 9 Sosao ní ní gbézoo ní Yuda doai Yesu kù aa aà yé. <sup>13</sup> Aa gëaàn Anasi kíi gla. Anasipiá Kaaifa pó dë sa'onkia ü wé bee ànsuee. <sup>14</sup> Kaaifapi mé ledà Yuda gbáadeewa yää à mè: A maa gbé mèndo ga gbépii gbeue.\*

### Piee lelekpa Yesuzi

(Mat 26.57-75, Maa 14.53-72, Luk 22.54-71)

<sup>15</sup> Simoo Piee ní Yesu iwa doo te Yesupi kpe. Sa'onkia iwapi dō, 5 iwaapi gè Yesu kíi sa'onkiapi be'ua. <sup>16</sup> Piee gè ze boleu gääe. 9 iwa pó sa'onkia aà döpi gè yá'ò nöe pó lé bolepi dääe, 5 à gè ní Pieeo. <sup>17</sup> 9 nöe boledanapi Piee là à mè: Gbépi iwaen n üo lò? Piee wéwà à mè: Máméo. <sup>18</sup> Zikena ní doai tekà yää kéké iana kú yái, 5 aale kpakpa. Piee kúrín we, álé tékpakpa.

<sup>19</sup> 9 sa'onkia lé yálala Yesuwa aà iwa ní aà yädaneo musu. <sup>20</sup> Yesu wéwà à mè: Ma yá'ò gbépii gupuau. Ma yädàdané lousisikpe guu ní Lua uao, gu pó Yuda i kääau mìpii. Mi yäe o asii guuo. <sup>21</sup> Bóyái níle yálalaai? Ma yämama la, aa yá pó má òné dō. <sup>22</sup> Ké Yesu yá bee ò, doai do pó kú we aà sänke à mè: Wí yázäsi sa'onkiawa màa yá? <sup>23</sup> Yesu wéwà à mè: Tó yävái má ò, o wà ma. Tó yämaa má ò sõ, bóyái n ma lei? <sup>24</sup> 9 Anasi Yesu gbäe sa'onkia Kaaifawa yea.

<sup>25</sup> E tia Piee ku we, álé tékpakpa. 9 wà aà là: Aà iwaen n üo lò? Piee lelekpa à mè: Máméo. <sup>26</sup> Sa'onkia zikena doá gbé pó Piee a swá gò daee, 5 à mè: Mi n eaàn lu guuo lé? <sup>27</sup> 9 Piee lelekpa ló. Wegoo ko lezù.

### Pilati yákpalékéa ní Yesuo

(Mat 27.1-31, Maa 15.1-20, Luk 23.1-25)

<sup>28</sup> 9 Yuda gbáade bò ní Yesuo Kaaifa kíi, aa gëaàn bùsu gbézoo be. Gufenée. Aai gè gbézoo pi beo, kéké aasu gbäléo yái, asa aa ye Gëamusu dikpéké. <sup>29</sup> A yái tò Pilati bò mò ní kíi à mè: Yá kpele á ví ní gbépioi? <sup>30</sup> Aa wéwà aa mè: Tó vähkena no, dō wi mò aà kpáimao. <sup>31</sup> 9 Pilati òné: A aà se gé yákpalékéiaàn ázìa

ikoyāwa. Ḷ gbāadepiō òè: Wá gbēdea zé vlo. <sup>32</sup> Bee kè ké yá pó Yesu ò e pa yáie, ké à dìaa a ga taa ò.†

<sup>33</sup> Ḷ Pilati èa gè a be. A Yesu sisi, ᷑ à aà là à mè: Yudaɔ kian n ūa? <sup>34</sup> Yesu wèwà à mè: Nle bee o n̄ nziao yà, ge wà ma yā'ònεε? <sup>35</sup> Pilati mè: Yudan ma ūa? N buis n̄ n̄ sa'onkiaɔ mé n̄ kpaa. Bó n̄ kèi? <sup>36</sup> Yesu mè: Ma kpalaá dúniae bee pó no. Tó ma kpalaá dúniae bee pó, dɔ̄ ma iwaɔ zíkà, ké wasu ma kpa Yuda gbāadeowao. Ma kpalaá dúnia la pó no. <sup>37</sup> Ḷ Pilati òè à mè: Asi kian n̄ ūo? Yesu mè: Mme n̄le o kian ma ū. Wà ma i, ᷑ ma mɔ̄ dúnia guu siāna seelade ū. Gbē pó de siāna pó ū i ma yāma. <sup>38</sup> Pilati mè: Bóme siāna ū?

Ké a ò màa, à èa bò gè Yuda gbāadeɔ kíi, a ònε: Mi yāe e gbépiwao. <sup>39</sup> A félkaayā vī ké mi dakpeunae kéé Gēamusu dikpegɔɔzì. A ye mà Yudaɔ kia kéé yà? <sup>40</sup> Ḷ aa wiilè lɔ aa mè: Aàpi no, Balabae! Kási sɔ̄ Balabapiá kpáiweiwεε.

## 19

<sup>1</sup> Ḷ Pilati mè wà Yesu se wà gbē n̄ flàalao. <sup>2</sup> Ḷ sosao lè fùa tà aa kpàè aa gomusu tēa dàè. <sup>3</sup> Aale sāaazi dodo aale mε: Fɔ̄ Yudaɔ kia! Ḷ aale aà sānkeke.

<sup>4</sup> Pilati èa bò lɔ, ᷑ a ò bílae: A gwa, málε boéaànɔ̄ bàasi la, ké à e dɔ̄ mi yāe ewào. <sup>5</sup> Yesu bò bàasi, a lè fùapi kpaa, a gomusu tēapi daa. Ḷ Pilati ònε: Gēepi ke! <sup>6</sup> Ké sa'onkiaɔ n̄ dɔiaɔ aà è, aa wiilè aa mè: N aà pálipa! <sup>7</sup> Ḷ Pilati ònε: A aà se ge pálipa ázìa, asa mi yāe ewào. <sup>7</sup> Yuda gbāadepiō wèwà aa mè: Wá ikoyā vī, mé ikoyāpi mè sema aà ga, ké à azìa dìle Lua Né ū yái.

<sup>8</sup> Ké Pilati yápi mà, aà vía kàfl. <sup>9</sup> A èa gè n̄ Yesuo a be lɔ, ᷑ à aà là à mè: N bɔ̄ má ni? Yesu i wewào, <sup>10</sup> ᷑ Pilati òè: Nyɔ̄ yā'omεεo lè? N dɔ̄ ké má n̄ gbaea iko vī, mé má n̄ paa líwa iko vī lɔo lè? <sup>11</sup> Yesu wèwà à mè: N ikoe vīao, sema pó Lua kpàma bàasio. A yái tò gbē pó ma kpama duuna mé zɔ̄. <sup>12</sup> Za gɔ̄ bee Pilati lè zeweele à aà gbae, āma Yuda gbāadeɔ wiilè aa mè: Tó n̄ gbépi gbàe, Sezaa gbēnan n̄ ūo. Gbē pó azìa dìle kia ū ibelesè n̄ Sezaaoe. <sup>13</sup> Ké Pilati yá bee mà, à mè wà bɔ̄ n̄ Yesuo bàasi. Ḷ à zɔ̄le a gínaa, gu pó wí mε gbè gusalalau. (N Ebèlu yáo sɔ̄ Gabata.) <sup>14</sup> A gudoa mé Gēamusu dikpe ū. Ké latē ká minanguo, ᷑ Pilati ò Yuda gbāadepiōne: A kia ke. <sup>15</sup> Ḷ aale wiile aale mε: N aà dε. N aà dε. N aà pálipa. Pilati ònε: Má á kia pálipa yà? Sa'onkiaɔ mè: Wá kia vio, Sezaa bàasio. <sup>16</sup> Ḷ Pilati Yesu kpàmá aa aà pálipa. Ḷ aa aà sè gèò.

*Yesu gaa*

(Mat 27.32-56, Maa 15.21-41, Luk 23.26-49)

<sup>17</sup> Yesu bò wéle guu a azia lipääkäa sea, à gè gu pó wí me Mitcoonagu. (N Ebelu yáo wí me Gogota.) <sup>18</sup> We wà Yesu pàu líwa ní gbëon pla pâle, gbëdo oplaai, gbëdo ozeei, ñ Yesu kú ní zänguo. <sup>19</sup> Pilati lakè a nà Yesu lipääkäapiwa. Yá pó a këpin ke: Yesu Nazaleti, Yuda ñ kía.

<sup>20</sup> Yuda lápi kyokè dasi, asa gu pó wà Yesu pàu líwapi zà ní wéleoo. Wa kë lápiwa ní Ebelu yáo ní Lomade, yáo ní Geleki yáo. <sup>21</sup> O Yuda sa'onkia ò Pilati: Nsu kë Yuda ñ kíao, ãma kë aâpi mé ò Yuda ñ kíao a ù. <sup>22</sup> Pilati mè: Yá pó má kë má këe.

<sup>23</sup> Ké sosac Yesu pàliwa aa lâa, ñ aa aâ pökasaç sële kpaalè lee siiñ baade miwa. Aa aâ ulatao pó wa tà namisai za musu e zílè sè lò, <sup>24</sup> ñ aa òkõe: Wásu ulapi paapao. Wà télepa gbë pó a gõe. Aa bee kë kë yá pó këa láue bee paë, wà mè:  
Aa aâ pökasaç kpaalèkõe,  
aa télepà aâ ula yá musu.\*

Bee yái sosac këi màa.

<sup>25</sup> Yesu da ní aâ da dâunao ní Kolopa na Maliamao ní Maliamia Madelenio ku lí pó wà Yesu pàwà sae. <sup>26</sup> Ké Yesu a da è ní a iwa pó á yeaàzio ze aâ sae, a ò a dae: N né ke! <sup>27</sup> O a ò iwapie: N da ke! Za zibeezi ñ iwapapi aâ sè tâò a be.

<sup>28</sup> Bee gbea Yesu dò apii pâ. Ké yá pó këa Luayätaalau e pa<sup>†</sup> ñ à mè: Imi lé ma de. <sup>29</sup> Lo ku we, vëe kùma ka a pai. O wà sao kpâle vëepi guu wa pè lía, wa dà Yesue a léu. <sup>30</sup> Ké à vëepi mî à mè: Apii pâ. O à a mipèle à kësai.

### Yesu zää ní sônao

<sup>31</sup> A gudja mé kámabogoo ù. Yuda gbâadeo ye geo gõ líwa e kámabogoozio, asa kámabogoozípiá go ñ zöe. O aa gè wabikè Pilatiwa wà ní gbá é'e, wi ní bua. <sup>32</sup> O sosac gè gbë sëia pó wa pàliwa sânu ní Yesuo gbá é'e ní a plaade pôo lò. <sup>33</sup> Ké aa kâ Yesu kíi, aa è à gâ kò, ñ aai aâ gbá é'e. <sup>34</sup> O sosac do Yesu zò ní sônao a gbâtëeu. Wegoo au ní ìo bòle. <sup>35</sup> Gbë pó yápi è ní wéo mé yápi ò. Aâ seeladeke siana vî, mé a dò siana ále o, kë ápi sô à e Yesu náaike. <sup>36</sup> Yá bee ñ kë kë yá pó këa Luayätaalau bee paë wà mè:  
Aâ wáe a eo.‡

<sup>37</sup> A këa Luayätaalau lò wà mè:

Aa gbë pó aa aâ zò aa aâ dè gwa. §

### Yesu vîa

(Mat 27.57-61, Maa 15.42-47, Luk 23.50-56)

<sup>38</sup> Bee gbea Yosefu Alimate gbë gè wabikè Pilatiwa aâ a gba zé à Yesu ge bua. Yesu iwaë asii guu, kë ále vîake Yuda gbâadeone

\* **19:24** Sou 22.19    † **19:28** Sou 69.21, 22.15    ‡ **19:36** Boa 12.46, Sou 34.21

§ **19:37** Zkl 12.10

yái. Pilati wèi, ɔ à gè aà ge bùa. <sup>39</sup> Nikodeū pó gè Yesu kíi gwāasina\* gè sō n lí'oo n ese gínanaao yāalea, à kà kiloo baakwi taawa. <sup>40</sup> O aa Yesu ge sè aa bàabaa póléo ñiwà n ese gínanapio, lá Yudaɔ i ge kpela n felekaayā guuwa. <sup>41</sup> Kaa ku gu pó wà Yesu pàu líwapiu. Gbè'e pó wa sò mia ū ku kaapiu, wi gbèe dau yāao. <sup>42</sup> Wekii aa Yesu dàu, ké a zàníncó, mé Yudaɔ kámabogoo lé ká yái.

## 20

*Yesu vua*

(Mat 28.1-10, Maa 16.1-8, Luk 24.1-12)

<sup>1</sup> As̄anenzi guluuluui Maliamma Madeleni gè mia kíi, ɔ a lè gbe goa mia'ε le. <sup>2</sup> O à bàalè gè Simoo Piee kíi n ïwao do pó Yesu yeaàzipio, a òné: Wà Dii bò miau, wi dō gu pó wà aà dileuo. <sup>3</sup> O Piee n ïwao dopio félé gè mia kíi. <sup>4</sup> An gbèon pla mìpii aale bàale sānu, ɔ ïwapi ba na dè Pieela, à kà mia kíi káau. <sup>5</sup> Ké à wékpàleu, ɔ à bàabaa póléo è kálea, ãma i gëuo. <sup>6</sup> Ké Simoo Piee kà aà gbea, ɔ à gè miau. A bàabaa pólépiò è kálea <sup>7</sup> n zwāa pó wa ñ aà miwao. Zwāapi peakōwa n pólépiò, a kooa dilea adoë. <sup>8</sup> O ïwa pó kà mia kíi káupi gè sō. A è, ɔ à aà vua sì. <sup>9</sup> E tia aai yá pó këa Luayātaalau wà mè a bo gau midøo. <sup>10</sup> O ïwa gbèon plapiò èa tà be.

<sup>11</sup> Maliamma ze mia'ε kpæelé, àle ówló. Lá àle ówló màa, à wékpàle mia'eu. <sup>12</sup> O à malaika gbèon plao è zöléa gu pó wà Yesu ge dileu yāa. Ado ku mizl, ado gbázì. Aa ula pua daa. <sup>13</sup> O aa aà là aa mè: Bóme n le, nle ówló? A wémá à mè: Wà ma Dii sè tâðe, má dō gu pó wà aà dileuo. <sup>14</sup> Ké à bee ò, à lili, ɔ à Yesu è zea, ãma i dō Yesu no. <sup>15</sup> Yesu aà là à mè: Bóyái nle ówló? Dé nle wéelei? Maliamma lé e kaadee, ɔ a òè: Mae, tó míme n aà sè n boð, omee gu pó n aà dileu, mí gé mà aà sè. <sup>16</sup> Yesu òè: Maliamma! A aedòwà, ɔ a òè n Ebelu yáo: Labuni! (Bee mè Metulu.) <sup>17</sup> Yesu òè: Nsu òkääao, mi ta ma Mae kíi yāao. Ge n o ma gbéone, málé tá ma Mae n n Maeo kíi, ma Lua n n Luao kíi. <sup>18</sup> O Maliamma Madeleni gè a baokpà aà ïwane à mè: Ma Dii è. O à yá pó a òè òné.

*Yesu azìa ñla a ïwane*

(Mat 28.16-20, Maa 16.9-18, Luk 24.36-49)

<sup>19</sup> As̄anena bee oosi, aà ïwao kääaa kpé guu, aa gbatàrnlé aa kilidàu, ké aale vñlake Yuda gbäadeone yái. O Yesu mò zè n guu, a òné: Aò ku aafia! <sup>20</sup> Ké a ò màa, ɔ à a ñlóné n a gbâtëeo. Ké ïwapiò Dii è, an po këna. <sup>21</sup> Yesu èa òné: Aò ku aafia! Lá ma Mae ma zì, málé á zì sõe. <sup>22</sup> Ké à bee ò, à ïanapèmá à mè: A Lua

Nisína sí. <sup>23</sup> Tó a gbéō duunaō kémá, à kémán we. Tó i kémá sōo, a kémáo.

<sup>24</sup> Goo pó Yesu mò, aà ìwa gbéon kuəplao do Tomaa pó wí me Sia kúrínco. <sup>25</sup> O aà ìwa kíniò òè: Wa Dii è. O a òné: Tó mi kusa gbe e aà o guu ma ɔtona pèuo, mé mi ɔpe aà gbàtēeu, má sio.

<sup>26</sup> A goo la aà ìwaō ku kpéu ló, Tomaa kúrínco sa. Aa gbatàrlé aa kilidàu, ɔ Yesu mò zè ní guu à mè: Aò ku aafia! <sup>27</sup> O a ò Tomaae: N n ɔtona pe ma o guu la ní gwa, ní ɔpe ma gbàtēeu. Nsu seake lóo, ma náaike. <sup>28</sup> Tomaa òè: Ma Dii, ma Lua. <sup>29</sup> Yesu òè: Ké n ma e yái ɔ n ma náaike. Báaadeon gbé pó aa ma náaike ma esaiò ú.

<sup>30</sup> Yesu dabudabu pâleō kè dasi a ìwaō wáa, wi kë taalae bee guuo. <sup>31</sup> Ama wà kék beeō kè, kék à e Yesu sí Lua Né Mesii ú, í wéni e aà náaikea guue.

## 21

### *Yesu azìla olà a ìwaoné isidale*

<sup>1</sup> Bee gbea Yesu èa azìla òlò a ìwaoné ló Tibelia isidale. Lá à azìla òlònén ke: <sup>2</sup> Simoo Piee ku sànu ní Tomaa pó wí me Siao ní Kana pó kú Galile gbé Natanaelio ní Zebedee néo ní Yesu ìwa gbéon pla pâleō. <sup>3</sup> Simoo Piee òné: Málé gé kpó weie. O aa òè: Wápiò sô wá gennoe. O aa gè gè gó'ilena guu, ãma aai pœ e wà kù gwá beeo.

<sup>4</sup> Ké gu lé dò, Yesu zea gôsôle, ãma aà ìwaō i dò kë aâpi no. <sup>5</sup> O à lezu à ní lá à mè: Gbéō, i kpœ e á kùo lé? Aa mè: Aawo! <sup>6</sup> O a òné: A bafâ gó ɔplaa, ákpó kú. Ké aa fâ, aa kpó kù dasidasi, aa fùa séi. <sup>7</sup> O ìwa pó Yesu yeaàzipi ò Simoo Pieee: Dii. Pieepi ula daao. Ké a mà wà mè Dii, ɔ à a ula se dà à kùsi ìwa. <sup>8</sup> Iwa kíniò lé bapi gále, à pà ní kpó, aale suò ní góo, asa aa zà ní gôsôleoo, a de gâsisuu òaa do taalao.

<sup>9</sup> Ké aa bùa baa, aa pëe è kálæa we ní kpó kpaa téa. <sup>10</sup> Yesu òné: A mó ní kpó pó á kù tia keeo. <sup>11</sup> O Simoo Piee gè gó guu, à ba gâle a bùaò sìsìa, à pà ní kpò gbéneò mèn basoplakwi ní àaño. Baa ké a dasi màa, ba i këo. <sup>12</sup> Yesu òné: A mó pôble. Aà ìwae i fô lebò àà là dén àà úio, asa aa dò kë Dii. <sup>13</sup> Yesu gè pëe se kpàmá. Mâa a kë ní kpó ló. <sup>14</sup> Yesu azìla olà a ìwaoné gën àaôden we aà bòa gau gbea.

<sup>15</sup> Ké aa pôblè aa làa, Yesu Simoo Piee là à mè: Zâa né Simoo, ní yemazi dë lá gbéé beeō yemazilaa? A wèwà à mè: Ao Dii, ní dò kë má yenzi. Yesu òè: Blé kpa ma sànebôlòwa. <sup>16</sup> A gën plaade Yesu èa aà là ló: Zâa né Simoo, ní yemazia? A wèwà à mè: Ao Dii, ní dò kë má yenzi. Yesu òè: Ma sâo dàmee. <sup>17</sup> A aà là a gën àaôde: Zâa né Simoo, ní yemazia? Ké Yesu Piee là a gën àaôde tó

a yeazi, aà pó yà, ñ a òè: Dii, ní yápii dñ. N dñ ké má yenzi. Yesu òè: Blé kpa ma sájwa. <sup>18</sup> Siana málë one, ké ní de èwaaso ü, ni pó da nzia ñ gé gu pó ní yei, áma tó n zikù, nýñ n o poo, gbépále i dane, i gennó gu pó n yeio. <sup>19</sup> Ké a ò màa, Piee ga pó a Lua tóbo ñ àlé o. Bee gbéa Yesu òè: Temazi.

<sup>20</sup> Piee lili à iwa pó Yesu yeaàzipi è téízi. Gbépi mé sôkpàlè Diizi, a aà là gò pó aale pôble gbé pó a aà kpámái.\* <sup>21</sup> Ké Piee aà è, a ò Yesue: Dii, gbéee bee sô bë? <sup>22</sup> Yesu òè: Tó má ye aào ku e ma ge mòò, a yá n e má ni? Temazi. <sup>23</sup> O yápi fàaa Yesudee guu, ké iwapí a gao. Ama Yesu i oè a gao no. A mè tó á ye aào ku e à ge mòò, a yá aà e má nié?

<sup>24</sup> Iwapi mé yáee bee seelade ü, aàpi mé láee bee kë, mé wá dñ ké aà seeladeké náai vi.

<sup>25</sup> Yesu yápâleø kè dasidasi ló. Tó wa kë lá guu dodo píi, málë e dûnia aziawa a fñ taala pó wa këpiø sio.

---

\* **21:20** Zaa 13.25

## CAZINAYAKA Yá pó kú láe bee guu

Láe beeá lá plaade pó Luku këe. Baona lá õ a kë séia, Yesu kua dúnia guu yá õ a ò a guu. Yesu taa luabe gbea (1.1-11) aà ïwaõ lí e wësiaâle lõo, áma a kúrino, asa aà Nisïna mé kú ní guu sa. Zinao lápi guu õ Yesu gáli daalea yá kúu, mé Yesu gi ku a ïwaõ guu, i ní gba gbääo.

Lua zïna Piee mé Yesu gáli dàale Yudaõ guu Yelusaleü, õ Yesu yá otà buipâleõ guu Antiosi ní Kôlenio ní Filipo Lua zïna Põlu sabai. Wà Põlu wélegæa dasiõ dàu wà sïu ní yá'la pó Yesudeõ lèo ní lá wà yápiõ gògõ ní Lua Nisïna gbääao.

Luku bëbe ní Põluo aà wélegæaeõ guu à më: Wa gæa Masedoni soukè gògõ (16.10-40). Ò à gæaâno Yelusaleü, gu pó wà Põlu kùu (20.5-21.18), õ bøa Sezale à gæaâno e Loma, gu pó wa Põlu kùau wè pla e wào gé yákpalekeiaâno (27-28).

Za a daaleawa Luku yá pó kú láe bee guu zekâle à më (1.8).

Yesu gáli a daale Yelusaleü Yesu taa luabe gbeaæ (1.1-8.3)

Wa Yesu baona kpa gupiiu Yuda bùsuu (8.4-12.25)

Wi baonapi kpa e à ge peð Lomadeõ mæewia Lomawa (13.1-28.31).

Yápi lia dúniaa bò Lua zïnao waasokæaõ guue ní yá pó aa ò gbéenæ. Baona pó Lua zïnao kpà Yudaõne ní buipâleõá Yesu yáe ado. Lua Nisïna mé ìo gbâka zïnaõne an yá'oa ní ní yákeao guu.

Lua zïnao zì pó Yesu dà a ïwaõne zebò, mé za gó bee Yesudeõ lé zípi ke, aale Yesu Kilisi baona kpa gbépiie e à ge pe dúnia léwa.

### *Yesu taa luabe*

<sup>1</sup> Teofili, má òne ma lá séia guu lá Yesu kë ní yá pó a dànéõ píi za a daalegóõ<sup>\*</sup> <sup>2</sup> e gó pó à yâdile a zïnaõne ní Lua Nisïna gbääao, õ Lua aà sè tâò a kíi. <sup>3</sup> Asa aà gaa gbea à azia òlõnë, õ aa dò seaisai a bëe. A azia òlõnë e gó bla, à kpala pó bò Lua kíi yá'ònë. <sup>4</sup> Ké aa kääaa, õ a òné: Asu bø Yelusaleüo. Aò lé pó ma Mae gbëé dâ lá ma a yá'òéwa.<sup>†</sup> <sup>5</sup> Asa Zää gbéõ da'ilékè ní ioe, áma góplanaea má á da'ilékè ní Lua Nisïnao.<sup>‡</sup>

<sup>6</sup> Lá aa kääaa màa, õ aa aà là aa më: Dii, gó bee õ nýõ Isailio kpala vua? <sup>7</sup> A wémá à më: A a zé vî àò a gó ge zaa pó ma Mae díle ní azia ikoo dõo. <sup>8</sup> Tó Lua Nisïna díé, á gbää'e, ío de ma

\* 1:1 Luk 1.1-4    † 1:4 Luk 24.49    ‡ 1:5 Luk 3.16

seeladeɔ ū Yelusalɛ ū Yude bùsu gupiio n̄ Samali bùsuo e à ge pe dúnia léwa. <sup>9</sup> Yá bee oa gbéa Lua aà sè n̄ wáa e à gè sásá n̄ wéwa luabepuanau. \* <sup>10</sup> Aà taa guu, lá an wé pé luabewa, gbéon plaeɔ bò mò zè n̄ sae pōkasa puao daa. <sup>11</sup> Aa mè: Galile bùsudeɔ, àkea á zea ále luabe gwai? Yesu pō Lua aà bò á guu à tào a kíipi, a ea mó, lá á è ále tá weewa.

### *Yudasi gée dilea*

<sup>12</sup> O aa pila Kùkpé sìsiwa aa sù Yelusalɛ ū. Sìslpi zà n̄ Yelusalɛ ū lán kiloo do taawaε. <sup>13</sup> Ké aa kà, ɔ aa gè kpèdiakɔa musu guu, gu pō aa kuu yāa. Piee ku we n̄ Zaakio n̄ Andeleeo n̄ Filipo n̄ Tomaao n̄ Batelemiio n̄ Matieeo n̄ Alafe n̄ Zaakio n̄ Simɔ Gínzlaoo n̄ Zaaki n̄ Yudasio. <sup>14</sup> Ampii aa n̄zlaa kpà wabikeawa n̄ ledo ū n̄ Maliamma Yesu dao n̄ Yesupi dâunaɔ n̄ nɔe kiniɔ.

<sup>15</sup> Goo bee Piee félè zè a gbé pō aa kà gbéon basoolo taawaɔ guu à mè: <sup>16</sup> Gbé, yá pō Davidi ò n̄ Lua Nisina gbääo Yudasi pō dàaa gbé pō aa Yesu kùne musu, bee kùè, ɔ à kè màa. <sup>17</sup> A de wá gbédo ū yāae, aà baa kú wá zìe bee guu. <sup>18</sup> A tɔɔle lù n̄ ɔa pō a è a vâikéa musuo, ɔ à sè à pùna, aà nɔnaɔ bòle píi. <sup>19</sup> Yelusalɛ ñdeɔ pīi yápi mà, ɔ aa tɔkpà gupiε Akedama n̄ n̄ bui yáo. Bee mè Gbédéna tɔɔle. <sup>20</sup> Wà aà yá'ò Soū lá guu wà mè:

Aà be a gɔ uazí üe,  
gbée aɔ ku a guu lɔ. §

Wa ò lɔ:

Sema gbépâle zɔlè aà gbeu.\*

<sup>21-22</sup> Ayāmeto gbé pō aa ñ téwázi gɔ pō wá sānu n̄ Dii Yesuo za Zaa gbé da'ilékɛgɔ e gɔ pō Lua aà bò wá guu, wà n̄ gbédo se aào de aà vua seelade ñwanɔ. <sup>23</sup> O wà gbéon plaeɔ sè, Yosefu pō wí meè Baasaba, wí oè lɔ Yusitu, n̄ Matiasio. <sup>24</sup> O aa wabikè aa mè: Dii, n̄ gbépii nɔse dɔ. Gbéon plaeɔ guu gbé pō n̄ sè ɔlwéé, <sup>25</sup> ké aà baa aà kú n̄ wá zìna zìe bee guu yái, zì pō Yudasi bòu à gè gu pō kɔsianɔ guu. <sup>26</sup> O aa télepà gbéon plapiɔ yá musu. Matiasi téleblè, ɔ aa aà dà zìna gbéon kuədoo guu.

## 2

### *Lua Nisina mɔa*

<sup>1</sup> Ké Pâteko\* dikpégɔ kà, aa ku gudo ū m̄pii. <sup>2</sup> Kândo aa kɔfi mà à bò luabe lán zàa'ian gbääwa, ɔ à kpé pō aa zɔlèu wà. <sup>3</sup> Aa pō è lán télepiɔnaɔwa, aa fàaa nàna n̄ baade miwa. <sup>4</sup> Lua Nisina dînè m̄pii, ɔ aa nà yæebui'oawa lá Nisinapi dànè aa owa.

§ 1:8 Mat 28.19, Maa 16.15, Luk 24.47-48 \* 1:9 Luk 24.50-51 † 1:13 Luk 6.14-16 ‡ 1:19 Mat 27.3-8 § 1:20 Soū 69.26 \* 1:20 Soū 109.8 \* 2:1 Lev 23.15-16

<sup>5</sup> Yudeas ku Yelusaleú we, luayámana pó aa bò dúnia bùsu píi guu ū. <sup>6</sup> Ké aa ní zoapi mà, aa kàaańzi dasidasi, s aa bílikè, kék aa mà aale ní baade píi buiyá'ò. <sup>7</sup> Yápi ní kú gbää à bò ní sae aa mè: Yá'onapiá Galiledeónne píio lò? <sup>8</sup> Akeá wá mà aale wá baade buiyá'òi? <sup>9</sup> Paatió ní Medeo ní Elaúon wá ū ní gbé pó kú Mesopotamio ní Yudeo ní Kapadosio ní Póntuo ní Azio <sup>10</sup> ní Filizio ní Pámfilio ní Egipio ní Libii bùsu pó kú Sileni saeo ní gbé pó bò Loma. <sup>11</sup> Yuda ní gbé pó aa ní zé sèon wá ū ní Keletio ní Laalubu, s wá mà, aale Lua yábónsaekéa o ní wá baade buiyá. <sup>12</sup> Yápi ní kú gbää, aa bílikè, aale kó lala aa mè: Yápi dë kpelewan wei? <sup>13</sup> Gbéeo sô aale ní láaniké aa mè: I mé ní ká.

### Piee waasokea

<sup>14</sup> O Piee félé zé ní a gbé kíni gbéon kuedo, à yá'ò gbáugbáu à mè: A Yuda ní gbé pó kú Yelusaleú píi, tó á ye yápi dó, à swákpa ma yái. <sup>15</sup> I i gbépi ká lá álé ewao, asa kó mò këokwie. <sup>16</sup> Anabi Yoeli dòaa yáe bee ò à mè:

17 Lua mè gogbzazí  
má a Nisina pisi gbépii,  
á negóeo ní á neno i ánabikéke,  
á èwaasoo i wépungu'e,  
á maezóo i yá e iu.

18 Gogbeezi má a Nisina pisi  
ma zòblenaónne gòeo ní noeo píi  
aai ánabikéke.

19 Má seela ke musu,  
má yábónsaeo ke dúniau,  
au ní téo ní teluo aó ku.

20 Iaté a siakú,  
mòvua a tā lán auwa  
e Dii mógo zóo gawide ào mó,  
21 Dii sisinao i bō píi.†

22 Isailio, à yáe bee ma. Lá á dó ázlawá, Lua tò a Yesu Nazaleti dea a gbé ū seela è dabudabu ní yábónsa pó a tò Yesupi kë á guu yái. <sup>23</sup> Lua zéò a pœa ní a dóao guu ké wá aà kpáwá, s á tò luayádónsai aà pàliwa aa aà dè.‡ <sup>24</sup> O Lua ga ba pòlowà à aà vù,§ asa a zé kú ké ga fó aà kúao. <sup>25</sup> Asa Davidi aà yá'ò à mè: Mi Dii e ma wéu gogpii,  
lá a ku ma oplawai, má kpaguao.

26 A yái ma pō ió na,  
ma nòse ió yáalo,  
ma wé dòi baa ma me aó ku aafiae,  
27 asa nyó ma to miauo,

† 2:21 Yoë 3.1-5 ‡ 2:23 Luk 23.33 § 2:24 Luk 24.6

nyô wei n gbé pô a kua adoa yaikeo.

<sup>28</sup> N ma ka wëni zéwa,  
n kíi pôna ïo pëeau.\*

<sup>29</sup> Ma gbéo, má fô wá dezi káau Davidi yâ'oé wásawasa. A gâ, wâ aâ vî, aâ mia ku wéleu la e ní a gbão. <sup>30</sup> Aâ ãabike guu a dô ké Lua legbèe à mè á a buie kpa a kpalau.† <sup>31</sup> O Davidi dàaa Mesii vua yâ'ò à mè:

Lua a aâ to miauo,  
a wei aâ mé yaikeo.

<sup>32</sup> Yesupi õ Lua aâ bò gau. A seeladeon wá ū wápii. <sup>33</sup> Zôlea a Mae Lua oplaaï à aâ Nisîna pô à a legbèwëe èwà, õ a pîsiwëe. Yâ pô ále e mé ále ma tiae bee bò wee. <sup>34</sup> Asa i ke Davidi mé félé gè luabeo, à mè:

Dii ò ma Dii aâ zôle a oplaaï

<sup>35</sup> e aâ aâ ibeeo kee aâ gbadibô ū.‡

<sup>36</sup> Isailio, ào dô sâasâ ké Yesu pô a aâ pâliwa õ Lua aâ dîle Dii ū, Mesii ū.

<sup>37</sup> Ké aa yâpi mà, à ní sô zô, õ aa Piee ní zina kîni lâ aa mè: Gbéo, wá sé kpelewa ni? <sup>38</sup> O Piee òné: A baade nòselile, í da'iléké ní Yesu Kilisi tóo, á duuna i kewá, Lua i á gba a Nisîna. <sup>39</sup> Asa lé pô Lua gbépi de á pô ūe ní á néo ní gbé pô kú zâo, gbé pô Dii wá Lua a ní sépi píi. <sup>40</sup> A yâpâlê òné dasi, à nâemá à mè: A ázla bô gbâgbé väi bee guu. <sup>41</sup> O gbé pô aa aâ yâ siô da'iléké. Zibeezi õ wá kâfi ní guu gbéon òaasoso lee àaã (3.000).

*Yesu nâaikena kua ní kôo*

<sup>42</sup> Aa laaidò zinao yâdaanéwa ní gbékkekéakôeo ní Dii blebleao ní wabikeao. <sup>43</sup> Zinapió lé dabudabuó ní yâbônsaeo ke, õ vía gbépii kù. <sup>44</sup> Dii nâaikena pîi gâli doû. An pôvía de ampii pô ūe. <sup>45</sup> Tó aa ní pôvía yâ, aañ a ña kpakôwa lá gbé a bôole vîwa. <sup>46</sup> Lá gu lé dô aañ kô kâaa Lua ua ní ledoo, aañ Dii ble ble kô be, aañ pôble ní pônao ní nòsemendoo. <sup>47</sup> Aañ Lua táasile mé aañ na ní gbépio. Dii ïo gbé pô ále ní suabaó kâfi ní guu lá gu lé dô.

### 3

*Gôe ee gbâgbâa*

<sup>1</sup> Gôeewa Piee ní Zâao gè Lua ua iaté auapilaa lousisigoo.

<sup>2</sup> Gôeeku we, wâ aâ ï ee ūe. Lá gu lé dô wî aâ se mò dile Lua ua bôle pô wî me Bôle Kefenau, õ ïo baake gbé pô aale gë uapiuwâ.

<sup>3</sup> Ké à Piee ní Zâao è, aale mó gëi Lua ua, õ à baakémá. <sup>4</sup> Aa wepewà, õ Piee mè: Wá gwa. <sup>5</sup> O à webiimá, ále ní gba dâ. <sup>6</sup> O Piee òè: Má ña vîo, ãma pô pô má vî má n gba. N Yesu Kilisi Nazaleti

\* 2:28 Sou 16.8-11 † 2:30 Sou 132.11, 2Sam 7.12-13 ‡ 2:35 Sou 110.1

tó, félé tâa'o. <sup>7</sup> O Piee aà kù a oplaawa, à aà félé zè. Wegôo aà gbâlaç ní aà gbaküpeekiiò gbâakù. <sup>8</sup> A vî zè, ñ à nà tâa'oawa. A gèñino Lua ua, àle tâa'o, àle vîvî, àle Lua sâaukpa. <sup>9</sup> Gbépii aà è, àle tâa'o, àle Lua sâaukpa. <sup>10</sup> Ké aa aà dò baakena pô ïo zôle Lua ua Boë Keñenau û, ñ yá pô wa kèèpi ní kú gbâa, à bò ní sae. <sup>11</sup> Lá à nà Piee ní Zâaowa gu pô wî me Salomô Bilandaau, ñ gbépii lé gë ní kîi, asa yâpi bò ní saee.

<sup>12</sup> Ké Piee gbéo è, a òné: Isailio, býyai yâpi bò á saei? Býyai a wéñiwá màai? Àle e wázia gbâa ge wá ma Ayâmeto gbéé bee tâa'ðe? <sup>13</sup> Wá desi kâauo Ablahaü ní Izaakio ní Yakobuo Lua\* gwea kpâ a zikena Yesuwa. Apio sô a aà kpâ gbâadeewa, a bô aà kpê Pilati pô zè ní aà gbaæao ae. <sup>14</sup> A bô gbëmaa pô a kua adoapi kpê, ñ a wabikè Pilatiwa aà gbëdenae këé.† <sup>15</sup> A wéniki dè, ñ Lua aà bò gau. A seeladeon wá û. <sup>16</sup> Yesu náikëa mé tò gëe pô á aà dô mé ále aà gwaæ bee gbâgbâ Yesupi tó gbâa yá. Yesu náikëa mé aà gbâ aafia ápii wáa. <sup>17</sup> Tia ma gbéo, má dô kë ápiò ní á gbâadeo yá pô á kë á wésia yáe. <sup>18</sup> Lua dòaa dà ãnabiøne, ñ aa ò mïpii Mesii a taasike, ñ à kë màa. <sup>19</sup> Ayâmeto à nòselile, í ze ní Luao, á duuna i wolowá, <sup>20</sup> kë à móé ní dëepoogoo, i Yesu pô à dòaa dîleé Mesii üpi ziwá. <sup>21</sup> Sema aâo ku musu già e gôo pô Lua a pöpii keke dafu, lá a dà a ãnabiøne aa ò za kâauwa. <sup>22</sup> Môizi mè Dii á Lua a á gbëe se ãnabi û láawa. A yá pô a oé ma pii. <sup>23</sup> Gbé pô i ãnabipi yâmao, Lua a ade bô á guu à dëe.‡ <sup>24</sup> Anabi pô aa Lua yâ'ð sea za Samueliwaò pii gôoe bee baokpâ.§ <sup>25</sup> Yá pô ãnabipio ò ní Lua bâa pô kú ní aà desi kâauo gô á pô û, lá a ò Ablahaüewa à mè á bâaada dûnia bui píigu aà bui sabai.\* <sup>26</sup> Beewa Lua tò a zikenapi bò mòwá, à aà zìwá già aà bâaadaágú, kë á baade mikë yâvâlkëaøwa.

## 4

### Yâkpalekeæ ní Pieeo ní Zâao

<sup>1</sup> Ké Piee ní Zâao lé yâ'o gbëøne, sa'onao ní Lua ua džanao gbëzôo ní Saduseo gèñizi. <sup>2</sup> An pô pâ, kë aale geo vua yâda gbëøne aale Yesu vua kpâwaké yá. <sup>3</sup> O aa ní kú aa ní dá kpéu e gu dô, asa oosi kë kòe. <sup>4</sup> Ama gbé pô ní yâmà aa Yesu náikëo dasi e an gôe dasikù à kâ gbëon ðaasosso lee so (5.000) taawa.

<sup>5</sup> Ké a gu dò, Yuda gbâadeo ní gbëzôo ní Môizi ikoyâdanedeo kâaa Yelusaleü. <sup>6</sup> Sa'onkia Anasi ku we ní Kaaifao ní Zâao ní Alesândao ní gbé pô aa de sa'onkiapi dae û píi. <sup>7</sup> Wà mò ní Pieeo ní Zâao gbâadepio ae, ñ wà ní lá: Bó gbâa ge de tó a bee këði?

\* 3:13 Boa 3.15    † 3:14 Luk 23.13-23    ‡ 3:23 Iko 18.18-19    § 3:24 2Sam 7.12-16    \* 3:25 Daa 22.18

8 Ⓛ Lua Nisîna dède Pieewa, a òné à mè: A gbâadeo ní gbézôwo,  
 9 lá ále wá lala gbâ maa pô wá kè kôwo, lá wá kè à gbâgbâ yái,  
 10 á Isailio ápii, ào dô ké gbé pô zea á aee bee aafia'è ní Yesu Kilisi  
 Nazaleti pô á pâliwa Lua aâ bò gau tóoe. <sup>11</sup> Beewa  
 gbe pô á ébonaç a pâkpâi  
 mé gô gbeo mide ü.\*

12 Gbepâle ku à gbé suabao, asa dûnia guu píi Lua i gbëe dile  
 gbénazinaçne à ní suabao, sema aâpi.

13 Ké aa è vía i Pieee ní Zääo kûo, mé aa ní dô zôe ladônsaiü, à  
 bò ní sae, õ aa ní kua ní Yesuo yâ dò sa. <sup>14</sup> Lá aa gbé pô gbâgbâpi  
 è zea ní sae, aai e yâe zâsimáo, <sup>15</sup> õ aa òné aa bôle. Aa lekpâai  
 16 aa mè: Wá sé ní gbépi kpelewa ni? Asa Yelusaleüdeo dô píi  
 ké aa dabudabu zôo kè, wá fô gi beeio. <sup>17</sup> Ké yâpi su ligua de  
 kéao, wà gíné pâsipâsi aasu yâ'o gbëe ní tópio lôo. <sup>18</sup> Ⓛ aa ní  
 sisi, aa gînë flafia aa yâ'o ge aa yâdané ní Yesu tóo. <sup>19</sup> Ⓛ Pieee ní  
 Zääo wèmá aa mè: A gwa ázlawà à gwa. A yâ wà maa, ge Lua  
 pôe? A kpele mé maa Luiae? <sup>20</sup> Asa wá fô gí yâ pô wá mà mé wá  
 è oio. <sup>21</sup> Gbâadeo èa vîladâdañzi, õ aa ní gbâe. Aai ladaama zé  
 eo dasi yái, asa gbépii lé Lua sâaukpa yâ pô këpi yâie. <sup>22</sup> Gbé pô  
 aa gbâgbâa dabudabu bee këè zi de wë blaa.

### *Galideo nòsé doukêa ní kô*

23 Ké wà ní gbâe, õ aa tâ ní gbé kíi, aa òné lá sa'onkiaç ní gbézôwo  
 òné. <sup>24</sup> Ké aa mà, aa wiilé Luawa nílâasoo doôo aa mè: Dii, mímé  
 n musu kè n tóoleo n ísiao ní pô pô kú n guu píi.<sup>†</sup> <sup>25</sup> N dà n zikena  
 wá dezi Davidie ní n Nisîna gbâao, õ à mè:  
 Býâi bui ní buio lé zoakai?

Býâi wâle lé pâ kpaali?

26 Dûnia kiaç lé zì sôuke,

kpalablenâç lé kâaa Diizi

ní Mesii pô a kpâo.<sup>‡</sup>

27 Sianaç, Elodi ní Pônsi Pilatio kâaa wéleee beeue ní Isailio ní  
 buipâleo n zikena pô a kua adoa Yesu pô n kpâpizi. <sup>§</sup> <sup>28</sup> Aa kè  
 lá n dôaa n zeò n gbâa ní n pœâowa. <sup>29</sup> Tiasa Dii, yâpâsi pô aa  
 ò ma we. Wápi n zôblenaç, wá gba lé wà n yâ'o n sôo dilea.  
 30 Òdauwá wà gbéo gbâgbâ wà dabudabu n yâbônsaeç ke ní n  
 zikena Yesu pô a kua adoa tóo. <sup>31</sup> Ké aa wabikè aa làa, gu pô aa  
 kâaaau lùalua, Lua Nisîna dèdemá mîpii, õ aa gè lé Lua yâ'oné  
 n sôo dilea.

<sup>32</sup> Yesu náaikenaç gâli lâasoo doû vî n ledouo. An gbëe lí me  
 a pôvâlaç a pôe adoo. An pôpiia ampii pôe. <sup>33</sup> Zinao lé Dii Yesu  
 bôa gau yâ'o gbéçne n iko zôo. Ampii aa na n gbéç maamaa.

\* 4:11 Sou 118.22   † 4:24 Boa 24.11 Sou 146.6   ‡ 4:26 Sou 2.1-2   § 4:27 Luk 23.1, 7-11

<sup>34</sup> Gb  e p  e taasi v  i n   guuo, asa gb  e p   aa b  u v  i ge kp  e   a  i y  a aa m  o n   a   ao, <sup>35</sup> aa kpa zinaowae,    w  i   api kpa baadewa, l   a a b  ole viwa. <sup>36</sup> Levii bui Yosefu p   b   Sipi b  usuu k   u n   guu. Zinao t  kp  e Baanaba. Bee m  e n  s  eninina. <sup>37</sup> A a b  u lee do y  a,    a m  o a   a kp  e zinaowae.

## 5

### Anania n   Safilao

<sup>1</sup> G  e p   w  i m  e Anania ku l   n   a na Safilao. A a t  ole y  a, <sup>2</sup> a a   a kini kuluy   n   a na d  ao,    a g  e a kini kp  e zinaowae. <sup>3</sup> O Piee   e: Anania, b  y  ai n   t   Set  u d  aaane m  a, n   n   t  ole   a kini kuluy  ,    n   eet  o Lua Nisinaei? <sup>4</sup> G  o p   ni t  olepi y  ao, n   p   nolo? K   e n   y  a s  o, l   n   yei, n  y  o ke n   a   ao l  ? Ake a n   y  a bee kea l  asook  i? I ke gb  nazina n   eet  o, Lua n   t  e. <sup>5</sup> K   Anania y  api m  a, a l  le    a g  . O via gb  e p   y  api m  a k  u maamaa. <sup>6</sup> Ewaasoo g  e aa zw  a k  ua  la,    aa a   se g  e v  l  .

<sup>7</sup> K   a k   leelu a  a   taawa, y  emasai a   na m  o g  e. <sup>8</sup> O Piee a   la a m  e: Om  ee, a t  olepi y  a k  wa y  a? A w  ew   a m  e: Ao, m  aae. <sup>9</sup> O Piee   e: B  y  ai a Lua Nisina l   a gw  ai? Gb  e p   aa n   z  a v  l   ku kp  e  le, aa n   se b  onno s  o. <sup>10</sup> Weg  o a l  le a   ae a   g  . K   e waasoo g  e, aa e a   g  ,    aa a   se g  e v  l   a   z   sae. <sup>11</sup> O via Yesudeo k  u maamaa m  pii n   gb  e p   y  api m  a pii.

<sup>12</sup> Zinao l   dabudabu n   y  ab  nsaeo ke gb  eo guu dasi. Ampii aa   k  k  aaake s  anu Salomo   Bilandaau. <sup>13</sup> Gb  ep  aleo li we n  am  o,   maa gb  epii i   n   tonasie, <sup>14</sup> m  e b  ila p   le Dii Yesu n  aik  o, g  eo n  n  o pii, aa  o k   a n   guu. <sup>15</sup> O w  a gy  eo s  ele n   w  ulebo   n   m  akel  eo w   a n   k  ale z  eu, k  e t   Piee le g  e, a   n  isina e da n   gb  eela. <sup>16</sup> B  ila b   W  e  le p   k  u Yelusale   saeo aa m  o n   gy  eo n   gb  e p   t  aa le iadam  o,    aa gb  agb  a pii.

### W  et  ea m  a zinaone

<sup>17</sup> O sa'onkia n   Saduse g  alide p   de a  a g  e f  le, aa Isaili gb  aadeo n   n  gb  ez  o  o k  aa,    aa d  oai   z  i aa g  e zinao b  ole kp  eu aa m  o  n  o. <sup>18</sup> K  e d  oai  o k   we, a  i n   e kp  eu. O aa e  a g  e   n  e <sup>23</sup> aa m  e: K   wa ka kp  e   k  i, w  a l   g  ba   tataae g  i  gi  , m  e a d  anao ku kp  e  le,   maa k  e w  a w  e, wi gb  e euo. <sup>24</sup> K  e Lua ua d  anao gb  ez  o n   sa'onkia y  api m  a, aa bilik  e y  a p   zinao l  ewa. <sup>25</sup> O gb  e m  o   n  e: A ma! Gb  e p   a n   k  

K  e sa'onkia n   a gb  eo f  le, aa Isaili gb  aadeo n   n  gb  ez  o  o k  aa,    aa d  oai   z  i aa g  e zinao b  ole kp  eu aa m  o  n  o. <sup>22</sup> K  e d  oai  o k   we, a  i n   e kp  eu. O aa e  a g  e   n  e <sup>23</sup> aa m  e: K   wa ka kp  e   k  i, w  a l   g  ba   tataae g  i  gi  , m  e a d  anao ku kp  e  le,   maa k  e w  a w  e, wi gb  e euo. <sup>24</sup> K  e Lua ua d  anao gb  ez  o n   sa'onkia y  api m  a, aa bilik  e y  a p   zinao l  ewa. <sup>25</sup> O gb  e m  o   n  e: A ma! Gb  e p   a n   k  

kpéuō ku Lua ua, aale yādané. <sup>26</sup> Ⓛ Lua ua džanaō ní ní gbēzōo gè ní kükü aa sùrñō yākelesai, asa aale vīake gbēnē, kē wà su wà ní pápa ní gbēo yáie.

<sup>27</sup> Ké aa sùrñō, aa ní zé gbāadeo ae, ɔ̄ sa'onkia yālālamá à mè: <sup>28</sup> Wa gié flafia à yādané ní tópioe, ɔ̄ á tò yápi ḡ lì Yelusalēūa píi, mé á ye gbēpi gaa yādiwēea?\* <sup>29</sup> Ⓛ Piee ní zina kīni wémá aa mè: Lua yá mé kù wà ma de gbēnazina p̄oa. <sup>30</sup> Wá dezio Lua mé Yesu p̄o a àa lòo líwa á dèpi b̄o gau. <sup>31</sup> Lua aà se z̄lē a oplaai Dōaana ū, Suabana ū, kē à Isailio gba zé aa n̄səlile, an duuna i kémá. <sup>32</sup> Yápi seeladeon wá ū, wápi ní Lua Nisina p̄o Lua i kpa gbē p̄o lé a yāmaowao.

<sup>33</sup> Ké aa yápi mà, an p̄o f̄e, ɔ̄ aa ye zinac dēde. <sup>34</sup> Falisi p̄o wí meè Gamalieli kú ní guu. Luayādanede, gbēpii i àa tonasi. A fele zè à mè wà bo ní gbēpi ḡia. <sup>35</sup> Ⓛ a ònē: Isailio, à laaika yá p̄o á ye ke gbēpionei. <sup>36</sup> A ḡoo i ḡeḡeo kē Tedasi fele lé azia dile a ka. Wà tēaazi gbēon òaa pla taawa. Ké wà aà dè, ɔ̄ aà iwaō gāmblaablèkōwa, ɔ̄ yá lāa. <sup>37</sup> Aà gbea Galile gbē Yuda fele naoḡo, à gbēo ḡa nàwa dasi. A ḡa s̄o, ɔ̄ aà iwaō fāaa pii. <sup>38</sup> Málē oé tia, ásu gbēpi yādao, à ní tó we. Tó an p̄oeä ní ní yākēa b̄o gbēnazina kīie, a bāde. <sup>39</sup> Tó à b̄o Lua kīie s̄o, á f̄o kpánéo. A laaika zikaa ní Luaoz. Aa aà yāmà, <sup>40</sup> ɔ̄ aa zinac s̄isi aa ní gbē. Aa ḡiné aa yā'o ní Yesu tó, ɔ̄ aa ní gbāe.

<sup>41</sup> Zinac b̄o gbāadeo kīi ní p̄onao, asa Lua dīle an b̄eeē kà wà widamá Yesu tōbōa yáie. <sup>42</sup> Lá gu lé d̄o aaïo yādané Lua ua ní ní b̄o, aaïo Yesu baokpané kāmabosai, aaï me ɔ̄me Mesii ū.

## 6

### Dōnlēde gbēon sopla dilea

<sup>1</sup> Ḡoo bee kē Yesudeo lé kāfi, an Geleki yāmanao lé yākūtēka an Ebelu yāmanaozi aa mè, tó wàle ble kpaale lá gu lé d̄o, wí pâkpa ní gyaaozie. <sup>2</sup> Ⓛ zina gbēon kueplao Yesudeo s̄isi píi aa mè: A zevi wà pâkpa Lua yái wà laaido blekpaaleawao. <sup>3</sup> A ḡeō ple á guu gbēon sopla, gbēmaa p̄o ɔ̄nō pānē, Lua Nisina p̄eemáo, wí ní dile z̄ipi gbēzōo ū, <sup>4</sup> wí laaido wabikēawa ní luayā'oanéo. <sup>5</sup> Yápi kāngu m̄pii, ɔ̄ aa Etiēe p̄o luanaaikēa ní Lua Nisinao p̄eewà s̄e ní Filipo ní Polokōo ní Nikanōo ní Timōo ní Paamēnao ní Antiosi gbē Nikolaa p̄o Yudao lousisize s̄e yāao. <sup>6</sup> Wà ḡenñō zinac kīi, ɔ̄ aa wabikēnē aa ɔ̄nāmā.

<sup>7</sup> Lua yá lé ligua, Yesudeo lé kāfi Yelusalēū maamaa, ɔ̄ sa'onao Yesu yá s̄i dasidasi.

\* **5:28** Mat 27.25

8 Gbéké ní gbâao pèe Etiëewa, ò àle dabudabuò ní yâbônsaeò ke bila guu. 9 Lousisikpêe ku wî me Wéêo lousisikpê. A gbêeò bò Sileni ní Alešândio ní Silisi bùsuo ní Azi bùsuo. 10 Ò aa íbelésè ní Etiëeo, aa lekpaakèaànò. 10 Ama aai fô aà fûo ñno pô Lua Nisîna aà gbà yái. 11 Aa nà gbêo kpe, ò gbêpiò mè: Wá mà à bò Môizi ní Luao yá kpe. 12 Aa Yudaò ní ní gbêzôo ní Môizi ikoyâdanedeò nòse fêle, ò aa gè Etiëe kù aa gèaànò ní gbâadeò kli. 13 Ò aa mò ní seelade egenaò aa mè: Gbê bee mé îo Lua kpê ní Môizi ikoyão bêebo láasai. 14 Asa wá mà à mè Yesu Nazaleti a kpépi deele, i wá felekaayâ pô Môizi dàwëe lile sé. 15 Ò gbâade pô kâle weò wêpè Etiëewa pii, aa è aà oa de lán malaika oawa.

## 7

*Etiëe ya'oa gbâadeòne*

1 Ò sa'onkia Etiëe là à mè: N yápi ò siana yâ? 2 Ò a wèwà à mè: Ma gbêo ní ma maeò, à ma! Lua gawide bò mò wá dezi séia Ablahaüwa gó pô a ku Mesopotami bùsuu, zadò i gé zôlei Halanao. 3 A òè: Bo n bùsuu n daeò guu, ní tá bùsu pô má oloneu.\* 4 Ò à bò Kaladeò bùsupiu, à gè zôlei Halana. Àa mae gaa gbea Lua sùaànò bùsu pô á kú tiae bee guu.† 5 Lua i bùsupi tóolee kpawà baa këse doo, ãma à a legbèè à mè a gô aà pô û ní aà bui.‡ Gó bee sô Ablahaü né vîo. 6 Lua òè à mè: N bui niboble bùsu pâleu. We aa zobleu, wi ïadamá wë ðaa pla. 7 Lua mè á ïada bui pô aa zoblenéwa,§ Ablahaü buipò bôle mo a sísi gué bee.\*\* 8 Ò Lua tôzôyâ dà Ablahaü a bâakuaaànò seela ü.† Ké à Izaaki î, à tôzôè a gó swaañdezi. Mâa Izaaki kè Yakòbuë l, ò Yakòbu kè wá dezi káau gbêon kueplaõne.

9 Ò wá dezi kâaupiò wedò ní gbêdo Yosefue, aa aà yâ, wá tâaànò Egipi. Lua kuaànò,‡ 10 à aà bò aà taasi píi guu. Lua Yosefupi gbâ ñno, a tò a na ní Egipò kí Falañò, ò à aà dîle Egipi bùsu ðaanaa ü ní a bë'uao.§ 11 Ò nôana kâ Egipi ní Kanaa bùsuo píi. Taasi kè zôo, wá dezipò i pøe e blèo. 12 Ké Yakòbu mà ése kú Egipi, à wá dezipò zì we. An gæa séian we.\* 13 A gën plaade Yosefu azia ðlò a vîõne, ò Falañò Yosefu daeò dô.† 14 Ò Yosefu gbê zì a mae Yakòbuwa aà mó ní a daeò píi. Ampii aa gbêon basiñ soosai. 15 Ò Yakòbu gè Egipi. A gâ we ní wá dezipò píi.‡ 16 Wá sù ní ní geò Sikeü, ò wa ní vîlgbè'e pô Ablahaü lù Amòo néwa mia ü à flabò ní áanusuo guu.§

\* 7:3 Daa 12.1    † 7:4 Daa 11.31, 12.4    ‡ 7:5 Daa 15.18, 17.8    § 7:7 Daa 15.13-14    \* 7:7 Boa 3.12    † 7:8 Daa 17.10-14, 21.4    ‡ 7:9 Daa 37.28, 39.21  
 § 7:10 Daa 41.39-41    \* 7:12 Daa 42.1-2    † 7:13 Daa 45.1    ‡ 7:15 Daa 46.1-7, 49.33    § 7:16 Daa 23.3-16, 50.7-13, Yoz 24.32

<sup>17</sup> Ké lé pô Lua gbè Ablahaüe kegco ye kái, wá bui dasikù à kâfl Egipi maamaa. <sup>18</sup> O kia dafu pô Yosefu dô zâle kpalaup Egipi.\*  
<sup>19</sup> A pâsi ní wá buio, à wá dezio wetâ a tò aa ní néo kâle aa gâga.†  
<sup>20</sup> Goo bee ô wá Môizi i, aâ maa kâ zai. Wá aâ gwâ a mae be mo âaôe. <sup>21</sup> Ké wá aâ vúaa, ô Falañ nenoë aâ kômpa, à aâ gwâ azia né ū.‡ <sup>22</sup> Wá Egipic ônô dâda Môizie píi, à gô gbëzô ū yâ'oa ní yâkêao guu.

<sup>23</sup> Ké à kâ wè bla, a dà a sôu à gë a gbë Isailio gwai. <sup>24</sup> Ké a è Egipi gbë lé iada a gbëdowa, ô à yâsî ní a gbëo, à tsîwâ à aâ dë.  
<sup>25</sup> Ale e a gbëo dô kë Lua ye à ní suaba a sabaië, ãma aai dô. <sup>26</sup> Ké a gu dô Isaili gbëon plaç lé soleke, ô à mò ní yoaa, à awakpâné à më: Ma gbëo, bôyäi ale iadakôwa kôtëei? <sup>27</sup> O gbë pô lé iada a gbëdowa ôzô Môizizi à më: Démë n kpa kia ū, ô níle yâkêkewëei?  
<sup>28</sup> N ye ma de lá n Egipi gbëdë giawa yâ? <sup>29</sup> Ké Môizi yâpi mà, à bâalè tà Madiâ bùsuu.§ We à negôeo iu gbëon pla.\*

<sup>30</sup> Wè bla gbea ô malaika bò mòwâ guwaiwaiu Sinai gbe saë kâele té guu. <sup>31</sup> Ké Môizi dabu bee è, à bò aâ saë. Ké à sôi gwai, à Dii lôô mà à më: <sup>32</sup> Mâme má n dezio Ablahaü n Izaakio n Yakobuo Lua ū. Via Môizi kû, ale lualua, i fô wese gwào. <sup>33</sup> O Dii òè: N n kyale bôbo, asa gu pô n zeu kua adoae. <sup>34</sup> Ma wétëa pô wâle mó ma gbë pô kú Egipicne è sâasâ, ma n aaukea mà, ô ma mo n boi. Má n zî Egipi sa.† <sup>35</sup> Môizi pô aa gîlè yâa aa më, déme aâ dîle dôaana ū à yâgôgñéipi‡ ô Lua aâ zì, à dôaané à nî misi malaika pô bò mòwâ kâele guu sabai. <sup>36</sup> Aâpi mé bòrño, à yâbônsaeô nî dabudabu kë Egipi n Isia Tëao n guwaiwai guuo wè bla.§ <sup>37</sup> Môizipi ô Isailicne Lua a nî gbëe se ãnabi ū láawa.\*  
<sup>38</sup> Môizipi kú nî gbë pô kâaaapi guwaiwaiu, a ku we ní wá dezio nî malaika pô yâ'òè Sinai gbe musuo. Lua yâ wënidé kpâwâ, ô a dâwëe.†

<sup>39</sup> Wá dezio gî aâ yâmai, ô aa gïaâzi, an làasoo tà Egipi. <sup>40</sup> Aa ô Aalonæ aa më: Diieo kewëe aa dôaawëe, asa Môizi pô wá bólé Egipi, wá dô bô à bôle a ūo. <sup>41</sup> Goo bee ô aa tâa pî lán gâaewa, ô aa sa'òwâ aa dikpekké pô pô aa kë nízlaepie.‡ <sup>42</sup> O Lua bò n kpe a tò aa kûle luabe pôcne lá a ku ãnabi lá guuwa à më:  
Isailio, i ke mame a sa'ða guwaiwaiu wè blao.

<sup>43</sup> Tâa Môlku zwâakpe ô á sea  
nî saana Lamfâ pô a zeò tao.

Dii pô á pî a kûlenéo yâi  
ô má tò wá tââno Babiloni kpele.§

\* 7:18 Boa 1.7-8    † 7:19 Boa 1.10-11, 22    ‡ 7:21 Boa 2.2-10    § 7:29 Boa

2.11-15    \* 7:29 Boa 18.3-4    † 7:34 Boa 3.1-10    ‡ 7:35 Boa 2.14    § 7:36 Boa

7.3, 14.21, Nao 14.33    \* 7:37 Iko 18.15-18    † 7:38 Boa 19.18-20    ‡ 7:41 Boa

32.1-6    § 7:43 Amo 5.25-27

44 Wá dezio zwàakpe vñ guwaiwaiu. Lua a taa ñlo Mɔizie, ñ wa kë lá Lua ðèwa.\* 45 Kpépi gñ Yozueeñ ní wá dezio, ñ aa mò buipale pó Lua ní yánéñ bùsu siomá.† Kpépi ku we e Davidi go. 46 Davidipi na ní Luao, ñ à wabikewà à e aà kpé dò Isailion. 47 Salomóñ mé kpépi dòè.‡ 48 Ama Musude lío ku kpé pó gbénazinañ dò guuo, lá ãnabi ðwà: 49 Dii mè:  
 Musuá ma kpalabaae,  
 tóoleá ma gbadiboe.  
 Kpé kpeletaa á dòmeei?  
 Gu kpele má e pilau?

50 Mámé mi pópii keo lé?§

51 Luayádansaión á ú! A nòse paaaao! A swá gbääe! Iø gi Lua Nisínai, iø ke lá á deziowa.\* 52 Anabi kpele á dezio i aà wetão ni? Aa gbé pó dòaa Gbé Maa moa yá'ðo dède. Aápi ñ a bo aà kpé a aà dè sa. 53 A Lua ikoyá pó malaikañ òné mà, ãma á kúao.

### Etiëe gaa

54 Ké aa yápi mà, an pø fëaàzi, aa lésakåaàzi. 55 O Lua Nisína dedea Etiëe wa guu à wépè luabewa, ñ à Lua gawi è ní Yesuo zea aà oplaai. 56 O à mè: A ma! Ma luabe è wëa, Gbénazin Né zea Lua oplaai. 57 O aa otà ní swále aa wii gbää lè, ñ aa kùsiwà sãnuusánu. 58 Aa aà gâle bòò wénkpé, ñ aale aà papa ní gbeo wà aà dè. Aa ní uladao bo kâle ní ñwaaso pó wí me Soluo. 59 Ké aale Etiëe papa ní gbeo, à wabikè à mè: Dii Yesu, ma nisína sí. 60 O à kùle à wii gbää lè à mè: Dii, nísu ní duunaë bee dao. Yá bee oa gbea ñ à gâ.

## 8

1 Solupi ku gbé pó aa Etiëe dèo kpée. Zibeezi wà nà wétëa zóo moa Yelusaléñ Yesudeonewa. Mé i ke zinac báasio, gbé kiniñ fâaa píie Yude ní Samali bùsuñ guu. 2 Luayámanae Etiëe vñ, aa aà gaa óolò ní wii gbääo. 3 O Solupi ãiakè ní Yesudeo kaaleao. Iø gë ua ní uao ào gþeñ ní noeñ kükü, iø ní gâle ge ní ká kpéu.

### Baona kpaa Samali bùsuu

4 Gbé pó fâaañ gè Yesu baokpà gupiiu. 5 Filipi gè Samali bùsu wélëeu, ñ à Mesii waasokèn. 6 Ké bíla Filipi yámà mé aa dabudabu pó a kè è, aa laaidò yá pó àle owa ní nòsemendoo. 7 Asa gbé pó an táao gòmá ní wii gbääo dasi, mé gbékaaüañ ní eeñ gbâgbâ dasi. 8 O wà pøna zóo kè wélëpiu.

9 Gõee ku we za zi wí me Simóñ, iø dabudabuna ke ibo Samali sae, ñ à azia dílë gþeñ gþia ú. 10 Néfénen gbézóo píi wí laaidò

\* 7:44 Bøa 25.9, 40.17    † 7:45 Yoz 3.14-17    ‡ 7:47 1Kia 6.1-38    § 7:50 Isa 66.1-2    \* 7:51 Isa 63.10

aà yáwa wí me: Gbépi gbāá Lua gbāá pó wí me Gbāá Zōo. <sup>11</sup> Dabudabuna pó ìo ke ní guu à gègè ní kú. <sup>12</sup> Ama ké aa kpala pó bò Lua kíi bao pó Filipi kpàné ní Yesu Kilisi tóo mà, aa sì, ɔ aa da'ilekè gōeo ní nōeo píi. <sup>13</sup> Baa Simoo pi yápi sì à da'ilekè, ɔ à nà Filipiwa. Ké à dabudabu ní iko zōo pó Filipi lé keo è, à bò aà sae.

<sup>14</sup> Ké zinac mà za Yelusaleū Samalió Lua yá sì, aa Piee ní Zāao zimá. <sup>15</sup> Ké aa kà we, aa wabikènè ké aa Lua Nisina e yái. <sup>16</sup> Wà ní da'ilekè ní Dii Yesu tóo, ãma Lua Nisina i di an gbēee yāao. <sup>17</sup> Ké aa ñàmá, ɔ aa Lua Nisina è sa. <sup>18</sup> Ké Simoo è wà Lua Nisina è ní zinac ñaamá, ɔ à mònè ní ñao <sup>19</sup> à mè: A ma gba ikopi sõ, kéké gbe pó ma ñàwà, ade lí Lua Nisina e. <sup>20</sup> O Piee òè: N ña a kaalennó, asa níle e ñyō Lua gba e ní ñaoe. <sup>21</sup> N ò ku zípi guuo, n bàa ku a guuo, asa n nòse maa Luaeo. <sup>22</sup> Kpe li n yāvāipie, ní wabike Diiwa. Wilió dō à gí sùuukéinnó ní n làasoo bee taaoa? <sup>23</sup> Asa má è gōizina kú n guue, duuna bakàne. <sup>24</sup> O Simoo mè: A wabikemee Diiwa ázìa, kéké yá pó á ò su ma leo yái.

<sup>25</sup> Ké Piee ní Zāao Dii seeladekè kéké aa aà yá dàné, ɔ aa èa lé tá Yelusaleū, aale baonakpa Samali wéleo guu dasi.

### Filipi n Etiopi gbēeo

<sup>26</sup> Dii malaikae yā'ò Filipiè à mè: Fele gé geomido kíi oi. Zé pó bò Yelusaleū à pà gbáaa à gè Gaza sé. <sup>27</sup> O à dàzeu. Etiopi gbēe be zépiu. Etiopi bùsu nōe kíia pó wí me Kandase ziiæ, mé aà àizée džanao gbezōo. A mò lousisi Yelusaleū, <sup>28</sup> ɔ à èa lé tá zólea a sôgo guu, àle ãnabi Isaia lá kyoke. <sup>29</sup> O Lua Nisina ò Filipiè: Ge n na sôgo keewa. <sup>30</sup> O Filipi bàalè gè. A mà àle ãnabi Isaia lá kyoke, ɔ à aà là à mè: N kyó pó níle ke boole dōa? <sup>31</sup> A wèwà à mè: Tó gbēe i a zé oloméeo, kpelewa má fō mà dōi? O à Filipi sisi, à gè zóle aà sae. <sup>32</sup> Yá pó àle a kyoképin ke:

Lán sã pó wàlè gé a kòlokpaiwa,  
lán sã pó wàlè a kákéelewa,  
a níle kpé, i a lé wéaao.

<sup>33</sup> Wà widàwà,  
wi yákpalekeeaànó a zéwao.  
Démè a fō aà gōo gbe yā'oi?

Asa wà aà kua dúnia guu midee.\*

<sup>34</sup> O gōepi ò Filipiè: Omee, dé musu ãnabi bee òui? Aà zìa yá ge gbépalee? <sup>35</sup> O sea Lua yápiwa Filipi Yesu baokpàè. <sup>36</sup> Ké aale gé aæ, aa kà íkíi, ɔ gōepi mè: Igwa ke. Bóme a kpamee mà da'ilekèi? <sup>37</sup> O Filipi òè: Tó n yápi sì ní nòsemendoo, ñyō fō. A wèwà à mè: Má sì Yesu Kilisiá Lua Néé. <sup>38</sup> O à mè wà gó ze. O an pla mìpii aa píla aa gè íu. O à aà da'ilekè. <sup>39</sup> Ké aa buà sìsìa, ɔ Dii Nisina

\* 8:33 Isa 53.7-8

Filipi kpàè gui, gōepi i aà e lōo, ɔ̄ pōna guu à gèzea. <sup>40</sup> Filipi su è à kú Azota, ɔ̄ à gè Yesu baokpà wéle ní wéleo e à gè kàò Sezale.

## 9

### *Yesu bɔ̄ mɔ̄a Sɔ̄luwa*

<sup>1</sup> Gō bee sɔ̄ Sɔ̄lu lé pɔ̄bo a níu, àlè yāpāsī o Dii iwa dède a yá musu. A gè sa'onkia kíi, <sup>2</sup> a gbèawà aà lákē Damasi lousisikpedeɔne àà kpawa, ké tó a su zépideo è we, gōe ní noe píi, a ní kúkú suñño Yelusaleū. <sup>3</sup> Ké à dàzeu, à kāikú ní Damasio, ɔ̄ kándo gupua bò luabè à kùlewà. <sup>4</sup> A bòlele, ɔ̄ à lōo mà, wàle òè: Sɔ̄lu, Sɔ̄lu, bóyái níle iadai? <sup>5</sup> Ó à mè: Mmenn déi Dii? Ó a wèwà à mè: Mámé má Yesu pó níle iadawà ū. <sup>6</sup> Felé gè wéle guu, wi yá pó nýõ ke onε. <sup>7</sup> Gbé pó aa bεaàññò gò sáii. Aa lɔ̄pi mà, áma aai gbée eo. <sup>8</sup> Ké Sɔ̄lu félè, ɔ̄ à a wé wè, i gu'eo. Ó wà aà kù a ɔwa, wà gèaàññò Damasi. <sup>9</sup> A kè gō àaõ gu'esai, i pobleo, i imio.

<sup>10</sup> Yesudee ku Damasi wí me Anania. Dii yā'òè wépungu'ea guu à mè: Anania. Ó a wèwà à mè: Má ké Dii. <sup>11</sup> Ó Dii òè: Felé gé zé pó wí me Súsú guu e Yuda bε'ua, ní Taasu gbé pó wí me Sɔ̄lu gbea. Alè wabikea we. <sup>12</sup> Wépungu'ea guu a è n mɔ̄ n ɔnàwa ké a wé gu'e. <sup>13</sup> Ó Anania òè: Dii, má mà wà gbépi yā'ò dasi, lá à yāvāikè n gbé pó kú Yelusaleūne. <sup>14</sup> Sa'onkia aà gbà zé aà gbé pó lé n sisi lao kúkú. A yái à mì. <sup>15</sup> Ó Dii òè: Gé, asa ma gbépi sè aà gé ma tɔ̄boi buipaleɔne ní níkia ní Isailiø. <sup>16</sup> Lá a taasikè ma tɔ̄boya yái, má ɔlɔ̄. <sup>17</sup> Ó Anania bò à gè gè uapiu, à ɔnà Sɔ̄luwa à mè: Sɔ̄lu ma gbé, Dii Yesu pó bò mòma zéu gō pó níle mó la mé ma zì, ké ní gu'e yái, Lua Nisina i dine. <sup>18</sup> Wegɔ̄ pó bòle aà wéu lán kpòtèeɔwa aa lèle, ɔ̄ à gu'e. Ó à félè da'ilékè. <sup>19</sup> Ké à poble, à gbää è, ɔ̄ à gōplakè ní Yesude pó kú Damasi.

### *Sɔ̄lu waasokəa Damasi ní Yelusaleū*

<sup>20</sup> Ó Sɔ̄lu nà Yesu yá waasokpaawa gò Yuda lousisikpeɔ guu à mè, Yesu mé Lua Né ū. <sup>21</sup> Yápi bò gbé pó mà sae aa mè: Gbé bee mé i gbépi sisinao ásooke Yelusaleū lò? I mɔ̄ la à ní kúkú à táññò sa'onkiaó kíio lò? <sup>22</sup> Sɔ̄lu sɔ̄, aà gbää iɔ̄ káfi, à Yesu Mesikeyä bliwàné, ɔ̄ aà yá Yuda pó kú Damasió fù.

<sup>23</sup> Gōpla gbea Yuda lekpàaiaàzi ké aa e wà aà dε, <sup>24</sup> ɔ̄ à ní lekpaaiaapi mà. Aa wéle bíibole ðòa fāane ní gwāasinao, ké aa e wà aà dε yái. <sup>25</sup> Gwāasina ɔ̄ Sɔ̄lu gbé aà dà gbíu, aa aà gbàe ní bao bàasi bíi musu.

<sup>26</sup> Ké à kà Yelusaleū, a wéle à na Yesudeowá, ɔ̄ aa vñakèè nípii, aale aà Yesudeke náaikεo. <sup>27</sup> Ó Baanaba aà sè gèaàññò zinac kíi, a dàu a siuné lá Sɔ̄lu Dii è zéu ní yá pó Dii òèo ní lá à Yesu yā'ò gupuau Damasio. <sup>28</sup> Ó Sɔ̄lu gè Yesudeo guu, à bëbeññò

Yelusaleú, à yá'ò gbéoné gupuau n Dii tó. <sup>29</sup> Ké à yá'ò Yuda Geleki yámanaone, à lekpaakéño, 5 aale aà we. <sup>30</sup> Ké Yesudeo dò, aa gè zèè Sezale, 5 à tå Taasu.

<sup>31</sup> Bee gbea Yesudeo gò dòdøa Yude n Galileo n Samali bùsuo pii, aale zedø, aale gé ae vñakea Dii guu, aale káfi n Lua Nisina dñoleo.

### *Enee gbágbaa n Tabita vuao*

<sup>32</sup> Piee i bëbe wéle n wéleo pii, 5 à gè Lua gbé pò kú Lidao gwai.

<sup>33</sup> A gòe pò wí me Enee è we, à kàaú kálea wé swaañ. <sup>34</sup> O Piee òe: Enee, Yesu Kilisi lé n gbágbá. Fele n n pe koo. O à félé gòo.

<sup>35</sup> Lidadeo n Salonadeo aà è, 5 aa zè n Dii.

<sup>36</sup> Nœ Yesudee ku Zope, aà tón Tabita. N Geleki yáo sô Dookasi. Bee mè tue. Yámaakea pèewà mé i wénadõ gbéoné. <sup>37</sup> Gò bee 5 à gyákè à gá. Ké wà aà bò í páslu, wà aà se wùle kpediakšau musu. <sup>38</sup> Zope sô a zà n Lidaoo. Ké Yesudeo mà Piee ku we, aa n gbéon plao zìwà aa wabikèwà aa mè: Mo wá be kpakpa. <sup>39</sup> O Piee félé gèníno. Ké à kà, wà dèdeaañó kpépi musu. O gyaaç sòaazi mìpii n çollo, aa ula n pòkasa pò Tabita kè gò pò a kúñinco bìlè. <sup>40</sup> Piee n yá n bólé báasi. A kùle à wabikè, 5 à aedø gèpiwa à mè: Tabita félé! A wé wé à Piee è, 5 à félé zìlè. <sup>41</sup> Piee aà kù a ñwa à aà félé zè. O à Lua gbépi sisi n gyaaç, 5 à aà kpàmá bëe. <sup>42</sup> Yápi lì Zopea pii, 5 wà Dii náaikè we dasi. <sup>43</sup> Piee gooplakè we Simco báatotonawa be.

## 10

### *Kɔɔnei Piee sisia*

<sup>1</sup> Gbée ku Sezale, aà tón Kɔɔnei. Aàpi mé sosa gáli pò wí me Itali sosa gbéon bascoo døaana ü. <sup>2</sup> Gbépiá luayámanae, a Lua vía ví, aàpi n a bedeo pii. I wénadõnë maamaa, mé lò wabike Luawa móomco. <sup>3</sup> Gòewa laté auapilaa, wépungu'ea guu à Lua malaikae è wásawasa, à gè a be a òe: Kɔɔnei. <sup>4</sup> Kɔɔnei wé gò biiwà, vñao aà kù, 5 à mè: Bó ni, Dii? A wèwà à mè: N wabikea n n wénadõnëo gbéonéo kà Luagu, 5 a sinnó. <sup>5</sup> Gbéo zì Zope sa, aa Simco pò wí me Piee sisia. <sup>6</sup> A pila gbé pò wí me Simco báatotonawa. Aà be ku ísiale. <sup>7</sup> Ké malaikapi tå, Kɔɔnei a zíkena gbéon plao sisia n sosa luayámana pò nawao. <sup>8</sup> Ké a dàu a süné pii, 5 à n zì Zope.

<sup>9</sup> Ké a gu dò, 5 aa dàzeu, aa kà kái n wélepio. Gò bee Piee dède kpé musu laté minanguo wabikei. <sup>10</sup> Nøana lé aà de, a ye pooble, 5 gò pò wàle bleke, à wépungu'è. <sup>11</sup> A luabe è wéa, pøe lé pila lán zwàa zòwa. Wà ba dòdø a swá mèn síñowa pii, wàle gbae zíle. <sup>12</sup> Nøbøo n póttaa'onkuawa n bão pii ká a guu. <sup>13</sup> O wa òe:

Piee, félé de n só. <sup>14</sup> O Piee mè: Bauo Dii, mi tée ge pó gbâlæa ble ziiio. <sup>15</sup> O à lóopi mà a gën plaade wà mè: Pó pó Lua gbâbòé, nísu n a têboo. <sup>16</sup> A kè màa gën àaõ, 5 kândo wà pôpi gâ wà tâò luabé.

<sup>17</sup> Piee lé bîlike wépungu pô a è yáwa, 5 Kooonei zîna pô aa Simoo be gbèaõ kâ gðò, aa zea bôleu. <sup>18</sup> Aa lezù aa gbèa tó wekîi Simoo pô wî me Piee pîlau. <sup>19</sup> E tia Piee lé làasooke wépungu pô á èwa, 5 Lua Nisina òè: Gbëon àaõ lé n gbea. <sup>20</sup> Pila gérñoo seasai, asa máme ma n zîma. <sup>21</sup> O Piee pîla gè gbépió kíi à mè: Máme má gbé pô ále gbea ū. Bóyai a moi lai? <sup>22</sup> Aa mè: Sosao dôaana Kooonei mé wá zî. Gbëmaae, a Lua vîa vî. Yudaõ píi i aâ tønasi. Lua malaikae òè aâ n sisi a be, aâ n yâma. <sup>23</sup> O Piee gérñoo ua à n yâaekè.

Ké a gu dò, à félé dàrño zéu. Zope Yesudeeo gè aâ kpái. <sup>24</sup> A gôo àaõde aa kâ Sezale. Kooonei a daeõ ní a gbëna fëeëo kâaa, ále n dâ. <sup>25</sup> Ké Piee gè ua, 5 Kooonei gè dàaâle à kûleè. <sup>26</sup> O Piee aâ félé à mè: Fele ze. Gbënazinan ma ū sô. <sup>27</sup> Ale yâ'oaañ e aa gè gè kpéu, 5 à gbé ñ le kâaaa we dasidasi. <sup>28</sup> A òné: A dô ké Yudaõ zevî aa yâale n buipâleo ge aa gë aâ uao. Ama Lua ñlomee másu gbëe gbâsî bo ge mà aâ têboo. <sup>29</sup> A yâi tò ké wà ma sisi, ma mo zîozionakesai. Má ye mà yâ pô a ma sisiwâ ma sa. <sup>30</sup> O Kooonei mè: A gôo siiñ la, ké málë wabike ma be e latë gè aua pilaò maa'i kewa. O kândo ma gbëe è zea ma ae pô tekeea daa <sup>31</sup> à mè: Kooonei, Lua n wabikea sî, mé n wénadjanë kâaâgu. <sup>32</sup> Gbë ñ Zope Simoo pô wî me Piee sisii. A pila Simoo báatotona be ísiale. <sup>33</sup> O ma gbé ñ zîma gðò. Lá n mo, à kè maa. Tia kewa, wápii wá kú la Lua dôa guu, ké wà yâ pô Dii òne ma yâi.

### Lua Nisina dia buipaleone

<sup>34</sup> Piee yâsè à mè: Má sî slana sa ké Lua lí gbëe zâboo.\* <sup>35</sup> Bui pii guu gbé pô lé vîakeè mé i yâmaake, ade yâ mé i kâaâgu. <sup>36</sup> Lua a yâ dâ Isailiõne, à keaanõ na Yesu Kilisi sabai baokpâné. Aâpi mé bui pii Dii ū. <sup>37</sup> A yâ pô kè Yude bùsu pii guu dô, lá à dâale Galile Zâa kpâwacea ní gbé ñ da'ilekeao gbea. <sup>38</sup> A dô lá Lua a Nisina pisi Yesu Nazaletiwa, 5 a kú ní gbâao, à gè wéle n wéleo à yâmaakènë, à gbé pô Ibiisi ní gâ lînë ní kpeo gbâgbâ, asa Lua kuaâñõe. <sup>39</sup> Wá de yâ pô a kè Yude bùsuu ní Yelusalëüo pii seelade û. Wà aâ lòo líwa wa dè, <sup>40</sup> 5 Lua aâ vù a gôo àaõde zî, a tò à azia ñlôwëe. <sup>41</sup> I kè gbépiie no, wá gbé pô Lua dâaa wá sé aâ seelade ñõne. Aâ bôa gau gbea wa pôbléaâñõ, wa imiâñõ. <sup>42</sup> O a dîlewëe wà waasoke gbéñõe, wí oné áme á de gbé pô Lua

\* 10:34 Iko 10.17

dile gbé béké pí gyaadeo píi yákpalekena û. <sup>43</sup> Anabi o píi aà yá'ò aa mè, gbé pó aa aà náaikéo duuna a kémá aà tó yái.

<sup>44</sup> Goo pó Piee lé yápi oné, Lua Nisina dí gbé pó lé yápi maoné píi. <sup>45</sup> Yápi dí Yuda Yesude pó mò ní Pieeoowa, ké baa buipaleo, Lua a Nisina písimá gba û yái. <sup>46</sup> Asa aa mà, aale yæebui'o, aale Lua yâbónsaekéao o. <sup>47</sup> Piee mè: <sup>47</sup> Gbepio Lua Nisina è lâwawa. Démè a fô gíné aa da'ilakei? <sup>48</sup> O a ò wà ní da'ilake ní Yesu Kilisi tó. O aa wabikewà aà gooplakéino.

## 11

### Piee buipaleo yá'oa

<sup>1</sup> Zinac ní Yesude pó kú Yudeo mà lá buipaleo Lua yá sî sô. <sup>2</sup> Ké Piee sù Yelusaleú, an gbé pó zè ní tôzôyâo aà tâae è <sup>3</sup> aa mè: N gë gyafôdeo be n pôblérino. <sup>4</sup> O Piee félé lé yápi bôlekené zéze à mè: <sup>5</sup> Má kú Zopee, málé wabike, ô ma wépungu'è. Ma pœ è lán zwâa zôowa, ba dôdja a swá mèn siiôwa. A bò luabe, àlé pila ma kíi. <sup>6</sup> Ma wépewà tíuu, ma nòbôo è a guu, sèa pôo ní póttaa'onkuawao ní bâo. <sup>7</sup> O ma lôo mà, wa òmee: Piee, fele de n sô. <sup>8</sup> O ma mè, bauo Dii, asa tê ge pô gbâlea i gë ma léu zioo. <sup>9</sup> Looipi bôa luabe gën plaade wà mè, pô pô Lua gbâbòe, másu mà a têboo. <sup>10</sup> A kè màa gën àaô, ô wà èa gà tâò luabe píi. <sup>11</sup> Goo bee gôo gbéon àaô pô wà ní zia bôa Sezaleo mò ua pô má kúu. <sup>12</sup> O Lua Nisina òmee mà géñino seasai. Wá gbé gbéon sooloe beeo gë ma kpái sô, ô wa gë gbé pô gbepio zia be. <sup>13</sup> O a òwëe lá a malaika è, à bò mòwa a kpéu, a ôe à gbé zì Zope ma sisii, <sup>14</sup> mà yá pô a api ní a bedeo píi suaba oe. <sup>15</sup> Ké ma na yâoawa, Lua Nisina dînë lá a dîwëe a daalegôwa. <sup>16</sup> O yá pô Dii ò dòmagu à mè, Zâa gbéo da'ilkekè ní ìoe, api sô á wá da'ilkekè ní Lua Nisinao.\* <sup>17</sup> Lá Lua gba doû pô á dâwëe gôo pô wa Dii Yesu Kilisi náaiké dànë lô, dén ma û mà fô gié? <sup>18</sup> Ké aa yápi mà, aa nîle, ô aa Lua tòbò aa mè: Wá è Lua buipaleo gbà zé lô aa nòselile, aai wëni láasai e.

### Antiôsideo zea ní Yesuo

<sup>19</sup> Wéteamjané pô félé Etiëe gaa guu† mé tò gbé fâaa tà Fenisi bùsuu ní Sipi bùsuo ní Antiôsio, aale Lua yâ'o Yudaone nítëe. <sup>20</sup> O an gbéeo bò Sipi bùsuu ní Sileni bùsuo aa gë Antiôsi, ô aale yâ'o buipaleone sô, aale Dii Yesu baokpané. <sup>21</sup> Dii lé òdamá, ô gbéo yápi sî dasi aa zè ní Diipio.

<sup>22</sup> Yelusaleú Yesudeo swá kâ yápiwa, ô aa Baanaba zì Antiôsi. <sup>23</sup> Ké à kâ we, a è lá Lua gbékèkènë, ô aà pô këna. A ledâmá mípii aa ze ní Dii ñ nòsemendoo. <sup>24</sup> Baanabaá gbëmaae, Lua Nisina ní luanaaikéao pèewà, ô wà kâ Dii gbéo guu dasi. <sup>25</sup> O Baanaba

\* **11:16** Luk 3.16, Zin 1.5    † **11:19** Zin 8.1-4

gè Taasu Sôlu weelei. <sup>26</sup> Ké à aà è, ñ à sùaàñò Antiosi. Aaño kâaa ní Yesudeo dasi, aaø yâdané e wè bûu do. Antiosi we wà dàaa tókpâu Yesu iwaçne Kilisideo.

<sup>27</sup> Goo bee ânabiø bò Yelusaleü aa mò Antiosi. <sup>28</sup> An gbé pò wî me Agabu félé zè à dàaa noana zôø pò a ka dûnia guu píi yâ'ònè ní Lua Nisina gbâao. Kolodi kpablea goo ñ noanapi kà. <sup>29</sup> O Yesudeo zèò wà ní gbé pò kú Yudeo kámasa ká lá baade gbâa fô, wi kpásâné. <sup>30</sup> O aa kë màa, aa Baanaba ní Sôluo zìò kpái an gbézôøwa.

## 12

### Piee daakpœu

<sup>1</sup> Goo bee kí Elodi opèle Yesudeewa pâsipâsi. <sup>2</sup> A Zâa vñi Zaaki dè ní fëndao. <sup>3</sup> Ké a è yâ bee kà Yudaøgu, ñ à èa Piee kù lô. A bee kë Kâaso dikpe zîle. <sup>4</sup> Ké à Piee kù a dàkpeu, à aà nà sosaçne ní ozi aa aà dâa. Sosapiø gâli do gbéon siiñsiiñe lees siiñ. A dîle à yâkpalékæaàñò bíla wáa Gëamusu dikpe gbea. <sup>5</sup> O wa Piee kûa kpéu, Yesudeo lé wabikeè Luawa zesai.

<sup>6</sup> Gu pò a dò Elodi bøaàñò, a gwâ Piee lé i'o sosa gbéon plaø zânguo yea ní mðaonao mèn pla, mé gbéon plaø ku kpêele, aale kpépi dâa. <sup>7</sup> Kândo gôø Dii malaikae gè we, ñ kpépi pù. A Piee lè a gbâtëewa à aà vù à mè: Fele kpakpa. Ó mðaonapiø wôlo aà ñwa. <sup>8</sup> O malaikapi òè: N n ula da, ní n kyale kpá. Piee kë màa, ñ malaikapi mè: N n ula kâaa ní kú, ní temazi. <sup>9</sup> O Piee bò teaâzi. I yâ pò malaika lé kee dô siana ûo, àle e nana ále o. <sup>10</sup> Aa gè gudëana séiala ní a plaadeo, ñ aa kà bøleu. Bølepi gbaá mœ, ñ à wèñé ní aziao, aa bøle lé gë wéleu. Kândo gôø ñ malaikapi Piee tò zea guu we. <sup>11</sup> Ké Piee wé dòdò à mè: Má dô sâasâ sa ké Dii a malaika zì, à ma bo Elodi ozi ní yâ pò Yudaø wé doi wà këmeeo píi.

<sup>12</sup> Ké aà wé kë, à gè Zâa pò wî me lô Maaku da Maliamba be. Wa kâaaa we dasi, wâle wabike. <sup>13</sup> Ké à bøle gba lè, ñ noe zikena pò wî me Loda gè gwai. <sup>14</sup> Ké à Piee lô dô, pçna guu i zé wëo, à èa bâalè ge òné Piee mé kú bøleu we. <sup>15</sup> Wa òè: Iana kâma yâ? O à zèò ké sianaæ. O wà mè: Aà malaikæ. <sup>16</sup> Piee gi lé ghale. Ké aa wè, aa aà è, ñ yâpi dîmá. <sup>17</sup> A òkènèé aa nîle, ñ a dàu a siuné lá Dii a bo kpéu. O à mè: A gë o Zaakie ní wá gbé kiniø. O à bò gë gupâlei.

<sup>18</sup> Ké gu dò, kôñi gbâa dà sosaø zânguo, aale kô lala aa mè: Bó Piee kë a ui? <sup>19</sup> Elodi ò wà aà weele. Ké wi aà eo, ñ à yâlâla gudëanapiøwa, ñ a ò wà n dëde.

### *Elodi gaa*

Bee gbea Elodi bò Yude, à gè gooplakè Sezale. <sup>20</sup> Aà pò pà Tiideo ní Sidódezi maamaa, ò gbé beeò ledoukè aa mò aà gwai sánu. Aa gè kíapi be ziia Blasitu kíi. Ké Blasitu ní yáze è, aa gè ledoukèi ní Elodio, asa an bùsu poblea i bò aà bùsuue.

<sup>21</sup> Ké gó pò wa díle kà, Elodi a kible'ulaò dà, à gè zòlè a gínaa, ò à yá'ò bílae. <sup>22</sup> Bila wiilè à mè: Luae mé lé yá'o, i ke gbénazina no. <sup>23</sup> Wegò Dii malaikae aà le nè, ké i zòkè dò Luaeo yái, ò aà me kòkà à gá.

<sup>24</sup> Lua yá iò ligua, iò káfi. <sup>25</sup> Baanaba ní Sòluo sò, ké aa ní kámasa yá kékè aa lâa, aa bò Yelusalé ù aa Zâa pò wí me Maaku sè tào.

## 13

### *Baanaba ní Sòluo zìa*

<sup>1</sup> Anabio ní yádanedeò ku Antiossi Yesudeo guu, an tón ke: Baanaba ní Siméo pò wí me Báasiao ní Siléni bùsu gbé Lusiuo ní Manaë pò neblè ní kí Elodio sánuo ní Sòluo. <sup>2</sup> Gó pò aale Dii sisi ní leyeao, Lua Nisina mè: A Baanaba ní Sòluo dilé nídoa zì pò ma ní séwà yái. <sup>3</sup> Ké aa leyè aa wabikè, ò aa onàmá aa ní gbáe, aa dàzeu.

<sup>4</sup> Ké Lua Nisina Baanaba ní Sòluo zì màa, aa gè Selusi. Za we aa gè gó'ilénau aa gè Sipi bùsuu. <sup>5</sup> Ké aa kà Salami, aa Lua yá waasokè Yudaò lousisikpeò guu. Zâa Maaku kúrño dònlede ù. <sup>6</sup> Aa ísia gúgúnapí baa vñ e Pafosi, ò aa kpàa ò Yuda dabudabukena pò de ãnabi egéna ùo we. Aà tón Yesune. <sup>7</sup> Iò kú ní bùsupi gbézò Sæziu Pòluo. Gbézòpiá ònonaë, ò à Baanaba ní Sòluo sisi, ké a ye Lua yáma yái. <sup>8</sup> Dabudabukenapi tón Elimá ní Geléki yáo. A ibelésérño, àle weeë gbézòpi swâfè, ké asu Yesu náaikéo. <sup>9</sup> O Sòlu pò wí me Pòlu sò, Lua Nisina dèdewà, ò à wépewà à mè: <sup>10</sup> Ibiisi néò do! Maa píi ibee! Gbénazin väi píi paemade! Wezén pâsl! Nyô Dii zé súsu kpaanlaboa too lé? <sup>11</sup> Tiasa Dii a okulema, ní vñakù. Nyô gooplake níyô laté eo. Wegò Elimá wé gò dàadää, gusia kùlewà. O àle onmalemale, àle gbé weeë aà a o kú. <sup>12</sup> Ké gbézòpi yá pò këpi è, à Dii náaikè, asa aà yá pò wa dàè aà kù gbääe.

### *Kua Antiosi pò kú Pisidi bùsuu*

<sup>13</sup> O Pòlu gè gó'ilénau ní a gbé, aa bò Pafosi aa gè Peega, Pâmfilí bùsuu. We Zâa Maaku ní tóu, à èa tà Yelusalé. <sup>14</sup> Bò Peega aa gè Antiosi pò kú Pisidi bùsuu. Kámbogòzì aa gè zòlè lousisikpeu. <sup>15</sup> Moizi ikoyá ní ãnabi láo kyokea gbea lousisikpe gbézògbé zì wà oné, tó aa káfia yae vñ aa o bílae, aa o. <sup>16</sup> O

Polu félé òkènè à mè: Isailio ní buipâle lousisinao à ma yâma.  
 17 Isailio Lua wá deziò sè, õ à ní bui kò an kua Egipi bùsuu.  
 Ò à ní bólé we ní a gbâa zôo.\* 18 A ní gwá guwaiwaiu wè bla taawa.† 19 A gbâamò Kanaa bùsu bui mèn soplaone, õ à ní bùsupi kpàmá.‡ 20 Apii kà wè òaa pla ní blakwio taawa. Bee gbea à dôaanao dîlené e à gè pèò ãnabi Samueliwa.§ 21 Ké aa kia gbèa, õ Lua Kisi né Saulu, Bëyâmee bui dîlené.\* A kpalablè wè bla,<sup>22</sup> õ Lua aà bò kpalau, à Davidi kpà aà gbeu. Lua Davidi yâ'ò à mè, à è Yesé né Davidi làasoo doúanç, a a pœä pii këe.†  
 23 Aà bui guu à Yesu bòu Isailionne Suabana ü, lá à a legbèwa.  
 24 E Yesupi ào gé moi Zâa dòaa waasokè Isailionne píi, a òné aa nòselile aa da'iléké.‡ 25 Ké Zâa zì ye láai à mè: Dé álé e má de a ùi? Gbé pó á wé dòin ma ùo. A ma! Ale mó ma gbea, mi ka mà aà sabala bòbòèo.§

26 Ma gbé, Ablahaü buiò ní buipâle lousisinao, wámé Lua suabayâe bee kpâsâwéé. 27 Yelusaleüdeò ní ní gbâadeò aai Yesu dôo, aai ãnabiò lá pó wîò a kyoke kâmabogoozì píi zé dôo, õ aa ãnabipio yá pâpa, aa yâdâaàla. 28 Aai yâe ewà à kâ wà aà deo, õ aa gbea Pilatiwa wà aà de.\* 29 Ké aa yá pó wa kë aà yá musu kë píi, wà aà bùa líwa wà aà dà mia'eu.† 30 Lua aà bò gau. 31 A gôò dasi ké à bò mò gbé pó aa bò Galile aa gèaànò Yelusaleüwa.‡ Aame aà seeladeò ü gbéoné. 32 Wâpiò sô, õ wa mò aà baokpaié. Lé pó Lua gbè wá deziòne, 33 a kè wá gbé pó wá de an buiò üoné, à Yesu vù lá wa ò Soû plaade guuwa. Lua mè:

Ma nén n ü,

n Maen ma ü gbâ.§

34 Lá a yaikéo, mé Lua a aà bò gau, a yâ õ Luapi ò yâa à mè:  
 Má bâaa seasai pó ma a legbè Davidié daágú.\*

35 Ò wa ò guei lò:

Nyô wei n gbé pó a kua adoa yaikéo.†

36 Davidipio sô à Lua pœä kè a gôò. Ké à gà, wà aà mia kpâkôi ní a deziò, õ à yaikè. 37 Gbé pó Lua aà vùpi sô i yaikéo. 38 Ma gbé, àò dô ké duunakéama waaso pó wâlé keé kú aà klié. 39 Moizi ikoyâ lí fô tò yá bòrño nao, ãma gbé pó aale Yesu náaikéo, yâpii i bòrño na. 40 A laaika kè yá pó ãnabiò ò su á leo 41 aa mè:  
 A ma, á gbé awiambonao,  
 à giliké, í sâale,

\* 13:17 Bøa 1.7, 12.51    † 13:18 Nao 14.34    ‡ 13:19 Iko 7.1, Yoz 14.1    § 13:20  
 1Sam 3.20-21, 10.21-24    \* 13:21 1Sam 8.5    † 13:22 1Sam 13.14, 16.12-13  
 ‡ 13:24 Luk 3.3    § 13:25 Zâa 1.20, Mat 3.11    \* 13:28 Luk 23.1-23    † 13:29  
 Luk 23.50-56    ‡ 13:31 Zin 1.3    § 13:33 Soû 2.7    \* 13:34 Isa 55.3    † 13:35  
 Soû 16.10

asa má yāe ke á gō,  
baa tó wa dàu lé siué, á sio.‡

<sup>42</sup> Ké P̄olu n̄ Baanabao lé bōle lousisikpeu, wà wabikémá aa ea m̄ yápi oné kámabogō s̄ia l̄. <sup>43</sup> Ké wàlē fāaa Yudaō n̄ gbē p̄ ì lousisiñnc̄ b̄ te P̄olu n̄ Baanabaozi dasi. Aa yā'ònē, aale ledamá aac̄ gé ae n̄ gbēke p̄ Lua k̄éñnc̄.

<sup>44</sup> Kámabogō s̄ia wéledeō k̄aaa p̄íi Dii yāmaa yáí. <sup>45</sup> Ké Yudaō bilapi è, à k̄ené 'íi maamaa, ɔ aale P̄olu yá b̄eabo, aale aà s̄os̄. <sup>46</sup> O P̄olu n̄ Baanabao yā'ònē v̄iasai aa m̄: Am̄e à k̄ù wà Lua yā'oé ḡia. Lá a gi, ále e i ka à w̄eni láasai eo, wá ea aed̄ buipâleowae sa. <sup>47</sup> Asa Dii yāe bee d̄ilw̄ee à m̄:  
Ma n̄ dile gupua ū buipâleone,  
ké n̄ ḡé n̄ suabayāo e t̄ole l̄ewa. §

<sup>48</sup> Ké buipâleō yápi mà, an p̄o k̄ena, aa Dii yá s̄i s̄iana ū, ɔ gbē p̄o Lua n̄ d̄ile w̄eni láasai p̄ ū Yesu náakè.

<sup>49</sup> O Dii yá l̄i b̄usupia p̄íi. <sup>50</sup> Yudaō ož̄ buipâle n̄o lousisin gbiao n̄ wéle gbāadeozi, ɔ aa īadà P̄olu n̄ Baanabaowa, aa n̄ yá n̄ b̄usuu. <sup>51</sup> Aa k̄ołémá n̄ t̄aae seela ū, \* ɔ aa ḡe Ik̄oni. <sup>52</sup> Yesudeo s̄i, p̄ona n̄ Lua Nis̄inao p̄eemá.

## 14

*P̄olu n̄ Baanabao kua Ik̄oni n̄ Lisitao*

<sup>1</sup> Aa k̄e Ik̄oni lá aał k̄ewa, aa ḡe Yudaō lousisikpeu aa yā'ò e Yudaō n̄ buipâleō Dii náakè dasidasi. <sup>2</sup> O Yuda p̄ aa ḡi yápi s̄iō buipâleō swāf̄e Yesudeone, aa 'iis̄erñc̄. <sup>3</sup> N̄ beeo P̄olu n̄ Baanabao gōoplakè we, aa yā'ò v̄iasai daa Dii ḡau, ɔ Dii n̄ gbá zé an yāb̄onsekeao n̄ n̄ dabudabukeao a gbēke yā p̄ aale oné s̄lanap̄liwàné. <sup>4</sup> O wéledeō k̄okpaalè, gbēeo zè n̄ Yudaō, gbēeo n̄ zinac̄. <sup>5</sup> O Yudaō n̄ buipâleō n̄ n̄ gbāadeo zèò wà īadamá wà n̄ pápa n̄ gbeo. <sup>6</sup> Ké P̄olu n̄ Baanabao n̄ yā d̄, ɔ aa b̄aasi t̄a Likaoni b̄usu wéleou, Lisita n̄ Deeb̄eo n̄ a z̄ewia. <sup>7</sup> O aa ḡi lé baonapi kpáné we.

<sup>8</sup> Ḡee ku Lisita, aà gbáo imia. Zaa wà aà ī, a de ee ūe, i tā'a'oo. <sup>9</sup> Ale swákpa P̄olu yáí, ɔ P̄olu w̄ep̄ewà soee, a è aà Yesu náakèa k̄à à aà gbágbā, <sup>10</sup> ɔ a òe n̄ l̄o gbāao: Fele ze n̄ gbáwa. O à v̄i zè, à b̄ò n̄ táo. <sup>11</sup> Ké bila è lá P̄olu k̄e, ɔ aa k̄aaa wiiwa n̄ Likaoni yāo aa m̄: Tāao l̄i gbēnazinac̄ ū aa p̄ilawá. <sup>12</sup> Aa t̄okpà Baanabae Zupitee, P̄olu s̄i Meekiu, \* k̄e ɔme i d̄aa n̄ yā'oao yāí. <sup>13</sup> Zupitee pi kpé kú wénkpe, ɔ aà gbàgbana m̄ò n̄ zuswana p̄o à lávu zâblémáo wéle b̄ib̄oleu. A ye dasi sa'o zinac̄wa. <sup>14</sup> Ké

‡ **13:41** Abk 1.5    § **13:47** Isa 49.6    \* **13:51** Luk 9.5, 10.11    \* **14:12** An tāao t̄oón we.

Baanaba ní Pɔluo yápi mà, aa ní ulac ga kéké, ɔ̄ aa s̄i dasi guu ní wilio<sup>15</sup> aa mè: Gbēɔ̄, bɔyāi álé ke beewai? Gbēnazinacn wá ū sɔ̄ láawa. Baona wále kpáé, ké à kpe lí pɔ̄ gianaæ beeøne, í ze ní Lua békéo. Óme musu kè ní tɔ̄loeo ní isiao ní pɔ̄ pɔ̄ kúuo pii.<sup>16</sup> A bui píi tò yāa, aa nízla zé sè.<sup>17</sup> N beeo à azia òlɔnè maakea guu. I to lou maé à pɔ̄keke a gɔ̄wa. I á gba ble ào ku pɔ̄na guu.<sup>18</sup> Baa ní yá bee oao, dēe ní dēeo ɔ̄ aa gí gbēøne aa sa'omá.

<sup>19</sup> O Yudaɔ̄ bò Antioси ní Ikɔniuo aa mò wà bíla swáfè. O aa Pɔlu pàpa ní gbeo aa aà gàle bò wénkpe, aale e à gàe.<sup>20</sup> Ké Yesudeɔ̄ kàaaaàazi, ɔ̄ à fèle gè wéle guu. Ké a gu dò, aàpi ní Baanabao aa gè Déebe.

### Zinac taa Antioси

21 Ké aa baonakpàné wélepi guu, aa gbéɔ̄ è dasi. O aa èa gè Lisita ní Ikɔniuo ní Antioси,<sup>22</sup> aale Yesudeɔ̄ gba gbää, aale ledamá aa wetä Yesu náaikéawa aa mè: Sema wà taasike maamaa, wí gbasa gè kpala pɔ̄ bò Lua kíi guu.<sup>23</sup> Aa gbézɔ̄o dílené wéle ní wéle, ɔ̄ aa wabikènè ní leyeo, aa ná Dii pɔ̄ aa aà náaikèè ɔzì.

<sup>24</sup> Ké aa pà Pisidi bùsua, aa kà Pämfilí bùsuu. <sup>25</sup> Aa Lua yá'ò Peega, ɔ̄ aa gè Atali. <sup>26</sup> We aa gè gó'ilénau aa tà Antioси, gu pɔ̄ wà ní náu Luæe a ɔzì yāa aà gbékékené zì pɔ̄ aa kè aa làa tia yá musu.<sup>27</sup> Ké aa kà, aa Yesudeɔ̄ kàaa aa yá pɔ̄ Lua kéné ònè píi, lá à buipáleɔ̄ gbà zé aa a náaikè.<sup>28</sup> O aa gɔ̄oplakènìo we.

## 15

### Lekpaaia Yelusaléü

<sup>1</sup> Gbēeɔ̄ bò Yude aa mò Antioси, ɔ̄ aa yádà Yesudeøne aa mè: Tó i tɔ̄zɔ̄ lá Mɔizi dílewao,\* á zia'eo. <sup>2</sup> Pɔlu ní Baanabao zɔadòmá aa lekpaaikènìo maamaa yápi musu. O Yesudeɔ̄ zèò Pɔlu ní Baanabao ní ní gbēeɔ̄ gé Yelusaléü yápi gɔ̄gɔ̄i ní zinac ní gbézɔ̄o. <sup>3</sup> Aa gè zènè, ɔ̄ aa pà Fenisi ní Samalio bùsuula. Aa buipáleɔ̄ nòsélidea yá dàu a sìu ní gbéøne we, ɔ̄ an pɔ̄ këna zɔ̄. <sup>4</sup> Ké aa kà Yelusaléü, Yesudeɔ̄ ní zinac ní gbézɔ̄o gbääakpànzi, ɔ̄ aa yá pɔ̄ Lua kéné píi baokpàné. <sup>5</sup> O Falisi Yesudeeɔ̄ fèle mè: Sema buipáleɔ̄ tɔ̄zɔ̄, wi oné aaɔ̄ Mɔizi ikoyā kúa. <sup>6</sup> O zinac ní gbézɔ̄o kɔ̄ kàaa, aale yápi gwa. <sup>7</sup> Ké lekpaaia gbääkù, Piee fèle zè a ònè: Ma gbéɔ̄, á dɔ̄ ké Lua ma dile á guu à gègè, ké buipáleɔ̄ Yesu bao ma ma léu, aai aà náaiké. <sup>8</sup> Lua dee gbépii nòsé dɔ̄, ɔ̄ à ní gbá a Nisina a siañìo seela ū,<sup>†</sup> lá à wá gbáwa. <sup>9</sup> Lua i ní dile dodoa ní wápiɔ̄o. A ní nòsé pípiné, ké aa Yesu náaikè yáí. <sup>10</sup> Bɔyāi álé Lua

\* 14:15 Bøa 20.11, Soú 146.6    \* 15:1 Lev 12.3    † 15:8 Zin 11.15-18

wéi tiai? Aso pó wá dezio fùa séi ní wápiō ɔ́ ye dinéa? <sup>11</sup> Màa no! Wá a náai ví kéké wá bɔ Dii Yesu gbéké yáie, lá ampiōwa sɔ̄.

<sup>12</sup> Gbéké kéké kílikili píi, ɔ́ aa swákpa Baanaba ní Pɔluozi, aale seelaó ní dabudabu pó Lua kéné buipáleó guuo o. <sup>13</sup> Kéké aa yá'ò aa làa, Zaaki félè yásè à mè: Ma gbéké, à ma yáma. <sup>14</sup> Simoo ò lá Lua dɔ̄aa buipáleó wegwà, ɔ́ à gbéké sè ní guu a pó ū. <sup>15</sup> Anabiō yá'ɔ kɔ̄sè ní beeo, asa aa mè:

<sup>16</sup> Bee gbea má ea mɔ Davidi bezí bo, mí a gufooo keke tata lɔ̄,

<sup>17</sup> kéké buipáleó ma kíi wéelé, gbéké pó ma ní sisi ma ní sépiō píi.

<sup>18</sup> Dii pó lé yápi kéké mè ò, a tò wa yápi dɔ̄ za káau.‡

<sup>19</sup> Ayámeto má è a maa wá yá zí'ū dile buipále pó aa zè ní Luaooneo. <sup>20</sup> Wá lákéné aa miké pó pó gbálè táká kíiwa ní gbásíkéao ní nòò kòlokpassaio ní kpàao. § <sup>21</sup> Asa à gègè wí Mɔizi lá kyoke lousisikpeo guu kámabogoozí píi, wí aà yá waasoké wéle ní wéle.¶

### Zinao gbéké zìa buipále Yesudeowá

<sup>22</sup> O zinao ní gbézoo ní Yesudeo píi zèò wá gbéké sè ní guu, wá ní zì Antíosi ní Pɔluo ní Baanabao. O aa ní døaanae sè, Yuda pó wí mè Baasaba ní Silivéeo. <sup>23</sup> Wá taala díné, yá pó wa kéké a guu mè: Wá zinao ní gbézoo wa fɔkpá wá gbéké pó aa de buipáleó ò Antíosi ní Sili bùsuo ní Silisi bùsuo wa. <sup>24</sup> Wá mà wá gbé sè gè á kíi aa á nòse ɔ̄kpàé, aa á dá bíliu ní yá'oa guu. Wá lé kú a guuo, <sup>25</sup> ɔ́ wa ledoukéké wa zèò kéké wá gbéké sè wá ní zìwá ní wá gbéké yenzideo Baanaba ní Pɔlu <sup>26</sup> pó aa gí ní wénii wá Dii Yesu Kilisi tɔbøa yáio. <sup>27</sup> Ayámeto wále Yuda ní Silivéeo zìwá, aa yá pó wá kéké láu oé ní léo. <sup>28</sup> Asa Lua Nisina ní wápiō wa zèò wá asoe diéo, sema a pó zevíe bee. <sup>29</sup> A miké nòò pó wá sa'òò tákawa soawa ní kpàao ní nòò kòlokpassaio ní gbásíkéao. A maa à miké bee wa. Wá kó'e aafia!

<sup>30</sup> O wá ní gbáé, aa gè Antíosi. Aa Yesudeo kàaa píi, ɔ́ aa lápi kpàmá. <sup>31</sup> Kéké aa a kyokéké, ɔ́ an pɔ kéné maamáa ní nòse nínnyápio. <sup>32</sup> Yuda ní Silivéeoá anabiōne, ɔ́ aa ledà ní gbépiōwa maamáa, aa ní gbá gbáa. <sup>33</sup> Kéké aa gooplakéké we, Yesudeo lezàmá, ɔ́ aa tò ní zinao kíi aafia. <sup>34-35</sup> Pɔlu ní Baanabao gò Antíosi. N gbéké dasi pàleo aa Dii yádàné aa baonakpàné.

### Pɔlu wélegéa gën plaade

<sup>36</sup> Gōpla gbęa Pɔlu ò Baanabae: Wà ea gé Yesudeo gwai wélc pó wa Dii yá waasokèu yāao guu, wí dō lá aa de. <sup>37</sup> Baanaba ye Zaa Maaku se aà géńno, <sup>38</sup> ñ Pɔlu lé e a maa wà gbé pó kémá Pámfili, i téńzi ní zì guuo se lōo.\* <sup>39</sup> Aai makōeo, ñ aa kékōwa. Baanaba Maaku sè aa gè gó'ilenau aa gè Sipi. <sup>40</sup> Ó Pɔlu Silivēe sè. Yesudeo ní ná Dii e a ozì aà gbékékéné, ñ aa dàzeu. <sup>41</sup> Aa pà Sili ní Silisiola, aa Yesudeo gbà gbāa.

## 16

### *Tim̄tee ḡea n̄ Pɔluo n̄ Silivēeo*

<sup>1</sup> Pɔlu kà Déebe ní Lisitao. Wekdi Yesudee ku wí mēè Tim̄tee. Aà daá Yuda Yesudee, mé aà maeá Gelekie. <sup>2</sup> Yesude pó aa ku Lisita ní Ikɔniuo, aà t̄nasi. <sup>3</sup> Pɔlu ye aà geano, ñ à t̄z̄z̄è Yuda pó kú wélepī guuu yái, asa ampii aa dō ké aà maeá Gelekie. <sup>4</sup> Wélc pó aa gèu píi, aa yá pó zinā ní gbēz̄z̄o dīlē Yelusaleū ò Yesudeone aa kúa. <sup>5</sup> Ó aale gbāakū ní Yesu náaikēa guu, aale dasikū lá gu lé dō.

### *Pɔlu ḡea Masedoni bùsuu*

<sup>6</sup> Lua Nisina gíné aa gé Lua yā'oi Azi bùsuu, ñ aa pà Filizi ní Galatio bùsuula. <sup>7</sup> Ké aa kà Misi bùsu zōleu, aa yōwà wà ḡ Bitini bùsuu, ñ Yesu Nisina i weinéo. <sup>8</sup> Ké aa Misi bùsu baa v̄i, ñ aa kà Toloasi. <sup>9</sup> Gwāasina Pɔlu Masedoni bùsu gbēe è zeaala iu, àle awakpaè à mè: Buawá Masedoni, dōwále. <sup>10</sup> Ké a è iu màa, ñ wa Masedoni s̄oukè ḡò, asa wá dō sa, ké Lua mé lé wá sisi wá ḡ baonakpané.

<sup>11</sup> Ó wa ḡ gó'ilenau Toloasi, wa mipè Sam̄tasiwa. Ké a gu dò wa ka Neapoli. <sup>12</sup> B̄a we wa ḡ Filipi, Masedoni bùsu saalopi mēewia pó Lomadeo v̄i, ñ wa gōplakè wélepīu. <sup>13</sup> Kámabogōzì wa b̄o wénkp̄e, wa ḡ swa sae, gu pó wále e wí lousisiu. Ó wa zōle wa yā'ò nōe pó kāaaa weone. <sup>14</sup> Nōee ku we, wí mēè Lidia. Tiatii gbé zwāa tēa yilanae, mé lousisinae. Ale yá pó Pɔlu lé o ma, ñ Dii aà sō wèè, à yápi s̄i. <sup>15</sup> A da'ilékè ní a bedeo, ñ à wabikèwá à mè: Tó a ma Dii náaikēa s̄ie, à mo pila ma be. Ó wa aà yáze èe.

### *Pɔlu n̄ Silivēeo daakpeu Filipi*

<sup>16</sup> Ziewa ké wále gé wabikékli, wa kpaaū ní zōne pó tāa ml̄e v̄io. Aà diiɔ i ña e maamaa aà àsi'oané yá musu. <sup>17</sup> Ó à b̄o téwázi, wápi ñ Pɔluo, àle wiile à mè: Gbé beeá Lua Musude zōblenaone, aale suabaze kpàwakéé. <sup>18</sup> I ñ ke màa lá gu lé dō, ñ yápi Pɔlu wà. A lili ò tāapié: Má ñe ní Yesu Kilisi tóo, go nōepiwa. Ó à gōwà ḡò.

\* 15:38 Zln 13.13

<sup>19</sup> Ké aà diiò è ài'ea aà yá musu tâmaa ní né, ɔ aa Pôlu ní Siliv eo kù aa ní g le g  n o gb ade  k i g  ae. <sup>20</sup> Aa g  n o y  kpalekena  k i aa m : Gb  e bee á Yuda ne, m  aale w  le   kpa. <sup>21</sup> F  lekaay  p  w   Lomade  ikoy  g i w  si ge w  ke ɔ aale dan . <sup>22</sup> Gb  e f  le n o dasi, ɔ y  kpalekenapi  m  w  n  ul  wolom , w  n  gb   n  goo. <sup>23</sup> K   w  gb  a gb  a k  n , ɔ w  n  d  kp  u, wa o kp  pi d  ana  a  n  d  a maama . <sup>24</sup> K   wa o   m  a, ɔ a  n  d  kp  pi guonau, a  n  gb  o d  liu g  ugi .

<sup>25</sup> W  edo taawa Pôlu n  Siliv eo l  w b ke Luawa, aale a  t  asile, m  dakpeuna  l  sw  kpa n  y  i. <sup>26</sup> K  ndo t  ole l  luua n  gb  ao e kp  pi g  i d  e. Weg   a g  a  w  w   p  i, ɔ dakpeuna  m daona  p  lom   p  i. <sup>27</sup> K   kp  d  ana v  , a  g  a  w  w  a p  i, ɔ a  f  nda w  , a  ye azia d  , asa a le e dakpeuna  b  asie. <sup>28</sup> O Pôlu p  na n  l  o g  ao a  m : Nsu i  akpa nz  aio. W   k   la w  pii. <sup>29</sup> Kp  d  anapi m  w  m  n  filiao, ɔ a  s  n zi n  b  o a  k  le Pôlu n  Siliv eo a , a le kp  panaga. <sup>30</sup> A b  n o b  asi, ɔ a  m : Mae , kpelewa m  ke m  zia'e ? <sup>31</sup> Aa o  : Dii Yesu n  aik , n  y  zia e, mpi n  b  de  p  i. <sup>32</sup> O aa Dii y  'o   n  a  be g  e  p  i. <sup>33</sup> W  edo bee, kp  d  anapi n  s   a  g   n  gu  ia  p  pin , ɔ a  da  lek  g     n  a  g  e  m  pi . <sup>34</sup> O a  g  n o a  be a  blek  n . A  pi n  a  b  de  an p   k  na maama , k   aa Lua n  aik  y  i.

<sup>35</sup> K   gu d  , y  kpalekena  d  ai  z   aa ge o w   g  pi  g  ae. <sup>36</sup> O kp  d  anapi o  P  lu : Y  kpalekena  g     z  a m   a  g  ae. A b  le, i  a  taanank . <sup>37</sup> O Pôlu o  d  ai pi ne: Aa w   g     b  ila w  a y  kpalekeawano  sai, aa w   d   kp  u, w   g     p   Lomade  n  w  . Tiasa ɔ aa ye w   b  le asii guua? O'o! A   m  ao. Sema aa m  w   b  le n  zia. <sup>38</sup> D  ai pi  y  pi s  le o  y  kpalekena ne. K   aa m   Lomade  n  n  , ɔ v  a n   k  . <sup>39</sup> O aa m   awakp  n   aa n   b  le kp  u, ɔ aa wabik  m   aa b  n   n   w  le . <sup>40</sup> K   aa b  le kp  u, aa g   Lidi be. Aa Yesude   l   we, ɔ aa n  s   n  nin   aa g  ze .

## 17

### Pôlu kua Tesaloni

<sup>1</sup> Aa b  le n  Amfip  lio n  Ap  lonio, ɔ aa k   Tesaloni, gu p   Yuda   lousisik   k  u. <sup>2</sup> O Pôlu g   lousisik  p  u l   i   k  wa, a  waasok  n   y   p   k  a Luay  taalau musu k  m  abog     l   a  a  . <sup>3</sup> Ale a  o  k  p  e   k  a   k   M  s  ii taasike , i   g  au, a  m : Yesu p   m  le a   y  'o   m   M  s  i  pi  . <sup>4</sup> An g     y  pi z   e , ɔ aa n   Pôlu n  Siliv  ewa. M  a Geleki lousisin dasi  n  m   s   n   no   t  de b  la  . <sup>5</sup> O Yuda   i  s  n  , aa b    mp    de  k  aa aa dasik  , ɔ aa w  le l  o. Aa g   l  a Zass   bei, aale Pôlu n  Siliv  eo w  e  le n   k   b  n  .

balu guu. <sup>6</sup> Ké aai n̄ eo, aa Zasō n̄ Yesude pâle gâle bòñnc wélc gbâadeo kíi, aale wiile: Gbépiá dûniadenaone. Aa mò la, <sup>7</sup> ñ Zasō n̄ díle a be. Gbépiá lé pâ Sezaa ikoaa mípii, aañ me kia pâle ku wî me Yesu. <sup>8</sup> Yápi zì bila n̄ wélc gbâadeo pôwa. <sup>9</sup> O aa ñasî Zasō n̄ gbé kiniwa aa n̄ gbâe.

### *Polu kua Belee*

<sup>10</sup> Gwâasina bee gâo Yesudeo Polu n̄ Silivëeo gbâe Belee. Ké aa kâ we, ñ aa gë Yudaõ lousisikpeu. <sup>11</sup> Gbé beeo nòse maa de Tesalonideola, aa Lua yá sî ɔplapla. Lá gu lé dô aañ wéte Luayataalai, ké aa e dô tó Polu yápi siana vî. <sup>12</sup> An gbé pô Dii náaikew dasi n̄ Geleki nöe gbiao n̄ Geleki gôe dasidasi lo. <sup>13</sup> Ké Tesaloni Yudaõ mà Polu lé Lua yá waasoke Belee lo, ñ aa mò we, aa yâkele dà aa bila po félé. <sup>14</sup> O Yesudeo Polu gbâe gâo íisia oi, ãma Silivëe n̄ Timoteeo gâo we. <sup>15</sup> Gbé pô gë zei Polueo gëaâno Ateni, ñ aa èa tà Silivëe n̄ Timoteeowa n̄ Polu legbeo, à mè aa mo a le kpakpa.

### *Polu kua Ateni*

<sup>16</sup> Ké Polu lé n̄ dâ Ateni, aâ kâ félé sì, ké a è tâa di wélepiu yá. <sup>17</sup> O à waasokè Yudaõne n̄ buipâle lousisinao lousisikpeu n̄ gbé pô ñ le eleu lá gu lé dô. <sup>18</sup> Polu lé yâbôbo kô léu n̄ yâwaaipana pô wî mené Epikulio n̄ Sitoisi. O an gbëeo mè: Bó yá dâobânapi lé bôlei? Gbëeo mè: Wâle e tâa dafu yá kpâwa âle ke. Aa ò maa ke âle Yesu yá n̄ aâ bôa gau yâo baokpané yâie. <sup>19</sup> O aa Polu sè gèò gbëzjôo kíi Aleopaga aa mè: Nyô yá dafu pô ni dané owëeo lé? <sup>20</sup> Wa yâbônsae màma, wâ ye a bôle dô. <sup>21</sup> Atenideo píi n̄ nibo pô kú weo, aaliø ye yâpâleio, sema yá dafu maa n̄ a wâaipaaò bâasio.

<sup>22</sup> O Polu félé zè Aleopagadepi guu à mè: Atenideo, má è á misiilea tâaone âia vî maamaa yâpii guu. <sup>23</sup> Ké má be á wéleu, mâle pô pô i kúlenéo tâasika, ñ ma sa'okie è, wâ lakèwâ wâ mè: Lua pô wâ dô pô. Lua pô á aâ dô mé âle misiileè, aâ bao mâle kpâé. <sup>24</sup> Lua dûnia kè n̄ pô pô kú a guuo píi. A de musu n̄ tóoleo Dii ü, ilio ku kpé pô gbënazinao dòeo guuo.\* <sup>25</sup> Aâ bâa kú n̄ gbënazina dònleeo. Aâpi mè i wëni n̄ nisïnao n̄ pôpiio kpa gbépiwa.† <sup>26</sup> A bui píi bò gbé mèndo kíie, ñ aa ku dûnia gola siïñ píiu. A dòaa gôodiledile bui píie n̄ gu pô aao kuu léo. <sup>27</sup> A n̄ ké ké aao a weeële aa òmalemale e aa ge bôwa. Baa n̄ beeo a zâ n̄ wâ gbëeo. <sup>28</sup> Asa aâpi mè i to wâo wëni vî, wí ku, wí fô wâ wâ me sé. Lá á lakënaeò ò aa mè: Wâ de aâ bui ü sô. <sup>29</sup> Lá Lua buion wâ ü, wâsu wâo e a de lán tâa pô gbënazina kè n̄ vuao n̄

\* 17:24 1Kia 8.27 † 17:25 Isa 42.5

ánusuo ní gbeo à gɔinakèwà lá a yeiwawao. <sup>30</sup> Lua wekpà a vì wá wésiagoo yála, ñ ále ledà gbéwa gupiuu tia aa nòselile. <sup>31</sup> Asa à gɔodile, kéké gbé pó á sè a yákpaleke ní dúniao a zéwa. Lua gbé pó a sèpi bò gau, kéké gbépii e dò.

<sup>32</sup> Kéké aa bòa gau yápi mà, an gbéeo aà láanikè, ãma an gbéeo mè: Wá n yápi ma ziewalò. <sup>33</sup> O Polu bò ní kíli. <sup>34</sup> Gbéeo nàwà aa Yesu náaikè. Aleopaga gbézoo do pó wí mé Denisi kú ní guu n nœ pó wí méè Damalio ní gbéeo lò.

## 18

### *Polu gɔɔplakea Koleni*

<sup>1</sup> Bee gbea Polu bò Ateni à gè Koleni. <sup>2</sup> A kpàau ní Yudaeo we, Pɔntu bùsu gbé pó wí méè Akilasi ní a na Pisii. Aa sù ní Itali bùsu dafu, kéké Sezaa Kolodi díle Yudaonee aa bòle Loma yái. Polu gè ní kíli, <sup>3</sup> ò à pílamá, ále zíkeíno, kéké ozidoükenaon ní ù yái. Asa zwàakperekonaon ní ù mìpii. <sup>4</sup> Kámabogoozi píi i waasoké lousisikpeu, ále wéele Yuda ní Geléki a yáze e.

<sup>5</sup> Kéké Silivée ní Timsteeo bò Masedoni bùsuu aa kà, Polu zè ní waasokeao, ále o Yudaonee wásawasa Yesu mé Mesii ü. <sup>6</sup> Kéké Yuda níisèaañoo aa aà sòsò, ñ à a pòkasaò kpòdérila à mè: Yá pó á kéké wí á musu, ma yáán lò. Za tia má gé buipâleò kíie. <sup>7</sup> Bòa we à gè píla buipâle lousisina pó wí méè Titiu Yusitu be lousisikpepi sae. <sup>8</sup> Lousisikpe gbézoo Kilisipu Dii náaikè ní a bëdeò píi. Kolenideò Polu yáma dasi, ñ aa Yesu náaikè aa da'ilekè. <sup>9</sup> Gwääsina Dii ò Polue iu à mè: Nsu to vía n kúo, nísu kámabo ní yá'oanéoo, <sup>10</sup> asa gbé pó de ma pó ù wélee bee guuu dasi. Má kunno, gbé a n kú à iadamao. <sup>11</sup> O Polu wè do ní mo sooloo kéké we, iò Lüa yáda gbéne.

<sup>12</sup> Goo pó Loma gbé Galí de Gelesi bùsu gbézoo ü, Yuda ledoukè aa àna Poluwa, aa gèaàñoo yákpalekekíli <sup>13</sup> aa mè: Gbéee bee lé tékpa gbégu aa lousisiyá pó pâa wá ikoyála kúae. <sup>14</sup> Kéké Polu ye yá'o, ñ Galí ò Yudaonee à mè: Yuda, tó dàae ge tâae zóee yáa, à kú mà menakeáñoo. <sup>15</sup> Lá ále yákeletá gbéò tó yá musu ní ázia ikoyáo, à gò á yá üe. Ma gi yá bee taa gôgôie. <sup>16</sup> O à ní yá ní bòle yákpalekekpeu. <sup>17</sup> O aa àna lousisikpe gbézoo Sòseniwa mìpii, aa aà gbègbé yákpalekekpe kpeele. Galí i a yádoo.

<sup>18</sup> Polu gɔɔplakè Koleni lò, ñ à lezà Yesudeewa à gè gô'ilénau, ále tá Sili bùsuu. Pisii ní Akilasio gèaàñoo. A mibò Sâkele lé pó a kéké Luawa yái.\* <sup>19</sup> Kéké aa kà Efesë, Polu Pisii ní Akilasio tò we. A gè lousisikpeu à waasokè Yudaonee, <sup>20</sup> ñ aa wabikèwà aà

\* 18:18 Nao 6.18

gôoplakéñno. I weio, <sup>21</sup> ãma ké àlé lezamá à mè: Tó Lua wèi, má ea mó á gwai. O à bò Efese ní gó'ilënao. <sup>22</sup> Ké à kà Sezale, à gè fôkpà Yesudeowwa Yelusaleü, ñ à tà Antiosi. <sup>23</sup> Ké à gôoplakè we, à èa dâzeu à gè wéle ní wéleo Galati bùsuu ní Filizi bùsuo, à Yesudeo gbà gbâa mìpii.

### *Apoloo*

<sup>24</sup> Yudae ku, aà tón Apoloo, Alesândi gbéé. Aà lé na mé a Lua yá dñ maamaa. <sup>25</sup> Wà Dii zé yâdâdaè, ñ Yesu yâ'oané aà kâsi. I dadané a zéwa, ãma Zâa gbéó da'ilékéa ñ a dñ. A mò Efese, <sup>26</sup> ñ à nà yâ'oawa lousisikpœu víasai. Ké Pisii ní Akilasio aà yâmà, ñ aa aà sisi aa Lua zé bôolekèè wásawasa. <sup>27</sup> Ké Apoloo ye gé Gelesi bùsuu, Yesudeo aà gbà sñ, ñ aa laké Yesude pô kú weone aa aà kû oplapla. Ké à kà we, à òdâ gbé pô Lua gbékékènè aa Yesu náaikekèwa maamaa. <sup>28</sup> Asa aà yâ Yudaò wè dasi wáa máumaü, à òléné Luayataalau ké Yesu mé Mesii ü.

## 19

### *Pôlu kua Efese*

<sup>1</sup> Gôo pô Apoloo ku Kôleni, Pôlu Azi bùsu sîsîlo baa vî, ñ à kà Efese. A Yesudeeo lè we, <sup>2</sup> ñ à ní lá à mè: Ké a Dii náaike, aà Nisina dîéa? Aa wèwà aa mè: Aawo, wi aà Nisina kua yâma seo. <sup>3</sup> O à ní lá à mè: Da'ilé kpele á kè? Aa wèwà aa mè: Zâa pôé. <sup>4</sup> O Pôlu òné: Zâa gbéó da'ilékè an nòséelilea seela üe. A ò gbéóne aa gbé pô a mò a kpe náaike.\* Yesu àlé o. <sup>5</sup> Ké aa yâpi mà, aa da'ilékè ní Dii Yesu tóo. <sup>6</sup> Ké Pôlu ònàmá, Lua Nisina dînè, ñ aa yâebui'ò aa ãnabikekè. <sup>7</sup> Gbépi píi kà lán gbéon kuepla taawa.

<sup>8</sup> Pôlu ìs gé lousisikpœu e mò âa. A yâ'ònè víasai, àlé waasokè kpala pô bò Lua kâi yâ musu, ké aa a yâze e. <sup>9</sup> Ama an gbéon swâgbâakè, aai Lua yâ sio, ñ aa zépi bëebò dasi guu. O Pôlu gbé pô Yesu náaikeo sèle aa bò ní guu. O ìs waasokè gbéon Tilanu kyókpœu lá gu lé dñ. <sup>10</sup> A kè màa e wè pla, ñ Azi bùsudeo Dii yâmà, Yudaò ní Gelekio píi.

### *Seva néo*

<sup>11</sup> Lua Pôlu gbà zé à dabudabu bônsaeo kè. <sup>12</sup> Beewa baa tó wà isimawaabô ge fùaç nà Pôlu mewa wà ge nà gyâeowa, aañ gbâgbâe, an tâaç i gëzea. <sup>13</sup> Yuda tâagona pô aañ bëbeo wèele tâa gò ní Dii Yesu tóo aa mè: Wá òé ní Yesu pô Pôlu i a yâ waasoke tóo, à go. <sup>14</sup> Yudaò sa'onkia pô wî me Seva négoe gbéon soplaç mé i ke màa. <sup>15</sup> O tâa òné: Má Yesu dñ mé ma Pôlu bao mà. Apio sñ, dén á üi? <sup>16</sup> O tâadepi kùsimá à gbâamònè, à ní kwé píi à ní keke'la, ñ aa bâalè bòle uapiu puizi. <sup>17</sup> Ké Efesedeo

\* 19:4 Luk 3.16

yápi mà, Yudaac ní Gelekiō píi, vía ní kú, 5 Dii Yesu tóbò maamaa.  
 18 Ḍ gbé pó aa Yesu náaikèò mò dasi, aale ní yākeac o gupuau.  
 19 Gbékoolekēnaeò ní taalaac nàaa mò kàteu bília wáa. Ké wà lápiò  
 5a dòdò, wa è à kà ánusu ɔwaté òaasosoo lee blakwi (50.000).  
 20 Beewa 5 Dii yá ìs káfi, ìs ɔta ní gbääo.

### Zoakaa Efese

21 Yá bee gbea Pɔlu zèò a nòsé guu à bɔlè ní Masedoni bùsuo  
 ní Gelesi bùsuo, i gé Yelusaléü, à mè: Tó ma gë we, sema mà gé  
 Lomadeo gwai. 22 Ḍ à a dɔnlède gbéon plaeò Timotée ní Elasao  
 zì Masedoni. Aàpi sɔ à gò Azi bùsuu glia.

23 Gò bee 5 yākele fèlè maamaa Dii zé yá musu.  
 24 Anusupinae ku wí mèè Demetiu, i Aatemi táakpe taa pí  
 ní ánuso. Aà zíkēnaò i ài zòò e zípiwa. 25 Ḍ à ní kääa ní gbé pó  
 i zì bee taa keò, a òné: Gbéò, á dò ké ɔzile bee mé wá blekli ü.  
 26 Ale e mé ále ma lá Pɔlupi lé ke, à mè: Táa pó wá ní píóá luac  
 no. Ḍ à gbé dasiò mi llaa, wá aà yázè è. I ke Efese la ado no, ní  
 Azi bùsuo píie. 27 Yá bee a fɔ müsi'iwéé. I ke wá ɔzí yáfukúa  
 ado no, a yá a to tåa nɔezòò Aatemi kpé gò pøe üo, tåa pó Azi  
 bùsudeò ní dúnia gbépiio i kúleèpi gawi a láae.

28 Ké aa yápi mà, an pø pà, 5 aa nà wiiwa aa mè: Efesedeò  
 Aatemi zòò. 29 Wééle lòo, gbéò bâalè lé si kôkâaakékliu, 5 wà  
 Masedoni bùsu gbéon pla Gaiusi ní Alisaka pó aai gé wéleu ní  
 Pɔluoò kù gènño. 30 Pɔlu ye gë zä guu, 5 Yesudeò i weièo. 31 Azi  
 bùsu gbézòòeò de aà gbénaò ü, 5 aa gbéò zì aa ledàwà asu gë  
 záuo. 32 Kôkâaa yà, wâlé wiile, wâlé kô yâmao, asa gbé daside  
 dò bôyâi wà kâaaio. 33 Yudaac ɔzò Alesândazi aà yâ'o, 5 bília guu  
 gbéeò lé ledòdòwà. Alesândapi ɔkènè aa nílè, a ye Yudaac mi bɔ  
 bília wáa. 34 Ké wà aà dò Yuda ü, 5 ampii aa wiilè sâñusânu mò  
 pla taawa aa mè: Efesedeò Aatemi zòò.

35 Ḍ wééle gbézòò ní zøa zè à mè: Efesedeò, gbépi dò ké á de tåa  
 zòò Aatemi kpé dòana ü ní luakimò pó kú weo. 36 Lá gbée a  
 fɔ bɔ bee kpeo, à ázìa kû tèee. Asu yâe ke ní nɔnwâaoo. 37 A  
 mó ní gbéeò la, aai ɔkâ wá tåakpe pøewao, aai wá tåa tòbëësio.  
 38 Ayâmeto tó Demetiu ní a zíkēnaò yâvî ní gbéeo, yâkpalekëgòò  
 kú ní yâkekenaò. Aa gé kô gbea we. 39 Tó á yâpâle vî lò, wa gògò  
 kôkâaa pó gbäädeò gbëa guu. 40 Asa wa fɔ wá tâae e zøa pó kë  
 gbæe bee musu. Wá yâzède e o zoapi musuo, asa a gbá vîo. 41 Yá  
 bee oa gbea 5 à gbéò gbâe.

## 20

<sup>1</sup> Ké zoa làa, Pɔlu Yesudeo kàaa à ní gba sɔ, à lezàmá, ɔ à gè Masedoni. <sup>2</sup> Ké àlé pã bùsupia, à gbéo gbà sɔ ní yáo dasi, ɔ à gè kàò Gèlesi, <sup>3</sup> ɔ à mɔ àaɔ kè we. Ké àlé gé gëi gó'ilenau à ta Sili bùsuu, a mà Yudaɔ lekpàałazi, ɔ à zèò à ea tá ní Masedonio. <sup>4</sup> Gbé pó gëaànɔ́ tón ke: Belee gbé Pilusi né Sopatee ní Tesaloni gbéo Alisaka ní Sekðduo ní Deebe gbé Gaiusio ní Timóteeo ní Azi bùsu gbéo Tisiki ní Tɔfiúo. <sup>5</sup> Gbé beeɔ́ dòaa gè lé wá dá Toloasi. <sup>6</sup> Wápiɔ́ sɔ, Kàaso dikpe gbea wa gë gó'ilenau Filipi, ɔ gɔ́ sɔo gbea wa ní lé Toloasi. We wa ãsɔa do dèu.

<sup>7</sup> Asɔanenzi wa kɔ́ kàaa wà Dii dɔngubo ble. Pɔlu lé waasokené, a ye ta tó gu dòe, ɔ à dàyála e weedo. <sup>8</sup> Filia dasi kú kpé lesi pó wá kääaaupiu. <sup>9</sup> Ewaasoe zɔ́lea fenantiu, wí meè Etiki, àlé igofampa. Ké Pɔlu waasokea kè gbàa, i aà lè, ɔ à bò za kpèdiakɔ́api àaɔde fenantiu à lèlè, ɔ wà aà sè gè. <sup>10</sup> O Pɔlu pila à kùsiwà, ɔ à aà sè kpà a kùe à mè: Asu gilikeo, a bée. <sup>11</sup> Ké à èa dède musu, wa Dii dɔngubo blè. Pɔlu yá'ò maamaa e gu gè dòò, ɔ à dàzeu. <sup>12</sup> O wà tà ní èwaasonapio bée, gbéo nòse nìni a de beeao.

<sup>13</sup> Wápiɔ́ sɔ wa ge gë gó'ilenau, wa dòaa Pɔlue Aso, wéle pó wá aà seu. Maa à zèò, asa a ye gé we kèsse. <sup>14</sup> Ké à wá lé Aso, ɔ wa aà sè wa ge Mitileni. <sup>15</sup> Ké a gu dò, wa bo we ní gó'ilenao, wa ge Kio. Gu sia dòa wa ge Samo, a gɔ́ àaɔde ɔ wa ka Miletì. <sup>16</sup> Pɔlu zèò yáa à dò Efesezi, ké gɔ́ su gëwa Azi bùsuuo yái, asa àlé wá à e ka Yelusaleü e Pâteko dikpe ào kae, tó a zekè.

### Pɔlu lezaa Efese gbézɔ́wa

<sup>17</sup> Pɔlu gbéo zì gbézɔ́wa Efese, à mè aa mɔ́ Miletì. <sup>18</sup> Ké aa kà, ɔ a òné: A dɔ́ lá mi ke gɔ́ pó má kúánɔ za zì pó ma gbapèlè Azi bùsula. <sup>19</sup> Ma zìkè Diiie zìabusa guu ní wé'io. Ma taasikè lé pó Yudaɔ kpàałmazi yái. <sup>20</sup> Mi káflia yáe ulééo, ma waasokèé, má dàdaé balu guu ní á beo. <sup>21</sup> Ma ledà Yudaɔwa ní Gèlekì píi aa ze ní Luao, aai wá Dii Yesu náaikè. <sup>22</sup> Tiasa málè gé Yelusaleü, lá Lua Nisína ma dauwa, yá pó a ma le we dòsai. <sup>23</sup> Wéle ní wéleó Lua Nisína lé omee, yea ní módaonao ní wétéao lé ma dá. <sup>24</sup> Ama ma wéni gbiamee lɔo, sema mà yá pó málè yá le, mà zì pó Dii Yesu dàmee ke mà a midé. Óme Lua gbékè baokpaa gbéne ü.

<sup>25</sup> A gbé pó ma bebe á guu, ma kpala pó bò Lua kíi waasokèé, má dɔ́ tiasa ké wá wésekòle lɔo. <sup>26</sup> Ayámeto má òé gbà, tó á gbée su vúaa, ma yán bee ü lɔo. <sup>27</sup> Ma Lua pɔeä píi òé, mi a kee ulééo. <sup>28</sup> A laaidɔ́ ázìawa ní sã pó Lua Nisína á dílè ní gbézɔ́ ƿí píi. A Lua gálidé pó à ní bò ní azìa auopiɔ́ gwa. <sup>29</sup> Má dɔ́ ké ma taa gbea àwalewan pásìo siágu, mé aa são wéna vío. <sup>30</sup> Baa á gbée felé yá kolea dané, aa gbéo ga namá. <sup>31</sup> Ayámeto à itékè. Lá ma ledà

á baadewa ní wé'io gwāasina ní fāan eo e wé àaõ kámabosai, a yá ão dōágú.

<sup>32</sup> Tiasa málé á na Luaæ a ñzí ní a gbék eyá pó a fó gbää káflíeo, i á gba zé á baa ão daaa ní a gbéo píi. <sup>33</sup> Mi gbée ña ge aà pökasae nideo. <sup>34</sup> A dō áziawa, ké ma zíkè ní mazla ñoe, ñ ma pó pó wále a nide ní ma gbéo è. <sup>35</sup> Má òlóé apii guu à zíkè beewa, í ñ dō yéëësaideole. Yá pó Dii Yesu ò ão dōágú à mè, gbadaa pona vñ de gba'eala.

<sup>36</sup> Yá bee oa gbea à kùle a kosowa ní ní baade píio, aa wabikè. <sup>37</sup> Aa wé'ikàu mپii, aa Pølu kpákpa ní kùe, aa lepèpewà. <sup>38</sup> Yá pó ní pø siakù zóo mé de ké à mè ní wé a sikjle lóo ü. Ó aa gè zeiè e gó'ilena kíi.

## 21

### Pølu taa Yelusaléü

<sup>1</sup> Wá këamá gbea wa gë gó'ilena wa dazeu, wa mipè Kosuwa. Gu sia ña wa ka Lode, ñ bøa we wa ge Patala. <sup>2</sup> We wa gó'ilena pó lé gë Fenisi bùsuu èu, ñ wa gëu wa dazeu. <sup>3</sup> Ké wa Sipi è kääa, wá gbà ñzëe, wále gë Sili bùsuu, ñ wa ka Tii, gu pó wà gó'ilena aso bòløu. <sup>4</sup> Wa Yesudeo wéelé, ñ wa ñssä do këñno. An gbéeo ò Pølue ní Lua Nisina gbääo asu gë Yelusaléü. <sup>5</sup> Ama ke gë beeo lé pà, wa fele, wále tá. Aa gè zeiwëe mپii ní naø ní néo wéñkpe e ísiale. Ó wa kule wá kosowa wa wabikè. <sup>6</sup> Ké wa lezàkòwa, wa gë gó'ilena. Ampio sô aa èa ní be.

<sup>7</sup> Bøa Tii wa ea dazeu e wa ka Tølemai. Wa fókpà Yesudeo wa keñno gë do. <sup>8</sup> Ké a gu dò, wa fele ge Sezale, wa ge pila baonakpana Filipi be. A de gbéon sopla pó wà ní sé yääo do ü.\* <sup>9</sup> A nenoe ñnabiò vñ gbéon siiñ, aai záke yääo. <sup>10</sup> Wa gëoplakëa we guu ñnabi pó wí meë Agabu† bò Yude bùsuu à mò. <sup>11</sup> Ké à mò wá kíi, à Pølu ula ba sè à azla gbáo ní a ñ yèò à mè: Lá Lua Nisina òn ke: Gbé pó bae bee vñ, màa Yudaø aa aà ye Yelusaléü, aai aà kpa buipaleo wa. <sup>12</sup> Ké wa yápi mà, wá ní beleo wa awakpà Pølue asu gë Yelusaléü. <sup>13</sup> Ó à mè: Bóyái ále óólo ále ma nòse ñókpameei? Asu ão yea ü seo. Baa tó ma ga Yelusaléü Dii Yesu tó yái, ma soun mà. <sup>14</sup> Ké wi fó wa aà fùo, wa kámabò wa mè: Dii pœä ke. <sup>15</sup> Bee gbea wa soun kë, ñ wa ge Yelusaléü. <sup>16</sup> Yesude pó kú Sezaleeo gë pílawano Sipi gbé Manasö be. A de Yesude ü za zi.

### Pølu gëa Zaaki gwai

<sup>17</sup> Ké wa ka Yelusaléü, Yesudeo wá sí ní pønao. <sup>18</sup> Ké a gu dò, Pølu gëwanø Zaaki be. Gbëzöö kääaa we mپii. <sup>19</sup> Pølu fókpàmá,

\* 21:8 Zin 6.5 † 21:10 Zin 11.28

5 à yá pó Lua kè a zí musu buipáleo guu dàu a sìuné dodo píi.  
 20 Ké aa yápi mà, aa Lua sáaukpà. Ḷ aa òè: Yápi gwa, wá gbé. Yudaø Yesu náaike ðaasoso lee ūma'ūma, mé ampii aaĩ káasiké Mɔizi ikoyáwa. 21 Wá n yá'ònè wà mè, níle yáda Yuda pó kú buipáleo guuoné aa bɔ Mɔizi ikoyá kpè, aasu tɔzɔ n néoneo, aasu wào n felekaayão kúao. 22 Wá kea ni? Asa aa gí n moa maio. 23 Ké lá wá onewa. Wá guu gbéon síiõe lekè Luawa.‡ 24 N ní sé à gè gbâbɔ ázìae, ní ní flabo aa e mibo, gbépii iɔ dɔ ké yá pó aa mà n musuá siana no. Aa e mpi sɔ n té Mɔizi ikoyái. 25 Buipále Yesudeo sɔ, wa laké wá ònè wa zeò aa laaika sa'onooi ní kpàao n nòò kòlokpasai sóao ní gbásikéao.§

26 Ḷ Pɔlu gbépi sè táríno. Ké a gu dò aa gbâbɔ nízìae, 5 à gè Lua ua, à gbâbɔ láagoo sa pó wa o an baadee yá'ò.

### *Pɔlu kúa*

27 Ké gbâbɔa gɔ sopla bee kà láaa, Azi bùsu Yudaeo Pɔlu è Lua ua. Aa tekpà bílagu, 5 aa aà kù. 28 Aale wiile aale me: Isailio, à wá leò. Gbéee bee mé iɔ yáda gbépii e gupiiu, i Isailio awiambɔ ní Mɔizi ikoyáo ní gue beeo. Bee gbea à dɔe Lua uawa lɔ, à gèu ní Geleki. 29 Aa ò màa ké aa Efese gbé Tɔfiú\* è ní Pɔluo wéle guu yää yáie, 5 aale e Pɔlu gëaàno Lua uaæ.

30 Wéle lòo, gbé wí ní bao za gupiiu, aa mò Pɔlu kù Lua ua, aa aà gàle bòò. Wegɔo wà a gbaø tåta. 31 Ké aa ye aa aà de, yápi bao Loma sosao gbézɔo lè, a mà Yelusaleñ lòo. 32 Wegɔo à sosa badeo sè ní sosa néo, 5 aa gèmá ní bao. Ké gbé sosao gbézɔopi è ní sosao sánu, aa Pɔlu gbéa tò. 33 Ḷ gbézɔopi sɔ Pɔluzi, à aà kù à mè wà aà ye ní mòdaonaø mèn pla. A ní lá à mè: Dén gbépi ui? Bó yá a kèi? 34 Ḷ bíla guu gbé lé wiile, aale yá doü oo. Ké zoa tò gbézɔopi fɔ lé a súsu mao, à mè wà gëaàno sosao be. 35 Ké wà kàaàno dëdekii, sosao mé sù aà sè gbé nɔnɔaaa yái. 36 Asa gbépii teaazi ní wiio, aale me: A aà de.

### *Pɔlu ya'oa Yelusaleñdeøne*

37 Ké wa ye gë ní Pɔluo sosao be, 5 à gbézɔopi là à mè: Nyɔ we mà yá'onéa? Ḷ a òè: Ni Geleki yámaa? 38 Egipi gbé pó fèle ní gbaadeo ziazia à gè guwaiwaiu ní bùsudenaø gbéon ðaasoso lee siiñ n üo lò? 39 Pɔlu wèwà à mè: Yudan ma ü. Wà ma i Taasu, Silisi bùsuum. Wéle tɔsaide no. Ma wabikèma, ma gba zé mà yá'o gbéoné. 40 A aà gba zé, 5 Pɔlu zè dëdekii, à ñkè gbéoné. Ké aa níle kílikili, à yá'ònè ní Efeliu yáo à mè:

‡ 21:23 Nao 6.21 § 21:25 Zin 15.29 \* 21:29 Zin 20.4

## 22

<sup>1</sup> Ma gbé ñ ma mae, à swákpa à ma yáze ma sa. <sup>2</sup> Ké aa mà àle yá'oné ñ Ebelu yáo, aa zè kílikili. <sup>3</sup> Poju mè: <sup>3</sup> Yudan ma û, wà ma i Taasu, Silisi bùsuue, õ ma neblè wéleu la. Gamalieli kíi ma ikoyá pó wá dezio kúda dàdau a zéwa. Má ãiaví Luae lá á kú gbá ápiwa. <sup>4</sup> Ma iadà Yesu zedeowa e an gbéeo gá, ma gõe ñ nõe kúkú ma ñ ká kpéu.\* <sup>5</sup> Sa'onkia ñ gbézõo mé ma seelade û mìpii. Ma lá pó aa kè Damasi Yudaone sî ñ ozí, málé gé we mà zépideo kúkú mà suñno Yelusaleú wà ñ wetá.† <sup>6</sup> Ké má be zéu, ma kãikú ñ Damasio laté minanguo taawa, õ kândo gupua zõo bò luabe à kùlea. <sup>7</sup> Ma bò lele tóole, õ ma lõo mà, wa òmee: Sôlu, Sôlu, àkéa ñlé iadaai? <sup>8</sup> O ma mè: Mmenn déi Dii? O a òmee: Mámëmaa Yesu Nazaleti. Mámë ñlé iadaa. <sup>9</sup> Gbé pó kumanoo gupuapi è, ãma aai gbé pó lé yá'omee lõo mao. <sup>10</sup> O ma aà là, kpelewa má kei, Dii? O a òmee mà felé gë Damasi, we wa yá pó a dilemee mà ke omee pii. <sup>11</sup> Gupuapi í gbää tò ma wé lé gu'e lbo, õ ma gbé ma kú ma ñwa, aa gëmanoo Damasi.

<sup>12</sup> Lousisinae ku we wí mèe Anania. I misiile Lua ikoyáe mé Damasi Yudaø píi i aà tonasi. <sup>13</sup> A mò ma kíi à zè ma sae, õ a òmee: Sôlu ma gbé, ea gu'e. Wegõo ma wé wé, õ ma aà è. <sup>14</sup> A mè wá dezio Lua mé ma se, ké mà wesí Gbëmaale, mà yáma aà léu, mí aà pœa dõ. <sup>15</sup> A mè mág de aà seelade û, mí yá pó má è ñ yá pó má mào o gbépiie. <sup>16</sup> O à mè bò málé dâ lõi, mà felé da'iléké, mà duuna i woloa ñ a sisiao?

<sup>17</sup> Ké ma ea Yelusaleú, málé lousisi Lua ua, õ ma wépungu'è. <sup>18</sup> Ma Dii è, a òmee mà ke mè bò Yelusaleú kpakpa, asa gbé ñ yá pó málé o a musu sio. <sup>19</sup> O má ò Diié, aa dõ sásá ké miø gë lousisikpe ñ lousisikpeo mào aà náaikenao ká kpéu wà ñ gbé. <sup>20</sup> Ké wàlè aà seelade Etié de sõ, mapi má kú wee, ma ze ñ aà denao, má ñ ulaø kúané.‡ <sup>21</sup> O Dii òmee mà gé, a ma zí e buipáleo kíi zàzæ.

<sup>22</sup> Aa swákpa aà yái e à gë kà buipáleo yápiwa, õ aa nà wiiwa aa mè: A aà dè! Gbé bee taa kua zevlo! <sup>23</sup> Aale wiile, aale ñ ulao gbâe, aale bùsuti zu musu. <sup>24</sup> O Loma sosao gbézõo mè wà gë ñ Pojuo ñ be, wà aà gbé ñ flâalao e aà siiana'o, wi e yá pó wàlè wiidowà a yái ma. <sup>25</sup> Ké wàlè Poju oo poo wà aà ye, a ò sosa bade pó kú wee: A a zé vî à Loma gbé gbé yákpalekesaia? <sup>26</sup> Ké sosapi yápi mà, à gë a ò ñ gbézõo à mè: Nle ke kpelewa ni? Gbépiá Loma gbé. <sup>27</sup> O gbézõopi mò Poju là à mè: Omee, Loma gbén n ûa? A wèwà à mè: Ao. <sup>28</sup> O gbézõopi òè: Ma o zõo kpâe, õ ma gõ Loma gbé û. O Poju òè: Mapi, wà ma i a ûe. <sup>29</sup> O gbé pó

\* 22:4 Zin 8.3    † 22:5 Zin 9.1-2    ‡ 22:20 Zin 7.58

aa ye yālalawà yāaō bòzā gò. Ké gbēzōpi dò Pɔluá Loma gbéé, vía aà kù, ké a tò wà mɔkàwà yái.<sup>30</sup> A gu dò, ké gbēzōpi ye à yá pó Yudaō mòdò sáasā ma, à mɔpòlowà, ñ à sa'onkia ñ Yuda gbāadeo kàaa, à mò ñ Pɔluo ñ ae.

## 23

### *Yuda gbāadeo yákpalekeo ñ Pɔluo*

<sup>1</sup> Pɔlu wèpè gbāadeo wa à mè: Ma gbéé, yāe lé ma sō vñ Lua aeo e ñ a gbão. <sup>2</sup> O sa'onkia Anania ò a dɔaiñe aa aà le a léwa. <sup>3</sup> O Pɔlu òè: Lua n le sō, gbēnazin kaadɔembe.\* N zōle ñle yákpalekemano ikoyā musu, mé mpi sō, n bo a kpe, ñ ò wà ma lé. <sup>4</sup> O dɔaipi ñle: Mme ñle Lua gbàgbankia sōsō màaa? <sup>5</sup> Pɔlu mè: Gbéé, mi dò sa'onkia no, asa a kēa láu wà mè, wásuli wá bùsu gbāade tɔbëesio.†

<sup>6</sup> Pɔlu dò ké gbāadepi gbēeá Saduseoñe, an gbēeá sō Falisiñe, ñ a ñlé gbáugbáu: Ma gbéé, Falisin ma ū, Falisiñ nén ma ū. Geo vua yá pó ma wé doi yiái ñ ále yákpalekemano. <sup>7</sup> Ké à yápi ò, Falisiñ ñ Saduseoñe félékōwa ñ lekpaa, ñ kāaakenao kēaa lee pla. <sup>8</sup> Saduseoñe me geo lí vuø,‡ mé malaika ñ nisinao kuo. Falisiñ sō aa zè ñ beeø kuao. <sup>9</sup> Wíi gbāa da ñ guu, ñ Falisi pó aal Mɔizi ikoyā danéeo félé ñ lekpaa gbāao aa mè: Wi yāvāie e gbéé beewao. Tó nisina ge malaika mé yá'ò ñ be? <sup>10</sup> Ké lekpaa gbāakù, sosaø gbēzōo lé vñlake, ké gbéé su Pɔlu taitaikōeo, ñ a ò a sosaõne aa pila gë ñ guu, aa aà kū gaeaàñ ñ be.

<sup>11</sup> A gwá Dii bò mò Pɔluwa à mè: Sôdile! Lá n ma yá'ò Yelusalé ñ o Loma lo.

### *Lekpaaña Pɔluzi*

<sup>12</sup> Ké a gu dò Yudaeo kàaa asii guu, aa legbè aa mè wa pobleo, wa imio e goø pó wà Pɔlu dè. <sup>13</sup> Lekpaañapi ñ gbēon blala. <sup>14</sup> Aa gè sa'onkia ñ gbēzōo kíi, aa ñlé: Wá sì ñ Luao wa mè, tó wi Pɔlu deo, tó wa pøblè, Lua láaikewá. <sup>15</sup> Apio ñ gbāadeo píi à ge o sosaø gbēzōo aà mòé ñ Pɔluo lá á ye à aà yáo tàasika de a káaulawa. Wápi ñ wáku sòu guu wà aà de zéu e ào gé kái la.

<sup>16</sup> Pɔlu dæe negjé ñ baikpaapi mà, ñ à gè gè sosaø be, a ò Pɔlue. <sup>17</sup> O Pɔlu sosa badee sisi a òè: Gé ñ èwaasoøo á gbēzōo kíi, asa a ye baoe kpaè. <sup>18</sup> O à aà sè gèaàñ ñ gbēzōo kíi à mè: Pɔlu dakpœuna ma sisi, a gbèaa mà mò n kíi ñ èwaasoøo. A yāe vñ a ye one. <sup>19</sup> O gbēzōo pi èwaasopi kù a ñ wa à gèaàñ gusaë mípla, ñ à aà lâ à mè: Bó yá ñ vñ ñ omeei? <sup>20</sup> O à mè: Yudaō mé lekpàai, aa ye gbeama ñ mò ñ Pɔluo ñ gbāadeo zia, lá aa ye aà yá gwa

\* 23:3 Mat 23.27-28 † 23:5 Boa 22.27 ‡ 23:8 Luk 20.27

de a káaulawa. <sup>21</sup> Nsu we ní yáio, asa an gbéo lé aà dáké zéu, aa de gbéon blala. Aa legbè aa mè wa pobleo, wa imio e gòwó pós wà aà dè. An sòu mà kò, n yá an swá dòi. <sup>22</sup> Gbézòòpi ò èwaasopie: Nsu to gbée dò ní òmeeo. Ó à aà gbàe.

### *Pòlu gbaea Sezale*

<sup>23</sup> Ó à sosa bade gbéon plao sisi, a ònè: A o sosa fèndade gbéon àaa doonee aa sòuke aa gé Sezale oosi ublegò ní sòde gbéon bàaòkwìo ní sònde gbéon àaa doo. <sup>24</sup> A sòdò yá keke Pòlue aà dikpè geò bùsu gbézòò Felisi kíi yákelesai. <sup>25</sup> Ó à lakèè à mè: <sup>26</sup> Bùsu gbézòò Felisi, mapi Kolodi Lisia, ma láe bee kène, ma fokpàma. <sup>27</sup> Yudaò mé ghéé bee kù, aa ye aa aà dè. Ké ma aà dò Loma gbé ù, õ ma ge ní sosac ma aà símá. <sup>28</sup> Ké má ye mà aà yá pós aa mòoa ma, ma aà sè ma geò an yákpalekènao kíi. <sup>29</sup> We má dòu aà yá pós aa mòoa de an ikoyá ùe, i yá pós kà wà a de ge wà a dakpèu keo. <sup>30</sup> Ké wà lekpàalaàzi, wà a kpái kème, õ ma aà gbàeoma gòo, má ò yádeoné aa gé ní aà yáo n kíi we.

<sup>31</sup> Sosac kè lá wa ònéwa, aa Pòlu sè gèò Antipati gwàasina. <sup>32</sup> Ké gu dò, sosa pós be kèsé Pòlu nà sòdeoné ní ozi aa geaàno ae, õ aa èa tà ní be. <sup>33</sup> Ké sòdeo kà Sezale, aa lápi kpà bùsu gbézòòpiwa, õ aa Pòlu nàe a ozi. <sup>34</sup> Bùsu gbézòòpi lápi kyokè, õ à Pòlu là bùsu pós à bòu. A mà Silisi bùsu à bòu, <sup>35</sup> õ a òde: Tó gbé pós yávinnò mò, mà ma lá aa o. Ó à mè wà aà dáké ua. Elodi mé uapi kpà yáa.

## 24

### *Yudaòfela n Pòluo Sezale*

<sup>1</sup> Gòo sòo gbea sa'onkia Anania mò Sezale ní gbézòòe ní ikoyadòna pós wí meè Teetuluo. Aa mò ní Pòlu yáo bùsu gbézòò kíi. <sup>2</sup> Ké wà Pòlu sisi, Teetulu fèle lé yádaaàla à mè: Felisi, ní n báao wá bùsu na à kéké zài. N zia lásasooke à mè mò ní wá káleà maao. <sup>3</sup> Wí n tónasi, wà n sáaukpa gupiliù gòcipii. <sup>4</sup> Ké má ye mà n gágao, mà wabikema, sùuukewano, wá yá yóonaes ma. <sup>5</sup> Wá è gbépiá gbénazin èbe. I zoada Yudaò guu dúnia guu píi, a de lousisize ee pós wí me Nazaléte ñ dàana do ù. <sup>6</sup> Baa se a ye Lua ua gbále, õ wa aà kù. <sup>7-8</sup> Tó n gòepi lálà nzia, nýò aà yá pós wa móò siana dò. <sup>9</sup> Ó Yudaò yá'idià aa mè lá yápi dèn we.

<sup>10</sup> Ó bùsu gbézòòpi mikè Pòlue aà yá'o. Ó Pòlu mè: Lá mà n dò yákpalekèna ù bùsue bee guu a wé gègè, õ málé a mibòayá ò ma laaiwa. <sup>11</sup> Tó ní gbèa, wa one ma gea Yelusale ñ lousisii de gòo kueplalao. <sup>12</sup> Wi ma e málé lekpaa ke ní gbéeo Lua uao. Wi ma e málé zoada lousisikpe guu ge wéle guuo. <sup>13</sup> Gbépi fò yá pós aa lìamazi seelade eneo. <sup>14</sup> Siana mà òne, zé pós aale me lousisize

ee guu ñ málé zóble wá dezio Luaε. Má yá pó wa kë Moizi ikoyá guu ní ãnabió pós náai vñ. <sup>15</sup> Ma wé dɔ Luai lá ampiɔwa, ké gbémaao ní gbéváis bɔ gau píi. <sup>16</sup> Ayámeto mi azia toto gɔɔpii ke ma sɔ su ào vñ Lua ae ge gbénazina aeo. <sup>17</sup> Ma wékeá ní ma bùsuo gbea ma ea su ɔdama kéné, ma sa'ò <sup>18</sup> Lua ua. Ké málé sa'o ma gbábo gbea, ñ wà ma le we. Mi bíla kääao, mé zoa kuo.\* <sup>19</sup> Azi bùsu Yudaeo mé yádeó ū. Sema aa mɔ wà yábo kɔ léu n kíi. <sup>20</sup> Tó màa no, tó gbé pó aa ku lao dàa pó aa èa gɔ pó aa yákpalekèmano o. <sup>21</sup> Sema yá mèndo pó má òné n lɔo gbääao ma mè, gɔ vua yá musu ñ aale yákpalekèmano báasio.†

<sup>22</sup> Felisi Yesu zé bɔole dɔ, ñ à lakà Yuda yáa à mè: Tó sosa gbezɔo Lisia mò, má á yá midéé. <sup>23</sup> A ò sosa badee aào Pɔlu dɔa, áma aà aà gba ñana, i to aà gbé dɔaàle.

<sup>24</sup> Goopla gbea Felisi mò ní a Yuda nɔ pó wí mèè Dusiio. A Pɔlu sisi, ñ à Kilisi Yesu náaikεa yámawà. <sup>25</sup> Pɔlu lé yá'o maakea musu nziaküadɔ ní yákpalekεa ní gbé pó lé mɔo, ñ vña Felisi kù à mè: Fεle tá già. Goo pó ma ɔ'è, má ea n sisi. <sup>26</sup> Aà wé dɔi Pɔlu a gbagusaedæe, ñ lɔ aà sisi mɔomɔ aà mɔ faaiboano. <sup>27</sup> Ké à kë wè pla, Pɔosiu Fesetu zòle Felisi gbeu. Ké Felisi ye ào na ní Yuda yái, ñ à Pɔlu tò dakpeu.

## 25

### Pɔlu zea ní gεa Sezaa kílio

<sup>1</sup> Fesetu zòlea kpala gɔo àaã gbea, à fèlε Sezale à gè Yelusaleú. <sup>2</sup> Wekii sa'onkiaø ní Yuda gbääadeø mò aà kíi, aa fèlε ní Pɔlu yáo. Aa wabikèwà <sup>3</sup> aà sùuuke, aà to Pɔlu móne Yelusaleú. Asa aa zèò wà baikpaè zéu wà aà dεe. <sup>4</sup> Ó Fesetu òné: Pɔlu ku kpéu Sezale, mapi sɔ má tá we tia. <sup>5</sup> A gbääadeø mɔ gemanø, tó à yáváikèe, í o.

<sup>6</sup> Fesetu kèñno gɔo swaaõ ge kwi taawa, ñ à èa tà Sezale. Ké a gu dò, à zòle a gínaa à mè wà mó ní Pɔlu. <sup>7</sup> Ké à mò, Yuda pó bɔ Yelusaleú lìaaàzi, ñ aa yázɔo pó wi fɔ a seela èo dòwà dasidasi. <sup>8</sup> Pɔlu yázásimá à mè: Mi zä Yudaø ikoyá ge Lua ua yáwao. Mi zä yáewa Sezaaø. <sup>9</sup> Fesetu lé weele ào na ní Yuda ñ à Pɔlu là à mè: Nyɔ we gé Yelusaleú mà yákpalekennø we yáe beeø musua? <sup>10</sup> Pɔlu mè: Sezaa ikoyá pó kù wà yákpalekemano ñ má kúu la. Mi tåaekε Yudaeø, lá mpi ní dɔ sáasáwa. <sup>11</sup> Tó ma tåaekè à kà wà ma dεe, má gí wà ma dεo. Ama lá mi yá pó gbéø lé o ma musue kεo, gbéø zevñ à ma kpámão. Gea Sezaa kíi ñ ma zèò. <sup>12</sup> Ké Fesetu lekpàai ní a gbéø à mè: Sezaa n zèò, aà kíi nyɔ géu.

\* 24:18 Zin 21.26-27 † 24:21 Zin 23.6

*Gea n̄ Pɔluo kí Agipa n̄ Beenisio ae*

<sup>13</sup> Goɔpla gbea kí Agipa n̄ Beenisio m̄ Sezale fɔkpai Fesetuwa. <sup>14</sup> Ké aale goɔplakə we, Fesetu bò n̄ Pɔlu yáo kípié à mè: Gɔee ku la, Felisi aà tò dakpeu. <sup>15</sup> Ké ma ge Yelusaleū, sa'onkiaç n̄ Yuda gbɛzɔɔ fèlemee n̄ aà yáo, aa mè mà sùuukə mà yâdaaàla. <sup>16</sup> Má ònè, tó gbé pó wà yâdòwà i kɔ'e n̄ a yâdòmadeç mé i zé'è à yâpi zâsimáo, wá Lomadeç wili aà kpámáo. <sup>17</sup> Ké aa sùmanç la, mi zezeo. Ké a gu dò gɔɔ, ɔ ma zɔlə ma gînaa ma mè wà mó n̄ gbépio. <sup>18</sup> Gbé pó yâvìaànɔpi yâ'ò, aai yâvâi pó málə e wa dɔwà o aà yâ musuo. <sup>19</sup> Aa yâkele vâiaànɔ n̄ lousisize yâ musu n̄ gɔe pó wî meè Yesu yâo. A gâ, ɔ Pɔlu zè n̄ aà kua b  e yâo. <sup>20</sup> Ma bílik   yâpi zé dɔawa, ɔ ma aà là tó a ye gé Yelusaleū wà yâpi g  g  e we. <sup>21</sup> O Pɔlu mè Loma kí ɔ a zéò, wà a k  a. O ma mè wà aà d  a e mào gé aà gbaei Sezaawa. <sup>22</sup> O Agipa ô Fesetue: Má ye mà gbépi yâma maz  a. O Fesetu mè: Ny   yâma aà léu zia.

<sup>23</sup> Ké a gu dò Agipa n̄ Beenisio m̄ n̄ gawi zɔɔ, ɔ aa g   k  k  aaakekpeu n̄ sosaç gbɛzɔɔ n̄ w  l  e gbé gbiaç. Ké Fesetu lesi, wà mè n̄ Pɔluo. <sup>24</sup> O Fesetu yâs   à mè: Kí Agipa n̄ gbé pó kúwanç laç píi, a gb  e bee èa? Yuda pó kú Yelusaleū n̄ laç píi gbépi yâ s   m  oa, aale wiilea aa mè, a maa a   ku l  o. <sup>25</sup> Mapi, mi e à yâe kè à k   wà aà deo, ɔ lá à z   n̄ Sezaao, ma zéò mà aà gbaewà. <sup>26</sup> Mi yâpi gbad   mà lák   k   aà yâ musuo. A yâi tò ma m  aànɔ á ae, at  sa mpi kí Agipa, k   yâlalaawà gbea mà yâ e mà a lák  . <sup>27</sup> Asa dakpeuna gbaeama yâ pó wa d  aàla oa w  sawasa sai, i k  mee zev  o.

## 26

*Pɔlu yâ'oa kí Agipa ae*

<sup>1</sup> O Agipa ô Pɔlu: N zev   n̄ n yâ'o. O Pɔlu os   à azia yâ b  olek   à mè: <sup>2</sup> Kí Agipa, má è ma minak  , k   má è mál   maz  a yâ b  olek   n̄ ae gb  , yâ pó Yudaç l  iamazi musu píi. <sup>3</sup> At  sa k   n̄ Yudaç felkaay   d   píi n̄ n yâkeleç. Bee yâi ma wabik  ma, ma yâe mamee. <sup>4</sup> Yudaç ma kua d   za ma néf  nenzi daalea ma b  suu e Yelusaleū. <sup>5</sup> Aa ma d   à g  g  e. Tó aa yei, aa f   o má de w   lousisin g  li pó gb  a n̄ Lua yâo w   me Falisiç gb   ū. <sup>6</sup> Tiasa w  l  e yâkpalékemano, k   ma w   d   l   pó Lua gb   w   dezi  nezi yâi. <sup>7</sup> W   bui ku  plac aa   z  ble Luaç gw  asina n̄ f  aneo wed  a legb  a do  pizi guu. Kí, wed  a y  pizi yâi Yudaç felmanç. <sup>8</sup> B  yâi Lua geo vua k  é yâzesai ū?

<sup>9</sup> Mapi yää, ma zèò kék yá pó a bɔ Yesu Nazaleti yá kpé píi ɔ málíç ke. <sup>10</sup> Mää má kék Yelusaleñ. Sa'onkiaç ma gba zé, ɔ ma Lua gbéø kák kpéu dasi. Tó wàle ní dëde sõ, ma lé ñ ku a guue.\* <sup>11</sup> Miç gé lousisikpe ní lousisikpeo mòòmò mào wéteamóné, mi gänamá aa dóe ní Luao. Ma pɔ fëanízi, ɔ mi gé iadaimá ní wéle baao.†

### Pɔlu zíkəa Yesue

<sup>12</sup> Beewa málé gé Damasi ní iko pó sa'onkiaç ma gbaëoo. <sup>13</sup> Kí, kék má bë zéu laté minanguo, ma gupua è à bò luabé à kùléa ní ma gbéø, a pásí de iatéa. <sup>14</sup> Wa lele zílè wápii, ɔ ma lɔo mà, wa òmee ní Ebélu yáo wà mè: Sɔlu, Sɔlu, bóyái níle iadai? Lípanazña ní teo mé lé iakpanzi fá! <sup>15</sup> Ma mè: Mmenn déi, Dii? O Dii mè: Mámé má Yesu pó níle iadawà ü. <sup>16</sup> Fële ze. Ma bɔ mɔma kék mà n se ma zíkéna üe, ní de yá pó ní è ní yá pó má olonéo seelade ü. <sup>17</sup> Má n suaba Yudaç ɔzí ní buipáleø. Málé n zímá, <sup>18</sup> kék ní wé kéné, aa bɔ gusiau aa gë gupuau, aa bɔ Setáu ikou aa gë Lua póu, an duuna i kémá, an bâa iɔ kú ní gbé pó an kua adoao ma náaikéa yái.

<sup>19</sup> Kí Agipa, Ayämëto mi gí luabé gbé pó bò mào yá'one mai. <sup>20</sup> Ma waasoké Damasi già ní Yelusaleñ,‡ ɔ má kék Yude bùsu gupiuu ní buipáleø kíio. Má ònë aa nòséllé aa ze ní Luao, aai yá pó a to wà dɔ aa nòséllé ke. <sup>21</sup> Bee yái Yudaç ma kú Lua ua, aa ye ma dë. <sup>22</sup> Lua dɔnle má kuò e ní a gbão, ɔ má zea àa seelade ü néfénen gbézööne píi. Mili yápále oo, sema yá pó ãnabiò ní Mɔizio ò à kék báasio. <sup>23</sup> Aa mè Mesii a taasiké, ɔmë a bɔ gau séia, i gupua yá'o Yudaçne ní buipáleø.§

<sup>24</sup> Kék Pɔlu lé azìa yá bɔoleke mää, Fesetu wiidòwà à mè: Iana kàma yà Pɔlu? N dɔa zɔo mé lé n mi liaa. <sup>25</sup> O Pɔlu mè: Iana i kaao, Fesetu. Yázede málé o mé slanae. <sup>26</sup> Kí, lá ní yá beeø dɔ, má fɔ mà a yá'one wásawasa baküaanakesai. Má dɔ kék a kee i ke n mi kpeo, asa yápiá gusaë yá no. <sup>27</sup> Kí Agipa, n yá pó ãnabiò ò sia? Má dɔ kék ní si. <sup>28</sup> O Agipa ò Pɔlue: N ye ma dëdënlea ke mà gɔ Yesude ü gòø yà? <sup>29</sup> Pɔlu mè: Gòø ge zá má yei, tó Lua wéi. I ke ndo no, ní gbé pó aale ma yáma gbão píi, aa gɔ lá má dëwa, mɔdaonaë beeø báasi. <sup>30</sup> O kípi ní bùsu gbézöö ní Beenisio ní gbé pó kääaa weø fële bòle. <sup>31</sup> Kék aa bòle, aale o'okóe: Gbépi i yáe ke à kák dëa ge wà dakpeuo. <sup>32</sup> O Agipa ò Fesetue: Tó gbépi i me a yápi a gé Sezaa kíie yääo, wá aà gbaee.

\* 26:10 Zin 8.1-3    † 26:11 Zin 9.1-2    ‡ 26:20 Zin 9.20, 28    § 26:23 Isa 42.6, 49.6

# 27

## *Gea n̄ Pɔluo Loma*

<sup>1</sup> Ké wà zèò wà da Itali zéu, ɔ wà Pɔlu n̄ dakpεuna kñnieç nà sosa bade pó wí meè Zuliuë a ɔzì. A de sosa gāli pó wí me Sezaa sosaç dñaanaç do û. <sup>2</sup> Wa gē gó'ilena pó bò Adamiti, àle bøle n̄ Azi bùsu wéleç guu, ɔ wa dazeu. Masedoni bùsu gbé Alisaka Tesaloni kúwano. <sup>3</sup> Ké a gu dò wa ka Sidò. Zuliu Pɔlu kúa n̄ nòsedoðo, ɔ à aà gbà zé aà gé a gbéç gwai, ké aa e ɔdawà. <sup>4</sup> Boa we wa pele í guo. Ké ìana lé dawále yái wa dò Sipi bùsu kpe oi. <sup>5</sup> Bea ísia guo wa dò Silisi n̄ Pámfilii bùsuɔzi, ɔ wa ka Mila, Lisi bùsuu. <sup>6</sup> Weklii sosa badepi Alesàndri gó'ilena pó lé gé Itali è, ɔ à wá káu.

<sup>7</sup> Goo plae dà wá tá kɔɔnkù. Dëe n̄ dëeo wa ka Sinidi léi. Ké ìana i weiwee wà gé súsuo, wa pâale wa bo Keleti bùsu kpe oi Samone sae. <sup>8</sup> Dëe n̄ dëeo wále dò Keletizi, ɔ wa ka gu pó wí me Godòkli Maau. A kai n̄ wéle pó wí me Laseo. <sup>9</sup> Lá wa gëgë zéu, wá tâa'o gea ae gò kai yâ û, asa Yudaç leyegoç gë kò. Ayameto Pɔlu ledàmá <sup>10</sup> à mè: Gbéç, má è tâe bee a mó n̄ ásoo zôjo n̄ múvio. I ke gópi n̄ a asoœ adoo, n̄ wápiœ lò. <sup>11</sup> Ama sosa bade gobôna n̄ godeo yâ sî de Pɔlu pâa. <sup>12</sup> Gupi maa wà godou wà buzieble weo, ɔ gbé daside zè n̄ daa zéuo. Aa ye wà ka Feniki, wéle pó kú Keleti be'ae oi, tó a zekè, wí buzieble we.

## *Zàa'ianafele isiaa*

<sup>13</sup> Ké ìan buse félé geomidoðli oi, aale e wà fô n̄ poeä këe. Ð aa n̄ gó pôlo aa dâzeu, aale dò Keletizi kâikâi. <sup>14</sup> I gëgëo, zàa'ian gbâa pó wí me ìan pâsi pila Keleti gbewa. <sup>15</sup> A goliaa, wi fô dâe lò, ɔ wa gô tei. <sup>16</sup> Ké à wá kpá gûgûn néna pó wí me Kodai, wa dáama'è yoo. Dëe n̄ dëeo wa wá góne suababô è wá kù we. <sup>17</sup> Ké aa yè wa nà gó zôopiwa, ɔ aa kéké bakâ gó zôopie. Ké aale viaké pâa Libii bùsu isaaaæ, ɔ aa gó kúla pèle íu, ɔ aa gô té ìanai. <sup>18</sup> Ké a gu dò, lá zàa'ian gî lé wá gó zâampapa gbâugbâu, ɔ aa nà asoœ zuzua íuwa. <sup>19</sup> A goo àaðde zî aa n̄ gó zîkebô bøle kòle n̄zia. <sup>20</sup> A kâ goo úma ìaté n̄ saanaç i bôo, mé ìan pâsípi n̄ louo i kpâleo. Buua aafia pó wá wé dòi yâa kè fama. <sup>21</sup> Wa goo plakè, wi e pooblèo, ɔ Pɔlu félé òné: Gbéç, tó a ma yâmâ yâa, dô wi félé Keleti, müsi n̄ ásooœ beeç gbâsa wá leo. <sup>22</sup> E tia málé ledawá, à sôdile! A gbée a gao, sema gópi wíwi bâasio. <sup>23</sup> Gia gwâ Lua pó má de aà pó û mé mi zôbleè, aà malaika bò mòa <sup>24</sup> à mè: Nsu viakéo, Pɔlu. Sema n̄ Sezaa ae le. Lua gbé pó kúinô gó guuç bònë aafia mïpii. <sup>25</sup> Ayameto gbéç, à sôdile! Má Lua náai vî ké a ke lá a òmeewa. <sup>26</sup> Sema wà ka gûgûnae isaaa.

<sup>27</sup> A gɔɔ gēo mèndosaide gwá ìan pāsípi lé wá gálé Adiatí ía e tia. Ó wéedo ígbéó lé e wa kāikù ní gɔsɔlēoe. <sup>28</sup> Ó aa bá i'egwabɔ gbàe íu, aa è a ε gàsìsuu basiiñ. Ké à kè sàa yɔɔ aa gbàe lɔ, aa è a ε gàsìsuu báañ. <sup>29</sup> Aale pää gbewa viakε, õ aa kúla mèn siiñ gbàe gó pòokpε, õ aale Lua sisi gu dòné kpakpa. <sup>30</sup> Gópi zìkēnaç lé zewele wà bɔle gó guu wà báale, õ aale gó suababɔpi pila aa da ía, aale ke lá wa ye kúlaç gbae go'aewa. <sup>31</sup> Ó Pɔlu ò sosa badeñ ní àa sosaneø: Tó gbé beeø i gɔ gó guuo, á e bɔo. <sup>32</sup> Ó sosac gó suababɔ baç zòzɔ, aa tò à lèlè íu.

<sup>33</sup> Ké gu ye dɔi, Pɔlu awakpàné nípii aa pɔble à mè: A gɔɔ gēo mèndosain gbä a gɔ looa pɔblesai. <sup>34</sup> Málé awakpaé à pɔble, asa a maa á pɔleba àò dɔae, í e bɔ aafia. Baa á mìkã mèndo a vüaao. <sup>35</sup> Pɔlu yápi oa gbea à pëe sè à Lua sáaukpà gbépii wáa, õ a è àlé só. <sup>36</sup> Ampii aa sɔdile aa pɔblè sa. <sup>37</sup> Wá gbé pò wá kú gó guuɔ píi, wa ka gbéñ ðaa do ní basiiñ siiñsaio (276). <sup>38</sup> Ké aa pɔblè aa kå, aa pówena bɔle zù íu, ké gó e yáfukü yái.

<sup>39</sup> Ké gu dì aa gɔsñ è, aai dɔo. Ké aa ísia sòomiboa è a gɔsñ daaïa, õ aa zèò wà gé ní góo isaaa we, tó wa fɔ. <sup>40</sup> Aa kúlaç wòlo aa tò í guu, õ aa golilibɔ ba pòlo gò. Aa go'ae zwáa pòò ìanae, õ aa mipè gɔsɔpiwa. <sup>41</sup> Ó aa sì üfāau ní sae, õ gó zè we. Üfāapi go'ae kù gíugiü, i fɔ dèeo, õ ikooa pò lé víví ní gbääo lé gó pòokpε wiwi. <sup>42</sup> Sosac zèò wà dakpeunaç dède, ké an gbé su kpáa'o pilimáo yái. <sup>43</sup> Ama sosa bade ye Pɔlu misi, õ à gíné aa ní pœa kε. A ò kpadñnaç dɔaa kusi íwa aa bua, <sup>44</sup> gbé kiniç iò té ní kpε lipereø ge gó kasoo musu. Beewa õ gbépii baa lè aafia.

## 28

### Pɔlu kua Malita gugúnaa

<sup>1</sup> Ké wa baa lè aafia, wá mà gugúnapí tón Malita. <sup>2</sup> Beleø wá kú oplapla ní yeawázio. Aa gbäakpàwázi, aa té sa kàwëë, asa lou nà maawa mé ìana bòle. <sup>3</sup> Pɔlu yàa kele nàaa mò lé káteu, píligona ku a guu. Ké té pusu àà pà, à bò Pɔlu kù a ñwa. <sup>4</sup> Ké beleø mlépi è dɔ àà ñwa, aa òkɔø: Gbé beeá gbédenae sìana. Baa ké à bùa íwa aafia, sìana i weiè àò kuo. <sup>5</sup> Ama Pɔlu mlépi gbàe a dà téu, i yæe kεèo. <sup>6</sup> Gbéø wé dɔi àà ñ a ka à lélé ge ü wegɔø. Ké à gègë, aa è pœ i àà leo, õ aa lé lile aa mè gbépi luuae.

<sup>7</sup> Gupi sae gugúna gbézɔ pò wí meè Publiu be kuu. A wá dile gɔ àañ, à nibɔ kewëë ní yeawázio. <sup>8</sup> Publiu mae wúlea ní mèwääao, àlé bänubänuke. Ó Pɔlu gè àa kíi, à wabikèè à ñnàwà à àa gbàgbà. <sup>9</sup> Ké à gbàgbà màa, gugúnapí gyæe kiniç mò àa kíi, õ aa gbàgbà sɔ. <sup>10</sup> Aa wá kpelà maamaa. Ké wále tá, aa kùsùakewëë lɔ.

### Pɔlu kaa Loma

<sup>11</sup> Wá kua gûgnapiu mɔ àaã gbea wa gë gó'ilena pó buzieblè weu, wa dazeu. Gópi bò Alesândi, wà tâasiao seela kewà. <sup>12</sup> Ké wa ka Silakusa, wa gôo àaã kë we. <sup>13</sup> Boa we wa dɔ gôsôlei e wa ge kaò Legio. Ké a gu dò ìana bò geomidokii oi, a gôo plaade wa ka Puzoli. <sup>14</sup> Wélepi guu wa Yesudeo lèu. Aa mè wà sùuuke wà âsôa do keño. Wá kë màa, ã wa da Loma zéu. <sup>15</sup> Loma Yesudeo wá bao mà, ã aa mò daiwâlé. Gbêeo wá lé Apiu'eleu, gbêeo sô gu pô wî me Pilakii'añu. Ké Pɔlu ní é, à Lua sáaukpâ, aà sô nini. <sup>16</sup> Ké wa ka Loma, wà Pɔlu gbà zé aâo ku adoa ní sosa pô ì aâ dâao.

<sup>17</sup> Gôo àaã gbea Pɔlu Yuda gbëzôo sisi. Ké aa kâaa, a ònë: Ma gbëo, mi zâ Yudaõne yâewao. Mi bɔ wá dezio felekaayâe kpéo, ã wà ma kû Yelusaleü wà ma kpa Lomadeo wa. <sup>18</sup> Aa yâlâlaa, aai yâe e ma musu à kâ wà ma dëo, ã aa ye ma gbae. <sup>19</sup> O Yudaõ bò ma kpe. Teasi ma ze ní gea Sezaa kílio,\* i ke má yâvâ ní ma bùsu gbëo no. <sup>20</sup> Ayâmeto ma á gbéa wà kô'e mà oâno, asa gbé pô Isailiõ wé dɔi yâi wà mœ bee kâia.

<sup>21</sup> O aa òe: Wi taalae e à bò Yude bùsuu n yâ musuo. Wá gbêe sô i bɔ we à sùwâ ní n bao vâioo. <sup>22</sup> Wá è a maa wà yâ pô ní kúa ma n léu, asa wá mà wî lousisizepi bëebo gupiue.

<sup>23</sup> Aa gôodilekôe ní Pɔluo, ã aa mò aâ kíi ua pô à pílau dasidasi. A ye aa a yâze dô Yesu yâ musu, ã à dâale Moizi ikoyâwa ní ãnabi yâo, à kpala pô bò Lua kíi yâ'ònë, à a bôolekènë za kôokôo e oosi. <sup>24</sup> Gbêeo yâ pô àle o o zé è, ãma gbêeo gïi. <sup>25</sup> Ké aale këaa ní lekpaa, Pɔlu yâ mèndo kâfiné à mè: Yâ pô Lua Nisina dà ãnabi Isaiae a ò á dezioñea sianae à mè:

<sup>26</sup> Ge nì o gbé beeñe,  
aa swâkpa aao gé yâemasai,  
aa wétei aao gé yâe'esai.

<sup>27</sup> An nòse paaao, ké aasu ɔnokúo yâi,  
an swâ gbâa, ké aasu yâmao yâi,  
an wé kúaaa, ké asu këo yâi,  
asa aa ye ea sua mà ní gbâgbâo.†

<sup>28-29</sup> Ayâmeto, ào dô ké Lua gbëo zì ní suabayão buipâleo wa. Aame aa sí.

<sup>30</sup> Pɔlu kë kpé pô àle a flabo guu wè búu pla. Iø gbé pô aâi mɔ faaiboianôo kû oplapla píi. <sup>31</sup> A kpala pô bò Lua kíi yâ waasokènë, à Dii Yesu Kilisi yâdànë ní laaio kpâlea, gbêe i kpâeo.

\* 28:19 Zln 25.11 † 28:27 Isa 6.9-10

## LOMADEO

# Yá pó kú láe bee guu

Kilisi gaa ní aà vuao gbea Yuda pó aa gò Yesudeo ū nà Yesu baonakpaawa Lomadeo mèewia Loma guu, an gbéen Pisii ní Akilasio ū (Zinao 18.2). Beewa Yesu gáli séia dàale we gò pó Pòlu lé baonakpa Sili bùsuu ní Azi bùsu pó wí me tia Tuukio ní Gelesi bùsuo. Lua dílè Pòlue aà gé e dúnia léwa. Bee yái Pòlu ye gé Loma ní Esipayá bùsuo lò. Gò pó ále a wélegéapi sòuke, à lakè Yesude pó aa ku Loma (1.7), aai kékkaa Pisii ní Akilasio beonée (16.3-5).

Láe bee guu Pòlu lé zì pó ále ke buipáleo guu booleke Loma Yesudeone. Yá pó Pòlu i dadané kú láe bee guu wásawasa à mè: Yesu baonaá gbää pó Lua i gbé pó lé a náaikéo suabaðe, atësa Yuda, an gbea buipáleo (1.16).

Yuda ní buipáleo kua ní kooá yáiaé Yesude káauone, atësa lá buipále Yesudeo lé e Moizi ikoyá musu. Yápi ku Galati lá guu lò. Lakii Pòlu ò wásawasa à mè Yesu baona pó ále kpáá gbépii pós (1.16). A ò lá Lua i duunkëna suaba, baa dén nò, à mè luanaaikëa yáe (1.18-8.39).

Bee gbea à lèkà Isaili pó aa gí Kilisi náaikëi yáwa. Lua gbéen ní ūoa? A mè an già bee lé kpá Luao, asa Lua gbéke mé a zible (9-11). Tia kewa sùuu pó Lua ví ní wá buipáleo lé dadawëe wà nòsé pâle da, wíku Lua pó ū (12.1-15.13).

Lápi láakii Pòlu mè á ye da Loma zéu, 5 à fòkpàkpamá (15.14-16.27).

Gbé pó aale wéelé wà dò lá Lua i ní suaba Yesu Kilisi sabai, tó aa láe bee kyokè, aa e dò kéké yá pó Lua a zekàleo zòo (11.33-36). Beewa aa e nízia kpawà, aai kúléè a zéwa.

### *Pòlu fòkpaa Lomadeo wa*

1 Mámëmaa Pòlu, Kilisi Yesu zòblena, Lua ma sisi à ma dile a zína ū baona <sup>2</sup> pó à dòaa à a legbè a ãnabiöne, aa kéké a yá taalau kpana ū. <sup>3-4</sup> Àà Né Yesu Kilisi wá Dii yá mé baonapi ū. Àà dea gbénazína ū guu à bò Davidi bui guue. Àà luaké guu sò aà bòa gau ní gbääo mé ñlowëe kéké Lua Nén aà ū. <sup>5</sup> Kilisipi mé gbékékemee à ma zì bui píi kíi, kéké aa e a náaiké, aai gò a yámanao ū, i tòbo. <sup>6</sup> A kú ní guu sò, à gbé pó Yesu Kilisi à sisi à a sé. <sup>7</sup> Mámë ma láe bee kéké à Lomade pó Lua yeázi à a sisi, a gò a gbé ū píi. Lua wá Mae ní Dii Yesu Kilisio gbékékéé, aai à gba aafia.

<sup>8</sup> Séia già ma Lua sáaukè ní Yesu Kilisi gbääo ápii yá musu, kék á luanaaikea lì dúniaa píi yái. <sup>9</sup> Tó málë wabike píi, á yá lí sãmaguo. Lua mé ma seelade ü. Aàpi málë zobleè ní nòsemendoo, málë aà Né baokpa. <sup>10</sup> Miò wabikewà aà zekékemee lá a yeiwa, mà e mò á gwai sa, <sup>11</sup> asa wësiaále ni lé ma de maamaae, kék mà Lua Nisïna gbae daé á zedøa yái. <sup>12</sup> Beewa á luanaaikea ní ma pò o wá baade gba sò. <sup>13</sup> Ma gbéø, má ye ào dò kék miò dile mòmò mà mò á gwai\* kék mà a zì gbe e á guu, lá má è buipâleø guuwa, ñe tia mi ze'eo. <sup>14</sup> Geleki yâmanao ní Geleki yâmansai píi, ladñnao ní ladñnsai píi, an yá gò ma yá üe. <sup>15</sup> Bee yái ma me wà mà baonapi kpá á Lomadeone sò. <sup>16</sup> Mili wide ní baonapi yáoo.† Omé gbää pò Lua i gbé pò lé a náaikeø suabaò ü, atësa Yudao, an gbea buipâleø. <sup>17</sup> Baonapi i owëe lá Lua i to yá bɔrño na. A de luanaaikea yá ü adoe, lá wa kék lá guuwa wà mè: Gbé pò Lua tò yá bòaàno na a náai pò àle ke yái aò ku.‡

### *Gbénazînaò tâaedeone Luae*

<sup>18</sup> Za musu ñ Lua i a pòkúma bòbò gbénazîna pò an vâikea i zezö siianaewa an pâkpaaazi ní ní vâikéao yái. <sup>19</sup> Yá pò wa fò dò Lua yá musu ulëanéo, Lua mé yâpi bònë gupuau. <sup>20</sup> Za gò pò à dúnia kâle, aà gbää láasai ní aà luake pò wîli e ní wéoo bò gupuau aà zì guu wásawasa. Ayâmeto gbénazîna awa vîo. <sup>21</sup> Aa Lua dò, âma aali aà kpela a zéwa aa aà sáaukpào. An láasooø ssûkù, ñ aa gò gusiau an mísai yái.§ <sup>22</sup> Aa nízia dile ñnõnao ü, ñ aa gò mísaidø ü. <sup>23</sup> Aa kûlé gbénazîna pò i gao ní bâo ní nòbòo ní póttaa'onkuawaø taae Lua pò lí gao gbeu.\*

<sup>24</sup> Ayâmeto Lua ní kpá gbâsikéaa, aa wisaiyâ ke ní kôo, lá aale a nide ní nòse guuwa. <sup>25</sup> Aa Lua siande leükpakè ní eeø. Aa kûlé Lua pòkéaone aa zoblené Lua pò pòpii ke gbeu. Efâaiden aà ü goopii! Ami.

<sup>26</sup> Ayâmeto Lua ní kpá wisaiyâ nideaa. Baa an nœø yá pò wî ke leükpakè ní yá pò wîli keoo. <sup>27</sup> Mâa gôø sò aa yá pò wî ke ní nœø tò, aaï luakôi. Gôø ní gôø aaï wisaiyâ ke ní kôo, aaï a gbe'e níziaawa an sásâa léu. <sup>28</sup> Lá aai we zè ní Lua dòaoo, ñ à ní kpá láasookpaanlayâa, kék aao yá pò de wà keo ke. <sup>29</sup> Yâvâi píi pëemá: Nòsepâsi, bîi, îisea ní kôo, wedøakôe, gbëdeâ, sole, gbëblea ní kônikeao. Gupëaanaø ní ü, <sup>30</sup> gbëyaanaø, Lua ibeeø, gbé taiinkenaø, yòodeø, îandânaø, vãi láasookenaø, de ní dao yâmansai, <sup>31</sup> mísaidø, náaisaidø, gbéyâkënsai,

---

\* 1:13 Zln 19.21 † 1:16 Maa 8.38 ‡ 1:17 Abk 2.4 § 1:21 Efè 4.17-18 \* 1:23 Iko 4.16-18

sósobisaideo. <sup>32</sup> Aa dō Lua dīlē kē yābeetaakēnaō kā wā n̄ dēdē, kási aali ze n̄ a kēao adoo, aaī tékpa a kēnaōgu l̄e.

## 2

### *Yá zōlea gbēnazīnaōwa*

<sup>1</sup> Ayāmeto n̄ gbē pō ni gbēpāle tāae e, n̄ awa vīo. Tō n̄ gbēpāle tāae è, n̄ nzia dāyāue, \* asa n̄ gbētaae'ena ni ke māa sōe. <sup>2</sup> Wā dō kē Lua yākpalekeā n̄ yābeetaakēnaō maae. <sup>3</sup> N̄ gbē pō ni yābeetaakēnaō tāae e mé ni ke sō, n̄le e n̄yō bō Lua yākpaleu yā? <sup>4</sup> Ge n̄le dōe n̄ Lua maakea zōo n̄ aā menao n̄ aā sūuuu yā? Kē Lua lé maakēne kē n̄ n̄sēlile, n̄ dōo lé? <sup>5</sup> N̄ swāgbāakē, ni n̄sēlileo, ̄ n̄le pōkūma kāaanzi e luapōkūmabōbōmagōzī, tō Lua yākpalekeā n̄ gbē a zēwa bō gupuau. <sup>6</sup> A flabo baadee a yākēawa. † <sup>7</sup> Gbē pō aale gawi n̄ bēeeo n̄ wēni láasaio wēelē aale maake n̄ menao aizāna e. <sup>8</sup> Gbē pō anzia pōeā lé dōaané, aa gī sīanai aa te vāiwaō sō, Lua a pōkūma n̄ pōkpēnēo bōbōmā. <sup>9</sup> Wētēa n̄ wāwāo a vāikēna pīi le, atēsa Yudaō, an gbea buipāleo. <sup>10</sup> Lua a maakēna pīi gba gawi n̄ bēeeo n̄ aafiao, atēsa Yudaō, an gbea buipāleo. <sup>11</sup> Asa Lua lí gbēe zāboo. ‡

<sup>12</sup> Gbē pō duunakē Mōizi ikoyā dōsai, a kaale māa ikoyāpi saiē. Gbē pō duunakē naa ikoyāpi ɔzī sō, Lua a yākpalekeāānō ikoyāpi musue. <sup>13</sup> I ke gbē pō lé ikoyā ma n̄ swāo mé maa Luao. Gbē pō lé zīkewā mé a bō maa. <sup>14</sup> Tō bui pō aa Mōizi ikoyā dōo yā pō kpāaō kē n̄ n̄zīao, aa ikoyā vī n̄zīlawae. <sup>15</sup> Aale ɔlwēe kē yā pō kū ikoyāpi guu kū n̄ n̄seue. An láasoo lé a sīana o lō, asa an láasoo mēndoo, a keeo ī n̄ dayāu, a keeo ī n̄ bōu. <sup>16</sup> Māa yākpalekegozī Lua a yākpaleke n̄ gbēnazīnaō yā pō ulē an n̄sēu musu n̄ Kilisi Yesu gbāao, lá baona pō māle kpā òwa.

### *Yudaō ikoyādansaiōne*

<sup>17</sup> N̄ Yuda ia, n̄ ze n̄ n̄ Yudakēo, n̄ Mōizi ikoyā nāai vī, n̄le Lua yōkē. <sup>18</sup> N̄ Lua pōeā dō, n̄ yāmaa dō ikoyāpi guu. <sup>19</sup> Nle e n̄ de vīlaō wēde ū, gbē pō kū gusiau filia ū, <sup>20</sup> wēsiade yādanēde ū, gbē dafuo metulu ū. Nle e Lua ikoyā mé dōa n̄ sīanao mi ū. <sup>21</sup> N̄ gbē pō ni yāda gbēpāleōne, bōyāi nili da nzīao ni? N̄ mē wasu kpāi'oo, mé ni o sō bē? <sup>22</sup> Ni mē wasu wūle n̄ gbēpāle nōoo, mé ni wūleō sō bē? Ni saka tāaōgu, mé ni n̄ kpē pōo kpāi'o sō bē? <sup>23</sup> Ni yōkē Lua ikoyā musu, ̄ n̄ ikoyāpi dasai ī Lua tō ɔokpa. <sup>24</sup> Asa á yāi buipāleo ī Lua tōbēesi lá a kēa láuwa. §

<sup>25</sup> Tō n̄ Lua ikoyā kūa, ̄ tōzīa ài vīne. Tō n̄le a yāda sōo, n̄ sāa n̄ gyafōodeo. <sup>26</sup> Tō gyafōode Lua ikoyā kūa, Lua a gyafōodepi

\* 2:1 Mat 7.1-2   † 2:6 Sou 62.13   ‡ 2:11 Iko 10.17   § 2:24 Isa 52.5

gwa sáa ní gbé pó tɔz̄oo lé? <sup>27</sup> Baa tó ní iko lápi kúa mé n tɔz̄, tó ni ikoyápi dao, gyafɔode pó ũ kúa a to yá zɔlemae. <sup>28</sup> Lá kua Yuda zálala ũá mekaa yá no, màa tɔz̄a zálalaá mekaa yán sɔo. <sup>29</sup> Lá kua Yuda zálala ũá nòse yáε, tɔz̄a zálalaá nòse yáε sɔo. Lua Nisina zíε, i ke aà ikoyá lá yá no. Lua mé ĩ gbé bee taa sáaukpa, i ke gbénazína no.

### 3

<sup>1</sup> Dεa Yuda ũ káflia kpele a vñi? Ai kpele tɔz̄a vñi? <sup>2</sup> A káflia vñi zɔ yápii guu. Séia gía Lua a yá nàné ní ɔzíε. <sup>3</sup> Ké an gbëeø náai vñi, bó a vñi? An náaisai mé a Lua náai bádeá? <sup>4</sup> O! Aawo! Lua náai vñi, baa ké gbépiiá εedeε, lá a këa láuwa wà mè:

Tó n yá'ò, n yá aø zevñi,  
tó wà yákpalekènnø, n yá a ble.\*

<sup>5</sup> Tó wá vñike lé Lua maake bɔ gupuau, bó yá wá oi? Wá o Lua yá zevñi, ké ĩ pɔkùmabɔbowá yái yá? Gbénazína yá'oa ñ málé owa. <sup>6</sup> O! Aawo! Tó Lua yá zevñi, kpelewa a fɔ yákpaleke ní dúniaoí? <sup>7</sup> Gbëe a me, tó a εedeke lé Lua náai káflí mé ále aà tɔbɔ, bóyái a yádaaàla lán duunkénawai? <sup>8</sup> Tó ní ò màa níle me wà yávñike, yámaa i bɔu. Gbëeø ma tɔbëesí aa mè màa mi o. Lua yádaanla kɔsññø.

#### *Gbëe maaø*

<sup>9</sup> Too! Wá Yudaø wá sàø yà? Aawo bá! Asa ma bɔbɔ ní Yudaø ní buipáleø píi kɔ, ampiiá duuna zɔɔnε. <sup>10</sup> A këa Lua taalau wà mè:

Gbëe maaø, baa do.

<sup>11</sup> Laaidee kuo, luakliwεelenaø kuo.

<sup>12</sup> Aa pääle mñpii, aa fɔkpà,  
yámaakenae kuo, baa do.†

<sup>13</sup> An nòse de lán kaadøembewaø.

Aaï lenakasané,  
mlè sewε kú ní léu,‡

<sup>14</sup> yá'ii ní gbékaao mé ní lé pà.§

<sup>15</sup> Aa wāa ní gbëdøao,

<sup>16</sup> aaï músi ní pɔsiao kpáñzi,

<sup>17</sup> aa aafia zé dɔø,\*

<sup>18</sup> aa Lua vñia vñi.†

<sup>19</sup> Wá dɔ ké Lua ikoyá píi de gbé pó kú a ɔz̄ yá ūε, ké gbépii lé gɔ kpaauña, dúnia gbépii i gɔ tåaede ũ Luæ. <sup>20</sup> Asa gbëe a bɔ maa Luæ ikoyápi kúa yáio.‡ Lua ikoyá mé ĩ to wà duuna dɔ.

\* 3:4 Sou 51.6    † 3:12 Sou 14.1-3    ‡ 3:13 Sou 5.10, 140.3    § 3:14 Sou 10.7

\* 3:17 Isa 59.7-8    † 3:18 Sou 36.1    ‡ 3:20 Sou 143.2, Gal 2.16

### *Lá Lua ī to yá bōníno na*

<sup>21</sup> Lá Lua ī to yá bōníno na bò gupuau sa, lá a yá kú Mɔizi ikoyā ní ãnabiō láguwa. I ke aà ikoyā kúa yá no. <sup>22</sup> Lua ī to yá bōníno na Yesu Kilisi náaikēa yáie. Gbé pó lé aà náaikē píi yáie, asa gbēe adoo. <sup>23</sup> Gbépii duunakè, ᳚ aa kèsā Lua gawii. <sup>24</sup> Lua ī to yá bōníno na gba ū a gbēkē yái ní Kilisi Yesu pó ní bó gbāao. <sup>25</sup> Àapi Lua kpà duuna awakpabó ū gbé pó aale aà au náaikēone, ké à oló gbépiie i yákē a zéwaε. A menakè yāa, i duun ziɔ yādao, <sup>26</sup> ᳚ tia kewa a òlōnē i yákē a zéwa. Beewa Lua ī yákē a zéwa mé ī to yá bō ní Yesu náaikēnao na ló.

<sup>27</sup> Lá māae, gbēnazinā a fɔ̄ ìanadā lóe? Bee kuo. Bóyāi ni? Ké a de yákēa yá ūo, Yesu náaikēa yáie yái. <sup>28</sup> Asa má è Lua ī to yá bō ní gbéo na aà Luapi náaikēa yáie, ikoyákūa ku a guuo. <sup>29</sup> Luaá Yudaɔ Luaε nídoa? Buipáleɔ Luan sɔ̄oa? Ao, buipáleɔ Luaε ló. <sup>30</sup> Asa Lua mèndoe. § A to yá bō ní gbé pó tɔz̄o na a náai pó àle ke yáie, mé a to yá bō ní gyafɔ̄deo na a náai doũpi musu ló. <sup>31</sup> Wálε ikoyā bāde ní luanaaikēao yá? Māa no, wálε a kpeleae.

## 4

### *Lua tò yá bō ní Ablahaū na a náai pó a kè yái*

<sup>1</sup> Wá Yudaɔ, wá o kpelewa wá dezi káau Ablahaū yá musu ni? <sup>2</sup> Tó Lua tò yá bōaàno na yá pó a kè yáie, dɔ̄ à fɔ̄ ìanadà. Ama a fɔ̄ dã Luaεo. <sup>3</sup> Kpelewa wa ò lá guui? Wà mè Ablahaū Lua náaikè, ᳚ Lua tò yá bōaàno na.\* <sup>4</sup> Fiaboa zíkēnaeá gbēkēkeae no, aà aseae. <sup>5</sup> Baa tó gbé lé yāe keo, tó àle Lua pó ī to yá bō ní tāaedeo na náaikē, Lua a to yá bōaàno na a náai pó àle ke yáie.

<sup>6</sup> Davidi gbé pó Lua tò yá bōaàno na yāekēsai báaa'ea yā'ò à mè: <sup>7</sup> Bāaadeoŋ gbé pó Lua ní tāaedeo wòlomá à ní duuna kèmáo ū.

<sup>8</sup> Bāaaden gbé pó Dii a aà duuna yādao ū. †

<sup>9</sup> Bāaa beeá gbé pó tɔz̄o póe adoa, ge gyafɔ̄de póe ló? Wà mè Lua tò yá bō ní Ablahaū na, ké à a náaikè yáie. <sup>10</sup> Kpelewa Ablahaū de gɔ̄ pó Lua tò yá bōaàno nai? Aà tɔz̄aa ge gyafɔ̄dees? I tɔz̄o, gyafɔ̄dees. <sup>11</sup> Ḍ à tɔz̄, ké Lua tò yá bōaàno na a gyafɔ̄gɔ̄ seela ū.‡ Māa a de gyafɔ̄de pó Lua tò yá bōníno na Luapi náaikēa yáie píi dezi ū. <sup>12</sup> A de gbé pó aa tɔz̄o dezi ū lóe. I ke an tɔz̄aa yáie no, ké aa té wá dezi Ablahaū pó Lua náaikè a gyafɔ̄gɔ̄ iai yáie.

### *Lá Ablahaū Lua náaikē*

§ 3:30 Iko 6.4 \* 4:3 Daa 15.6, Gal 3.6 † 4:8 Sou 32.1-2 ‡ 4:11 Daa 17.10

<sup>13</sup> Lua legbè Ablahaüe n̄ aà bui à mè dúnia a gõ n̄ pó ū. <sup>§</sup> I k̄ aà ikoyā kūa yáie no, k̄e Lua tò yá b̄baàñō na a náai pó a k̄e yáie. <sup>14</sup> Tó gbé pó aa ikoyā kūaç mé aa kible, d̄ luanaaikēa ài v̄io, mé Lua legbēa k̄e famae, \* <sup>15</sup> asa ikoyā i mó n̄ Lua p̄kūmaoe. Gu pó ikoyā kúuo, t̄aae lío ku we s̄o. <sup>16</sup> Ayāmeto pó pó Lua a legbè eaá aà náaike a yáie, k̄e ào de aà gbēk̄eyā ū. Beewa legbēapiá Ablahaü buipiò píi póe, i k̄e gbé pó aa Moizi ikoyā kūa n̄tēe no, n̄ gbé pó aale Lua náaike lán Ablahaüwaœ l̄. Ablahaüá wápii dezie. † <sup>17</sup> A de wá dezi ū Lua k̄ii, lá a k̄ea láuwa. Lua mè a aà d̄lē bui dasiø dezi ū. Ablahaü Lua pó i wēni kpa geowá i to pó pó kú yāao ào ku‡ náaike. <sup>18</sup> A Lua náaike, à wedò pó pó gbēe wé d̄giozi, ñ à ḡò bui dasiø dezi ū lá Lua òewa à mè, aà buiø aao dasi lán saanaowá. <sup>§</sup> <sup>19</sup> Ablahaü k̄a w̄e baso taawa. Baa tó à láasookè a ḡök̄eb̄saiwa n̄ Sala neasakpe kákao, aà luanaaikēa lí busao. \* <sup>20</sup> Ili seake lé pó Lua gbēewao, i gí Lua náaikeio, ñ à gbāa'è a luanaaikēawá à Lua t̄ob̄, <sup>21</sup> asa a d̄ a fēa v̄io, Lua gbāa k̄a à lé pó á gbēpi ke. <sup>22</sup> Ayāmeto Lua tò yá b̄baàñō na. <sup>23</sup> Wi yá b̄aaàñō napi k̄e aà yáie adoo, <sup>24</sup> wa k̄e wá gbé pó Lua a to yá b̄owano naø yáie l̄, wá gbé pó wále Lua pó wá Dii Yesu b̄ò gau náaike. <sup>25</sup> Lua aà kpàmá k̄e à e wá t̄aae k̄ewá yáie, † ñ à aà b̄ò gau, k̄e yá e b̄owano na yáie.

## 5

### K̄ea na n̄ Luao

<sup>1</sup> Lá Lua tò yá b̄owanø na a náai pó wále k̄e yáie, wá naaàñō sa n̄ wá Dii Yesu Kilisi gbāao. <sup>2</sup> Aà náaike guu wa ze'è aà sabai wa ḡeLua gbēke pó wá kuopi guu, ñ wále p̄onake n̄ Lua gawi pó wá wé d̄cio. <sup>3</sup> I k̄e bee ado no, wále p̄onake n̄ wá taasikeao l̄, k̄e wá d̄ taasikea i mó n̄ menao, <sup>4</sup> mena i mó n̄ dàa maa, dàa maa i mó n̄ wedøa Luazio, <sup>5</sup> mé wedøa Luazipí fama v̄io, asa Lua a Nisina p̄isi wá n̄søeu, ñ a tò wá d̄ a yewázi. <sup>6</sup> Wá gbāasai guu Kilisi gá wá vāikenø wá gbēu ḡò pó Lua d̄lēwa. <sup>7</sup> Baa gaa gbēmaa gbēu àao. Tó gbé a we ga gbēmaa gbēu, wá d̄o, <sup>8</sup> ñ Luab̄lōwēe lá á yewázi, asa wá duundek̄e guu ñ Kilisi gá wá gbēu. <sup>9</sup> Lá wa b̄o maa sa Kilisi au yáie, Kilisipi wá sia Lua p̄kūmawa sea v̄i l̄e? <sup>10</sup> Yää wá ií n̄ Luaoe, ñ wa k̄eaàñō na aà Né gaa yáie. Lá wa k̄eaàñō na sa, wá suabaa aà kua wēni guu yáie sea v̄i l̄e? <sup>11</sup> I k̄e bee adoo, wále p̄onake n̄ Luao l̄ n̄ wá Dii Yesu Kilisi pó tò wa k̄eaàñō na gbāao.

### Kilisi yaleeüa n̄ Adamuo

---

§ **4:13** Daa 17.4-6, 22.17-18, Gal 3.29   \* **4:14** Gal 3.18   † **4:16** Gal 3.7   ‡ **4:17** Daa 17.5   § **4:18** Daa 15.5   \* **4:19** Daa 17.17   † **4:25** Isa 53.4-5

<sup>12</sup> Gbé mèndo mé tò duuna gè dúnia guu,\* ᳚ duuna ga i.<sup>†</sup> Beewa ga lì gbépiia, ké gbépii duunakè yái. <sup>13</sup> Duuna ku dúnia guu e Lua ikoyá àò gé mói. Goo pó ikoyá kuo, Lua i duuna yādoo, <sup>14</sup> áma sea Adamuwa e à gè pè Moiziziwa ga ikokè gbépiwa, baa gbé pó aai duunake lán Adamu zāayāwawao. Adamupiá gbé pó a mō taae.

<sup>15</sup> Ama Lua gba muua ní Adamu tåaeoo, asa lá dasi gà Adamu ado zää yáwa yái, Lua gbékè ní a gba pó lì dasila Yesu Kilisi ado gbékè yáio de beea. <sup>16</sup> Lua gba muua ní gbé mèndo duunapioo. Tåae mèndopi mé mò ní yákpalékéao, ᳚ yá zòle gbénazinawa. Tåae mò ní Lua gbékékéanéo, ᳚ yá bò ní gbé na. <sup>17</sup> Lá Adamu ado tåae mé tò ga ikokè, Yesu Kilisi ado yá pó à mòò zòo de beea. Aà yái gbé pó Lua gbékékèná a tò yá bò ní na gba üo kible àizäna guu. <sup>18</sup> Beewa lá tåae mèndopi tò yá zòle bui píwa, màa lɔ maakea mèndopi i to bui píi bɔ maa, aai àizänable. <sup>19</sup> Lá gbé mèndo swágbää mé tò dasi gò duundeo ū, màa lɔ gbé mèndo yämaa mé a to dasi bɔ maa. <sup>20</sup> Ikoyá mò ké tåae e àò káfi yái. Lá duuna lé káfi, Lua gbékè i diadié. <sup>21</sup> Lá duuna kiblea mò ní gao, màa lɔ Lua gbékè kiblea i to wà bɔ maa, wí àizänable ní wá Dii Yesu Kilisi gbääo.

## 6

### *Wá naa Kilisiwa*

<sup>1</sup> Wá o kpelewa ni? Wá gi wàò te duunawa ké Lua gbékè e àò káfi yà? <sup>2</sup> O'o! Aawo! Wá gbé pó wá de geo ū duuna yá musu, kpelewa wá gi wàò te duunawa lɔi? <sup>3</sup> Wá gbé pó wa da'ilékè Kilisi Yesu pó ū, á dɔ ké wá sänuaànó aà ga guuo lé? <sup>4</sup> Wa gaaànó, wà wá víaànó da'ilékèa guu, lá Kilisi bò gau ní a Mae gbää gawideo, ké wápió sɔ wàò kú ní wëni dafuo màa.\* <sup>5</sup> Lá wa naawà lán sàwakula ní gbalaowa aà ga guu, wá gñaànó màa aà vua guu lɔ. <sup>6</sup> Wá dɔ ké wà wá kua zi pà lipääkɔawa ní Kilisio, wá mè duunde i midé, ké wásu wàò zooble duunaë lɔo, <sup>7</sup> asa gbé pó gà bò duuna yáue. <sup>8</sup> Lá wa ga ní Kilisio, wá a náai ví ké wáo kuaànó lɔ. <sup>9</sup> Wá dɔ lá Kilisi bò gau, a gaa ví lɔo, ga iko vïwà lɔo. <sup>10</sup> Asa ké à gá, à gá duuna yá musu gën doe, mé lá a ku tia, a ku Lua pó ū. <sup>11</sup> Màa ápió sɔ, à ázìa dile geo ū duuna yá musu, ío ku Lua pó ū naa Kilisi Yesuwa. <sup>12</sup> A yái ásu to duuna kible á mè gewa, a dóé'li dɔaaé lɔo. <sup>13</sup> Asu à á megue kpa duunawa vãikeyo ūo. A ázìa kpa Luawa gàbó ū, í á megue kpawà yämaakebó ū. <sup>14</sup> Asu to duuna àò iko vïwá lɔo, asa á na ikoyá ɔzlo, sema Lua gbékè.

\* 5:12 Daa 3.6    † 5:12 Daa 2.17    \* 6:4 Kls 2.12

<sup>15</sup> Kpelewan wei? Lá wá kú ikoyā ɔzí lōo, sema Lua gbēke ɔzí, wá o te duunawa yà? O'o! Aawo! <sup>16</sup> A dō tó a ázìa kpà gbéwa, ále misiileè, á de ade zo ūo lé? Tó duuna a ázìa kpàwà, á gae. Tó a misiile Luae sō, á bō maa. <sup>17</sup> Wa sáaukè n̄ Luao, asa duuna zōon á ū yāa, ɔ a misiile yá pó wa dàé zézee n̄ nòsemendoo. <sup>18</sup> A bō duuna yáu, a gō maakea zōo ū. <sup>19</sup> Málē bee o gbēnazina yā'oawa á gbāasai yáie. Lá a á me kpà yāa gbāsī n̄ yāvāiowa zōo ū, a vāikè, māa tia lō à á me kpa maakeawa zōo ū, á kua iō adoa. <sup>20</sup> Ké á de duuna zōo ū yāa, á bāa kú n̄ yāmaakeaoo. <sup>21</sup> Ai kpele á è yá pó á kē yāa, á kēé wiyā ū tiaç musui? Yápiç midéaá gae. <sup>22</sup> Tiasa lá a bō duuna yáu, ále zōble Luae, ài pó á e mé kua adoa pó a midé n̄ wēni láasaio ū. <sup>23</sup> Duuna aseaá gae, ãma gba pó Lua i dawēe naa wá Dii Kilisi Yesuwa guu mé wēni láasai ū.

## 7

### Wá kú Moizi ikoyā ɔzí lōo

<sup>1</sup> Ma gbēo, málē yā'oé lán gbé pó Moizi ikoyā dōwa. A dō kē ikoyāpi iko vī gbéwa gō pó a ku noa? <sup>2</sup> Māa ikoyāpi nōzāe yē a zāwa gō pó a bēe. Tó gō gā, ɔ ikoyāpi i polowà. <sup>3</sup> Gō pó aà zā kú, tó à gō gō pāle pó ū, wa oè dōe'iidē. Tó aà zā gāe sō, ikoyāpi pōlowàn we. Tó à gō gō pāle pó ū sa, beeá dōe'ii yán lōo. <sup>4</sup> Māa ápiç sō ma gbēo, a ga ikoyā musu Kilisi me guu, ɔ a gō gbé pó bō gaupi pó ū, kē wà e kāflakè Luae. <sup>5</sup> Ké wá dàa dōaawēe yāa, ikoyā mé tò duuna ni wá dé wá me guu, ɔ wa kāflakè gae. <sup>6</sup> Tia sō wa ga pó pó wá kú zo ūpi yá musu, wa bō ikoyāu, ɔ wále zōble Luae zé dafu guu n̄ aà Nisina gbāao, i ke ikoyā lá zé zi no.

<sup>7</sup> Wá o kpelewa ni? Lua ikoyāá duuna yà? Aawo bá! Ikoyāpi mé tò ma duuna dō. Tó ikoyā i me wasu pó biikéoo,\* dō mi dō lá pó biikéa deo. <sup>8</sup> Duuna zekii è yá pó Lua dīlēpiwa, ɔ a tò pōpii ni ma de. Asa kē má ikoyā dōo, duuna demee yāe ūo. <sup>9</sup> Yāa kē má ikoyā dōo, má bēee. Ké ma yādiléapi mà, duuna vù iu, <sup>10</sup> ɔ ma ga. Yādiléa pó de à wēni kpaapi ga īmee. <sup>11</sup> Duuna zekii è yādiléapiwa, ɔ à ma sāsā à ma de yāpi sabai. <sup>12</sup> Beewa ikoyāpi kua adoa, mé yá pó Lua dīlēpi kua adoa, a zevi mé a maa. <sup>13</sup> Yāmaa mé tò ma gaa? Aawo bá! Ké duuna e bō gupuau, ɔ à yāmaa mōaokè, a tò ma ga. Beewa wa duuna dō duuna ū yādiléapi sabai.

### Zikaa n̄ duunao

<sup>14</sup> Wá dō kē ikoyāpiá Lua yāe. Mapi sō, dàaden ma ū, má na duuna ɔzí. <sup>15</sup> Miliç yá pó málē ke gbadōo, asa mili yá pó má ye

\* 7:7 Boa 20.17

mà ke keo, yá pó má ye mà keo ɔ mi ke.† 16 Tó yá pó má kè i kpaai ní ma pœāoo, ma we ikoyāpi maakei. 17 I ke mame maled keo, duuna pó kú ma guue. 18 Má dō yāmaa ku ma guuo, ma dàa maao. Miø ye mà yāmaake, áma mili fō má kèo. 19 Yāmaa pó má ye mà ke, mili keo. Yāvāi pó má yeio ɔ mi ke. 20 Tó yá pó má yeio ɔ maled ke, i ke mame maled keo, duuna pó kú ma guue. 21 Má è tó mà ye mà maake, vãi mé i dōaamee. 22 Lua ikoyā mē i kemee na ma sō guu, 23 áma má è iko pale ku ma me guu, iō zika ní iko pó kú ma nōse guuo, a tò má na duuna iko pó kú ma me guu ozi. 24 Ma wēnade ia, déme a ma si ma mè gee beewai? 25 Ma sāaukè ní Luao! N wá Dii Yesu Kilisi gbāao. Beewa ɔ mi zōble Lua ikoe ma làasoo guu, mé mi zōble duuna ikoe ma dàa guu.

## 8

### *Ziblea n̄ Lua Nisīna gbāao*

1 Yá a zōlē gbé pó aa naa Kilisi Yesuwaowá lōo, 2 asa naa Kilisi Yesuwa Lua Nisīna Wēnikpamade gbāao ma bō gbāao pó duuna ní gao lé mōmee guu. 3 Yá pó Moizi ikoyā i fō kèo gbēnazīna gbāasaikē yái Lua kè. A azīa Né zì gbēnazīna ū lán wá duundeowā duuna woloawá yái, ɔ à widà duunawa a Né mepi guu, 4 kē yá pó ikoyā lé weele siana ke wá gbé pó wá dàa lé dōaawēe lōo, sema Lua Nisīnaowā. 5 Gbé pó an dàa lé dōaané i laaidō ní dàa yáwa. Gbé pó Lua Nisīna lé dōaané i laaidō Lua Nisīna yáwa. 6 Laaidō dàa yáwaá gae. Laaidō Lua Nisīna yáwaá wēni ní aafiao. 7 Laaidō dàa yáwaá liisea ní Luao. Ade lí misiile Lua ikoyāeo, a fō seo. 8 Gbé pó an dàa lé dōaané yá lí ká Luaguo.

9 Apio sō, á dàa lé dōaaeo, sema Lua Nisīna, tó a kú á guu slana. Tó gbé Kilisi Nisīna vī sōo, a de Kilisi gbé ūo. 10 Tó Kilisi kú á guu, baa tó á me de ge ū duuna yái, Lua Nisīna deé wēni ūe, \* kē Lua tò yá bōáno na yái. 11 Tó Lua pó Yesu bō gau Nisīna kú á guu,† Lua pó Kilisipi bō gau a wēni kpá á mè gepiwa ní a Nisīna pó kú á guu gbāao.

12 Ayāmeto ma gbē, wá té wá dàai teasi no. 13 Tó á té á dàai, á gae. Tó a á yāvāikeao mīde ní Lua Nisīna gbāao sō, áo ku. 14 Gbé pó Lua Nisīna i dōaané mé Lua néo ū. 15 Asa tāa pó i to wà zōble ní vīao mé diéo, Lua Nisīna pó tò a gō Lua néo ū ɔ á vī, ɔ wi wiile Luawa ní aà gbāao wi me: Baa, wá Mae.‡ 16 Nisīnapi mē i owēe wá sōu Lua néon wá ū. 17 Lá néon wá ū, àizeeblenaon wá ū. Lua

† 7:15 Gal 5.17 \* 8:10 Zaa 6.63 † 8:11 1Kln 3.16 ‡ 8:15 Maa 14.36

àizeeblenaon wá û, wá ble sãnu n Kilisioe. Tó wa taasikèaàno, wáo kuaàno aà gawi guu. §

### *Wedja Lua gawii*

<sup>18</sup> Má è wá fô gôoe bee taasi leeu ní gawi pô Lua a bôowéeo. <sup>19</sup> Lua pôkeao píi wé dô aà néo bôa gupuau i láasai. <sup>20</sup> Asa Lua tò a pôkeao píi gô dôosai. \* I ke an pôeä no, Lua mé kë maa, kë wedjaaaàzi guu <sup>21</sup> dûnia a bôkkpaa pô àle zobleeu, i dèepoo Lua néo gawi guu. <sup>22</sup> Wá dô Lua pôkeao píi lé aauke n wâwão e tia. <sup>23</sup> I ke dûnia ado no, wá gbé pô wa Lua Nisina è gba séia û, wâlé aauke kpáikpái sô e Lua ào gé wá boi, i wá sí a néo û. † <sup>24</sup> Lua wá suabà, kë wá wedja beei. Pô pô wa è n wéoá wedja yâé lô. Démè i wedja pô pô a èi lî? <sup>25</sup> Tó wá wé dô pô pô wi eozi sô, wiç dâ n menaoe.

<sup>26</sup> Beewa sô Lua Nisina i dôwâlé wá gbâasai guu, asa wá wabikea dô a zéwao, 5 Lua Nisina i kulekewéé Luæ n aaup pô a yâ gê oao. <sup>27</sup> Lua i nôse guu e, mé a a Nisina làasoo dô, asa Lua Nisina i kuleke Lua gbéone lá Lua yeiwae. <sup>28</sup> Wá dô kë yâpii i bô maa gbé pô ye Luazioné, gbé pô à n sisi à n sé lá àle yâwao. <sup>29</sup> Asa Lua dîle za káau gbé pô a dôaa n dô bô a Néwa, kë aâo de vlii û dâuna dasioné. <sup>30</sup> Gbé pô à n dîle za kâupiô 5 à n sisi, 5 a tò yâ bò n gbé pô à n sisipiô na, 5 à a gawi lî gbé pô a tò yâ bôñno napioné.

<sup>31</sup> Wá o kpelewa yâ beeo musu ni? Lá Lua zèwanø, démè a bô wá kpei? <sup>32</sup> Lá i gí n azia Néoo, à aâ kpâ wâpii yâi, a wá gba pôpii lôo lé? <sup>33</sup> Déme a bôbô n gbé pô Lua n séci? Luapi mé tò yâ bôwanø na. <sup>34</sup> Déme a yâdawálai? Kilisi Yesu gâ à èa vu. A ku Lua oplaaai, àle kulekewéé. <sup>35</sup> Bôme a wá kë Kilisi yeawáziwai? Taasi ge wétëa ge iadama ge nôana ge taasidekë ge kai ge fënda, an kee a fôe? <sup>36</sup> A ku lá guu wà mè:

N yâi wá kú ga lézî za kôo e oosi,  
wi wá dile lán sâ pô wa n kôlokpaawâ.‡

<sup>37</sup> Yâ beeo píi guu wâlé zible àanno n gbé pô yewázi gbâao. <sup>38</sup> Asa má dô sâasâ kë ga ge wëni ge malaikaô ge tâao ge tia yâ ge zia yâ ge gbâadeo <sup>39</sup> ge musupôo ge zîlepôo ge Lua pôkeao pâleo, an kee a fô wá kë Lua yeawáziwa naa wá Dii Kilisi Yesuwa guuo.

## 9

### *Lua Isailiô seâ*

<sup>1</sup> Mále s̄iana'o naa Kilisiwaε, mále εεtoo. Lua Nis̄ina p̄ó d̄aa ma l̄asooε mé demee yápi seelade ū. <sup>2</sup> Ma p̄osia k̄e z̄ai, ma n̄ose ū yaa ḡoppiiε. <sup>3</sup> Má f̄o wabike Luawa aà ma k̄ Kilisiwa, aà láaikea ma Isaili deeε gbeu. <sup>4</sup> Ampio ᷑ Lua n̄ sé a néo ū,\* à a gawi b̄l̄oné, aà b̄a kúrino, à a ikoyā kpàmá, à lousisia dàné, à legbènē. <sup>5</sup> Aa de Lua gbé káaū buī ū, mé an bui guu ᷑ Kilisi p̄ó de p̄opiia b̄òu gbénazina ū. Om̄e Lua p̄ó k̄u wà a sáaukpa ḡoppii ū. Ami.

<sup>6</sup> I ke yá p̄ó Lua ò lèlε p̄a no, asa Isaili p̄í mé Isaili zálala ū. <sup>7</sup> I ke Ablahaū̄ bui p̄í mé Ablahaū̄pi néo ū Luaeo, asa Lua ò Ablahaū̄ à m̄e, Izaaki buī ᷑ wàli oné aà buī.† <sup>8</sup> Beewa i ke né p̄ó à n̄ i n̄ p̄eāo mé Lua néo ū, né p̄ó à n̄ i Lua legb̄ea musū mé de buipī ū. <sup>9</sup> Asa Lua legb̄e à m̄e: Má ea mo zii maa'i, Sala i ne'i ḡoε ū.‡ <sup>10-12</sup> I ke beeε adoo. Lua i ḡb̄eo se lá àl̄e yáwae, i ke an yáke a yái no, k̄e à n̄ sisie. Beewa k̄e Lebekka s̄iā nos̄i n̄ wá desi káau Izaakio, e à ḡé n̄ ii, e aā ḡé maa ge vâikei, Lua ò Lebekkae a p̄ó b̄ò káau a ḡo n̄ ū ḡb̄e záe.§ <sup>13</sup> Lá a k̄a láuwa wà m̄e: Má ye Yakobuzi,  
Esau s̄õ, má yeio.\*

<sup>14</sup> Wá o kpelewa ni? Yâvâi ku Lua k̄ii yâ? Aawo bá! <sup>15</sup> Asa a ò M̄izie, ḡb̄e p̄ó á ye sùuukeaàñō ᷑ á ke, mé ḡb̄e p̄ó á ye w̄enadžè ᷑ á d̄jè.†

<sup>16</sup> Ayâmeto Lua ḡb̄eo sea i b̄o gbénazina p̄eā guuo ge an k̄oaike, à b̄ò Lua sùuu guue. <sup>17</sup> Asa lá guu Lua ò Falaž̄e à m̄e: Ma n̄ kpa kpalau k̄e mà a gbâa ɔlo ḡb̄eñe n̄ musue, ma tó i li dúniaa p̄í.‡ <sup>18</sup> Beewa ḡb̄e p̄ó a ye sùuukeaàñō i k̄eaàñoe, mé ḡb̄e p̄ó a ye aà swâgbâa kú, i kú.

<sup>19</sup> A ḡb̄e a ma la, b̄oyâi Lua lé ḡb̄eo tâae el̄i? Dém̄e a f̄o gi Lua p̄eái? <sup>20</sup> N̄ gbénazina ia, dén n̄ ū n̄ gbasa n̄ yázâsi Luawai? Oo a a bona la, b̄oyâi n̄ ma bo k̄ewaia?§ <sup>21</sup> Oobona zev̄i à oo swâde n̄ oo swâsaio bo n̄ ḡi doú p̄ó á tòtooo lé? <sup>22</sup> Tó Lua ye à a p̄okúma ɔl̄oné k̄e aa a gbâa d̄s, mé à mena z̄o k̄e n̄ ḡb̄e p̄ó de à p̄okúmabôbômá à n̄ kaalē s̄õ be! <sup>23</sup> Tó à bee k̄e, k̄e ḡb̄e p̄ó de à sùuukeñño à d̄aa n̄ keke aa ḡe a gawi guū a gawi z̄o d̄s s̄õ be! <sup>24</sup> Gb̄e p̄ó Lua n̄ sisi à n̄ sépiñ wá ū. I ke Yudañe n̄doo, n̄ buipâlēe s̄õ. <sup>25</sup> Lá Lua ò ãnabi Ozee lá guuwa à m̄e:  
Bui p̄ó de ma ḡb̄eo ūo ᷑ má oné ma ḡb̄eo.  
Bui p̄ó má yeñzio ᷑ má̄ yeñzi.\*

\* 9:4 Boa 4.22 † 9:7 Daa 21.12 ‡ 9:9 Daa 18.10 § 9:10-12 Daa 25.23

\* 9:13 Mal 1.2-3 † 9:15 Boa 33.19 ‡ 9:17 Boa 9.16 § 9:20 Isa 45.9 \* 9:25  
Oze 2.25

26 Gua pó Lua òné aa dε a gbé ùo,  
we wa ouné Lua béeipi néo.<sup>†</sup>  
27 Isaia wilè Isailio yá musu à mè:  
Baa tó Isailio dasi lán ísiale ūfāawa,  
an kōnao mé a bo.  
28 Asa Dii a yá pó a ò ke dúniau,  
mè a a midε zezesaiε.<sup>‡</sup>  
29 Lá Isaia dàaa òwa à mè:  
Tó Dii Zigđde i wá buieo to yāao,  
dɔ wa gɔ lán Sɔdɔūdeɔwa,  
wí bo Gɔmɔɔdeɔwa.<sup>§</sup>

*Isailio gia Kilisi baonai*

30 Wá o kpelewaε sa? Buipāleo lé weele Lua to yá bɔníno nao,  
ɔ a tò à bɔníno na. A tò yá bɔníno na a náai pó aa ke yáie. 31 Isailio  
sɔ aale weele Lua to yá bɔníno na ikoyá musu, ɔ i bɔníno nao.  
32 Bóyái ni? Ké aa ye Lua to yá bɔníno na an yákeea yá yáie, i  
ke aà náaikeea yái no. Aa gembole gbe pó i ní pálēwa, 33 lá a kēa  
láuwa:  
Gwa, málε gbe pó i to wà gembole dile Siɔna,  
gbesi pó i to wà fu.  
Wí a gbé pó lé aà náaike kúo.\*

## 10

1 Ma gbé, yá pó má yei ma sɔ guu, málε a wabikε Luawa mè  
Isailio suabaa ù. 2 Má dε a seelade ù, ké aa áiaví ní Lua yáo,  
áma an wé kēao. 3 Asa aa lá Lua i to yá bɔníno na dɔo, ɔ aa i  
weele yá bɔníno na ní nzia gbāao. Aai lá Lua i to yá bɔníno na sio.  
4 Asa Kilisi Mɔizi ikoyá lepàpa, ɔ yá i bɔ ní aà náaikeena na. 5 Lá  
ikoyá i to yá bɔníno na ɔ Mɔizi ò a taalau à mè, gbé pó yápi kúa  
aɔ ku a sabai.\* 6 Lá luanaaikεa i to yá bɔníno na a ò à mè:  
Nsu o n nòseu,  
déme a gé luabe à Kilisi pilaio,  
7 ge déme a gé bēdau à Kilisi bo gauio.  
8 Yá pó a òn ke:  
Yápi kunnɔ kái,  
a kú ní léu ní n nòseo.<sup>†</sup>

Luanaaikεa yá pó wi a waasokpa ɔn yápi ù. 9 Tó ní ò ní léo  
gupuau Yesu mè Dii ù, mè ní a náai vñ n nòseu Lua aà bò gau,  
a n suaba. 10 Asa yápi náai vñia nòseu i to gbé bo maa, mè yápi  
oa ní léo i gbé suaba. 11 A kēa Luayataalau wà mè, wí a gbé pó lé  
aà náaike kúo.<sup>‡</sup>

---

† 9:26 Oze 2.1    ‡ 9:28 Isa 10.22-23    § 9:29 Isa 1.9    \* 9:33 Isa 28.16    \* 10:5  
Lev 18.5    † 10:8 Iko 30.12-14    ‡ 10:11 Isa 28.16

<sup>12</sup> Yudaø n̄ buipâleø dodoa kɔ̄eo, asa ampii an Dii doüe, ī kâfiaké a s̄isinaøne p̄ii. <sup>13</sup> Asa Dii s̄isinaø b̄o p̄ie. § <sup>14</sup> Kpelewa aa aà s̄isi aà náaikeøsaii? Kpelewa aa aà náaike aà yâ masaii? Kpelewa aa aà yâ ma waasokenøsaii? <sup>15</sup> Tó wi waasokenø zimâo, kpelewa aa waasokenéi? A k̄ea Lua taalau wà mè: Baonakpanaø m̄o na.\* <sup>16</sup> Ama gbép̄ii i baonapi sio. O Isaia mè: Dii, déme wá yâ s̄ii? † <sup>17</sup> Beewa luanaaikéa ī b̄o aà yâmaa kâie, mé yâpiá Kilisi yâ. <sup>18</sup> Ma mè yóo! Aai mao lé? Aa mà. An l̄o tà dûnia guu p̄ii,  
an yâ'oa gè e t̄oole léwa.‡

<sup>19</sup> Ma mè yóo! Isailiø i dôo lé? Moizi dòaa ò à mè:  
Má tó bui p̄o aa de ma gbé ūo á p̄o feleé,  
má tó á p̄o pa bui wésiadeø yâ musu. §

<sup>20</sup> O Isaia sôdile à Lua ledøeké à mè:  
Gbé p̄o aale ma kâi weeleoø mé ma e,  
ma azia òl̄o gbé p̄o aale ma gbeaoøne.\*

<sup>21</sup> Isailiø yâ musu sô Lua ò:  
Za koo e oosi ma òdò bui swâgbâade p̄o fèmanoozi.†

## 11

### Lua i Isailiø vûaao

<sup>1</sup> Ma mè yóo! Lua azia gbéø vûaa yâ? Aawo bá! Mapi, Isailin ma ū. Ablahaū buin ma ū Béyâmee bui guu.\* <sup>2</sup> Lua i a gbé p̄o à dòaa n̄ dôo vûaao. A Elia yâ p̄o kú lá guue bee dôo lé? Ké à gè n̄ Isailiø yâo Lua kâi à mè: <sup>3</sup> Dii, aa n̄ ãnabiø dède, aa n̄ gbagbakioø dèele. Mâme ma gô mado, ɔ aale ma we.† <sup>4</sup> Lua ò Eliae kpelewa ni? A mè á gbé p̄o aai kûle tâaæoø kûa a p̄o ū gbéøn ðaasosso lee sopla (7.000).‡ <sup>5</sup> Mâa an kôna p̄o Lua n̄ sé a gbéke guu gô gbâ l̄o. <sup>6</sup> Lá à n̄ sé a gbéke guu, i ke an yâkeø yâi no. Tó màa no, dô Lua gbékeøaø gbéke ūo. <sup>7</sup> Kpelewan wei? Isailiø i yâ p̄o wâle weele eo, ãma an gbé p̄o Lua n̄ séø è. Gbé kiniø nòse tâta, <sup>8</sup> lá a k̄ea láuwa wà mè:

Lua kemazl'ū kpâñzi,

ɔ an wé lé gu'eo,

an swâlé yâmao e n̄ a gbâo. §

<sup>9</sup> Davidi ò l̄o:

To an dikpekeøa gôñé bai ū, wà n̄ kû,  
to à yâ'iné, wà t̄osimá.

<sup>10</sup> To an wé siakû ké aasu gu'eo,

§ **10:13** Yoë 3.5 \* **10:15** Isa 52.7 † **10:16** Isa 53.1 ‡ **10:18** Sou 19.4 § **10:19**  
Iko 32.21 \* **10:20** Isa 65.1 † **10:21** Isa 65.2 \* **11:1** Flp 3.5 † **11:3** 1Kia  
19.10 ‡ **11:4** 1Kia 19.18 § **11:8** Iko 29.3, Isa 29.10

to an wó gō koolonno gōopi. \*

<sup>11</sup> Ma mè yóo! Ké Isailiō fùa, aa lèlè míomíō yà? Aawo bá! An tāaeō yái Lua buipāleō suabà, ké Isailiō nòse fele yái. <sup>12</sup> Lá an tāaeō mé tò dúnia káflia è, mé an léléa mé tò buipāleō káflia è, tó Isailipio sù ní pá ziu, wa bee o lba?

<sup>13</sup> Málē yā'o á buipāleone sa. Lá má de zína ū á buipāleō kíi, máo ma zí sáaukpaε, <sup>14</sup> ké mà azla buiō nòse fele, mí ní gbēeō suabaε. <sup>15</sup> Lá Lua gia Isailiōzi mé tò dúnia kēanō na, tó à èa ní sí lō, bee aō dēai? Bee aō de wēni ū geonée.

<sup>16</sup> Tó wà pówen káau kpà Luawa, <sup>†</sup> a búu gò aà pó ūe. Tó lízina de Lua pó ū, a gōnaō de aà pó ū lōe. <sup>17</sup> Lua kuli zálala gōnaeo zōzō, ñ à n gbé pó ní de kuna lí ū pè an gbeu, ké ñyō kú n kuli maa zína gbāao. <sup>18</sup> Nsu saka kuli zálala gōna pó a zōzōguo. Kpelewa ñyō ìanadai? N kú lízina sabaiε, i ke lízina mé kú n sabai. <sup>19</sup> N mè à ligōnapiō zōzō ké à n pè an gbeu yáiε. <sup>20</sup> Māae, à n zōzō ké aai a náaikεo yáiε. Mpi sō n gō n luanaaikεa yái. Nsu wala kεo. Laaika! <sup>21</sup> Lá Lua i gí lí zálala gōnaō zōzōio, a gí n zōi sō. <sup>22</sup> Gwa lá Lua maa mé a pāsī. A pāsī ní gbé pó aa fùwaō, mé a maane, tó n ze ní aà maa. Tó māa no, a n zō sōe. <sup>23</sup> Tó Isailiō ní luanaaikesai tò, a ea ní pé n gbeue, asa a ní pea ní gbeu gbāa vī. <sup>24</sup> Lua n zō kuna líwa à n pè kuli zálalawa, lá wili kεowa. Lá a kè māa, kù ligōn zálalaō ea pea ñzila líwa zevī de beelao lé?

### Isailiō suabaa gbeza

<sup>25</sup> Ma gbéo, má ye aò asiiyāε bee dō, ké á wé su aò sia, à ázìa dile waladeo uo yái. Isaili kíniō swá gbāakù già e buipāleō gēa kpala pó bò Lua kíiu lé kaε. <sup>26</sup> Bee gbea Lua a Isailiō suaba píi lá a kēa láuwa wà mè:

Suabana a bɔ Siɔna,  
a Yakɔbu buiō kē luadɔsaiwa.

<sup>27</sup> Ma bàakuańno

gō pó má ní duuna kēmá yán we.‡

<sup>28</sup> Baona yá musu aa de Lua ibeeo ū á yái. Lua gbéo sea yá musu aa de Lua yenzideo ū an dezio yái. <sup>29</sup> Asa Lua lí déndōmee kε gba pó á dào ní gbé pó a ní sisi a ní séo yá musuo. <sup>30</sup> A buipāleō i Lua yāma yāao. Tiasa Lua sùuukèáno ké Isailiō i aà yāmao yái. <sup>31</sup> Māa Isailiō lé Lua yāma tiao, ké Lua e sùuukèáno, i gbasa sùuukèńno. <sup>32</sup> Lua yāmasai kpà gbépiizi, ké aà e sùuukèńno píi yáiε.

<sup>33</sup> Lua ñno ní a dōao zōkε lé vīo.

Gbēe yá pó àlē yá yāasi dō píio.

Gbēe a fɔ à aà ze bɔolekeo. §

\* **11:10** Sou 69.23-24      † **11:16** Nao 15.20-21      ‡ **11:27** Isa 59.20-21  
Isa 55.8

34 Démē Dii làasoo dɔ̄i?  
 Démē yādāè aà ledamade ui?\*  
 35 Dé Dii flasèwà a gbasa boèi?†  
 36 Pópii bò aà kíie,  
 aa kú n aà gbāao,  
 mé aa ku aà pó û.‡  
 Wào aà tɔ̄bo gɔ̄opii. Ami.

## 12

### Zikəa Luaε

<sup>1</sup> Ayāmeto ma gbéo, lá Lua wēnadžwēe màa, ma wabikewá à ázia kpawà sa'obø bée sāasai pó i kaaàgu ū. Beewa wí kúleè a zéwa. <sup>2</sup> Asu te dūnia tiae bee tufaio. A to Lua á lile, á làasoo i dafukü, kék à e à aà pœa dɔ̄, yá pó maa mé i keè mé à àsaa.

<sup>3</sup> Gbéké pó Lua kémee yái ɔ mále o ápiie, ásu ázìa maabo de a maa léao. A baade azìa dile a siána léu, lá Lua aà gbà zé aà a náaikewa. <sup>4</sup> Gbénazína mè mèndo guo ví dasi, an baade n a zìoe. <sup>5</sup> Måae, baa n wá dasikeo, wá me doúnaa Kilisiwaε, wá de kó meguo ū.\* <sup>6</sup> Wá gba dodoa kóe lá Lua dàwēe a gbéké guuwa.† Tó ãnabikekègba n ví, ke n luanaaikéa léu. <sup>7</sup> Tó dɔnlédeké, dɔnlé. Tó yádaanéé, dané. <sup>8</sup> Tó ledaamae, damá. Tó gbadaae, da bliisai. Tó døaanaké, ke n áiao. Tó wēnadžanéé, dñé n pønao.

<sup>9</sup> Aø yekçi n nòsemendoo. A miké vãiwa, í ze n maa. <sup>10</sup> Aø gbéké ví n kó nana. Aø kó kpela n pønao. <sup>11</sup> Aø áiaví zígbiasai, á me iø wää Dii zí guu. <sup>12</sup> A pønaké yá pó á wé døi yá musu. A menafø taasikéa guu. A mèkpa wabikeawa. <sup>13</sup> A dɔnléké Lua gbé pó pó lé késámáne. A wetá n niboføao. <sup>14</sup> A samaa'o á iadamadeone. A samaa'oné, ásu n kao.‡ <sup>15</sup> A pønaké n pønakena. A ólo n cclona. <sup>16</sup> A nòsedouké n kó. Asuli denlaweeleo. A gbékpa n yéeesaide. Asuli ázia dile yādñao ūo.§ <sup>17</sup> Asuli vái fiabo n vāioo. Ali yá pó maa gbépiie ke. <sup>18</sup> Tó a ke, àø na n gbépiio lá á fí léu. <sup>19</sup> Ma gbé yenzide, ásuli tøsi gbéwao, à aà tó n Luao. A ku lá guu wà mè:

Dii mè áme á tøsimá,

áme á fiaboné.\*

<sup>20</sup> Tó nɔana lé n ibee de, ble kpawà. Tó imie, n aà gba i. Tó n kë màa, níle aà o kaè a léue.† <sup>21</sup> Nsu to vái zibilemao. Zi blewà n maa.

## 13

### Misiilea bùsu gbäadeone

---

\* **11:34** Isa 40:13    † **11:35** Yob 41:3    ‡ **11:36** 1Kln 8:6    \* **12:5** 1Kln 12:12  
 † **12:6** 1Kln 12:4-11    ‡ **12:14** Luk 6:28    § **12:16** Yaa 3:7    \* **12:19** Iko 32:35  
 † **12:20** Yaa 25:21-22

<sup>1</sup> Gbépii misiile bùsu gbäädeñe, asa ikoe ku Lua lé saio. Lua mé gbääde pó kúo díle pii. <sup>2</sup> Ayämeto gbé pó bò gbääde yá kpé, ade bò yá pó Lua díle kpé. Gbé pó bò ní kpé ñízia dàyäu. <sup>3</sup> I ke maakenaø mé lí víaake kpalablenaoñeo, sema väikenao. Tó ní ye ní víaake gbäädeøo, maake, i n sáaukpa. <sup>4</sup> Gbäädeá Lua zíkenae n aafia yái. Tó n väikè sõ, víaakeè, asa a fënda looa pã no. Lua zíkenae, i tɔsiè väikenawaø. <sup>5</sup> A yái tò a maa àli misiilené. I ke iadama yái ado no, á làasoo yáiø lø. <sup>6</sup> Bee yái i wè'ña kpái sõ, asa gbäädeøá Lua zíkenaoñe, aale zípi keèe. <sup>7</sup> Ali flaboné pii. Ali wè'ña kpá a sinawa, íli á póo lá sí lø. Ali misiile gbé pó de à misiileè. Ali gbé pó de à aà yáda yáda.\*

### Goo kà kai, wà yekõi

<sup>8</sup> Asuli gbéø fia seo, sema yeakõi bàasio. Gbé pó ye a gbédeezi, Lua ikoyá pèewàæ. <sup>9</sup> Wà mè ñsuli wúle ní gbépâle ncoo, ñsuli gbédeøo, ñsuli kpái'oo, ñsuli pó bïlikeo.† Yápiø ní yädilea pâle pó kúo pii kú yáø bee guue wà mè: Nyõ ye n gbédeezi lá nzia wéniwa.‡ <sup>10</sup> Tó gbé ye gbéi, íli väike a gbédeeøo. Yeakõi mé Lua ikoyápapaa ü.

<sup>11</sup> A ke màa, asa á goo pó wá kuwàe dõ. A vua iu goo kà, asa wá suabaa kái tia de goo pó wa Yesu náikèla. <sup>12</sup> Gwâasîna kà zà, gudøa mé kái. Wà gusia yá kóle, wí gupua gôkebøo sélé. <sup>13</sup> Wào kú wá dòowa fâane gbéø ù lalasi kçø ní wédekeao sai nôdâakpaa ní wisaiyão sai, lekpaa ní zaakñuo sai. <sup>14</sup> A Dii Yesu Kilisi ñlesé. Asuli tó á dàa zi døaaé à døe'li keo.

## 14

### Kõ tâae'ea

<sup>1</sup> A gbé pó buse luanaaikæa guu dile yákelesai. <sup>2</sup> Gbéø kúa á fô pöpii ble, mé gbé pó a luanaaikæa buse lí nòo soø.\* <sup>3</sup> Gbé pó i pöpii ble suli saka gbé pó lí pöpii bleoguo, mé gbé pó lí pöpii bleo suli gbé pó i pöpii ble tâae eo, asa Lua aà sïe. <sup>4</sup> Dén n ù ké ñle gbépâle zíkena tâae ei? Tó a fô ge a fôo no, aà Dii yáø. A fô, asa Dii gbää a to aà fô. <sup>5</sup> Gbéø kúa goo na dekøa, mé gbépâle kúa gooøii sáae. Baade a sõ dadoø ní yá pó à zèøo. <sup>6</sup> Gbé pó i goo bø i bø Dii yáie. Gbé pó i pöpii ble, i ble ní Dii gbääøe, i Lua sáaukpa. Gbé pó i pö tê i tê Dii yáie, i Lua sáaukpa. <sup>7</sup> Gbéø líø ku azia yáio, gbéø lí ga azia yáio. Tó wá kú, wá kú Dii pó üe, <sup>8</sup> tó wa ga, wa ga Dii pó üe. Wá kún nò, wa gan nò, wá de Dii pó üe. <sup>9</sup> Asa Kilisi gá à vù ké ào de gyaadeø ní gbé bëø Dii üe. <sup>10</sup> Ké ñle n gbédo tâae

\* 13:7 Mat 22.21 † 13:9 Bøa 20.13-17 ‡ 13:9 Lev 19.18 \* 14:2 Kls 2.16

e sõ bẽ? Mpi sõ níle saka n gbẽdogu sõ bẽ? Lua aõ zõlæa a gïnnaa, wápii wí bɔ ze aà aε,<sup>†</sup> <sup>11</sup> lá wa kẽ lá guuwa, Dii mè:  
Lá má kú, gbépii a kúlémee,  
gbépii a ma luake dõ.<sup>‡</sup>

<sup>12</sup> Beewa wá baade a azia yá séle siu Luæe.

<sup>13</sup> A yái wásuli kõ tæae e lõo. Kõ tæae'ea gbeu à zedó ké á yá põ a tó á gbẽdo fu keo. <sup>14</sup> Kua Dii Yesu guu má dõ sääsã ké pœ lío gbâlea ní aziaao. Tó gbé dïlë põ gbâlea, õ lõ gbâleaè. <sup>15</sup> Tó n n gbẽdo nõse ñõkpàè põ põ ní blè yá musu, ní yeaàzio. Ble põ ní blè yái nísu gbé põ Kilisi gâ aà yái ñõkpao. <sup>16</sup> Asu to wà sakaé põ põ maauo, <sup>17</sup> asa kpala põ bò Lua kliá põblea ní imiao yá no. Yâkea a zéwa ní kea ní kõ nao ní põna põ Lua Nisña i inéo yá. <sup>18</sup> Gbé põ lé zõble Kilisié màa yá i ka Luagu, mé wí aà sáaukpa. <sup>19</sup> A yái tò wàli weelé wà na ní kõ, wí o gbaa kâflkõe. <sup>20</sup> Nsu Lua zí ñõkpa ble yáio. Ble píi maae, áma põ põ nýõ ble n gbẽdo fu maaao. <sup>21</sup> Nõosoan nò, wemian nò, yá põ a to n gbẽdo fu píi, a maa n tæe. <sup>22</sup> Yá põ ní a náai ví, nýõ kúa e Lua kli. Baaaden gbé põ yá põ à zedó lí aà sõ vlo û. <sup>23</sup> Tó gbé lé seake ble põ àlë blewa sõ, à azia dàyäue, ké i kpaai ní aà luanaaikæao yái. Yá põ i kpaai ní gbé luanaaikæao duunaæ.

## 15

### Yeakõi wedøa Luazi guu

<sup>1</sup> Wá gbé põ wá gbaa luanaaikæa guu, sema wà gbé busæ fõ an gbâasai guu. Wásuli yá põ i ká wáziagu keo. <sup>2</sup> Wá baade lí yá põ a ka a gbẽdogu ke, ké aà e maakü, i zedó yái. <sup>3</sup> Asa Kilisi i azia pœä keo. A këa Lua taalau wà mè, Lua sõsõa gõë. <sup>\*</sup> <sup>4</sup> Yá põ wa kë yää píi, wa kë ledaawá yái. Yápi i wá gba mena, i wá gba sõ ké wào wedø ziai. <sup>5</sup> Lua põ i ní gba mena, i ní gba sõ to ào nõsedoõke ní kõ lá Kilisi Yesu këwa, <sup>6</sup> i Lua wá Dii Yesu Kilisi Mae tõbo ní nõsemendoo ní ledoõo.

<sup>7</sup> A kõ sí lá Kilisi á sìwà Lua tõbo yái. <sup>8</sup> Málë oé, Kilisi gõ Yudaø dõnlede û, ké à lé põ Lua gbé an dezioné ke, aai dõ Lua náai ví, <sup>9</sup> buipâleø i Lua tõbo aà sùuu yái, lá a këa láuwa wà mè:

A yái tò má n sáaukpa buipâleøne,  
mí n táasile.<sup>†</sup>

<sup>10</sup> Wà mè lõ:

Buiø, à põnake ní Lua gbéø.<sup>‡</sup>

<sup>11</sup> Wà mè lõ:

<sup>†</sup> **14:10** 2Kln 5.10

<sup>‡</sup> **14:11** Isa 45.23

<sup>\*</sup> **15:3** Soü 69.10

<sup>†</sup> **15:9** Soü 18.50

<sup>‡</sup> **15:10** Iko 32.43

Bui píi, à Dii táasile,  
bùsu gbépii à aà tó gbia bɔ. §  
12 Isaia ò lɔ:  
Yese miɔna a vlápa,  
i fele kible buipáleɔwa,  
an wé iɔ dɔaàzi.\*

13 Lua pó gbépii wé dɔi to pɔna ní aafiao pɛewá a náai pó ále  
ke yái, kéké a wedɔaaàzi káfí ní a Nisína gbääao.

### *Pɔlu zikəa Luæe*

14 Ma gbéɔ, má dɔ sásã kéké maakea pèewá, á yápìi dɔ  
wásawasa, á fɔ ledakɔwa. 15 Ma láe bee kéké guu ma yäeɔ kéké ní  
sõo dilea kéké aà dɔágú yái, asa Lua gbékekémee, 16 õ ma gɔ Kilisi  
Yesu zikëna û buipáleɔne. Málë bao pó bò Lua kíi kpáné, kéké  
an kua e aà adoa ní Luapi Nisína gbääao. Málë bee ke Luæe aà  
gbagbaa pó i kaaàgu üe. 17 Ma naa Kilisi Yesuwa guu má fɔ  
ianadã zì pó málë ke Luæe yá musu. 18 Asa má yäe oa vio, mé  
i ke yá pó Kilisi kéké ma kíi bàasio. A tò buipáleɔ Lua yämà ma  
yä'oa ní ma yäkeao guu 19 ní dabudabuɔ ní yábɔnsaeɔ gbääao ní  
Lua Nisína gbääao. Bøa Yelusaleû ma bøbe wéle ní wéle e ma  
pɛeð Ilili bùsuu Kilisi bao kpàwakéa guu. 20 Miɔ ye mà baonapi  
kpa gu pó wi Kilisi yämau yääoe, kéké másu buba gbépále pó  
gåuo yái. 21 Lá a kéké láuwa wà mè:  
Gbé pó wi aà yä'oné yääoo wé a kéké,

gbé pó aai aà bao ma yääoo dɔ.†

22 Yá pó iɔ kpamee mòmò má mò á kíin we.‡ 23 A kà wè üma,  
kéké miɔ ye mà mò á gwai. Tiasa lá yäe ma dɔa bùsuë beeɔ guu  
løo, 24 ma wé dɔi wà wesikɔle sa ma gea Èsipayä bùsuu guu. Tó  
ma gɔplakéáno ní pɔnao, i gé zeimee we. 25 Tia kékéwa sɔ málë gë  
ní dɔnleo Lua gbéɔne Yelusaleû, § 26 asa gbé pó aa ku Masedoni  
ní Gëlesíɔ zèò wà Lua gbé taaside pó aa ku Yelusaleû kámasa  
kae. 27 Aa zèò, ãma teaside, asa lá Yudaø Lua àizee lì buipáleɔne,  
a maa buipáleɔ ní dúnia àizee lì Yudaøne sɔe.\* 28 Tó ma gbapi  
nàné ní ozi má lâa, ma gea Èsipayä guu má bole á kíi. 29 Má dɔ kéké  
tó málë mò á kíi, Kilisi báaa pëeaa guu õ má mówá.

30 Ma gbéɔ, ma naé wá Dii Yesu Kilisizi ní yeakɔi pó Lua Nisína  
í iwëeo, à dëeka aà wabikémee Luawa, 31 kéké aà ma bɔ Yude  
luayädansai guu, mé dɔnle pó málë geð Yelusaleû Lua gbéɔne  
kené pɔmaa û, 32 mí á le ní pɔnao, tó Lua wèi, mí kámabo á kíi.  
33 Lua aafiade aà kúáno ápii. Ami!

---

§ 15:11 Sou 117.1 \* 15:12 Isa 11.10 † 15:21 Isa 52.15 ‡ 15:22 Lom 1.13  
§ 15:25 1Kln 16.1 \* 15:27 1Kln 9.11

# 16

## *Fɔkpaa*

<sup>1</sup> Málə wá dāe Febe, Sākele gālideo dōnlēde sāaukpaé. <sup>2</sup> A aà si Dii yái, lá a maa Lua gbéo ke ní kōowa. A dōaàle ní pó pó a yei á kíio píi, asa à dōnlékènē dasi ní mapio lɔ.

<sup>3</sup> Ma fɔkpà Pisii ní Akilasiowa. Ma zílkendeeone Kilisi Yesu zí guu.\* <sup>4</sup> Aa sí ní mi sāale, mapi mà bɔ. I ke máme má adoo, wéle ní wéle eo buipâle gālideo lé ní sáaukpa píi lɔe.

<sup>5</sup> Ma fɔkpà gâli pó aañ kâaa an kpéu gbéo wa. Ma fɔkpà ma gbé yenzide Epenewa. Aápi mé Kilisi náaikè Azi bùsuu sëia.

<sup>6</sup> Ma fɔkpà Maliamawa. A kɔaikèé maamaa.

<sup>7</sup> Ma fɔkpà Andɔniku ní Zuniaowa. Ma bui pó wá dá kpéu sânuone. Aa tɔbò zînao guu, mé aa naa Kilisiwa ma ãa.

<sup>8</sup> Ma fɔkpà Ampilia pó de ma gbé yenzide ú naa Diiwa guu.

<sup>9</sup> Ma fɔkpà Ubé pó de wá zílkendee ú Kilisi zí guuwa ní ma gbé yenzide Setakio.

<sup>10</sup> Ma fɔkpà Apeléwa, asa náaidee naa Kilisiwa guu. Ma fɔkpà Alisobu bëdeøwa.

<sup>11</sup> Ma fɔkpà ma bui Elodiøwa. Ma fɔkpà Naasisi bëde pó aa naa Diiwaøwa.

<sup>12</sup> Ma fɔkpà Tiféna ní Tifosaowa. Nɔepiø kɔaikè Diiø. Ma fɔkpà Peesidiwa. Nɔe yenzidepi kɔaikè Diiø.

<sup>13</sup> Ma fɔkpà Lufu pó tɔbò Dii zí guuwa ní aà da pó málə gwa ma da ùo.

<sup>14</sup> Ma fɔkpà Asikitiwa ní Felegjø ní Eemeo ní Patobao ní Eemao ní ní Yesude dee pó aa sânuo píi.

<sup>15</sup> Ma fɔkpà Fililøguwa ní Zulio ní Neleo ní aà däeo ní Olimpao ní Lua gbé pó aa sânuo píi.

<sup>16</sup> A fɔkpakøwa ní Lua gbéo lépeakøwao. Wéle ní wéle eo Yesudeo fɔkpawá ní pii.

## *Lezaama*

<sup>17</sup> Ma gbéo, málə oé, à laaika gbé pó aa bò yá pó á dada kpeøzi. Aañ gbéo kékøwa, aañ gbéo sásã. A kémá, <sup>18</sup> asa gbé bee taao lí zóble wá Dii Kilisiøo, sema ní gbeeyá. Aañ yäesaideo sásã ní lenao ní yädjø. <sup>19</sup> Gbépii á misiilea Diiø bao mà. Málə pønake á yá musu. Má ye ào maakea ño vî, ío wésiadeo ú vâikea musu. <sup>20</sup> Lua aafiade a Setau úlø á gbá zíe tia. Wá Dii Yesu gbékekeé.

<sup>21</sup> Ma zílkendee Timøtee† ní ma buio Lusiu ní Zasjø ní Sosipateøo fɔkpawá. <sup>22</sup> Ma Teeü, ma gbé pó ma lápi kë, ma fɔkpawá naa Diiwa guu. <sup>23-24</sup> Ma uabele Gaiusi‡ pó Yesudeo

\* **16:3** Zin 18.2   † **16:21** Zin 16.1   ‡ **16:23-24** Zin 19.29

í kääa aà bε fɔkpàwá. Wéle ɔ'ulena Elasa fɔkpàwá ní wá gbēdo Kaatuo.

<sup>25</sup> Lua a fɔ á gba gbää lá a ku Yesu Kilisi bao pó mi kpa guuwa. Asiiyäpi ulεa za kääue, <sup>26</sup>tiasa ɔ Lua pó ʃo ku gɔɔpii dǐlε wá yá pó kú ãnabiɔ lá ɔ guupi bɔ gupuau, ké bui píi e dɔ, aai Lua náaikε, aa gɔ aà yãmanao ũ. <sup>27</sup> Wá Lua mèndona ɔnɔde tɔbɔ ní Yesu Kilisi gbääo e gɔɔpii! Ami.

## KOLENIDEɔ LA SESIA Yá pó kú láe bee guuɔ

Pɔlu wéleg ea gèn plaade guu à kè Gεleki wéle pó wí mε Koleni mɔ bao plasaiε, ɔ tāagbagbanaɔ nòselile aa gè Yesu gāli pó a dàale we guu.

Kolenideɔ lé namable godɔkii pó kú weɔ yái. Gbέɔ lé laata maamaa, fεlεkaayā gbāané, mε yādɔnaɔ n̄ lousisizeɔ n̄ wi-saiyāɔ di wee lɔ. Yá'lapiɔ Yesu gāli dafunapi lè, ɔ Pɔlu lé dēeka à a gbépiɔ si yāvāpiɔwa.

Pɔlu taa gbea iɔ Kolenideɔ bao ií ma mòomoo, ɔ à bílikè n̄ yáwa. Bee mε tò à lakènε e gèn siiɔ. Bibeli lá mèn plae, mε à a pāleɔ yā'ò 1Kln 5.9 n̄ 2Kln 2.3, 7.8 guu lɔ.

Láe bee guu fɔkpaaamá n̄ Lua sáaukpaa gbea (1.1-9), Pɔlu ònε aa sùuukε, aasu kɔkpaa lɔo (1.10-4.21), aa wisaiyā bɔ n̄ gāli guu (5), aa kámabo n̄ kɔgbεaa yákpaleu gbāade luadɔnsaiɔ kíio (6.1-11), aa mikε gbāsikεawa (6.12-20). Bee gbea à yá dasi pó aa gbèawaa wèwemá:

Nɔseea yá (1ee 7)

Sa'onɔɔsoa n̄ lá wa kε tāa yá musuo (8.1-11.1)

Nɔeɔ pòkummusukεa yá n̄ Dii bleblea yáo (11.2-34)

Lua Nisina gbaɔ yá (12-14)

Geɔ vua yá (15)

Lápi yá mǐde n̄ baoeɔ, gbέɔ kámasa pó wàle ká n̄ yá pó Pɔlu a zekàlεɔ n̄ fɔ pó a kpàkpamáɔ (16).

Kua dúnia guu yá'lapiɔ musu píi, Pɔlu ledàmá an bɛɛbosai. A ɔloné lá Kilisi náaikεa i tó gbé bɔ yápiɔ guu. Yeakɔzi mε de a píia (13).

### Pɔlu fɔkpaa Kolenideɔwa

<sup>1</sup> Mámεmaa Pɔlu, Lua ma sisi à ma se a pɔeāwa, ma gɔ Kilisi Yesu zìna ū. Mapi n̄ wá gbédo Sɔsenio, <sup>2</sup> wámε wa láe bee kè Lua gālide pó kú Kolenideɔne.\* Lua á sisi a gɔ a gbέɔ ū, á kua adoa naa Kilisi Yesuwa n̄ gbé pó iɔ wá Dii Yesu Kilisipi sisi gupiiuɔ, wá Dii doûdeɔ. <sup>3</sup> Lua wá Mae n̄ Dii Yesu Kilisio gbékεkeé, aai á gba aafia.

<sup>4</sup> Miɔ Lua sáaukpa gɔɔpiii á yá musu gbékε pó a kèé á naa Kilisi Yesuwa yái. <sup>5</sup> A naawà guu pɔpiii kàflíé, yã'oa píi n̄ dɔa píio, <sup>6</sup> asa wá Kilisi yá'oaé zèdɔ á guu, <sup>7</sup> ɔ Lua Nisina gbae i késāwáo, gɔɔ pó á wé dɔ wá Dii Yesu Kilisi mɔai. <sup>8</sup> Wá Dii Yesu Kilisipi a to à

\* 1:2 Zin 18.1

ze gbāa e a léwa, ío ku tāaesai aà mōgōo. <sup>9</sup> Lua náai vī. Óme á sisi à gbékpa ní a Né Yesu Kilisi wá Dii.

### *Kɔleni Yesudeo kɔkpaalecta*

<sup>10</sup> Gbék, ma awakpàé ní wá Dii Yesu Kilisi tóo, àò ledoú vī ní kőo ápii, ké kɔkpaalecta e láa á guu, í nakɔwa ní làasoo doõo ní nɔsemendoo. <sup>11</sup> Má mà Koloe gbék kíi, yâkele kú á guu. <sup>12</sup> Lá má mân ke: A gbēeo mè wà zémanc. Gbēeo mè wà zè ní Apolooo.† Gbēeo mè wà zè ní Pieeo. Gbēeo mè wà zè ní Kilisio. <sup>13</sup> Kilisi kpaalcta yà? Wà ma paliwa á yáia? A da'ilekè ní ma tóo yà? <sup>14</sup> Ma Lua sáaukè, ké mi á gbēe da'ilekèo, sema Kilisipu ní Gaiusio bàasio.‡ <sup>15</sup> Lá maae, gbēe a e o a da'ilekè a gɔ ma iwa ūo. <sup>16</sup> Ao, ma Sefana bedes da'ilekè lɔ. Bee bàasio, tó ma gbēpale da'ilekè, a dɔmagu lɔo. <sup>17</sup> Kilisi i ma zì gbé da'ilekèa yáio, sema a bao kpàwakæe. I ke ní yādɔo no, ké aà gaa líwa su ke famao yáie.

### *ɔnɔ buina ní ɔnɔ slanao*

<sup>18</sup> Kilisi gaa líwaá mísaiyæ gbé vüaaaaon. Wá gbé pó Lua lé wá suaba sɔ, a dewee aà gbāa ū. <sup>19</sup> A kēa Lua taalau wà mè: Má ɔnɔnao ɔnɔ midè,

má wezènao wezè suumpa.§

<sup>20</sup> ɔnɔna ku máe? Ladɔna ku máe? Dúnia tiae bee yápiidɔna ku máe? Lua i dúnia ɔnɔ dile mísaiyæ ūo lé?\* <sup>21</sup> Lua ɔnɔ guu, i to dúnia gbék a dɔ ní nzia ɔnɔoo. A kàaàgu à gbé pó aale a náailæ suaba waaso pó wa dîle mísaiyæ úpi musu. <sup>22</sup> Yudaø ye dabudabui, Gelekio i ɔnɔ weele, <sup>23</sup> wápi sɔ, Kilisi gaa líwa kpàwa wi ke, ɔ Yudaø i fuwà, buipaleo i me mísaiyæ, <sup>24</sup> áma gbé pó Lua ní sisi à ní séo, Yudaø ní Gelekio píi, Kilisi dené Lua gbāa ní a ɔnɔ ū. <sup>25</sup> Lua yá pó dené mísaiyæ úpi de gbēnazina ɔnɔla. Lua yá pó dené gbāasaiyæ úpi de gbēnazina gbāala.

<sup>26</sup> Gbék, à gwa lá á de gɔ pó Lua á sisi. Dāo kíi á daside ɔnɔna ūo, á daside gbāade ūo, á daside kíabui ūo. <sup>27</sup> Lua gbé pó de dúniae mísaidé ūo sè, ké à wida ɔnɔnaowae. A gbé pó de dúniae gbāasaide ūo sè, ké à wida gbāadeowae. <sup>28</sup> A gbé pó dúnia ní dîle kpèe, i sakángu an yá lío kuoo sè, ké à gbé pó an yá li kuoo kpa kpèe. <sup>29</sup> Maa gbēe a e lí ìanadã Lua aeo. <sup>30</sup> Apio sɔ, Lua tò á naa Kilisi Yesuwa, ɔ à gɔ wá ɔnɔ ū. Naa Kilisipiwa Lua tò yá bòwanøna, wá kua adoa mé à wá suabà. <sup>31</sup> Ayāmeto lá a kēa láuwa, tó gbé ye ìanadã, aà dā Dii yá musu.†

† **1:12** Zin 18.24   ‡ **1:14** Zin 18.8   § **1:19** Isa 29.14   \* **1:20** Isa 44.25   † **1:31** Zel 9.23

**2**

<sup>1</sup> Gbéɔ, ké ma mɔ á kíi, ma mɔ Lua yá kpàwakiéε, i ke mi mɔ ɔnɔ gbāa ge lena keiéo. <sup>2</sup> Ma zeò má yæe oéo, sema Yesu Kilisi yá báasio, atësa aà gaa líwa. <sup>3</sup> Ma mɔa á kíi guu ma mɔ ní sɔɔdeedeeo ní viao ní lualuaoe.\* <sup>4</sup> Ma waasokea guu mi yá'o ní lenakeao ge ɔnɔo. Má ò ní gbāa pó Lua Nisína ɔlɔéoe, <sup>5</sup> ké á luanaaikε su bɔ gbēnazína ɔnɔ guuo, sema Lua gbāa.

*ɔnɔ pó Lua Nisína i dané*

<sup>6</sup> N beeo wi ɔnɔyá'ò gbé kàsaaɔnε. I ke dúnia tiae bee ɔnɔ ge a gbāade pó an gbāa lé midεɔ pó no. <sup>7</sup> Lua ɔnɔ wále o, aà pɔeä pó ulεa yáapi. A dàaa dílε wá gawi ea yá musu zadɔ i dúnia kálεo. <sup>8</sup> Dúnia tiae bee gbāadee ɔnɔpi dɔo. Tó aa dɔ yääe, aa Dii gawide páliwao. <sup>9</sup> Lá a kēa láuwa wà mè:

Pó pó wi wesieo,

mé gbēe swá i a yá mao,

mé a làasoo i gë gbēe sɔuo,

ɔnɔLua a sɔukè gbé pó yeaziɔnε.†

<sup>10</sup> Lua ɔlɔwεε ní a Nisína gbāao, asa Nisínapi yápii taasi kúa, baa Lua asii zɔɔ.

<sup>11</sup> Gbēe a dee nɔsε guu yá dɔo, mé i ke aà nisína pó kú aà guu báasio. Måa gbēe Lua nɔsε guu yá dɔo, mé i ke Luapi Nisína báasio. <sup>12</sup> Dúniae bee nisína wá èo, Nisína pó bò Lua kíi ɔ wá è, ɔ wa gba pó Lua dàwεe dì. <sup>13</sup> Yá beeɔ wále o, i ke ní yá pó gbēnazína ɔnɔ i dawεeo no, yá pó Lua Nisína dàwεee. Måa wi Lua Nisína yá bɔɔlekε gbé pó Lua Nisína vñɔnε. <sup>14</sup> Dúnia gbé lí Lua Nisína yáɔ sio, a deè mísaiyá ūe. Ali fɔ ma seo, asa Lua Nisínapi gbāa ɔ wí aà yáze dɔð. <sup>15</sup> Gbé pó Lua Nisína dɔaaaé i yápii zé dɔ, mé gbēe zεví à aà bɛ̄eboo. <sup>16</sup> A kēa Lua taalau wà mè: Démε Dii làasoo dɔ à ledawài? Kási wápiɔ, wá Kilisi làasoopi vñ.‡

**3***Lua zì*

<sup>1</sup> Gbéɔ, mi fɔ yá'òé lá mi o gbé pó Lua Nisína dɔaaaanéɔnewao, ɔ má òé lán dúnia gbéwa, asa nétenaɔn á ū naa Kilisiwa. <sup>2</sup> Ví má kpàwá, i ke ble yɔunde no,\* asa i ka giao. Baa e tia i kao, <sup>3</sup> asa dàadeɔn á ū e tia. Lá á zakɔu, mé á yákele ví, dàadeɔn á ūo lé? A dàa mé dɔaaaé. <sup>4</sup> Ké á gbēe mè a zemano, mé gbépále mè a ze ní Apolooo,† á kú ní ázìa dàaon weo lé? <sup>5</sup> Dén Apoloo? Dén mapi? Zìkënaɔn wá ū, ɔ a Kilisi náaikè wá sabai. Wá baade lé zì pó Dii

\* 2:3 Zin 18.9    † 2:9 Isa 64.3    ‡ 2:16 Isa 40.13

\* 3:2 Ebé 5.12-13    † 3:4

dàe kεε. <sup>6</sup> Ma pɔtɔ,‡ Apoloo ikàwà,§ ɔ Lua tò à gbà. <sup>7</sup> Beewa pɔtɔna n ikawanao d e p o e ū o, sema Lua p o tò à gbà. <sup>8</sup> P o tɔna n ikawanao sáae. An baade a à i'e a z i l é u e. <sup>9</sup> Zidoúkènaɔn wá ū n Luao. Lua bugben á ū, Lua kpén á ū.

<sup>10</sup> Gbékè p o Lua k è m e e m é tò ma ë kpàl e lán ë bon g o idewa, õ gbépâle m ò l e kpépi bo. Baade laaidɔ a kpé boawa, <sup>11</sup> asa gbé e a f ò ëe kpâl e l o, sema ë p o kpâl e a Yesu Kilisi ū k ò b à a s i o. <sup>12</sup> T ò gbé kpépi d ò n vuao ge á n u s u ge gbé b e e e d e ge t ò a d ò n l i o ge z à a ge s e, <sup>13</sup> baade z i s l a n a a b o g u p u u a. Wa e y á k p a l e k e g g o z i, asa gupi a d o n t é o e, m é wa baade z i t a a g w a t é p i g u u. <sup>14</sup> T ò g b é z i p o a k e b ò t é k ù s a i, ade a à i'e. <sup>15</sup> T ò g b é z i t é k ù, a m ú s i e, ade i b o g g i i l á w i b o t é u w a.

<sup>16</sup> A d ò Lua kpén á ū Lua Nis ì n a k u á g u u o l é? \* <sup>17</sup> T ò g b é Lua kpépi ò o k p à, Lua a ade ò o k p a s õ e, asa kpépi kua adoa e, m é á m e á kpépi ū.

<sup>18</sup> Gbékè su azia sásâo. T ò á g b é e l é azia d il e d ú n i a e bee ñ n ò n a ū, a à g ò n é m ì s a i, k é à e ñ n ò k ù. <sup>19</sup> A s a d ú n i a e bee ñ n ò d e L u a e m ì s a i y à ū e. A k ë a L u a t a a l a u w à m è: I ñ n ò n a c k u n k ì k e a g u u. † <sup>20</sup> W à m è l : Dii d ò k é ñ n ò n a c l à a s o o p à. ‡ <sup>21</sup> A y ã m e t o g b é e su ì a n a d à a g b é n a z ì n d e e y á m u s u o. P ò p i i á p ó e: <sup>22</sup> P ò l u, Apoloo, Piee, d ú n i a, w ì n i, ga, tia p ó o, zia p ó o, a p i i á p ó e. <sup>23</sup> A p i o s õ, Kilisi p ò n á ū, Kilisi s õ, Lua p ó e.

## 4

### Kilisi z ì n a

<sup>1</sup> A y ã m e t o à w á g w a K i l i s i z ì k e n a c ū, L u a a s i i y à z i i a c ū. <sup>2</sup> A k ù z i i a c a a c n á a i v ì e. <sup>3</sup> L á á k ù a m a n ò g e t ò g b à a d e o l é y á k p a l e k e m a n ò, i k a m a b a k a n s w à u a ū o. Mili mazia maa g e b è e b o o. <sup>4</sup> Y a e l é m a s õ v ì o, áma bee a m a b o o, Dii m é m a y á k p a l e k e n a ū. <sup>5</sup> A y ã m e t o á s u d ò a a l í g b é e t à a e e Dii m ò g c o saio. Ò m e a g up u a b ii p o p o u l e a g u s i a u w a, i n ò s e y á b o g up u a u. Z i bee baade a m a l á L u a a a s á u k p a.

<sup>6</sup> Y á p o m á ò e e bee, m á ò m a p i n Apoloo y á m u s u e, k é à o y á e bee d ò: Wasu L u a y á b a a v ì o. A g b é e su ì a n a d à à z e n g b é d o o à b o g b é d o k p e o. <sup>7</sup> B ó n d e o ñ l a i? N p o e v ì n z i a e k é w i n g b a o a? W à n g b a, õ n l e ì a n a d à l á w i n g b a o w a a? <sup>8</sup> A k ã n w e k ò a? A k e ò d e o ù n w e k ò a? A l e kible w á sain wea? M á y e à o kible, w ì s ã n u. <sup>9</sup> A s a m á è w á L u a z ì n a c, L u a w á d il e k p e e l á n g b é p o w i n d e d a s i w á a c w a e. D ú n i a g b é p i i w é f ì w á, m a l a i k a c n g b é n a z i n a c p i i. <sup>10</sup> M ì s a i d e o n w á ū K i l i s i y á i, õ n a a K i l i s i p i w a

‡ 3:6 Zin 18.11 § 3:6 Zin 18.27 \* 3:16 1Kln 6.19, 2Kln 6.16 † 3:19 Yob 5.13 ‡ 3:20 Sou 94.11

á dε ſnōnao ūn wea? Wá buse ſ á gbāa vín wea? Wá kpεbøa ſ á kpεlaaa? <sup>11</sup> E tia nɔana n imio lē wá dε, wá kú puizi, wa gø pogbøa ū, besaideo ū. <sup>12</sup> Wi zì gbāa ke e wà kpasa.\* Tó wà wá ká, wi samaa'onée. Tó wà iadàwá, wi ménafð. <sup>13</sup> Tó wà wá sɔsɔ, wi awakpanée. E tia wàle wá dile dúnia bølo ū, gbépii bøsa ū.

<sup>14</sup> Málε yái bee kéké widaawá yái no. Málε á gba laai ma né yenzideo ūe. <sup>15</sup> Baa tó naa Kilisiwa á gwanao kà ūma'ūma, á de'ia dasio. Mámε ma á í n Kilisi Yesu baokpaaeo, ſ á naawà. <sup>16</sup> A yái málε awakpaé, ào ma kea ke.† <sup>17</sup> Ayámeto ma a né yenzide Timtee ūwá. Aápiá náaidee naa Diiwa guu, ſmε a ma naa Kilisiwa kekeá døágú. Yá pó mi da Yesudeone wéle n wéleon we. <sup>18</sup> A gbøeo lē ūanadá lá má mó á gwaiowa. <sup>19</sup> Tó Dii wèi, má mó á gwai tia, mí ūandānapi gbāa e, i ke an yá'o'a no. <sup>20</sup> Asa kpala pó bø Lua kílá yá'o'o yá no, sema gbāa. <sup>21</sup> Kpelewa á yeii? Må mówá n goo yà, ge må mó n yeaázio n nòsenieoe?

## 5

### Gbási gëa Yesudeo guu

<sup>1</sup> Må mà gbási gë á guu, yá pó a taa kú baa luadõnsai guu seo. Wà mè á gbëdo gò a mae nò vi.\* <sup>2</sup> O álé ūanadáa? A kù á pø yaε, í gbé pó yápi kë bø á guu. <sup>3</sup> Mapi, baa tó má kúánøo, á làasoo kua, ſ ma yákpalekè ní gbé pó yápi këo gò lá má kú wewa. <sup>4-5</sup> Tó a kô kâaa mé wá Dii Yesu gbāa kúánøo, mé á kú ní ma làasooo, à gbépi kpa Setäuwa ní wá Dii Yesu tóo, kë aà dàa e midε, aà nisína i bø aafia Dii mózì.

<sup>6</sup> A ūanadáa maaoo. Ké pëes'e se yøona i pëeti zöö sé,† á døo lé? <sup>7</sup> A pëes'e se zi kóle,‡ í gø pëeti dafu ū a se'e se sai, lá à kù ào dëwa, asa Kilisi gá wá Gëamusu sã ūe. <sup>8</sup> Ayámeto wào ku Kàaso dikpékénæ ū sñana guu n nòsepuaoo. Wásu wào ku pëes'e se zi dikpékénæ ū mɔafili n väikeao guuo.

<sup>9</sup> Lá pó má kéké guu ma mè ásuli yáale n nòdákpanao. <sup>10</sup> I ke dúnia nòdákpanao ge bñideo ní gbëblena ge sa'ona no, asa tó gbé beeone, á bø dúnia guue. <sup>11</sup> Aawo, må ðé gbé pó wà mè wá gbé, mé a dε nòdákpana ge bñide ge sa'ona ge leväide ge wëdena ge gbëblena ū, ásu yáalæaànøo, ásu økääaaànøo seo. <sup>12</sup> Ma båa ūma ní yákpalekæ ní Yesusaideo? A zìa gbéo mé kù à yákpalekænøo lé? <sup>13</sup> Lua mé a yákpalekæ ní Yesusaideo. A gbëvåipi bø á guu.§

\* 4:12 Zin 18.3    † 4:16 1Kln 11.1, Flp 3.17    \* 5:1 Iko 23.1    † 5:6 Gal 5.9

‡ 5:7 Bøa 12.15    § 5:13 Iko 17.7

**6***Yákpaleke a n̄ k̄o*

<sup>1</sup> Tó á gbēe yāvī n̄ a gbēdeeo, býyāi ili ḡé yákpalekei n̄ adeo Lua gbēo k̄io, sema luadōnsaī k̄ii? <sup>2</sup> A d̄s k̄é Lua gbēo mé aa yákpaleke n̄ dūniaoo lé? Lá áme á yákpaleke n̄ dūniao, i ka à yá yōonā kekeo lé? <sup>3</sup> A d̄s k̄é wámē wá yákpaleke n̄ malaikaō lé? Wa dūniae bee p̄o l̄a? <sup>4</sup> Tó á yá bee taa kekeā v̄i, ̄s á gbē p̄o aai ka p̄oe ū á gāli guuō se yākekenā ūa? <sup>5</sup> Ma bee ò widaawá yáie. A gbēe v̄i á guu a ̄n̄ō k̄à à a gbēo yá kekenéoa? <sup>6</sup> Sema á gbēdo a gbē s̄isi yákpaleu Yesu náaikensaī k̄ia? <sup>7</sup> Lá á yāvī n̄ k̄o, a zā yáwa k̄ò m̄im̄i. Býyāi i we taiinaio ni? Býyāi i to wā á bleo ni? <sup>8</sup> Ap̄ī i gbē taiink̄e, i gbēble, baa á k̄ot̄ee. <sup>9</sup> K̄é gbē taiinkenā ḡe kpala p̄o b̄ò Lua k̄i guuo, á d̄sō l̄é? Asu áz̄ia sásāo, n̄dāakpanā ge sa'onā ge gbāsik̄enā ge ḡōe káaluuā ge gbē p̄o aāi wúle n̄ n̄ ḡōe deeō <sup>10</sup> ge kpáī ge bl̄idē ge w̄d̄enā ge levāidē ge gbēblenā, an gbēe a ḡe kpala p̄o b̄ò Lua k̄i guuo. <sup>11</sup> A gbēē de m̄aa yāae, ̄s a zu'ò a ḡō Lua p̄o ū, a b̄ō maa n̄ Dii Yesu Kilisi t̄o n̄ wá Lua Nis̄ina gbāao.

*K̄ea gbāsīwa*

<sup>12</sup> I me á yápii kea zé v̄ī. Ama yāē ài v̄io. I me á yápii kea zé v̄ī. Ama ásu to yāe bakaé á n̄iuo. <sup>13</sup> I me l̄o bleá n̄s̄e p̄ōe mé n̄s̄eá ble p̄ōe. N̄ beeo Lua a m̄pii mid̄e. Meá gbāsik̄eb̄ no, Dii p̄ōe, mé Dii mé m̄epi gwana ū. <sup>14</sup> Lua wá Dii b̄ò gau mé a wá b̄ō gau n̄ a gbāao s̄ō. <sup>15</sup> A d̄s k̄é á me mé Kilisi meḡu ūo l̄é? Wa Kilisi meḡu se wā ke káaluwa meḡu ū yā? Aawo! <sup>16</sup> A d̄s k̄é gbē p̄o n̄a káaluawa ḡōaàn̄o medoúo l̄é? A k̄ea Lua taalau wā m̄è, an pla m̄pii aāi ḡō lán sàwakula n̄ gbalaowa.\* <sup>17</sup> Gbē p̄o n̄a Diiwa ḡōaàn̄o nis̄ina doúe. <sup>18</sup> A mik̄e n̄dāakpaawa. Duun p̄ale p̄o gbē ī ke p̄ī, ī ke me guu yá no. N̄dāakpana s̄ō ī yā'i a m̄ee. <sup>19</sup> A d̄s k̄é á me mé Nis̄ina p̄o Lua á gbá a kú á guu kpé ūo l̄é?† A áz̄ia v̄io, <sup>20</sup> Lua á lú à flab̄o. Ayām̄eto à Lua kp̄ela n̄ á meo.

**7***N̄s̄eā*

<sup>1</sup> Lá p̄o á k̄é yá musu, tó ḡōe kú ɔnan̄ēwa sai, a maae. <sup>2</sup> Ama k̄é n̄dāakpaa di yái, ḡōe p̄íi aà̄o az̄ia na v̄i, n̄ōe p̄íi aà̄o az̄la ḡō v̄i. <sup>3</sup> Ḡōe lí wei a nae a zéwa. N̄ōe lí wei a ḡōe m̄aa l̄o. <sup>4</sup> N̄ōe me de az̄ia p̄o ūo, sema aà ḡō. M̄aa l̄o ḡōe me de az̄la p̄o ūo, sema aà na. <sup>5</sup> Asu gik̄eo, sema á m̄ák̄oe k̄é à laaid̄ wabikeawa già, ī gbasa á kea ke, k̄é Setāu su ̄n̄ōkeé à fu menawao yái. <sup>6</sup> Lé má dàwá,

\* 6:16 Daa 2.24 † 6:19 1Kln 3.16, 2Kln 6.16

i ke teasi no. <sup>7</sup> Má ye gbépii ào dêmawa, áma baade ní a gba pó Lua dàeoε, gbéε bee ní a pó, gbé kee ní a pó.

<sup>8</sup> Málε yáε bee o pɔseɔ ní gyaaonε. A maa aaɔ kú nido lamawaε, <sup>9</sup> áma tó aa fɔ nízìa kùo, aa nɔse, aa zákε, asa kɔsea maa de kua ní kɔ nideaoa.

<sup>10</sup> Málε yádile nɔdeɔ ní gɔdeonε, i ke mámeo, Diiε. Nɔε su gi a zázio, <sup>11</sup> gɔε su a na yao.\* Tó nɔε sù gí a zázi, aà zɔlε ge aà ea keaànɔ na.

<sup>12</sup> Málε o gbé kiniɔnε, i ke Dii mé òo. Tó á gbéε nɔ luanaikensai ví, mé nɔpi ye ào kuaànɔ, asu yao. <sup>13</sup> Màa lɔ tó nɔee gɔ luanaikensai ví, mé gɔpi ye aào kuano, asu gio. <sup>14</sup> Asa Lua í gɔ luanaikensai sí a na yáí, mé í nɔ luanaikensai sí a zá yáí. Tó màa no, an néo aaɔ gbâlaε. Siana guu an kua adoa. <sup>15</sup> Tó a luanaikensai gí, aà gi. Yá bee taa guu an kua ní kɔoá teasi no. Lua á sisi à á sé ào ku aafiae. <sup>16</sup> Nɔε, nýɔ n zá suaban lò, ní dɔa? Gɔε, nýɔ n na suaban lò, ní dɔa?

<sup>17</sup> Lá baade kú ní Lua kpaaleo e Dii ào aà sisi, aà zeò màa. Màa mi da Yesudeonε wéle ní wéle píi. <sup>18</sup> Lua gbé sisi tɔzɔan lò? Asu gyafɔodekε weeleo. Lua gbé sisi gyafɔode ün lò? Asu tɔzɔ. <sup>19</sup> Tɔzɔa yäe vlo mé gyafɔ yäe vlo, sema yá pó Lua dilek kúa. <sup>20</sup> Lá baade kú Lua aà sisi à aà sèò, aà zeò màa. <sup>21</sup> Lua n sisi zo ün lò? Nsu bílikεo. Ama tó n̄su n gɔa wéé ū zé è, bɔ zɔbleu. <sup>22</sup> Zo pó Dii aà sisi gɔ wéé ū Diipi guue. Maa lɔ wéé pó Dii aà sisi gɔ zo ū naa Kilisiwaε. <sup>23</sup> Lua á lú à flabò. Asu gɔ gbénazina zo úo. <sup>24</sup> Gbé, lá baade kú Lua aà sisiò, aà ze ní Luao màa.

### Pɔseɔ ní gyaaɔ

<sup>25</sup> Pɔseɔ yá musu mi yäe ma Dii kíio, áma lá má náai ví Dii sùuu guu, lá ma làasoo de má oé. <sup>26</sup> Taasi pó kú tia mé tò málε e a maa kék gbé ze ní a kuao. <sup>27</sup> Tó ní nɔ ví, n̄su weele ní gbaεo. Tó ní ví sɔo, n̄su weeleo. <sup>28</sup> Tó ní sè, ni duunake no. Tó wéndia zákε sɔ, i duunakeo. Gbé beeɔ yä'e dúniau, mé má ye bee á leo. <sup>29</sup> Ma gbé, yá pó málε on ke: Gɔo i gɔ zào. Za tia nɔdeɔ gɔ lá aa vlowa. <sup>30</sup> Oolɔnaɔ gɔ lá aale óolɔowa. Pɔnadeɔ gɔ lá an pɔ naowa. Pɔlunaɔ gɔ lá aa pɔe vlowa. <sup>31</sup> Dúnia pó mɔaokenaɔ gɔ lá aale keowa, asa dúnia tiae bee lé gëzeaε.

<sup>32</sup> Má ye ào ku yákakεsaiε. Pɔse ï laaidɔ Dii yáɔwa, í lá a ka Diigu ke. <sup>33</sup> Nɔde ï laaidɔ dúnia yáɔwa, í lá a ka a nagu ke, <sup>34</sup> í lɔ kú ní làasoo plao. Nɔε pɔse ge nɔe léso ï laaidɔ Dii yáɔwa, í a me ní a nisinao kpawà. Nɔzæe sɔ ï laaidɔ dúnia yáɔwa, í lá a ka a zágú ke. <sup>35</sup> I ke málε galakpaé no. Ma bee ò á aafia yáie, kék à yákε a zéwa, í ázìa kpa Diiwa gupâle gwasaí.

\* 7:11 Maa 10.11-12

<sup>36</sup> Tó gbé nɔkpama vĩ, tó àlè gẽ seaa mé à kèè wí ũ, tó à aà kàka beewa, aà aà sé, lá à kèèwa, àlè duunakeo. Aa kɔsɛ. <sup>37</sup> Ama tó à yápi bò a nɔsɛee, mé teasi lé aà kakao, mé a azia kúa dɔ, tó a dà a sɔu á a wéndiapi seo, a kè maae. <sup>38</sup> Beewa gbé pó a pó sè a kè maae, áma gbé pó i a pó seo maa de beeaa.

<sup>39</sup> Nɔeá a zá póe gɔo pó aà zá kú píi. Tó aà zá sù ánuatò, a zeví à zákè ní gɔ pó a yeio, sema gɔpi aà dè Dii pó ũ. <sup>40</sup> N beeo tó à gɔ pɔsɛ, málɛ e aà pɔ ào na dè tó à zákèla. Málɛ e mapi, má Lua Nisina vĩ sɔ.

## 8

### *Sa'oble*

<sup>1</sup> Sa'oble yá musu, wá dɔ ké á yá dɔ ápii. Dɔa sɔ iɔ yò vĩ, yeakɔi mé káflia vĩ. <sup>2</sup> Tó gbé lé e á yá dɔ, i dɔ lá à kù à dɔwa giao. <sup>3</sup> Tó gbé ye Luazi, Lua aà dɔ. <sup>4</sup> Too, sa'obleblea yá musu wá dɔ ké dúnia guu tāaá pœ no, asa Lua mèndo kua wá dɔ. <sup>5</sup> Baa tó pó pó wí oné luao ku musu ní zíleø, mé dāo kíi luao die, diiø die, <sup>6</sup> wá kíi Lua mèndoe, ñn wá Mae pó pɔpii bò aà kíi mé wá kú aà yái ũ. Dii mèndoe lɔ, ñn Yesu Kilisi pó pɔpii kè mé wá kú aà sabai ũ.

<sup>7</sup> Ama gbépii dɔ màao. Gbẽeø dóekè ní tāa yáo e tia, pó pó aale ble aaio e sa'obleee, ñ an làasoo lí dadoõo, ké dɔa i panéo yái. <sup>8</sup> Ble mé a wá sɔ Luazio. Tó wi bleo, késaa no. Tó wá blè, káflia no. <sup>9</sup> Alaaika gɔa wéø ũ beei, ké ásu to gbé pó dɔa i panéø fuo. <sup>10</sup> N gbé pó ní dɔa vĩ, tó gbé pó dɔa i paèo n e, nle poble tāa kùe, a aà gba sɔ à sa'oble ble sɔo lé? <sup>11</sup> Beewa n dɔa n gbédo pó dɔa i paèo Kilisi gà aà yái ðɔkpà. <sup>12</sup> Tó a duunakè á Yesude deeøne, a ní dɔa pó i panéo gbá kàso, Kilisi a duunakè. <sup>13</sup> Ayameto tó nòo pó má só mé a to ma gbédo fu, má só bau lɔo, ké ma gbédo su fuo yái.

## 9

### *Zinæ nízia busaa Kilisi bao yái*

<sup>1</sup> Má azia vio lé? Zinan ma ūo lé? Mi wesi wá Dii Yesuleo lé? Ame á dè ma zì gbe ū naa Diiwa guuo lé? <sup>2</sup> Baa tó má dè zinæ ū gbépaleøneø, má deé a ū fá. Ma naa Diiwa guu ma zinakè seelan á ũ.

<sup>3</sup> Lá mi o ma bëebonaønen ke. <sup>4</sup> Má pɔblea ní imiao zé vĩ ma zì guuo lé? <sup>5</sup> Má a zé vĩ mào nɔ Yesude kúa gu pó málɛ géu, lá zinæ kíni ñ Dii dãunaø ñ Pieøowao lé? <sup>6</sup> Wá ní Baanabao wá pla, wámé wá zeví wà wá ɔzí to weoa? <sup>7</sup> Démè i sosa ble ní azia gwaaoi? Démè li'bà mé ili a bë bleo ni? Démè iɔ zudā mé ili a vĩ mio ni?

<sup>8</sup> Baa ké gbēnazīna yākēaō má lèeūoé, a ku māa Mōizi ikoyā guu lōo lé? <sup>9</sup> Mōizi ikoyā láu à mè, ásuli lesōkpa zu pō lē pōgbēeo.\* Zuō yáí ᷑ Lua yápi òia? <sup>10</sup> Wá yáí à yápi òio lé? Ao, wá yáí wà yápi kēi, kē sèwana lí sēwa ní wedōa pōio, mé pōgbēna lí pōgbē ní wedōa pōio, i a baa e a guu. <sup>11</sup> Tó wa Lua yá tō á guu, mé wa wá baa è á guu,† yāe yā? <sup>12</sup> Tó dāo zé bee vīwá, wa wá pō o lœ? Wi séle zé bee kíio, wa yápii fō kē wásu zezō Kilisi baoeo yáie. <sup>13</sup> A dō kē Lua ua zíkēnaō lí Lua ua ble bleo lé? Lua gbagbakii sa'onaō lí ní baa e gbagbakii pi guuo lé?‡ <sup>14</sup> Beewa Dii dīle a baokpanaō aaō ble baopi kpaa yá musu.§ <sup>15</sup> N beeo mi zépiō kee séleō, mé mi bee o wà kemee yáí no. Ga maamee de beea. Gbēe a e kpa ma īandāapi eo. <sup>16</sup> Kilisi baokpaa demee īandāa yá ūo, teasi mé gbadāa. Waiyoo mapi, tó málē baopi kpao. <sup>17</sup> Tó mazia zì málē kē, ma wé dō aseaiē. Lá Lua mé dīlemee, à kù mā kēe. <sup>18</sup> Bóme ma asea ūi? Tó ma baopi kpà ḷsāsāsai, mé mi iko pō má vī baopi kpaa guu blemáo, ma asean we.

<sup>19</sup> Gbēe ma vīo, ma azia dīle zo ū gbēpiie, kē mā gbē e dasi yáí. <sup>20</sup> Ké mā kú ní Yudaō, ma gōnwa, kē aa ma yáze e yáí. Ké mā kú ní Mōizi ikoyādاناō, ma gō a dana ū, baa kē a iko vīao, kē a yādanaō e ma yáze e yáí. <sup>21</sup> Ké mā kú ní ikoyāpi dānsaiō, ma gōnwa, kē aa ma yáze e yáí. I ke lua'ikoyādansain ma ūo, Kilisi mé iko vīa. <sup>22</sup> Ké mā kú ní gbē busē, ma busa kē aa ma yáze e yáí. Mi gō pōpii ū gbēpiie, baa lá à kē pīi, kē mā e ní gbēeo suaba. <sup>23</sup> Yá pō mi ke pīi, mi ke Kilisi baokpaa yáie, ma o iō ku a guu.

<sup>24</sup> Bakpaaia guu, gbēpiii ī bāalee, āma kē gbē mēndo mé ī ble, à dōo lé? A bāale māa sō, kē à e ble. <sup>25</sup> Ampii aa ī dēeka aaō nízia kūa dō yāpii musu. Aai ke māa fūa pō ī ḷōkpa ea yáí. Wápiō sō, a pō pō lí ḷōkpao yáie. <sup>26</sup> Ayāmeto ba pō málē lé, mā dō pō pō málē yá, i ke málē dēeka gugiiu no. <sup>27</sup> Mī īada ma mēwa, mi ikoblewà, kē ma waasokea dāone gbea, másu bō pāo yáí.

## 10

### Laaikaa tāagbagbaai

<sup>1</sup> Ma gbēo, má ye wá dezio yāe bee dōágu. Aa tē telui mīpii,\* aa bùa ísiawa mīpii.† <sup>2</sup> Lua ní da'ilekē telupi guu ísiapi guu mīpii Mōizi īwāo ū. <sup>3</sup> Aa Lua ble doū blē mīpii,‡<sup>4</sup> aa Lua ī doū mī mīpii, asa aa Lua gbēsi pō lé ní tālakpa ī mīe. Gbesipiá Kilisié.§ <sup>5</sup> Kási

---

\* 9:9 Iko 25.4, 1Tim 5.18    † 9:11 Lom 15.27    ‡ 9:13 Iko 18.1    § 9:14 Luk 10.7    \* 10:1 Bōa 13.21-22    † 10:1 Bōa 14.22-29    ‡ 10:3 Bōa 16.35    § 10:4 Bōa 17.6, Nao 20.11

an daside i ka Luaguo, ጀ an ge gò kpále guwaiwaiu.\*<sup>6</sup> ጀ Yápi dewéē seela ū, ké wásu yávái nidé lá aa a nidéwao.<sup>†</sup> ጀ Asu ào de táagbagbanao ū lá an gbéewao. A këa Lua taalau wà mè: Gbé zòle lé poble, aale imi, ጀ aa félè lé kò'o.<sup>‡</sup> ጀ Wásu wà dè nòdákpanao ū lá an gbéewao. Aa kpà, ጀ aa gàga gò dou zí gbéon òaasoso leee bao ní àaño (23.000).<sup>§</sup> ጀ Wásu Dii le wà gwa lá an gbéewao. Aa àa lè aa gwà, ጀ mlé ní soso aa gàga.\*<sup>10</sup> ጀ Asu zoaka lá an gbéewao. Aa zoakà, ጀ ga malaika ní dède.<sup>†</sup>

<sup>11</sup> Yápi ní lé seela ū wá gbé pó wá kú gò vláwaonéé, ጀ wa kë láu wá gbaa laai yáí. <sup>12</sup> Gbé pó lé e á zea gbäa, aà laaika léléai. <sup>13</sup> Yää i á leo, sema a pó pó i gbépii le bàasio. Lua náai vî, a to wà á yô de á gbäa léao. A á gba zé à yää fñ, i bœu.

<sup>14</sup> Ayämeto ma gbé yenzideo, à mikë táagbagbaawa. <sup>15</sup> Málë yä'oé laaideo ū. A wéte yá pó málë oéi áziawa à gwa. <sup>16</sup> Imibø báaade pó wi sáaukpaò, tó wá a imì, wá baa ku Kilisi au guuo lé? Kàa pó wi é'e, tó wá sò, wá baa ku Kilisi me guuo lé?<sup>‡</sup> <sup>17</sup> Lá kàa mèndoe, baa ní wá dasikéo wá mè douëe, asa wá baade a baa vî kàa douipi guue. <sup>18</sup> A gwa Isailiowa. Gbé pó sa'oble blè bàa kú níLua gbagbaklio lé?<sup>§</sup> <sup>19</sup> Má ò kpelewa ni? Málë o tää sa'obleá pœ yà? Ge an diiá pœ yà? <sup>20</sup> Aawo, málë o pó pó wà sa'òò wa ò tääawaë, i ke Lua no. Má ye á bàa ào kú ní tääoo.\*<sup>21</sup> A fñ Dii imibø í mi ní tää póoo. A fñ Dii blè ble ní tää póoo. <sup>22</sup> Ge wá ye wà Dii pö felé yà? Wá gbäa dëaàla yà?<sup>†</sup>

<sup>23</sup> I me yápíi zé vî. Määe, áma yápíi ài vîo. I me yápíi zevî. Määe, áma yápíi káfia vîo.<sup>‡</sup> <sup>24</sup> Gbëe zìa yá su dëaaëo, sema a gbëdee yá. <sup>25</sup> A pó pó wâle yia eleu ble yæe gbeasai á làasoo yáí, <sup>26</sup> asa tòole ní pó pó kuwàò piiá Dii pôe.<sup>§</sup> <sup>27</sup> Tó Yesusaide á sisi blewa, tó à këé mé a ge, à pó pó wa kpàwá ble yæe gbeasai á làasoo yáí. <sup>28</sup> Tó wà su òé sa'obleëe, ásu bleo làasoo yáí ní gbé pó òé yáo. <sup>29</sup> Málë bee o ade làasoo yáíe, i ke á pó no.

Gbëpâle làasoo yáí ጀ máo mazia vîo? <sup>30</sup> Tó ma pöblè ní sáaukpaao, býäi wa ma bëëbo pó pó ma sáaukpâpi yá musui? <sup>31</sup> Yá pó álé ke píi, álé pöblen nò, álé imin nò, ào apii ke Lua tòboa yáí. <sup>32</sup> Asu to Yudaò ge Gëlekio ge Lua gâlideo fu á yâkeá yáio. <sup>33</sup> Mää mi ke. Apii guu mi wëtâ ma yá ká gbépiigue. Mili mazia maa wëeleo, sema bíla pó, ké aa e bo yáí.

\* **10:5** Nao 14.29-30   † **10:6** Nao 11.4   ‡ **10:7** Boa 32.6   § **10:8** Nao 25.1-18

\* **10:9** Nao 21.5-6   † **10:10** Nao 17.6-15   ‡ **10:16** Mat 26.26-28   § **10:18** Lev

7.6   \* **10:20** Iko 32.17   † **10:22** Iko 32.21   ‡ **10:23** 1Kln 6.12   § **10:26** Soü  
24.1

**11**

<sup>1</sup> A ma kea ke lá mi Kilisi kea kewa.\*

*Nœ pökummusukəa*

<sup>2</sup> Ma á sáaukè kē ma yá dɔágū yápii guu, mé á kētokɔ̄e p̄o má dàé̄o kūa. <sup>3</sup> Má ye ào dɔ̄ kē Kilisi mé ḡoe p̄ii mi ū, ḡoe mé nœ mi ū, mé Lua mé Kilisi mi ū. <sup>4</sup> Ḡoe p̄o lé wabikē ge àlē ãnabikēke n̄ p̄o kua a miwa lé a mi kp̄eb̄e. <sup>5</sup> Nœ p̄o lé wabikē ge àlē ãnabikēke pökummusukəsai lé a mi kp̄eb̄e, a de lá à mipoloobòwae. <sup>6</sup> Tó nœ i pökummusukəo, aà a mi kēele. Lá mikēleā ge miboa de nœe wí ū, aà pökummusukə. <sup>7</sup> I kū ḡoe pökummusukəo, kē a de Lua taa n̄ aà gawio ū yáí.† Nœ s̄o, ɔ̄me ḡoe gawi ū. <sup>8</sup> Asa Lua i ḡoe b̄o nœ k̄io, nœ a b̄o ḡoe k̄io. <sup>9</sup> I ḡoe ke nœ yáio, nœ a kē ḡoe yáí.‡ <sup>10</sup> Bee yáí n̄ malaikā yáo sema nœ lí pökummusukə a zá iko seela ū. <sup>11</sup> Yápi guu naa Diiwa nœ mé ḡoe ū, ḡoe mé nœ ū. <sup>12</sup> Asa lá nœ b̄o ḡoe guu, màa l̄o ḡoe i b̄o nœ guu, mé p̄opii b̄o Lua k̄ie.

<sup>13</sup> A wéte yápizi à gwa. Nœ wabikēa pökummusukəsai maaa? <sup>14</sup> A dɔ̄ ázìawa kē mikā gbâa de ḡoe wí ū, <sup>15</sup> áma tó nœ v̄i, a deè gawi ū. Asa Lua mikā kpâ nœwa à kuaàla. <sup>16</sup> Tó gb̄ee ye lekpaakē, aà dɔ̄ kē wápi n̄ Lua gâlideɔ̄ p̄ii, bee bàasio wá yápale kūao.

*Dii ble blea*

(Mat 26.26-29, Maa 14.22-25, Luk 22.14-20)

<sup>17</sup> Yá p̄o má ye daé tia guu, má á sáaukpao, asa á kōkāaa i v̄ai ié de maala. <sup>18</sup> Séia má mà, tó a á gâli kâaa, i b̄o kō kp̄e gâ n̄ gâo. Ma yápi s̄i yɔ̄o. <sup>19</sup> Sema kōkpaalecta ào kú á guu, kē siandeo e b̄o gupuau. <sup>20</sup> Tó a kâaa, i ke Dii ble ɔ̄ ili bleo, <sup>21</sup> asa á baade i wâ ào a pbole. Nœa i gb̄ee de, w  i gb̄ee de. <sup>22</sup> A be v  à pbole à imiuo lé? Ge i saka Lua gâlideɔ̄gu à wida pœsaideɔ̄wa y ? Má oé kpelewa ni? Má á sáaukpao y ? Má á sáaukpao y  bee musuo.

<sup>23</sup> Yá p̄o má mà Diiwa má dàén ke: Zí p̄o wa Dii Yesu kpámá, a gwâasîna ɔ̄ à kâa s <sup>24</sup> à Lua sáaukpâ a   , ɔ̄ à m  bee de a me p̄o á kpâ wá yáí ū, wâli  bee ke a yá dɔawâgu yáí. <sup>25</sup> Màa l  k  aa p bl  aa l  , à imib  s  à m , Luabaakuan  tia a au sabai  n  ipi ū.§ Tó w le mi, wâli  mi a yá dɔawâgu yáí. <sup>26</sup> Asa tó a k api s , mé a ipi m , ál  Dii ga baokpa e ào g  mói .

<sup>27</sup> Ay meto tó gb  k api s  mé à Dii ipi m  k   n  ipio y dasai, à t  ek  Dii  a  me n  a  auo y  musu. <sup>28</sup> Baade az a y  gwagwa, i g b s  k api s , i ipi mi, <sup>29</sup> asa t o gb  s  mé a m  m pi g bad s , à y d  az al  . <sup>30</sup> Bee y gy e  n  y  esaide  dasi á

\* **11:1** 1Kln 4.16, Flp 3.17 † **11:7** Daa 1.26-27 ‡ **11:9** Daa 2.18-23 § **11:25** B a 24.8, Zel 31.31-34

guu, mé gbé pó gè gékii fàao. <sup>31</sup> Tó wa wázia yá gwàgwa, Dii a wá tåae eo. <sup>32</sup> I wá tåae e, i wá toto, ké yá su zɔlewá ní dúniaooyái. <sup>33</sup> Ayämeto ma gbé, tó a kääa ále Dii ble ble, àli kɔ dã. <sup>34</sup> Tó nɔa lé gbëde, aà pøble bε, ké á kɔkääa su yä'iéo yái. Má yá pó gò bɔolekeé, tó ma mo.

## 12

### *Lua Nisina gba*

<sup>1</sup> Gbé, Lua Nisina gba yá musu, má ye ào siana dɔ. <sup>2</sup> A dɔ ké gɔ pó á Lua dɔ, tää pó aali yä'oo mé iɔ á gálε, aaɔ dɔaaaé. <sup>3</sup> Ayämeto má ðé, Lua Nisina lí dede gbéwa à láaiž Yesuwao, mē gbée a fɔ o Yesu mē Dii ūo, mē i ke Lua Nisina dɔaaaé båasio.

<sup>4</sup> Gba ku kpaalea, áma Lua Nisina mèndoe.\* <sup>5</sup> Zi ku kpaalea, áma Dii mèndoe. <sup>6</sup> Gbää ku kpaalea, áma Lua mèndoe, ɔmε i apii ke baadee. <sup>7</sup> Lua Nisina i dede baadewa gbépii káfia yái. <sup>8</sup> Lua Nisina i gbé bee gba zé aà ɔnɔyä'ò, mē Nisina doüpi i gbé kee gba zé aà dɔayä'ò. <sup>9</sup> Nisina doüpi i gbépale gba luanaaikea zé, i gbé gba gbégbägbää zé. <sup>10</sup> I gbé gba dabudabukea zé, i gbé gba ánabikkeka zé, i gbé gba zé aà nisinao dɔkɔ, i gbé gba zé aà yäebui'o, i gbé gba yäe buipi bɔolekeka zé. <sup>11</sup> Nisina mèndona doüpi mē i apii ke, i gbapi da baadee lá a yeiwaε.

### *Me ní a gu*

<sup>12</sup> Mè mèndo gu dasi. Baa ní a dasikeo, mè doe píi. Måa wá naa Kilisiwa de sɔ.† <sup>13</sup> Wápi píi, Yudaɔ ge buipale, zɔɔ ge wéε, Lua wá ké mè doü ní a Nisina mèndonapi gbääaoε, à wá gbá a Nisina mèndonapi, ɔ wá mī wápii. <sup>14</sup> Megu dasi, i ke mèndo no. <sup>15</sup> Tó gbá mè lá ɔn a ūo, á de mè pó ūo, bee yái ào de mè pó ūo? <sup>16</sup> Tó swá mè lá wén a ūo, á de mè pó ūo, bee yái ào de mè pó ūo? <sup>17</sup> Tó mè búu de wé ū, wa yämae? Tó mè búu de swá ū, wa pó gímae? <sup>18</sup> Lá a dëwa, Lua gu pèpékwa me guu, ampii, lá a yeiwa. <sup>19</sup> Tó ampii de megu doü ū, mèn we má ni? <sup>20</sup> Lá a dëwa megu dasi, mē me mèndoε. <sup>21</sup> Wé a fɔ o ɔe a båa kuaànɔo. Måa lɔ mi a fɔ o gbáe a båa kuaànɔo. <sup>22</sup> Aawo, megu pó wí e késaañzi, me a fɔ ào a saio. <sup>23</sup> Megu pó wí e gawisai, wí a kpela deñla. A gu pó wí a ea dile wíyä ū, wí pó nai deñla, <sup>24</sup> áma a pó pó maa båa kú ní beeoo. Ké Lua me kääa, à gawi käßi pó pó gawi lé késämåne deñla. <sup>25</sup> Beewa me kpaaleao, a gu kɔ yá dɔ. <sup>26</sup> Tó megu do lé taasike, a gu píi i keaànɔe. Tó wå megu do kpelà, a gu píi i pɔnakæaànɔe.

\* **12:4** Lom 12.6    † **12:12** Lom 12.4-5

<sup>27</sup> Amé á Kilisi me ū, mé á baade de mepi guo ū. <sup>28</sup> Gia séia, Lua zinao díle a gálidéo guu, a plaade ãnabiō, a àaõde yádanedeo, bee gbea dabudabukenaō, bee gbea gbé pó à ní gbá gbégbágbaā zéo ní dónledeo ní doaanao ní gbé pó i yäebui'oo.<sup>‡</sup> <sup>29</sup> Zinaon ní ū píie? Anabion ní ū píie? Yádanedeon ní ū píie? Dabudabukenaon ní ū píie? <sup>30</sup> Lua gbégbágbaā gbadàné mپiie? Aai yäebui'o mپiie? Aai yae bui bôoleke mپiie? <sup>31</sup> A wébii gba pó deñlaçwa.

Tiasa má a pó pó deñla zé olçé.

## 13

### Yeakɔi

<sup>1</sup> Tó ma yäebui'ò, gbénazina ge malaika pó, tó milió ye gbéeo, ma kɔflkè lán mɔlea ge sésenapaawaæ. <sup>2</sup> Tó ma ãnabikékëgba è, tó ma yápii asii mà mé má dña píi vî, tó ma luanaaikëa kà mà gbèsissi sɔ̄, \* tó milió ye gbéeo, pɔen ma uo. <sup>3</sup> Tó ma pó pó má vîo kpaalènè píi, tó má tò wà ma kpasa, tó milió ye gbéeo, a ài vîmeeeo.

<sup>4</sup> Gbé pó iò yeñzi iò mena vî, a gbékë vî. Ili wedonéo, ili káadao, ili yɔ̄kéo. <sup>5</sup> Ili widamáo, ili azia maa weeléo, ili férñio, ili yáküaño. <sup>6</sup> Ili yävái yáalo, i ponake ní sianao. <sup>7</sup> Gbé pó iò yeñzi i yápii fɔ̄, i yápii náaikë, i wedo yápii bɔa maai, i menake ní yápiio.

<sup>8</sup> Yeakɔi láaa vîo. Anabikékëa a midë, yäebui'oa lé a ká, dña a gëzea. <sup>9</sup> Asa wá dña ní wá ãnabikékëao i pao. <sup>10</sup> Tó pó lëso mò, pó pó i pao a gëzeae. <sup>11</sup> Ké má de nebolnáa ū, mi né ya'o lan nebolnawa, mi làasooke lán nebolnawa, mi yá gwa lán nebolnawa. Ké ma ka gbénazina ū, ma ɔkpà neboln yá. <sup>12</sup> Tia kewa wále gu'e dii guu dùudu, zí bee wá wesí Luale. Tia kewa ma dña i pao, zí bee má yá dñ wásawasa lá Lua ma dñwa. <sup>13</sup> Tiasa yá mèn àaõe beeo mé gò: Luanaaikëa ní wedøaaàzio ní yeakɔio, ãma yeakɔi mé deñla.

## 14

### Yäebui'oa ní ãnabikékëao

<sup>1</sup> A to yeakɔi yá døaaé, i wébii Lua Nisína gbaçwa, atësa ãnabikékëa. <sup>2</sup> Gbé pó lé yäebui'o lé yá'o gbéonéo, sema Lua, asa gbéé lé mao, àlé asiiyá'ò ní Lua Nisína gbääoë. <sup>3</sup> Gbé pó lé ãnabikékë lé yá'o gbéonée, àlé ní zedøe, àlé ledamáe, àlé ní nòsse nininée. <sup>4</sup> Gbé pó lé yäebui'o lé azia káfle, gbé pó lé ãnabikékë lé Lua gálidéo káfle. <sup>5</sup> Má ye à yäebui'o ápii, ãma má ye à

<sup>‡</sup> 12:28 Efè 4.11    \* 13:2 Mat 17.20

ānabikɛke dɛ beeaa. Gbɛ́ pó lé ānabikɛke de yāebui'onalá, sema wàlɛ a bɔɔleke kékálidépiɔ e káfi a musu báasio.

<sup>6</sup> Gbɛ́, tó ma mɔ́ á kíi mé ma yāebui'òé, bó ài a vñéi? Sema ma yā'oa ào de yāwewéa ú ge dɔá ge ānabikɛkea ge yādaané.

<sup>7</sup> Màa a dɛ ní pó'ɔbɔnaɔ lɔ. Kule ge mɔɔnan nò, tó àlɛ ɔbɔ súsuo, kpelewa wa fɔ́ dɔ́ lá àlɛ oí? <sup>8</sup> Tó mɔ́ ɔbɔ yaya, sosac zì sɔukɛo.

<sup>9</sup> Màa ápiɔ sɔ́, tó álɛ yāebui'o, wàlɛ mao, kpelewa wa yá pó álɛ o gbadɔí? A yá a gë ní ìanaaoe. <sup>10</sup> Yáɔ bui dasi dúnia guu, an kee bɔɔlesai sɔ́. <sup>11</sup> Tó wàlɛ bui pó mili a yāmao o, máɔ de a ònae nibɔ́ üe, mé aɔ demee nibɔ́ üe. <sup>12</sup> Màa ápiɔ sɔ́, lá á ãiaví ní Lua Nisína gbaɔ, à ãiaké ào geð aæ, kéké Yesudeɔ e zedɔ.

<sup>13</sup> Ayámeto yāebui'ona wabike aà e a bɔɔleke. <sup>14</sup> Tó ma wabikè ní yāebui'ao, ma nisína mé kè, ma làasoo dɔaaamɛeo.

<sup>15</sup> Too, yápi dɛai? Má wabike ní nisínao, mí kɛ ní laaio lɔ. Má lesi ní nisínao, mí sí ní laaio lɔ. <sup>16</sup> Tó n Lua tɔnasi ní nisínao, kpelewa gbé dafu pó kú we a o, ámi, sáau pó ní kpà yá musui? Asa i yá pó ní ò dɔó. <sup>17</sup> Baa tó n sáaukpà a zéwa, i to n gbédo zéðo.

<sup>18</sup> Ma Lua sáaukè, kéké mi yāebui'o dɛála píi, <sup>19</sup> áma gáli guu tó ma yá mèn sɔ́ ò ní laaio ma yādàoné, a maamee de mà yá mèn үma'üma o ní yāebui'oaola.

<sup>20</sup> Gbɛ́, á làasoo su ào de lán néowao. Aɔ de nebjɔlɔnaɔwa vãi yá musu, áma á làasoo ào de gbézɔ́ pó ü. <sup>21</sup> Mɔizi ikoyá láu Dii mè:

Má yāebui'o gbépiɔne nibɔ́ léu,

ní beeoo aa swássɛ ma yáio.\*

<sup>22</sup> Ayámeto yāebui'oa de seela ú Yesudeɔnɛo, sema Yesusaideɔ. Màa lɔ ānabikɛke de seela ú Yesusaideɔnɛo, sema Yesudeɔ.

<sup>23</sup> Tó gálidéɔ kákkaa píi, mé aale yāebui'o mǐpii, tó gbé dafu ge Yesusaideɔ mò we, aa me ìana kámáeo lé? <sup>24</sup> Tó gbépii lé ānabikɛke sɔ́, mé Yesusaide ge gbé dafu mò we, ampiii yá a aà da làasooou a aà wé kéké, <sup>25</sup> asiiyá pó kú aà nòsueu i bɔ́ gupuau, i wúlɛ a gbéeu à misiile Luaɛ, i gbasa mɛ Lua kú á guu sianae.

### *Gálidéɔ lousisia zé*

<sup>26</sup> A dɛai gbé? Tó a kákkaa, á baade lío le ge yādaané ge yāwewéa ge yāebui'oa ge yāe buipi bɔɔleke vñi. A apii kɛ kéké gbé e zedɔ. <sup>27</sup> Tó wàlɛ yāebui'o, gbéon pla ge àaɔ, asuli de beeao. Aa kɔ́ gba zé, gbé mèndo i a bɔɔleke. <sup>28</sup> Tó a bɔɔlekéna kuo, aà kámabo gáli guu, i a pó o ado ní Luao. <sup>29</sup> Anabiɔ gbéon pla ge àaɔ yā'o, gbé kíniɔ i làasooke an yáwa. <sup>30</sup> Tó Lua yā'ò gbépálee, gbé pó lé yā'o nílɛ. <sup>31</sup> Apii á fɔ́ ānabikɛke dodo, í

\* 14:21 Isa 28.11-12

yādadakẽ ápii, í kõ se lesi. <sup>32</sup> Anabiɔ fɔ ní ãnabikekea zùuke,  
<sup>33</sup> asa Lua ye yāyaaaio, sema a zede.

Lá Lua gbéɔ ĩ ke wéle ní wéleɔ píiwa, <sup>34</sup> noeɔ lé lío kpaaüa gäli  
 guu, asa aa yā'oa zé vio. Aa misiile lá wa ò Mɔizi ikoyā guuwa.  
<sup>35</sup> Tó aa ye yāe dɔ, aa ní zá gbeai be, asa noe yā'oa gäli guuá wíe.  
<sup>36</sup> A kii Lua yá dàaleua? Ge á mèndo yái à mòia?

<sup>37</sup> Tó gbé lé e á de ãnabi ge gbé pó Lua Nisina dɔaaaae ū, aàɔ dɔ ké yá pó má këépiá Dii yādileae. <sup>38</sup> Tó gbé pākpài, à pākpaaàzie. <sup>39</sup> Ayāmeto ma gbéɔ, à webii ãnabikekeawa, áma ásu gi yāebui'oaio. <sup>40</sup> A yápii ke a zéwa súsu.

## 15

### Kilisi bɔa gau

<sup>1</sup> Gbéɔ, baona pó má kpàé á sì a zeò õ má ye mà ea dɔágú.  
<sup>2</sup> Baonapi mé a á suaba, tó á waaso pó má kpàépi kúa. Tó màa no, á Yesu náaikea kè pāe. <sup>3</sup> Yá gbia pó má mà má dàén ke: Kilisi gá wá duuna yái lá a kēa Luayātaalauwa.\* <sup>4</sup> Wà aà vñ, õ à vù a gɔɔ àaɔde zí lá a kēa Luayātaalauwa.† <sup>5</sup> A azia òlɔ Pieee, õ à azia òlɔ a iwa gbéɔn kueplaɔne lɔ.‡ <sup>6</sup> Bee gbea à azia òlɔ wá gbéɔnē ké aa kääaa gudoū, aa de gbéɔn òaa pla ní basɔoola (500). An daside ku e tia, áma an gbéɔn ánuatò. <sup>7</sup> Bee gbea à azia òlɔ Zaakie, õ à azia òlɔ zinaoñe píi. <sup>8</sup> Ampii gbea à bò mòa, ma gɔ kɔnse ū.§ <sup>9</sup> Asa zinaoñe guu mámé má kpée, mi ka wà omee zinaoñe, asa ma iadà Lua galideɔwa.\* <sup>10</sup> Gbéké pó Lua kémee yá mé tò má de kewa gbā, mé gbéké pó a kémeeepi i ke pão, asa ma dëekà deñla píi. Mámé má kèo, gba pó Lua dàmee mé tò má kè. <sup>11</sup> Ayāmeto à bò ma kii ge an klin nò, yá pó wále a waasoke á sín we.

### Wá bɔa gau

<sup>12</sup> Lá wále Kilisi bɔa gau waasoke, àkeea á gbéeo lé o geo vuoni? <sup>13</sup> Tó geo vuon, dɔ Kilisi i vuon. <sup>14</sup> Tó Kilisi i vuoe, dɔ wá waasokea gia, mé á Kilisi náaikea gia, <sup>15</sup> wí gɔ Lua seelade egenao ū, ké wá ò à Kilisi vù yái. Asa tó geo vuon, dɔ i aà vuon. <sup>16</sup> Tó Lua lí geo vuon, Kilisi i vuon. <sup>17</sup> Tó Kilisi i vuon, á Kilisi náaikeaa pāe, á kú á duuna guue e tia, <sup>18</sup> mé gbé pó ánuatò naa Kilisiwao kàalee. <sup>19</sup> Tó wá kuaee bee yái õ wá wé dɔi Kilisizi ado, wénadeon wá ū de gbépiia.

<sup>20</sup> Siana guu Kilisi bò gau, õme dòaa vù séia gbé pó gàoñe. <sup>21</sup> Lá gbéeo mé tò ga mò, màa lɔ gbéeo tò geo vua mò. <sup>22</sup> Kua Adamu bui ū tò ga lí gbépiia. Maa lɔ gbé pó naa Kilisiwao wéni e nípii.

\* 15:3 Isa 53.5-12    † 15:4 Sou 16.8-10, Zin 2.24-32    ‡ 15:5 Luk 24.34, 36

§ 15:8 Zin 9.3-6    \* 15:9 Zin 8.3

23 Baade ní a dòoœ. Kilisi mé dòaa vu séia, a gbea aà gbé vu aà mɔgɔɔ. 24 Ó dúnia a láa, Kilisi i kíake mide píi ní ikoo ní gbääœ, i a kpala kpa Mae Luawa. 25 Asa à kù Kilisi àœ kiblee e Lua gè aà ibeeœ keè aà gbadibɔ ũ.† 26 Ibée pó a a mide gbezä mé ga ũ, 27 asa Lua pópii nà Kilisie a œziœ.‡ Ké à mè pópii kú aà œzi, wá dɔ ké Lua pó pópii nàè a œziœ bàasi. 28 Tó à pópii nàè a œzi, aàpi õ aà Né pó à pópii nàè a œziœ a misiilee, Luapi iɔ de apii ũ pópiiœ.

29 Gbé pó aañ da'ileke geo gëe ũ sɔ be? Tó geo vu sianao, býai wí da'ileke an gëe ũi? 30 Wápi sɔ, býai wiñ ku kai guu goopiii? 31 N íana pó mi dá á yá musu naa Kilisi Yesu wá Diiwao, miñ ku ga lézí lá gu lé dɔe. 32 Tó mazia yái ma dëekài ní wáti Efese, bó ài a vîmœi? Tó geo vuо, wá poble, wá imi, asa wá ga ziae.§

33 Asu to à sásão, gbëna vái i dàa maa ɔokpae. 34 A su á laaiwa súsu, ásu duunake lɔo, asa á gbëe Lua dɔo. Ma bee ò ké à á wípi dɔ yáiœ.

### *Gàbɔɔ me*

35 Gbëe a me kpelewa geo vui? Me kpele aañ vîi? 36 Soñ yá! Wili pótɔ à bòle fɔmbasikesao. 37 Tó wà pótɔ, mase ge pɔpâlen nò, ilí bòle pó wéte ũo. 38 Lua i to à bòle lá a dîlewae, ampii ní a buio. 39 Pó wénideɔ píi mè doõo. Gbënazina pó nido, nòbɔɔ pó nido, báñ pó nido, kƿɔ pó nido. 40 Luabe pó ku, dúnia pó ku. Luabe pó gawi nido, dúnia pó gawi nido. 41 Iatë gawi ado, mɔvua pó ado, saana pó nido. Baa saanapi gawi dodo kôee.

42 Màa à de geo vugɔɔzí. Wí ge vî à yaikë, a vu yaikesai. 43 Wí ge vî beeesai, a vu ní gawio. Wí ge vî gbääsai, a vu gbáugbáu. 44 Wí ge vî ní dúnia meo, a vu ní àizâna meo. Lá dúnia me ku, àizâna me ku lɔe. 45 A këa Lua taalau wà mè, gbé sëia Adamu gò gbé bëe ũ,\* áma Adamu gbezä gò Nisín wénikpamade ũ. 46 I ke àizâna me mé lí dɔaao, dúnia me mé i dɔaa, a gbea sa àizâna me. 47 Gbënazin sëia bò bùsutiue, a plaade bò luabëe. 48 Gbé pó de tɔole gbé ũ bò gbé pó bò tɔoleuwa. Gbé pó de luabe gbé ũ bò gbé pó bò luabëwa. 49 Lá wá de gbé pó bò tɔoleu taa ũ, màa lɔ wá de gbé pó bò luabë taa ũ.

50 Yá pó má òn ke gbëe. Tó kpala pó bò Lua kíi bò gupuau, wá e ble ní wá meoo. Wá e wào ku guyaikesai guu ní wá me pó i yaikesoo. 51 A ma, má asiiyâ'ðé. Wá ga píio, áma wá li píi 52 kândo lán wedeawa kâae gbezä pézí. Asa kâae a œbo, geo i vu yaikesai, wápi sɔ wí li.† 53 Sema wá me pó i yaikëe bee gë a

† 15:25 Sou 110.1    ‡ 15:27 Sou 8.7    § 15:32 Isa 22.13    \* 15:45 Daa 2.7  
† 15:52 1Tes 4.15-17

yaikesai guu. Sema wá mè gee bee gẽ a gasai guu. <sup>54</sup> Tó wá mè pó i yaikẽ gẽ a yaikesai guu, mé wá mè ge gẽ a gasai guu, ſ yá pó kẽa láue bee a pa wá mè:

Wà ziblè gawa, à mide.‡

55 Ga, n ziblea tón lái?

Ga, n sewe kú máe?§

56 Duuna mé ga sewe ū, mé duuna gbāa i bō ikoyā guue. <sup>57</sup> Wà Lua sáaukpa, ké i to wà zible ní wá Dii Yesu Kilisi gbāao.

58 Ayāmeto ma gbé yenzideɔ, à ze gbāa gíügiū bōzásai, i wetā Dii ziwa goɔpii, asa á dō ké zí pó ále ke Diiɛ pão.

## 16

### *Pɔlu wélegē sɔukɛa*

1 Lua gbéɔ kámasakaa yá musu, lá má ò Galati bùsu Yesudeɔne, à ke māa sɔ.\* 2 Asɔanena ní aasɔanenao á baade lí ſa pó a è a gbāa léu bō adoa, iɔ kāaa, ké ásu kámasapi weele goɔ pó ma mɔo. 3 Tó ma mɔ, má gbé pó a ní díle aa géɔ zí Yelusaleū ní taalao ní kámasa pó á kàpio. 4 Tó à kù mà gee sɔ, aai gé ma kpái.

5 Tó ma bɔle ní Masedonio, má mó á kíi, asa má bɔle ní Masedonioe.† 6 Mále e má goɔplakeáno, baa buzič se māo ye bleáno, i gé zeimee gu pó má géu. 7 Tia kéwa má ye mà gëala bálalao, mále e má goɔplakeáno, tó Dii wèi. 8 Má gɔ Efese e Páteko‡ dikpe zíe, 9 asa Lua zepðomee maamaa mà zí maa ke, mé ibeeɔ dasi.§

10 Tó Timɔtee sù mɔ,\* ásu keè bùubuu aà vñakéeo, asa àle zíkẽ Diiɛ lamawaɛ. 11 A gbé su sakaaágwu. A kùsúakẽ aà e ka ma kíi aafia, asa mapi ní ma gbéɔ wá wé dɔaàzi.

12 Wá gbédo Apoloo sɔ, miɔ naewà mòɔmɔo aà mɔ á gwai ní wá gbé kíniɔ. A ye mɔai gíao. Tó a zekẽ, a mó.

### *Ledaama gbézä*

13 A itẽke, iɔ zea Yesu náaikea guu. A gbézɔo yá ke, iɔ gbāa.

14 A yápii ke ní yekɔio.

15 A Sefana† b̄edeɔ dɔɔ, ké aa de Yesude s̄eiaɔ ū Gelesi bùsuu mé aa díle wà de Lua gbéɔ dɔnldeɔ ū. Gbéɔ, ma wabikèwáe, <sup>16</sup> à misiile gbé bee taaoñe ní gbé pó aale kɔaike kua zí doüpi guuɔ piü. <sup>17</sup> Ma pɔ këna Sefana ní Fɔɔtunatuo ní Akaikuo mɔawa, asa aa gɔmee á gẽe ūe. <sup>18</sup> Aa tò ma nòse dàdoü ní á póo. A gbé bee taao kpela.

‡ 15:54 Isa 25.8    § 15:55 Oze 13.14    \* 16:1 Lom 15.25-26    † 16:5 Zin 19.21

‡ 16:8 Iko 16.9-11    § 16:9 Zin 19.8-10    \* 16:10 1Kln 4.17    † 16:15 1Kln 1.16

<sup>19</sup> Azi bùsu Yesudeɔ fɔkpàwá. Akilasi ní Pisiiɔ‡ ní gálidé pó aaĩ kãaa ní beɔ fɔkpàwá maamaa naa Diiwa guu. <sup>20</sup> Wá gbé pó wá sānuɔ fɔkpàwá ápii. A fɔkpakɔwa ní Lua gbéɔ lépeakɔwao. <sup>21</sup> Ma Połu, fɔe beeá ma ḥgbee. <sup>22</sup> Tó gbée ye Diizio, Lua láaikewà. Wá Dii lé mó. <sup>23</sup> Dii Yesu gbẽkẽkẽ. <sup>24</sup> Má yeázi píi naa Kilisi Yesuwa.

## KOLÉNIDEɔ LA PLAADE

### Yá pó kú láe bee guuɔ

Kolénideɔ lá plaadeɛ bee lé Koléni Yesudeɔ ɔkaakɔ'ɔu ní Pɔluo yā'owɛɛ. An gbɛeɔ tāaekɛɛ yāa, aa seakɛ àà gɔa Lua zīna ûwa. Pɔlu ye wào na ní kɔɔ, ɔ à azia yá bɔɔlekènɛ ní yeanízio. A òné lá a pɔ kɛ na gɔɔ pó a ní baona mà (7.5-15).

A kai pó à a le Efese bùsuu bɔɔlekènɛ (1.1-11), ɔ à taasi pó à kɛ Kolénideɔ yá dòñgu. Yápiɔ píia aà Kilisi zinakeyānɛ. A yá pó tò a yā'ònɛ pásipásì a lá sɛia guu bɔɔlekènɛ ní lá a pɔnakɛ gbezã, ké a yápi oa gbesù (1.12-7.16).

Yude Yesudeɔ kámasakaa yá musu (8-9), à wabikɛ Kolénideɔwa aa gbada ní nòsemendoo, asa à mè: A wa Dii Yesu Kilisi gbɛke dɔ. Aà pɔde'ia à gɔ pɔsaide û á yái, ɔ àà pɔsaidekɛ guu à á ké pɔdeɔ û. (8.9)

Lápi láakɔi (10-13) Pɔlu a yā'oa lîlɛ. A èa sù gbé pó aale a dilɛ zīna ûoɔ yáwa. O lápi yá mîde ní gbékékéakɔɔ (13.11-13).

Wásu to Pɔlu azia yā'oa ní nòsepuaò wá sásão. I ke aàzìa bɔa maa ge aàzìa yáze'ea àle yáo, àle a zinake'iko olonéé, ké wà e Yesu Kilisi baona sí, wí aà dɔ Dii û.

#### *Nòseninia*

<sup>1</sup> Mámëmaa Kilisi Yesu zīna Pɔlu lá Lua yeiwa ní wá gbédo Timɔteeo, wámë wa láe bee kɛ Lua gâlide pó kú Kolénideɔ ní Lua gbé pó kú Gelesi bùsuuɔ píi. <sup>2</sup> Lua wá Mae ní Dii Yesu Kilisio gbékékéé, i á gba aafia.

<sup>3</sup> Wà Lua wá Dii Yesu Kilisi Mae sáaukpa, Mae Lua sósobide gbéñɔsenininapi. <sup>4</sup> I wá nòse níniwɛɛ wá iadama píi guu, ké wà e gbé pó kú baa iadama kpeletaa guuɔ nòse níniné sɔ ní nòse nínibɔ pó Lua wá nòse níniowɛɛo. <sup>5</sup> Lá taasi pó Kilisi kɛ i liwázi, màa lɔ wá nòse i níni maamaa Kilisi yái. <sup>6</sup> Tó wà wá wetà, á nòseninia ní á bɔao yái. Tó Lua wá nòse níni, á nòseninia yái, ké à e taasi doũ pó wále ke fɔ. <sup>7</sup> Wá á náai vî seasai, asa wá dɔ lá á bàà kú ní taasi pó Kilisi kèo, á bàà kú ní nòseniniapio lɔ.

<sup>8</sup> Gbéɔ, wá ye àò dɔ lá wà wá wetà Azi bùsuu. A tòwá maamaa, a de wá gbää léa, baa wá wëni wá wé dɔi lɔ seo. <sup>9</sup> Yá daawála, wále e wa gae. Bee wá lé ké wásu ze ní wázla gbääoo, sema Lua pó i geɔ vu gbää. <sup>10</sup> A wá bó kai zɔɔ guu, mé a wá bɔu. Aàpi wá wé dɔi aà wá bɔu lɔ <sup>11</sup> wabi pó ále kewëë sabai. Beewa gbéɔ Lua sáaukpa dasi wá yá musu gbéké pó a këwëë gbé dasiɔ wabikéawëë yái.

*Pɔlu wélegɛ gbooa*

12 Yá pó wi a ìanadán ke: Wá làasoo daa doú, asa ní Lua gbäao wá kú nì nòsepuao mɔafilisai dúnia guu, atësa á kíi. Dúnia sñø wá kuðo, sema Lua gbëke. 13 Wili láe kéeo, sema pó i a kyoké á dɔ båasio. 14 Lá á wá dɔ già yɔɔ, má ye à wá dɔ sásã, ké à ìanadã wá yá musu Dii Yesu mózì, lá wá dã á yá musuwa.

15-16 Kõ náaikëapi guu má dile yää ma Masedoni gea guu mà bøle á gwai káau, mí ea su ní á kíio, í báaa e gën pla, í dɔnlekemee ma Yude gea guu.\* 17 Ké ma gea bee dile, ma leplayã'ò yà? Tó má dile mà yäke, dúnia yá i døaamee, sì keme kándo ao ao ge aawo aawo üa? 18 Lá Lua náai vî, yá pó wá òé de ao aawo üo. 19 Lua Né Yesu Kilisi pó mapi ní Silivëeo ní Timoteeo† wa aà yá waasokèé á gbë pí me ao aawo no, Lua pí me aon aà ü. 20 Asa lé pó Lua gbë pí siána i ke aà guue. Ayämeto ní Yesu Kilisipi tóo sì wî me ãmi, Lua tøbøa yái. 21 Lua mé wá zínapèl naa Kilisiwa ní ápi, à wá dile adoa, 22 à a seela këwá, à a Nisína dà wá sõu gba pó Lua døaa dàwëe ü.

23 Lua mé ma seelade ü, a ma nòse dɔ. Ké má ye iadawáo yái mi gé Koléni lõo. 24 I ke wále gbäamöé á luanaaikëa guu no, asa a zèdøu kò, wále zìkéáno á pɔna yái.

## 2

1 Ò má è mazìawa a maa mà mó á kíi ní pɔyao lõo. 2 Tó ma á pɔ yàé, déme a ma pɔ ke nai, mé i ke á gbë pó ma á pɔ yàé wåbasio? 3 Ma lakèé màa, ké tó ma mɔ á gwai, á gbë pó á de à ma pɔ ke naç su ma pɔ yaoe. Má á náai vî ápii, ké ma pɔna de á pɔna ü. 4 Ma lápi këé ní pɔsiao ní nòsepusuo ní wé'ioe, i ke ké mà á pɔ ya yái no, ké à dɔ lá ma yeaázi kà yái.

5 Lá gbëe pɔyayä kè, i ke ma pɔ a yào, ápii, ge á gbëe, ké ma yá'oa su gëagëo. 6 Ia pó á daside dà gbëpiwa mòwà. 7 Ayämeto à sùuukëaànø sa, à aà nòse níniè, ké aà pɔsia zɔɔ su aà mɔ ñio yái. 8 Bee yái ma awakpàé, à ɔløe wásawasa ké á yeaàzi. 9 A yái ma lápi këé, ma likpàlewá mà e dɔ tó á yá pó má òé kúa píi. 10 Tó a sùuukè ní gbëo, mi këaànø sõe. Sùuu pó má kè, tó yæe su ku, má kè á yái Kilisi gëe üe, 11 ké Setäu su sñøkewëeo yái, asa wá gí aà kõni dëio.

*Luabaakuarínɔ yá dafu*

12 Ké ma ge Kilisi baokpai Toloasi, Dii zepòdomee, 13 ãma ma nisína zëao, ké mi a gbëdo Titu eo yái. Ò ma lezàmá we, ma da Masedoni zéu.\*

\* 1:15-16 Zin 19.21    † 1:19 Zin 18.5    \* 2:13 Zin 20.1

<sup>14</sup> Ma sáaukè n̄ Luao, asa iɔ dɔaawēe gɔɔpiie, wi ziblenac ū naa Kilisiwa, wi aà dɔa ḡi fāe gupiiu. <sup>15</sup> Asa wá de tuläleti ḡi na p̄ Kilisi kpåsa Luae ū gbé p̄ àle n̄ suabac ū gbé vūaaac guue. <sup>16</sup> Wá ḡe ḡi ū gbēeone, ɔ i ga iné. Wá wēni ḡi ū gbé kiniōne, ɔ i wēni iné. Wá déme kà bee k̄ai? <sup>17</sup> Wá de lán gbé p̄ aa iɔ Luayá laataowao. Naa Kilisiwa wi yā'o n̄ n̄s̄epuao n̄ Luadɔao a zinac ū.

### 3

<sup>1</sup> Wa ea su wázia sáaukpaawa yā? Wá bâa kú n̄ seela lá p̄ wa k̄é ge p̄ á k̄enéo lán gbēeowa yā? <sup>2</sup> Am̄e á wá taalapi ū, a k̄ea wá sōwa. Gb̄epii a f̄ d̄o, i a kyoke. <sup>3</sup> A yá b̄ò gupuau, á de lá p̄ Kilisi k̄è a nà wá ozi ū. I lápi k̄é n̄ ḡaalula io no, a k̄é n̄ Luabé Nisīnac. I k̄é gb̄e p̄p̄eewa no,\* a k̄é á sōwae.†

<sup>4</sup> Wá a náai v̄i māa Luae n̄ Kilisi gbāao. <sup>5</sup> I ke n̄ wáziao wi ka wá me z̄ipi b̄ò wá ḡauceo, Luame wá kawà. <sup>6</sup> Om̄e wá kawà, ɔ wá de aà bâa kua n̄ gbēo yá dafu z̄ikenaç ū.‡ I ke ikoyā no, Luasīna yáe. Asa ikoyā i ga iné, Nisīnapi s̄i wēni iné.

<sup>7</sup> Ké Luasīna ikoyā k̄é gb̄e p̄p̄eewa, a gawi b̄ò Mōizi oawa.§ N a t̄keea ḡeazeakeo Isailio i f̄ gwào. Tó zé p̄ i ga inépi b̄ò n̄ gawi bee taao, <sup>8</sup> Nisīnapi zé gawi deai? <sup>9</sup> Lá zé p̄ i yādañla gawi v̄i, zé p̄ i to yā b̄oñno na gawi dea z̄oo. <sup>10</sup> P̄ p̄ gawi v̄i yāa gawi v̄i l̄o, gawi p̄ deaálapi yái. <sup>11</sup> Tó p̄ ḡosoplana b̄ò n̄ gawio, p̄ p̄ i ku gawi dea z̄oo.

<sup>12</sup> Wed̄oa beeí guu wi yā'o seasai. <sup>13</sup> Wá de lán Mōiziwao. A sálana kù a oaa, k̄é Isailio su a oa t̄keea p̄ lé ḡezea láaa eo.\* <sup>14</sup> An n̄s̄e t̄ata, asa e gb̄a t̄o aale Luabaakuaíno lá kyoke, sálana doúpi iɔ kua n̄ làasooae. Ili goo, sema tó gb̄e naa Kilisiwa bâasio. <sup>15</sup> E tia tó wâle Mōizi yá kyoke, sálanaapi iɔ kua n̄ làasooae. <sup>16</sup> Ama tó aa z̄e n̄ Dii, sálanaapi a go n̄ làasooa. <sup>17</sup> Diipi mé Luasīnapi ū, mé gu p̄ Dii Nisīnapi kuu, we w̄i ḡ w̄eë ū. <sup>18</sup> Wá gb̄e p̄ p̄ ḡò wá oawao, wâle Dii gawi ɔl̄oné lán d̄iwa, wi li laaàwa, wá gawi iɔ káfî. Dii p̄ de Luasīna ūpi zin we.

### 4

#### Zinac kua ga lézî

<sup>1</sup> Ayäm̄eto lá Luasīna z̄i bee dàwēe a sùuu guu, wá kúsú lí kwéo. <sup>2</sup> Wa ɔkpå asii wisaiyāozi, wili yāke n̄ w̄ezeoo, mé wili Luayá koleo. Wi s̄iana'òné wásawasa wá wázia keke gb̄epii Luadɔao

\* 3:3 Boa 24.12 † 3:3 Zel 31.33, Eze 11.19 ‡ 3:6 Zel 31.31 § 3:7 Boa 34.29

\* 3:13 Boa 34.33

guue. <sup>3</sup> Tó baona pó wále kpá ulæae, gbé vúaaao ñ a ulæané. <sup>4</sup> Asa dúniae bee dii Yesusaideo wé vñakù, kék aasu baona sí, Kilisi pó de Lua taa ñ gawi gupunéo yái. <sup>5</sup> Wá zia kpàwa wále keo, Yesu Kilisi diike kpàwa wále ke, mé wále zobleé aà yái. <sup>6</sup> Lá Lua ò yää, gu pu gusiau,\* à gupù wá sõu màa ló. Gupuapi de aà gawi pó lé teke Kilisi oawa dãa ñ.

<sup>7</sup> N beeo wá gbé pó wá àizee bee kúao, wá de lán gí oowa, kék wá e dõ gbaa zõo ñ bø Lua kíie, wá kíi no. <sup>8</sup> Wi ñadawá gupiue, ní beeo wili suo. Wi bílike, áma wá wé døa Luazi lí busao. <sup>9</sup> Wi wá wetä, áma Lua lí wá tó weo. Wi wá pále, áma wili gao. <sup>10</sup> Góopii wá kú Yesu ga suawá guu, kék aà wëni e bø gupuau wá mewa yái. <sup>11</sup> Wá gbé bëeo wi ku ga lézi Yesu yái, kék aà wëni e bø gupuau wá me pó a ga guu yái. <sup>12</sup> Måa gapi lé zíke wá guu, mé wënipi lé zíke á guu. <sup>13</sup> A këa Lua taalau wà më: Ma Lua náaikè ñ ma yä'ò.† Wápi ñ wa Lua náai doüpi kék, ñ wále yä'o a yái. <sup>14</sup> Asa wá dõ lá Lua Dii Yesu bø gau, a wá bøaañø gau sõ, i wá kpá a kùe sãnu ní ápi. <sup>15</sup> Beeo lé wá le píi á yái, Lua gbéke i li gbé dasidea, aà sáaukpaa i káfli aà tøboa yái.

### Wedøa mè dafui

<sup>16</sup> Ayämeto wá kúsu lí kwéo. Baa tó wá mekaa lé yaike, wá guu ñ dafukù lá gu lé døe. <sup>17</sup> Wá ñadama gó do leenae bee lé gawi zõo láasai iwëe, a de beeao. <sup>18</sup> Wá wé kú pó pó wí wesié kíio, sema pó pó wíli wesiéo. Asa pó pó wí wesiéa góopla póe. Pó pó wíli wesiéo sõ ñ ku góopii.

## 5

<sup>1</sup> Wá dõ tó wá sõ pó wá kúu kpé ñ dúniae guue bee yàa, Lua a kpé pó wi dø ní oo kpawá a be e góopii. <sup>2</sup> Wi we sõpi guu fëee, wá ye luabe pópi dae, <sup>3</sup> asa tó wa bø sõu, wáku mesaio. <sup>4</sup> Gó pó wá kú sõe bee guu, wi we fëee lá wá asoseawa. I ke wá ye bø a guu no, wá ye luabe pó dae, kék wëni wá sõ pó i gapi mó. <sup>5</sup> Bee yái ñ Lua wá kái, ñ a a Nisina kpawá gba pó à døaa dàwëe ñ.

<sup>6</sup> A yái tò wá sõ ñ dilea. Wá dõ gó pó wá meee bee ku, wá kú Dii kíio. <sup>7</sup> Asa Dii náai wá kuð, i ke wësia poele yá no. <sup>8</sup> Wá sõ ñ dilea. Bøa sõu gea Dii kíi mé maawëe. <sup>9</sup> Kua me guun nò, bøa a guun nò, wi wëele wá yá kaaàgu. <sup>10</sup> Asa Kilisi aø zöle a gínaa, wápii wí bo ze aà ae, i fiabo wá baadee aà kua me guu yákëawa, a maa ge a vái.\*

### Gbënazina kea na ní Luao zí

\* **4:6** Daa 1.3    † **4:13** Soü 116.10    \* **5:10** Lom 14.10-12

<sup>11</sup> Lá wále v̄iakε Diiε màa, wi weele gbéɔ yápi zé e. Lua wá sáasā dɔ, mé wá ye à wá dɔ á s̄u m̄a. <sup>12</sup> Wálε wázia sáaukpaé l̄ no, wále á gba zé à ïanadā wá yá musue, í e yázāsi gbé p̄ ï ïanadā p̄ p̄ ále e n̄ wéo, i k̄e s̄ò yá nowa. <sup>13</sup> Tó ále e wá liaaaε, Lua yáie. Tó wa su wá d̄ɔwa, á yáie. <sup>14</sup> Asa Kilisi yeawázi yá mé wá kūa gbāa. Wá è tó gbé mèndo ḡa gbépii ḡee ū, aa ḡa m̄piin we. <sup>15</sup> A ḡa gbépii ḡee ū, k̄e gbé p̄ ḡoo su wào kú nzia p̄ ū l̄o, sema gbé p̄ ḡa n̄ ḡee ū à vù p̄.

<sup>16</sup> Bee yáí wili gbēe gwa lá dúnia ï aà gwawa tia l̄o. Baa k̄e wá Kilisi dɔ lá dúnia aà d̄ɔwa yāa, wá aà dɔ màa tia l̄o. <sup>17</sup> Tó gbé naa Kilisiwa, gbé dafue. Aà kua zi ḡe, a dafu mé m̄. <sup>18</sup> Bee b̄ò Lua k̄ii p̄íe. A wá keanɔ na n̄ Kilisi gbāao, ɔ à gbéɔ kea naanɔ z̄i dàwēe. <sup>19</sup> Kilisi sabai Lua dúnia kèanɔ na gbéɔ t̄aaeɔ yādasai. A gbéɔ keaanɔ napi yādāwēe. <sup>20</sup> Beewa Kilisi ḡeeon wá ū. Lua lé gbéɔ sisi wá musu. Wa wabikèwá Kilisi gb̄eu, à k̄e na n̄ Luao. <sup>21</sup> Lua tò duunsaide ḡò duuna awakpab̄ ū wá yáí, k̄e naawà guu Lua i to yá b̄owanc̄ na.

## 6

<sup>1</sup> Lá wále z̄ikε Luae, wa awakpàé, ásu to gbéke p̄ Lua k̄é k̄e p̄ao. <sup>2</sup> Asa Lua m̄:

Ma n̄ yāmà a ḡoo wa,  
ma d̄onl̄e suabaḡoo.\*

Ḡoo k̄a sa, gbā mé suabaḡoo pi ū.

<sup>3</sup> Wili yá p̄ a to gbé fu k̄eo, k̄e wasu wá z̄i sāa eo yáí. <sup>4</sup> Wi wá luazikenke ol̄o gbéonē yápii guu. Wi menaf̄ maamaa n̄ iadaawáo n̄ taasio n̄ wéteao. <sup>5</sup> Wà wá gbé, wà wá ká kpéu, wà f̄lewanc̄. Wa z̄i gbāa k̄e, wi e i'ðo, n̄ana wá d̄e. <sup>6</sup> Wá ðl̄oné n̄ n̄s̄emendoo n̄ d̄ao n̄ s̄uuuo n̄ maakeao n̄ n̄s̄epuao n̄ yenzi m̄afilisaio <sup>7</sup> n̄ s̄iana'oao n̄ Lua gbāao. Wá maakeb̄oo kūa wá oplaau n̄ z̄eeo. <sup>8</sup> W̄i wá kpela, w̄i wá kp̄eb̄o. W̄i wá tó v̄ai sí, w̄i wá t̄onasi. Siandeon wá ū, ɔ w̄i wá dile m̄afilideɔ ū. <sup>9</sup> T̄odeon wá ū, ɔ w̄i wá dile gb̄eandoo ū. Wá b̄éee fá, ɔ w̄i wá dile geo ū. W̄i wá dile p̄ogb̄ea ū, áma wili wá deo. <sup>10</sup> Wá p̄ ū nae, ɔ w̄i wá dile p̄osiadeɔ ū. Wi gbéɔ ke odeo ū dasi, ɔ w̄i wá dile taasideɔ ū. Wá p̄opii v̄i, ɔ w̄i wá dile p̄esaideɔ ū.

<sup>11</sup> Kolénideɔ, wa yá'ðé wásawasa, wa wá n̄s̄e wéé. <sup>12</sup> Wi wá n̄s̄e kúkpaeo, áme a á p̄ kúkpawēe. <sup>13</sup> Ma yá'ðé lán ma néwae. Lá wa wá n̄s̄e wéé, à á n̄s̄e wéwēe s̄o.

*K̄ea Yesusaideɔwa*

\* **6:2** Isa 49.8

<sup>14</sup> Asu nakɔ̄wa n̄ Yesusaideo. Kpelewa maa n̄ vāio aa gbékpa n̄ kɔ̄oi? Baa kpele gupua n̄ gusiao v̄i n̄ kɔ̄oi? <sup>15</sup> Kilisi yá a kɔ̄se n̄ Setāu p̄o kpelewa ni? B̄ Yesude n̄ Yesusaideo v̄i n̄ kɔ̄oi? <sup>16</sup> Kpelewa Lua kpé l̄e a ke doū n̄ tāaci? Lua b̄ēe kpén wá ū, lá a òwa à mè:

Máo kúrño, máo bebe n̄ guu,<sup>†</sup>

mí de n̄ Lua ū,

aai de ma gbé ū.<sup>‡</sup>

<sup>17</sup> Ayāmeto Dii mè:

A k̄émá, àlió kú adoa,

ásu ḥkā p̄o gbâlēawao,<sup>§</sup>

mí á sí, <sup>18</sup> mí de á Mae ū,

íó de ma negb̄eo n̄ ma nenɔe ū.\*

Dii Gbāapiide mé ò.

## 7

<sup>1</sup> Ma gbé yenzideɔ, lá Lua legb̄ew̄e màa, wà k̄e yá p̄i i me n̄ nis̄inao gbâlēwa míomí, wí weelé wà wá kua adoa lepapa v̄iakéa Luae guu.

### P̄olu p̄o kea Kɔlenideɔwa na

<sup>2</sup> A wá kú ḥplapla. Wi tāaek̄e gb̄eeeo, wi gb̄ee ḥkpao, wi gb̄ee taiink̄eo. <sup>3</sup> Mi bee o mà yâdaála no. Má ò k̄ò, wa gan nò, wá kún nò, á yá d̄o wá s̄swaæ. <sup>4</sup> Má á náai v̄i z̄o, mi īanadā á yá musu maamaa. Wétēa m̄aw̄ee guu p̄íi ma n̄s̄eninia kpe l̄o, ma p̄o k̄ena yáiyäi. <sup>5</sup> Baa k̄e wa ka Masedoni bùsuu,\* wá me i e d̄o. Wétēa p̄íi wá lé, wà félwá n̄ s̄oleo, <sup>6</sup> wá kú s̄d̄eedee guu.

<sup>6</sup> ♪ Lua p̄i ȳeesaideo n̄s̄e níni wá n̄s̄e n̄niw̄ee Titu m̄a guu. <sup>7</sup> I ke aà m̄a ado no, k̄e a aà n̄s̄e n̄niè yáie l̄. A òw̄ee ále ma b̄eek̄e, á kú dénd̄m̄ee guu, a z̄emanc̄ sa, <sup>5</sup> ma p̄ona kâfl̄.

<sup>8</sup> Baa k̄e lá p̄o má k̄éé á p̄o yà, má làasoo pâle dao. Ma làasoo pâle dà yâa, k̄e má è lápi á p̄o yà ḡc̄pla, <sup>9</sup> áma ma p̄o k̄ena sa. I ke k̄e ma á p̄o yâé yáie no, k̄e á p̄osia tò a n̄s̄elil̄e yáie. A p̄oyaapi b̄ò Lua k̄iie. Bee yáie ásoo wá k̄éeo. <sup>10</sup> P̄osia p̄o b̄ò Lua k̄ií i to gb̄e n̄s̄elil̄e Luapi i aà suaba líi dénd̄m̄ee v̄io. Dúnia p̄osia mé i ga iné. <sup>11</sup> A gwa lá p̄osia p̄o b̄ò Lua k̄iipi z̄ik̄e á guu. A me wà sa, a gi n̄ áz̄iao, á p̄o fele, v̄ia á kú, a ma b̄eek̄e, a w̄età, a vâik̄ena swâgâga. Apii guu a áz̄ia ðl̄oné k̄e á tâae v̄i yápi guuo.

<sup>12</sup> Baa k̄e ma lápi k̄éé, i ke gb̄e p̄o tâaek̄e ge gb̄e p̄o à tâaek̄e yáie no, má k̄e Lua d̄o guu, k̄e á yeawázi e b̄o gupuau. <sup>13</sup> Wá n̄s̄eninia bee bâasi, wá p̄ona kâfl̄ maamaa Titu p̄ona yá musu,

<sup>†</sup> **6:16** 1Kln 3.16, 6.19    <sup>‡</sup> **6:16** Eze 37.27    <sup>§</sup> **6:17** Isa 52.11    <sup>\*</sup> **6:18** 2Sam 7.14

\* **7:5** 2Kln 2.13

ké ápii á tò aà nisīna sù yái. <sup>14</sup> Ma īanadàè yää á yá musu, i to wí ma kūo. Lá wa sīlana'ōé yāpii guu, māa wá īandāa Titue kē sīlana ū. <sup>15</sup> Lá a aà dīlē gbia a aà kpelà, mé a aà yāmà ápii, tó à lāasookè yāpiwa, aà nòsē ī ea yāalōwāe. <sup>16</sup> Ma pō kēna, kē má a náai vī yāpii guu yái.

## 8

### *Kō kāmasakaa*

<sup>1</sup> Gbēo, wá ye ào gbēkē pō Lua kē Yesude pō aa ku Masedoni būsuu wéle ní wéleōone dō. <sup>2</sup> An yōa ní iadaama pāsio guu, an pō kēna maamaa, ɔ baan ní taaside búubuukeo aa gbadà sōūsōū. <sup>3</sup> Mā òé aa gbadà ní gbāa léu, a de ní gbāa léa se. <sup>4</sup> Aa gbēawá nízia awa ní awao, wà ní gba zé ní o e ào ku Lua gbēo kāmasa guu.\* <sup>5</sup> Aa kē de lá wá wé dōia, aa nízia kpà Diiwa già ní wápi lō lá Lua yeiwa. <sup>6</sup> O wa wabikè Tituwa aà gé kāmasa yá pō a dāale á guu lekpaañi. <sup>7</sup> Lá á gbāa yāpii guu, luanaaikēa ní yā'oao ní dōao ní yāpii añaio ní á yeawázio, ào gbāa kāmasapi kaa guu lō.

<sup>8</sup> I ke ma yādīlēé no, kōai pō gbēpāleo kē õ má òé, kē mà e mà á yea gbēzi sīlana dō. <sup>9</sup> A wá Dii Yesu Kilisi gbēkē dō. Aà pōde'ia à gō pōsaide ū á yái, ɔ aà pōsaideke guu à á kē pōdeo ū. <sup>10</sup> Lá má è yāpi musun we. Bee kōsī ní á gbē pō a ze ní yāpio za muyāa, mé á kēo. <sup>11</sup> A yāpi lekpaañi sa. Lá á sōu mà ní a kēao, à ke á gbāa léu. <sup>12</sup> Tó gbē gbadà ní nòsemendoo a pōvīa léu, bee ī ká, i ke pō pō a vīo no. <sup>13</sup> I ke áo taasike gbē kīniñi aao namable no. Aò kpaañi. <sup>14</sup> Tia kēwa pō pō diázi à yooné an pōkēsāama guu. Gōoewa sō, pō pō diñzi aai ea yooé á pōkēsāawá guu. Beewa áo kpaañi. <sup>15</sup> Lá a kēa lāuwa wà mè:  
Sèlēnzōde pō i fēo,  
yōonde pō i kēsāo.†

### *Pōlu Tituɔ sāaukpaa Kolēnideɔne*

<sup>16</sup> Ma sāaukè ní Luao, kē a tò á yá dō Titu sōwa lamawa. <sup>17</sup> A wá yāmà, aà mē wà à mō á gwai, àle mó teasi no. <sup>18</sup> Wá gbēdo pō aà tó lígwa Yesudeo guu píi baonakpaa musu ɔ wá dàè. <sup>19</sup> Bee gbea lō Yesudeo aà sē aà gēwanō kāmasa zì pō wále ke kēi. Wále zìpi ke Dii tōbōa yāie ní nòsemmaa pō wá dào. <sup>20</sup> Wále gbēo wá tāae'ea gba zōo pō na wá zì yá musu abaa bō. <sup>21</sup> I ke yá pō maa Dii e ɔ wále wēele adoo, ní pō pō maa gbēnazīnaoneo lōe.‡ <sup>22</sup> Wa wá gbēpāle dànē lō. Wa aà laai gwà a gēna lé vīo, wá è a aiaiví yāpii guu, mé aà aia èa kàflī tia, kē a á náai vī yái. <sup>23</sup> Titu gbē bee sō, ma zìkendee pō wí á maa wēele sānun aà ū. Wá gbē kīniñi sō,

\* **8:4** Lom 15.26   † **8:15** Bōa 16.18   ‡ **8:21** Yaa 3.4

Yesudeo zinacne, aa Kilisi tōbo. <sup>24</sup> Ayāmeto à oloné kē á yeńzi, Yesudeo i dō kē wá īandāa á yá musu siana vi.

## 9

<sup>1</sup> Má lákéé Lua gbéo kō kámasa pó wálé kápi yá musuo, <sup>2</sup> asa má dō a nòsēmaa dà, <sup>3</sup> ma īanadà Masedoniōne ma mè Gélékiō sou mà za muyāa. A āiapi ní gbé daside me félē. <sup>3</sup> O ma wá gbépiō zìwá ào ku sou guu lá má òwa, kē īana pó wá dà yápi musu su ke pāo. <sup>4</sup> Tó Masedoniō mòmano, tó aa è á sou i mao, wí a wá kūe, kē wa á náailkè yái. A è, má á pó o lœ? <sup>5</sup> Ayāmeto má è a maa mà o gbépiōne aa dōaamee, aa gba pó a dōaa a a legbè yá keke káau, a sou i ma, iō de nòsēmendo gba ū, i ke gba teaside no.

### Gbadaa ní nòsēmendoo

<sup>6</sup> A làasooke yáe beewa.

Tó ní tō yōo, ni keke yōoe,  
tó ní tō zōo, ni keke zōoe.

<sup>7</sup> Baade kpá lá à zèò a sō guuwa oosisisai teasisai. Lua ye gbé pó i gbada ní pōnaozi. <sup>8</sup> Lua a fō to èfāai píi liála, gōopii pópii i mówá yápii guu e à liála maakea píi guu. <sup>9</sup> A kēa Lua taalau wà mè:

I pó fāe taasideōne,  
aa maakea iō ku gōopii.\*

<sup>10</sup> Lá Lua i pōbui kpa pōtōnawa mé i pōblea kpa gbépiwa,† a pōbui kpawá, i kéké, á maakea gbe i yáasa kú. <sup>11</sup> A á ke pōdeo ū yápii guu, iō gbada sōūsōū gōopii, gbéo i Lua sáaukpa gba pó á dàné wá sabai yái. <sup>12</sup> Asa Lua gbéo pōkēsāma bōle ū kámasa zípi lé ke adoo, a to Lua sáaukpaa ligua maamaa lœ. <sup>13</sup> Gbéo Lua tōbo, asa kámasa pó á kápi lé oloné a misiile Kilisi bao pó a zèòe, mé a gbékekèné ní gbépiio ní nòsēmendoo, <sup>14</sup> aai wabikéé, aai á nide Lua gbéke pó tōwá yái. <sup>15</sup> A Lua sáaukpa aà gba pó gë oaa yái.

## 10

### Pōlu gia ní azlao

<sup>1</sup> Ma Pōlu, ma awakpàé ní Kilisi nòsenie sùuuo, ma gbé pó i mè má busé á guu mé má pāsi á kpe. <sup>2</sup> Ma wabikèwá, tó ma mo, ásu to mào pāslánōo, asa má fō mà a pāsi oló á gbé pó aaí mè dúnia yá mé lé dōaawēeōne. <sup>3</sup> Wá kú dúnia guue, áma wili zíka lán dúnia gbéwao. <sup>4</sup> Wá gōkebōá dúnia pó no, Lua gōkebō gbāa pó wi zegikii gbooodōne. Wi ūnō búinao suumpaò <sup>5</sup> ní wala pó i gíné

\* 9:9 Sou 112.9 † 9:10 Isa 55.10

wà Lua dɔ̄o píi. Wi làasoo píi kú zìzɔ̄o ū aa misiile Kilisiɛ. <sup>6</sup> Tó a misiilewée wásawasa, wá sɔ̄u mà wà swágbäädeɔ̄ swágaga.

<sup>7</sup> I gbé gwa a beawae. Tó gbé dile Kilisi pón a ū, aà ea làasookɛ yáe beewa. Kilisi pón wá ū laaàwa sɔ̄. <sup>8</sup> Baa tó ma ìanadà zɔ̄ iko pó Dii kpàwá yá musu, wí a ma kúo, asa á zedɔ̄a yáie, i ke á gbooa yáie no. <sup>9</sup> Má ye ma lákëaé àò deé viadadanzi uo. <sup>10</sup> Wí me ma láo gbìa, i n̄ gba gbää, áma tó wá kú kɔ̄ wéu, ma lé iɔ̄ busé, ma yá lí tómáo. <sup>11</sup> Gbé pó lé o màao dɔ̄ ké lá wá de láo guu, màa wáo de kua kɔ̄ wéu.

<sup>12</sup> Wá ke muua ge wá wá leeū n̄ gbé pó aale n̄zìa sáaukpaɔ̄o. Aa n̄zìa kpaaia n̄ kɔ̄ n̄ n̄zìa leeūa n̄ kɔ̄ ſn̄ vio. <sup>13</sup> Wá gbé beeɔ̄, wá ìanadà de a léao. Wá dã kɔ̄ pó Lua dàwée léue. Baa ápiɔ̄, kɔ̄opi á ká. <sup>14</sup> Lá wa ka á kíi, wále v̄i wá pó léao, asa wa mɔ̄ n̄ Kilisi baoo e á kíi. <sup>15</sup> Wili ìanadà de a léa wa gbépáleɔ̄ zìkàuo. Lá á luanaaikɛa lé káfi, wá ye zì pó wále ke á guu ṣta maamaa e kɔ̄ pó Lua dàwée léue, <sup>16</sup> wí gé baopi kpái bùsu pó kú á aeɔ̄ guu, gbépáleɔ̄ tāaabaa ìandásai. <sup>17</sup> Tó gbé ye ìanadà, aà dã Dii yá musu.\* <sup>18</sup> I ke gbé pó i azìa sáaukpa mé maao, sema gbé pó Dii i aà sáaukpa.

## 11

### Zìna egènaɔ̄

<sup>1</sup> A ma fɔ̄ yɔ̄o n̄ ma sɔ̄ukkeyão, áma ále ke kò. <sup>2</sup> Lá Lua lí sí sàao, màa ɔ̄ má kúa á yá musu. A gɔ̄ mèndoe, ſn̄ Kilisi ū. Ma á kpásawà wéndia léso ūe. <sup>3</sup> Lá mlé kɔ̄nikè Evae à aà sàsà,\* v̄ia lé ma kú ké a su á sàsà sɔ̄, i á naa Kilisiwa gbásisai n̄ nòsemendoo tó. <sup>4</sup> Tó gbé mò Yesu yá pó dodo n̄ wá pó waasokèé, ge nisina pó dodo n̄ pó pó á èo ge baona pó dodo n̄ pó pó á sio, i aà gba zé maamaae. <sup>5</sup> Má è má késäa zìna pó a n̄ díle deñlaɔzi yæe guuo. <sup>6</sup> Baa tó ma léna nao, má dɔ̄a v̄i. Wá òlɔ̄é ápii wásawasa yápii musu.

<sup>7</sup> Ké ma baona pó bò Lua kíi waasokèé pòsiwásai, mé ma azìa bùsa á káflia yáie, tāae má kèa? <sup>8</sup> Ma Yesude pàleɔ̄ taiinkè, ma a asea èmá, ké mà e mào zìkè á guu yáie. <sup>9</sup> Goo pó má kúáno, tó pó lé késäa, mili ìada gbéewao. Wá gbé bò Masedoni bùsuu, aa mòmee n̄ pó pó lé késäao.† Má azìa kúa, mi ke gbéee aso uo, mé màao mazìa kúa màae. <sup>10</sup> N Kilisi sìana pó kú ma guuo, gbée a kpa ma ìandäyäpie Gelési bùsuuo. <sup>11</sup> Bóyäi má ò màai? Má yeázi noa? Lua dɔ̄.

\* 10:17 Zel 9.23 \* 11:3 Daa 3.1-5 † 11:9 Flp 4.15-16

<sup>12</sup> Yá pó málε ke móo keε, kέ mā e zεzō gbé pó aale ma léwεɔne aa īanadā láwáwa yá. <sup>13</sup> Gbépiɔá zína egenaɔne! Ziken mɔafilideɔne! Aaɔ li Kilisi zínaɔ ū. <sup>14</sup> Yābɔnsae no. Baa Setāupi ī li gupua malaika ū. <sup>15</sup> Lá māaε, tó aà zíkenaɔ lǐ maa zíkenaɔ ū, yābɔnsae no. An zia aɔ de n̄ yākeawae.

### Pɔlu taasikεa a zínakε guu

<sup>16</sup> Ma εa lé o lɔ, gbēe su ma gwa sɔū ūo. Tó māan sɔo, aɔ ma kúa māa, kέ mā e īanadā yɔɔ. <sup>17</sup> Yá pó málε o, Dii mé ma dauo. īana pó málε dā mazia náikεa guue bee, málε dā mísaike guue. <sup>18</sup> Lá gbéo lé īanadā dasi dúnia yá musu, mapi sɔ má dāe. <sup>19</sup> Asa á ɔnɔnaɔ i menafɔ n̄ mísaidεo n̄ pɔnao. <sup>20</sup> Tó wàlε á ke zɔɔ ū, tó wàlε á só, tó wàlε á taiinkε, tó wàlε gbāablewá, tó wàlε á sānkε, i menafɔ. <sup>21</sup> Sianaε, wá buse! A kémee wí ū! Ama pó pó gbé kúa àle a wóo ke, má kúa sɔe. Málε o mísaike guue. <sup>22</sup> Ebeluɔ no lò? Má a ū sɔe. Isailiɔ no lò? Má a ū sɔe. Ablahaū buiɔ no lò? Má a ū sɔe. <sup>23</sup> Kilisi zíkenaɔ no lò? Má a ū deňla. Málε yā'o lán īandewae. Ma zíkè deňla, ma daakpeu deňla,‡ má a gbēa lé dɔo, ma kua ga lézí gēna lé vio. <sup>24</sup> Yudaɔ ma gbē flàala le bla mèndosai§ gēn sɔo. <sup>25</sup> Wà ma gbē n̄ goo\* gēn àaɔ. Wà ma papa n̄ gbeo gēn do.† Gó kpàlemanɔ gēn àaɔ, ma ke ísi guu gɔɔ do fāane n̄ gwāasinao. <sup>26</sup> Ma wéle dasi gεa guu miɔ ku kai guu: Swa kai, kpáiweliwεɔ kai, Yudaɔ kai, buipáleɔ kai, bənanguo kai, sèa kai, ísia kai, Yesude egenaɔ kai. <sup>27</sup> Ma zí gbāa kέ n̄ wāwāo, ma itékè a gēna lé vio, nɔana n̄ imio ma dēde, ma leyè a gēna lé vio, má kú búu īandea guu. <sup>28</sup> A kiniɔ bāasi Yesudeɔ píi kàakεa ìo tɔaa lá gu lé dɔ. <sup>29</sup> Gbēe bùsa ɔ mi busaoa? Gbēe fù ɔ i ɔaoa?

<sup>30</sup> Tó a maa mā īanadāε, má dā ma yèeesaike musue. <sup>31</sup> Lua wá Dii Yesu Kilisi Mae dɔ kέ málε eetoo. Wàɔ aà sáaukpa gɔɔpíi! <sup>32</sup> Gɔɔ pó má kú Damasi, kí Aleta ziia ò wà wélepi bíibɔleɔ dā wà ma kú, <sup>33</sup> ɔ wà ma bɔ fenentiu, wà ma pila n̄ bao gbí guu bíi kpε, ɔ ma pilimá.‡

## 12

### Pɔlu wépungu'ea

<sup>1</sup> A kù mā īanadāε. Baa tó a ài vio, má εa su wépungu'eaɔ n̄ yá pó Dii ɔlɔmeeɔwa. <sup>2</sup> Má gbēe dɔ naa Kilisiwa, wà aà sè gèò e luabe sianau, a wè gεo mèndosain la. A gε n̄ meon nò, mesain nò, má dɔo, Lua mé dɔ. <sup>3</sup> Má dɔ kέ wà gbépi sè gèò e àizānableklii. A gε n̄ meon nò, mesain nò, Lua mé dɔ. <sup>4</sup> A yá pó

‡ **11:23** Zin 16.23    § **11:24** Iko 25.3    \* **11:25** Zin 16.22    † **11:25** Zin 14.19

‡ **11:33** Zin 9.23-25

a oa keo mà, gbēnazīna a zé v̄ à s̄éle siuo. <sup>5</sup> Má ìanadā gbépi yá musue, áma má ìanadā mazia yá musuo, sema ma yéeesaikε yá bāasio. <sup>6</sup> Tó má ye ìanadā, má ìanadā misaide ūo, asa siana má o. Ama má dāo, kέ gbēe su ma dile de lá á è má de ge lá á mà ma lélulao. <sup>7</sup> Ké másu mà wala kέ yāzō pó Lua ̀lōmeeɔ musuo yái, à le s̄òlɔ ma meu Setāu iwa ū, à ma gbē. <sup>8</sup> Ma wabikè Diiwa gēn àaɔ yápi musu, aà p̄ópi gomala, <sup>9</sup> ɔ a òmee gbēkε pó i k̄emee m̄à, yéeesaikε guu ɔ a gbāa siana i b̄ou. Ayāmeto má ìanadā n̄ p̄onao ma yéeesaikε musu, kέ Kilisi gbāa à kumala. <sup>10</sup> Beewa mi p̄onake n̄ ma yéeesaikεo n̄ widaaaao n̄ taasikεao n̄ iadaaaao n̄ wéteao Kilisi yái, asa ḡo pó ma busa ɔ miɔ gbāa.

### *P̄olu kâakεa Kolénideɔne*

<sup>11</sup> Ma m̄lsaike kέ, áme a ma dau. Amē a maa yāa à ma sáaukpa. Baa tó má p̄oe ūo, má k̄ésāa z̄ina pó a n̄ díle d̄enlapiozi yāe guuo. <sup>12</sup> Ma a z̄inake seela ̀lbé n̄ menao maamaa yābōnsaeɔ n̄ dabudabukεao guu. <sup>13</sup> Bó ma á k̄ésād̄ Yesude k̄iniɔzii, kέ mi ḡo á gbēe aso ūo bāasio? A sùuukemano n̄ tāae bee! <sup>14</sup> Tia kέwa ma m̄oa á k̄li gēn àaɔde s̄ou mà, mé má ḡo á gbēe aso ūo. Amē málē á weele, i ke á p̄ó no. Asa maeo mé aał̄ àizee dile n̄ néone, i ke néo mé aali dilenéo. <sup>15</sup> Má a p̄ó ble p̄ii, mí az̄ia kpawá n̄ p̄onao á wēni yái. Tó ma yeaázi z̄ɔkù, á yeamazi a lao yá? <sup>16</sup> Eh̄, mi ḡé aso ūo, áma wà mè wezēnan ma ū, má siwá n̄ k̄nioe. <sup>17</sup> Ma á blé gbē pó ma n̄ z̄iwáo kee sabai? <sup>18</sup> Ma wabikè Tituwa aà gé á k̄li, ɔ ma wá gbēdopi dàe. Titu á blé yá? Wá ká doúo lé? Wá tufa doúo lé?

<sup>19</sup> Alé e yāa wále b̄okli weele yá? Aawo! Wále yā'o n̄ Lua d̄ao naa Kilisiwa guue. Ma gbē yenzideɔ, ma bee òé p̄ii á zed̄a yái. <sup>20</sup> Via lé ma kú, tó ma ka á k̄li, kέ másu á le lá má yeiowao, mé ásu ma e lá á yeiowao. Málē v̄lakε s̄olee n̄ zaak̄uo n̄ p̄ok̄umao n̄ d̄enlaweeleao n̄ k̄yaaaao n̄ k̄opeo n̄ ȳɔo n̄ z̄ao. <sup>21</sup> Via lé ma kú kέ tó ma ea m̄o, ma Lua a to wí ma kú á yá musu. Gbē pó aa duunakè yāa aa gbāsikè, aa wùle n̄ gbēpāle n̄o aa wisaiyā kέ, tó aai mik̄ n̄ yápi k̄eawao, má ówlōnēe.

## 13

### *Ledama gbεzā*

<sup>1</sup> Ma m̄oa á gwai gēn àaɔden kε. Wí yási seelade gbēɔn pla ge gbēɔn àaɔ musue.\* <sup>2</sup> Má òé yāa ma kuaáno gēn plaade guu, mé málē oé l̄ á kpε, tó ma ea m̄o, má gbē pó aa duunakè yāao n̄ gbē k̄iniɔ kee t̄eboo. <sup>3</sup> Alé seela weele kέ Kilisi mé lé yā'o ma guu

\* 13:1 Iko 19.15

nolo? Too! I kε Kilisi gbāasai no, iɔ gbāa á guu. <sup>4</sup> Sianaε, aà paa líwaá gbāasaikεyāε, âma a kú ní Lua gbāaoε. Mâa naawà guu wá buse sɔ̄, âma wáo kuaàñó á guu ní Lua gbāaoε.

<sup>5</sup> A ázìa tāasika à gwa, tó á kú Yesu Kilisi náaikεa guu. A lāasooke ázìlawa. I dɔ̄ kέ a kú á guuo lé? Tó māa no, a fuaε. <sup>6</sup> Má ye ào dɔ̄ kέ wápiɔ wi fuao. <sup>7</sup> Wálε wabikε Luawa ásu vāie kεo. I kε kέ gbέɔ wá maabo yái no, kέ à maake yáie, baa tó wálε wá gwa gbέ fuao û. <sup>8</sup> Wá fɔ̄ zεzɔ̄ sianaεo, sema wà zεpooɛ. <sup>9</sup> Tó wá buse mé á gbāa, wá pɔ̄ iɔ̄ naε. Yá pó wi a wabikε mé de kέ á yá e ào bɔleia wásawasa. <sup>10</sup> Ma yá beeɔ kɛé, kέ tó ma mɔ̄, másu webiiwá mà iko pó Dii kpàa mɔ̄eo. A kpàa á zεdɔ̄a yáie, i kε á gbooa yái no.

<sup>11</sup> Tò o gbέɔ, à gɔ̄ zia bāasi. A dēeka á yá e ào bɔleia wásawasa. A ma lēdama ma. A lēdoñke ào na ní kɔ̄, Lua yenzide aafiade iɔ̄ kúáñó. <sup>12</sup> A fɔkpakɔ̄wa ní Lua gbέɔ lέpeakɔ̄wao. Lua gbέɔ fɔkpàwá nípii.

<sup>13</sup> Dii Yesu Kilisi gbékεkεé, Lua iɔ̄ yeázi, aà Nisīna iɔ̄ gbékpaanɔ́ ápii.

## GALATI Yá pó kú láe bee guu

Galati bùsu gbéé Yesu baona mà wa sì Pɔlu wélegéa gën plaade ní a àaădeo guue (Zin 16.6, 18.23). Ama waasoken pâle gè we lɔ, õ aa dàda gbééne aa mè, sema Yesude pó aa de Yudao ū misiile Moizi ikoyæ, aai tɔzɔ. Pɔlu kíi yádané bee bò Yesu Kilisi yá kpée, ále Galati bùsu Yesude da zóbleu. Ké a mà gbépi lé swásé yápizi, õ à láe bee kéné.

Ké Pɔlu ye a gbéé ea laaidɔ baona zé mèndonawa, õ à yádádané à mè:

A azia yá bɔolekènè, aà nòselilea ní ledou pó wa kè ní kōo ní Yelusale ū dɔaanaaç ikoyäpi musu ní a kɔyamasai ní Pieeo yäapi musuo. Pɔlu a zinakeyä bɔolekènè, à kpâle à sìwà ké a zinaképi bò Dii kíie (1-2).

A gbää'è Luabaakuaññó káau yáwa, õ à mè gbéé a e bɔ maa Moizi ikoyä maà sabadio, sema Yesu Kilisi náaikea (3-4).

A tækparígu aa wetä wàò nízìla vñ ní Lua Nisina dɔaaanéo, asa Nisinapi i yámaaç iné dasi, a séia mé yeakɔzi û (5-6).

A kù Yesu gáli pii ní Yesudee píi swásé Pɔlu yápizi, aai sí ní nòsemendoo ké aa e bɔ zóblea bui píiu.

### *Baona pale kuo*

<sup>1-2</sup> Ma Lua zína Pɔlu ní ma Yesude dee pó wá sānuo píi wámé wa láe bee kè Yesude pó aa ku Galati bùsuuoné.\* Ma zinaké i bɔ gbénazína kíio, gbénazína mé i a ledɔekéo, Yesu Kilisi ní Mae Lua pó aà bò gauo mé ma zl. <sup>3</sup> Lua wá Mae ní Dii Yesu Kilisio gbékékeé, aai á gba aafia. <sup>4</sup> Kilisipi gí a wénii Lua wá Mae pœäwa, à wá duuna këwá, ké à e wá bɔ dúnia tia vãi bee. <sup>5</sup> Lua mé gawi vñ gɔppii! Ami.

<sup>6</sup> Ké ále bɔ Lua pó á sisi a gbéké guu kpe màa gɔɔ, ále ze ní bao koleao, yápi dia maamaae. <sup>7</sup> Baona pâle kuo. Gbé pó ye Kilisi baopi lileç lé á liaæ. <sup>8</sup> Baa tó wápi ge malaikae bò luabé à baona pó i kpaañ ní pó wá déoo waasokpàé, Lua láaikewà. <sup>9</sup> Wá dé yáa mé málé oé lɔ, tó gbéé baona pó i kpaañ ní pó pó á màoo waasokpàé, Lua láaikewà.

<sup>10</sup> Málé sáau wéele gbénazínawa yà, ge Lua? Málé wéele ma yá ká gbénazinagu yà? Tó gbénazína má ye à káígu e tia, dɔ Kilisi zòblenan ma ûo.

### *Yesu Pɔlu sea a zína û*

\* 1:1-2 Zin 16.6

<sup>11</sup> Ma gbéo, má ye à dɔ̄ ké baona pó mi kpáé i bɔ̄ gbénazina kíio. <sup>12</sup> Mi ma gbénazina kíio, gbée mé i dameeo, Yesu Kilisi mé bò mòoa.

<sup>13</sup> A mà lá má kú yää Yudaɔ̄ zéu. Ma Yesudeɔ̄ wetà wéle ní wéleo pásipásí, má wèele mà ní midé.† <sup>14</sup> Ma Yudaɔ̄ zépi yá kù ɔplapla de ma sáaɔla dasi, ma ãia deñla wá dezio felekaayápi guu. <sup>15</sup> Ama Lua ma dile a pó ū za ma da nòseu.‡ Ké aà ma síisia a gbéké guu gɔ̄o kàè, <sup>16</sup> ɔ̄ à a Né gbàea,§ ké mà aà baona kpá buipáleɔne. Mi gé kpálei gbée gëzio, <sup>17</sup> mi gé Yelusaleū gbé pó aa de zinac ū ma ãaɔ̄ kíio, ma ge Laalubuɔ̄ bùsuu gò̄e, ɔ̄ ma ea ta Damasi.

<sup>18</sup> Wè aàã gbea ɔ̄ ma ge Yelusaleū, ké wà kɔ̄ dɔ̄ ní Pieeo, ɔ̄ ma keaànɔ̄ gɔ̄o gëo.\* <sup>19</sup> Mi zinac pâle eo, sema Dii dâuna Zaaki bàasio. <sup>20</sup> Yá pó má këépi, má sì ní Luao, ee málé tóo. <sup>21</sup> Bee gbea ma ge Sili bùsuu ní Silisi bùsuo. <sup>22</sup> Gɔ̄o bee Yesude pó kú Yudeɔ̄ i wesimaleo, <sup>23</sup> áma aa su mà wà mè, gbé pólé ní wetà yää mé lé zé pó á wèele kaalepi waasokpa tiasa, <sup>24</sup> ɔ̄ aa Lua tɔ̄bò ma yá musu.

## 2

### Pɔ̄lu kɔ̄ yamaa ní zinac paleɔ̄

<sup>1</sup> Wè gëo mèndosai gbea ma ea ge Yelusaleū ní Baanabao.\* Ma Titu sè, à gèwanɔ̄ lɔ̄. <sup>2</sup> Ma ge we, ké Lua mé bò mòoa à kù mà gëe. Ó ma baona pó mi kpa buipáleɔne bɔ̄olekè dɔ̄aanaɔne ntëe, ké zì pó má kè ní pó pó málé keo su ke pão. <sup>3</sup> Titu pó wá sânu ní a Gelékikéo, aai gânawà aà tɔ̄zɔ̄o. <sup>4</sup> Yesude egena pó gë wá guu kpáí o mé aa yápi dà. Aa gë wá naa Kilisi Yesuwa wéekéa tàasikaié. Aa ye wá da zibbleue, <sup>5</sup> ɔ̄ wi we wa misilénéo baa yɔ̄o, ké à e à baona siana kúa yái. <sup>6</sup> Gbé pó wâle ní gwa dɔ̄aana ūo, aai yäe kâfimeeo. Lá aa de, i këmee yäe ūo, asa Lua lí gbée zâboo. <sup>7</sup> Aa è Lua a baonakpaa buipáleɔne nàmee ma ɔ̄zi, lá à a kpaa Yudaɔ̄nè nà Pieeo a ɔ̄ziwa. <sup>8</sup> Asa lá Lua zìkè Pieeo guu a zinaké yá musu Yudaɔ̄ kíi, màa à zìkè ma guu buipáleɔ̄ kíi. <sup>9</sup> Zaaki ní Pieeo ní Zâa pó wâle ní gwa Lua kpé gbapele ūo gbéké pó Lua këmee dò, ɔ̄ aa ɔ̄kpâwá, wá ní Baanabao gbéké vâla ní kôo seela ū. Aa sì wápi wà gé buipáleɔ̄ kíi, mìpi ū Yudaɔ̄ kíi. <sup>10</sup> Yá pó aa yei lé, ní taasideɔ̄ yá à dòwágú. Gɔ̄o bee sɔ̄ wá me wâ ní a keao kò.

### Yesu náaikéa mé i wá suaba

<sup>11</sup> Ké Pieeo mò Antiosi, ma giè weliwe ké à zà yáwa yái. <sup>12</sup> Asa e Zaaki zinac aao gé kái, i poble ní buipáleɔ̄. Ké aa kâ, ɔ̄ à bòzâ à

† 1:13 Zin 8.3   ‡ 1:15 Isa 49.1   § 1:16 Zin 9.3-6   \* 1:18 Zin 9.26-30   \* 2:1 Zin 15.2-4

kèmá, ké àlé vñake Yuda pó aa zè ní tñzñyäoõne yái. <sup>13</sup> Yuda kñniø nàwà mñaafiliø guu. Baa se aa Baanaba gâ nàmá. <sup>14</sup> Ké má è aa baona siana kúa a zéwao, má ò Pieee ampiii wáa: N Yuda ia ní kú lán buipâlewa, i ke lán Yudawa no. Kpelewa nyõ fõ gäna buipâleøwa aaø Yudaø yá kúai?

<sup>15</sup> Yudaøn wá ū, buipâle pó aa Lua dñooñ wá ūo. <sup>16</sup> Ama wá dñ ké gbëe lí bø maa zíkeø ikoyäpiwa yái, sema Yesu Kilisi náaikæa ado bàasio.† Baa wápiø, wa Kilisi Yesu náaikè, ké wà e bø maa wá Kilisi náaikæapi yái, i ke zíkeø ikoyäpiwa yái no, asa gbëe lí bø maa zíkeø ikoyäwa yái.‡ <sup>17</sup> Goo pó wále weele wà bø maa naa Kilisiwa, tó wá è duunkenaøn wá ū sõ, bee mè Kilisi lé duuna wëzigba yà? Aawo! <sup>18</sup> Tó ma ea lé ikoyä pó má gbòo kekeø, a tåaeden ma ū we. <sup>19</sup> Asa má de ge ū ikoyäpi musue, § ma bø a yáu ké màø ku Lua pó ū yái. Ma ga líwa ní Kilisio. <sup>20</sup> Mapi má kú lø, Kilisi mé kú ma guu. Tiasa ma gbënazïnke guu má kú Lua Né pó yemazi à gïi a wénii ma yái náaikæa guue. <sup>21</sup> Málc Lua gbëkeø bãdeø. Tó wí bø maa ikoyäpi yái, Kilisi gâ pæe.

### 3

#### *Mɔizi ikoya ní luanaaikæao*

<sup>1</sup> Galati mísaidø! Wa Yesu Kilisi gaa líwa sásasã ðé wásawasa. Wà pðdàwá yà? <sup>2</sup> Má ye mà yá mèndo gbëawá. A Lua Nisina è zíkeø ikoyäwa yái yà, ge yá pó á màpi náaikæa yái? <sup>3</sup> Akeø a gõ mísai kewai? A dàale ní Lua Nisina gbääaoe, § álé a midø ní ázìa gbääao saa? <sup>4</sup> A taasi sae kè pã yà? Aø pão. <sup>5</sup> Lua a Nisina kpàwá à dabudabuø kè á guu á zíkeø ikoyäwa yái yà, ge yá pó á màpi náaikæa yái?

<sup>6</sup> A gwa Ablahaüwa. A Lua náaikè, § Lua tò yá bøaànø na.\* <sup>7</sup> Aø dñ ké gbë pó aa Lua náai vñø mé Ablahaü buiø ū.† <sup>8</sup> Lua baonakpà Ablahaüe à mè á báadaa bui píigu aà sabai,‡ asa wà døaa wa kè Luayätaalau wà mè Lua a to yá bø ní buipâleø na a náai pó aa ke yái. <sup>9</sup> Beewa Lua i báadaa gbë pó aa a náaikèøgu, lá a kè a náaikëna Ablahaüewa. <sup>10</sup> Gbë pó zè ní zíkeø ikoyäwao gõ láaiþø ūe, asa a këa láu wà mè, gbë pó líø yá pó kú ikoyä lá guuø kúa píi a zéwaoá láaiþø.§ <sup>11</sup> Wá dñ sásasã ké Lua lí tó yá bøaànø na zíkeø ikoyäwa guuo, asa wà mè gbë pó Lua tò yá bøaànø na a náai pó álé ke yái mé aø ku.\* <sup>12</sup> Ikoyä i kõ'e ní luanaaikæao, asa wà mè gbë pó ikoyäpi kúa mé a wénii e a guu.† <sup>13</sup> Kilisi gõ láaiþø ū wá gbëu, à wá bø ikoyä láai guu, asa

\* 2:16 Lom 3.20, 22    ‡ 2:16 Sou 143.2    \* 3:6 Daa 15.6, Lom 4.3    † 3:7 Lom 4.16    ‡ 3:8 Daa 12.3    § 3:10 Iko 27.26    \* 3:11 Abk 2.4    † 3:12 Lev 18.5

a kēa láu wà mè, gbé pó wa lòo líwaá láaiþe.‡ 14 Bee kè màa ké báaa pó Lua dà Ablahaügu e gõ buipâleøe Kilisi Yesu sabaië, wí Nisïna pó Lua a legbè e aà náaikëa yái.

### *Mɔizi ikoyá n̄ Lua legbëao*

15 Ma gbéø, gbénazin yäkëa taa málë owàé. Tó gbé legbë dìlë mé a seeladeø vî, wa fñ wà a bâdëo, wa fñ yäe kâfluo. 16 Beewa Lua legbè Ablahaüe n̄ aà buio. A këa Luayätaalau, wi me n̄ aà buio lán dasi wâlé owao,§ wà mè n̄ aà buioë, gbé mèndoë, ñn Kilisi ü. 17 Yá pó má ye on ke: Lua dòaa legbèè yää, à mè a bàa ào kuaàno. A wè ðaa pla n̄ baakwio (430) gbea ñ ikoyá mò.\* Ikoyäpi a fñ legbëapi gbooo, a fñ à a bâdëo. 18 Tó wí Lua báaa e zikëa ikoyäwa guue, báaapi a bø aà legbëa guu lðo. Lua gbékëkë Ablahaüe ké à a legbèè yái.† 19 Bóyäi à ikoyá dìlë lbi? A kâflì e Ablahaü bui pó Lua legbè aà yá musu ào mó, ké gbéø e dô wa de Luaë tåaedeø ü yái. Lua a ikoyäpi kpà malaikaçwa, aa nà kóë a ozí, ñ a dìlë gbéøne. 20 Lua legbëa sõ, Luapi yáë ado, aà bàa kú n̄ kóëeoo.

21 Tð! Ikoyäpi bò Lua legbëa kpë yà? Måa no! Tó ikoyá pó ñ wëni kpámá kú yää, dô wa bø maa ikoyäpi sabai. 22 A këa Luayätaalau wà mè, duuna gbépii kákpeukë, ké báaa pó Lua a legbëpi e gõ Yesu Kilisi náaikënao pó ü aà náai pó aale këpi yái.

23 Za dô Yesu náaikëa i mó, ikoyá wá kákpeu kë, a wá kúa dakpeunao ü e Yesu náaikëa pó lé mó gè bò. 24 Beewa ikoyäpi de wá gwana ü yää e Kilisi ào mó, ké wà bø maa aà náaikëa yái. 25 Lá Yesu náaikëa kà sa, wa bø wá gwana yáu.

26 A naa Kilisi Yesuwa guu á de Lua néo ü ápii aà náai pó ále ke yái, 27 asa á gbé pó a da'ilëkë Kilisi pó ü, a Kilisi dàë. 28 Yudaø n̄ buipâleø, zøo n̄ wéø, gðëø n̄ nøø dodoa kðeo, asa ápiiá doûë naa Kilisi Yesuwa. 29 Tó á de Kilisi pó ü, á de Ablahaü buio üe, mé á de àizeë pó Lua a legbèè blenaø ü.‡

## 4

1 Málë oé, gðø pó túbiblena de né ü, baa tó aà mae pðø de aà pðø ü píi, a zo këao. 2 I misiile a gwanaøe n̄ ziiaø e gðø pó aà mae dìlëwa. 3 Måa sõ wápiø, gðø pó wi kàsaaküo, wi zooble felëkaa pó pðø wí misiilenéøe.\* 4 Ké gðø pó Lua dìlë kà, à a Né zì, wà aà í gbénazina iawa Mɔizi ikoyá guu, 5 ké aà wá gbé pó Mɔizi yá iko víwáø bo, wí gõ a néo ü. 6 Lua a Né Nisïna dà wá sõ guu, ké wá de a néo ü yái. Nisïnapi í wiile í me: Baa, ma Mae! 7 Ayämëto zon n ü lðo, nén n ü. Lá Lua Nén n ü, à n ke a àizeëblena üe.†

‡ 3:13 Iko 21.23 § 3:16 Daa 12.7 \* 3:17 Boa 12.40 † 3:18 Lom 4.14 ‡ 3:29 Lom 4.13 \* 4:3 Gal 4.9, Kls 2.8, 20 † 4:7 Lom 8.15-17

### *Pɔ̄lu bilīkəa Galatīwa*

<sup>8</sup> Ḡo p̄o á Lua d̄o, i zooble p̄o p̄o aa de Lua ūoɔne.‡ <sup>9</sup> Lá a Lua d̄i tiasa, at̄esa k̄e Lua á d̄i, b̄yāi a ea lé ze n̄ p̄o gia yāfūna gbāasaipīlo? B̄yāi a ea á ye zooblené dafu lo? <sup>10</sup> I ḡoɔe n̄ moē n̄ dikpees̄ n̄ w̄eē t̄ebo.§ <sup>11</sup> V̄ia ma k̄u á yá musu. Asi taasi p̄ má k̄e á guua?

<sup>12</sup> Ma gb̄é̄, ma wabik̄ewá, à ḡomawa, asa ma ḡawae. Yāa i t̄aakemeeo. <sup>13</sup> A d̄i k̄e gyākē guu ɔ̄ ma baonakp̄aué s̄eia. <sup>14</sup> Baa k̄e ma gyākēa k̄eé yāa ū, i sakamaguo, i gyaūkeao, a ma si lán Lua malaika ge Kilisi Yesupiwā. <sup>15</sup> B̄áaa p̄o ále kemeē yāa k̄e ni? Má f̄o á yá musu, tó à zek̄e yāa, á á w̄e b̄ob̄o kpaas̄. <sup>16</sup> K̄e ma slana'ōe yāi ɔ̄ ma ḡo á zangude ū saa? <sup>17</sup> Gb̄epīo k̄eaé k̄eke, i ke á maa yāi no. Aa ye à k̄ewáe, í namá. <sup>18</sup> Wāa n̄ yāmaao ḡop̄ii mé na, i ke ḡo p̄o má kúáno ado no. <sup>19</sup> Ma né yenzidē, málē á ia wāwāke l̄ e Kilisi à̄ sadaágu. <sup>20</sup> Má ye māo kúáno tia, mí a yā'oa lile, asa ma bilīk̄e á yāwae.

### *Hagaa n̄ Salao*

<sup>21</sup> A omeē, á gb̄é p̄o á ye misiile ikoyāē, i ma lá a ku M̄izi ikoyā guuo lé? <sup>22</sup> Wā mè Ablahaū neḡeo ī gb̄ēn̄ pla. A ado i n̄ zooe, \* mé à ado i n̄ w̄eēo.† <sup>23</sup> Z̄pi nēīgb̄enazink̄e guue, ɔ̄ w̄eē a p̄o ī Lua legb̄ea yāi.‡ <sup>24</sup> N̄ēpīo yādew̄ee yātaa ū, Luabaakuańno yā leē pla ū. Ado b̄o Sinai gbe k̄līe, i zoke iné. Bee mé Hagaa ū. <sup>25</sup> A de Sinai gbe p̄o kú Laalubū b̄usuu yātaa ū. Yelusalē ū tia de a ū l̄, asa ále zooble n̄ a gb̄é̄ p̄íie. <sup>26</sup> Yelusalē ū p̄o kú musu mé w̄eē ū. Óme wā da ū. <sup>27</sup> Asa a k̄ea láu wā mè:  
P̄onake, fli p̄o ni nēio!

Gulake, n̄ gb̄é p̄o ni n̄owāwākeo!

Asa n̄ gb̄é p̄o n̄ ḡo p̄akp̄anzi,

n̄ né dasi ā de n̄ōe p̄o a ḡo aed̄wà p̄ōa.§

<sup>28</sup> Ap̄īo s̄o ma gb̄é̄, Lua legb̄ea néon á ū lán Izaakiwa. <sup>29</sup> Né p̄o wa ī gb̄enazink̄e guu iadà né p̄o wa ī n̄ Lua Nisina gbāaowa. Māa a de n̄ a tiao. <sup>30</sup> A k̄ea Luayātaalau kpelewa ni? Wā mè: Z̄o yā n̄ a néo, asa zo né a e túbible n̄ w̄eē néoo.\* <sup>31</sup> Ayām̄eto ma gb̄é̄, zo néon wā ūo, w̄eē néon wā ū.

## 5

### *Ḡo w̄eē ū*

<sup>1</sup> Ḡo w̄eē ū yāi Kilisi wā bói, wa ḡo w̄eē ū. A z̄eō gíūgiū, ásu to wā ea bakaé á níu z̄o ū l̄o.

---

‡ 4:8 1Kln 8.4-6    § 4:10 Lom 14.5, Kls 2.16    \* 4:22 Daa 16.15    † 4:22 Daa 21.1-2    ‡ 4:23 Lom 9.7-8    § 4:27 Isa 54.1    \* 4:30 Daa 21.9-10

<sup>2</sup> Mámémamaa Pólu málé oé, tó á tò wà tōzṓé, Kilisi a káflakeéo.  
<sup>3</sup> Ma ea má ò ma idàwàé, gbé pó tò wà tōzṓé, sema aà misiile Mɔizi ikoyæ píi. <sup>4</sup> A gbé pó álé weele à bɔ maa ikoyä guu, a ázìa kè Kilisiwa, a kè Lua gbékewae. <sup>5</sup> Yesu náaikea guu wá dɔ kéké wá bɔ maa, wá wé dɔi ní aà Nisïna gbääao. <sup>6</sup> Naa Kilisi Yesuwa tōzṓa ge tōzṓsai yäe vño, sema Yesu náaikea pó i to wào yeköi.

<sup>7</sup> Ale gé ae yää maamaae. Démé tea sianai zezṓéi? <sup>8</sup> Yá pó álé e a zevípi i bɔ Lua pó á sisi à á sé kíio. <sup>9</sup> Pëesë'ëse yɔona i pëeti sé píi.\* <sup>10</sup> Má á náai vñ naa Diiwa guu kéké á làasoo pâle keo. Gbé pó lé á liaa sɔ, Lua a aà vâipi flaboe, baa dén nò. <sup>11</sup> Mapi sɔ ma gbé, tó tōzṓyä waaso málé ke e gbä, býäi wâle ma wëtai lbi? Tó màae, dɔ Kilisi gaa líwa yá a ɔ gbëewao. <sup>12</sup> Gbé pó aale á liaa ní tōzṓyäo, aa ge nízìa le wi se.

<sup>13</sup> Apio sɔ gbé, Lua á sisi à gɔ wéé wéé, áma ásu tó á gɔa wéé wéé ɔpi gɔé pœäke a zé üo. Aa misiilekɔé aò yeköi, <sup>14</sup> asa yá mèndoe bee mé de Mɔizi ikoyä píi mi ü: Nyɔ ye n gbédeezi lá nzìa wëniwa. <sup>15</sup> Tó álé kɔ soso kɔ níwa, à laaika kɔ kaaléai.

### Lua Nisïna dɔaaané

<sup>16</sup> Málé oé à to Lua Nisïna dɔaaé, ázìa pœä i midé. <sup>17</sup> Azìa pœä li kɔ'e ní Lua Nisïna póoo, mé Lua Nisïna pœä li kɔ'e ní á póoo. Aa gíkɔie, ɔ ili fɔ yá pó á yei keo.† <sup>18</sup> Tó Lua Nisïna dɔaaaé, Mɔizi yá iko vñwáo.

<sup>19</sup> Wá wá dàa dɔ wásawasa: Káaluakaa, gbäsíkæ, wisaiyä, <sup>20</sup> tâagbagbaa, gbékɔoleke, líisea ní kɔo, sôle, zangu, pɔkúma, denlaweele, lækpa, kɔkpaa, <sup>21</sup> wëdøakɔé, wëdékæ, lalasi kɔo ní yá bee taa. Málé a ledawá lá má dàwá yääawa, yâbeetaakena kpala pó bò Lua kíi bleo.

<sup>22</sup> Lua Nisïna sɔ i yáe bee iné: Yeaköi ní pɔnao ní aafiao ní menao ní gbékøo ní maa ní náao ní zìabusao ní zìaküadøo. Ikoyæ lí gí yá bee tåaeio. <sup>24</sup> Gbé pó de Kilisi Yesu pó ü ní dàa pâliwa ní a pɔnidæa ní a pœäo sãnu. <sup>25</sup> Lá wá kú Lua Nisïna sabai, wà aà dòo sé. <sup>26</sup> Wásu wào yɔo vño, wásuli kɔ pœäao, wásuli wëdøkɔéo.

## 6

### ɔdaakɔwa

<sup>1</sup> Gbé, tó wasu gbëe kù ní zää yáwao, á gbé pó Lua Nisïna dɔaaaé, à gɔgɔaàn busebuse, í laaika kéké wasu á yɔ sɔo. <sup>2</sup> A kɔ aso sé. Ale Kilisi ikoyä papan we. <sup>3</sup> Tó gbëe lé azìa gwa pó ü mé a pœ üo, ale azìa sásæ. <sup>4</sup> Baade a yâkæa tåasika, i gësäa íanadä.

\* 5:9 1Kln 5.6 † 5:17 Lom 7.15-23

Asu a yâleεε ũ ní gbépâleoo, <sup>5</sup> asa baade a azia aso sEE. <sup>6</sup> GbÉ pÓ wâle Lua yâdaε, aâ a àizeε lí a yâdanedeε.

<sup>7</sup> Asu ázla sásão, wili kôniké Luaeo. Pó pÓ gbÉ tâ ũ i kÉ. <sup>8</sup> Tó gbÉ tâ a dàa dâaaaε guu, a kaalea iè. Tó gbÉ tâ Lua Nisîna dâaaaε guu sõ, a wêni láasai iè. <sup>9</sup> Wásu kpasa ní maakeaoo, asa tó wi kámabodo, wá aî'e a goowwa. <sup>10</sup> Ayâmeto tó wa ze'è, wâli maake gbépiiε, atësa wá Yesu náaiken deeo.

### *Lezaama*

<sup>11</sup> A wèsâ gbènègbènè pÓ má kÈ ní mazia oo gwa sa. <sup>12</sup> GbÉ pÓ aale yâké wé yâiō mé lé gânawá ní tôzôyâo, kÉ wasu ïadamá zea ní Kilisi gaa líwao yâ musuo yâiε. <sup>13</sup> Baa tôzônapio se, aa ikoyâ kúao. Aa ye à tôzô kÉ wâ e ïanadâ á seelapi musu yâiε. <sup>14</sup> Má ïanadâ poe yâ musuo, sema wá Dii Yesu Kilisi gaa líwa yâ bàasio, asa a yâi dûnia gòmee ge ũ mé ma gô ge ũ dûniae. <sup>15</sup> Tôzôa ge tôzôsai yâe vîo, sema gôa gbÉ dafu ũ. <sup>16</sup> Lua gbékèke gbÉ pÓ yâpi kúacone, i ní gba aafia. Aame aa Isaili sianao ũ.

<sup>17</sup> Za gbâa gbée su ma wetâ lôo. Ia pÓ wa dàa Yesu yâi gbe ku ma mewa.

<sup>18</sup> GbÉ, wá Dii Yesu Kilisi gbékèke á nisînae! Ami.

## EFESDE Yá pó kú láe bee guu

Lua zína Pölu wélegaea gën àaõde guu à kë Efese wè àaõe (Zin 19.1-20.1). Pölu dea dakpeuna û guu õ à láe bee këu Efesedeõne (3.1, 4.1) Yá pó ále dané de yá pó Lua a zekâlené kë aaø tei goopii ûe, kë a pöpü kääa an mide Kilisië, pó pó kú musu n̄ töoleo píi (1.10).

Láe bee daalekii (1.3-3.21) yá pó Lua këwëe Yesu Kilisi sabai bɔolekè, õ à ledou pó wá vî naa Kilisiwa yá bɔolekè, à mè Lua Yuda Yesudeõ n̄ buipâle Yesudeõ kë a gbé û medoûdeõ û. Bee gbea (4.1-6.20) Pölu òné aa áiaké wào ku mèndoûdeõ û naa Yesu Kilisiwa Yesu gâli guu, uaø guu, zîkékii n̄ Yesusaideõ guuo.

Pölu Yesudeõ gôa medoû lèe û n̄ yá mèn àaõo: Yesudeõ de lán mewa mé Kilisi de mepi mi û, Yesudeõ de lán Lua kpéwa mé Kilisi de a édaalègbé û. Yesudeõ de no pó Yesu sè û. Beewa wá è Yesudeõ ledoukæa bò Dii kîie, tó wá aà náai vî mé wá naawà.

### *Gbéké pó Lua këwëe naa Kilisiwa guu*

<sup>1</sup> Mámëmaa Pölu, Kilisi Yesu zína lá Lua yeiwa, ma láe bee kë Lua gbé pó aale Kilisi Yesu náaiké Efesedeõne.\* <sup>2</sup> Lua wá Mae n̄ Dii Yesu Kilisio gbékékéé, aai á gba aafia. <sup>3</sup> Wà Lua wá Dii Yesu Kilisi Mae sáaukpa! Wá naa Kilisiwa musu Lua báaa píi dàwágú wá nisïnau. <sup>4</sup> Wá naawà guu à wá sé dûniakalea ãa, kë wá kua ão adoaè sâasai. Aà yeawázi guu <sup>5</sup> à dòaa wá díle a néõ û n̄ Yesu Kilisi gbâao, lá ále yá a pœä guuwa, <sup>6</sup> kë à tɔbɔ a gbéké gawide pó a këwëe a Yenzidepi guu yái. <sup>7</sup> Wá naawà guu wa bɔ aà au sabai. A wá tâaeõ këwá† a gbéké zɔɔ <sup>8</sup> pó a këwëe à kë zài guu. Ònõ píi n̄ wezë píio guu <sup>9</sup> a tò wà a pœä asii dò, lá à zèò à ke Kilisi sabaiwa. <sup>10</sup> Tó aà pœäpi kegôo kà, a pöpü kääa an mide Kilisië, pó pó kú musu n̄ töoleo píi.

<sup>11</sup> Lua pó i yâpii ke lá à zèò a pœä guuwa dòaa wá díle lá ále yáwa, à wá sé a pó û wá naa Kilisiwa guu, <sup>12</sup> kë wá gbé pó wá wé dò Kilisizi kâauo, wào de aà tɔbɔnao û. <sup>13</sup> Apio sô a siiana yâmà, a bao pó a á suabapi sî. A naawà guu Lua a seela këwá a Nisïna pó à a legbè û. <sup>14</sup> A de gba pó Lua dòaa dàwëe e ão gé a gbé boi û, kë aa aà tɔbɔ yái.

### *Pölu wabikæa Efesedeõne*

<sup>15</sup> Ayâmeto za gó pó ma á Dii Yesu náaikæa mà n̄ á yea Lua gbé píizio, <sup>16</sup> mili kâmabo n̄ Lua sáaukpaa á yá musuoo. A

\* **1:1** Zin 18.19-21, 19.1    † **1:7** Kls 1.14

yá ìo dòmagu wabi pó mi ke Luawa guu. <sup>17</sup> Mi wabike Mae Gawide, wá Dii Yesu Kilisi Luawa, aà á gba ɔnɔ, i á wé kée ní a Nisina gbääao, kék à e à a dō wásawasa. <sup>18</sup> Mi wabikewà aà á nòse wéé, kék à e zia'ea yá pó à á kawà dō. A gba zōo gawidepi díle a gbéoné <sup>19</sup> ní a gbää bɔnsae pó lé ziké wá gbé pó wálé a náailéguo. Iko gbääapi ziké Kilisi guu <sup>20</sup> gɔo pó Lua aà bò gau à aà zòle musu a ɔplaai. <sup>‡</sup> <sup>21</sup> We Kilisi deu kpalablenæ ní ikode ní gbääadeo ní diiɔla píi ní tó pó wí misiilenéo píi. § I ke dúnia tiae bee ado no, ní a pó pó a mɔðe lo. <sup>22</sup> Lua tò pópii mikpawà, \* ɔ à aà díle yápii mide ū Yesudeoné. <sup>†</sup> <sup>23</sup> Aamé Kilisi me ū, aa de Kilisi pó iupii pa peea ū.

## 2

### Bɔa gau gëa wëniu

<sup>1</sup> A de yää geo ū Luae á tåaeo ní á duunao yái. <sup>2</sup> A té dúniae bee tufai, a misiile ìan gbääadeo kíae, nisina pó døaaa luayāmansaióné ní a tiaopi. <sup>3</sup> Wápii wá deñwa yääe sɔ. Wi pó pó wá me yei ní yá pó wá pø gbào ke. Wá ia guu wá de gbé pó Lua a pøkùmabøbømáo ū lán däçwa, <sup>4</sup> áma Lua sùuu zōo, a yewázi maamaa. <sup>5</sup> Goo pó wá deè geo ū wá tåaeo yái, à wá vú ní Kilisio sánu. A á suabà a gbéke guue. \* <sup>6</sup> Wá naa Kilisi Yesuwa guu à wá sé à wá zöleaánó musu, <sup>7</sup> kék à e a gbéke zōo bɔnsae ɔlɔnén dúnia pó a mɔ guu yámaa pó a kèwéé naa Kilisi Yesu guuwa. <sup>8</sup> Lua á suabà a gbéke guu Yesu náai pó á kè yái. Bee i bɔ á kíi no, Lua mé á gbá. <sup>9</sup> I bɔ á yákéa kíi no, kék gbé su ìanadáðo yái. <sup>10</sup> Lua ɔgben wá ū. Wá naa Kilisi Yesuwa guu à wá kék, kék wàò kú ní yámaa pó à dòaa dílewéé keao.

### Gɔa medou naa Kilisiwa guu

<sup>11</sup> A gbé pó á de buipále ū ia guu, tɔzɔnao i meé gyafɔodeo, áma an tɔzɔa de gbénazína ɔgbé ūe, à làasooke á kua ziwa. <sup>12</sup> Goo bee á kú Kilisi kpeo, á de zìloo ū Isailioné. A baa ku Luabaakuaríno ní aà legbéanéo guuo. A kú dúnia guu wedøa zia'eai sai luadøsai. <sup>13</sup> A naa Kilisi Yesuwa guu tia, á gbé pó á zä ní Luao yääo a ssaàzi kai ní Kilisipi au gbääao. <sup>14</sup> Aàpi mé wá kua ní kõ na ū, a tò Yudaø ní buipáleo gò medou. Aà me guu à íbelé pó da ní zänguo bii ū gbò, <sup>15</sup> à Moizi ikoyá kpàgui ní a yádileao, kék à to an pla mìpii gɔano medou gbé dafu ū. Màa à ní kék ní kõ na. <sup>16</sup> A íbelé mìde, à mìpla mìpii këna ní Luao medoupi guu a gaa líwa musu. <sup>17</sup> A mò kea na ní Luao baokpà á gbé pó á

‡ 1:20 Soü 110.1 § 1:21 Kls 1.16 \* 1:22 Soü 8.7 † 1:22 Kls 1.18 \* 2:5  
Kls 2.13

zà n̄ Luaoone n̄ gbé pó kāiaànco l̄o.<sup>†</sup> <sup>18</sup> Aà yáí wápii wá s̄a Mae Luazi zé v̄l n̄ aà Nisina doú gbāao. <sup>19</sup> Ayāmeto á de nibco ge bòmco ū l̄o, a ḡo beleo ū n̄ Lua gbéo, aà uadeo ū. <sup>20</sup> A ḡo kpé pó Lua lé bo ū. Zinac n̄ ãnabiō mé a ñdaalea ū, mé Kilisi Yesu mé ñpi daalegbé ū. <sup>21</sup> Naawà guu kpé p̄p̄ii i k̄'eu, iō gbā Lua kpé ū naa Diiwa guu. <sup>22</sup> Apio s̄o á naawà guu á de kpépi d̄obco ū, k̄ à de Lua Nisina kúkii ū.

### 3

#### *P̄lu baonakpan ziia*

<sup>1</sup> Bee yá mé tò ma P̄lu, má de dakpeuna ū Kilisi Yesu yá musu á buipâleo yáí. <sup>2</sup> I ma lá Lua a gbēkekeané zì dàmee má k̄é á guuo lé? <sup>3</sup> Lua a asiyyā b̄l̄mee, má k̄éé ȳo k̄. <sup>4</sup> Tó a a kyokè, á f̄s d̄s lá ma wé k̄é Kilisi asiyyā musu. <sup>5</sup> Lua i yápi o gbēee yāao, ñ tiasa a b̄l̄ a zinac n̄ a ãnabiōne n̄ a Nisina gbāao. <sup>6</sup> Yá pó ul̄ea yāapin ke: Naa Kilisi Yesuwa guu baona maa yáí buipâleo ḡo Lua àizeeblena ū n̄ Yuda, aa ḡoñno medoudeo ū. An baa ku lé pó Lua gbè guu.\* <sup>7</sup> Ma ḡo baonapi kpana ū gba pó Lua dàmee aà gbāa lé zik̄e ma guu yáí. <sup>8</sup> Ma gbé pó má kp̄ee Lua gbéo guu, Lua gbapi dàmee, ñ mál̄ Kilisi èfāai pó lé v̄lo baonakpa buipâleone, <sup>9</sup> mál̄ asiyyā pó Lua lé yá n̄ gbépiio b̄oné gupuau. Asiyyāpi ul̄ea Lua pó p̄p̄ii k̄é k̄ii za asinizi, <sup>10</sup> k̄é tiasa a to kpalablenac n̄ ikode pó kú musu a ñno bui dasio e a galideowa. <sup>11</sup> Kilisi Yesu wá Dii sabai ñ Lua p̄oeä pó kú ḡoɔpiipi b̄l̄ei. <sup>12</sup> Wá naawà guu wá s̄a Luazi zé v̄l n̄ s̄o dilea aà náaikea yáí. <sup>13</sup> Ayāmeto ma wabikewá, ásu tó á p̄o ya taasi pó mál̄ ke á yá musu yáio. A kp̄elaa yáe.

#### *Kilisi yeawázi*

<sup>14</sup> Ayāmeto mi kúle Mae Luae. <sup>15</sup> Maepi ñ maeké pó kú musu n̄ zíleo p̄ii i a ñlesé. <sup>16</sup> Mi wabikewà aà á gba gbāa á nòse guu n̄ a Nisina gbāao a gawi z̄o léu, <sup>17</sup> Kilisi e sadaágguu a náai pó ále ke yáí, á zínapeléa iō zedoa aà yeawázi guu, <sup>18</sup> k̄é à e Kilisi yeawázi yáasa n̄ a gbāao n̄ a leslo n̄ a zào wàaipa n̄ Lua gbéo p̄ii, <sup>19</sup> i aà yeawázi pó wa f̄s wà a lé d̄s p̄io d̄s, Lua k̄ekéá p̄ii i p̄ewá.

<sup>20</sup> Lua gbāa lé v̄lo, a f̄s kewēe de lá wi a wabiké ge wi a làasookela maamaa n̄ gbāa pó lé zik̄e wá guuo. <sup>21</sup> Aà t̄b̄o Yesudeo n̄ Kilisi Yesupio musu w̄e n̄ w̄o e ḡoɔpii! Ami.

### 4

#### *Medoukēa*

† 2:17 Isa 57.19 \* 3:6 Kls 1.26-27

<sup>1</sup> Ma gbé pó má dē dakpeuna ū Dii yái, ma wabikèwá, á kua ká lá Lua á sisi à dēwa. <sup>2</sup> A kō fō à yekōi zìabusaa ní nòsenieo guu ní menao.\* <sup>3</sup> A wetā à dē ledou pó bò Lua Nisīna kíi vī ba pó wá dòkōwa ū. <sup>4</sup> Mè mèndoe, mé Nisīnapi mèndoe. Màa zia'ea yá pó Lua á kawà mèndo ló. <sup>5</sup> Dii mèndoe, mé Lua zé mèndoe ní da'ilé mèndoo. <sup>6</sup> Lua mèndoe wápii Mae ū, ɔmè iko vī wá baadewa, ìi zìke wá baade píi guu, a kú ní wá baade píio.

<sup>7</sup> Kilisi gbékekè wá baadee lá à gbadàwéé léu. <sup>8</sup> A yái a kēa láu wà mè:

Ké à dède musu ní a zìzco,  
à gbadà gbéone.†

<sup>9</sup> Àà dēdea bee mè kpelewa ni? Bee mè à píla e tóole nonau gliae. <sup>10</sup> Gbé pó pílapí mé gbé pó félé mà luabea ū, ké aà gupii pa. <sup>11</sup> Aàpi mé gbéeo gbà zé aàdē de zìnao ū, gbéeo ãnabiò, gbéeo baonakpanaò, gbéeo pàsitèeo ge yádanede,‡ <sup>12</sup> ké Lua gbé e wàò ku a zì sòu guu, Kilisi me i zedó, <sup>13</sup> e wápii wàò ka Lua Né náai doú keawa aà dàa doú guu, wí gò gbé kàsaaò ū Kilisi pó pó pèewà zòo léu. <sup>14</sup> Màa wàò dē néfénena pó wí ɔnò ní kònio kéné wà ní sásaa ū lòo. Yá dafu daané ì ní sé lán ìana ge ísòwa. <sup>15</sup> Wá sìana'oné ní yeańzio, wí gbá yápii musu naa Kilisi pó dē mi üwa. <sup>16</sup> Naawà guu megú píi ì kó'eu aa nakòwa kíi zì sabai, ɔ megú ì zìke a zéwa, me iò gbá, iò zedó ní yeakòio.§

### Kua zi ní kua dafuo

<sup>17</sup> Ayámeto málé yá'oé ní Dii tóo, málé á gbaò laai. Asu àò ku lán luadònsai pó an nòse yáfuna dòaaanéwao. <sup>18</sup> An làasoo sòòkù, aa kēa wéni pó Lua ì kpámáwa, ké an wé sia mé an swá gbää yái. <sup>19</sup> Aa nòse víø, aa nízia kpà wisaiyäwa, aa dó'e'lii bui pii kēa bili ví. <sup>20</sup> Apíò sò i Kilisi yádada màao. <sup>21</sup> A aà yá mà, a sìana pó a ví dàda á Yesudekè guu. <sup>22</sup> Wa óé à ɔkpà á dàa zi\* pó dòaaaéi, asa a ɔòkpà á pònídea vái yái. <sup>23</sup> A tó á nòselile, á làasoo i gò dafu, <sup>24</sup> ì dàa dafu pó Lua kèwéé ké wà e wàò dē láawa† sé, á kua iò adoa kua sìlande ū yázedekea guu.

<sup>25</sup> Bee yái à ɔkpà mòafiliyái, á baade lí sìana'o a gbédee,‡ asa mè doú guon wá ū. <sup>26</sup> Tó á pò pà, ásu duunakeo. Asu to laté gë kpéu à á popaa leo, <sup>27</sup> ké ásu Ibiisi gba gëkliyo yái. <sup>28</sup> Gbé pó ì kpái'o yää kpái tó. Aà wetā zì maa ke ní a ño, i pó e à dòò taasidele. <sup>29</sup> Asu to yáváiie bò á léuo, sema a zede pó a gbé káfi à àike gbé pó lé maçne. <sup>30</sup> Asu Lua Nisīna pò yao, asa aà kua adoae. A dē seela pó Lua kèwá e wá bogoozì ū. <sup>31</sup> Asuli ìise ní

\* 4:2 Kls 3.12-13 † 4:8 Sou 68.18 ‡ 4:11 1Kln 12.28 § 4:16 Kls 2.19 \* 4:22  
Kls 3.9-10 † 4:24 Daa 1.26 ‡ 4:25 Zkl 8.16

gbēeo. A pōkūma n̄ pōkpēneo n̄ palaa gbāao n̄ gbēssōao n̄ pāsi bui pīio tō. <sup>32</sup> Aō gbēke vī n̄ kōo. Aō kō wēna vī. A sūuuke n̄ kōo lá Lua sūuukēánōwa naa Kilisiwa guu. §

## 5

### Kua gupuau

<sup>1</sup> Lá á dē Lua n̄ yenzideo ū, à aà olesé. <sup>2</sup> Lá Kilisi yewázi à gī a wēnii wá yái sa'obo pō a gī i ke Luae na ū, à to yeakōi dōaaé māa sō. <sup>3</sup> Lá á dē Lua gbēo ū, i kū wà káaluakaa n̄ dōe'lii bui pīio n̄ biikēao ma dō á léu bauo. <sup>4</sup> Wisaiyā'oa n̄ yādōosai oao n̄ faai bēe boao maaánō lō, sema sáau yá. <sup>5</sup> Aō dō sásā kē káaluae ge dōe'liidee ge biidee a kpala pō bō Lua kíi ble n̄ Kilisoo. Pō pō gbē lé a biikē gōo aà dii ū.

<sup>6</sup> Asu to gbēe á sásā n̄ yāpā giioo. Yá bee taaō mé a to Lua pōkūmabōbo a yādansaiōwa. <sup>7</sup> A bāa su ào kúinōo. <sup>8</sup> A kú yāa gusiau, tiasa naa Diiwa guu á kú gupuau. Aō ku gupua gbēo ū, <sup>9</sup> asa gupua i maa bui pīi iné n̄ yāzēdeo n̄ sianao. <sup>10</sup> A yá pō i ka Diigu dada. <sup>11</sup> A baa su ào kú n̄ gusia yākea pō lí kāflakēnéoo. A bō yá beeō kpe weliwē. <sup>12</sup> Baa yá pō gbēpiō i ke asii guu oaá wiyāe. <sup>13</sup> Tó wà bō yá kpe gupuau, wī a sásā dō, <sup>14</sup> asa pō bō gupuau gōo gupua pō ū. A yái tō wī me:  
I'ona vu fele bō gēo guu,  
Kilisi i gupune.

<sup>15</sup> Aō á tāa'oze dō maamaa. Asu ào dē soōo ūo, sema ūnōnao. <sup>16</sup> Ali yá pō Lua a zebōé ke,† asa gōoe beeō maaō. <sup>17</sup> Ayāmeto ásu ào soōo, ào dō lá Dii pōeā dē. <sup>18</sup> Asu ào kú n̄ wēdekeao, i lalasizimāe. A to Lua Nisīna paewā, <sup>19</sup> i faaibō n̄ kōo n̄ soōo n̄ Lua tāasileao n̄ le pō Lua Nisīnapi i daeo. A lesi, i Dii tāasile á sō guu, <sup>20</sup> i Mae Lua sāaukpa gōopii yāpii guu n̄ wá Dii Yesu Kilisi tōo.‡ <sup>21</sup> A misiilekōe Kilisi vīa pō á vī yái.

### Gōe kua n̄ a nao

<sup>22</sup> Nōeō, á baade lí misiile a zāe lá i ke Diiēwa. § <sup>23</sup> Asa gōe mé noe mi ū, lá Kilisi dē a gālide pō dē a me ū mi ū an Suabana ūwa. <sup>24</sup> Lá gālidepiō i misiile Kilisi, māa sō nōeō baade lí misiile a zāe yāpii guu.

<sup>25</sup> Gōeō sō, á baade lí ye a nazi, lá Kilisi ye a gālideozi à gī a wēnii n̄ yāiwa.\* <sup>26</sup> A n̄ gbāsī wōlo da'ilēke guu n̄ yá pō aa ðo, ᳚ aa gōo aà pō ū, <sup>27</sup> kē à n̄ kpán'aekē n̄ gawio tēbatebasai, yuunkasai, sāasai, gbāsisai, tāaesai. <sup>28</sup> Māa à kū gōeō baade ào ye a nazi lá azia mewa. Gbē pō ye a nazi ye azlai. <sup>29</sup> Gbē lí za

§ 4:32 Kls 3.13 \* 5:2 Bōa 29.18 † 5:16 Kls 4.5 ‡ 5:20 Kls 3.16-17 § 5:22  
Kls 3.18, 1Piē 3.1 \* 5:25 Kls 3.19, 1Piē 3.7

azia meuo. I ble kpawà, i laaidowà, lá Kilisi i ke a galideonewa,  
 30 kék wá de aà megwu ū yái.<sup>31</sup> Ayameto gōe i go a de ní a daowa,  
 i na a nawa, aañ gō lán sàwakula ní gbalaowa.<sup>†</sup> <sup>32</sup> Yá gbia uléa  
 yápi guu, mé má è a de Kilisi ní a galideo yá ū.<sup>33</sup> N bee a de á  
 yá ū sō. A baade lío ye a nazi lá azlawa. Nœ sō aàli a zá yáda.

## 6

### Néo ní zōo

<sup>1</sup> Néo, naa Diiwa guu àli á de ní á dao yáma, asa bee mé maa.\*  
 2-3 Ali á de ní á dao kpela, kék ào aafia, i gëgë dúniau. Yá pó Lua  
 díle ní legbëao séian we.<sup>†</sup>

<sup>4</sup> Maeo sō ásuli á néo po fëo.<sup>‡</sup> Ali ní toto, ili ledamá Dii gbëo  
 negwaa ū.

<sup>5</sup> Zōo, áli á dúnia la dii yáma ní nòsemendoo ní viao ní lualua,  
 lá Kilisi ále keèwa. <sup>6</sup> Asuli zì okunweiana kénéo. Ali Lua pœa  
 ke ní nòsepuao Kilisi zōo ū. <sup>7</sup> Ali zìke ní ãiao, lá Dii ále keèwa, i ke  
 gbénazina no. <sup>8</sup> Ao dōké Dii a baade maakea fiaboë, zo ge wéé. §

<sup>9</sup> Dii sō áli kéné màa lo.\* A yápasi'oané tó. Ao dōké ampi ní  
 ápi pii, á Dii ku musu, ili gbëe zâboo.

### Gökébo pó Lua kpàwáo

<sup>10</sup> Yá pó gën ke: Ao gbää naa Diiwa guu ní aà iko gbää zōo.  
 11 A gökébo pó Lua kpàwáo da pii, kék à e ze gíügiú, i Ibiisi dōfö.  
 12 Asa i ke gbénazina wále dëekańno, sema nisín väi pó kú  
 musu. Aa de dúniae bee gusia kiblenao ū ní ní mideo ní ikodeo.  
 13 Ayameto ào gökébo pii kúa pii, kék à fë ze gi gòo väi zí, i gò zea  
 gíügiú apii ke láaa gbea. <sup>14</sup> Ao zea gbää, i siana dō ápi asana  
 ū, i yázede da mò ula ū.<sup>†</sup> <sup>15</sup> A kea na ní Luao baokpaa ãia kpa  
 kyale ū,<sup>‡</sup> <sup>16</sup> ío luanaaikéa kúa sèngbao ū gòopii, kék à fë zezö  
 Setäu kagbaone pii. <sup>17</sup> A suabaa si kpa mò fùa ū, <sup>§</sup> ío Lua yá  
 pó de aà Nisína fënda ū kúa. <sup>18</sup> Ali wabike gòopii, ío Lua dònle  
 gbea yápii guu ní aà Nisína dëaaaéo. Ali a itéké ní mena zōo, ío  
 wabike Lua gbëone pii. <sup>19</sup> A wabikemee sō, kék tó málé yá'o, Lua  
 ma gba lé mà a bao asii oné sòdeedesai. <sup>20</sup> Baonapi yái má de  
 kóo pó wa dàkpéu ū. Ao wabikemee mà kpa sòdeedesai, lá à  
 kù mà owa.

### Lezaama

<sup>21</sup> Wá gbëdo yenzide Tisiki, Dii zìkennáaide, a ma yá pii  
 baokpae, kék à e ào ma kua dō. <sup>22</sup> Ma aà zìwá, kék aà wá kua oéé,  
 á nòse i níni.\*

---

<sup>†</sup> 5:31 Daa 2.24 \* 6:1 Kls 3.20 <sup>†</sup> 6:2-3 Boa 20.12 <sup>‡</sup> 6:4 Kls 3.21 § 6:8  
 Kls 3.22-25 \* 6:9 Kls 4.1 <sup>†</sup> 6:14 Isa 11.5, 59.17 <sup>‡</sup> 6:15 Isa 52.7 § 6:17 Isa  
 59.17 \* 6:22 Kls 4.7-8

<sup>23</sup> Mae Lua n̄ Dii Yesu Kilisio wá gbé wá gba aafia, aa n̄ yeakɔi káfiné n̄ n̄ Lua náai pó aale k eo. <sup>24</sup> Lua gbékeke gbé pó ye wá Dii Yesu Kilisizi láasaiōne m̄pii.

## FILIPIDE Yá pó kú láe bee guu

Báapua bùsu wéle séia pó Pɔlu baonakpàu ɔ wí mè Filipi, Lomadeo bùsu zi pó wí mè Masedoni guu. Bùsupi ku Gelesi bùsu gugbántoo oie. Pɔlu wélegea gën plaade guu ɔ à Yesu gálipi dàaleu (Zin 16.12-40). Wè dasiɔ gbea, gɔɔ pó a de dakpœuna û, ɔ à lápi kè Filipideone nòsemendoo. Ale ní sáaukpa an gba pó aa kpàsæ gɔɔ pó Epafodi lé mó a gwai. A mo le gɔɔ bee sɔ a ku yá'la guue. Ale oné lá aa de náaideo û Kilisié, aasu to ãnabi egeña pó aa kú ní guu yá' ní sásão.

Pɔlu yá dàale à mè (1.1-11) tó a làasookè Filipi Yesudeo yáwa, a pɔ i ke nae, i Lua sáaukpa ní yá musu. Bee gbea à yá pó a leo bɔɔlekènè. A yá pó a su a le dɔo, ãma àle Lua náaikè naa Yesu Kilisiwa (1.12-26). A lèdà Yesudeo wa aa ze gbää, aaiɔ Lua náaikè, an lé iɔ doũ, aa nízia busakɔ̄e, aai zɔble Luae lá Yesu Kilisi a zé ɔlɔnèwa (1.27-2.18). Wà Yesu Kilisi kua ní àà zìo yá'ò le pó Yesudeo i si guu (2.6-11). Epafodi pó Filipideo àà zì ní gbao Pɔlue ní Timoteeo tò ledou pó Pɔlu vñ ní Filipideo lé dedee (2.19-30).

Bee gbea Pɔlu oné aa laaika gbé pó aale baonakpa a zéwaoɔzi. A oné aali a kea ke, aali dëeka aa yá pó aale yá le. Aa gɔ lán Yesu Kilisiwa (lee 3). Lápi mìde ní ledamáo ní sáaukpaa ní fɔkpamáɔe.

Wí mè lápiɛ pɔna lá, asa wà pɔna yá'ò lápiu sea a daalekki e a láakliwa. Pɔna i bo Kilisi náaikèa kíie. N ye nyɔ pɔnapi vñ sɔa?

### *Pɔlu wabikea Filipideone*

<sup>1</sup> Ma Pɔlu ní Timoteeo, wá Kilisi Yesu zɔblena wámè wa láe bee kè Lua gbé pó kú Filipi\* naa Kilisi Yesuwaone ní ní gbézɔɔ ní ní dɔnldeo. <sup>2</sup> Lua wá Mae ní Dii Yesu Kilisio gbékékeé, aai á gba aafia.

<sup>3</sup> Gɔɔ pó á yá dòmagu píi, miɔ ma Lua sáaukpaa. <sup>4</sup> Ma wabikea guu píi miɔ wabikeé ápii ní pɔnao, <sup>5</sup> ké á o kumanɔ baonakpaa guu za gɔɔ pó á mà e ní a gbão yá. <sup>6</sup> Má dɔ sáasá, lá Lua zì maa dàale á guu, aɔ ke, i a midé Kilisi Yesu mózì. <sup>7</sup> A maa ké máo á yá kúa ápii màa, asa á yá dɔ ma sɔwa. Ma daakpœun nò, ma zea ní baonapio a siana bɔa yáin nò, ápii á o ku zì pó Lua dàmee a gbékéu guu. <sup>8</sup> Mále á beeke ápii, lá má kú Kilisi Yesu sɔ guuwa. Lua mé ma seelade û. <sup>9</sup> Mi wabikeé á yeakɔi àɔ káfi àɔ

\* 1:1 Zin 16.12

gé dɔa ní wékéa wásawasao guu,<sup>10</sup> ké à e yá pó maa ào ke dɔ, ío ku nòsedoudeo ū tâaesai Kilisi mózi.<sup>†</sup> <sup>11</sup> Beewa maakea pó Yesu Kilisi i mɔòné a liála, wiLua tɔbo, wi aà sáaukpa.

### *Kilisi mé Pɔlu wēni ū*

<sup>12</sup> Gbéo, má ye ào dɔ ké yá pó ma le tekpa baona gea aeue, <sup>13</sup> ñ sosa kibedɔanao píi ní gbé kini ñ dɔ ké Kilisi yái wà ma dai kpéu.<sup>‡</sup> <sup>14</sup> Ma daakpεu yái wá gbé dasideo Dii náaikè de yāala, ñ an sɔdilea kàfi, aale Lua yá'o gbéoné víasai.

<sup>15</sup> Sianae, an gbéeo i Kilisi yá waasoke denla ní wedɔakɔeo yái, gbéeo sɔ ní nòsémaao. <sup>16</sup> Gbé beeo i ke ní yeastazioe, asa aa dɔ ké zea ní Yesu baokpaa yái ma yeo kpéu la. <sup>17</sup> Wedɔnedepeo sɔ aa Kilisi yá waasoke denlaweele a yái, i ke ní nòsépuao no. Aale e wàle ma kua kpéu taasi káfimeee. <sup>18</sup> Yae yà? Mɔafili guun nò, siana guun nò, apii lé, wàle Kilisi yá waasokee. Ma pɔ na ní beeo, mé ma pɔ a ea ke na lɔ, <sup>19</sup> asa má dɔ ké wabi pó ále kemee ní Yesu Kilisi Nisina dɔnləo a to mà bɔ. <sup>20</sup> Ma wé dɔi mé má a náai ví maamaa, ké wí a ma kū yae guuo. Asa má Kilisi tɔbo ma kuau ní sɔo dilea gɔɔpiie, atësa tia, má kún nò, ma gan nò. <sup>21</sup> Asa Kilisi yái má kúi, mé ga demee ài ū. <sup>22</sup> Ama tó má kú wéni guu, bee demee zì àide ū. Má dɔ lá má seo,<sup>23</sup> má kú plaplae. Má ye ta mà kú ní Kilisio, we maamee de lakia zázá. <sup>24</sup> Ama à kù mà ku wéni guu á yái. <sup>25</sup> Bee fña vio. Má dɔ ké má gɔ mà kúáno ápii, ké à e gé ae ní pɔnao luanaaikε guu. <sup>26</sup> Beewa gɔ pó má ea mɔ á gwai, á a naa Kilisi Yesuwa iandāa zé e maamaa ma yái.

<sup>27</sup> Apii lé, tó ma mɔ á gwai ge mi mɔon nò, à tó á kua kpaai ní Kilisi baona yáo, ké tó málé á bao ma, mà ma á zea gíugiú ní ledoulo, álc dëeka ní nòsémendoo baonapi zé yái. <sup>28</sup> Asu tó á ibeeo yae iwāa ká á pɔao. Bee aø dené seela ū ké aa mipè kaalewa, ápi o sɔ bɔa maa. Bee bɔa Lua kíie. <sup>29</sup> Asa Lua á gbá zé à taasikε Kilisi, i ke aà náaikε ado no. <sup>30</sup> Dëe pó á è málé ká yāa<sup>§</sup> mé á mà málé ká e tia, á kú dëe doupi guu.

## 2

### *Ziabusaa*

<sup>1</sup> Lá á naa Kilisiwa káfla vñé, lá aà yeaázi lé tekpaágu, lá á lé doú ní aà Nisinao, lá á kɔ wéna vñ ní sósobio,<sup>2</sup> à làasoo doú ke, á yeakjí i ñ doú ledoudeo ū, pɔeádoúdeo ū. Bee a ma pɔ ke na à ke zài. <sup>3</sup> Asu yae ke denla ge yòkεa yáio. Ziabusaa guu àli kɔ da gbia de ázjala. <sup>4</sup> Gbée su làasooke azia mèndo yáwao, aà gbe páléo pó ke lɔ. <sup>5</sup> Aò nòse pó Kilisi Yesu vñ vñ sɔ.

<sup>†</sup> 1:10 1Kln 1.8    <sup>‡</sup> 1:13 Zin 28.30    <sup>§</sup> 1:30 Zin 16.19-24

6 Aà lua'ia, i gbää'e a sáaa ní Luaokewao,  
 7 ñ à azia gwea tò à zóke sè,  
 à gò gbénazina ù à gbénazinké sè.  
 8 A azia bùsa à misiile e à gè gâò,  
 e gaa lipäakòawa se.  
 9 Ayämëto Lua aà sè lesi,  
 à tó pò de tó piila kpàè,  
 10 kë tó wà Yesu tó sì,  
 gbépii a kúle\* luabe ní tcoole ní tcoole zíeo,  
 11 gbépii i o Yesu Kilisi mé Dii ù  
 Mae Lua tòbaa yái.

12 Bee yái ma gbé yenzide, lá i ma yáma góo pó má kúano,  
 atësa lá má kúano tiao, ào á bøa maa lepapa ní vñakéa Luaeo  
 ní lualua. 13 Asa Lua mé lé zíke á guu, àlé á gba a pœäkea ni  
 ní a kea zéo. 14 A yápíi ke yáküté ní zoao sai, 15 kë à gò tåaesaï  
 yäesaide ù, Lua né sääsai ù gbägbë sásää dòosai guu.† A  
 gupuné dúniau lán saanaowa, 16 ío wëni yá kúa, kë mà e ïanadá  
 á yá musu Kilisi mózì. Tó álé ke màa, mi bà pã leo, mi zíke pão.  
 17 Baa tó ma au a tíle á luanaaika sa'o'i ù, ma pø na, mé málë  
 pønakeáno ápii. 18 Apio sõ à pønake màa, wí ke sãnu.

### *Timëtee ní Epafëdio*

19 N Dii Yesu báaao má ye mà Timëtee zíwá tia, kë mà e á  
 bao ma, ma sõ i níni. 20 Gbé pó wá làasoo doú á yá dò aà sôwa  
 siiana kuo, aà båasio. 21 Gbépii zìa yá mé i døaaë, i ke Yesu Kilisi  
 yá no. 22 A dö lá Timëtee náai vñ, à zíkëmano baona yá musu lá  
 né i zíke ní a maeowa. 23 Tó má a zea dö súsú, má ye mà aà zíwá  
 gòo. 24 N Dii báaao málë e má mó á gwai tia mazia.

25 Wá gbëdo Epafëdi, ma zíkendeeë, mé ma zígò dee pó a aà  
 zì døimale ní pó pó málë a nide, má è a maa mà aà gbaewáë.  
 26 Ale á bëeké ápii mé aà pø yà, kë a aà gyäke a bao mà yái. 27 A  
 gyäkè siiana e à kà gaa, ñ Lua aà wënagwà. I ke aäpi ado no,  
 ní mapioë lø, kë ma pøsia su zòoküo yái. 28 Ayämëto málë ke  
 kpakpa mà aà gbaewá, kë à wesikòle, á pø i ke na, ma nòsse i  
 níni. 29 A gbäakpaaàzi ní pøna zòoo naa Diiwa guu. A gbé bee  
 taa kpëla. 30 A gò lee aà ga Kilisi zì yái. A gí a wënii, kë à e dønlë  
 pó á fô kemeeo kemee yái.

## 3

### *Kilisi døa*

1 Ma gbëo, yá pó gòon ke: A tó á pø ào na Diiwa. Yá doú  
 ea oaé zì'ümano, mé a de á aafia ù. 2 A laaika gbénazin

\* 2:10 Isa 45.23 † 2:15 Iko 32.5

àwalèwanaɔzi. A laaika vāikəna pó aañ n̄ taitaipɔzi!\*<sup>3</sup> Wá gbé pó wi Lua sisi n̄ aà Nisina gbāao, wi ìanadā Kilisi Yesu guu, mé wiliɔ wázia yá náai vñoo, wámē wá tɔzõn siände. <sup>4</sup> Mapi, má zevi mào mazia náaike. Tó gbé lé e á azia náai vñi, má vñ deaàla. <sup>5</sup> Ma tɔzɔ ma gɔɔ swaaɔde zíe. Isailin ma ü ia guu, Bëyämee bui, Ebelu bui zálala.<sup>†</sup> Mɔizi ikoyā musu má kú Falisi gáli guu.<sup>‡</sup> <sup>6</sup> Má ãiaví, ma ìadà Yesudewa. <sup>§</sup> Yákəa a zéwa Mɔizi ikoyā guu gbé i fɔ ma tåae èo. <sup>7</sup> Ama yá pó má kúa ài ü yää beeɔ gòmee yá àisai ü tia Kilisi yái. <sup>8</sup> Azaiasa ma yápìi dílè àisai ma Dii Kilisi Yesu dɔa pó de a píia yái. Kilisipi yái ma ɔkpà yápiizi bïsa ü, ké mào aà vñi,<sup>9</sup> míɔ naawà, mà e mào na n̄ Luao Kilisipi náaikea yái. Asa Lua lí tó yá bɔrnɔ na ikoyādaa yái no, i to yá bɔrnɔ na Kilisi náaikea yái. <sup>10</sup> Yá pó má yei mé de mà Kilisi dɔ n̄ gbāa pó à bòò gauo, mí taasikəaànɔ, mí gɔɔ laaàwa aà ga guu<sup>11</sup> mí gbasa gɔɔ gábɔ ü.

### Pó pó nle yá lea

<sup>12</sup> I kε má lè má kù à pèea no, málε yáe kέ mà yá pó Kilisi Yesu ma si a pó ü yái sí ma pó ü. <sup>13</sup> Gbéɔ, mi e má sǐ giao. Yá mèndo málε ke, mi nonɔ pó pó kú ma aeɔi, pó pó kú ma kpɛɔ làasookesai. <sup>14</sup> Málε pó pó ma wé dɔi ya mà ài pó Lua wá sisiwà musu e naa Kilisi Yesuwa guu. <sup>15</sup> Wá gbé kàssaa wàɔ làasoo bee vñi. Tó á làasoo pâle vñi, Lua a á wé kéké yá bee musu. <sup>16</sup> Apii lé, lá wá kua kà a léu, wà gé ae zé doüpi guu.

<sup>17</sup> Gbéɔ, à ma kea ke\* lá wa a taa kéké, i wéte gbé pó an kua kpàaïdɔzi. <sup>18</sup> Miɔ oé yää mòɔmɔɔ, mé ma εa málε oé tia lɔ n̄ wé'io, gbéɔ ku dasi, an yákəa tò aa de Kilisi gaa líwa ibeeɔ ü. <sup>19</sup> Aa mipè kaalèwa, an gbeε mé n̄ dii ü, wiyā mé n̄ ìandābɔ ü, dúnia yá an làasoo ìɔ kuwà. <sup>20</sup> Wápiɔ sɔ, luabe gbéɔn wá ü, wá wé dɔ Suabana pó a bɔ wezi, ɔn Dii Yesu Kilisi ü. <sup>21</sup> A wá mè gbāasaiɔ li lá a mè gawidewa n̄ a gbāa pó a fɔ to pópii misiileeo.

## 4

### Ledaama

<sup>1</sup> Ayāmeto ma gbé yenzide, á gbé pó málε á beeke á de ma ìandābɔ pó mi pɔnakədɔ ü, àɔ zea gíugiü naa Diiwa guu màa.

<sup>2</sup> Ma awakpà Evɔdie n̄ Sentisio aao ledou vñi naa Diiwa guu.

<sup>3</sup> Mpi sɔ ma zíkendee náaide, ma wabikèma, dɔ nɔepiɔle, asa aa taasikèmanɔ baonakpaa guu n̄ Kelemaao n̄ ma zíkendee. An tó kú àizāna taalau.\*

\* 3:2 Gal 6.12-13    † 3:5 Lom 11.1    ‡ 3:5 Zin 23.6    § 3:6 Zin 8.3    \* 3:17

1Kln 4.16, 11.1    \* 4:3 Bɔa 32.32-33, Sou 69.28, Dan 12.1, Zia 3.5

<sup>4</sup> A tó á pɔ àɔ na Diiwa gɔɔpii. Má ðé lɔ, à tó á pɔ àɔ nawà.  
<sup>5</sup> A ázìa busa gbépii. Dii kāi. <sup>6</sup> Asuli yāe kàakeo.† Yápii  
 guu à wabike Luawa, í yāgbéawà, í aà sáaukpa, í á ya'õmaɔ  
 oè, <sup>7</sup> Lua i á nòse ní á làasooo daé doũ naa Kilisi Yesuwa guu.  
 Nòsedaadoúpi kè zài, a de gbénazìna dɔaa.

<sup>8</sup> Gbéɔ, yá pó gɔéen ke: Yá pó sìana vĩ mé a gbia, yá pó zevi mé  
 a gbásì vĩo, yá pó na mé a báaa vĩ, yá pó maa mé wĩ a sáaukpa,  
 àli làasookè yá beeɔwa. <sup>9</sup> Yá pó má dàdaé á sì, yá pó á màa mé  
 á èa, à yá beeɔ ke, Lua Aafiade iɔ kúáno.

### Pɔlu Filipideɔ sáaukpaa

<sup>10</sup> Ma pɔ na Diiwa à kè zài, asa á làasoo èa sùa sa. A ma yādaa  
 yāa fá, zé i eo. <sup>11</sup> Mi o màa ké málε taasikè yái no, asa má dàda  
 baa lá a de píi, ma kua kamague. <sup>12</sup> Má taasi dɔ mé má nama dɔ.  
 Gɔɔpii gupiiu kāa ge nɔana, pɔdinzi ge pɔkésáma, a yāe vĩmee  
 lɔo. <sup>13</sup> Má yápii fɔ naa Kilisi pó i ma gba gbaawà. <sup>14</sup> N beeο ké  
 á bāa kú ní ma taasikèao, a yāmaakè.

<sup>15</sup> Filipideɔ, á dɔ ázìawa, ma baonakpaaé káau guu ma bɔa á  
 Masedoni bùsuu, Yesu gālie o kú ní dɔamaleeo, á bàasio. <sup>16</sup> Baa  
 gɔɔ pó má kú Tesaloni,‡ a pó pó málε a nideɔ kpàsámee de gẽn  
 doa.§ <sup>17</sup> I ke gba málε weeləo, á ài káflia Lua kíi málε weelə.  
<sup>18</sup> Ma pó pó á kpàsámee è, à pà e à dìa. Epafɔdi á gbaɔ kpàa,  
 pó mòa sa. A de sa'obɔ pó a gí na Lua\* i kaaàgu à si ü. <sup>19</sup> Ma  
 Lua a pó pó á a ni vĩ kpáwá píi naa Kilisi Yesuwa guu a àizee  
 gawide léu. <sup>20</sup> Wàɔ wá Lua wá Mae tɔbɔ gɔɔpii! Ami.

<sup>21</sup> A fɔkpàa Lua gbéɔwa píi naa Kilisi Yesuwa. Ma Yesude dee  
 pó wá sānuɔ fɔkpàwá. <sup>22</sup> Lua gbéɔ fɔkpàwá mǐpii, atësa an gbé  
 pó kú Sezaa beɔ. <sup>23</sup> Dii Yesu Kilisi gbékèkeé á nislnau.

† 4:6 Mat 6.25    ‡ 4:16 Zin 17.1

§ 4:16 2Kln 11.9

\* 4:18 Bɔa 29.18

## CEAISCTC Yá pó kú láe bee guu

Kolosi dë Tuukii bùsu wéle mèndo üe. A ku Efese gukpe oi kiloo ðaa do taawa. Pølu iwa Kolosi gbé Epafa mé gè n baona yáo we séia (1.7, 4.12).

Pølu dë dakpeuna ü (4.3, 10, 18) Loma, ñ Epafa mò a ðè Kolosideo lé swádø yá dòosaizi. Waasokenaeo lé e tó gbé ye Lua dø, i a suaba, sema wà kúle pòone, wi tøzø, wi bleeo té. Bao lii bee maà gbea gòò Pølu lakè Kolosi Yesudeone à mè Yesu Kilisi náaikæ mè i gbé suaba ado. A lápi dì Tisiki n Oneziñoe.

Fòkpaaamá nLua sáaukpaaao gbea (1.1-14) Pølu Kilisi kíakè ðlòwéé. A dë pòpiia, baa nisín gbáaø, ñme a gáli mi ü (1.15-2.3). Bee gbea Pølu n gbá laai eeyá pò aa kúa yá musu (2.4-25). A yádàné wéni dafu pò wá vñ naa Yesu Kilisiwa musu, Yesudeo kua n kõo yá, uadeo kua n kõo yá n wá kua Yesudesaidéo guu yáo (3.1-4.6).

Lá mideklii Pølu fòkpà gbéwa (4.7-18).

Anabi egenea i mó n yá dasi. Ampii aai to Yesudeo pâale zé maaë, aali Yesu náaikæ a zéwao. Bee yá mè tò Kolosideo lá gbáakpà Kilisi dëa pòpiila yáwa. Ìme i Ibiisi ba polo gbéwa à aà bò zóbleu ado.

### *Sáaukpaa n wabikeao*

<sup>1</sup> Mámëmaa Kilisi Yesu zïna Pølu lá Lua yeiwa n wá gbé Timsteeo, wa lác bee kë<sup>2</sup> wá gbé náaide pò an kua adoa naa Kilisiwa Kolosidéne. Lua wá Mae gbékékéé, i á gba aafia.

<sup>3</sup> Gòopii wá wabikea guu wiò Lua wá Dii Yesu Kilisi Mae sáaukpa, <sup>4</sup> asa wa á Kilisi Yesu náaikæ bao mà n á yea wá gbézio píi, <sup>5</sup> ké á wé dò pò pò dileaé luabei yái. A yá siande mà yää baona pò wa kpáé guu. <sup>6</sup> Baonapi lé ne'i, àlé òta dûnia guu píi, lá a kë á guu za gò pò á mà mè á Lua gbékéké sásasá dòwa. <sup>7</sup> Epafa wá zíkendee yenzide mè yápi dàé wá gëë ü. Kilisi zíkennáaidee, <sup>8</sup> ñme yeakõi pò Lua Nisina á káwà òwéé.

<sup>9</sup> A yái tò za gò pò wa á bao mà, wiò wabikeé Luawa láasai, aà to à a pœä dò wásawasa, aà Nisina i á gba ñno n wezéo píi, <sup>10</sup> ké à ku lá Dii yeiwa, á yá píi i kaaàgu. Beewa á yámaa píi kea àò òta, á Lua døa iò káflí, <sup>11</sup> iò gbáa yápii guu aà gbáa gawide léu, ké à yápii fò n menao n pønao, <sup>12</sup> i Mae Lua sáaukpa, asa à wá ká baa pò a díle a gbéone a gupuauwa. <sup>13</sup> A wá bó gusia

ikou, à wá kpá a Né mèndona yenzide kpalaú. <sup>14</sup> Aà sabai wa gô wéé ù, wá duuna kèwá.\*

### *Kilisi dea pópiiā*

15 Kilisiá Lua pó wíli e ní wéoo taaε,

ɔmε yoa ù Lua pɔkeao guu píi.

16 A pópii kè musu ní tɔoleo,

pó pó wí e o ní pó pó wíli eo,

kpalablenao ge dii,

ge gbâadeo ge ikodeon nò.

Pópii bò aà kliε,

mé aa ku aà pó ûε.†

17 A ku pópii ãa,

pópii kú aà sabaiε.

18 Ìme a gâlide pó dε aà me ûo mi ù.

Ìme dàalena ù, gâbo séia ù,

ké aà gô pópii døanaa ù.‡

19 Asa à kà Luagu,

ɔ a tò a kea píi pèewà.

20 A tò pópii keano na aà sabai,

pó pó kú tɔoleo ge musuon nò.

Aà au pó bòle lipâakâawa

mé mò ní aafiaipo.

21 Apio sô á këa Luawa yâa. Aà ibeeon á ù á làasoo ní á vâikæa yâi, <sup>22</sup> ɔ Lua tò a keano na Kilisi gaa a gbénazînke me guu yâi sa, kë à á kpán'aeké gbâisai, sâasai, tâaesai, <sup>23</sup> tó á zea gbâa á luanaaikëa guu deesai gíügiû, mé i kë zia'ea yâ pó á kùa baona pó á mà guuwao. Wà baonapi kpâ gbé pó Lua kè zîle laone píiε, mé mapi ma Pôlu ma gô a kpana ù.

### *Pôlu zîkëa Yesudeone*

24 Tiasa málë ponake ní taasi pô málë ke á yâio. Ia pô wa dà Kilisiwa, málë a pô pô gô ma ma mewa mà bôlei aà gâlide pô dε aà me ûo yâi. <sup>25</sup> Lua zîdâmee, ɔ ma gô gâlidepi ðonlede ù. Ma aà yâ'ôé, à pèewâ. <sup>26</sup> Asiyyâ pô uléa gbéone za asinizi zadô Lua i dûnia kâleo ɔmè bò Lua gbéone gupauau sa. <sup>27</sup> Lua ye aa dô lá asiyyâpi gbia zôo á buipâleone. Asiipin ke: Kilisi kú á guu, ɔ á wé dô gawii. <sup>28</sup> Aà yâ waaso wi ke gbépiie, wi ledaomá, wi yâdaô gbépiie ní ɔno píio, kë wà gbépi kpán'aeké naa Kilisiwa wásawasa. <sup>29</sup> A yâi tò mi zîkë, mi dëeka ní aà gbâa pô lé zîkë ma guu maamao.

\* **1:14** Efè 1.7    † **1:16** Efè 1.21    ‡ **1:18** Efè 1.22-23

**2**

<sup>1</sup> Má ye ào dëe zöö pó málé káé dö, ápiò ní Laodisideò ní gbé pó wi wësikòleò píi, <sup>2</sup>ké aa e ní sôdile, aa nakòwa aa yekòi, mé wëzë guu aaiò Lua asiyyä pó de Kilisi ú dö wásawasa, aai a ài zöö e. <sup>3</sup>Aà guu ño ní döao àizee píi uléau. <sup>4</sup>Málé bee oé, ké gbëe su á sásä ní lenaoo. <sup>5</sup>Baa tó má kúánço, ma làasoo ku, má è ále yákë a zéwa, mé á Kilisi náaikeà gbää, ñ ma pö këna.

*Pópii pëeama naa Kilisiwa guu*

<sup>6</sup> Lá a Kilisi Yesu sì á Dii ú, ào naawà màa, <sup>7</sup> á zína iò pélea aà guu, í zedòu, ío gbää aà náaikeà guu lá wa dàéwa, ío Lua sáaukpa maamaa. <sup>8</sup>A laaika ké gbëe su döa gbää kásae à á sásä ní gbënaziña felëkaa ño pâ giioo. Yá beeò i bø felëkaa pó pó wí misiilenéò kíie, Kilisi kíi no.\* <sup>9</sup>Asa luakeà píi pëewà aà gbënaziñke guu. <sup>10</sup>Naa gbé pó de gbää píi ní iko píio mide üpiwa, apii pëewá. <sup>11</sup>Naawà a tõzò bøa á dàau ú. I ke tõ pó wí zö ní ño no, pó Kilisi i zõnëe. <sup>12</sup>Asa da'ilékëa guu wà á vñaàñò† mé a vuaàñò, ké a gbää pó Lua aà fèlè bòò gau náaikè yái. <sup>13</sup>A de geò ú yää Luæ á tåaeò ní á luanaaikesaio yái,‡ <sup>5</sup>Lua á gbá wëni dafu ní Kilisio sănu, à sùuukèwanò ní wá tåaeò píi. <sup>14</sup>Lua wá tåae taala pó wá dá yáu bãdè, a se pâ lipääkòawa. <sup>15</sup>Kilisi gaa líwa báa bò diiò ní gbäädeòla, à bòñño gupuau à ní kpán'aekè zìzöö ú.

<sup>16</sup>Ayämëto ásu to gbëe yädileé poblea ge imia ge dikpe ge mòbøa dafu ge gòobøa yá musuo.§ <sup>17</sup>Yá beeò píiá yá pó wá mè a mò taaë, Kilisi mé a siana ú sa. <sup>18</sup>Asu to gbé pó i giiye gbëçwa aa nízìa busa, aa wabike ní malaikac këse kúao á bøbø'çio. Wépungu'ea yá mé iò gbää gbé bee taaë, ñ i ìan gii dã a dûnia làasoo yá musu. <sup>19</sup>A pëa Kilisi pó de mi üwao. Naawà guu megu píi i kò'eu, aa nakòwa kíò zì sabai, iò gbä lá Lua ye à gbäwa.\*

<sup>20</sup>Lá a ga ní Kilisio felëkaa pó pó wí misiilenéò yá musu, bòyái i yädilene ma lán dûnia gbëçwai? <sup>21</sup>Wí me nísu ké na n ñzio, nísu ké ieo, nísu ñkä këwao. <sup>22</sup>Pó beeò píi i láa an mòaokea guue. Gbënaziña yädane ñ wa tei we. <sup>23</sup>Ôno tó mé dö yá beeòwa. Wàle lousisiyyä kakané ní zìlabusao ní ìadaanziawao. N beeò aali kpá wá dàaeo.

**3***Kua wëni dafu guu*

\* 2:8 Gal 4.3,9    † 2:12 Lom 6.4    ‡ 2:13 Efè 2.1-5    § 2:16 Lom 14.1-6    \* 2:19 Efè 4.16

<sup>1</sup> Lá a vu n̄ Kilisio, à to luabé yá d̄aaé, asa we Kilisi z̄lēau Lua oplaai.\* <sup>2</sup> A tó á làasoo ào ku luabé yápiɔwa, asu ào ku dúnia p̄wao. <sup>3</sup> Asa a ga, á w̄eni uléa n̄ Kilisio Lua guu. <sup>4</sup> Lá Kilisi d̄e á w̄eni ū, tó à b̄ò gupuau, ápiɔ s̄s á b̄oaàn̄o n̄ gawio sa.

<sup>5</sup> A yáí tò à dúnia yá p̄o kú á n̄s̄e guu de: Káaluakaa, d̄e'li, m̄efelea, vāi nidea n̄ bliikeao. P̄o p̄o gb̄é lé a bliike ḡò aà dii ūe. <sup>6</sup> Yá beeɔ yáí Lua a p̄okūmab̄ob̄o a yāmansaiɔwa. <sup>7</sup> Ap̄iɔ s̄s á kú a guu yāa, à d̄aaé. <sup>8</sup> A okpa yáe beeɔi sa: P̄okūma, kp̄en̄e, n̄s̄ep̄as̄i, gb̄es̄s̄s̄a n̄ wisaiyā'oao. <sup>9</sup> Asu eetok̄eo, asa a á dàa zi n̄ a yākeao b̄òala, <sup>10</sup> a a dafu p̄o i á lile gb̄é dafuɔ ū dà, k̄e à ḡò lán Lua p̄o á k̄e dafuwae,<sup>†</sup> i aà d̄. <sup>11</sup> Kua màa Yudaɔ n̄ buipâleɔ dodo k̄eo, ge t̄z̄n̄aɔ n̄ gyafɔɔdeɔ, ge gusɔɔdeɔ, ge lad̄nsaiɔ, ge z̄ɔɔ n̄ w̄eɔ. Kilisi mé n̄ ū mípii, a kú n̄ guu mípii.

<sup>12</sup> Ayāmeto, lá Lua á sé a gb̄é yenzideɔ ū, yá p̄o de à dan ke: Wēnad̄ane, gb̄ek̄e, z̄labusaa, n̄s̄en̄ie n̄ menao.‡ <sup>13</sup> A k̄o f̄. Tó yāe sù ḡè á zānguo, à sùuuk̄e n̄ k̄o. Lá Dii sùuuk̄eàn̄o, à ke n̄ k̄o màa s̄s̄.§ <sup>14</sup> Azaiasa ào yek̄si, asa bee i mó n̄ ledou yākelesao. <sup>15</sup> A to aafia p̄o Kilisi i n̄ gba yá d̄aaé á s̄s̄ guu, asa kua n̄ k̄o aafia Lua á sisiwà medoõdeɔ ū. Aɔ Lua sáaukpa. <sup>16</sup> A to Kilisi yá z̄lek̄li e á n̄s̄eu maamaa, í yādak̄e, í ledak̄wa n̄ ūno p̄io. Lua sáaukpaa guu à lesiè á s̄s̄ guu n̄ soõo n̄ tāasileao n̄ le p̄o aà Nisina i daéo. <sup>17</sup> Yá p̄o ále ke ge ále o p̄ii, à ke n̄ Dii Yesu t̄o, í Mae Lua sáaukpa n̄ aà gb̄aao.\*

### Lua gb̄é kua

<sup>18</sup> N̄eɔ, á baade lí misiile á zāe.† M̄aa à k̄u áli ke naa Diiwa guu. <sup>19</sup> Ḡoɔ, á baade lí ye a nazi.‡ Asu ào p̄as̄in̄o. <sup>20</sup> N̄eɔ, à á de n̄ á dao yāma yápii guu, asa bee mé i ka Diigu.§ <sup>21</sup> Maeɔ, ásuli á n̄eɔ p̄o fele à n̄ kúsú kwéo.\* <sup>22</sup> Z̄oɔ, à á dúnia dii yāma yápii guu. Asu z̄i okunweiiana kenéo. A z̄lk̄en̄e n̄ n̄s̄emendoo Dii v̄lak̄enaɔ ū. <sup>23</sup> Yá p̄o ále ke p̄ii, áli ke n̄ n̄s̄emendoo, lá Dii ále keèwa, i ke gb̄enaz̄ina no. <sup>24</sup> Aɔ d̄ k̄e Dii a flaboé àizāna ū. Dii Kilisi ále z̄oble. <sup>25</sup> Vāikenä a a vāi gb̄e'e. Lua lí gb̄e z̄aboo.†

## 4

<sup>1</sup> Diiɔ, à á z̄oɔ gwa a d̄òwa súsu. Aɔ d̄ k̄e ápiɔ s̄s̄ á Dii v̄i musu.\*

<sup>2</sup> A ázia kpa wabikea Luawawa, í it̄keò n̄ aà sáaukpaa. <sup>3</sup> A wabikewàwēe l̄, aà z̄ewēwēe wà a yá waasoke, wí Kilisi

\* **3:1** Sou 110.1   † **3:10** Daa 1.26, Ef̄e 4.22-24   ‡ **3:12** Ef̄e 4.2   § **3:13** Ef̄e 4.32

\* **3:17** Ef̄e 5.19-20   † **3:18** Ef̄e 5.22, 1Pīe 3.1   ‡ **3:19** Ef̄e 5.25, 1Pīe 3.7   § **3:20**

Ef̄e 6.1   \* **3:21** Ef̄e 6.4   † **3:25** Ef̄e 6.5-8   \* **4:1** Ef̄e 6.9

asiiyā'ònē. A yáí wà ma dai kpéu. <sup>4</sup> A wabikemee mà yápi o wásawasa lá à kù mà owa. <sup>5</sup> Aò ázia kúa dō Yesusaideo guu ní ɔnɔo. Ali yá pó Lua a zebòé ke.† <sup>6</sup> A tó á legbe'i ào na, iɔ káflia vĩ, ío yáwea baadewa dō.

### *Lεzaama*

<sup>7</sup> Wá gbé yenzide Tisiki, ma dɔnlède zìkendee náaide Dii zì guu, a ma baokpaé píi. <sup>8</sup> Bee yáí málε aà zìwá, aà wá kua oé, a nòse i níni.‡ <sup>9</sup> A gbèdo Ḍneziū,§ wá gbé náaide yenzide lé mɔaànɔ. Aa lakii yá oé píi.

<sup>10</sup> Alisaka pó wá sānu kpéu fɔkpàwá ní Baanaba dāuna Maakuo. Wá Maaku yá'òé kò. Tó à kà á kíi, à gbāakpaaàzi. <sup>11</sup> Yesu pó wí me Yusitu fɔkpàwá lɔ. Yuda pó wále kpala pó bò Lua kíi zì ke sānu lén we. Aa ma nòse níni. <sup>12</sup> A gbèdo Epafa,\* Kilisi Yesu zòblena fɔkpàwá. Lɔ dëeka ní wabikeáeo gɔɔpii, ké à e ze gbāa, í kàsaakú, Lua pœä i pœewá wásawasa. <sup>13</sup> Má ò àlè zìkeé maamaa á ní Laodisideo ní Ielapɔlideo. <sup>14</sup> Wá lòotoo yenzide Luku ní Demasio fɔkpàwá. <sup>15</sup> A fɔkpa wá gbé pó kú Laodisiowa ní Nimfao ní gbé pó aaí kɔ kääa aà be. <sup>16</sup> Tó a láe bee kyokè, à kpa Laodisi galideowá aa a kyoke, í ní pó kyoke sɔ. <sup>17</sup> A o Aasipue, aà laaido Dii zì pó wa dàewa, i a midé.

<sup>18</sup> Ma Pɔlu mámé ma fɔkpaaawáe bee kè ní mazia oo: Ma fɔkpàwá. A to ma kua kpéu yá ào dɔágu. Lua gbèkèkeé.

† 4:5 Efε 5.16

‡ 4:8 Efε 6.21-22

§ 4:9 Flm 10

\* 4:12 Kls 1.7, Flm 23

## TESALONIDEɔ LA SEIA Yá pó kú láe bee guuɔ

Tesaloniá Masedoni bùsu wéledae. A ku Gelesi bùsu sae, Lomadeɔ mé iko vīwà. Pɔlu wélegēa plaade guu à gè Filipi giàe, a gbèa Tesaloni. We à gāli dàaleu, ãma i gooplakè weo, asa Yudaɔ bò aà kpè. Wà nàewà aà bɔ Tesaloni. Ké à bò we à tà Belee (Zin 17.1-10). Gbezā gɔɔ pó a ku Kɔleni, õ aà lwa Timɔtee mò aà lè we, à Tesalonideɔ yá sèlè sliuè. O Pɔlu a lá séiae bee kè Tesalonideɔnɛ.

Bao pó Pɔlu mà Tesaloni Yesudeɔ yá musu aà pɔ kè na. A Lua sáaukpà Tesaloni Yesudeɔ yâkeà pó lé gbé da zéwa yá musu. Aà zikèa we yá'oané gbea à mè á ea mo wékpaleñzi (1.1-3.13). A ledàmá aa ze gbäa Dii guu, aa wëtä wàò gé ae n̄ Yesu yáo (4.13-5.11). A midékii à ledàumá à fɔkpàmá lɔ. (5.12-28).

Pɔlu googbezazì yáɔ bɔolekè lɔ. A òwëe wà gupu gbéonɛ, wàò dɔ ké ziewa wáɔ kú n̄ Diio gɔɔpii (4.17).

### *Tesalonideɔ ze'ɔlané*

<sup>1</sup> Má Pɔlu n̄ Silivéeo n̄ Timɔteeo wámɛ wa láe bee kè Tesaloni\* Yesude pó aa na Mae Lua n̄ Dii Yesu Kilisiowaɔnɛ. Lua gbékekéé, i á gba aafia.

<sup>2</sup> Wá wabilkeà guu á yá ì dɔwágú gɔɔpii, wíɔ Lua sáaukpà á baade pii yá musu. <sup>3</sup> Ké i zikè á luanaaikèawa, mé á yea gbéíá yá'oa n̄ leo yá no, mé á wedɔ wá Dii Yesu Kilisizi seasai yái, a yá ì dɔwágú Lua wá Mae kùe. <sup>4</sup> Wá gbé Lua yenzideɔ, wá dɔ ké Lua á sé, <sup>5</sup> asa ké wa baonakpàé, wi mó n̄ yá'oao adoo, wa mó n̄ Lua Nisina gbääoe, yápi wá kúa gbää maamaae. A dɔ lá wá kuò á guu á aafia yái, <sup>6</sup> õ a gɔ wápi n̄ Diio dàdanaɔ û. Taasi zɔɔ guu a yápi sì n̄ pɔna pó Lua Nisina dàáguo, <sup>7</sup> õ a ze'òlɔ Yesude pó kú Masedoni bùsuuɔnɛ n̄ Gelesi bùsuo pii. <sup>8</sup> Dii yá bò á kíi, i ze Masedoni n̄ Gelesio adoo, á Yesu náaikeà yá lígua pii, a baokpaa vī lɔo. <sup>9</sup> Wàle o lá wa ze'è á kíi, lá a bɔ dii egenaɔ yáu a zè n̄ Luao, õ álé zɔble Lua bée siandepie, <sup>10</sup> álé aà Né Yesu pó à aà bò gau dã e aà bɔ luabè, i mó wá sí poküma pó Lua a bɔbɔmáwa.

## 2

### *Pɔlu zikèa Tesaloni*

<sup>1</sup> Ma gbéɔ, á dɔ áziawa ké wá ze'ea á kíi i ke pão. <sup>2</sup> A dɔ lá wà iadàwá, wa taasikè Filipi káau,\* õ wá Lua tò wa sɔdile, wa

\* 1:1 Zin 17.1    † 1:6 Zin 17.5-9    \* 2:2 Zin 16.19-24

baona pó bò aà kíi kpáé dēe ní dēeo.† ³ Wá naεawá de ee zé yá ūo. Wi kε làasoo vāi ge á blea yáí no. ⁴ Lá Lua wá ká a baokpaawa, màa wi kpáné, i kε gbēnazína pœä wále weeleo, sé Lua wá làasoo tāasikana pó. ⁵ A dō kέ wi yá nana o gbēeo, mé wi yāe kε ní mɔafilio blikeá yáio. Lua mé wá seelade ū. ⁶ Wi sáau weelé gbēnazína kíio, ápiɔ ge gbēpaleo. ⁷ Baa kέ wá a zé ví wá to à wá iko dō wá Kilisi zínaké yáí, wá kέánó busébusé, lá nɔe neade i laaidó a néwawaε. ⁸ Kέ wá yeázi maamaa yáí, wi zeò wá baona pó bò Lua kíi kpáé adoo, ní wázia kpaawáo lɔ, asa a gɔ wá gbé yenzideo ūe. ⁹ Ma gbéo, à tó wá zíkéa ní taasio yá dɔágu. Gɔɔ pó wále bao pó bò Lua kíipi kpáé, wiɔ zíké fāane ní gwāasínao, kέ wásu gɔ á gbēee aso ūo yáí.‡ ¹⁰ Wá seeladeon á ū, ní Luao lɔ, kέ wá kú á Yesudeo guu a zéwa luayámanao ū tāaesai. ¹¹ A dō wa yákè á baadee lá mae i kε a nénewa. ¹² Wa ledàwá, wa á nɔse nínié, wa naewá á kua ka gbé pó Lua ní kpá kpala gawide pó bò a kíiu kuawa.

¹³ Kέ a Lua yá pó wá ðépi mà, i dile gbēnazína pó ūo, á sì lá a dewa Lua yá siandé ū. Omé lé zíké á gbé pó ále aà náaikeo guu. Bee yá mé tò lɔ wiɔ Lua sáukpa láasai. ¹⁴ Ma gbéo, á yá kέ doú ní Lua gbé pó naa Kilisi Yesuwa Yudeo, asa ɻa doú pó Yudaɔ dàmá ɔ á bùsudeo dàwá sɔ.§ ¹⁵ Yudaɔ Dii Yesu dè ní ãnabiɔ lɔ, mé aa wá yá.\* An yá lí ká Luaguo, aa íbelésé ní gbépiio. ¹⁶ Aa kpawéε wá yá pó Lua i gbé suabao o buipaleone. Maa duuna pó aaɔ ke gɔɔpiii lɔ diadi. Lua pɔkúma wí ní musu sa.

### *Pɔlu Timɔtee zia Tesaloni*

¹⁷ Wápiɔ sɔ ma gbéo, kέ wa kékɔwa gɔɔpla, wé mé gɛgɛ ní kɔo, i ke sɔ no. Wa á nidé maamaa, wa wã wá wesiķole. ¹⁸ Wá ye mó á gwai lɔ. Mapi ma Pɔlu, ma mɔa zewéele de gẽn do ge gẽn plaa, ɔ Setau zezɔwéε. ¹⁹ Tó wá Dii Yesu mò, déme ào de gbé pó wá wé dɔiɔ ū ní wá pɔnakəbɔo ní wá īandābɔo aà ae? Apio báasio, ²⁰ asa áme á wá īandābɔo ní wá pɔnakəbɔo ū.

## 3

¹ Kέ wá fɔ menake lɔ, wa zeò wá gɔ Ateni wátéε,\* ² wa wá gbé Timɔtee, wá Lua zíkendee Kilisi baokpaa guu zílwá, kέ aà á gba gbāa, i á nɔse nínié á luanaaikéa guu, ³ kέ gili su gɛ á gbēegu īadamae bee musuo. A dō ázìawa, kέ Lua bee taa dílewéε. ⁴ Gɔ pó wá kú á kíi, wa dɔaa wá ðé wa mè wa gi īadaiwáo, ɔ à kέ lá á dōwa màa. ⁵ Ayameto lá má fɔ menake lɔ, ma aà zì á luanaaikéa gwai. Gbēyɔna á yɔ, wá zíké pã yà, wá dō.

† 2:2 Zin 17.1-9   ‡ 2:9 2Tes 3.8   § 2:14 Zin 17.5-9   \* 2:15 Zin 13.50, 14.19

\* 3:1 Zin 17.16

<sup>6</sup> Ḍ Timɔtee sùwá sa,<sup>†</sup> à á luanaaikɛa ní á yeawázio baokpàwɛe. A mè wá yá iɔ dɔágú ní làasoo maao, mé ále wá bɛeke lá wále á bɛekewa. <sup>7</sup> Ma gbéɔ, á luanaaikɛ Ayāmeto wá nòse níni á yá musu wá iadama ní wá taasio píi guu. <sup>8</sup> Asa lá á zea gíügiü naa Diiwa guu, wá me sù sa. <sup>9</sup> Wá fɔ̄ Lua sáaukpa á yá musu. Wa wá Lua sáaukpà maamaa ní pɔ̄na zɔ̄ pó wi ke aà ae á yáio. <sup>10</sup> Gwāasina ní fāaneo wi wabikɛ Luawa maamaa, ké wà e wèsikɔ̄le, wí pó pó kèsā á luanaaikɛawa bɔ̄olekeé.

<sup>11</sup> Lua wá Mae ní wá Dii Yesuo zepoowɛe wà e mó á gwai. <sup>12</sup> Dii á yeakɔ̄i ní á yea gbépiizio káflé, i liála lá wá yeáziwa,<sup>13</sup> á sɔ̄ iɔ̄ daa doú gbásisai, iɔ̄ ku tāaesaidεɔ ū̄ Lua wá Mae aë wá Dii Yesu moa ní a gbéɔ píi gɔ̄ɔzì.

## 4

### Kua lá Lua yeiwa

<sup>1</sup> Yá pó gɔ̄ ma gbéɔ, á mà wá lén lá a maa á kua ka Luagu. A kú màa, ãma wále wabikewá, wále awakpaé wá Dii Yesu guu, àɔ̄ ku màa àɔ̄ gé. <sup>2</sup> A yá pó wá dílēé ní Dii Yesu tó dɔ̄. <sup>3</sup> A tó á kua àɔ̄ adoa, í mikɛ gbásikɛawa, asa bee mé Lua pɔ̄eá ū̄. <sup>4</sup> A baade azia me kpela, àɔ̄ azia kúa dɔ̄ gbásisai, <sup>5</sup> i ke ní dóe'lii nideao lán luayādɔ̄nsai pó aa aà dōoɔwa no. <sup>6</sup> Yápi guu gbé su a gbé taiinké ge à tāaekeèo, asa Dii mé a moaka gbé bee taaɔwa, lá wa dɔaa wá ðé wa a lezawáwa. <sup>7</sup> Lua i wá sisi wàɔ ku gbási guuo, sema wá kua àɔ̄ adoa. <sup>8</sup> Ayāmeto gbé pó gí yá bee i ke gbénaziná à glio, Lua pó i a Nisina pó a kua adoa dawágu ū̄ à glio.

<sup>9</sup> Wá e yeakɔ̄i yá'oéo, asa ázìawa Lua yeakɔ̄i dàé. <sup>10</sup> A kú màa kò ní wá gbé pó kú Masedoni bùsuuɔ píi. Gbéɔ, wa ledàwá àɔ̄ ku màa àɔ̄ gé, <sup>11</sup> i zeweele àɔ̄ ku yákelesai, í ma ázìawa, í ázìa zì ke lá wá dílēéwa, <sup>12</sup> ké á yáke a e ka Yesusaideɔgu, mé ásu àɔ̄ sɔ̄kpalea gbéezio.

### Dii moa

<sup>13</sup> Gbéɔ, wá ye àɔ̄ sìlana dɔ̄ gbé pó i'ðó yá musu, ké á pɔ̄ su àɔ̄ sia lán gbé kíni pó aa zia'eoo wao yái. <sup>14</sup> Lá wá sì Yesu gá à vu, màa lɔ̄ Lua a tó gbé pó i'ðó Yesu guuu ea moaànɔ̄ sānu.

<sup>15</sup> Yá pó wále oée beeá Dii yádanee. Wá gbé kõna pó wáɔ ku e Dii mózìb, wá dɔaa i'onapiɔñeo. <sup>16</sup> Dii mé a bɔ̄ luabe, i pila ní yádileneo ní malaika gbézɔ̄ lɔ̄o ní Lua kàae ño, gbé pó gá naa Kilisiwàɔ i vu séia, <sup>17</sup> a gbea wá gbé kõna pó wá kú, wa wá séléñinɔ̄ sānu e luabepuanau dai Diile ìana guu, wík kuaànɔ̄ gɔ̄ɔpii.\* <sup>18</sup> Ayāmeto à kɔ̄ nòse níni ní yápio.

<sup>†</sup> 3:6 Zln 18.5    \* 4:17 1Kln 15.51-52

**5**

<sup>1</sup> Gbēɔ, a gɔɔ ge a zaa oaé zevio, <sup>2</sup> asa á dɔ sáasã lá kpái i mɔ gwá, màa aɔ de Dii mɔgɔɔ.\* <sup>3</sup> Tó gbēɔ lé o wa aafia, wa ku dɔdɔa, kaale a móma kándo lá ne'iwāwã i mɔ nɔsindeewawaɛ, aa bɔo. <sup>4</sup> Apio sɔ gbēɔ, á kú gusiau ké gɔɔpi á le lán kpáiwao, <sup>5</sup> asa gupua gbēɔn á ū, fāane gbēɔn á ū ápii. Gwāaslna ge gusia gbēɔn wá ūo. <sup>6</sup> Ayāmeto wásuli i'o lán dāowao. Wà itēke, wí kú n̄ laaio. <sup>7</sup> I'onao i'o gwá, mé wēdenao i wēde ke gwá, <sup>8</sup> wápi o sɔ, lá fāane gbēɔn wá ū, wào kú n̄ laaio, wí luanaaikea n̄ yeakɔio da mò ula ū, wí wedøa zia'ea yái kpá mò fùa ū.† <sup>9</sup> Asa Lua i wá dile à pɔkūmabɔbɔwáo. A wá díle à wá suaba n̄ wá Dii Yesu Kilisi gbāaoe. <sup>10</sup> Omé gà wá yái ké wào kuanɔ, wá bée ge wa i'òn nò. <sup>11</sup> Ayāmeto à ledakɔwa, i kɔ gba gbāa, lá ále kewa.

*Pɔlu yadilea Tesalonideɔne*

<sup>12</sup> Gbēɔ, wa wabikèwá, à beee dɔ gbé pó aaž zilke á guu, aa iko víwá an zilke Dii guu, aale á dazewaɔne. <sup>13</sup> A n̄ kpela maamaa, ío yeñzi zì pó aale ke yái. Aɔ na n̄ kɔo. <sup>14</sup> Gbēɔ, wa ledawá à faasaideɔ dazewa, à gbé pó an kúsú kwéɔ gba sɔ, à laaidɔ gbāasaideɔwa, í menake n̄ gbépiio. <sup>15</sup> A laaika á gbēe suli vái flabo n̄ vāioo. A zeweele ào maakekɔe n̄ gbépiio gɔɔpii.

<sup>16</sup> Aɔ ku pɔna guu gɔɔpii. <sup>17</sup> Aɔ wabike Luawa láasai. <sup>18</sup> Aɔ Lua sáaukpa yá píi musu. Bee mé deé aà pɔeä ū naa Kilisi Yesuwa. <sup>19</sup> Asuli kpá Lua Nisinaeo, <sup>20</sup> ásuli saka ãnabikeguo. <sup>21</sup> A yápii tāasika, ío a maa kúa, <sup>22</sup> i miké vái bui píiwa.

<sup>23</sup> Lua aafiade to à ázia kpawa míɔmiɔ, i á nislna n̄ á wēnio n̄ á meo dɔaé aafia tāaesai e wá Dii Yesu Kilisi mózì. <sup>24</sup> Lua pó á sisi à á sé náai v̄l, a yápi keé.

<sup>25</sup> Gbēɔ, à wabikewéε. <sup>26</sup> A fɔkpa wá gbēɔwa píi n̄ Lua gbēɔ lēpeakɔwao. <sup>27</sup> Ma naé Diizi à lāe bee kyokéné nípii.

<sup>28</sup> Wá Dii Yesu Kilisi gbékkekéé.

\* **5:2** Mat 24.43-44, 2Piε 3.10    † **5:8** Isa 59.17, Efε 6.14-17

## TESALONIDEɔ LA PLAADE

### Yá pó kú láε bee guuɔ

Pɔlu yá pó á ò Tesalonideɔ lá séia guu ò la lɔ, à Kilisi mɔa ní gawi zɔɔo ònɛ. Yápi lé iada Tesalonideɔwa. An gbēeɔ lé e gɔɔpi kà kòe (2.2), ɔ an gbēeɔ lé gí zìkɛi, ɔ aa gò ní gbéɔne aso ū, asa aale e gɔɔ gbezäpi kà kāikäi (3.6-12). Láε bee lé ní da zéwa an làasoo kpaanla keapi yá musu.

Pɔlu nà Lua sáaukpaaawa Tesaloni Yesudeɔ yeakɔi yá musu, ɔ à wabikè Diiwa aà ní gba gbää zì pó a nàné ní ɔzì yá musu (1.1-12). Ó à Kilisi mɔa yá'ònɛ. Bee a keo e gbé pó wì mɛè luayādansai à ge mɔð. Tó aà gbää dède, a to dúnia gbépii bɔ Lua yá kpe, aai íbelesé ní Yesudeɔ (2.1-12). Vái ɔdaa zää yá musu, sema Yesudeɔ ze gbää luanaaikea guu (2.13-3.5). A gbëa Pɔlu lekà gbëpäɔ yáwa, ké aasu wàɔ de gbëeε aso ūo (3.6-15). Lápi midékii à báaadàñgu, à fɔkpàmá (3.16-18).

Yádileas bee lé wá gba laai: Gbé pó ye pœ woaio a pøbleo (3.10). Wá Yesudeke guu wásuli pákpa yá pó kù wà kezio.

#### *Yákpalekeə Kilisi mɔgɔɔzì*

<sup>1</sup> Ma Pɔlu ní Silivëeo ní Timoteeo, wámɛ wa láε bee kɛ Tesaloni\* Yesude pó aa ku Lua wá Mae ní Dii Yesu Kilisio guuɔne. <sup>2</sup> Mae Lua ní Dii Yesu Kilisio gbëkëkeé, aai á gba aafia.

<sup>3</sup> Wá gbéɔ, a maa wàɔ Lua sáaukpaa á yá musu gɔɔpiie, lá a maawa, asa á luanaaikea lé zɔɔkū maamaa, mé á yeakɔi lé káfl. <sup>4</sup> A yáí tò wi ianadä á yá musu Lua gbéɔ kɔkåaaɔ guu, lá i iadama ní taasi píio fɔ ní menao ní luanaaikear. <sup>5</sup> Lua i yágɔgɔ ní gbéɔ a zéwaε. Taasi pó ále kε kpala pó bɔ Lua kíi yáí lé ɔloné kέ a ka à gëu. <sup>6</sup> Lua i yáke a zéwaε. A gbé pó aale á wetäɔ wetä, <sup>7</sup> i á gbé pó wàle á wetäɔ gba iampakli ní wápi. Tó Dii Yesu bɔ luabε, a mó ní a malaika gbääɔ <sup>8</sup> ní tévuao, a mɔakað luadɔnsai pó aai wá Dii Yesupi bao sioɔwa.† <sup>9</sup> Kaale láasai ɔ Lua a flabooné. Aaɔ ku zà ní Diio ní aà gbää gawideo. <sup>10</sup> Tó à mò gɔɔpi zì, a tɔbɔ a gbéɔ yá musu, aà náaikenapiɔ i aà maabo mìpii. Aɔ kú ní guu, asa a yá pó wá ðé sìε.

<sup>11</sup> Ayämeto wiɔ wabikeé wá Luawa gɔɔpii, aà tó á kua ka gbé pó à ní sisi à ní séɔ kuawa, i yámaa pó a ze ní a keaɔ ní zì pó ále kε aà náaikenapiɔ píi papaé ní a gbääo, <sup>12</sup> Dii Yesu tó i bɔ á musu, a tó i bɔ aà musu wá Lua ní Dii Yesu Kilisipio gbëkëkeá yáí.

\* 1:1 Zin 17.1 † 1:8 Isa 66.15-16

**2***Luayādansai*

<sup>1</sup> Wá gbé̄, Yesu Kilisi mōa ní wá kääaaaázio yá musu,\* wa wabikèwá,<sup>2</sup> ásu tó á pō ya àanno. Tó ãnabi yae ge waasoe ge taalae pō wà mè à bò wá kíi mè Dii mógo kà kò, ásu bílikeo. <sup>3</sup> Asu to gbē á sásā ní bee taao, asa gō bee a mō, sema bōa Lua kpe ka già, luayādansai pō mipé kaalewa bò gupuau bàasio. <sup>4</sup> A ibelēse ní pō pō wí ní dile dii ū ní pō pō wí kúlenéo píi, i azia se lesi deňla, i ge zōle Lua kpéu à azia dile Lua ū se.<sup>†</sup> <sup>5</sup> Gō pō má kúáno ma yápi òé. A dōágwo lé? <sup>6</sup> A dō pō pō lé kpaë tia, ké asu bō kpóoo,<sup>7</sup> asa luayādansai lé ota asii guu kò. A bōo, sema gbé pō lé kpaë tia gēzea bàasio,<sup>8</sup> luayādansai pi i bō sa. Dii Yesu a àa de ní a lēianao,<sup>‡</sup> a àa míonzō ní a mōa gawio. <sup>9</sup> Luayādansai pi a mó ní Setāu gbāaoe, i dabudabu ní yābōnsae ní seela egenao ke píi.<sup>§</sup> <sup>10</sup> A kōni bui píi ke gbé pō aa mipé kaalewaone, ké aa gī siiana pō a ní suabai yái. <sup>11</sup> Bee yái Lua lé sásayā zímá à ota ní guu, aai ee náaike. <sup>12</sup> Beewa yá a zōle gbé pō aai siiana sio aai pōnake ní vāioowa nípíi.

<sup>13</sup> Wá gbé Dii yenzideo, a maa wào Lua sáaukpa gōopii á yá musue, asa Lua á sé za káau à bō ní a Nisina pō tō wa gō a pō ū gbāao á siānasia yái. <sup>14</sup> Lua á sisi à á sé màa baona pō wá kpaé guu, ké à á baa e wá Dii Yesu Kilisi gawi guue. <sup>15</sup> Ayāmeto wá gbé̄, à ze gíügiū, ío yá pō wá dàé ní leo ge lá guu kúa. <sup>16</sup> Lua wá Mae yewázi, àa gbēke guu a tō wá nòse ào daa doü e gōopii, à wá ká zia maawa. Aápi ní wá Dii Yesu Kilisio<sup>17</sup> á nòse nínié, aai á zedō maakea ní yāmaa oao guu píi.

**3***Wásu wào màa vño*

<sup>1</sup> Yá pō gō wá gbé̄, à wabikewēe Luawa ké Dii yá e ligua kpakpa, ío gawi víné lá a vñi á kíiwa. <sup>2</sup> A wabikewēe aà wá bō gbēvái mísai ozi, asa i ke gbépii mé Lua náai vño. <sup>3</sup> Dii náai vñi, a á gba gbāa, i á sí Setāuwa. <sup>4</sup> Wá naa Diiwa guu wá a náai vñi ké ále yá pō wá òé ke, mé áó keee. <sup>5</sup> Dii tó á laai ào ku Lua yeaáziwa ní mēna pō Kilisi i inéo.

<sup>6</sup> Gbé̄, wa naé Dii Yesu Kilisizi, à ké wá gbé pō màa vñi aali zíke yá pō wá dànéwaoowa. <sup>7</sup> A dō ázlawá, a maa à wá kea kee, asa màadeon wá ū á guuo. <sup>8</sup> Wi gbē ble si wá blè pão, wa zíké gwāasina ní fāaneo, wa taasiké e wa kpasa, ké wásu gō á gbēee aso ūo yái.\* <sup>9</sup> Wá a zé vñi à dōwále, áma wa a taa keé, ké à wá

\* 2:1 1Tes 4:15-17   † 2:4 Dan 11:36   ‡ 2:8 Isa 11:4   § 2:9 Mat 24:24   \* 3:8  
1Tes 2:9

ɔlesee. <sup>10</sup> Goo pó wá kúáno, wá dílə gbé pó ye zíkəao a pobleo. <sup>11</sup> Wá mà á gbēeɔ màa vĩ, aali pœ woo, sema gude. <sup>12</sup> Wá dílə gbé bee taaone, wa nané Dii Yesu Kilisizi, aali zíkə kílikili aa nízia gwa.

<sup>13</sup> Apio sɔ́ wá gbéɔ, ásu kpasa ní maakeaoo. <sup>14</sup> Tó gbēe i yá pó wá òé lápi guu dao, à aà yá bɔ dile. Asu gbé kpaaànɔo, ké wí e aà kú. <sup>15</sup> Ama ásu íbeléseàànɔo, à ledawà á gbēdo ũ.

<sup>16</sup> Dii Aafiade á gba aafia gɔɔpii yápii guu. Dii ào kúáno ápii. <sup>17</sup> Ma Pɔlu máme ma fɔe bee kɛ ní mazla oo. Bee mé ma lá píi seela ũ, màa mi kɛ. <sup>18</sup> Wá Dii Yesu Kilisi gbékékéé ápii.

## TIMOTEE LA SÉIA

### Yá pó kú láe bee guu

Timotee daá Yudaes, aà maeá Gelekie. Aa kɔ'è ní Pɔluo Lisita pó kú bùsu pó wí me tia Tuukii guu, Pɔlupi wélegēa plaade guu (Zin 16.1-3). Timotee gò Pɔlu iwa pó iɔ kāiaànɔ ūe. A teaàzi aà wéle dasiɔ gēa guu, ɔ Pɔlu i aà zì gāli pó an yá lē gé súsuoɔ guu. Ayāmeto aà tó kú zinālá guu (17.14-15, 18.5, 19.22) ní lá pó Pɔlu kɛ̄ guu (1Kln 4.17, 16.10-11, Flp 2.19-24, 1T̄es 3.2-6) ní lá pâleɔ. Lá mèn pla pó a kè Timotees ní pó a kè Titueo wí me pâsitee lá, yáze pó a kâlekale d̄aaanaɔ ní pâsiteeñeo yá.

Timotee lá séia lé yá dò̄ aâaɔ olwé̄e:

Séia già à lezà Yesudeɔwa zé kaalio yá ní làasoo kpaanlaɔ ní Yudaɔ yá pó yāalea ní luadɔsai yá pó gbēeɔ lé dadanéo. Zé kaalipio mè dúniae bee pó maao, wíli fɔ̄ Lua lèo, sema wa asiyyā dɔ̄ bâasio. Aa gbâakpà bleeɔ t̄eboao ní già nɔ̄sei yá. Bee gbea lápi lousisiyā bɔ̄olekèwé̄e, kɔ̄kāaa yá ní yá pó a maa Yesude d̄aaanaɔ aaɔ kūaɔ.

A láakii lápi ledà Timoteewa lá à kù aà a zì pó Lua dàe ke, lá à kù à laaidɔ̄ luanaaikēnaɔwa, iɔ de Lua z̄lkēn maa ū (4.6).

Wa fɔ̄ lápi kpaale lee pla: Yādane pó de Yesudeɔ ní n̄ d̄aaanaɔ pó ū (1-3) ní Timotee zia yá (4-6).

#### *Yadanedeɔ gbaa laai*

<sup>1</sup> Mámēmaa Pɔlu, Kilisi Yesu z̄ina, lá Lua wá Suabana ní Kilisi Yesu pó wá wé d̄aaàzipio d̄ilemeewa, <sup>2</sup> ma láe bee kène Timotee, \* ma ne'ia Yesu zé guu. Mae Lua ní wá Dii Kilisi Yesuo gbekēkēne ní sùuuo, aai n̄ gba aafia.

<sup>3</sup> Lá ma naem̄a gɔ̄ pó málē gé Masedoni bùsuu, gɔ̄ Efese, ní oné aasu yá pó i kpaai ní Lua yáoo dané l̄o. <sup>4</sup> Aasu laaidɔ̄ fi ní dezio tó kōnwēa pó lē v̄ioowa l̄o, bee i mó ní lekpaaoe. Ili mó ní yá pó Lua lē yáwanɔoo, aà náaikea mé i mɔ̄. <sup>5</sup> Ma yápi d̄ile kē aaɔ̄ yekɔ̄i yáie, yeakɔ̄i pó i bɔ̄ n̄osepuu ní làasoodaadoou ní luanaaikēa mɔ̄afilisaio guu. <sup>6</sup> Gbēeɔ pâale yápiñe aa pèlē yá àisai bɔ̄leau. <sup>7</sup> Aa ye wào de Mɔ̄izi ikoyādanedeɔ ū, ãma aa yá pó wàlē o d̄o ge yá pó wà zèwà.

<sup>8</sup> Wá dɔ̄ ikoyāpi maa, tó gbé lē z̄lkewà a zéu, <sup>9</sup> asa wá dɔ̄ kē Lua i ikoyā d̄ile gbēmaa yáio, sema yādansai ní swâgbâadeɔ ní lousisinsai ní duunkēnaɔ ní luayādansai ní dúniae gbē ní de n̄ dao d̄enaɔ ní gbēdēnaɔ <sup>10</sup> ní gbâsikēnaɔ ní gɔ̄e pó aāi gbâsikē ní

\* 1:2 Zin 16.1

ní gōe deeo ní gbēnazarinyiana ní eedeo ní yādōmadeo ní gbé pó aai bō yázede kpeo pii. <sup>11</sup> Yázedepi mé baona gawide pó Lua Bápaaade gōmee zí ü.

### *Lá Lua gbékékè Pɔlue*

<sup>12</sup> Ma Kilisi Yesu wá Dii pó ma gba gbāa sáaukè, asa à ma náaikè à zidàmee. <sup>13</sup> Ma aà tɔbëesì yāa, ma iadà aà gbéwa,<sup>†</sup> ma gbāablémá. N beeo à wénadòmee, asa má kè wésiaké ní aà náaikesaio guue. <sup>14</sup> O wá Dii Kilisi Yesu gbékékemee zɔo, a tò ma a náaikè, mío ye gbéi naawa guu. <sup>15</sup> Yáe bee siana ví wá sí. Kilisi Yesu mò dúnia guu duunkena suabaa yáie. Mapi, ma pó mé de dásala, <sup>16</sup> ò Lua ma wénagwà, ké mena zɔo pó Kilisi Yesu kè ní ma gbé pó ma duuna dəñlao bō gupuau seela ú gbé pó aa aà náaiké aa wéni láasai eone. <sup>17</sup> Lua mèndona, gɔɔpii Kíá pó lí gao mé wili e ní wéoo mé aó beeëe ví ní gawio gɔɔpii, ámi.

<sup>18</sup> Ma né Timotee, lá wà dàaa ãnabikekè n yá musu, málé yápi dane ké nýo kúa, ní zì maa kaò <sup>19</sup> luanaaikéa guu ní láasoodaadoõo. Láasoodaadoõ lí ke gbéone yāe ùo, ò an luanaaikéa i ñókpaa. <sup>20</sup> Imene ní Alesāndao kú ní guu. Ma ní kpá Setāuwa<sup>‡</sup> ké aao dō wili dóe ní Luao.

## 2

### *Lousisia*

<sup>1</sup> Too, gla séia málé ledama à wabike gbépii, à zé gbeané, à kulekené Luæ ní sáukpaa. <sup>2</sup> A wabike kíáne ní gbāadeo pii, ké wà e wào ku aafia yákelesai luayámanao ü, wá kua ió gbia. <sup>3</sup> Bee mé maa, i ka Lua wá Suabanagu. <sup>4</sup> A ye gbépii suaba, aai siana dō. <sup>5</sup> Asa Lua mèndoë, mé kóo kú mèndo Lua ní gbēnazina zānguo, òn gbēnazina Kilisi Yesu ü.\* <sup>6</sup> A azia kpá gbépii flabobo ü a gɔɔwa, Lua pœäpi seela ü. <sup>7</sup> Ayámeto Lua ma dile a kpawakena ü, a zína ü, mà a zé siande da buipâleone.<sup>†</sup> Siana málé o, i ke ee no.

<sup>8</sup> Má ye gōe lousisi gu ní guo pii, aa ose musu<sup>‡</sup> gbásisai, pöküma ní lækpaao sai. <sup>9</sup> Má ye lɔ nœo nízia keke a zéwa yɔ́osai ziamone sai. I ke ní mì yɔ́de tääo ge vua ní òso nɔamblebɔ ge zwää odee no. <sup>10</sup> Aa nízia keke ní maakeao, lá a maa nœ lousisinao kewa. <sup>11</sup> Nœo yādada kílikili, aa misiile yápii musu. <sup>12</sup> Mili we nœo yādàda gōeone ge aao iko vîmáo, sema aao ku kílikili. <sup>13</sup> Asa Adamu ò Lua kè séia, a gbea Eva.\* <sup>14</sup> I ke Adamu wa sàsão, nœ wa sàsã, à sì duunau.<sup>†</sup> <sup>15</sup> Tó nœ wetà ní

<sup>†</sup> **1:13** Zin 8.3, 9.4-5   <sup>‡</sup> **1:20** 1Kln 5.5   \* **2:5** Zin 4.12   <sup>†</sup> **2:7** 2Tim 1.11   <sup>‡</sup> **2:8** Boa 9.29   <sup>§</sup> **2:9** 1Pie 3.3   \* **2:13** Daa 2.7, 21-22   <sup>†</sup> **2:14** Daa 3.1-6

luanaaikəao n̄ yea gbézio n̄ kuaadoakəo z̄laməne sai, ali ne'i aafia.

### 3

#### *Gbēzōo n̄ dɔnlədeɔ*

<sup>1</sup> Yāe bee siana v̄i: Tó gbé ye ke gbēzōo ū, àlə z̄i maa nidə.  
<sup>2</sup> Gbēzōo l̄i ku tāaesai n̄omendode ū, laaide ū, i azia kūa d̄  
 gbé d̄ōde ū, nibof̄na ū, gbé p̄o a f̄ yādané ū. <sup>3</sup> Asu ào de igbēna  
 ge gbé p̄as̄ ūo. Aào de n̄os̄edoüde yākelesaide ū. Óa su d̄aaæo.  
<sup>4</sup> Aào a ua kūa d̄, aà n̄o l̄ misiileè aaliç aà otondok̄i gwa.\*  
<sup>5</sup> Asa tó gbé a ua kūa d̄o, kpelewa a f̄ olia Lua gâlideɔzii? <sup>6</sup> Asu  
 ào de gbé dafuna ūo, k̄ asu ianadā, i azia dayāu lán Ibiisiwao  
 yái. <sup>7</sup> Aà t̄ ào na Yesusaideɔ k̄ii l̄, k̄ wasu aà t̄'isi, i zu Ibiisi  
 bauo yái.

<sup>8</sup> Mâa l̄ dɔnlədeɔ aao de gbé gbiao ū. Aasu wào de leplaadeɔ  
 ūo. Wé yá su d̄aaanéo. Aasu wào de ɔweelemb̄eɔ ūo. <sup>9</sup> Aao Yesu  
 yá kūa n̄ làasoodaadoüo. <sup>10</sup> Wà n̄ yá gwa ḡia, tó wi yāe emáo,  
 wi gbasa n̄ dile dɔnlədeɔ ū. <sup>11</sup> Mâae n̄ n̄o. Aao de n̄o gbiao  
 ū, laaideɔ ū, aaïo n̄ai v̄i yāpii guu. Aasu wào de gudenao ūo.  
<sup>12</sup> Dɔnləde ào de n̄omendode ū, aào a ua n̄ a n̄o kūa d̄. <sup>13</sup> Gbé  
 p̄o z̄ik̄e a z̄ewa, i zek̄i maa e, aà s̄o iō dilea a Kilisi Yesu n̄aikəa  
 guu maamaa.

<sup>14</sup> Baa k̄e málə yāpiɔ on̄, má d̄il̄e má mó n gwai tia. <sup>15</sup> Tó  
 ma m̄a su lé ḡeḡee, má ye nyō d̄ lá a maa wào ku Lua uadeɔ  
 ūe. Wám̄e wá Lua b̄ee gâlideɔ ū, siana z̄impel̄e n̄ a gbā'ek̄io ū.  
<sup>16</sup> Lua asiyyā p̄o b̄ò gupuau z̄ōo s̄lanae:

A m̄ò gbēnaz̄ina ū,  
 Lua Nis̄ina aà s̄iandek̄ b̄l̄oné,  
 malaikaɔ aà è.  
 Wà aà yá waasok̄e buiɔ guu,  
 wà aà n̄aik̄e d̄unia guu,  
 Lua aà s̄e tào a k̄ii gawi guu.

### 4

#### *T̄eyá*

<sup>1</sup> Lua Nis̄ina ò wásawasa, googb̄ezāz̄i gb̄eeɔ p̄akpa Yesu z̄ei,  
 aai te sásāyā p̄o tāa i ee de da a oauzi. <sup>2</sup> Eede m̄afilide p̄o v̄ai  
 lí k̄àadañlao ū mé aa n̄ sásā. <sup>3</sup> Aai ḡi gb̄ēn̄e aa n̄ose aa z̄ak̄e, mé  
 aai ble t̄ené, ble p̄o Lua k̄e a n̄aik̄ena p̄o aa s̄iana d̄ōne aa ble n̄  
 a sáaukpaa. <sup>4</sup> P̄o p̄o Lua k̄e p̄ii maae.\* Wásu a kee t̄eboo,† wà  
 ble n̄ aà sáaukpaa, <sup>5</sup> asa Lua yá n̄ wá wabik̄eo gbāb̄ò.

\* 3:4 Tit 1.6-8   \* 4:4 Daa 1.31   † 4:4 Maa 7.19

### *Kilisi Yesu zikən maa*

6 Tó n yápiō dà n gbéone, nýō de Kilisi Yesu zikən maa ū, asa nle nzia gwa n Yesu yáo, n té yāmaa pó wa dānei. 7 Mikē feləkaa fi pó lí kpaai n Lua yāoowa. N nzia toto, ké nýō de luayāmana ū. 8 Metotoa ài vī yō, áma dea luayāmana ū ài vī yápii guue, asa bee i mó n wénio gbā n ziao. 9 Yápi siana vī, à kà wà si oplapla, 10 wí zikə wà dēeka a musu. Wá wé dō Lua bēezi. Óme gbépii Suabana ū, azaiasa aà náaikənao.

11 Yápiō dilené, ní dadané. 12 Nsu to wà saka n èwaasokəguo. To n kua ze'ol Yesudeone yā'oa n yākeao n yeakšio n luanaaikəao n kua gbāsisaio guu. 13 E mào mó, wetā ní Lua yākyokeao, ní dané, ní ledaomá. 14 Gba pó Lua dāne gōo pó wà anabikekè n yá musu, mé gbēzōo onāma, nísu niazikpaio. 15 Laaidō yápiōwa, ní mekpawà, gbépii i n gea'aē e. 16 N nzia yá n n yādaneo tāasika. Ze súsu n yápiō. Tó ní kē màa, nýō nzia suaba n gbé pó aale swāse n yápiō.

## 5

### *Gyaa n dəaana*

1 Nsu maezō leleo.\* Ledawà n mae ū, ní da èwaasoowa n vīlì n n dāunaō ū. 2 Leda noezōowa n da ū, ní da nögbāa ge wéndiawa n dāe ū lāasooplasai.

3 Gyaa gbéando kpela. 4 Tó gyaa néo ge tōūnaō vī, aa n daeo gwaa dada già, aai flabo ní mae ní daone, asa bee i ka Luagu. 5 Gyaa gbéando wé iō dō Luazi, i wetā lousisia n wabikeaowa gwāasina n fāaneo. 6 Gyaa pāpākenaá gée, baa tó a bēe. 7 Yápiō dané, kē wasu n tāae eo. 8 Tó gbé lé a daeo gwao, atësa aà uadeo, à bò Lua yá kpεe, Yesusaide deaàla. 9 Nœ pó de wà da gyaa guun ke: Nœ pó kà wè bāaō mé à zākè gēn do, 10 wīlì aà dō maakəna ū, negwan maa ū, nibɔfɔna pó Lua gbēo gbá pípi ū, taasideo dōnlēde ū, nœ pó mekpà maakea píwiwa ū. 11 Nsu gyaa nögbāaō dauo, asa tó an gō nideə félé, an naa Kilisiwa a busae, aai ye zākè, 12 aai n̄zia dayāu, kē aa lé pó aa gbēe yāa gbōo yāi. 13 Bee gbea aa pākē dada, aa iō bēbe wà ualeke. I ke màaden ní ū adoo, aa iō gō gbēpen gudenā ū, aa iō yá pó de wà oo o. 14 Ayāmēto má ye gyaa nögbāaō zākè, aai ne'i, aai laaidō bewa, kē aasu wá ibeeō gba zé aa wá tɔbēesio yāi. 15 An gbēeō bò te Setāuzi kò. 16 Tó Yesudee gyaaō vī a be, aàli dōnlē. Asu to aa gō galideone aso ū, kē aa e dō gyaa gbēandoōlē yāi.

17 Gbēzōo pó i dōaa a zéwa kà wà flaboë lee pla, atësa gbē pó waasokəa n yādaanéo aia vī. 18 Wà yāe bee kē láu wà mè: Asuli

\* 5:1 Lev 19.32

lesokpa zu pólé pogbëeo. <sup>†</sup> Wà mè ló: Zikena kà à a asea e. <sup>‡</sup> <sup>19</sup> Nsu gbé pó mò ní gbëzöö káalao yá sio, sema seeladeo kà gbëon pla ge àaă báasio. <sup>§</sup> <sup>20</sup> Gbé pó duunakèo gba laai gbépii wáa, ké vía e gbé kíniö kú. <sup>21</sup> Ma nané Lua ní Kilisi Yesuozi ní malaika pó à ní séo, nyö yápiö kúa gbëe tëbosai. Nsu yæe ke gbëee ublembekéa yáio. <sup>22</sup> Nsu wá ona gbëwa ní aà daziuo. Nsu to n lé ào ku gbëe duunauo. Nyö nzla kúa gbäslsai. <sup>23</sup> Nsu í pâ mi ado ló. Nili vëe ga yoo n nòse ní n gyâkéa mòmcoo yái.

<sup>24</sup> Gbëeo duuna i bø gupuau e wào gé a yâkékeinö, gbëeo pó sô, ilí bø kpaa. <sup>25</sup> Mâa ló maakea i bø gupuau, baa a pó wi eo a e gô ulëao.

## 6

<sup>1</sup> Gbé pó de zo ū ní diiö dile gbia, aai misiilené yápii guu, ké wasu Lua tó ní yá pó wi danéo bëëboo yái. <sup>2</sup> Gbé pó an diiö de Yesude ū su dòemá ké aa de kôgbëo ū yáio. Aa zooblené maamaa, asa gbé pó aale ní zì baa bleo de Yesude ū, an gbé yenzideo ū. Yápiö dané, ní ledaomá.

### Yea ñai

<sup>3</sup> Tó gbëe lé yâpâle dané mé i ze ní wá Dii Yesu Kilisi yá siandeo ní wá zé yâdanëoo, <sup>4</sup> yôòdee, a yæe dñö, lekpaa gii ní yâgwaa láasaio aà kù gyâ ū. Yá beeö i to gbëeo wedököe, aaï sôleke, aaï kô sôsô, aaï làasoo väi sé ní kôo, <sup>5</sup> aaï kíiwâi vî. Gbëpiö làasoo kolea, siana pîlimá, aaï e lousisiaá swëelezeëe. <sup>6</sup> Lousisia ài zôo siana, tó gbé zé ní pó pó á vño. <sup>7</sup> Wi mó ní pœeo dûnia guu lao, mé wá e tá ní pœeo. <sup>8</sup> Tó wá pôblea ní pôkasao vî, bee mò. <sup>9</sup> Gbé pó ye gô ñde ū i nízla da yâa bau. Pó nideá mísai kaide i gëngü, i ní kpâlé müsi ní kaaleo guu. <sup>10</sup> Yea ñai mé yâvâi píi zîna ū. Gbëeo lé a kôde e aa gè zàò Yesu zéwa, aa wâwâ zôo kpâ nízla.

### Dëe maa kâ

<sup>11</sup> Lá Lua gbén n ū, bâale yápiöne, ní tó yâmaa lío døaanë ní yá pó zeví Luaeo ní aà náaikëao ní yea gbëzio ní menao ní nòsenieo. <sup>12</sup> Dëe maa kâ n Yesu náaikëa guu, ní wëni láasai e, asa ñ Lua n sisiwâ gô pó n lé maa gbëë bíla wáa. <sup>13</sup> Ma nané Lua pó i wëni kpa pôpiiwazi ní Kilisi Yesu pó yâmaa ò Pônsi Pilatiëo, \* <sup>14</sup> nyö yá pó wa dîlenë kúa sâasai tâaesai e wá Dii Yesu Kilisi mózî. <sup>15</sup> Gbâade mèndona Báaade, kíao Kíia, diiö Dii mé a Kilisipi bo

<sup>†</sup> 5:18 Iko 25.4, 1Kln 9.9    <sup>‡</sup> 5:18 Luk 10.7    <sup>§</sup> 5:19 Iko 19.15    <sup>\*</sup> 6:13 Zâa 18.36-37

a gɔɔwa.<sup>†</sup> <sup>16</sup> Ọme lí gao ado, ìo ku gupua pó wili fɔ sɔ̄io guu.<sup>‡</sup> Gbẽe i wɛsiaàlèo, wa fɔ seo.<sup>§</sup> Ọme gawi n̄ gbāao v̄i gɔɔpii, ãmi.

<sup>17</sup> O dúnia tiae bee ɔdeɔne aasu ìanadão. Aasu gbāa'e ɔda náaisaiwao, aa gbāa'e Lua pó i pópii kpáwá zɔ̄o wà pɔnakɛòwa. <sup>18</sup> Oné aa maakɛ, maakɛa i tɔ̄má. Aaɔ de gbadanaɔ ū, aaiɔ gbẽkɛ v̄i. <sup>19</sup> Beewa aa kùsúa maa di n̄zìaɛ àizána pó ū, \* aai wẽni pó de wẽni ū siiana e.

<sup>20</sup> Timotee, kàeda yá pó Lua nàne n ɔzii. E dúnia yá giione n yãwaaipaa pó wí me dɔaεo. <sup>21</sup> Gbẽeɔ zèò, õ aa pàale Yesu zéé.

Lua gbẽkɛkeé.

---

<sup>†</sup> **6:15** Zia 19.16    <sup>‡</sup> **6:16** Soü 104.2    <sup>§</sup> **6:16** Boa 33.20    \* **6:19** Mat 6.20

## TIMOTEE LA PLAADE Yá pó kú láe bee guu

Polu lá plaadepi kè Timotee za Lomaë (1.17). Wà wetëamò Polue we pásipásí (2.9), a ku yooyea (4.10, 16). A kà a zì láaa (4.6), ñ àlé leda a iwa yenzidewa (1.2).

A nà Lua sáaukpaawa Timotee yeanzi nì aà luanaaikéao yá musu. Wetëa nì taasio nì ibele pó wí sé nì baonakpanaç yái à ledà Timoteewa aà ze gbää, aà taasikeano Kilisi zigò maa ù (1.3-2.13). A òè aà miké gbé pó aañgbé lewé yáwa, asa aañgbé yákpaanlaç lekpaakeké nì gbé, ñ aañ n luanaaikéa ñòkpa. A òè aà a òlesé, aà ze nì Lua yá pó a dàda za a èwaasogoo (2.14-4.5). Lápi láakii Polu azia yá bɔolekèè, lá a ku ga lézì Loma, áma a dò kéké Lua a a suaba e a ge kaò aà kpalaus musu.

Polu dëe maa nè à baonakpà e a léwa (4.7), ñ à tèkpà lápi kyokenaagu aa dëe doüpi ká nì luanaaikéao nì menao nì yeanzio vñakea ibeone sai.

### *Polu tékpaa Timoteegu*

<sup>1</sup> Mámëmaa Kilisi Yesu zìna Polu lá Lua yeiwa wëni pó à a legbè Kilisi Yesupi guu yái, <sup>2</sup> ma láe bee këne, ma né yenzide Timotee.\* Mae Lua nì wá Dii Kilisi Yesuo gbékekene nì sùuuo, aai n gba aafia.

<sup>3</sup> Ma sáaukè nì ma deziò Lua pó mi kúleè nì nòsepuaoo, asa n yá ìò dòmagu láasai ma wabikea gwääsina nì fääaneo guu. <sup>4</sup> Tó wé'i pó bòma yá dòmagu, mi n beeké, mí ye wà wesikòle, kéké ma pöna e ke zài. <sup>5</sup> N luanaaikéa nì nòsemendoo ìò dòmague. N dazi Loisi nì n da Enisio Lua náaikè màa, mé má dò sáasá nìle Lua náaikè màa sò.

<sup>6</sup> Ayämëto málë dòngu, fele ze nì gba pó Lua dàne gò pó ma ñnàmao, <sup>7</sup> asa Nisina pó ì wá gba gbää, ì to wàò yekòi, ì to wàò laai vñ ñì 5 Lua kpàwá, i ke nisín foood no. <sup>8</sup> A yái nìsu wide nì wá Dii yá'oanéoo, mé nìsu wide ma gbé pó wà ma dakpeu aà yái yá musuo. Taasi pó wí ke aà baokpaa yái këmano nì Lua gbääo. <sup>9</sup> Òme wá suabà, à wá sisi, wa gò aà pó ù. I ke yái pó wá kë yái no, aàzìa pœä yái, nì gbéke pó a këwëe naa Kilisi Yesuwa zadò gò i daaleeo. <sup>10</sup> Gbéképi bò gupuau wá Suabana Kilisi Yesupi moa guu sa. A ga iko bädè, à wëni nì kua goopiio bòwëe gupuau a bao pó wí kpa guu. <sup>11</sup> Lua ma dile a zìna ù mà baopi kpàwaké, mí dané.† <sup>12</sup> A yái málë taasis bee kei, áma wí lí ma kùo, asa

\* **1:2** Zin 16.1   † **1:11** 1Tim 2.7

má gbé pó ma àà náaikè d5, mé má d5 sáasã ké a f5 kàeda yá pó à nàmee ma ozii e a mogoozi. <sup>13</sup> Ny5 yá siande pó ní mà ma kípi kúa yá zínda ù ní luanaaikao ní yeak5io naa Kilisi Yesuwa guu. <sup>14</sup> Kàeda yámaa pó Lua nàne n ozii n àà Nisina pó kú wá guu gbääo.

<sup>15</sup> N d5 ké Azi bùsudeo píi ma vüaae. Fizele ní Eemozienio kú ní guu. <sup>16</sup> Dii wénad5 Ònesif5o bedeone! Asa à ma nòse nñimee, a gëna lé vio, i wide ma daakpeu yá musuo. <sup>17</sup> Ké à kà Loma gò, à ma weele e à gë bòa. <sup>18</sup> Dii to Lua wénad5e yákpalékëgoozi. N dònle z5o pó a këmee Efese d5 sáasã.

## 2

### Kilisi Yesu zìg5 maa

<sup>1</sup> Mpi s5 ma né, nny5 gbää ní gbëké pó Lua víwan5 naa Kilisi Yesuwao. <sup>2</sup> Yá pó ní mà má ò dasi wáa na gbé náaide pó aa f5 da gbëpaleoneo ozí. <sup>3</sup> Taasikeman5 Kilisi Yesu zìg5 maa ù. <sup>4</sup> Dúnia yá lí døaa zìg5 pó kú zilau5eo, ké àà yá e ka a diigu yá. <sup>5</sup> Bakpaa5na s5, tó i båale a zéwao, a fùa eo.\* <sup>6</sup> Z5e pó zì gbää kë mé ì a baa sé séia. <sup>7</sup> Làasooke yá pó má òpi5wa, asa Dii a ní gba 5n5 apii guu.

<sup>8</sup> To Davidi bui Yesu Kilisi pó bò gau yá àò døngu. Baona pó mi kpan we. <sup>9</sup> A yáí málë taasikei. Wà mokàa lán dàakéenawa, ãma wa f5 moka Lua yáwao. <sup>10</sup> Ayämëto mi yápii f5 gbé pó Lua ní séo yáí, ké ampí5 s5, Lua ní suaba, aai gawi pó lí láao e naa Kilisi Yesuwa. <sup>11</sup> Yáe bee siiana vî:  
Tó wa gaaàn5, wáo kuaàn5.†

<sup>12</sup> Tó wa menaf5, wáo kibleaàn5.

Tó wa lelekpaàázi,

aápi a kpawázi s5e.‡

<sup>13</sup> Tó wá náai vio, i5 náai vîe,  
asa a we lelekpa aziaio.

### Dii zìkëna maa ní lekpaaoo

<sup>14</sup> Yápi5 d5 n gbë5gu, ní nané Luazi aasu lekpaa pâ ke Lua yá musuo. A ài vio, i5 gbé pó aale ma5 5kpaæ. <sup>15</sup> Aiaké, ké Lua e n sáukpa, zìkëna pó i5 yá siande poloné wásawasa, wí lí aà kú aà zí yá musuo ù. <sup>16</sup> È yâbølea pâ pó lí kpaai ní Lua yáooe. I gbë5 luayâdasai kâfinéé, <sup>17</sup> ò yá pó aa5 dané i5 tamá lán sâneawa. Imene ní Filetio kú ní guu. <sup>18</sup> Aa kë siawanawa, aa5 me wà bò gau kò, aa5 gbë5 luanaaikæ 5kpaoné. <sup>19</sup> Gia ní beeo 5 pó Lua dàale

\* 2:5 1Kln 9.24-27    † 2:11 Lom 6.8    ‡ 2:12 Mat 10.33

z̄ea gbāa, wà yáe bee k̄ewà: Dii gbé pó de a pó ūo dō. § Gbé pó i Dii sisi k̄e yāvāiwa.

<sup>20</sup> Uada iō pōo v̄i dasi. Wà a keeo k̄e n̄ vuao n̄ áanusuo yágbiakebō ū, mé wà a keeo k̄e n̄ lio n̄ ḡlo yāyōonakēbō ū. <sup>21</sup> Tō gbé obòle yá b̄eesai guu, a ḡo yágbiakebō ū, Dii z̄ikēbō maa ū, iō ku maakea píi s̄ou guu. <sup>22</sup> Bāale èwaaso p̄onideaoñe, n̄i tō maakea n̄ luanaaikēao n̄ yea gbézio n̄ kua n̄ kōo na d̄oaané sānu n̄ gbé pó aañ Dii sisi n̄ n̄s̄epuaoñ. <sup>23</sup> Obòle yá m̄lsai gwaa n̄ kōo guu. A d̄oa v̄io, mé n̄ dō k̄e i l̄ekpaa iné. <sup>24</sup> A maa Dii z̄oblēna aào l̄ekpaa v̄io. Aào busaa gbépiie, yādanede maa pó i gbé f̄ ū, <sup>25</sup> i gbé pó l̄e a yá sioñ gba laai busebusé. Wilio dōo Lua a n̄ gba n̄s̄elilea zé, aai siana dō, <sup>26</sup> aai pili Ibiisi pó n̄ kú n̄ a bao à n̄ dá a p̄oeä guuwa, aai su n̄ laaiwa.

### 3

#### *Gbēnaziñas yakea ḡoogbēzazi*

<sup>1</sup> Nyō dō k̄e ḡoñ gbezāe beeñ aao z̄i' ū. <sup>2</sup> Gbēz̄ia yá a d̄oaané, ña a n̄ s̄o ble. Aao de waladebō ū, ñandānao, gbēsñsñnao, de n̄ dao yāmansai, gulu, luayādansai, <sup>3</sup> n̄s̄esaideo, awamansai, gbé t̄bēesinao, faasaideo, ãiapāsideo, maa ibeñeo, <sup>4</sup> b̄onkpēdeo, làasoosaideo n̄ yōñdeo. Aao ye p̄onakeai de Lua yála. <sup>5</sup> Aañ lousisi, ãma an yá lí kōse n̄ Lua gbāaoo. K̄e gbépiowá. <sup>6</sup> Gbē bee taao i ḡe n̄oñ pó lí mi gbāeozi, aai ikokemá. Duuna sadà n̄s̄epiogu, d̄óe'li mé ḡōnē, <sup>7</sup> aañ yādada ḡoñpii, ãma aali siana dōo. <sup>8</sup> Lá Zanesi n̄ Zāblesio b̄o M̄izi kpe, \* māa gbépi i b̄o siana kpe. An làasoo kolea, mé luanaaiken gianañne. <sup>9</sup> Aa gea'aë v̄i l̄o, asa gbépii n̄ m̄saike dō, lá wà Zanesi n̄ Zāblesio pó d̄òwa.

#### *Lua yá ñi*

<sup>10</sup> Mpi s̄o n̄ temazi, n̄ ma kua dō n̄ ma yādanéo n̄ yá pó málë yáo n̄ ma luanaaikēao n̄ ma menakeao n̄ ma yea gbézio n̄ ma z̄ea gbāao <sup>11</sup> n̄ ia pó wa dàao n̄ taasi pó má kèo. N yá pó ma le Antiñsi n̄ Ik̄oniuo n̄ Lisitao dō† n̄ ia z̄ō daaa pó má f̄o. Dii ma b̄o apii guu. <sup>12</sup> Gbē pó aa ye wào ku luayāmanao ū naa Kilisi Yesuwao gí wētēa eio. <sup>13</sup> Gbēvāi n̄ kōnideo, an v̄ai aø gbābōbōe, aai gbēz̄ia sásā, ampiñ s̄o aao sásāa. <sup>14</sup> Mpi s̄o, ze n̄ yá pó n̄ dàda n̄ s̄i siana ūo. N gbē pó dàdanéo dō, <sup>15</sup> asa n̄ Luayātaala dō za n̄ néz̄i. A f̄o n̄ gba ñoñ, i n̄ ka Kilisi Yesu náaikēa pó i n̄ suabawa. <sup>16</sup> Yá pó kú lápiñ guu b̄o Lua k̄iñ p̄ie. A ñi v̄i, asa i siana dané, i

ń ee kané ń ɔzí, i ń gba laai, i ledamá yāke a zéwa musu,<sup>17</sup> ké Lua gbé e ào wásawasa kua maakea píi sou guu.

## 4

<sup>1</sup> Ma nané Lua ń Kilisi Yesuozi aà ea moa kpablei ní aà yákpalekeea ní gbé béké ní gyaadeo yái,<sup>2</sup> Lua yá waasoke, à zekè i zekéo, wetâ. N ní lele, ní ní gba laai, naemá, ní yádané ní mena zózo. <sup>3</sup> Asa gooe a mo ké gbé we swáse yá siandeo. Aa yádanedeo kaaanízi nízia poeáwae, aa yá pó kángu dané.<sup>4</sup> Aa gi sianai, aai ze ní fíj. <sup>5</sup> Mpi sõ, nyõ laai vî yápii musu. Taasi fíj, ní baonakpanakea ke, ní n zíllepapa.

### Polu kua ga lézì Loma

<sup>6</sup> Ma gooe pá kò, wa ma au tóle sa'o'i ü tia. <sup>7</sup> Ma dëe maa nè, ma bakpaaí pó Lua díle kè ma bølei. Ma Yesu yá kù a zéwa. <sup>8</sup> Kua maa fùa dilea, àlé ma dã sa. Dii Yákpaleken maa mé a kpamee yákpalekegozi. I ke máme má adoo, ní gbé pó ye aà moai píie.

<sup>9</sup> Zeweele mó ma kíi kpakpa. <sup>10</sup> Demasi ma to we à tà Tesaloni, ké a ye dúniai yái. Kelésà tà Galati bùsuu, mé Titu tà Dalamati bùsuu. <sup>11</sup> Luku mé gòmano ado. Maaku se à mo sánu, asa i dòmale maamaae. <sup>12</sup> Ma Tisiki gbàe Efese. <sup>13</sup> Tó níle mó, ma ulatao pó má tò Kaapu be Toloasi\* sé, ní momee ní ma láo, atësa a pó pó wa kè ní báao.

<sup>14</sup> Aleśanda sia yáváikémee maamaae. Dii a yá pó a kèpi flaboë.† <sup>15</sup> Laaikaaàzi, asa à bò wá yá kpe pásipásie. <sup>16</sup> Yákpalekeamanó séia guu gbé i zemanoo. Wà ma to we píie. Lua su ní yápi dao. <sup>17</sup> Dii zemanó à ma gba gbää, ñ ma ze'è ma baonakpà wásawasa, buipaleo mà píi. A ma bø nòomusu lézì. <sup>18</sup> Dii a ma bø yávái guu píi, a ma suaba e ma ge kaò aà kpalaú musu. Òme gawi vî goopi, ámi.

<sup>19</sup> Fókpa Pisii ní Akilasiowa ní Onesifò bëdeo.‡ <sup>20</sup> Elasa gò Koléni. Ma Tofiu tò ní gyão Mileti. <sup>21</sup> Zeweele mó e buzie ào ká. Ebulu ní Pudeo ní Linuo ní Kolodiao ní wá gbé píi fókpàma. <sup>22</sup> Dii ào kunno, i gbékékéé ápii.

\* 4:13 Zln 20.6 † 4:14 Sou 62.13 ‡ 4:19 2Tim 1.16-17

## TITU Yá pó kú láe bee guu

Tituá Yesudee, ãma Yuda no (Gal 2.1-3). A gò Pølu iwa üe mé à zì zòo kè Kølenideo n Pøluo maakõe yá musu (2Kln 7.6-16). Pølu láe bee këè gòo pó Titupi ku Keletie, à Yesude pó aa kú ísia gûgûnapiwa yágea'aezì nàè aà ozì.

Lápi daaleaá waaso pó Pølu iò kënë yáe (1.1-4). Bee gbea yá pó a díle gáli døaananee (1.5-16). Lee pla guu à lèdà Tituwa gbé pó àlé zíkeñno yá musu: Maezi, nœzi (à kù aa yâdada wéndiaone), èwaasoo n zòo (2.1-15). Lee àaã guu à Yesude yâkeao bøolekè, ké an kua aa na, aasuli kôkpaaleo (3.1-11). Bee gbea à lèdà Tituwa, à fôkpàmá (3.12-15).

Lápi kyokëna a e ké lápi waaso de Titu yá ü adoo. Yá'la pó Pølu òoá yá'la pó iò Yesudeo le mòòmòo: Yesudeo yáo zékalëa n døaanao yâkeao n Yesudepi yâkeao.

### *Titu zíkeä Keleti bùsuu*

<sup>1</sup> Ma Pølu, Lua zòblena, Yesu Kilisi zïna, à ma zì mà gbé pó Lua n séo da a zéu, mí tó aa lousisia sïana dõ, <sup>2</sup> an wé iò dø àizâna pó Lua a legbè zadõ gòo i daalæzi, Luapi lí eeto sõo. <sup>3</sup> Yápi bò gupuau a gòwa waaso pó Lua wá Suabana nàmee ma ozì guu, lá a dílewa. <sup>4</sup> Mámë ma láe bee këne Titu,\* ma ne'ia Yesu zé pó wá kúu sânu guu. Mae Lua n Kilisi Yesu wá Suabanapio gbékkekene, aai n gba aafia.

<sup>5</sup> Ma n to Keleti ké n yá pó gò weo goggõ, ní gbëzòo dilë wéle n wéleo lá má ònewa. <sup>6</sup> A maa gbëzòo lío ku tâaesai nòmendode üe. À néo iò luayâmanao ü, i ke aa de né zazaa lalasideo ü no. <sup>7</sup> Lá døaanao ziiæ Lua zì guu, a maa aào de tâaede ge swâgbâade ge pøkumade ge igbëna ge âiapâside ge òweelembëe üo, <sup>8</sup> sema nibofõna ü, laaide pó zé n maakeao ü, gbëmaa pó a kua adoa mé a azia kúa dõ ü,† <sup>9</sup> gbé pó zé súsu n Lua yá náaideo lá wí danéwa ü, ké à e lèda gbëpâleøwa n yá sìlandepio, i gbé pò bò a yá kpeo eekané n ozì.

<sup>10</sup> Asa swâyâmansaide pó aaï gbëo liaa ní yá'oao dasi, atësa Yudaao guu. <sup>11</sup> Aaï ua búu gbëo bøokpa. A maa wà lesokpané. Aaï yá pó de wà danéo dané bëe'ea yái. <sup>12</sup> Keleti bùsu ãnabie mè Keletiçá eeðeñne, wài pâsñone, ye'uia de pøewonsaiñne. <sup>13</sup> Yápiá sìlanæs. Ayâmeto ledamá pâsipâsi, ké aa zëse súsu. <sup>14</sup> Aasu laaido Yudaao fiwao ge gbé pó kë sìlanawao yâdileao. <sup>15</sup> Pøe

\* **1:4** 2Kln 8.23    † **1:8** 1Tim 3.2-5

líó gbásí gbásísaisideoneo, mé poe líó gbásísai luayādansai gbásídeoneo, ké an làasoo ní ní nòsse vãi yái. <sup>16</sup> Aai me wa Lua dō, ñ an yâkeá i ní eebo. Lua ginzideone, aali aà yámao, aali fô yámaae kèo.

## 2

### *Leda Lua gbéjwa*

<sup>1</sup> Mpi sô, yá pój kpaai ní yá siande daanéo oné. <sup>2</sup> O maezôccone aao nízia kúa dō gbé gbiao ū, laaideo ū. Aa zése súsu ní yea gbéjzio ní menao. <sup>3</sup> O nöezôccone ló aao ku Lua gbéjwa. Aasu wào de gudena ge vëe zo ūo. Aali yámaa da nögbääjne, <sup>4</sup> aali ledamá an baade ào ye a zázi ní a néo, <sup>5</sup> aao de laaideo ū gbásísai, aa laaido ní nözäekéziwa, an baade misiile a záe, ké wasu Lua yá bëeboo yái.

<sup>6</sup> Leda èwaasoowa ló aao laai vî yápii guu, <sup>7</sup> ní maakea zé oloné. N yádaané ào gbia kolesai. <sup>8</sup> Yázede pój wa fô a eeboo dané, wí i gbé pój bò n kpe kú, ké i e vãi ò n yá musuo yái.

<sup>9</sup> Leda zôwa aali misiile ní diioné yápii guu, aali yá pój a kángu ke. Aasuli bò ní yá kpéo. <sup>10</sup> Aasu ní kpái'oo. Aa to aao ní dō gbé náaideo ū maamaa, ké Lua wá Suabana yá pój wi dané e teke yápii guu.

<sup>11</sup> Asa Lua gbéké pój mò ní gbépii suabao bò gupuau. <sup>12</sup> Gbéképi lé dawëe wà miké yá pój i kpaai ní Lua yáooe ní dûnia pónideao, wí wázia kúa dō gbémamao ū, luayámanao ū dûnia tiae bee guu, <sup>13</sup> wí wedo pónakégo pój wále dái. Omé wá Lua zôo wá Suabana Yesu Kilisi mogoo gawide ū. <sup>14</sup> A azia kpà wá gëe ū, ké à wá bò vãi pii guu, i wá gbásí wolo a gbé yenzideo ū, gbé pój maakea ãia vîo ū. <sup>15</sup> Yápij oné, ní ledaomá, ní ní gba laai ní n ikoo pii. Nsu to gbëe sakanguo.

## 3

### *Wà laaido maakeawa*

<sup>1</sup> Dò n gbégu aali misiile gbääadeone ní ikodeo,\* aa ní yáma, aao kú ní maakea pii sôuo. <sup>2</sup> Aasu gbëe tòbëesio. Aao de nòsedoüde yâkelesaide pój busaa gbépiiëo ū. <sup>3</sup> Asa wápij sô wá faa vî yääo, luayādansaión wá ū. Wá sásää, wá de pónakéa ní dóe'li píio zôo ū. Wiò ku nòsevái ní wedjakkéo guu. Wá de gbé giao ū, wá zakôu. <sup>4</sup> Ké Lua wá Suabana gbéké ní aà yea gbéjzio bò gupuau, <sup>5</sup> ñ à wá suabà. I ke wá maakea yái no, ké à wénadòwëe yáiie.† A wá zu'ò, à wá í dafu, a tò wa gô gbé dafu.

\* 3:1 Lom 13.1-2, 1Pie 2.13    † 3:5 Efë 2.8

ĩ n̄ a Nis̄na <sup>6</sup>pó a p̄siwá gbāao Yesu Kilisi wá Suabana sabai,  
<sup>7</sup>ɔ yá b̄wanɔ na aà gbēke yáí, wa ḡo aà gbablenac ẽ, ɔ wá wé  
 d̄ ãizãnai. <sup>8</sup>Yápiá s̄ianaε.

Má ye n̄ káasikε yápiow̄a maamaa, k̄e luayāmanac e wá  
 m̄ekpa maakeawa. Bee maa, a káfia v̄i gbéonε. <sup>9</sup>Pâale yá m̄isai  
 gwaaε n̄ deziɔ t̄ k̄nwεao n̄ sôleo n̄ l̄ekpaakea Mɔizi ikoyā  
 musuo, asa yāpāonε, aa káfia v̄io. <sup>10</sup>Gb̄é pó i to wá k̄aa gba  
 laai baa ḡen pla, n̄i ḡbasa n̄ aà yá.‡ <sup>11</sup>Nyō d̄ k̄e gb̄é bee taa  
 ɔkpà. Duunkεnaε, à azia dàyāu.

<sup>12</sup>Tó ma Aatema ge Tisiki z̄lma, z̄wεelε m̄ n̄ ma le Nikɔpɔli,  
 asa ma zεò mà buzieble weε. <sup>13</sup>Kɔai ke n̄ zé kùsūa ke bùsu  
 ikoyādɔna Zenasie n̄ Apolooo, k̄e p̄oε su k̄sāmáo. <sup>14</sup>A maa wá  
 gb̄é maakea dada, aaiɔ ke, aai b̄oole z̄azazeac ke, k̄e aasu wàc ku  
 pāo. <sup>15</sup>Gb̄é pó wá sānuɔ fɔkpàma píi. Fɔkpa gb̄é pó aa yewázi  
 Yesu zé guuɔwa. Lua gb̄ekεkεé ápii.

## FILEMOO Yá pó kú láe bee guu

Filemooá Kolosi Yesude tódees mé Pólu gbénae (dò 1). A zoé vî, aà tón Oneziú, à bâalèè. Oneziú Pólu dò gô pó wà Polupi dàkpue. A gô Yesude ū sô, ñ Pólu zèò à aà kpásâ a diie, ñ à láe bee këè, à wabikèwà asu aà si zo û lô, sema aà gbédo û naa Kilisiwa guu, asa wî zo pó bâalè swâgaga pâsipâsle.

Fôkpaa Filemoo wa ní gbé pó aa kuaâno gbea (1-3), Pólu Dii sáaukpà Filemoo luanaaika ñ aà áiao yá musu (4-7). Bee gbea à Oneziú pó lé tá a diiwa yá'ò (8-22). Lápi làa ní fôkpaamáo, wà gbé pó an tó kú Kolosideo lá guu è we (Kls 4.10, 12, 14). Aasipu (dò 2) tó kú Kls 4.17 guu lô.

Wá è lápi guu lá Pólu yá'ò a gbé Filemoo busébusé. I yâe dileèo, i giè ñ Oneziú zobleao. Ama à yá dòaàgu ní gbé pô lé láe bee kyokeo pii, Kilisi yeawázi i tó wá kua dafukü, i tó wà ke na ní kôo lô.

### *Pólu Filemoo sáaukpaa*

<sup>1</sup> Ma Pólu, ma gbé pó wà ma dakpeu Kilisi Yesu yái ñ ma gbédo Timteeo, wâme wa láe bee këne, wá zîkendee yenzide Filemoo, <sup>2</sup> ñ Yesude pó aaï kô kâaa n beo ñ wá nôe yenzide Afiao ñ wá zîkandee Aasipuo. <sup>3</sup> Lua wá Mae ñ Dii Yesu Kilisio gbékkekene, aai n gba aafia.

<sup>4</sup> N yá ï dòmagu gôpîi ma wabik a Luawa guue, ñ mi aà sáaukpa, <sup>5</sup> asa ma Dii Yesu náai pó ñl  ke bao mà ñ n yea Lua gb zio pii. <sup>6</sup> Mi wabik w , k  n kuawan  Yesu z u a to n w  k  b aa p  w  v  pii naa Kilisiwa guu. <sup>7</sup> Ma gb , n yeanzi ma p  k na maamaa, à ma n se n nim e , asa n Lua gb  sô d n  do .

### *Pólu awakpaa Filemoo Oneziú yá musu*

<sup>8</sup> Ay meto, baa k  ma z  k  naa Kilisiwa mà y  p  maa n ke dil ne, <sup>9</sup> ñ beeo ma awakp ne k  má yenzi y i. Mapi ma P lu, ma maez  ia ñ ma daakpeu tia Kilisi Yesu y io, <sup>10</sup> ma awakp ne Onezi \* p  g  ma n  û kp u la y  musu. <sup>11</sup> A p ne y a ,  ma tia a a  v w  , mpi ñ mapio. <sup>12</sup> Ma a a  g  ema, a d  ma s    . <sup>13</sup> Ma kua kp u Yesu baokp a  y i guu, m  ye a o ku ma sa , k  a o  d male n g  eu, <sup>14</sup>  ma ma z o  m  y e ke n l  saio, k  n su y maak m e  teasio, sema n  p e o. <sup>15</sup> A  Onezi  k ama y a  g  pla d  k  a a  e a suma a o kunno g  p i  y i . <sup>16</sup> A  a o  d ne 

\* **1:10** Kls 4.9

zo ũ l̄o, asa a d̄e zoa, a d̄e n gb̄é yenzide ũ naa Kilisiwa guue. Ma gb̄é yenzidee. Wa n gb̄é p̄ó a d̄e n zo ũ mé à ḡò Dii p̄ó ũ p̄ó o l̄a?

<sup>17</sup> A yáí tò, tó n ma dile n gb̄é ūε, gbāakpaaàzi, lá n̄y᷑ kpamaziwa. <sup>18</sup> Tó à zànε yāewa ge tó a n fia kūaε, bee ḡò ma yá ūε. <sup>19</sup> Ma Pɔlu mámε ma yáε bee k̄è n̄ mazia zo, má n flabone. Ké n̄ ma fia kūa n misia ū, má a yā'o l̄o. <sup>20</sup> Too, ma gb̄é, maakemee Dii yáí, n̄ ma s̄o damee doú wá naa Kilisiwa guu yáí.

<sup>21</sup> Ma lakènε k̄é má d̄ó n̄y᷑ ma yāma, mé n̄y᷑ ke d̄e lá má òneá yáíε. <sup>22</sup> Bee gbea pilakòi kekemee l̄o, asa má a náai v̄i Lua a ma b̄oé wabi p̄ó ále kewà yáí.

<sup>23</sup> Epafa p̄ó wá sănu kpéu Kilisi Yesu yáí fɔkpàma <sup>24</sup> n̄ ma z̄lkendee. Maaku n̄ Alisakao n̄ Demasio n̄ Lukuo. <sup>25</sup> Dii Yesu Kilisi gb̄ékékeé.

## CUBELU Yá pó kú láe bee guu

Ké wà íbelésè n̄ Yesudeo, bee mé tò an gbëeo ye fu, õ lápi këna lé tékpañgu aa ze gbää Dii náaikea guu. A mè Kilisi zɔ́ de malaikaɔ́ n̄ ãnabiɔ́la píi, mé zí pó a kë gbépii yá musu de an póla píi. Za lápi daaleawa à mè Lua azia ɔ́lowëe a né Yesu Kilisi ū (1.1-3). Lápi kpaalea lee pla:

A séia (1.4-10.18) lé Kilisi dea pópiiia yá bɔ́oleke. Anabiɔ́ õ a deñla adoo (1.1), a de malaikaɔ́la lɔ́e (1.4-2.18), a de Moizi n̄ Yozueeola (3.1-4.13). A de luabaakuańnɔ́ káau sa'onkiaɔ́la (4.14-7.28). A azia kpà sa'obɔ́ ū à gà lipääkɔ́awa gbépii, õ bee de sa dasi pó Isailio ò yāala píi (8.1-10.18). A zewewëe wà sɔ́ Luazi, zé pó sa'oa pâle i e wè yāao.

A plaade (10.19-13.17) lé tékpawágú wà ze gbää Yesu náaikea guu (10.19-39). Wekdi luabaakuańnɔ́ káau luannaikenaɔ́ yá kúu (lee 11). Ale ledawá wà wépe Yesu Kilisiwa, ké wà e íbeleseawano fɔ́ laaaawa (12.1-11). Ledama gbezäɔ́ n̄ gbéɔ́ gbaa laaio gbea (12.12-13.19), lápi këna fɔ́kpàmá à báaadàñgu (13.20-25).

### *Lua Né de malaikaɔ́la*

<sup>1</sup> Lua dɔ́aa ãnabiɔ́ne yāa dodo dasi, õ aa yáze ò wá deziɔ́ne dasi, <sup>2</sup> ãma aà Né mé yá'ðwëe gɔ́ gbezäe beeɔ́ zí sa. Népi sabai õ Lua dúnia kë, a díle õme a gɔ́ pópii vi. <sup>3</sup> Óme Lua gawi tekea ū, aà kua ū zálala. Óme pópii kúa n̄ a yā'oa gbääo. Gbéɔ́ duunawoloa gbea à gè zɔ́le musu Zɔ́de oplai. <sup>4</sup> Lá tó pó a blè gbia de malaikaɔ́ púa, màa aà zɔ́ deñla lɔ́. <sup>5</sup> Lua yáe bee ò malaikaee yāae?

Ma Nén n ū, n Maen ma ū gbā,\*  
ge máme mó de aà Mae ū,  
aàpi iɔ́ de ma Né ū.†

<sup>6</sup> Ké Lua tò a yoa mò dúnia guu, à mè a malaikaɔ́ kúleè píi.

<sup>7</sup> Malaikaɔ́ yá musu à mè,  
i a iwaɔ́ li iana ū,  
i a zíkenapiɔ́ li tévua ū.‡

<sup>8</sup> Aà Né yá musu sɔ́, à mè:  
Lua, nýɔ́ zɔ́lea báawa gɔ́píi,‡  
niɔ́ n kiake lípana kúa yázede ū.  
<sup>9</sup> N ye maakeai, n̄ za váikeyau.

\* 1:5 Sou 2.7    † 1:5 2Sam 7.14    ‡ 1:7 Sou 104.4

A yái tò Lua, n Lua, n kpà kpala,  
à pôna písima dë n gbéla. §

10 Wa ò lɔ:  
Dii, n tɔole kàlè asinizi,  
musuá n ɔzíkæae.

11 Ampii aa gë, kási nyɔɔ kuε.  
Aa zikú lán pøkasawa,  
12 ní ní koo lán pøwa,  
ní ní lile lán pøkasawa.  
Mpi sõ nyɔɔ doũ gɔɔpiie,  
n gɔɔ láaa vio.\*

13 A yáe bee ò malaikaeε yääe?  
Zɔle ma ɔplaaí  
e màɔ n ibeeε kene n gbadibɔ ū. †

14 Malaikacá zíkenaone mìpii, nisína pó Lua i n zì doi gbé pó aa  
bɔ ziaclée.

## 2

*Yesu gɔa gbénazína u láwáwa*

1 Ayāmeto wà yá pó wá mà kū ɔplapla, ké wásu zā zéwao yái.  
2 Asa lá ikoyá pó malaikacó òá sianaε,\* mé wà flabò gbé pó gí  
mai aa pàaone a zéwa, ³ tó wi suabaa zɔɔpi yáda sao, wá bœ?  
Suabayápi bɔ Dii kíie, ɔ gbé pó màɔ a sianapiliwàwëe. ⁴ Lua  
suabayápi seela ɔlɔné yâbónsaeo ní dabudabu dasi keao guu ní  
a Nisína gba pó a biilewëe a pœawao.

⁵ I ke malaikacó ⁶ Lua dúnia zia pó wále a yá'o nàné ní ɔzílo. ⁶ A  
ku guei wà mè:

Bón gbénazína ū ké aà yá ɿ dɔngui?

Bón aà ū ké ni laaidɔwài?

⁷ N aà kèsá malaikaczi gɔɔpla,  
n aà kpà kpala ní gawio ní bëëeo.

⁸ N tò pòpii misiileè. †

Ké Lua tò pòpii misiileè, i a kee to misiileaè saio. Tia kewa, wi  
e pòpii misiileè giao, ⁹ wá è Yesu yáe. Lua aà kèsá malaikaczi  
gɔɔpla, ké Lua gbéké guu aà ga gbépíi gëe ū, ɔ à aà kpà kpala  
ní gawio ní bëëeo ga taasi pó a kè yái.

10 Lá pòpii bɔ Lua kíi mé pòpii dë aà pó ū, ké a ye gë ní gbé  
a gawi guu dasi a néo ū, à kù aà to an Suabanki gɔ wásawasa  
taasikea guue. 11 Gbé pó lé gɔ Lua pó ū ní gbé pó lé ní ke Luapi pó  
úo an de doüe. A yái tò aà n sísia a dãunaç ū lí aà wí kúo. 12 A  
mè:

Má n yá'o ma dãunaone,

§ 1:9 Soü 45.7-8 \* 1:12 Soü 102.25-27 † 1:13 Soü 110.1 \* 2:2 Gal 3.19

† 2:8 Soü 8.4-6

má n táasile kōkāaa guu.<sup>‡</sup>

13 A mè lɔ:

Má aà náai vī. §

A mè lɔ:

Má kē, n̄ né pó Lua kpàao.\*

14 Lá népiá gbēnazlānaone, màa aàpi sō à gō gbēnazlāna ū láñwa, kē à ga, i Ibiisi pó i ga gba zé kaale, <sup>15</sup> i gbé pó aale vīake gae aa gō a zō ū e n̄ wēni léu bo. <sup>16</sup> Siana guu malaikāo ɔ àle ɔdamáo, Ablahaū buiçne. <sup>17</sup> A kù aà gō lá a dāunaowā yápiai guue, kē à gō Sa'onkia sùuude náaide ū Lua zì guu, i gbé duuna kēmá. <sup>18</sup> Lá à taasikè à yōa fō, a fō dō gbé pó wàlē n̄ yōle.

### 3

#### *Yesu de Mɔizila*

1 Bee yái ma gbé, á gbé pó Lua á sisi a mō aà kíi, à làasooké Yesu pó Lua aà zì wá lousisize Sa'onkia ūwa. <sup>2</sup> A náai vī Lua a dílenae, lá Mɔizi kuò Lua uawa.\* <sup>3</sup> Lá uakpana béeé lō de uaa, màa Yesu gawi zō de Mɔizi pós. <sup>4</sup> Ua píi a kpana vīe, mé pópii Kalenan Lua ū. <sup>5</sup> Mɔizi náai vī Lua ua zíkēna ū yá pó a mō seela ū. <sup>6</sup> Kilisi sō, uabelepi née. Luapi a ua nàè aà ɔzíe. Wámē wá uapi ū, tó wá pó pó wá wé dōi yá kúa n̄ sōo dilea n̄ pōnao.

#### *Lua gbé kámabokti*

7 A yái lá Lua Nisina òwa,  
tó a Lua lō mà gbā,

8 ásu swágbāake lá á dezio kē aa ma yō  
gō pó aa bò ma kpe guwaiwaiuwao.

9 Baa kē aa ma yákēa è wè bla,  
aa ma yō we, aa ma gbā legwà.

10 O ma pō pà gbépiɔzi,  
ma mè aañ pāalemee gōpiie,  
aa ma yá kúao.

11 O má ò n̄ mazlao n̄ pofeo ma mè,  
aa gē ma kámabokliuo fá.†

12 Ma gbé, à laaika á gbēe su ào sō vāi luanaaikésai vī e aà ge kēò Lua bēewao. <sup>13</sup> Gu pó i dō, i mē gbā píi, ào ledakōwa, kē duuna su á gbēe sásā aà swá gbāakúo yái. <sup>14</sup> Asa Kilisi gbéon wá ū, tó wá zea gbāa mé wá aà náai vī lá wá vī káauwa e a léwa. <sup>15</sup> Lá wa òwa,  
tó a Lua lō mà gbā,  
ásu swágbāake lá á dezio kē

---

‡ 2:12 Sou 22.23    § 2:13 Isa 8.17    \* 2:13 Isa 8.18    \* 3:2 Nao 12.7    † 3:11 Sou 95.7-11

gōo pō aa bò ma kpewao.

<sup>16</sup> Deo mé gbé pō aa Lua lōo mà aa bò aà kpēo ūi, mé i ke gbé pō Mɔizi ní bólé Egipiō bàasio? <sup>17</sup> Deo Lua pō pàńzi e wè blai, mé i ke gbé pō aa duunakè, an ge gò kálé guwaiwaiuo bàasio? <sup>18</sup> Deo a òné ní azlao aa gē a kámabokliuo ni, mé i ke gbé pō gī aà yāmaiuo bàasio?<sup>‡</sup> <sup>19</sup> Wá è aai e gēuo an luanaaikesai yái.

## 4

<sup>1</sup> Lá gēa kámabokliu lé pō Lua gbè gī ku, wà laaika ké wá gbēe su kuawào. <sup>2</sup> Asa wa baona mà láńwaæ. Yá pō aa māpi i àikenéo, ké aai ma ní luanaaikəaoo yái. <sup>3</sup> Wá gbé pō wa yápi sīo, wi gē kámabokli pō Lua a yā'ò guu à mè:  
Má ò ní mazlao ní pcfəo ma mè,  
aa gē ma kámabokliuo.\*

A yá bee ò, baa ké à a zì mīde za dūniakalegōo, <sup>4</sup> asa wà gōo soplade yā'ò guei wà mè, gōo soplade zì Lua kámabò ní zì pó á kèo pii.<sup>†</sup> <sup>5</sup> Wá mà tia à mè, aa gē a kámabokliuo. <sup>6</sup> Lá gbé pō aa baonapi mà káauo i gēuo ké aai sio yái, <sup>5</sup> a gēa gò gbēpāleñne. <sup>7</sup> O Lua èa gōodile lō wí me gbā, asa à gēgē a gbea <sup>5</sup> à Davidi gbà lé a ò lá wa ò tiawa,  
tó a Lua lōo mà gbā,  
ásu swágbāakəo.

<sup>8</sup> Tó Yozuee gēnínō kámaboklipiu yāa,<sup>‡</sup> dō Lua i gōo pāle yā'o gbezāo. <sup>9</sup> A yái tò kámabokli gò Lua gbēñne. <sup>10</sup> Asa gbé pō gē Lua kámabokliu kámabò ní a zīoë, lá Lua kámabò ní a zīowa. <sup>11</sup> Lá māae, wà wētā wà gē kámaboklipiu, ké wá gbēe su gí Lua yāmai aà fu láńwao yái. <sup>12</sup> Lua yá bēe mé a gbāa, a lé na dē fēnda lēkpeplaa. I ní zō à gē nōsēkpeau e nisīnau, i gē gupeekliu e bōou, i làasoo ní nōsē yāo gwa. <sup>13</sup> Lua pōkeae ulēaèo, a kee kpaaè guio. Lua pō wá wá yāo sélé siuè, i pōpii e e a biwà.

### Yesu de sa'onkia:la

<sup>14</sup> Lá wá Sa'onkia zōo pō luabé kēaa e Lua kíliu vī Lua Né Yesu ū, wà zé pó wá sè yá kúa gíügiū. <sup>15</sup> Asa wá Sa'onkia pō a fō wēnadōwē wá gbāasaike guu vī. Wà aà yō lágwáwa yāpii guu, i duunakeo. <sup>16</sup> Ayāmeto wà sōo Lua gbēkekēnede kpalabaaí ní sōo dilea, ké aà wá wēgwa, i gbēkekēwēe a gōo wa.

## 5

<sup>1</sup> Wí Lua ua sa'onkia pii sé gbēo guue, wí aà dile ní yākekēna ū Lua kíli, iò moè ní gbaø, iò aà gbagbané ní duuna yái. <sup>2</sup> A fō dō

\* 3:18 Nao 14.26-35    \* 4:3 Soú 95.11    † 4:4 Daa 2.2    ‡ 4:8 Iko 31.7, Yoz 22.4

ní gbé pó aa sásã an dōsaike guu, asa aàpi kú ní gbáasaikeo sõe.  
<sup>3</sup> A yái sema aà sa'o azia duuna yá musu, lá i o gbé kini pó yá  
 musuwa ló. \* <sup>4</sup> Gbëe lí azia kpa kpaliapiuo. Lua mé i aà kpá lá à  
 Aalona kpáwa.†

<sup>5</sup> Màa sõ Kilisi i azia kpa sa'onkia kpalauo, Lua mé aà kpàu  
 à mè:  
 Ma Nén n ū, n Maen ma ū gbä.‡  
<sup>6</sup> A ò guei ló:  
 Nyōo de sa'ona ū gōopii  
 lán Mekizedewae.§

<sup>7</sup> Gōo pó Yesu kú dúnia guu, à wabikè ní wii gbääo ní wé'io,\*  
 à kulekè Lua pó a fñ à a si gawaë, õ Luapi aà yámà, ké i a yá da  
 yái. <sup>8</sup> Baa ní aà luanekéo, à misiilea Luæ dàda a taasikëa guu.  
<sup>9-10</sup> Ké maa pèewà à làa, Lua aà kpà Sa'onkia ū lán Mekizedewa,  
 õ à gò suabaa láasai mi ū gbé pó aale a yámaone píi.

### Laaikaa fuai

<sup>11</sup> Yá bee musu wá yávì dasi wà oé, áma a bɔolekeea zì'üe,  
 asa ili yázedõ kpaa ló. <sup>12</sup> A gbé pó a gëgëu këwa, a maa ào  
 de yádanedeo üe, áma e tia á de wà ea Lua yá pó wí dada gbé  
 dafuone daé lóe. Yó mé kõsiáno, i ka yóunableao.† <sup>13</sup> Asa yómina  
 píia née, i ka guei yázede guuo. <sup>14</sup> Yóuna sõ, gbé kàsaa pó aa  
 dóekèðo póe. Aa maa dõakõe ní vâio dàda.

## 6

<sup>1</sup> Ayámeto wà Kilisi yá séiaç kpa saalo, wí gé ae e wà gò gbé  
 kàsaa û. I ke wá ea mikëa yá gianaçwa ge luanaaikea daale ló  
 no <sup>2</sup> ge da'ilé yádadaa ge onaama ge geo vua ge zia yákpalekeea.  
<sup>3</sup> Wà yá beeo kpa saalo, wí gé ae, tó Lua wèi. <sup>4</sup> Asa tó gbé wé kè à  
 Lua gba è, mé à baa è Lua Nisina guu, <sup>5</sup> tó à Lua yá ní dúnia pó  
 lé mó gbääo ié à a na dò, <sup>6</sup> tó à gbàsa fù, a zé kú à ea nòselile ló,  
 asa àle Lua Né páliwa azia lóe, àle widawà gupuaue. <sup>7</sup> Tó lou lé  
 ma tóolewa mòomoo, àle mòse e, mé à pó pó àikè sèwanaone bòle,  
 Lua i báaadau. <sup>8</sup> Tó le ní leaao i bòle sõ, a giae, a zà ní lekeaeoo.\*  
 A midé n téoe.

<sup>9</sup> Apio sõ ma gbé yenzideo, baa ké wá ò màa, wá dò ké á kua  
 de beea, á kú suabaze guu. <sup>10</sup> Lua i yákë a zéwa, á yákëa ñ á  
 yeaaàzio a sääàguo, asa a dònlekè aà gbéone, mé ále ke e tia.  
<sup>11</sup> Wá ye á baade ào ãiavì màa e a léwa, ké ásu seake pó pó á  
 wé dòi yá musuo. <sup>12</sup> Asu tó á me ke kpèleo. A gbé pó aale Lua  
 náaike ní menao aale pó pó Lua a legbè eo olésé.

\* 5:3 Lev 9.7    † 5:4 Boa 28.1    ‡ 5:5 Sou 2.7    § 5:6 Sou 110.4    \* 5:7 Mat  
 26.36-46    † 5:12 1Kln 3.2    \* 6:8 Daa 3.17-18

### *Lé pó Lua gbè sea vio*

<sup>13</sup> Goo pó Lua lé legbè Ablahaū, lá gbèe ku deaàla aà legbè ní aà tóoo, a yáai a gbè ní azìa tóo, <sup>14</sup> a òè faaisai à mè á báaadaaàagu, í to aà bui kó.† <sup>15</sup> Ablahaū menakè, 5 à pó pó Lua a legbè è. <sup>16</sup> Wi legbè ní gbè pó deríla tóoe. Legbèa mé í to wà yá siiana dõ, mé í lekpaa bɔaané. <sup>17</sup> Ké Lua ye olò gbè pó a legbèa a gõ ní pó üòne wásawasa a lé lilea vio, 5 a ò ní azìao. <sup>18</sup> Beewa yá mèn pla ku a lilea vio, Lua a fɔ eeto a musuo. Yápiò lé wá gbè pó wa naaàziò gba sɔ maamaae wào yá pó wá wé dɔi kúa seasai. <sup>19</sup> Bee 5 wá wé dɔi wá wénidɔbɔ ū. A náai vñ mè a gbää, í zwää pó daa Lua kpéu‡ baavíwanɔ, <sup>20</sup> gu pó Yesu dòaa gèuwëe à gò Sa'onkia ū e gɔɔpii lán Mekizedeewa.

## 7

### *Sa'onkia Mekizede*

<sup>1</sup> Mekizedepi de yää Salema kia, Lua Musude sa'ona ūe. Goo pó Ablahaū ziblè kiaçwa, àle su, 5 Mekizede gè dàaàle, à báaadaaàagu.\* <sup>2</sup> Ablahaū àizee pó àle suò píi kwide kpàwà. Mekizede tó bee mè yámaa kia. Bee gbèa Salema kia bee mè, aafia kia. <sup>3</sup> A de ní dao ní dezio vio, aà wëni daalea ge midea vio. A bò lán Lua Néwae, sa'onan aà ū gɔɔpii.

<sup>4</sup> A gwa lá a zɔɔ. Wá desi káau Ablahaū àizee pó a sèle zì guu kwide kpàwà. <sup>5</sup> Mɔizi ikoyä dílè Levii bui pó de sa'ona üòne aa pó kwide sí ní Isaili deeçwa,† baa ní ní Ablahaū buikeo. <sup>6</sup> Mekizedeá Levii bui no. N beeo à Ablahaū pò kwide sì à samaa'ò Ablahaū pó Lua legbèe. <sup>7</sup> Seasai gbè pó samaa'ò gbéz zɔɔ de gbè pó à samaa'òelaes. <sup>8</sup> Sa'ona pó aaï pó kwide sipiçá gbé pó i gaçne. Mekizede sɔ, gbè pó wà mè iò ku gɔɔpiin aà ū. <sup>9-10</sup> Goo pó Mekizede gè dà Ablahaūlè, wi Levii i yääao, a ku a desi mae Ablahaū plue. Ayämeto wa fɔ o se, goo pó Ablahaū pó kwidepi kpà, Levii bui pó wí pó kwide kpámáo mè kpà.

<sup>11</sup> Levii bui sa'onapiò mè Mɔizi ikoyä zína ū. Tó aa fɔ to gbéz gõ wásawasa, an baa àò kú ní sa'on pâleo lán Mekizedeewa lœ? Mé i ke Aalona bui bàasio. <sup>12</sup> Tó sa'onaç lile, sema ikoyä lile. <sup>13</sup> Gbè pó wà yá beeç ò aà yá musuá Isaili bui pó a gbèe i sa'ozi ke yääoe. <sup>14</sup> Asa wá dõ sáasã ké wá Dii bò Yuda bui guue. Wi ma Mɔizi sa'oyä'ò buipi musuo. <sup>15</sup> Yá pó yápi zu'òn ke: Sa'on pâle bò lán Mekizedeewae. <sup>16</sup> Aà dilæaá ikoyä ge buikeyä no. Aà wëni láasai gbää yáie. <sup>17</sup> Asa wà mè:

Nyɔɔ de sa'ona ū gɔɔpii  
lán Mekizedeewae.‡

† 6:14 Daa 22.16-17    ‡ 6:19 Lev 16.2    \* 7:1 Daa 14.17-20    † 7:5 Nao 18.21

‡ 7:17 Soù 110.4

18 Màa wà yá káau bādè, ké a gbāao mé a ku a kee léio. <sup>19</sup> Asa Mozi ikoyá i to gbēe gò wásawasao. Ó wà suabaya pó dè a káaula zebòwëe wà sô Luazi.

<sup>20</sup> Bee gbea Lua i bee ke legbësaio. Gbë kinió gò sa'ona ù legbësaié, <sup>21</sup> áma Yesu gò sa'ona ù ní legbëaoé, asa wà mè: Dii legbë, a lelileo, à mè nýõ dè sa'ona ù gòopiie. §

<sup>22</sup> Beewa Yesu kpégaausiwëe ké Lua bâa kua ní gbë tia maa dè a káaua. <sup>23</sup> Bee gbea sa'ona dasi yää, ké ga lí to aao kú ní zì guu gòopiio yái. <sup>24</sup> Ama lá Yesu ìo ku gòopii, aà sa'onke gëëblea vîo. <sup>25</sup> A yái tò a fô gbe pó aañ sô Luazi ní a gbâao suaba wásawasa, asa ìo ku gòopiié, ìo kulëkené Luae.

<sup>26</sup> Sa'onkia bee taa mé kôsîwan. Aà kua adoae. A yâvai ge gbâsi vîo. Lua aà kë duunkenaowa, à aà sè musumusu e a kíi.

<sup>27</sup> Aà bâa kú ní sa'oa lá gu lé dô lán sa'onkia kiniowao. Gbêpió i sa'o nízia duuna yái ní ní gbë pôo.\* Aàpi sô a kë gën doe, ké à azia kpà. <sup>28</sup> Mozi ikoyá i gbë kpa sa'onkia ù an gbâasaike guue, áma ké Lua legbë ikoyápi dilea gbea, ò à a Né pó gò wásawasa e gòopii kpà.

## 8

### *Yesu mé wá Sa'onkia ú*

<sup>1</sup> Yá pó wâlé o min ke: Wá sa'onkia bee taa vî zôlea báawa musu Lua Zôde oplaai.\* <sup>2</sup> I ziké luakukli zwâakpe slana pó Dii dòu, i ke pó pô gbénazinao dò no. <sup>3</sup> Lá moa ní gbao ní sa'ao yái wí sa'onkia píi kpái, a maa aâpi aâo pó vî à kpa sôe. <sup>4</sup> Tó a ku dûniau, à dè sa'ona ûo, asa sa'ona pó aañ mó ní gbao lá ikoyá dilewas ku kò. <sup>5</sup> Zì pó aale keá pó pô kú musu taae, a zozonaes. A yái tò, ké Mozi ye zwâakpe dô, Lua òè aà pó pô a a taa kë gbe musu ke màa píi.† <sup>6</sup> Yesuá Lua bàakuawan. kôe. Lá Lua bàakuawanpi gbia de aâ bâa kua ní gbë káaua, zì pó wa dâè gbia de sa'onkiapi pôa. Lua bàakuawanpi legbëa dè a zia lo. <sup>7</sup> Tó Luabaakuañno kâaupi papaa yâae, a plaade a zekeo. <sup>8</sup> Ké Dii Isailio tâae è, à mè:

A gôo lé mó ké má yá dafu dile  
ma bâa kua ní Isailio ní Yuda musu.

<sup>9</sup> A ñ de lán yá pó má dîle an deziône  
gôo pô ma ní kú ní òwa ma ní bólé Egipiwao.  
Asa aai ze ní yá pó má dîlenéoo,  
ò ma ní tó we.

<sup>10</sup> Ma bâa kua ní Isailio gôo beeo gbea yán ke:

Má a ikoyāo dané nì nòse guu,  
má kē nì sōwa.  
Máo de nì Lua ū,  
aaiō de ma gbēo ū.

<sup>11</sup> An gbēe a yādada a deeeo,  
an gbēe a ma dōa da a gbēeo,  
asa ampii aaō ma dōe,  
nēfēnen gbēzōo píi.

<sup>12</sup> Má sùuukeríno nì nì tāaeo,  
má nì duuna yāda lōo.‡

<sup>13</sup> Ké Lua yā dafupi ò, à a kāau zibōe. Pó pó zikù a í kòle, a kpaa  
gui zāo.

## 9

### *Luabaakuańno kāau sa'oa*

<sup>1</sup> Luabaakuańno kāau yādileaō vī aà sisia nì aà sisikii pó kú  
tōleo yā musu. <sup>2</sup> Filia nì tāabūnu pó wī kāa kālewà Luaeo\*  
ku kpēele pó wī me gu pó a kua adoau. <sup>3</sup> Kpea pó wī me  
luakukii pi ku zwāa plaade kpe.† <sup>4</sup> A guu tularetikateakii‡ pó  
wa pī nì vuao kuu nì Luabaakuańno kpagolo pó vua kúlewà  
búlubuluo.§ Vua lo pó mana ku a guu ku kpagolopi guu\* nì  
Aalona go pó labōo† nì Lua yādilea gbē pèpēeo.‡ <sup>5</sup> Kpagolopi  
musu malaika gāsiade gawideo kua duunkēmaklia.§ Pópi  
bōolekeea dodo gōon lao.

<sup>6</sup> An kālea māa guu, sa'onao īo gē a kpēele mōmōo nì sa'ozí  
kei.\* <sup>7</sup> Sa'onkia mé ī gē a kpēa wē do gēn do, mé īli gē ausaio.†  
I auipi fāfā azia duuna yái nì a gbēo pó pó aa kē dōsaike guuo.  
<sup>8</sup> Lua Nisina lé əlwēe gōo pó kpēpi kpēele yā kú, luakukii zé  
wēao. <sup>9</sup> Bee lé yāleewēe nì tia yáo à mē, pó pó wī Lua gbaō nì  
sa'obō pó wī kpaō lí fō nì nòse dānē doū wásawasao. <sup>10</sup> Yā beeā  
mekaa yāe. Pōblea nì imiao nì gbābōa bui dasio yāe. Wa dīlē e  
zé dafu gōo ào kae.

<sup>11</sup> O Kilisi mō yāmaa pó kā tia sa'onkia ū. A vī zwāakpe pó  
zōo mé a wásawasa de a kāaua kpēelea. Gbēnazina mé ī dōo,  
dúniae bee pó no. <sup>12</sup> I gē luakukii nì ble ge zu auoo, à gē nì azia  
auo gēn doe, à gbēo bōo e gōopii. <sup>13</sup> Lá wī ble nì zuswanao au‡ nì  
zununu túfuo§ fā gbē pó gbālēwa wà gbābōnē, <sup>14</sup> wa Kilisi pó  
o lōe? A azia kpā Luawa sāasai nì Nisina pó īo ku gōopii gbāao.

---

‡ 8:12 Zel 31.31-34	* 9:2 Boa 25.33-40	† 9:3 Boa 26.33	‡ 9:4 Boa 30.1-6
§ 9:4 Boa 25.10-16	* 9:4 Boa 16.33	† 9:4 Nao 17.18-20	‡ 9:4 Iko 10.3-5
§ 9:5 Boa 25.18-22	* 9:6 Nao 18.2-6	† 9:7 Lev 16.2-34	‡ 9:13 Lev 16.15-16
§ 9:13 Nao 19.9, 17-19			

Aà au ī wá sō pípiwēe yá gianaō làasoo musu, kē wà zīkē Lua bēee.

### *Luabaakuaríno gbəzā sa'oa*

<sup>15</sup> Ayāmeto Kilisiá Lua bāa kua n̄ gbēo gbəzā kōe, kē gbē pō Lua n̄ sisō àizāna pō à a legbē e yái. A gā kē à n̄ bo, i tāae pō aa kē Luabaakuaíno káau yá musuo kēmá. <sup>16</sup> Tó wa ye zīkē legbē pō gbē dilewa, sema wà dō kē ade ku lō, <sup>17</sup> asa ga gbea ñ legbē ìo gbāa vī. Tó legbēdilena bēee, legbē lío gbāao. <sup>18</sup> Ayāmeto wà yá pō Lua dīlené káupi sakē n̄ auo. <sup>19</sup> Kē Mɔizi ikoyā pō Lua dīle o gbépii wáa, à sākā tēa n̄ ése úao se zō gáaena n̄ blesanao au yāalea n̄ íowa, a fà Mɔizi ikoyāwa n̄ gbēnazīnao pīi <sup>20</sup> à mè bee mé Luabaakuaíno yá sa'o'au ū.\* <sup>21</sup> Māa Mɔizi au fà zwāakpewa n̄ sa'o zīkebōo pīi.† <sup>22</sup> Ikoyā guu au mé i gbābo pō daside pīie. Aubōlesai duunakēamá kuo.‡

### *Kilisi duuna mideā azīa kpaa sa'obō ū guu*

<sup>23</sup> Lá à kū wà gbābo pō pō kú luabé taapiōne beewa, sa'obō pō a maa dē beea kōsi n̄ luabé pōpiōe. <sup>24</sup> Asa Kilisi i gē luakukđi taa pō gbēnazīna dōuo, à gē a sīanau luabēe, kē ào ku tia wá Zennōde ū Lua kīie. <sup>25</sup> Sa'onkia i gē luakukđi n̄ pōtuo auo wē n̄ wēoe, ãma Kilisi i gē azīa kpaa mōmōo yáio. <sup>26</sup> Tó beewae, dō àlē taasike mōmōo za dūniakalegōo. Siana guu à mō gēn doe gōo pō dūnia kā a kákđi, à azīa kpà sa'obō ū à duuna mīdeō. <sup>27</sup> Lá Lua dīle gbēnazīna lí ga gēn do, i gbase yákpalekeāāno, <sup>28</sup> māa Kilisi azīa kpà gēn do, à dasi duuna dī a miwa.§ A ea mō a gēn plaadei, i kē duuna yán lōo, kē à gbē pō an wē dōazīsuaba yáie.

## 10

<sup>1</sup> Mɔizi ikoyāá yāmaa pō lé mō nisīnae, i kē yápiē súsuo. A yái tò sa doüpi oa mōmōo wē n̄ wēo lí fō gbē pō lé sō Luaziō gō wásawasa bauo. <sup>2</sup> Tó sa bee oa gbābō lousisinaone gēn do e gōpiie, dō an nōse dādoū, aa a oa tō. <sup>3</sup> Siana guu sa'oapi mé ìo gbēo duuna yá dōngu wē n̄ wēo. <sup>4</sup> Asa zuswana n̄ blesanao au lí fō duunakēmá bauo. <sup>5</sup> A yái tò, kē Kilisi lé mō dūnia guu, a ò Luae:

N ye sa'o ge gbaio,

᷊ n̄ mē dōmee.

<sup>6</sup> Sa pō wī a pō kátēu à tékū

n̄ sa pō wī o duuna yá musuo lí kánguo.

<sup>7</sup> Ḍ ma mē, má kē!

Lua, ma mō n̄ pōeā keie,

\* 9:20 Boa 24.6-8   † 9:21 Lev 8.15   ‡ 9:22 Lev 17.11   § 9:28 Isa 53.12

lá wa kè Mɔizi ikoyāu ma yá musuwa.\*

<sup>8</sup> A ò già, sa'oa ní gbao ní sa pó wí a pó káteu à tékuo ní sa pó wí o duuna yá musuo lí ká Luaguo, a yeio, baa ké ikoyā mé dílē. <sup>9</sup> Ó à gbàsa mè, á ké, a mɔ aà pœeä keie. Màa à a káau bádè a plaade dilea yái. <sup>10</sup> Lua pœäpi k ea guu Yesu Kilisi azia kpà sa'obo ū gën do, a tò wá kua adoa Lua gbé ū.

<sup>11</sup> Gœppii sa'onao lɔ kú ní zì guue, aaø sa doü pó lí fɔ duunakémá bauo o mòmò.† <sup>12</sup> Kilisi sɔ à sa'ò duuna yá musu gën doe e gœppii, ɔ à gè zòle Lua ḥplaai. <sup>13</sup> Za gœ bee àlè dá we e Lua ào a ibeeo kee aà gbadibó ū.‡ <sup>14</sup> Asa sa gën do oapi guu, a tò gbé pó a gbâbânéo gò wásawasa e gœppii. <sup>15</sup> Lua Nisina lé yápi owëe lɔ à mè:

<sup>16</sup> Ma bâakuańno gœ beeø gbea yán ke:

Má a ikoyā dané n nòse guu,

má ké n sɔwa.§

<sup>17</sup> Ó à gbàsa mè:

Má n duuna n n tâaeø yâda lɔ.

<sup>18</sup> Lá à n duuna kémá, sa'oa n yái zevi lɔ.

### Sɔa Luazi

<sup>19</sup> A yái tò ma gbé, ní Yesu au gbâao wá gëa luakukli zé vî n sɔo dilea. <sup>20</sup> A wëni zé dafu pó Lua kpé zwää baa vî bòwëe a me guu. <sup>21</sup> Lá wá sa'on zɔo vî Lua uaküna ū, <sup>22</sup> wà sɔ Luazi n nòsemendoo n aà náikæa seasaio n sɔ pó wa pípi wà làasoo vãi bòuo ní me pó wà a zu'ò ní wásawasaoo.† <sup>23</sup> Wà zia'ea yá pó wa zeò kúa sɔdeedeesi, asa Lua a legbè, mé náaidee. <sup>24</sup> Wà laaidòkòwa, wí tékpakòu yeakòi n maakeao yá musu. <sup>25</sup> Wásu pâkpa wá kôkâaakæai lá gbéø i kewao. Wà ledakòwa, atësa lá à ð Dii mogoo lé kâikü.

<sup>26</sup> Tó wa siana mà mé wá dò, tó wa gi lé duunaké, sa'oe ku à duunakéwá lɔ. <sup>27</sup> Pó gòwëe mé de yákpalé ní sɔkënguo n té gbâa pó a Lua ibeeø kaaleo dâa ū.‡ <sup>28</sup> Wí gbé pó gí Mɔizi ikoyā dai de aà wégwasai gbéøn pla ge àaø sealadeke musu.§ <sup>29</sup> Tó gbé ɔzò Lua Néwa mé à Luabaakuańno au\* pó gbâbòe gwà foooù, mé à Nisín gbékèkenede sɔsɔ, ào dò ké wa iadawà zɔo de beea maamaa. <sup>30</sup> Asa wá yáebée'ona dò à mè, áme á tsimá, áme á flaboné. Wa ò lɔ, Dii a yákpaléke ní a gbé.† <sup>31</sup> Léle daa Lua bëe ouá yápasié.

<sup>32</sup> A làasooke á kua yâawa. A wékëa gbea a taasi fò á dëe zɔo kaa guu. <sup>33</sup> Zieø wí á sósɔ, wí á wetâ dasi guu. Zieø i ze ní gbé

\* 10:7 Sou 40.7-9    † 10:11 Bøa 29.38    ‡ 10:13 Sou 110.1    § 10:16 Zel 31.33

\* 10:17 Zel 31.34    † 10:22 Lev 8.30, Eze 36.25    ‡ 10:27 Isa 26.11    § 10:28

Iko 19.15    \* 10:29 Bøa 24.8    † 10:30 Iko 32.35-36

pó wàle ní wètā màao. <sup>34</sup> A wènadò dakpeunaone. Ké wà á pòwá siwá, a zèò ní pønao, asa á dò kéké á àizéé maa pó lò ku gòpíi vñ. <sup>35</sup> A yái tò ásu to sea gë wòwó pò ài vñé zòwó guuo. <sup>36</sup> Sema àò mena vñ, í pò pò Lua a legbè e àà pøeä këa gbëa.

<sup>37</sup> Asa à gò yòwé, a gëgëo,

kéké gbëe pò lé mó pila.

<sup>38</sup> Gbëe pò má tò yá bòaànò na  
ma náai pò àlé ke yái aó ku,  
áma tò à pòbòzákè,  
a kamaguo.<sup>‡</sup>

<sup>39</sup> Gbëe pò aaí pòbòzákè aa nízia kaaleon wá ùo. Gbëe pò aalé Lua náaike aa àizána eon wá ù.

## 11

### *Gbëe káau luanaaikëa*

<sup>1</sup> Luanaaikëa mé wèdøaaàzi seasai ù. A dë yá pò wili wesieo sia sihana ù ùe. <sup>2</sup> Gbëe káau luanaaikëa mé tò Lua ní sáaukpà.

<sup>3</sup> Wá luanaaikëa mé tò wá dò kéké àa yá'oa mé dúnia kàlé. Pò pò wili wesieo ù à pò pò wili wesie këò.\*

<sup>4</sup> Abeli luanaaikëa mé tò àa sa'oa Luawa maa dè Kainu pòa.<sup>†</sup> Àà luanaaikëa yái Lua àà sáaukpà, à àà dílé gbëmaa ù, ù à àà gba sì. Baa ní àà gaaø, àlé yá'owëe e tia Lua náai pò a këpi yái.

<sup>5</sup> Enoki luanaaikëa mé tò Lua àà sè, kéké asu gao yái.<sup>‡</sup> Wi àà e lòo, kéké Lua àà sè yái. E Lua àò àà sè, à àà sáaukpà à mè àà yá kàagu. <sup>6</sup> Gbëe yá lí ká Luagu àà náikesaio. Sema gbëe pò lé sñaàzi si kéké a ku, mé lì flabo a kíi wèèlènaone.

<sup>7</sup> Kéké Lua lèdà Nœewa yá pò wi e yääo musu, ù ààLua náaike à àà yämà, à gò'ilëna kéké à a uadeo misiò.<sup>§</sup> Àà luanaaikëa mé tò yá zòlè dúniawa, mé Lua tò yá bòaànò na a náai pò a këpi yái.

<sup>8</sup> Kéké Lua Ablahaù sisi àà gé bùsu pò á kpawà aò vñ guu,\* ù Ablahaù Lua náaike ààLua yápi sì. Kéké à bò bë, a gu pò àlé géupi dò zio. <sup>9</sup> A Lua náaike, ù à bëkpà bùsu pò Lua a legbëëpiu nibò ù<sup>†</sup> zwåakpede ù. Måa Izaaki ní Yakobuo lò, asa Lua legbëapi gò ní pò ùe. <sup>10</sup> Asa wéle pò Lua dë a kùna ù a kalena ù lò zedøa ù Ablahaù wé dòi.

<sup>11</sup> Sala luanaaikëa mé tò a è nòsì,<sup>‡</sup> baa kéké flië mé à zikù, asa a dò Lua pò legbëëpi náai vñ. <sup>12</sup> Baa kéké à zikù, gòë mèndopi buikë dasi lán saanao ge ísiale üfääawa, wa fò dòdøo.<sup>§</sup>

\* **10:38** Abk 2.3-4      \* **11:3** Daa 1.1, Sou 33.6, 9, Zaa 1.3      † **11:4** Daa 4.3-10

‡ **11:5** Daa 5.21-24      § **11:7** Daa 6.13-22      \* **11:8** Daa 12.1-5      † **11:9** Daa 13.18

‡ **11:11** Daa 18.11-14, 21.2      § **11:12** Daa 15.5, 22.17, 32.13

<sup>13</sup> Gbépi gàga píi n̄ luanaaikèa guu pó pó à a legbènèo esai. Aa è kāaa aa gbäakpài. Aa mè nibo bòmɔon n̄ ū tɔole la.\* <sup>14</sup> Gbé pó lé o màao lé olwèe wàle n̄ de be nidee. <sup>15</sup> Tó bùsu pó aa bòu bëe aale ke, dō aa ze'è aa èa tà we. <sup>16</sup> Siana guu aale bùsu pó a maa de beeaa ya luabëe. A yái tò, tó wà mè Lua dë n̄ Lua û, ili ke Luapié wí ūo, asa à wéle kékéné.

<sup>17-18</sup> Ké Lua Ablahaû lè a gwà, <sup>5</sup> Ablahaû Lua náaikè à Izaaki kpà sa'obô û.† Lua legbèè yää à mè Izaaki kíi aà bui a bòu.‡ N̄ beeo à zè n̄ a né mèndonapi kpaa. <sup>19</sup> A è Lua gbäa a fɔ̄ ge vu, <sup>5</sup> à èa Izaaki è a yáasi û. <sup>20</sup> Izaaki Lua náaikè, <sup>5</sup> à Yakɔbu n̄ Esauo gbà sa'ole.§ <sup>21</sup> Yakɔbu Lua náaikè. Ké à kà gaa, <sup>5</sup> à gbäa'è a gopanawa, à kùle Yosefu néo gbà sa'ole.\* <sup>22</sup> Yosefu Lua náaikè. Ké a ye gai, <sup>5</sup> à Isailiô bɔa Egipi yá'ò n̄ lá aa ke n̄ a geoo.†

<sup>23</sup> Mɔizi de n̄ aà dao Lua náaikè, <sup>5</sup> aa aà ûle e mo àaã aà ia gbea, ké aa è a kefèu yái.‡ Aai viakè iko pó kíia dílleeo. <sup>24</sup> Mɔizi Lua náaikè. Ké à zɔɔkù, <sup>5</sup> à gíl wà a dile Falañ n̄enœ n̄ û.§ <sup>25</sup> A sì wà a wetà n̄ Lua gbé dë kua n̄ pɔnao duuna guu gɔoplala. <sup>26</sup> A dile ké wí pó wí damá Kilisi yái de Egipi àizeea, asa zia asea aà wé péwà. <sup>27</sup> Aà luanaaikèa mé tò à bò Egipi,\* i viakè kíia pɔkúmaeo, à zè gíügiü lá à Lua pó wíli e n̄ wéoo èwa. <sup>28</sup> Aà luanaaikèa mé tò à Géamusu dikpe dile n̄ aumamaa kpeele giowao, ké gbédéna su ɔkâ n̄ negɔe sëiaçwao yái.† <sup>29</sup> Isailiô Lua náaikè aa bùa Isia Tëawa lán tɔole giiwa. Ké Egipi yòwà màa, <sup>5</sup> i kùaamá.‡ <sup>30</sup> Isailiô Lua náaikè aa lìa Yelikoi e gɔɔ sopla, <sup>5</sup> a bii kwè.§ <sup>31</sup> Káalua Lahabu Lua náaikè à zàmadeo dile nienie, <sup>5</sup> i kaale n̄ luanaaikensai.¶

<sup>32</sup> Má o kpelewa lò ni? Má ze'e mà Gedeñ† yá'oo ge Balaku‡ ge Säusñ§ ge Zefete\* ge Davidi† ge Samueli‡ ge ãnabiø. <sup>33</sup> Aa Lua náaikè, <sup>5</sup> aa ziblè kíao wa, aa yágɔgɔ gbéne a zéwa, aa lé pó Lua gbènè gbe'è, aa nòomusuo lé nàaa,§ <sup>34</sup> aa té pásí dè,\* aa bò fënda lézì, aa gbäa'è n̄ yéeesaike guu, aa pásíkù zì guu, aa buipâle zìgɔɔ yà, <sup>35</sup> aa n̄eø né ge vu aa kpàmá.† Wà iakpà n̄ gbéeozi, <sup>5</sup> aa gí bɔkdi weelei, ké aa vu, aai bɔ maa yái. <sup>36</sup> Wà n̄ gbéeo kè pójɔpɔ wà n̄ gbé n̄ flàalao. Wà mɔkà n̄ gbéeo wa wà n̄ ká kpéu.‡ <sup>37</sup> Wà n̄ papa n̄ gbéo wà n̄ dede, wà n̄ zɔe pla n̄ siio, wà

\* 11:13 Daa 23.4, Soù 39.13 † 11:17-18 Daa 22.1-14 ‡ 11:17-18 Daa 21.12

§ 11:20 Daa 27.27-29, 39-40 \* 11:21 Daa 47.31, 48.1-20 † 11:22 Daa 50.24-25, Bɔa 13.19 ‡ 11:23 Bɔa 1.22, 2.2 § 11:24 Bɔa 2.10-12 \* 11:27 Bɔa 2.15

† 11:28 Bɔa 12.21-30 ‡ 11:29 Bɔa 14.21-31 § 11:30 Yoz 6.12-21 \* 11:31

Yoz 2.1-21, 6.22-25 † 11:32 Dɔa 6.11 ‡ 11:32 Dɔa 4.6 § 11:32 Dɔa 14.1

\* 11:32 Dɔa 11.1 † 11:32 1Sam 17.12 ‡ 11:32 1Sam 3.1 § 11:33 Dan

6.1-27 \* 11:34 Dan 3.1-30 † 11:35 1Kia 17.17-24, 2Kia 4.25-37 ‡ 11:36 1Kia

22.26-27, Zel 20.2, 27.15, 16, 28.6

ní dède ní fëndao. Aa bëbe sã báa ní blè báao daa. Aa gò gii, wà ní wetà wà iadàmá. <sup>38</sup> Dúnia i ká ní ùo. Aa lìaaliaa sëu ní gbësisiò musuo, aa ku gbè'eo ní tòwo guu. <sup>39</sup> Baa ké Lua gbépiò sáaukpà mìpii a náai pó aa kè yái, aai pó pó à a legbènè eo, <sup>40</sup> ké aasu gò wásawasa wá saio yái. Lua dòaa dìle wà yá pó a maa de ní póa ee.

## 12

### *Lua a gbé totoa*

<sup>1</sup> Ayàmeto wápiò sõ, lá seeladeò gupàwázi dasi màa, wà skpa pó pó i kpáwéezí ní duuna pó i kpàlikpawéé àannò píi, wí bakpaaí pó Lua dìlewéé ke ní menao. <sup>2</sup> Wà wépe Yesuwa. Òme bò ní wá luanaaikèa zéo mé à bòlei. A gaa líwa fì, i a wíyá dao pöna pó dileae ea yái, ò à gè zòle báawa Lua oplaaai. <sup>3</sup> A làasookè aà yáwa, lá à menakè ní duunkena pó ibelè bee taa sèanò, ké ásu kpasa á kúsu kwéo yái. <sup>4</sup> Asa á dëekaa ní duunao guu, i ze gi e a ge gaò yääo. <sup>5</sup> Nòsé níniyá pó wa òé lá á de néo ûwae bee sàágu yà? Wà mè:

Ma né, tó Dii lé n toto,  
ńsu dìle pão.

Tó àlé n gba laai,  
ńsu to n ká gao.

<sup>6</sup> Asa gbé pó Dii yei ò i toto,  
i gbé pó a sì a né û swágaga.\*

<sup>7</sup> A iadama dile totoa û. Lua mé lé bee këé, ké á de aà néo û yái. Néé ku aà mae gí aà totoia? <sup>8</sup> Tó i á toto lá a né kíniwao, á de aà néo ùo, gínasòonéon á û. <sup>9</sup> Wá dúnia la maeò vî aa wá toto, ò wa ní yàmà. Lá màae, wà misiile wá Mae pó kú musue de beea, wíwí ku. <sup>10</sup> Wá maeò wá toto goçpla pó û an òno léu. Lua i wá toto wá káflia yái, ké wá kua e ào adoa láawa. <sup>11</sup> Totoae líç pöna vî a goço, pönsia bàasio, áma gbé pó totoapi ní këkeò i a gbé'e zá bøa maa ní nòsedaado û.

<sup>12</sup> Ayàmeto à á o pó gò dòáziò ní á gbá pó gò tèeeò gba gbää, <sup>†</sup> <sup>13</sup> i zésé súsu, <sup>‡</sup> ké á gbé pó lé tòoleò su pääleo, aai e gò ní aafiao.

<sup>14</sup> A wèele ào na ní gbépiio, á kua iò adoa, asa tó gbé kua adao, a Dii eo. <sup>15</sup> A laaika á gbée su kua Lua gbékeanéwa aà gò á guu kona û, <sup>§</sup> i iada gbé dasiòwa à ní òòkpao. <sup>16</sup> A gbée su ào de gbäskena û ge luayâdansai û lán Esauwao. A a yoakeze yìla ble gën do blea yái.\* <sup>17</sup> A dò ké à sa'ole wèele a maewa gbezä, ò Lua gíè. Baa ké a wèele ní wé'io, i ze'e à yá pó á kè lìlèo. <sup>†</sup>

\* **12:6** Yaa 3.11-12    † **12:12** Isa 35.3    ‡ **12:13** Yaa 4.26    § **12:15** Iko 29.18

\* **12:16** Daa 25.29-34    † **12:17** Daa 27.30-40

### *Luabaakuaínɔ káau ní a gbɛzão*

<sup>18</sup> I sɔ̄ Sinai gbɛsisi pó wa fɔ̄ okāwàzio. Ale tékū, a gusia vĩ ní guduuduuo ní zàao<sup>‡</sup> <sup>19</sup> ní kàae'ɔo ní Lua lɔ̄o gbāao. Ké Isailiɔ lɔ̄opi mà, aa awakpàè aa mè, asu yāe oné lɔ̄o, <sup>20</sup> asa aa yá pó a dīlenée bee fɔ̄ à mè: Baa pɔ̄tuo kà gbɛsisiipiwa, wà pápa ní gbeo wà dε. <sup>§</sup> <sup>21</sup> Lua pilaapiá vĩa yāe maamaa e Mɔ̄izi mè vĩa a kū, álé lualua.\*

<sup>22</sup> A sɔ̄ Siɔna gbɛsisi ní Lua bɛ̄e wélε Yelusaleū pó kú musuo ní a malaika dasidasi pó kääaa weo <sup>23</sup> ní Lua negɔ̄e sēia pó an tó kēa weo ní Lua pó dε gbépii yákpalekena ūo ní gbēmaa pó aa gò wásawasa gyaadeo <sup>24</sup> ní Yesu pó dε Luabaakuaínɔ gbɛzã kóo ūo ní aà au fáfää† pó lé yá gbia o dε Abeli‡ páao.

<sup>25</sup> A laaika, ásu gí yápi maio. Lá gbé pó aa gí Lua ledama mai tɔ̄ole lapiɔ i bɔ̄o, wápiɔ sɔ̄, lá Lua lé ledawá kua za musu, <sup>§</sup> tó wa bɔ̄ aà kpe, wa wá pó o lε? <sup>26</sup> Aà lɔ̄o tɔ̄ole lualua yāa, õ à legbè à mè á gu lualua gēn do lɔ̄, i ke tɔ̄ole ado no, ní musuoε sa.\* <sup>27</sup> Ké à mè gēn do lɔ̄, bee lé owéε Lua pɔ̄keea pó a lualuapiɔ gēzεaε, ké pó pó lí luaoɔ e gɔ̄. <sup>28</sup> A yái tò, lá wálε kpala pó lí deeo ble, wà Lua sáaukpa, wíɔ kúlè lá a yeiwa, wíɔ misiilèè vĩakεaè guu. <sup>29</sup> Asa wá Luaá té pó i kúmáe.†

## 13

### *Ledaamá*

<sup>1</sup> A wetā à gbékε vĩ ní kɔ̄o. <sup>2</sup> A laaidɔ nibɔ̄yaaekεawa, asa beewa gbéε malaikao dīle dɔ̄sai.\* <sup>3</sup> A to gbé pó wà ní ká kpéuɔ yá dɔ̄águ lá á kúníno kpéuwa, ní gbé pó wálε iadamáo lá ámε wálε iadawáwa. <sup>4</sup> Baade lí gɔ̄e ní a nɔ̄o kua ní kɔ̄o yāda gbia. Gɔ̄e ní a nao su ní wúlkli gbâlεo, asa Lua a yákpaleke ní káaluao ní gbâsikεnaε. <sup>5</sup> Yea õai su dɔ̄aaéo. A ze ní pó pó á vĩo, asa Lua mè:

Má n tó weo,  
má pâkpanzi bauo.†

<sup>6</sup> A yái tò, wi sɔ̄dile wà mε:  
Dii mé ma Mísina ū,  
vĩa a ma kûo.  
Bó gbénazina a fɔ̄ kεmεei?‡

### *Sasiłana'oa*

<sup>7</sup> A tó á dɔ̄aaana pó aa Lua yā'ðéo yá dɔ̄águ. A ní kua tâasika e a léwa, i Lua náaike láñwa. <sup>8</sup> Yesu Kilisi doú già ní gbâo e

\* **12:18** Boa 19.16-19, 20.18-19      § **12:20** Boa 19.12-13      \* **12:21** Iko 9.19

† **12:24** Mat 26.28      ‡ **12:24** Daa 4.10      § **12:25** Boa 20.22      \* **12:26** Age

2.6      † **12:29** Iko 4.24      \* **13:2** Daa 18.1-8, 19.1-3      † **13:5** Iko 31.6, 8, Yoz 1.5

‡ **13:6** Soù 118.6

gɔɔpii. <sup>9</sup> Asu to wà á sásã ní yákanla dasi daanéo. A maa wá sõ gbāa'e Lua gbéké guue, i ke sa'oble pó lí aie ke gbé pó zèoɔneø no. <sup>10</sup> Zwàakpe sa'onao zeví aa sa'okii pó wá vî bleo. <sup>11</sup> Sa'onkia í gë luakukii ní pɔtuo auo duunakéama yái, ñ wî a ge tékú bòo kpe. <sup>12</sup> Ayämëto Yesu gà wénkpë sõ, à gbâbò gbéøne ní azla auo. <sup>13</sup> Wà bɔ wà gé aà kíi bòo kpe, wí i wá kúaànɔ sõ. <sup>14</sup> Asa wá wéle pó ìs ku vî lao, wéle pó lé mó ñ wá wé dɔi. <sup>15</sup> Ayämëto wào Lua sáaukpa láasai ní Yesu gbääo wá sa'oa ū. Gba pó aà sisinao í mɔðon we. <sup>16</sup> A laaidɔ maakea ní gbékékéakɔëowa. Sa bee taa oa mé í ka Luagu. <sup>17</sup> A á dɔaanao yáma, í misiilené, ké aa e zìke ní pɔnao, asa aa dë gbé pó aa ní zì yá séle siu Luaeo ūe. Tó aale zìke ní lésuuo, a àikeéo.

### *Læzaamá*

<sup>18</sup> A wabikewëe. Yæe lé wá sõ vîo, wi weele wào kú wá dòowa yápii guue. <sup>19</sup> Má gbëawá, à wabikemee, atësa mà e suwá kpakpa.

<sup>20</sup> Lua aafiade pó wá Dii Yesu bò gau Sâdângi ū a bàakuawanɔ gɔɔpii au sabai, <sup>21</sup> aà á këke ní maa píio, ké à a pœä ke, i yá pó kàagu ke wá guu ní Yesu Kilisi gbääo. Óme gawi vî gɔɔpii, ãmi.

<sup>22</sup> Ma gbéø, ma wabikewá, à ledama yápi kúa ní menao, asa lá pó má këé bílao. <sup>23</sup> Aò dɔ ké wà wá gbëdo Timëtee gbàe. Tó à kà la tia, wá mó á gwai sânu. <sup>24</sup> A fɔkpa á dɔaanaowa píi ní Lua gbéø píi. Itali bùsudeo fɔkpàwá. <sup>25</sup> Lua gbékékéé ápii.

## ZAAKI

# Yá pó kú láe bee guu

Yesu dāuna Zaaki mé lápi kè. Yesu bò mòwà a bɔa gau gbea (1Kln 15.7), ɔ à gɔ Yelusaleū Yesudeo dɔaana ū (Gal 2.9). Zaaki lé ze'lo Isaili bui kuεpla pó fāaaaoné (1.1), Yuda Yesude pó bòlè Yelusaleū aa tà buipāleo bùsu guu. A láe bee kènè, ké aa laai vī kɔtēe yākεao guu ní ní kua Yesusaideo guu.

Yá tēteakɔie, a dàale ſonyāwa à mè i bɔ Lua kíie, wí gbeawà ní aà náaikeaoe (1.2-8). Bee gbea à yādādané ɔdeke ní taasidekeo yá musu, yɔa ní gbāalegwaa, ní lousisia siana pó wí ɔloné yākεao guuo (1.9-27). A lekà kɔbɔbɔa'ɔsi yáwa (2.1-13), bee gbea luanaaikεa ní yāmaakeao (2.14-26). A té pó léna i kpa meu yā'ò (3.1-12). A èa sù ſnɔ siandewa (3.13-18). A gbé pó aai sòledao lèle pāsipasí ní gbé pó aai gbékpa ní dūniao ní gbé pó aai gbé bɛ̄eboo. A zoadò ɔde pó aai kible ní zikεnaowaa (4.1-5.6). A láakii à ledàmá aa mena fɔ, aa wabike láasai, aa dɔkɔlè (5.7-20).

Yá pó a dile Yesudeoné ku wásawasa: Yesu baona siana sia i mówáo, sema wá luanaaikεa mó ní yāmaakeao, asa luanaaikεa yāekεsaiá gε (2.26).

### Yá

<sup>1</sup> Mámεmaa Zaaki,\* Lua ní Dii Yesu Kilisio zɔblena ma fɔkpà Isaili bui kuεpla pó fāaaaowa.

<sup>2</sup> Ma gbé, taasi bui dasi. A pó pó sù á lé, à dile pɔna yá ū, <sup>3</sup> asa á dɔ lá wàle á lé wàle gwa á luanaaikεa musu a mena ié. <sup>4</sup> Asuli fu menawao, ío de gbé kàsaa ū wásawasa yāe késāawá sai. <sup>5</sup> Tó ſnɔ lé késā á gbéewa, aà wabike Luawa,† a aà gba, asa i gbépii gba pó bñisai yāgagasai. <sup>6</sup> Tó à wabikèwà sɔ, aà aà náaike seasei, asa seade de lán ko vláwa. Gu pó Íana yèeléu, we i géu. <sup>7</sup> Gbé bee taa su à e á pó e Diiwao, <sup>8</sup> asa aà nòse ku plaplae, <sup>9</sup> iku seasea yá pó àle ke píi guu.

<sup>9</sup> Wá gbé taaside pɔnake, ké Lua aà kàflí yá. <sup>10</sup> Wá gbé ɔde sɔ aà pɔnake, ké Lua aà bùsa yá, asa ɔdeo gεzea lán lávu kwεawa. <sup>11</sup> Iaté i fele ní a pusu gbāao, lá i giigaga, a vú i kwé, a maa i láá.\* Beewa ɔde a kpogui a bɔoleo guu.

<sup>12</sup> Báaade gbé pó i yɔa fɔ, asa aà bɔa maa gbea Lua a àizāna pó à a legbè gbé pó yeaziōne keè yàae ū. <sup>13</sup> Tó yɔa gbé lè, asu me Luaeo, asa wa fɔ Lua yɔ ní vāio, mé aàpi lí gbé yɔ ní vāio sɔo.

\* 1:1 Mat 13.55, Gal 1.19    † 1:5 Yaa 2.3-6    ‡ 1:11 Isa 40.6-7

<sup>14</sup> Baade yɔ̄a i bɔ̄ aà pɔ̄nideə k̄iie, ɔ̄ i aà wé ble, i aà gále. <sup>15</sup> O pɔ̄nideapi i nɔ̄si à ne'i duuna ū. Tó duuna zɔ̄kù sɔ̄, i ga ie.

<sup>16</sup> Ma gb̄e yenzideo, ásu ázia sásão. <sup>17</sup> Gba maa sāasai píi i bɔ̄ musu Mae Lua gupuakūnao Kena k̄iie. Ili lileo, aà gupua iwesa v̄io. <sup>18</sup> A wá i n̄ a yá si landeo a p̄oeawa, k̄é wàd de gb̄e s̄eia o ū p̄o p̄o àle ke dafuone.

### *Yamaa n̄ a k̄eao*

<sup>19</sup> Ma gb̄e yenzideo, à yáee bee ma. Ali yāma kpaa ápii, áma ásu yā'o kpaaao, á p̄o su pa kpaaao. <sup>20</sup> Asa gb̄enazina p̄okūma li m̄o n̄ yāmaa p̄o Lua yeioo. <sup>21</sup> A yái tò à ɔ̄kpa d̄é'e li n̄ yāvāi p̄o líguaozi píi, i yá p̄o wa t̄ò á s̄u a f̄o á suaba sí n̄ z̄iabusaao.

<sup>22</sup> Asu ázia sásão, ásu yápi ma n̄ swáo adoo, à z̄ikewà. <sup>23</sup> Asa gb̄e p̄o i yāma mé ili keo de lán gb̄e p̄o lé a oa p̄o Lua d̄é'e gwa dii guuwae. <sup>24</sup> Asa aázia gwaa gbea, tó à ḡezea, ɔ̄ lá a de i sāaàgu ḡò. <sup>25</sup> Gb̄e p̄o i wéte Lua ikoyā wásawasa p̄o i to wà ḡo wéee ūi, mé i geò ae s̄o, ili ma à sāaàguo, i z̄ikewàe, Lua a báaada adegu aà yākeea guue.

<sup>26</sup> Tó gb̄e d̄o lousisinan a ū, mé ili a lé f̄o, àle azia sásäe, àle lousisi p̄æ. <sup>27</sup> Lousisia siiana p̄o sāa v̄i Mae Luaeon ke: Wà laaido tone p̄o gwana v̄ioawa n̄ gyaa gb̄eando o an wēnakaea guu, § wí wázia kúa d̄o sāasai dúnia yá musu.

## 2

### *K̄ib̄ob̄o'si*

<sup>1</sup> Ma gb̄eo, á gb̄e p̄o ále wá Dii gawide Yesu Kilisi náaikēo, ásuli k̄o b̄ob̄o'sio. <sup>2</sup> Tó gb̄e ḡe á k̄okāaa guu vua tāana n̄ p̄okasa tekeao daa, mé taaside p̄o ulakasa gb̄asi daa ḡe s̄o, <sup>3</sup> tó a wētè gb̄e p̄o p̄okasa tekeao daazi, mé á òe aà m̄o z̄ole gumaau, mé á ò taasidee aà ge ze le, ge aà m̄o z̄ole á gb̄azī, <sup>4</sup> ále k̄o b̄ob̄o'sie, ále yá gwa kolean weo lé?

<sup>5</sup> A ma ma gb̄e yenzideo. Lua gb̄e p̄o de gb̄aasaideo ū dúnia gb̄eone sè aa gb̄aa a náaikēa guue, aai kpala p̄o à a legb̄e gb̄e p̄o yeaziōne ble. <sup>6</sup> Apio s̄o ále gb̄aasaidepi o kp̄eb̄o. Odeo mé i gb̄aablewáo lò? Aame aai á gále géano yákpaleuo lò? <sup>7</sup> Aame aai gyaalaḡe tó na p̄o kp̄awáuo lò? <sup>8</sup> Lua ikoyā mide mè ào ye á gb̄deezi lá ázia wēniwa.\* Tó á yápi kúa siiana, ále yāke a z̄ewae. <sup>9</sup> Tó ále k̄o b̄ob̄o'si s̄o, ále duunakee. Ikoyapi á wé, a ḡo tāaede ūn we. <sup>10</sup> Asa tó gb̄e ikoyā kúa píi, mé a mèndo aà fù, à ḡo tāaede ū apii musue. <sup>11</sup> Lua mè ásu wúle n̄ gb̄epâle n̄oo. A mè lò ásu gb̄edeo.† Baa tó ni wúle n̄ gb̄epâle n̄oo, tó n̄ gb̄edè,

n gō ikoyādansai ūε. <sup>12</sup> A gbē pō Lua a yágōgōánō ikoyā pō i to wà gō wéε ū musu, àli yā'o, íli yāke lá à kōsiánōwa. <sup>13</sup> Lua a yákpaleke n̄ sùuusaideo sùuusaiε, ãma yá a bō n̄ sùuudeo na.

### *Luanaaikεa n̄ maakεao*

<sup>14</sup> Ma gbē, tó gbē mè ále Lua náaikε, mé íli yāe keo, bō yán wei? Luanaaikε bee taa a fō aà suabae? <sup>15</sup> Tó á gbēdo, gōe ge nōe, lé pōkasa n̄ bleo wēnakε, <sup>16</sup> tó á gbēe òè: Lua n̄ gba aafia! Nsu to īana n̄ deo, n̄ pōble n̄ ká, mé i wēnidōbō kpawào, bón bee ūi? <sup>17</sup> Màa sō luanaaikε ado yākesaiá yāgēe.

<sup>18</sup> Tó gbē n̄ mè rīle Lua náaikεe, mé mapi málε yāke, má one n̄ n̄ luanaaikεa yākesai olōmee, mí a luanaaikεa olōne ma yākea guu. <sup>19</sup> N̄ sī Lua mèndo nolo? A maaε. Baa tāaō dō māa, mé aaō lualua.‡ <sup>20</sup> Misaide, kέ luanaaikεa yākesai pā, n̄ ye mà kanε n̄ ozi yā? <sup>21</sup> Kέ wá desi séia Ablahaū a né Izaaki kpà sa'obo ū, yá i bōaànō na aà yākeapi yáio lé?§ <sup>22</sup> N̄ èa? Aà luanaaikεa n̄ aà yākeao tekōie. Aà yāke aà luanaaikεa bòlei. <sup>23</sup> Beewa Lua yāε bee pà à mè, Ablahaū Lua náaikε, ū Lua tò yá bōaànō na a náai pō a kèpi yái.\* <sup>24</sup> O wí oè Lua gbēna.† <sup>25</sup> A èa? Yāke aà tò yá bōaànō na, i ke Lua náai pō a kè ado yái no. <sup>26</sup> Màa lō káalua Lahabu kēna n̄ Luao a yāke a yái, kέ à zīnaō dīlē à n̄ gbáe zé kpáinau.‡ <sup>26</sup> Lá mè nis̄insaiá gēe, màa luanaaikεa yākesaiá gēe lō.

## 3

### *Léfōa*

<sup>1</sup> Ma gbē, ásu ke yādanedeo ū dasio, asa á dō kέ Lua a wēbii wá yādanedeo wa yākpale guu de gbē kiniōla. <sup>2</sup> Wápii wiō zā yāwa mōmōōe. Tó gbē lē lí aà kalikεo, tāaesaidε, a fō aà mè būfu. <sup>3</sup> Wi àasīna ká sōe kέ à wá yāma yāiε, ū wi aà mè būtaiinkε. <sup>4</sup> A gwa gó'ilēnawa ísiaa lō. N a zōkεo, baa n̄ zāa'ian gbāa pō i opewào, a fibō de nēnannōe. Óme i a taiinkε, ū a fina i a pōeā daè. <sup>5</sup> Beewa sō, lénaá megū nénae, ū i ñanadā n̄ yāzōo.

A gwa lá té néna i kū sē zōwa. <sup>6</sup> Léna de lán téwae, a de dúnia vāi ū wá me guu. I gbāsī gōkpa wá megū pii. Béda té mé i nae lénawa, ū léna i tékpa wá dúnia kuau. <sup>7</sup> Gbēnazīna sēanōbō tōto pii ū bāo n̄ pōtaa'onkuawa n̄ kpō, mé àle ke e tia, <sup>8</sup> ãma gbēe lí fō a léna tōtoo. A de pōvāi pō lí ze teeeō ūε. A pà n̄ sewetēo, <sup>9</sup> ū wi Dii wá Mae sáaukpaō, ū wi ea wà gbēnazīna pō a kè láawa\* kaō lō. <sup>10</sup> Lé doüpi ū sáaukpa n̄ gbēkaao i bōu.

‡ 2:19 Maa 5.7    § 2:21 Daa 22.9-12    \* 2:23 Daa 15.6    † 2:23 Isa 41.8    ‡ 2:25  
Yoz 2.1-16    \* 3:9 Daa 1.26-27

Ma gbé, asu à dëé màao. <sup>11</sup> Nibôna i í na ní kìsâo bɔ íze doú guua? <sup>12</sup> Ma gbé, kaadøena a ne'i ku ūa? Vëeli a ne'i kaadøena ūa? Beewa lɔ í flii a naküo.

### *Ono pó i bɔ musu*

<sup>13</sup> A guu, déme yâdõn ɔnɔna ūi? Aà oloné a kua maa ní a yâkeao guu ní zlabusaa pó i bɔ ɔnɔ guuo. <sup>14</sup> Tó á wedøakõu ní pâsio ní denlaweeleao vî á sɔ guu sɔ, ásu ïanadão, ásu eedɔ slanawao. <sup>15</sup> Ono bee taa lí bɔ musuo, dûnia póε, á dàa póε, tâa póε. <sup>16</sup> Asa gu pó wedøakõu ní denlaweeleao kuu, wekii kôyâmasai ní väi píio iɔ kuu. <sup>17</sup> Tó gbé ɔnɔ pó i bɔ musu vî, séia ilio gbâsi vîo, a gbea ilio yâkele vîo, i busané, i gbé yâma, sùuu pèewà ní maakeao. Ili gbé bɔbɔ'c̄sio, mé ilio mɔafili vîo. <sup>18</sup> Ibelémidena i kea ní kõo na tɔ, ɔ i bɔleè bɔa maa ū.

## 4

### *Gbékpaan dûniao*

<sup>1</sup> A sôle ní á lekpaaao i bɔ má ni? I bɔ á pœä pó lé kôde á meuc kíi nolo? <sup>2</sup> I pó niaka, ili eo, ɔ i gbëde. A pó bli vî, ɔ ili pó pó ále yá leo. O i lekpaake, i sôleke. A vîo, ké ili wabike Luawao yái. <sup>3</sup> Tó a wabikè, ili eo, ké ili wabike a zéwao yái, asa iɔ ye à a mɔaoke lá a á pɔ gbâwae. <sup>4</sup> Nâaisaideo, á dɔ ké gbékpaan ní dûniao de ibelësea ní Luao ūo lé? Gbé pó ye ke dûnia gbé ū gɔ Lua ibee ūe. <sup>5</sup> Ké a këa Luayâtaalau wà mè aà Nisïna pó kú wá guu lí sí sâao, \* ále e yâpâ yâ? <sup>6</sup> Ama gbékke pó Lua vîwanɔ de beea, asa a këa Luayâtaalau wà mè:

Lua i ibelëse ní gbé pó i azia se lesio,  
mè iɔ gbékke vî ní gbé pó i azia busao.<sup>†</sup>

<sup>7</sup> A yái tò à misiile Luæ. A gi Ibiisié, i bàasié. <sup>8</sup> A sɔ Luazi, i sɔázi.‡ Duunkenaɔ, à ɔbɔle duunau. Nòsemempladeo, à á sɔ pípi. <sup>9</sup> A ɔɔl ní posiao ní wënao. A á yaalo lile ɔɔl ū, i á pɔna lile pɔ'li ū. <sup>10</sup> A ázia busa Diiɛ, i á kâfl.

<sup>11</sup> Ma gbé, ásuli kɔ tɔbëesio. Gbé pó a Yesude dee tɔbëesí ge à aà bëebò, à Lua ikoyâ seela bëe kë à a bëebò. Tó n Lua ikoyâ bëebò sɔ, a manan n ūo, a bëebonan n ū. <sup>12</sup> Lua mé ikoyâdilena n yâkpalekenao ū. Omé gbé suabaa n aà tɔlɔzɔao gbâa vî. Mpi sɔ, dén n ū, ké ni n gbëdee bëebói?

### *Lua baa bɔ dilea*

<sup>13</sup> A yâma sa, á gbé pó i me gbâ ge zia á gë wëleu, i zɔlë we wë do, i laata à ai'e. <sup>14</sup> A yâ pó a á le zia dëe?§ A dɔ lá á wëni dea?

\* 4:5 Iko 6.15    † 4:6 Yaa 3.34    ‡ 4:8 Mal 3.7    § 4:14 Yaa 27.1

A dε lán suawaε. Tó à kpà yɔɔ, ɔ̄ i gẽzεa gɔ̄. 15 Tó yá a zéwaε, áli o à me: Tó Dii wèi, wáo aafia, wí ke kewa ge kewa. 16 Tia sɔ̄ álé ìanadā, a Lua baa bò á dílε. Iandāa bee taa maaο. 17 Gbé pó maakεa dɔ̄ mé i keo, i ke adee duuna ũε.

## 5

### *Odeo*

<sup>1</sup> A ḡodeo, à yāma sa. A óolɔ à wiile wēna pó a á le yái. <sup>2</sup> A àizeεɔ ɔ̄kpà, kòɔ á pɔkasac soso. <sup>3</sup> A ɔ̄a tánkpakè,\* mé tánkpapi a á dayāu, i kú á mewa lán téwa. A àizeε kàaaázi gɔ̄gbezāzì. <sup>4</sup> A ma! A gbèwina pó aa á buapóo kékεé blè, mé ɔ̄api yá Lua lè. Pɔkεkenapiɔ wiilea gè Dii Zigɔde swáu.† <sup>5</sup> A namamà tɔ̄ole la á pœākεa guu. A mèkpa kaalegɔo pó ũ. <sup>6</sup> A yādà gbëmaasla a ní dède, aai dēekao.

### *Mena*

<sup>7</sup> Ayāmeto ma gbé, ào mena vî e Dii mogɔo. A gwa lá zɔ̄e i a buapó bεεede kekeea dá. I menafɔ za káabuana e sae. <sup>8</sup> Apio sɔ̄ à menafɔ, i á sɔ̄dile, asa Dii mogɔo kālkù. <sup>9</sup> Ma gbé, ásu yákütékakɔio, kέ Lua su yákpalekeáñoo yái. Yákpalekenapi zea kpεelε fá!‡ <sup>10</sup> Ma gbé, ãnabi pó aa yā'ò yāa ní Dii tóo, à mena pó aa kέ taasikea guu ɔlesé. <sup>11</sup> Wi oné pɔnadeo, kέ aa menafɔ yái. A Yobu menakea bao mà, mé á mà lá Dii kέ gbezā,§ asa gbé sósobi ní sùuuo pèe Diiwa.\*

<sup>12</sup> Atësa ma gbé, ásu me á sî ní Luao. Ásu me á sî ní luabeo ge tɔ̄ole ge pɔpáleο. Tó aoε, áli o ao. Tó aawoε, áli o aawo, kέ yá su daálao yái.†

### *Wabikεa*

<sup>13</sup> A gbé lέ taasike yá? Aà wabikε. A gbé pɔ këna yá? Aà Lua táasile. <sup>14</sup> A gbé lέ gyâke yá? Aà á gâli gbézɔɔ sisi, aai wabikεè, aai nísimawà ní Dii tóo.‡ <sup>15</sup> Wabi pó wa kέ luanaaikεa guu bee a gyâepi gbágbâ. Dii a aà gba aafia. Tó à duunakè yâaε sɔ̄, a këwâ. <sup>16</sup> A yái tò, à á duunaɔ okɔε, i wabikεkɔε kέ à e gbágbâ. Gbëmaa wabikεa gbâa, i zikε maamaaε. <sup>17</sup> Eliaá gbénazinæ lâwâwa. A wabikε maamaa lou su mao, ɔ̄ lou i tɔ̄le tɔ̄lewao e wè àaɔ ní mo sooloo.§ <sup>18</sup> A èa wabikε lɔ, ɔ̄ lou'i bò maamaa,\* tɔ̄le blekε.

\* 5:3 Mat 6.19 † 5:4 Iko 24.14-15 ‡ 5:9 Mat 24.33 § 5:11 Yob 2.10, 42.10

\* 5:11 Sou 103.8 † 5:12 Mat 5.34-37 ‡ 5:14 Maa 6.13 § 5:17 1Kia 17.1

\* 5:18 1Kia 18.42-45

19 Ma gbé, tó á gbédo pàale sìana zéε, mé á gbée èa aà dàwà,  
20 àò d᷑ kéké gbé pò tò duunkènapi bò sásâzεu à èa sù, à ade sì  
gawaε, mé à lakà tâaeɔla dasi.†

## PIEE LA SEIA

# Yá pó kú láe bee guu

Piee láe bee kè za Loma Yesude pó aa fääaa wà tà bùsu pó wí me tia Tuukii bùsuuñee. Gáli pó aa ku a guu de gáli pó Pölu ní aà iwaç dàaleedaaleo ù. Yäa pásí ní lé an Yesudeke yái, ñ wàle ñadamá. Piee tò an laai tà Yesu Kilisiwa, à mè an baa ku Kilisi taasikea guu.

Fökpaama ní Lua sáaukpao gbea, Piee lá Lua ní suabà dòñgu, ñ aa tāmaa pó lí ní neo vñ Yesu Kilisi gaa ní aà vuao sabai (1.3-12). A ní gbá laai aao itéke, aa tó ní kua aó adoa naa Yesu Kilisiwa (1.13-2.10). A Yesu olesè à yädàoné à mè à kù aao náai vñ ní yäkeao guu, atësa kua yña guu. A ledàmá an kua dúnia guu, à mè aa misiile gbäädeøne, zíkenaç misiile ní diiøne, noøe misiile ní záøne, Yesudeø píi iø yeközi (2.11-4.19). Lee 5 guu à ledà Yesude gbëzöøwa ní èwaasoc ní luanaaikenaç píi, à mè aa ze gbää kua yäla guu, aa Lua legbëané papaa dã. Lápi làa ní fökpaamáo.

A kù láe bee kyokenaç wetä luanaaikea guu, baa tó aale taasi kpeletaa bui ke, ké an kua e Lua tøbo, i ze'ølo Yesusaideøne yái. Tó luanaaikensaiç yámaa pó aale ke è, aa Lua sáaukpa yákpalekegcozi (2.12).

### *Tamaa pó lí ní néo*

<sup>1</sup> Mámëmaa Yesu Kilisi zïna Piee, mámë ma láe bee kè Lua gbé pó aa de niboo ù dúniae bee guu aa fääaa bùsuë beeüøne: Pöntu, Galati, Kapadosi, Azi ní Bitinio. <sup>2</sup> Mae Lua dàaa á dñ, ñ à sé, a gõ aà pó ù ní aà Nisina gbääao, ké à misiile Yesu Kilisië, aà au i á gbäsi wolo.\* Lua gbëke ní aafiao káflí.

<sup>3</sup> Wà Lua wá Dii Yesu Kilisi Mae sáaukpa! Àà sùuu zöø guu à wá i dafu ní Yesu Kilisi felé bøa gau gbääao, ñ wá tāmaa pó lí ní néo vñ, <sup>4</sup> asa gba pó dileaé luabepi lí öökpao, ili gbäsi kpaø, a maa lí láao. <sup>5</sup> Lua sou mà à á suaba a náai pó ále ke yái, ñ ále á dñá ní a gbääao e à ge bøø gogbezäzi. <sup>6</sup> Ále pønake ní yápio, baa ké ále taasike già yøø yäla bui dasi yái. <sup>7</sup> Lá wí vua maa dñ té guu, màa yälapio lé à luanaaikea yø, asa á luanaaikëapi bëee vñ de vua pó a gawi i láaa maamaæ. Tó a bø maa, Lua a á sáaukpa Yesu Kilisi mogcozi, a á kpela ní gawio. <sup>8</sup> Baa ké i aà eo, á yeaàzi. Baa ké i wesiaále giao,† ále aà náaike, ñ ále pøna zöø pó gë oaa ke, <sup>9</sup> ké ále á luanaaikea gbe'e á suabaa ù yái.

\* **1:2** Lev 17.11, Efes 9.22    † **1:8** Zäa 20.29

<sup>10</sup> Anabis d̄aa gb̄ke p̄o Lua a keé yā'ō, aa suabaapi yá gwà aa a tāasikà. <sup>11</sup> Kilisi Nisina kú n̄ guu, à d̄aa taasi p̄o Kilisipi a ke òné n̄ gawi p̄o a e a gbeao, ᷑ aa wèele wà yápi zé d̄ n̄ a kēgōo.‡ <sup>12</sup> Ḍ Lua tò aa d̄ k̄é yá p̄o aale opi de n̄ gōo p̄o ūo, á p̄oé. Tiasa baonakpanaɔ yápi òé n̄ Lua Nisina p̄o Luapi aà zì à b̄ luabe gb̄ao. Baa malaikao i d̄eeka yápi d̄ai.

### *Wá kua àdoa*

<sup>13</sup> Ayāmeto à á lāasoo vu iu, iɔ áz̄ia kūa d̄, á wé iɔ d̄o gb̄ke p̄o Lua a keé Yesu Kilisi mōgōoz̄izi seasai. <sup>14</sup> Lá á de Lua Né p̄o lé aà yāmaɔ ū, ásu to d̄é'ii p̄o á v̄i yāa á wésiagōo d̄aaeo. <sup>15</sup> Lua kua adoaε. Lá à á sisi à á s̄é, á kua l̄iɔ adoa á yākea p̄i guu màa s̄ō. <sup>16</sup> Asa a k̄ea lāu wà m̄e:  
A kua l̄iɔ adoa,

asa ma kua adoaε.§

<sup>17</sup> Lá Lua i yākpaleke n̄ baadeo a yākeawa n̄ wegwasai, tó ále aà sisi Mae, à v̄iakèe á nib̄ke guu la. <sup>18</sup> A d̄ lá Lua á b̄o kua gii p̄o de á felekaa ū guu. Lua i á bo n̄ p̄o p̄o a gawi i llāao no, vua ge ánuṣu, <sup>19</sup> à á b̄o n̄ Kilisi p̄o de s̄ā sāasai gb̄s̄isai ū au gawideoe.\* <sup>20</sup> Lua d̄aa aà d̄ile zad̄ i d̄unia káleo, ᷑ à b̄oéaàn̄ gupuau gōo gbez̄ae beeɔz̄i. <sup>21</sup> Aà yá musu ᷑ ále Lua nāaikε. Lua aà b̄o gau à gawi kpàwà, k̄é à e a nāaikε, á wé iɔ d̄azi.

<sup>22</sup> Lá misiilea sianaε á gb̄s̄i wòlo, ᷑ á gb̄ke v̄i n̄ kōo mōafilisai, ào yekōi n̄ nōsemendoo. <sup>23</sup> Lua á i dafu n̄ a yá wēnide p̄o iɔ ku gb̄aoe. Yápi de pobui p̄o i ga ūo, pobui p̄o lí gaoe.

<sup>24</sup> Gb̄epii de lán s̄ewaε,  
an gawi p̄i de lán s̄evuwae.

S̄e i gaga, a vú i kwé,

<sup>25</sup> áma Dii yá iɔ ku gōopiiε.†

Yápi mé de baona p̄o wa kpàé ū.

## 2

### *Gb̄e wēnide*

<sup>1</sup> Ayāmeto à yāvāi p̄i tó n̄ ee p̄io n̄ mōafilio n̄ wed̄akōeo n̄ kōyaaao. <sup>2</sup> Lá nētēnaɔ iɔ yō'i nidε, ào Lua yá p̄o de lán v̄i ipu wásawasawa nidε màa s̄ō, k̄é à e gb̄á suabaa guu, <sup>3</sup> asa á d̄ sa k̄é Dii maa.\* <sup>4</sup> A s̄ōaàzi, Gb̄e wēnide p̄o wà pâkpâi, Lua aà s̄e beeeede ū. <sup>5</sup> Ap̄iɔ s̄ō áme á gb̄e wēnide p̄o Lua lé a kpé ēbooo ū. Am̄e á aà gb̄agbanaɔ ū, i sa p̄o i kaaàgu o n̄ aà Nisina gb̄ao Yesu Kilisi sabai. <sup>6</sup> Asa a k̄ea Luayātaalau wà m̄e:

Gwa, málε gbe dile Siɔna,

ẽdaalegb̄e beeeede p̄o má s̄e ū.

‡ **1:11** Luk 24.25-26    § **1:16** Lev 19.2    \* **1:19** Zaa 1.29, Ebe 9.14    † **1:25** Isa 40.6-8    \* **2:3** Soū 34.9

Wí a gbé pó lé aà náaike kúo.<sup>†</sup>

<sup>7</sup> A dë gbè bëeëde ù á gbé pó álé aà náaikeoné, ãma a dë gbé pó lé aà náaikeoné màao.

Gbe pó ébonaç pâkpâi

mé gò gbeç mide ù.<sup>‡</sup>

<sup>8</sup> Mâa lɔ a dë:

Gbe pó wí gëmbôlewà ù,

gbesi pó aai kpaa aa fu ù.<sup>§</sup>

Aa gëmbôlewà ké aai Lua yâdao yái. Beewa Lua dîlené.

<sup>9</sup> Amé á bui pó Lua n séo ù, kiaç ù, aà gbâgbanaç ù,\* gbé pó an kua adoaç ù, aà gbé yenzideç ù, ké à Lua pó á sisi a bø gusiau, à gëáno a gupua bønsaede guu táasile.<sup>†</sup>

<sup>10</sup> A dë Lua gbéç ù yâao,

tiasa õ a gô a ù.<sup>‡</sup>

Lua i sùuukeáno yâao,

tiasa õ a këáno.<sup>§</sup>

### *Kua luanaaikensaiç guu*

<sup>11</sup> Ma gbé yenzideç, lá á dë nibø bømøç ù la, málé ledawáe, à miké á dôx'li pó aai zïkaánçwa. <sup>12</sup> Aø ku gbé bëeëdeç ù luanaaikensaiç guu. Beewa baa tó aale á dile vâikenao ù, tó aa yâmaa pó álé keç è, aa Lua sáaukpa yâkpalekëgôzì.

<sup>13</sup> A misiile iko pó gbénazina dileç píi Dii yái, kia pó iko vî deñlan nò,<sup>14</sup> gbâade pó a dile aà vâikenao wetâ aà maakenao sáaukpan nò.\* <sup>15</sup> Lua pœän ke: A yâmaake à lesokpa soù wésiadeoné. <sup>16</sup> A gô wéeo ûe, ãma ásu tó á gôa wéeo ù gôé vâikea zé ûo. Aø ku Lua zòblenaç ù. <sup>17</sup> A gbépii kpela. Aø ye á Yesude deeçzi. A vîlake Luaæ. A kia kpela.

<sup>18</sup> Zikenaç, à misiile á diiøne, í zôke dôñé yâpii guu. I ke dii maa nòsedoûdeç nít e no, ní a pâsiø lø. <sup>19</sup> Tó wà iadàwá pâ, tó a menakèò Lua yái, bee ài vîé. <sup>20</sup> Tó wà á gbé á tâae yái, tó a menakèò, bee tó vî má ni? Ama tó a taasikè yâmaa pó á ke yái, tó a menakèò, Lua a á sáaukpa. <sup>21</sup> Bee yái Lua á sisii à á sé. Kilisi taasikèé à zé'blé, ké ào te a iai yái.

<sup>22</sup> I duunakèo,

wi ma à eetòo.<sup>†</sup>

<sup>23</sup> Ké wà aà sôsô, i a zásimáo. Ké à taasikè, i yâpâsi onéo, à zè ní Lua yâkpaleken maaoe. <sup>24</sup> Omé wá duuna dî a miwa‡ à gâò líwa, ké wá bâa su ào kú ní duunao lôo, wíku maakea guu. Aà

† 2:6 Isa 28.16    ‡ 2:7 Sou 118.22    § 2:8 Isa 8.14-15    \* 2:9 Boa 19.5-6    † 2:9

Isa 9.1-2    ‡ 2:10 Lom 9.25-26    § 2:10 Oze 2.25    \* 2:14 Lom 13.1-5    † 2:22

Isa 53.9    ‡ 2:24 Isa 53.11-12

flàala iaø mé wá gbägbä. § 25 Asa a sásã lán sãøwa yääe, \* ɔ a ea su á Dãna n á Džanaowa tiasa.

### 3

#### *Kua n kɔo*

1 Nœø sɔ, à misiile á záøne.\* Tó an gbëeø lé Lua yädao, á kua a n líle. Baa tó i yäe onéo, <sup>2</sup> aa e á kú gbäslsai mé ále misiilené. <sup>3</sup> A kefenke weelæ su àø de mekaa yá ûo, mitää ge nɔamblebɔo ge pøkasadaan nò. <sup>4</sup> Aàø de á nòse guu yá pø lí láao û, nòsenie n zìabusao. Bee mé gbia Luæ. <sup>5</sup> Asa beewa nœø lousisina pø an wé dø Luazi yäao nízia këke, aa mislile n záøne. <sup>6</sup> Måa Sala de, i Ablahaü yäma i oè Baa. <sup>7</sup> Tó ále yämaake, mé ále pø pø wí vïakeè yädao, a Sala ɔlesèn we. <sup>8</sup> Måa gðeø sɔ àø kúñø nœkedøané guu, § ilí yämamá, kë pøe su kpáé á wabikæa guuo, asa á de wëni gbablenø û sânuø.

<sup>8</sup> Bee gbea àø ledou vñ n kɔo ápii. Aø wënadøkñø, àø yekñi, àø gbëke vñ n kɔo, i busakñø. <sup>9</sup> Asuli vãi flabo n väooo. Asuli gbë pø á sôsô sôsñø. A samaa'oè, asa Lua á sisi à báaadaágú yái.\*

<sup>10</sup> Gbë pø ye a wëni àø maa,

mé a ye a kua àø na,

aà a lé fñ n yävái oao,

asuli to ee bø a léuo.

<sup>11</sup> Aà mikë väiwa, i maake,

aà aafia zé weelæ, iø tei.

<sup>12</sup> Asa Dii i wëte gbëmaaozi,

i swákpa an wabikæaozi.

Dii i mikpedø väikenaoñe. <sup>†</sup>

#### *Taasikæa maakea yái*

<sup>13</sup> Tó á ãiaví n maakeao, déme a á wetai? <sup>14</sup> Baa tó a su taasikè maakea yái, báaadeøn á û. <sup>‡</sup> Asuli vïake an wëtæaeo, ásu sôdeedeekøo. <sup>15</sup> A Kilisi dø Dii û á sô guu. § Aø ku sœu guu gøpøii, kë à e yäwe gbë pø lé á la yá pø á wé døi miiwa. <sup>16</sup> Ali oné busebuse n beee dñanéo. A oné n nòsepuaø bø, kë wí e gbë pø aale á sôsô maa pø ále ke á Yesudekè yáiø kú. <sup>17</sup> Taasikæa lá Lua yeiwa maakea yái maa de taasikæa yävâikea yáila.

<sup>18</sup> Kilisi gá gën do duunawoloa yái. Tàaesaide gá wá tæaedø yái, kë à e géwanø Lua kíi. Wà aà dè aà gbënazinkè guu, <sup>5</sup> Lua aà vù aà nisinkè guu. <sup>19</sup> Aà nisinkèpi guu à gë waasokè nisina pø wà n ká kpéuñe.\* <sup>20</sup> Aa bø Lua yá kpø yääe, gøø pø

§ 2:24 Isa 53.5    \* 2:25 Isa 53.6    \* 3:1 Efç 5.22, Kls 3.18    † 3:3 1Tim 2.9

‡ 3:6 Daa 18.12    § 3:7 Efç 5.25, Kls 3.19    \* 3:9 Lom 12.14, 17    † 3:12 Soù 34.13-17    ‡ 3:14 Mat 5.10    § 3:15 Isa 8.12-13    \* 3:19 1Pie 4.6

àlè menake e Nœee gè a gó'ilena kë làaò. Gbé pó bò íu aafia gópi sabaiɔ dasio, gbẽn swaañe.<sup>†</sup> <sup>21</sup> Ipi mé de á da'ilékæa pó í á suaba taa ū tia. Da'ilékæapiá mè gbásiwoloa yá no. Legbæa Luae nì nòserepuaoe. I á suaba kë Yesu Kilisi bò gau yái.<sup>22</sup> A ikokè malaikæo nì tåaɔ nì gbäädeo nì ikodeowá, õ à tà luabæ, a ku aà oplaaí.

## 4

### Kua Lua pó u

<sup>1</sup> Lá Kilisi gà a gbénazinké guu, ápiɔ à bee nòse da sɔ, asa gbé pó gà a gbénazinké yá musu kë duunawaæ. <sup>2</sup> Goo pó gòé á kua guu, á dóe'ii suli dɔaaé ló, sema Lua pœæ. <sup>3</sup> A kua luayâdansai yâkæa guu yää mò le. A kú yää wisaiyâkæa guu nì dóe'io nì wëdekæao nì lalasi kòo nì wëmi wëzibbaao nì tâagbagbaao, pó Lua ye a giyâio. <sup>4</sup> Lá ili siññan lalasi zɔɔpi kæa guu ló, í kënë yâbónsaes ū, aai à tòbëesi. <sup>5</sup> Aa nì yâkæao dau siu Luae. Aà yâkpalekæa nì gbé bëe nì gyaadeo sou mà. <sup>6</sup> Wà baonakpà gyaadepiñe ló, kë an gbé pó yá zòlemá an gbénazinké guu lán gbépiwæ e aa ku nisinké guu lán Luawa.\*

<sup>7</sup> Pópii láaa kà kái. Ayameto ào de laaideo ū, ío ázia kúa dɔ, kë ào wabike Luawa yái. <sup>8</sup> Yá pó de a píia, ào yekɔi nì nòsemendoo, asa yea gbéi ílaka tâaea dasi.<sup>†</sup> <sup>9</sup> A kô yâaekæ yâkütékasai. <sup>10</sup> Lá Lua gbadà á baadee, à dòkòle nì gbapió Lua báaa bui dodo ziia maaɔ ū. <sup>11</sup> Gbé pó de waasokëna ū, aà Lua yâ'oné. Gbé pó de dònlede ū, aà dònle nì gbää pó Lua a gbao,<sup>‡</sup> kë à Lua tòbò yâpíi guu nì Yesu Kilisi gbääo. Òmè gawi vî nì gbääo goopii! Ami.

### Taasikæa Yesudekæ yái

<sup>12</sup> Ma gbé yenzideo, ásu to yâa pâsi pó lé á le bɔ á sae lândɔ yâkanla mé á léwao. <sup>13</sup> Lá á baa ku Kilisi taasikæa guu, à pɔnakeò, kë à e ào pona zɔɔ vî gò pó Kilisipi a bɔ gupuau nì gawio. <sup>14</sup> Tó wà á sôsô Kilisi tó pó kúwá yái, bâaadeon á ū, asa Lua Nisina gawide diaéé. <sup>15</sup> A gbëe su taasikæ gbedæ ge kpái'oa ge vâikæa ge gude yâio. <sup>16</sup> Tó a taasikæ á Kilisidekæ yái, asu keé wiyâ ūo. A Lua sâaukpa kë Yesu tó kúwá yái. <sup>17</sup> Asa iadaama pîla, Lua gbé õ à dàalewá séia, a midé nì gbé pó gî baona pó bò Lua kîi sîi kpelewa ni?

<sup>18</sup> Tó gbëmaao suabaa zî'ū,  
a bɔ nì duunde luayâdansai kpelewa ni?§

<sup>†</sup> **3:20** Daa 7.7    \* **4:6** 1Pie 3.18    † **4:8** Yaa 10.12    ‡ **4:11** Lom 12.6-7    § **4:18**  
Yaa 11.31

19 Ayāmēto gbē pō aale taasikē Lua pœākeea yáíō aa n̄z̄ia na n̄ Kēna nāaidee a ozi, aai w̄tā w̄tā maake.

## 5

### *Lua sā kpāsa gwaa*

1 Málē leda á gbēz̄ōwa sa. Gbēz̄ōn ma ū s̄ō. Má de taasi pō Kilisi kē seelade ū, mé ma bāa kú n̄ gawi pō a bō gupuauo s̄ō.

2 Aō de kpāsa pō Lua kālēé dānao ū.\* A oliae n̄ pœāo teasisai lá Lua yeiwa. I ke ūaweele a yáí no. A ke n̄ n̄s̄emendoo. 3 Asuli gbāable gbē pō wa nāé á ozipliowao. A tó á kua á sāo dazewa,<sup>4</sup> í kiafua pō a gawi lí láao e gōo pō Sādānki m̄ò.

5 A èwaasoo s̄ō, à misiile gbēz̄ōone. Apii à áz̄ia busakōe, í dōkōle, asa:

Lua i ibelēse n̄ gbē pō i az̄ia se lesio,  
mé a gbēke v̄i n̄ gbē pō i az̄ia busao.<sup>†</sup>

6 Ayāmēto à áz̄ia busa Lua gbāadee, i á kāfi gōo pō a dīlēwa.<sup>‡</sup> 7 A ozié á yā'ñmai p̄ii, asa i laaidōwá.<sup>§</sup>

8 A itēke ào kú n̄ laaio. A ibee Ibiisi de lán n̄omusu pō lé ōolōwae. Ale kpálekeázi, ale gbē weele kú. 9 A giè, í ze gbāa luanaaikē guu, asa á dō kē á Yesude dee pō kú dūnia guu p̄ii lé taasi doupi kēe. 10 Lua Bāaapiide á sisi a gawi pō lí láowa naa Kilisiwae. Tó a taasikē yōo, a á bō maa, i á ze gíügiū, i á gba gbāa, i á zedo. 11 Omē gbāa v̄i gōopii! Ami.

12 Wá gbēdo Silivēe\* pō má aà dō gbē nāaide ū mé lá yōonaee bee kēémee. Ma ledāowá, mé má de a seelade ū kē yá pō má ò de Lua gbēkekeané siāna ūe. A zeò gíügiū. 13 Babeli<sup>†</sup> gbē pō Lua n̄ sé lááwao fōkpāwá. Ma né Maaku fōkpāwá lo. 14 A fōkpakōwa n̄ lēpeakōwao yeakōi guu.<sup>‡</sup> Lua á gbē pō á naa Kilisiwao gba aafia ápii.

---

\* 5:2 Zaa 21.15-17   † 5:5 Yaa 3.34   ‡ 5:6 Mat 23.12   § 5:7 Sou 55.23   \* 5:12  
Zin 15.22   † 5:13 Zia 17.5, 18   ‡ 5:14 Lom 16.16

## PIEE LA PLAADE

# Yá pó kú láe bee guu

Piee láe bee kè Yesu náaikenaone mìpii (1.1). Aà yázinda mé gbé pó an yá lí kòse ní Yesu baonaoo eeboa ú. An yádanewo i mó ní yáyaaaoe. Tó gbé ye kémá, sema aà azia kpa Lua dàa siandewa ní Yesu Kilisi yáo lá gbé pó weslaàlew òwa.

Fokpaamá gbea (1.1-2) a dìdi Yesudekeyawo ní dea náaideo ú Luae lá gbé pó aa wesí Diilew òwa (1.3-21). Bee gbea à waasoken egena ní kuao békébò maamaa (2.1-22). A ní yádane taa ò lee àaõ guu, à mè aaõ gbé pó aale Kilisi moa dãa laanikée, aañ me Kilisi a ea mo lò. Piee mè tó Kilisi moa lé gégé, Lua menakea yáie, asa a ye dasi ze'e aa Yesu náaiké.

Waasonken egena lí késá dúniau gueio. Piee lá plaade yádaneá tia yáe lò, àle tékpa luanaaikenaogu aa gé ae Dii dàa guu, ké aasu zá zéwao yáí.

### *Sianakpaa sisia pó Lua wá sisiwa*

<sup>1</sup> Mámëmaa Lua zína Simwo Piee, Yesu Kilisi zòblena, mámë ma láe bee kè gbé pó wá Lua wá Suabana Yesu Kilisi ní gbá zé aa a náaiké lágawa a maake yáionne. <sup>2</sup> Gbéké ní aafiao pëewá Lua ní wá Dii Yesuo dàa guu.

<sup>3</sup> Lua wá sé wào ku a gawi ní a maakeo guue, a tò wà a dò, à luakegbää wá gbá pó pò de wào vî, wá kua i kpaañ ní aà yáo. <sup>4</sup> Beewa à yázòo bëeede pó à a legbéké këwëe, ké a yáí wà bò dúnia dòe'li pó iñ ñòkpa guu, wío Lua dàa vî. <sup>5</sup> Yá bee yáí à áiaké maamaa, à Lua náaiké maakea guu, iñ yámaakee Lua yádàa guu, <sup>6</sup> iñ Lua yá dò ázia kúa dò guu, iñ ázia kúa dò mena guu, iñ mena vî naa Luawa guu, <sup>7</sup> iñ naa Luawa kôgbéké guu, iñ gbéké vî ní kôo ní yeakjio. <sup>8</sup> Asa tó á yá bee kúa mé aale kâflé, áo ku pà wá Dii Yesu Kilisi dàa kâflaé saio. <sup>9</sup> Gbé pó yá bee kúa sso, à a wé kúaa à gò vîla üe. Ké Lua duuna pó a kè yáao këwà, à sàaàgue. <sup>10</sup> Ayämëto ma gbé, à áiaké à gbákpa sisia pó Lua á sisi à á séwa. Tó ále yá bee ke, á fu bauo. <sup>11</sup> Beewa wa gbákpaázi maamaa, iñ kú ní wá Dii wá Suabana Yesu Kilisio aà kpala pó lí láao guu.

<sup>12</sup> Ayämëto baa ké á yá bee dò, mé á zedøa siana pó á kúa guu, máo yápi døágue. <sup>13</sup> Goo pó má kú ma so guu, málé e a maa mào tékpaágu yápi døágú guue. <sup>14</sup> Má dò ké ma bøa ma

sou ḡo a ka tia, lá wá Dii Yesu Kilisi d̄aa òmeewa. <sup>15</sup> Má ãiakε, k̄é yápī e ào d̄águ ḡopii ma gaa gbeae.

### *Sianakpaa anabi yáwa*

<sup>16</sup> Ké wa wá Dii Yesu Kilisi moa n̄ gbāao ðé, i ke wá té fi p̄o wa dà n̄ k̄nchiozi no. Wa wes̄i aà z̄oeklees, <sup>17</sup> ḡo p̄o Mae Lua aà kpelà à aà t̄obò. A Z̄ode Gawide l̄o mà à mè a Né mèndona yenziden aà ū, aà yá i kaagu. <sup>18</sup> Wa l̄o p̄o b̄ò luabepi mà ḡo p̄o wá kuaàno gb̄es̄i p̄o a kua adoa musu.\* <sup>19</sup> Bee yá p̄o ãnabi o sianapiliwàné. A maa à laaid̄ yápiwa filia p̄o lé guduuduu pu ūe e gud̄leia saana ào gé bilei á s̄u, gu i d̄é. <sup>20</sup> Aò d̄o già k̄é gb̄ee lí f̄ yá p̄o ãnabi k̄é láu b̄olekè n̄ azlao. <sup>21</sup> Anabi yæe li b̄o gb̄enazl̄na p̄oé guuo, aa Lua yá'ò lá aà Nis̄ina d̄aanéwaæ.

## 2

### *Waasoken egenaɔ*

<sup>1</sup> Anabi egenaɔ b̄ò yää Isailī guu. Beewa waasoken egenaɔ b̄o á guu l̄, aai ee p̄o i to wà kaale ká Lua yâdanæu, aai lelekpa Dii p̄o n̄ b̄ózi, aai n̄z̄ia kaale kândo. <sup>2</sup> Wa térizi dasi an wisaiyâkea guu, wi siana zé b̄eabo an yái. <sup>3</sup> An bliikea guu aa á ble n̄ ee p̄o aai blewào. Yákpale z̄òlemá à ḡeḡe, i lí na n̄ Kâalena wéuo.

<sup>4</sup> Asa Lua i malaika p̄o duunakèo too, à n̄ ká gbâo sia p̄o kú z̄ilezile guu, ào n̄ kúa e yákpalek̄eḡozile. <sup>5</sup> I d̄únia zi n̄ a yâdansai p̄o kú a guu too, a tò i dańla. Ama à Nœe p̄o i maakea waasoke b̄o n̄ a gb̄é gb̄en sopla.\*\* <sup>6</sup> A yâdà Sodò n̄ Gomocoła,† à n̄ kaale aa ḡò túfu ū yá p̄o a luayâdansai le seela ū. <sup>7</sup> Ama à L̄otu b̄ò. A de gb̄emaa ū, aà n̄s̄e ڻ̄okpà ikoyâdansai p̄o wisaiyâkea yái.‡ <sup>8</sup> Gb̄emaaapi kú n̄ guue, yâvâi p̄o àle ma lá gu l̄e d̄o aà wâwâ aà n̄s̄emaa yái. <sup>9</sup> Mâa Dii gb̄é p̄o naawa b̄o yâa guu d̄o, mé a gb̄vâi kúa d̄o e ào gé ɻadaiwâ yákpalek̄eḡozí. <sup>10</sup> Atësa gb̄é p̄o aāi saka ikoyâu, an mè d̄o'lī i d̄aané gbâsik̄ea guu.

Waasoken egenapiɔá s̄ögbaade kâamaideøne. Dóea n̄ malaika gawideø lí n̄ v̄iaküo. <sup>11</sup> Malaika p̄o an gbâa n̄ n̄ ikoo de waasokenapiølaø aali we n̄ t̄obëesi aa ḡe n̄ n̄ kâalao Dii aeo. <sup>12</sup> Gb̄epī i yá p̄o wa a gbadò b̄eabo. Gb̄enazin bâa mé dańla, aa läasoo vio. Wà n̄ i ké wà n̄ kú wà n̄ de yâie. Aa kaale lán n̄b̄ocoøwa, <sup>13</sup> wi vâi p̄o aa k̄é flaboné. Dóe'liikea fâane i kené yâna ūe. Ḡo p̄o aale blebleáno, aāi p̄onake n̄ n̄ kõnikéanéoe. An kua á guuá sâae mé gbâsîe. <sup>14</sup> An wé iø peø n̄s̄e d̄o'liideøwa, duuna lí mómaø. Aāi kõniké gb̄é p̄o Lua yá i zedø n̄ guuoøne.

\* **1:18** Mat 17.1-5   \* **2:5** Daa 6.1-7.24   † **2:6** Daa 19.24   ‡ **2:7** Daa 19.12-17

Bii n̄ sō pà. Lua lekènēe. <sup>15</sup> Aa sàsā, aa k̄e zé súsuwa, aa zé doū sè n̄ Becc né Balaaū pó ye obēcio. <sup>16</sup> Zàa'ina a pólēbū'ia à yā'òe lán gbēnazinawa, à aà gbà laai aà vāikea musu, à ḡlē n̄ aà m̄saiyākeao. <sup>§</sup> <sup>17</sup> Gbē beeō de lán nibona pó a í bāwae, lán lousisia pó ḡezea n̄ iānaowa. Gusia n̄inii ɔ̄ Lua dīlené yāae ū. <sup>18</sup> Aa'i īan giī zōo dā, aa'i kōnikē gbē pó aa bò sásāzeu dafuone n̄ dōe'lio n̄ wisaiyāo. <sup>19</sup> Yá pó i n̄ ɔ̄kpa zōon n̄ ū, ɔ̄ aa'i gōa wēeō ū legbēnē. Asa gbēpii de yá pó a sō blè zo ūe.

<sup>20</sup> Tó aa bò dūnia gbāsikēau wá Dii wá Suabana Yesu Kilisi dōa sabai, mé aa tò yápi èa yēelémá à n̄ sō blè, an kua gbēzā vāi ū de a káaua. <sup>21</sup> Tó aai zé súsu dō yāao, bee maaññō de kē aa dō aa gbāsa bò Lua yá pó wa dāné kpela. <sup>22</sup> Yāasi pó wa kēe beeō siāna sùmá: Gbē i ea pó pó a p̄isi ble.\* Beewa l̄: Sàwakusana pó wá a zu'ò i ea māle p̄èleau.

### 3

#### Dii mózì

<sup>1</sup> Ma gbē yenzideō, lá plaade pó má k̄éen ke. Ampii guu ma yá dōágū, kē à vu iu n̄ làasoo maaoe. <sup>2</sup> Má ye yá pó Lua ãnabiō ò yāao dōágū n̄ yá pó Dii wá Suabana dīle a zīnaonee aa dōeo. <sup>3</sup> Aò dō za káau kē gōgbēzāzī zlapœäkeenao mō á ke pōopō\* <sup>4</sup> aa me: I a mōa legbēo lé? A ku má ni? Wá maeo gāga, kási p̄pii kú a gbeu lá Lua dūnia kàlewae. <sup>5</sup> Ké Lua yā'ò yāa, à musu n̄ dūniao kē, aa yápi kpà swāae. A tōole bò íu, a ku ípi sabai,† <sup>6</sup> ípi mé dà dūnia káaua à kàale.‡ <sup>7</sup> Lua yā'oa doūpi mé tò musu n̄ dūnia tiae beeo dilea té pó ū e gōo pó a yākpaleke n̄ a yādansai, i n̄ kaale. <sup>§</sup>

<sup>8</sup> Ma gbē yenzideō, ásu to yāe bee sāágwo: Gōo do de Dii e lán wē òaa sōowae, mé wē òaa sōo deè lán gōo dowā.\* <sup>9</sup> Dii zīgbia n̄ yá pó à a legbē keao lá gbēeō lé ewao, àlē menakeánō. A ye gbēe kaaleo, a ye gbēpii n̄sēlilee. <sup>10</sup> Dii mózì aō de lán kpái mōawae.† Zibeezī musu a gēzea b̄oo, a pōo tékū aa pia, tōole n̄ pō pō kuwàō aō ku l̄o. <sup>11</sup> Lá p̄pii a kaale māa, à tó á kua àō ku kua ū. A tó á kua àō adoa luayāmanao ū <sup>12</sup> wedōa aà mōgōoi, í wetā gōopi ka kpakpa. Gōopi zí musu a kaale n̄ téo, a pusu i a pōo yó. <sup>13</sup> Ama Lua tōole dafu n̄ luabē dafuo‡ legbē, ɔ̄ wá wē doi. We maakea aō kuu.

<sup>14</sup> Ayāmeto ma gbē yenzideō, wedōa gōopizi guu à áiakē àō ku sāasai gbāsīsai, iō na n̄ Luao. <sup>15</sup> A wá Dii menakea dile suabaa

§ 2:16 Nao 22.4-35 \* 2:22 Yaa 26.11 \* 3:3 Yud 18 † 3:5 Daa 1.6-9 ‡ 3:6 Daa 7.11 § 3:7 Isa 66.15-16 \* 3:8 Sou 90.4 † 3:10 Mat 24.43, 1Tes 5.2, Zia 16.15 ‡ 3:13 Isa 65.17, 66.22, Zia 21.1

ñ, lá wá gbé yenzide Pɔlu lakèé n̄ ɔnɔ pó Lua aà gbàowa. <sup>16</sup> Yápiɔ  
ɔ Pɔlu i o lá pó a kèo guu píi. Aà lápi gueɔ maa zì'ü. Wésiadeɔ  
ní gbé pó an zea gbääoɔ aañ yápiɔ kole, lá aañ ke n̄ Luayātaala  
kiniɔwae lɔ. Màa aañ ñzìa da kaaleu.

<sup>17</sup> Apiɔ sɔ ma gbé yenzideɔ, lá á yápi dɔ kò, à laaika ké  
ikoyādansaiɔ su á sásã n̄ n̄ eeoo. Asu bɔ á zea gbääau à léléo.  
<sup>18</sup> Aɔ gbä wá Dii wá Suabana Yesu Kilisi gbëke n̄ aà dɔao guu.  
Omè gawi vĩ tia e gɔɔpii! Ami.

## ZAA LA SÉIA

# Yá pó kú láe bee guu

Láe bee guu Zaa lé tékpa Yesudeegu aa naa Yesu Kilisiwa slana, aai yáke a zéwa wà yekɔzi n̄ Lua gbāao. A òné l̄ aa gi yādane b̄ee pó i kpáné wà Lua yá kūa súsui.

Lápi daalekli (1.1-4) Zaa nà yá pó ále yáwae: Sema Yesudeo aao kɔgbē ū n̄ Mae Luao n̄ aà Né Yesu Kilisio. A gbèamá aa ze n̄ Lua z̄lna pó aa wèsí Yesu Kilisile mé aa swādò aà yādanei seeladekeo, aai ku gupua guu, asa Luaá gupuae. Bee yáí, sema aao yekɔzi (1.5-2.17). Bee gbea à lekà Kilisi ibeeg m̄a yáwa, ee de pó aa i me Yesuá Kilisi no (2.18-29). Bee gbea à yá pó i to wà Lua né siande dō ò: Yázedekeea, yeakɔi, Yesu Kilisi náaikeea (3.1-24). A yá pó i to wà slana dōkɔe n̄ eeo ò (4.1-6), ɔ à èa sù yeakɔzi yáwa. Dēa Lua gbé ūá yeakɔi yáe, asa Lua l̄o yeñzie (4.1-21). Lápi láakii à luanaaikeea pó i n̄ ká zibileawa ya'ò (5.1-21).

Lápi i dēa Yesude siande ū yá boolekewéé. I Yesudeo gba lásasoo maa ké aa e b̄o yādanee ee de pó i n̄ sō bleo guu, aai Yesu Kilisi náaike n̄ yeakɔzio.

### Yá wénide

<sup>1</sup> Gbé pó kú za asinizi\* wa aà yāmà, wa aà è n̄ wéo, wa aà gwà, wa okawà, Yá wénidepi bao wálé kpáé. <sup>2</sup> Wénidepi b̄ò gupuaau, wa aà è, aà seeladeon wá ū. Wénidepi ku yāa Mae Luakíie, ɔ à bòwá.<sup>†</sup> Àa bao wálé kpáé. <sup>3</sup> Yá pó wá mà wá è ɔ wálé oé, ké ápiò álé e ào doúwanø, asa wá lé doú n̄ Mae Luaoe n̄ aà Né Yesu Kilisipio.<sup>‡</sup> <sup>4</sup> Wálé yáe bee oé ké wá pona e peewáe.

### Luaá gupuae

<sup>5</sup> Bao pó wá màwà wálé kpáén ke: Luaá gupuae, gusia ku aà kíio, baa yɔo. <sup>6</sup> Tó wa mè wá lé doúanø mé wá kú gusiau, ee wálé tó, wálé ziké slanawao. <sup>7</sup> Tó wá kú gupuaau lá Lua ku gupuaauwa sō, ɔ wá lé aó doú, aà Né Yesu au i wá duuna pii wolowá.

<sup>8</sup> Tó wa mè wá duuna vio, wálé wázia sásāe, wá slana vio. <sup>9</sup> Tó wa wá duuna ò Luaé, Lua dee náai vî, i yáke a zéwa, a wá duunapiò kewá, a yávái wolowá pii.<sup>§</sup> <sup>10</sup> Tó wa mè wi duunakeo, wa Lua dílē ee de ūe, wá aà yá kúao.

\* 1:1 Zaa 1.1    † 1:2 Zaa 1.14    ‡ 1:3 Zaa 17.3    § 1:9 Sou 32.5

## 2

<sup>1</sup> Ma néo, málε yá bee oé, kέ ásu duunakεo yáiε. Ama tó á gbēe duunakε, wá Zennode ví Mae Lua kíi tāesaide Yesu Kilisi ū. <sup>2</sup> Omε wá duuna awakpabó ū.\* I ke wá duuna ado no, dúnia búu gbéo póε.

<sup>3</sup> Tó wá yá pó a díleó kúa, beewa wá dō siana kέ wá aà dō. <sup>4</sup> Tó gbé mè á aà dō, mé a yá pó a díleó kúa, eedee, ade siana vío. <sup>5</sup> Gbé pó aà yá kúa sō, aà yea Luazi papaa sianaε. Pó pó a to wá dō kέ wá naawàn ke: <sup>6</sup> Gbé pó mè á naawà, sema ade kua ào de lá Kilisi ku yääawa.

### *Yá dafu dilea*

<sup>7</sup> Ma gbé yenzideo, i ke yá dafu ma a lákéeo, yäzi pó wa díleé za káauε.† Yäzipi mé Lua yá pó á mà ū. <sup>8</sup> N beeo yá pó málε a lákéé dafu lε, wí a siana e aàpi ní ápiowá, asa gusia lé gε, ñ gupua siande‡ lé bii sa.

<sup>9</sup> Gbé pó mè á kú gupuau, mé a za a gbédeegu, ade ku gusiaue e tia. <sup>10</sup> Gbé pó ye a gbédeezi ku gupuau, aà yæ lí tó gbēe suo. <sup>11</sup> Gbé pó za a gbédeegu ku gusiaue, a be gusiau, a dō gu pó ále géuo, kέ gusiapi aà vñlakù yái.

<sup>12</sup> Ma néo, má lález bee këé  
kέ á duuna këwá aà tó yá musu yái.

<sup>13</sup> Maeo, ma lález bee këé  
kέ á gbé pó kú za asiniziipi§ dō.

Èwaasoo, ma lález bee këé  
kέ a ziblè Setäuwa.

<sup>14</sup> Ma néo, ma lález bee këé  
kέ á Mae Lua dō.  
Maeo, ma lález bee këé  
kέ á gbé pó kú za asinizi dō.  
Èwaasoo, ma lález bee këé  
kέ á gbāa mé á Lua yá kúa,  
ñ a ziblè Setäuwa.

<sup>15</sup> Asu ào ye dúniazio, ge pó pó kú a guu. Tó gbé ye dúniazzi, a ye Mae Luazio. <sup>16</sup> Asa yá pó kú dúnia guu píi, dóε'li ní wetonlaao ní àizee ìandāao, i bø Mae Lua kíio, à bò dúnia kíie. <sup>17</sup> Dúnia lé gε ní a pó pó wí a nideo, ãma luapœäkëna aó ku gçopiiε.

### *Kilisi ibee*

---

\* 2:2 Lom 3.25 † 2:7 Zaa 13.34 ‡ 2:8 Zaa 1.9 § 2:13 1Zaa 1.1

<sup>18</sup> Ma néo, gōo gbēzā wá kuwà. Lá á mà Kilisi ibeeé lé mó, aà ibeeé dasikù sa. Beewa wá dō kék wá kú gōo gbēzāwa. <sup>19</sup> Gbēpióá wá gbēo no, a yái aa bòle wá guu. Tó wá gbēone yää dō aa kúwano. Aa kék wá kék wá e dō an gbēe de wá gbé ūo yái.

<sup>20</sup> Apio sō, Lua Nisina díé, õ a siána dō ápii. <sup>21</sup> Ma láe bee kéké, kék a siána dō yái, i ke á dōo no. A dō kék ee lí bo siána guuo. <sup>22</sup> Démé de ee de ūi? Gbé pō gí Yesu Mesiikeie. Gbé beeá Kilisi ibeeé, à gí Mae Luazi ná aà Néo. <sup>23</sup> Gbé pō gí Lua Nézi gí Mae Luazi ló. Gbé pō zé ní Lua Néo zé ní Mae Luao ló.\*

<sup>24</sup> Aó yá pó á mà za káau kúa. Tó á yá pó á mà za káaupi kúa, aó naa Lua Néwa ní aà Maeo. <sup>25</sup> Pó pó Kilisi a legbèwéé mé wéni láasai ū.

<sup>26</sup> Ma láe bee kéké gbé pó aale á sásão yá musue. <sup>27</sup> Apio sō, Nisina pó á è Kilisiwa kú á guu. A báa kú ní gbēe yádadaaéoo, asa aà Nisina lé yápii dadaé, mé a siána ví, ee ku aà guuo. Lá alé dadaé, aó naa Kilisiwa màa.

<sup>28</sup> Tiasa ma néo, aó naawà aó gé, kék gōo pó à mó, wá sō i diléa. Wá gée a gō kpá wá wéi aà mógo. <sup>29</sup> Lá á dō a maa, aó dō kék yámaakena pííá aà née.

### 3

#### *Lua néo*

<sup>1</sup> A gwa lá Mae Lua yewázi zō, kék i wá sísi a néo,\* mé wá a ū sō! Dúnia wá dōo, kék i aà dōo yái. <sup>2</sup> Ma gbé yenzide, Lua néon wá ū tia, mé lá wáo de i bo gupuau yääo. Wá dō kék gōo pó à mó, wáo de laaáwa, asa wá wesiaálé, wí aà e lá a de. <sup>3</sup> Gbé pó a wé dōaázi màa, aó ku gbásísai lá Kilisi ku gbásísaiwa.

<sup>4</sup> Gbé pó duunaké bò Lua yá kpée, asa duunaá bøa Lua ikoyá kpée. <sup>5</sup> A dō kék Kilisi mó duunawoloa yái, mé a duuna vño.†

<sup>6</sup> Gbé pó naawà lí te duunawao. Duunkenae i aà eo, a aà dōo.

<sup>7</sup> Ma néo, ásu to gbēe á sásão, yámaakena mé maa lá Kilisi maawa. <sup>8</sup> Gbé pó i duunakéá Ibiisi gbé, asa Ibiisi duunaké za asinizié. Ibiisi yáo mideá yái Lua Né mó. <sup>9</sup> Gbé pó Lua aà i lí te duunawao, asa Lua kekeá kú aà guue. A fó lí te duunawao, kék Lua aà i yái. <sup>10</sup> Lá wá Lua néo dōkōe ní Ibiisi néon ke: Gbé pó lí yámaakeo ge gbé pó ye a gbédeezio, adeá Lua né no.

#### *Yeakši*

<sup>11</sup> Yá pó á mà za káaun ke: Wáo yekši.‡ <sup>12</sup> Asu aó de lán Kainuwao. A de Setäu pó ūe, õ a a dáuna dè.§ Bóyái a aà dèii? Kék aà yákcia vái mé aà dáuna pó maa yái. <sup>13</sup> Ma gbéo, tó dúnia

\* 2:23 Zaa 5.23, 15.23

\* 3:1 Zaa 1.12

† 3:5 2Kln 5.21

‡ 3:11 Zaa 13.34

§ 3:12 Daa 4.8

zaágú,\* ásu to à bɔ́ á saeo. <sup>14</sup> Wá dɔ́ wa bɔ́ gau wa gẽ wẽni guu,† ké wá ye wá Yesude deeɔzi yái. Gbé pó ye gbéio, adeá geee e tia. <sup>15</sup> Gbé pó za a gbédeeguá gbédenae. A dɔ́ ké gbédenae lío wẽni láasai vño.

<sup>16</sup> Yáe bee mé a to wà dɔ́ lá yeakɔi de. Kilisi azia kpà wá yái. Wápiɔ sɔ́, sema wà wázia kpá wá Yesude deeɔ yái màa. <sup>17</sup> Tó gbé de pɔde ū, mé a è a gbédee lé wẽnake, tó i wẽnadɔèo, a ye gbéi lá Lua yeiwae? <sup>18</sup> Ma néɔ, wásu wào yekɔi ní léðo. Wào yekɔi siiana ní yákeao. <sup>19</sup> Beewa wá dɔ́ ké siiana gbéon wá ū, màa wá sɔ́ aø daa doú Lua ae. <sup>20</sup> Tó yäe sù lé wá sɔ́ vñi sɔ́, wá dɔ́ ké Lua zɔ́o de wá làasooa, a yápii dɔ́.

<sup>21</sup> Ma gbé yenzide, tó wá làasoo lé wá dayāuo, wá sɔ́ aø dilea Lua ae, <sup>22</sup> wí pó pó wá gbéawà e, ké wá yá pó a dileɔ kúa mé wi yá pó i kaaágú ke yái. <sup>23</sup> Yá pó a dilewẽen ke: Wà aà Né Yesu Kilisi náaike,‡ wí yekɔi lá a dilewẽewa. § <sup>24</sup> Gbé pó yá pó a dileɔ kúa naawà, mé Luapi ku ade guu. Wá dɔ́ ké a kú wá guu aà Nisina pó a kpàwá yái.

## 4

### Nisina dɔ́akɔ́e

<sup>1</sup> Ma gbé yenzide, ásu gbé pó aa mè wa Lua Nisina vñi yá sí mípio. A ní tàasika à gwa tó nisina pó aa vñi bò Lua kíie, asa ãnabi egenao dasikù dúniau. <sup>2</sup> Yá pó a to à fɔ́ dɔ́ tó Lua Nisina aa vñi ke: Gbé pó mè Yesu Kilisi mò gbénazína ū, nisina pó a vñi bò Lua kíie. <sup>3</sup> Gbé pó Yesu dɔ́ màao, nisina pó a vñi i bò Lua kíie. Kilisi ibee pó á mà ále móñ we. A ku dúnia guu kò.

<sup>4</sup> Ma néɔ, Lua gbéon á ū, a ziblè ãnabi egenapiwa, asa Lua Nisina pó kú á guu zɔ́o de nisina pó kú dúnia guula. <sup>5</sup> Dúnia gbéon ní ū. Bee yái aañ dúnia yá'o, ñ dúnia gbéo i ní yáma. <sup>6</sup> Lua gbéon wá ū. Gbé pó Lua dɔ́ i wá yáma, gbé pó de Lua pó ūo lí wá yámao. Beewa ñ wá Nisín siande dɔ́kɔé ní nisín egenao.

### Lua iɔ́yerízi

<sup>7</sup> Ma gbé yenzide, wào yekɔi, asa yeakɔi i bò Lua kíie. Gbé pó iɔ́ ye gbéi mé Lua né ū, a Lua dɔ́. <sup>8</sup> Gbé pó lío ye gbéio Lua dɔ́o, asa Lua iɔ́ yerízie. <sup>9</sup> Lá Lua yeawázi bò gupuaun ke: A a Né mèndona zì dúnia guu,\* ké wà wẽni e ní aà gbääoe. <sup>10</sup> Aà yeawázipin ke: I ke wámé wá ye Luazio, Lua mé yewázi, ñ à a Né zì wá duuna awakpabó ū. <sup>11</sup> Ma gbé yenzide, lá Lua yeawázi màa, sema wào yekɔi sɔ́. <sup>12</sup> Gbëe i wesi Luale yáao,†

---

\* 3:13 Zaa 15.18    † 3:14 Zaa 5.24    ‡ 3:23 Zaa 6.29    § 3:23 Zaa 13.34    \* 4:9  
Zaa 3.16    † 4:12 Zaa 1.18

āma tó wá yekōi, Lua kú wá guu, mé aà yeawázipi papaa wá guu.

<sup>13</sup> Wá dō ké wá naawà mé a kú wá guu, ké à a Nisīna kpàwá yái. <sup>14</sup> Wá è, a seeladeon wá ū, Mae Lua a Né zì dúnia Suabana ūe.‡ <sup>15</sup> Gbē pó ò Yesuá Lua Néé, Lua ku aà guu, mé ade ku Lua guu. <sup>16</sup> Wá dō ké Lua yewázi mé wá a náai vî.

Lua ló yewázi. Gbē pó ló ye gbéi naa Luawa, mé Lua naawà. <sup>17</sup> Lá Lua yeawázi p̄eeuwán ke: Wá sō aò dilea yákpalékegoozíe. Asa lá Kilisi d̄e, wápi sō, màa wá d̄e dúniae bee guu. <sup>18</sup> Gbē lí v̄laké gbē pó yeazieo. Tó Lua yewázi wásawasa, wá v̄laké aà yá musuo, asa wí v̄laké gbē pó wàle e a iadamáe. Viade lí dō Lua yewázi wásawasao.

<sup>19</sup> Wápi, wīo ye gbéi, ké Lua d̄aa yewázi yái. § <sup>20</sup> Tó gbē mè á ye Luazi, mé a za a gbédeegu, eedee. Asa gbē pó ye a gbédee pó i ezio, a f̄ò aò ye Lua pó i eozio. <sup>21</sup> Yá pó a d̄ilewēen ke: Gbē pó ye Luazi, sema aào ye a gbédeezi sō.\*

## 5

### *Lua Né náaikēa*

<sup>1</sup> Gbē pó Yesu náai vî Mesii ū, Lua mé ade i. Gbē pó ye dei ye néie l̄. <sup>2</sup> Tó wá ye Luazi mé wá yá pó a d̄ileo kūa, beewa wá dō ké wá ye Lua néozi. <sup>3</sup> Asa yea Luazi mé yá pó a d̄ileo kūa ū.\* Yá pó a d̄ilepi zì'ū sō,† <sup>4</sup> asa gbē pó Lua aà i i zible dúniaowa. Wá luanaaikēa mé i to wà zible dúniaowa. <sup>5</sup> Démē i zible dúniaawai? Gbē pó sī Yesuá Lua Néé bâasio.

<sup>6</sup> Yesu Kilisipi mé gbē pó mò à da'ilékè, aà au bòle ū. I kē da'ilée adoo, à da'ilékè, aà au bòle l̄. Lua Nisīna mé aà seelade ū, asa ɔmē siandé ū. <sup>7</sup> Seelaç ku àaëc: <sup>8</sup> Lua Nisīna n̄ ipio n̄ aupio, mé an àaë píi an yá doüe. <sup>9</sup> Lá wi gbēnazina seeladekē sí, Lua seeladekē d̄e beea, asa Lua yápi ò a Né yá musue. <sup>10</sup> Gbē pó Lua Né náai vî seelapi vî a sō guu. Gbē pó i Lua yá sio, ade Luapi d̄ile eedee ūe, asa i yá pó Lua ò a Né musu sio. <sup>11</sup> Yá pó a òn ke: Lua wá gbá wēni láasai, mé wēnipi ku aà Né kíie. <sup>12</sup> Gbē pó Lua Né vî wēni láasai vî. Gbē pó Népi vîo wēnipi vîo.‡

<sup>13</sup> Ma yá beeò dé, á gbē pó álé Lua Né náaikēo, ké aò dō á wēni láasai vî. <sup>14</sup> Lá wá sō l̄ dilea Lua aen ke: Tó wa pó wabikèwà lá a yeiwa, i wá yâmae. <sup>15</sup> Lá wá dō i wá wabikea ma, wá dō ké wa pó pó wa a wabikèwà è kò.

<sup>16</sup> Tó gbē a gbédee è, àlé duuna pó lí n̄ kaaleo ke, aà wabikee, Lua i aà gba wēni. Duuna pó lí n̄ kaaleo má ò. Duuna pó i n̄

‡ 4:14 Zaa 3.17

§ 4:19 Lom 5.8

\* 4:21 Mat 22.37-39

\* 5:3 Zaa 14.15

† 5:3 Mat 11.30

‡ 5:12 Zaa 3.36

kaale kú, i kε bee má ò aà a wabikeo. <sup>17</sup> Yāvāikεa píia duunaε, āma duuna pó lí ní kaalεo ku.

<sup>18</sup> Wá dɔ́ kέ gbé pó Lua aà i lío te duunawao, asa Lua Né i aà dɔ́a, Setāu lí fɔ́ ɔkàwào. <sup>19</sup> Wá dɔ́ Lua gbéon wá ū, mé dúnia búu kú Setāu ɔzíε. <sup>20</sup> Wá dɔ́ kέ Lua Né mò, õ à wá wé kɛ́, kέ wà e Slande dɔ́. Wá kú Slandepi guu ní aà Né Yesu Kilisio. ɔmε Lua slandepi ū. ɔmε wēni láasai ū.

<sup>21</sup> Ma néo, à laaika dii egεnaɔzi.

## ZĀA LA PLAADE Yá pó kú láe bee guu

Lápi kēnaá gbēzōe, ñme Lua zīna Zāa ū. A ò Yesudeonē aañ ku siana guu ní yeakōio (1-6). A lezāmá gbēsāsānaç yá musu, ñ à a moa ní gwai baokpānē à fōkpāmá (12-13). Apii guu a gbēamá aa laaika aa ze gbāa ní Lua zé siande guu.

### Siana ní yeakōio

<sup>1-2</sup> Ma gbēzō, máme ma láe bee kè gāli pó Lua dīle gbēonē. Má yeázi siana guu, siana pó kú wá vī mé wāo kuò goopii yái. Mámē má adoo, ní gbē pó aa sianapi dōo píie. <sup>3</sup> Mae Lua ní a Né Yesu Kilisio gbēkekeé ní sùuuo ní aafiao siana ní yeakōio guu.

<sup>4</sup> Ké má è á gbēe ku siana guu lá Mae Lua dīlewēewa, ma po kēna maamaa. <sup>5</sup> Tiasa ma gbē, málē wabikewáe. I ke yá dafu málē oeo, yá pó wá vī za káauwe. Wào yekōi.\* <sup>6</sup> Yeakōin ke: Wào yá pó Lua dīleø kūa. Yá pó Lua dīlepi mé de wào yekōi lá á mà za káauwa.

<sup>7</sup> Gbēsāsāna dasiø lígua dúnia guu, aañ me Yesu Kilisi i mo gbēnazína ūo. Gbē bee taaá gbēsāsānae, Kilisi ibeee. <sup>8</sup> A laaika, ásu to zí pó wá kè ke pāo. A to à ài'e a lé gbeu. <sup>9</sup> Gbē pó vī Kilisi yādane léa Lua dōo. Gbē pó zè ní yápio Mae Lua vī ní aà Néo an pii. <sup>10</sup> Tó gbē mò yādadaié mé a yá bee kūao, ásu à aà dileo. Ásu gbāakpaaàzi seo. <sup>11</sup> Asa gbē pó gbāakpaaàzi lé kú aà vāikeaç guue.

<sup>12</sup> Má yāvī dasi mà oé, áma má ye mà kēé láuo. Ma wé doi mà mo á gwaië, wí bō kō léu,† kē wá pōna e ke zài. <sup>13</sup> Gāli pó Lua dīle la gbē fōkpāwá.

\* 1:5 Zāa 13.34 † 1:12 3Zāa 13-14

## ZAA LA AAJDE Yá pó kú láε bee guuɔ

Gbẽzɔɔ pó Zaa lá plaade kè mé láε bee kè Gaiuee. Gaiu i zikε Luaε, i nibɔɔ yàaekε, asa à zè ní sianao. Diotefi sɔ̄ dənlaweeleena pó ḡl sianaiε. A bò Zaa kpε, i aà gbéɔ dilεo. A Yesude pâle pó w̄i m̄e Demetiu maabò (12), ɔ̄ à a moa wékpaleiñzi yá'ò à fɔkpàmá (13-15). Wá è lápi guu gbãakpaa Yesudeɔziá yeakɔzi yáε, m̄e zea ní sianao yáε.

### *Lua zikεnaɔ dilea*

<sup>1</sup> Ma gbézɔɔ, máme ma láε bee kè ma gbé yenzide Gaiusie.\* Má yensi ní sianao. <sup>2</sup> Ma gbé yenzide, miɔ̄ wabikene kέ nyɔ̄ aafia, yápii i bɔ̄ne maa, lá n bɔ̄ maawa. <sup>3</sup> Ké wá gbéɔ mò, aa ðmee lá n siana kúa mé ní kú a guu, ɔ̄ ma pɔ̄ kēna maamaa. <sup>4</sup> Tó má mà ma néɔ̄ kú ní sianao, pɔ̄nae demee beelao.

<sup>5</sup> Ma gbé yenzide, ní náai v̄i zì pó ni ke wá gbéɔne guu, atësa nibɔɔ. <sup>6</sup> Aa n yeawázi yá'ò wá gálidene. Kùsüa kené, lá a maa wà ke Lua zì guuwa. <sup>7</sup> Asa aa dàzeu ní Kilisi tóo, m̄e aa daa luayādansaiɔ̄ gáu. <sup>8</sup> Sema wà gbé bee taaɔ yàaekε, wí de an zikendeeɔ ũ siana baokpaa guu.

<sup>9</sup> Ma taalanae kè n gálidene, áma Diotefi dənlaweeleena ye wá yáio. <sup>10</sup> Bee yái tó ma mo, má bɔ̄aànɔ̄ ní yá pó i keo ní yávai pó i dɔ̄wá. Bee lí ká aà bakanswáua ūo, ili wá gbéɔ dilεo, baa se i gi gbé pó ye ní dilene, i kääakekli zɔ̄nε.

<sup>11</sup> Ma gbé yenzide, nísu yávai dadao, sema yámaa. Gbé pó i yámaake m̄e Lua pó ū, gbé pó i yávaike Lua dɔ̄o. <sup>12</sup> Gbépi i Demetiu tɔ̄nasi. Baa siana i aà sáaukpa. Wápiɔ wi aà sáaukpa sɔ̄, m̄e ní dɔ̄ ké wá seeladekε náai v̄i. <sup>13</sup> Má yávai dasi mà onε, áma má ye mà kēne láuo. <sup>14</sup> Ma wé doi wà wesikɔ̄lε tia, wí yábo kɔ̄ léu.† <sup>15</sup> Lua n to aafia. N gbénac fɔkpàma. Fɔkpàma wá gbénacwa dodo.

\* 1:1 Lom 16.23 † 1:14 2Zaa 12

## YUDA

# Yá pó kú láe bee guuɔ

Yuda lá ní Piee lá plaadeo (lēe 2) aa waasoken egenaɔ yā'ò ní yāvāi pó aaɔ̄i kūaɔe. Lán Zaakiwa Yudaá Yesu dāunaæ lɔ.

Yuda zoadò waasoken egenaɔ pó an yá gè Yesudeɔ guuɔwa pāsīpāsī, à go pó a ní gbē yā'ò (3-16). A ò Yesudeone aa ze gbāa Yesu nāaikēa guu (17-23). A lápi mīde ní Lua tɔbɔao.

Lápi yá pó ee ſ'iné yá bɔolekè, mé à aizāna pó wá wé doi naa Lua ní Yesu Kilisiowa guu yā'ò lɔ (20-21).

### *Waasoken egenaɔ*

<sup>1</sup> Mámëmaa Yuda, Yesu Kilisi zòblena, Zaaki dāuna.\* Mámë ma láe bee kè Mae Lua yenzide pó à ní sisi a ní kūa naa Yesu Kilisiwa guuɔne. <sup>2</sup> Lua sìuu ní aafiao ní a yeaázio nɔnɔaaé.

<sup>3</sup> Ma gbē yenzideɔ, má ye mà lákéé yää wápii suabaa yá musu, ɔ má è à kù teasic mà kéké mà ledaowá à gí ní áziao Yesu yá pó Lua nàé à ɔzì gēn do e gɔɔpii musu. <sup>4</sup> Asa luayādansaiɔ gè wá guu kpái,† aāi wá Lua gbēkè e ní wisaiyākea zé ūε, aāi lelekpa wá Dii mèndona Yesu Kilisizi. Ia pó Lua a damá kú àa yá taala guu à gègè.

<sup>5</sup> Ké Dii Isailiɔ bòlè Egipi,‡ a gbea à gbē pó aai a náaikēo dède.§ Má ye mà yápi dɔágu, baa ké à dɔ kò. <sup>6</sup> Malaika pó aai ze ní ní luakpamaao aa pākpà ní kúklizìɔ sɔ, Lua ní ká gusiau yeyea ní mōdaonao ào dɔmá gɔɔpii e yákpalekegɔɔ zɔɔ zí. <sup>7</sup> Sɔdɔú ní Gɔmɔɔ ní wéle pó liaaníziɔ gbēɔ yá bee taa kè sɔ, aa nízia kpà gbāsī dòɔsai kewa.\* An kaalea de iadama ní té gasaio seela ūε. <sup>8</sup> Luayādansai nana'onapiɔ lé ke māa sɔε. Aāi nízia da gbāsikēau, aāi gi ikoyāi, aāi malaika gawideɔ sɔsɔ. <sup>9</sup> Baa malaikaɔ kíia Miseli, gɔɔ pó àlè lekpaake ní Ibiisio Mɔizi ge yá musu, i we à aā sɔsɔ à yādāaàlao, āma a òè a kɔ le ní Diio.† <sup>10</sup> Gbēpiɔ sɔ aāi yá pó wa a gbadɔ bɛ̄ebøe. Ḍnɔ pó wà ní ìò ɔ aa vñ lán nɔbɔwa làasoosai, ɔ i gēníɔ kaaleu. <sup>11</sup> Waiyoo ampiɔ, aa Kainu‡ zé sè. Aa sì Balaaū§ sásāau ɔa yái. Aa bò Lua kpè lán Kolewa,\* aa ɔɔkpà laaàwa. <sup>12</sup> Aa de sāa ū à gbēkè vñla ní kōo blebleaɔ guu. Aāi pɔbleáno, wí lí ní kūo. An nòse yá aāi gɔ̄gɔ. Aa de lán lousisia pó i gë ní Íanao masaiwae. Aa gà gēn pla lán lí ne'isai pó bileawae. <sup>13</sup> Aa de lán isukaa pāsīwa, aāi fùla vāi

---

\* **1:1** Mat 13.55   † **1:4** Gal 2.4   ‡ **1:5** Bøa 12.51   § **1:5** Nao 14.29-30   \* **1:7**  
Daa 19.1-25   † **1:9** Zkl 3.2   ‡ **1:11** Daa 4.3-8   § **1:11** Nao 22.1-35   \* **1:11**  
Nao 16.1-35

bɔ an wisaiyākeəɔ ū. Aa de lán saambεbεnaɔwa, gusia níinii ū  
Lua dīlēnē àɔ ní yàaekεð gɔɔpii.

<sup>14</sup> Za Adamu léu e à gè pè Ènɔkiwa mae ní néo ku lee soplaε, ū  
Ènɔkipi† dɔaa ní yā'ò à mè, à è Dii lé mó ní a gbéɔ, an dasi lé vio,  
<sup>15</sup> ké aà yákpaleke ní gbépiio, i yāda a yādansai duunkenaɔla  
píi, yá pó aa kè a yādasaike guu yái ní a tó bɛe pó aa s̄lɔ píi.  
<sup>16</sup> Gbépiɔá yākeledeɔne, yāe lí káñguo. An pó niakaa mé i  
dɔaané, aañ ianadā ní yāzɔɔo, aañ lenakasa gbéɔne ài'ea yái.

### Kɔ Zedɔa

<sup>17</sup> Apio sɔ ma gbé yenzideɔ, à to yá pó wá Dii Yesu Kilisi z̄inaɔ  
dɔaa òé dɔágu. <sup>18</sup> Aa òé gɔɔgbεzazí gbé pó an luayādasai pó  
niakaa lé dɔaané aa á ke pɔɔpɔɔe.‡ <sup>19</sup> Gbépiɔ i to gbéɔ kεaaε,  
anzia pɔeā mé i dɔaané, aa Lua Nisina vio. <sup>20</sup> Apio ma gbé  
yenzideɔ, à kɔ zedɔ á lousisize guu, íɔ wabike ní aà Nisina  
gbāao. <sup>21</sup> Aɔ zea Lua yeawázi guu, íɔ wedɔ wá Dii Yesu Kilisizi  
e aà ge wá ká àizānawa a gbéke guu. <sup>22</sup> A wẽnadɔ gbé pó kú  
seaseaɔne. <sup>23</sup> A gbéeeɔ sí téwa à ní suaba. A wẽnadɔ gbépâleɔne  
ní laaio, í za baa an pɔkasa pó gbásikpà an dàakea guuu.

<sup>24-25</sup> Lua mèndona wá Suabana a fɔ à á dɔá ké ásu fuo, i  
á kpán'aeke a gawi guu sāasai ní pɔnao ní wá Dii Yesu Kilisi  
gbāao. Omé gawi ní zɔɔkeo ní gbāao ní ikoo v̄i zadɔ gɔɔ i daaleo ní  
a tiao e gɔɔpii. Ami.

## ZIA YA

# Yá pó kú láe bee guu

Zāa mé Bibeli lá gbezā kè. A yá dasi pó Yesu Kilisi biiwàe bɔɔlekewēe (1.1), yá pó a è gɔɔ pó Lua Nisīna dèdewà (1.10). Gɔɔ pó à lápi kè, a ku Patemo gūgūnaaε. Wàle aà wetā ké àlε Yesu baona kpá yái (1.9), asa gɔɔ bee Lomadeo kía lé iada Yesudeowá. A lápi kè Yesu gāli mèn sopla pó aa ku Azii bùsuumoneε, gu pó wí me tia Tuukii.

Tó Yesudeo ku wetēa guu, kέ Dii mèndona Yesu Kilisi aa zèò yáie. Kua yá'la guu Zāa láe bee kéné kέ wà ze gbāa luanaaikεa guu ní zia yá pó an wé dɔio. Lápi guu Zāa wépungu pó a èɔ yá'ò ní a leεuaø dasi. Gbé pó aa luabaakuañño káau taala dɔɔ fɔ yáleεüapiɔ gbadɔ, ãma dãø ní asii dɔo. Wépungu pó Zāa èɔ yáø dodoa, ãma an yámi doüe. Gbēeo i asiiyäpiɔ bɔɔlekε dodoa, ãma yázinda pó lápi lé o ku wásawasaε: Vái a kigɔɔsoplanable, ãma Lua ní a gbéø zì gbezā ble Yesu Kilisi sabai, asa ɔmε Dii ü ado.

A daalékii Zāa azia yá'ò Yesu Kilisi pó bò gau zìna ū (1.1-8).

Aà waaso sεia guu, à yá pó à wesle a wépungu sεia ea guu sèle siu. A guu Yesu òè aà lákε Yesude gāli mèn sopla pó ku Azii bùsuumone (1.9-3.22).

Bee gbea Zāa sù è á kú musu, we a wépungu è dasi: Luabedeo kúlea Luaε ní Yesu Kilisio (lεe 4-5), lá kooa ní a kán'ɔ mèn soplaø (6.1-8.1), kāae mèn soplaø pea (8.2-11.19), dalagɔɔ ní wài mèn plao (12.1-13.18), sã ní gbé pó à ní bòø, yákpalekegɔɔ pó malaikaø a baokpà (14.1-20), kísia gbezā mèn sopla pó de Lua pɔkúma ū (15.1-16.21), Babeli lélεa, ziblea wàiwa ní ãnabi egenao ní Ibiisio (17.1-20.10), luabe dafu ní tɔole dafuo ní Yelusaleø dafuo (21.1-22.5). Lápi láakii Yesu legbè à mè: Má mó tia (22.6-21).

Gbé pó aale lápi kyokeø fɔ yáø gbadɔ, tó aa wèele yápi wásawasa dɔ yá'la pó a su ní le zia yá musu. Zāa lé vñadada Lua gbézi no, àlε ní gba sɔñadamagɔɔ. Wépungu pó Zāa è lé ɔlɔnε yá pó a yái Yesu Kilisi gà a vùi, àizāna yá pó aa kuò e gɔɔpi.

### *Láe bee bɔkii*

<sup>1</sup>Lua yá pó lé mó kei dà Yesu Kilisi aà biiwà a zɔblenaøne, ɔ à a malaika zì ma Zāa a zɔblenawa, a tò ma yápi dɔ. <sup>2</sup>Lua yá pó Yesu Kilisi de a seelade ɔ má è, ɔ málε o. <sup>3</sup>Gbé pó zia yáε bee kyokè ní gbé pó aa a yāmà aa kūaøá báaadeøne, asa a gɔɔ kaikü.

<sup>4</sup> Ma Zāa māmē ma láe bee kē gāli sopla pó kú Azi bùsuuñe. Lua pó kú za yāa mé a ku tia mé àlē mó ní a Nisīna mèn sopla pó kú a kpalabaa aeo\* <sup>5</sup> ní Yesu Kilisi pó dē seelade náaide ūo aa gbēkekeé, aai á tó aafia. Yesupi mé gābō sēia ū, ᷑mē dūnia kíao gbāade ū.† A yewázi à wá bō wá duunau ní a au gbāao, <sup>6</sup> à wá kpá kpalau Lua a Mae gbàgbanao ū.‡ Omē gawi ní gbāao vī gōcipi! Ami.

<sup>7</sup> Ma, àlē mó luabepuanau.§ Gbépii a wesiaàlē, baa gbé pó aa aà zō, \* dūnia bui píi i nízia gbēgbē aà yá musu. Aà ke màa! Ami.

<sup>8</sup> Dii Lua mè: Mámē má Alafa ní Omēgao ū.† Ma Gbāapiide má kú yāa mé má kú tia mé málē mó.

### *Yesu Kilisi bɔ mɔa Zaawa*

<sup>9</sup> Mámēmaa Zāa á gbēdo, naa Yesuwa guu kōgbēn wá ū wéteá guu, kpalablea guu, menakea guu. Má kú ísia gūgūna pó wí mē Patemō guu luaya'oa ní Yesu seeladek eo yái. <sup>10</sup> Dii gōzī Lua Nisīna dèdeá, ᷑ ma lōo gbāa mà ma kpē lán kàae'owá <sup>11</sup> à mè: Yá pó ní è kē lá guu, ní kpásā gāli sopla pó kú wéleé beeueñe: Efese, Simiina, Peegaū, Tiatii, Saadi, Filadelifi ní Laodisio.

<sup>12</sup> Ma lili mà gbé pó lé yá'omēepi e. Ké ma lili màa, ma vua dau è mèn sopla. <sup>13</sup> Ma gbē è daupiō zānguo lán gbēnazin néwa. A ulatao daa, àlē gále aà gbázī, mé vua asana dō aà kùawa. <sup>14</sup> Aà mikā dē púntaitai lán sákā ge buawa, mé aà wé dē lán tévuawa. <sup>15</sup> Aà gbá lé teke lán mōgotē pó wàlē baasa mua té guuwa. Aà lōo dē lán izōsuka kōfiwa.‡ <sup>16</sup> A saana kūa a oplaa mèn sopla, mé fēnda lena kpēpla§ lé bō aà léu. Aà oa lé teke lán iatē gbāawa.

<sup>17</sup> Ké ma aà è, ma lele aà gbázī, ma gō sáii. Ḷ à oplaa nàa à mè: Nsu to vía n kūo. Mámē má Dōaana ní Gōzānao ū,\* <sup>18</sup> gbé pó ió ku ū. Ma ga, ᷑ má kú kē, mé máo ku e gōcipiie. Má ga ní bedao kilineo kūa. <sup>19</sup> Yá pó ní è kē, yá pó kúo ní yá pó a mo a kpēo píi. <sup>20</sup> Saana mèn sopla pó ní è ma oplaaupiō ní vua dau mèn soplapiō asiin ke: Saana mèn soplapiō gāli mèn soplapiō dōaanañe, mé dau mèn soplapiō gāli mèn soplapiōñe.

## 2

### *Efese*

<sup>1</sup> Ké Efese Yesudeo dōaanae: Ma gbé pó má saana mèn oplaa kūa ma oplaa, má be vua dau mèn oplaa zānguo, mámē ma yāe bee ò. <sup>2</sup> Má n yākeao dō ní zí pó níle keo ní n menakeao. Nili

\* **1:4** Zia 4.5    † **1:5** Isa 55.4, Sou 89.28    ‡ **1:6** Bōa 19.6, 1Pie 2.5    § **1:7** Dan 7.13, Mat 24.30, 1Tes 4.17    \* **1:7** Zkl 12.10, Zāa 19.34    † **1:8** Zia 22.13    ‡ **1:15** Dan 7.9, 13, 10.5-6    § **1:16** Efē 4.12    \* **1:17** Isa 44.6, 48.12

we gbévaiō dīlēo. Gbé pó aañ ízìa dile Lua zìnaç ū mé aa de a ūo, n ñ yɔ́ ñ è eeđeon ñ ū. <sup>3</sup> N mènafì, n taasikè ma yái, ni kpasao. <sup>4</sup> Kási má yāvìnnò. Dafudafukelège ñ kèmeε. <sup>5</sup> To n kua zi zadō ni busao yá dōngu. Nòselile, ní yá pó ni ke yāaç ke. Tó ni ke màao, má mōma, mí n dau se sō. <sup>6</sup> N beeo ñ yāe bee vī, ní za Nikolaiō yākeau lá má zauwa. <sup>7</sup> Gbé pó nòse vī, aà yá pó Lua Nisìna lé o Yesudeonē ma: Má gbé pó zìblè gba zé aà lí wēnide pó kú Lua lu guu be ble.\*

### *Simiina*

<sup>8</sup> Ké Simiina Yesudeo dōaanae: Ma gbé pó má de Dōaana ñ Gōzānao† û, ma ga ma ea vu, māmē ma yāe bee ò. <sup>9</sup> Má wétēa pó wàle mōne dō ñ n taasidekèo. N beeo ḥden n û. Gbé pó aañ mē Yudaon ñ û mé aa de a ūo, an lousisikpe de Setāu pó ūo, má dō lá aañ yādōma. <sup>10</sup> Nsu vīake taasi pó nýɔ́ kεeo. Ma, Ibiisi a á gbēeç ká kpéu à á yɔ́, i wétēamōe gɔ́ kwi. Nyɔ́ náai vī e n ge ñ gaò, mí aizāna kēne yāae û. <sup>11</sup> Gbé pó nòse vī, aà yá pó Lua Nisìna lé o Yesudeonē ma: Ga plaade‡ a īakpa gbé pó zìblèzio.

### *Peeガau*

<sup>12</sup> Ké Peeガau Yesudeo dōaanae: Ma gbé pó má fēnda lēna kpēpla vī, māmē ma yāe bee ò. <sup>13</sup> Má n kúkli dō, gu pó Setāu kpalabaa kuuε. N ma yá kūa, ni lelekpamazio, baa gɔ́ pó wà ma sealade náaide Antipa dè n wéleu, gu pó Setāu kuupi. <sup>14</sup> Kási má yá yɔ́ona vīnnò. N gbéç vī we, aa Balaaü yá kūa. Balaaüpi mē dà Balakiε, à kōnikè Isailionē aa sa'onɔ́ sò aa gbāsikè. <sup>15</sup> Beewa lɔ́ ñ gbéç vī we, aa Nikolaiō yá kūa. <sup>16</sup> A yái tò, nòselile. Tó ni ke màao, má mōma tia, mí zìkannò ñ fēnda pó kú ma léuo. <sup>17</sup> Gbé pó nòse vī, aà yá pó Lua Nisìna lé o Yesudeonē ma. Má gbé pó zìblè gba mana pó uléa,\* mí aà gba gbepua boolona pó wà tó dafu kēwà.† Gbēe aó tópi dō, sema gbé pó má kpàwàpi.

### *Tiatii*

<sup>18</sup> Ké Tiatii Yesudeo dōaanae: Ma Lua Né pó ma wé de lán tévuawa, ma gbá de lán mɔgotéwa, māmē ma yāe bee ò. <sup>19</sup> Má n yākeao dō, n yea gbézì, n luanaaikεa, n zìkεa ñ n mènakεao, mē yá pó nílε ke gbezä de a káaua. <sup>20</sup> Kási má yāvìnnò. N nɔ́e Zezabeli‡ pó azia dīlē ãnabi û gba zé. Alε ma zòblenaç sāsā, àlε dané aa gbāsikε aa sa'onɔ́ sò. <sup>21</sup> Ma aà gba zé aà nòselile, ãma a ye à nòselile à a káaluakaa too. <sup>22</sup> Ma, má kpaaàzi pεwa,

\* 2:7 Daa 2.8-9, Zia 22.2   † 2:8 Zia 1.17   ‡ 2:11 Zia 20.14, 21.8   § 2:14 Nao 22.5-7, 25.1-3   \* 2:17 Baa 16.14-15, 33-34, Zaa 6.48-50   † 2:17 Isa 62.2   ‡ 2:20 1Kia 16.31, 2Kia 9.22

mí tó gbé pó gbásíkèaàñoo wétēa zōo e, tó aai nòselile aa aà yá tò. <sup>23</sup> Má aà ìwac dede ní gagyão, Yesudeo píi i dō kéké mame mi gbéo làasoo ní sōo yoe, mé má flabo á baadee a yākeawa. <sup>§</sup> <sup>24</sup> A Tiatii gbé kini pó á yápi kúao mé á yá pó wí me Setau asii zōo dōo, má aso pâle diéo. <sup>25</sup> A òdidi yá pó á kúawa e mào mó. <sup>26</sup> Gbé pó ziblè mé a yá pó má yei kúa e a léwa, má aà gba zé aà gbäable buiowa. <sup>27</sup> A kiblemá ní mò gopanao, a ní wíwi lá wí gí oo wiwa,\* lá ma Mae ma gba zéwa. <sup>28</sup> Má aà gba gudoleia saana lɔ.† <sup>29</sup> Gbé pó nòse vî, aà yá pó Lua Nisina lé o Yesudeone ma.

### 3

#### *Saadi*

<sup>1</sup> Ké Saadi Yesudeo døaanae: Ma gbé pó má Lua Nisina mèn soplao ní saana mèn soplao kúa, mame ma yáee bee ò. Má n yákeao dō. Kua bée tó mé døma, áma gen n ù. <sup>2</sup> Vu, gbé pó góneo lé n láo e aao gé gai, asa má è n yáee bøleia ma Luæeo. <sup>3</sup> A yái tò yá pó ní mà mé ní sì, to ào døngu, ní kúa, ní nòselile. Tó ni vu, má mooma lán kpáiwa, mé níyoo zaa pó má mówà dō. <sup>\*</sup> <sup>4</sup> Kási ní gbéo vî Saadi we yoo aai ní pøkasa gbásíkpao. Wá bebe sánu ní pø puao, asa aa kà a léi. <sup>5</sup> Maa gbé pó ziblè aø pøkasa pua daa. Má aà tó de àizána taalau bauo.† Má zeaàñoo ma Mae ní a malaikao ae.‡ <sup>6</sup> Gbé pó nòse vî, aà yá pó Lua Nisina lé o Yesudeone ma.

#### *Filadelifi*

<sup>7</sup> Ké Filadelifi Yesudeo døaanae: Ma kuaadoade siande, má Davidi kiliné kúa, mi zewé gbée lí fô tào, mi zeta gbée lí fô wèo, <sup>§</sup> mame ma yáee bee ò. <sup>8</sup> Má n yákeao dō. Ma, ma zewéne n aé, gbée a fô tao. Baa tó n gbää bílao, ní ma yá kúa, ni lelekpmazio. <sup>9</sup> Setau lousisikpe gbé pó aaí nízia dilé Yudaø û mé aa de a ùoo, má tó eedepio mò kùlené, aai dō kéké má yenzi.\* <sup>10</sup> Lá n mena yá pó má dílené kúa, má n si taasi pó lé mó dúnia búuwa à gbé pó aa ku tóoleo yówa. <sup>11</sup> Má mó tia. Òdidi yá pó ní kúawa, kéké gbée su n ài simao yái. <sup>12</sup> Má gbé pó ziblè ke ma Lua kpé gbapélé û. A bøu bauo. Má a Lua tó kewà ní ma Lua wéle Yelusaleü dafu pó a bø aà kíi musu tóo† ní ma tó dafuo. <sup>13</sup> Gbé pó nòse vî, aà yá pó Lua Nisina lé o Yesudeone ma.

#### *Laodisi*

---

§ 2:23 Sou 7.9, Zel 17.10 \* 2:27 Sou 2.8-9 † 2:28 Nao 24.17, Zia 22.16 \* 3:3 Luk 12.39-40, 1Tes 5.2, 2Ple 3.10, Zia 16.15 † 3:5 Boa 32.32-33, Sou 69.28, Zia 20.15 ‡ 3:5 Mat 10.32 § 3:7 Isa 22.22 \* 3:9 Isa 49.23, 60.14 † 3:12 Isa 62.2, Zia 21.2

<sup>14</sup> Kẽ Laodisi Yesudeo d̄aanae: Ma gbé pó wí omee Ami, ma seelade náaide‡ siande, ma gbé pó má de pó pó Lua k̄e z̄ina ū, mámē ma yáe bee ò. <sup>15</sup> Má n yákeao d̄o. N nieo mé n wāao. Má ye n̄yō nié ge wāa. <sup>16</sup> Lá n l̄ob̄o, n̄ wāao mé n̄ nieo, má n pisie. <sup>17</sup> Ni me ode àizeeede pó p̄oe wēna v̄ion n ū. N d̄o k̄e gb̄p̄a pua baakena wēnade taaside v̄lan n ū. <sup>18</sup> Málē ledama, vua baasaa lu ma k̄ii, n̄i ke ode ū. P̄kasa pua lu n̄ da, n̄i n puizi ul̄e n̄ b̄o wíu. Wé eſe lu n̄ ka n wéu, n̄i gu'e. <sup>19</sup> Mi gbé pó má yéñzio swágaga, mi n̄ toto.§ A yái t̄o, aiake, n̄i n̄selile. <sup>20</sup> Gwa, má zea kp̄eel, málē otaale. Tó gbé ma l̄o mà mé à zew̄mee, má ḡe p̄obleaañ̄o, i blemano. <sup>21</sup> Má gbé pó ziblè gba zé aà zōlemano báawa, lá mapi ma ziblè ma zōle n̄ ma Maeo báawawa. <sup>22</sup> Gb̄é pó n̄se v̄l̄, aà yá pó Lua Nisina lé o Yesudeone ma.

## 4

### Kúlea Luae musu

<sup>1</sup> A gbea ma ze è wēa luabe. O ma l̄o pó má mà káau lán kâae'wa mà l̄ à mè: Mo la, mí yá pó a mo bee gbea oloñe. <sup>2</sup> Weḡo Lua Nisina dèdea, ñ ma kpalabaa è luabe we, gbee zōlewa. <sup>3</sup> Gb̄é pó zōlewapi lí teke lán gb̄e b̄eeede pó wí me diamaa n̄ saad̄aniowa. Náali liaa kpalabaapizi, a í de búunno lán emelodiwa.\* <sup>4</sup> Kpalabaa mèn baaso mèndosai liaai, gb̄ez̄o baaso mèndosai zōlezōlewà. Aa pó pua dadaa, aa vua fùa kpákpa. <sup>5</sup> Lou lé píle, àle b̄o kpalabaapi k̄ii, àle púna, àle v̄l̄.† Filia naa kpalabaapi ae mèn sopla‡ Lua Nisina mèn soplapio ū. <sup>6</sup> Díi da kpalabaapi ae lán ísiwa, a da wásawasa e a guu.§

Kpalabaa zānguo pó b̄éé mèn siiñ̄o liaa kpalabaapizi. Wé fifimá kp̄e n̄ aeo. <sup>7</sup> Pó b̄éepiō séia b̄ò n̄oñmuwa, a plaade b̄ò gáaewa, a àañde oa b̄ò gb̄enaz̄ina oawa, a siiñde b̄ò kúu pó lé vuawa.\* <sup>8</sup> Pó b̄éé mèn siiñpi baade gásia v̄l̄ mèn soolosoolo. Wé fifi an gásiañ̄iwa a guu n̄ a kp̄eo.† Fääne n̄ gwääsinao aañ̄ o láasai:

Kuaadoade, kuaadoade, kuaadoade,  
Dii Lua Gb̄äapiide.‡

A ku yāa, a ku tia, mé àle mó.

<sup>9</sup> Tó pó b̄éé mèn siiñpi gb̄é pó zōlea báawa iò ku goopiipi t̄ob̄ò aa b̄eeede d̄òe aa aà sáaukpà, <sup>10</sup> gb̄ez̄o gb̄en baaso mèndosapiò i wúlewule aà ae aa misiileè, aañ̄ n̄ fùa gogo kálē kpalabaapi ae, aañ̄ me:

‡ 3:14 Zia 1.5 § 3:19 Yaa 3.12, Ebe 12.6 \* 4:3 Eze 1.26-28 † 4:5 Boa 19.16

‡ 4:5 Eze 1.13, Zkl 4.2 § 4:6 Eze 1.22 \* 4:7 Eze 1.5-10 † 4:8 Eze 1.18, 10.12

‡ 4:8 Isa 6.2-3

11 Dii wá Lua, n ka wà n tɔbɔ,  
wí bεεε ní gbāao dɔnε,  
asa n pópii kε,  
an kεa ní ní kuao dε n pœä ūε.

## 5

*Sa ní taala kooao*

<sup>1</sup> Ḷ ma taala kooa è na gbé pó zɔlea báawapi ɔplaaau, wà yákèwà kpε pla pii, wà a lé kùkù ní kán'oo lee sopla.\* <sup>2</sup> Ḷ ma malaika gbāade è, àlε kpàwakε ní lɔo gbāao à mè: Déme kà kán'ɔpi gogoa à lápi pooi? <sup>3</sup> Asa gbēe ku luabε ge tɔole ge tɔole zíe a fɔ lápi poo à gwao. <sup>4</sup> Ma ówlà maamaaε, kε wi gbēe e à kà lápi poo gwaaoo. <sup>5</sup> Ḷ gbēzɔɔpi do òmeeε: Nsu ówlɔo. Gwa, Yuda bui Nòomusu† pó de Davidi kpala pó vlāpà Kíá ū‡ ziblè. A fɔ kán'oo mèn soplapi gogo, i lápi poo. <sup>6</sup> Ḷ ma Sã§ è zea báapi guo, pó bée mèn siiɔpi ní gbēzɔɔpi zānguo. A de lá wà aà kòlokpawa. A kóba sopla ní wéo sopla,\* Lua Nisína mèn sopla pó à ní zí dúnia gupiiu ū. <sup>7</sup> A gè lápi sí gbé pó zɔlea báawapi ɔzl. <sup>8</sup> Ké à lápi sí, pó bée mèn siiɔpi ní gbēzɔɔ gbēon baaso mèndosaapi kùlekule Sãpi ae. An baade móona kúa ní vua tūu pó tulasetika a paio. Tulaleti piá Lua gbé wabikeae.† <sup>9</sup> Aale lè dafu‡ sí aa mè:

N ka lápi sia ní kán'ɔpi gogo,  
asa wà n de,  
n gbé bò Luaε ní n auo  
bui pii guu, buiyã pii guu,  
gbépii guu, bùsu pii guu.

<sup>10</sup> N ní kpá kpala  
wá Lua gbàgbanæ ū,§  
aai kible tɔole.

<sup>11</sup> Ḷ ma malaikao è liaa báapizi ní pó béepi ní gbēzɔɔpi dasidasi, an dasi kà ðaasoso lee ūma'ūma,\* wa fɔ ní lé dɔo. Ma ní kɔñi mà, <sup>12</sup> aale o ní lɔo gbāao:

Sã pó wa dè kà wà iko dɔë  
ní àizeeo ní ɔnɔo ní gbāao ní bεεeo  
wí aà táasile wà aà tɔbo.

<sup>13</sup> Ḷ pó pó Lua kè musu ní tɔoleo ní tɔole zíeo ní íisia guuo pii, pó pó kú baama pii, má mà aa mè:

Wào bεεe ní gbāao dɔ  
gbé pó zɔlea báawae ní São,  
wí o ní táasile wào ní tɔbo gɔɔpii.

\* 5:1 Isa 29.11, Eze 2.9-10   † 5:5 Daa 49.9   ‡ 5:5 Isa 11.1, 10   § 5:6 Isa 53.7

\* 5:6 Zkl 4.10   † 5:8 Sou 141.2   ‡ 5:9 Sou 33.3, 98.1, Isa 42.10   § 5:10 Bøa

19.6, 1Pie 2.5, Zia 1.6   \* 5:11 Dan 7.10

<sup>14</sup> Pó bēe mèn siīpīo mè, ãmi. O gbēzōpīo wùlewule aa misiileè.

## 6

### Kán'ogogoa

<sup>1</sup> Má è Sā kán'o mèn soplapīo séia gò. O má mà pó bēe mèn siīpīo do yā'ò lán louviawa à mè: Mó! <sup>2</sup> O ma sōkaapua è, gbé pó di a kpe sa kúa. Wà kiafua kpàè, ɔ à bò zìblena ū, à gè zìblei.

<sup>3</sup> Ké à kán'o plaade gò, má mà pó bēe plaade mè: Mó! <sup>4</sup> Sō pale bò lɔ, a de ténozoizoi. Wà gbé pó di a kpe gbà zé àa aafia sí dúniawa, ké gbéo kō dède. Wà fenda zōo kpàwà.

<sup>5</sup> Ké à kán'o àaõde gò, má mà pó bēe àaõde mè: Mó! <sup>6</sup> O ma sō sia è, gbé pó di a kpe zaa kúa.\* <sup>6</sup> Má mà lán lɔ̄wa, à bò pó bēe mèn siīpīo guu à mè: Ese zaa le do mé gɔ̄ do zì ū. Mase zaa le àaõ mé gɔ̄ do zì ū. Nsu to nísi ní vēeo sàsakūo.

<sup>7</sup> Ké à kán'o siīde gò, ma pó bēe siīde lɔ̄ mà à mè: Mó! <sup>8</sup> O ma sōkaasina è, gbé pó di a kpe tón Ga, mé Beda teaàazi. Wà ní gbá zé aa iko vñ dúnia gbéo lee siīdewa, aa ní dède ní zìo ní iminao ní gagyão ní wàio.†

<sup>9</sup> Ké à kán'o soode gò, ma gbé pó wà ní dède luayā'oa ní Yesu seeladekeo yáio gyaadeo è tularetikateakli zíe. <sup>10</sup> Aa wii gbāa lè aa mè: Dii Kuaadoade Siande, e boe nýo yákpaleke ní gbé pó aa ku tɔ̄le, ní wá dea tɔ̄simái? <sup>11</sup> O wà ulatao pua dàda ní baadee, wa òné aa menake yoo e an Yesude zòblen dee pó wa ní dède láñwao lé ká.

<sup>12</sup> Ké à kán'o soolode gò, má è tɔ̄le lùalua pásipásì, laté siakù nínii lán zwāa daa ùsiuwa, móvua tēakù lán auwa míomí.‡ <sup>13</sup> Saanao wôlo luabé aa kwè tɔ̄le lán zàa'laná libe ísi woloawa. <sup>14</sup> Luabé këaa à kòokoo lán pèwa.§ Gbèsisí o isia gugúnao sò píi.\* <sup>15</sup> Dúnia kíao ní kpalablenao ní sosa gbēzōo ní odeo ní gbāadeo ní gbépiio zo ge wéeo ûle gbè'e o ní gbèsoona guu.† <sup>16</sup> An le dɔ:

Sisí o ní gbesí à dawála  
à wá ulé‡ gbé pó zɔ̄lea báawae,  
à wá sí Sā pɔ̄kumawa.

<sup>17</sup> Asa an pɔ̄kumabobomagoo zōo kà. Démé a fɔ̄ bɔui?§

## 7

### Seelakea Isailiowa

\* **6:5** Zkl 1.8-11, 6.1-8    † **6:8** Eze 14.21    ‡ **6:12** Isa 13.10, Mat 24.29, Yoc 2.10, 3.4, 4.15    § **6:14** Isa 34.4    \* **6:14** Zia 16.20    † **6:15** Isa 2.19    ‡ **6:16** Oze 10.8, Luk 23.30    § **6:17** Yoc 2.11, Mal 3.2

<sup>1</sup> Bee gbea ma malaika gbēn sīñō è zezē dūnia gola sīñōwa, an baade a gola īana kūa, kē īana su pe tōole ge ísia ge líewao yái.\* <sup>2</sup> Ḍ ma malaika pāle è, à bò gukpē oi, a Lua bēe seelakēbō kūa. A lé gbāa zu malaika gbēn sīñ pō wà ní gbá zé aa tōole ní ísiao ḥokpapiɔzi <sup>3</sup> à mè: Asu tōole ge ísia ge lío ḥokpao e wà seelakē wá Lua zōblenaç mi'aewa.<sup>†</sup> <sup>4</sup> Ḍ wà gbē pō wà seelapi kēmáç lé òmee, aa gbēn ðaasɔsɔo lee basopla ní sīñoe (144.000). Aa bò Isaili bui píi guu.

<sup>5</sup> Wà seelakē Yuda buiɔwa gbēn ðaasɔsɔo lee kuεpla (12.000) ní Lubeni buiɔ gbēn ðaasɔsɔo lee kuεpla  
 ní Gada buiɔ gbēn ðaasɔsɔo lee kuεpla  
<sup>6</sup> ní Aseε buiɔ gbēn ðaasɔsɔo lee kuεpla  
 ní Nefatali buiɔ gbēn ðaasɔsɔo lee kuεpla  
 ní Manase buiɔ gbēn ðaasɔsɔo lee kuεpla  
<sup>7</sup> ní Simeɔ buiɔ gbēn ðaasɔsɔo lee kuεpla  
 ní Levii buiɔ gbēn ðaasɔsɔo lee kuεpla  
 ní Isakaa buiɔ gbēn ðaasɔsɔo lee kuεpla  
<sup>8</sup> ní Zabuloni buiɔ gbēn ðaasɔsɔo lee kuεpla  
 ní Yosefu buiɔ gbēn ðaasɔsɔo lee kuεpla  
 ní Béyāmee buiɔ gbēn ðaasɔsɔo lee kuεpla.

### Bui píi kaaaa luabe

<sup>9</sup> Bee gbea ma gbēç è dasidasi, wa fɔ ní naoo. Aa bò bùsu píi guu, bui píi guu, gbépii guu, buiyā píi guu. Aa zezēa kpalabaa ní São ae. Aa ulatao pua dadaa, kpakpa lá nanaa ní ɔzì. <sup>10</sup> Aale wii gbāa lé, aale mè: Wá Lua pó zōlea báawa ní São mé i ní suaba.

<sup>11</sup> Malaikac zezē aa lìa kpalabaazi ní gbēzɔɔ ní pō bēe mèn sīñō mpii, <sup>5</sup> aa ní mi pèlepele báapi ae, aa kùlə Luae <sup>12</sup> aa mè:  
 Ami! Wá Lua mé tó vñ ní gawio  
 ní ɔnɔo ní sáabuo ní bēeεo  
 ní ikoo ní gbāao gɔɔpii. Ami!

<sup>13</sup> Ḍ gbēzɔɔpiç do ma la à mè: Deon ulataopuadanapiç üi? Aa bò má ni? <sup>14</sup> Má òè: Baa, míme ní dɔ. Ḍ a òmee: Gbē pō aa bò wéteä zɔɔ‡ guuuñe. Aa ní ulataopiç pí Sã au guu à puakù. <sup>15</sup> Bee yái aa ku Lua kpalabaa ae, aa lɔ zōbleè aà kpéu fāane ní gwāasinao, mé gbē pō zōlea báawapi i ɔkuñla. <sup>16</sup> Nɔana ge imi a ní de lɔo, iatë a ní léo, mé gu a wāmáo, <sup>17</sup> asa Sã pó zea báapiwa guoguo a ní dā, § i dɔaané e nibɔna i wénidei,\* mé Lua a ní wé'i gogoné píi.†

## 8

### Kán'ɔ soplade goa

---

\* 7:1 Dan 7.2, Zkl 6.5    † 7:3 Eze 9.4-6    ‡ 7:14 Dan 12.1, Mat 24.21    § 7:17  
 Sou 23.1-2    \* 7:17 Isa 49.10    † 7:17 Isa 25.8

<sup>1</sup> Ké Sā káñ'ō soplade gò, luabé ké kílikili lán mowen baakwi taawa. <sup>2</sup> Ḍ ma malaika gbéñ sopla pó aañ zea Lua aeñ è, wà kàae kpàmá mèn sopla.

<sup>3</sup> Ḍ malaika pâle mò zè tularetikateakii pó wa pî ní vuao sae, a téñibó pó wa pî ní vuao kú. Wà tularetí kpàwà zôozô ní Lua gbéñ píi wabikéa aà kâteá, ñ a kâteá kpalabaa ae tularetikateaklipiwa. <sup>4</sup> Ḍ tularetí súelé ní Lua gbéñ wabikéa fèlè malaikapi ñzí Lua ae. <sup>5</sup> Ḍ malaikapi téñibó sè à tularetikateakii té sì a pai, a zù tóole. Lou lé vî, àlé püna, àlé píle, tóole lúalua.\*

### Kâae mèn sopla pëa

<sup>6</sup> Malaika gbéñ sopla pó aa kâae mèn sopla kúapi a pëa soukè.† <sup>7</sup> A séia a pó pè, ñ lougbé ní téo yâaléa ní auo kwè tóole.‡ Tóole lee àañde tekù, líi lee àañde tekù, sè ísi tekù mí.

<sup>8</sup> Malaika plaade a pó pè, ñ pó tede bò à sì ísiau lán gbësisi zôowa. Isia lee àañde lí au ü, <sup>9</sup> ñ ísia pó bëéñ lee àañde gâga, mé gó'ilenañ lee àañde ñkpà.

<sup>10</sup> Malaika àañde a pó pè, ñ saan zôo pó lé tekù lán sëtewa bò luabé, à lèlè dà swaø ní nibonañ lee àañdela. <sup>11</sup> Saanapi tón Gôi. I lee àañde lí gôi ü, ñ gbé pó ípi mìo gâga dasi a kísá yáí.

<sup>12</sup> Malaika siiñde a pó pè, ñ wà laté lee àañde lè ní móvua lee àañdeo ní saanañ lee àañdeo, ké an lee àañde siakù yáí.§ <sup>13</sup> Ḍ fâane lee àañde gò gupuasai, màæ gwâasîna lo. <sup>14</sup> Ḍ ma kúu è, àlé vua musumusu. Má mà à wii gbâa lè à mè: Waiyoo, waiyoo, waiyoo gbé pó kú tóole malaika gbéñ àañ pó gòpi kâaeñ pó a bo yáí.

## 9

<sup>1</sup> Malaika sôode a pó pè, ñ ma saana è, à bò luabé à lèlè tóole.\* <sup>2</sup> Ḍ wà gbâo zôolo kiline kpâwà, <sup>3</sup> ñ saanapi gbâo zôolopi zé wè. Súelé bòu lán mua zôo súeléwa,† ñ gbâopi súelé laté siakù, gu kë sii. <sup>4</sup> Kwaø bòle súelépi guu aa lí tóolea.‡ Wà ní gbâ iko lán dûnia sói pôwa. <sup>5</sup> Wi ní gba zé aa gbéñ dëdeo. Aa wâwâ kpârñzi e mó sôoe. An wâwâ de lán sói gbépaa wâwâwaë. <sup>6</sup> Gôo beeñ zí gbéñ wéele ga mó ní sé, a móo.\* Ga ni a ní de, kási ga a bâalenée.

<sup>7</sup> Kwapis de lán sôo pô an zikasou màøwa. Aa pœ kpâkpaa lán vua fùawa, an oa bò lán gbénazîna pôwa. <sup>8</sup> An mikâ de gbâagbâa lán nôe pôwa, an swaaø de lán nòomusu pôwa. <sup>9</sup> An

\* 8:5 Boa 19.16, Zia 4.5, 11.19, 16.18 † 8:6 1Tes 4.16 ‡ 8:7 Boa 9.23-24 § 8:12

Boa 10.22, Isa 13.10, Yos 2.10 \* 9:1 Isa 14.12 † 9:2 Daa 19.28 ‡ 9:3 Boa 10.13

§ 9:4 Zia 7.3 \* 9:6 Yob 3.21

kua dē lá aa mò ula dadaawa, an gàsia kíi dō lán gó dasi pó sówé lé gále zì guuwo kófiwa.<sup>†</sup> <sup>10</sup> Aa vlá vñ ní kao lán sóiwa. An iko kú ní vlápiowa aa iadaò gbéowá e mó ssoo. <sup>11</sup> Gbáo zòolo malaikapi mé ní kía ú. N Ebélu yáo aà tón Abadó. N Geleki yáo sô Apoliô.<sup>‡</sup> <sup>12</sup> Wëna séia gè, wëna mèn plao lé mó a kpe ló.

<sup>13</sup> Malaika soolode a kàae pè. Ma lóo mà à bò Lua aëtulaletikateakii pó wa pí ní vuao a kóba siiñó kíi. <sup>14</sup> A ò malaika soolode pó kàae kúaae à mè: Malaika gbéon siiñ pó yeyea swa zòo Uflata sae polo. <sup>15</sup> Ó wà malaika gbéon siiñ pó wà ní sounké wë bee, mó bee, gòo bee, zaa bee yáio pôlo, ké aa gbénazina lee àaôde dède yáí. <sup>16</sup> Ma sosa sôde dasile mà, aa miliô òaa doe. <sup>17</sup> Wépungu'eapi guu lá ma sôpi ní ní dikpêna òen ke: AA mò ulao dadaa téee lán téwa, búunno lán bulawa, téee lán kpà'iwa. Sôpi mi de lán nòomusu miwa. Té ní súeleo ní latégbôo lé bô ní léu. <sup>§</sup> <sup>18</sup> Ia mèn àaôde bee, té ní súeleo ní latégbôo pó lé bô ní léuo më gbénazina lee àaôde dède. <sup>19</sup> Asa sôpi iko kú ní lé guue ní ní vláo ló. An vlá de lán mlëwa, aa mi vñ aaî iadaò gbéowá.

<sup>20</sup> Gbé kíni pó aai gaga ía bee musuoo, aai nòselile aa pó pó aa kë yá tòo. Aa gí lé kúle táaone ní pó pó aa kë ní vuao ní áanusuo ní mogotéo ní gbeo ní líoone. Pópi lì gu'eo, aali yámao, aali tá'a'o ssoo.\* <sup>21</sup> Aai nòselile aa ní gbédea ge an gbékôolekeea ge an gbásikéea ge an kpái'oa tòo.

## 10

### Malaika ní taala nénao

<sup>1</sup> Ó ma malaika gbäade pâle è à bò luabé, àlé pila. A luabepuana daa, nàali liaa aà mii. Aà oa de lán latéwa, aà gbá de lán zàmikulu téwa. <sup>2</sup> A taala néna kúa pooa. A oplaa gbá pèle ísiaa, à ozee gbá pèle tóole. <sup>3</sup> A wii gbâa lè lán nòomusu pünaawa. Ké à wiilé, louvâa mèn soplao yá'ò. <sup>4</sup> Ké louvâa mèn soplapio yá'ò, má ye mà kë lá guu, ñ ma lóo mà à bò luabé à mè: Nyô yá pó louvâa mèn soplapio ò kúa asii guu, nísu këo. <sup>5</sup> Malaika pó má è zea ísia ní tóoleowapi a oplaa se dò musu,\* <sup>6</sup> ñ a ò ní Lua pó kú gòopii à musu ní tóoleo ní ísiao kë ní pó pó kú ní guu píi tóó† à mè: A gëgë lóo. <sup>7</sup> Malaika soplaade kâaepezí tó àlé mó péi, Lua poeä pó ulæa a ke sa, lá à a baokpâ a zòblena ãnabiçñewa.<sup>‡</sup>

<sup>8</sup> Ó ma lóo pó má mà à bò luabepi mà ló à mè: Ge ní lá néna pooa pó na malaika pó zea ísia ní tóoleowa ozípi sí. <sup>9</sup> Ó ma ge malaikapi kíi, má òe aà lá nénapi kpaa, ñ a òmee: Si ní só. Aò

<sup>†</sup> 9:9 Yoe 1.6, 2.4-5   <sup>‡</sup> 9:11 Apii bôole mè gbékalaena.   <sup>§</sup> 9:17 Luk 17.29   \* 9:20  
Sôu 115.4-7, 135.15-17, Dan 5.23   <sup>\*</sup> 10:5 Dan 12.7   <sup>†</sup> 10:6 Boa 20.11   <sup>‡</sup> 10:7  
Amo 3.7

na n léu lán zówa, iɔ ũi n nòseu. <sup>10</sup> Ⓛ ma lá nénapi s̄i malaikapi ožl, má sò. A na ma léu lán zówa. Ké má m̄, à ūikù ma nòseu. <sup>11</sup> Ⓛ wa òmee: D̄aa n̄ ānabikeke l̄ maamaa buiɔ n̄ bùsu gb̄e n̄ buiyāo n̄ kíao yá musu.

## 11

### *Seelade gb̄eɔn plao*

<sup>1</sup> Ⓛ wà fee kpàa pɔyɔbɔ ū, wa òmee: Fele Lua kpé yɔ n̄ aà gbagbaklio,\* n̄ lousisina pó kú weɔ nao. <sup>2</sup> Ⓛ a ua tó, n̄su yɔo, asa wa kpà luayādansaiowae. Aa ūzɔ Lua wélewa e mɔ bla n̄ plao.† <sup>3</sup> Má a seelade gb̄eɔn plao gba zé aa ānabikeke gɔɔ ðaa soolo n̄ bāaɔopi (1.260) guu zwānkasaɔ dadaa. <sup>4</sup> Gb̄eɔi mé kuli mèn plao n̄ dau mèn pla pó zea dūnia Dii aeo ū.‡ <sup>5</sup> Tó gb̄e lé weele ïadamá, té a bɔ n̄ léu à kú n̄ ibeepiowá. Tó gb̄e su lé weele ïadamá, màa ade a ga. <sup>6</sup> Aa luabe zetaa iko v̄i,§ ké lou su ma gɔɔ pó aale ānabikekeo yá. Aa í lilea au ū iko v̄i b̄. \* Aa kíisia bui p̄ii kpá dūniazi gɔɔ pó aa yeiwa.

<sup>7</sup> Tó aa n̄ seeladeke k̄e aa làa, wài pó a bɔ gb̄ao zòolo guu† a z̄ikaño, i ziblemá à n̄ d̄ede.‡ <sup>8</sup> An ge aɔ kálea m̄eewia zɔɔ pó wà n̄ Dii pàuliwa zea guu. Yáasi guu w̄i m̄e m̄eewiapiē Sɔdɔu§ ge Egipi. <sup>9</sup> Gb̄eɔ n̄ buiɔ n̄ buiyā'onaɔ n̄ bùsu gb̄e aa n̄ geɔ gwagwa e gɔɔ àaɔ n̄ k̄inio, aa we wà n̄ v̄lo. <sup>10</sup> Gb̄e pó aa ku tɔole pɔnake, aai dikpeke, aai gbadakɔe, ké ānabi gb̄eɔn pla pó wāwā kpàñzipiɔ gàga yá. <sup>11</sup> Gɔɔ àaɔ n̄ k̄inio gbea Lua tò ïan wēnide gèngu, ɔ aa fèle zè.\* Via zɔɔ gb̄e pó n̄ éo kù. <sup>12</sup> Ⓛ ānabipio l̄o gbāa mà à b̄ò luabe, a òné: A fèle mó la. Ⓛ aa fèle t̄a musu luabepuana guu gɔɔ pó an ibeewé wé fímá.† <sup>13</sup> Zibeezi tɔole lùalua pâsipâsi, m̄eewiapi l̄ee kwide kwè, ɔ gb̄eɔn ðaasɔsɔo l̄ee sopla (7.000) gàga tɔolelualuaapi guu. Via gb̄e k̄inio kù, ɔ aa Lua Musude tɔb̄ò. <sup>14</sup> Wēna plaade gè, a àaɔde lé ká sa.

### *Kàae soplade p̄ea*

<sup>15</sup> Malaika soplade a kàae p̄e. L̄o gbāa b̄ò luabe wà mè: Dūnia kpala ḡò wá Dii n̄ kíao pó a kpào pó ū, aɔ kible ḡcopii.‡ <sup>16</sup> Gb̄eɔn gb̄eɔn baasɔo mèndosai pó zɔlēzɔlea n̄ báawa Lua aepio n̄ mi p̄elepelé tɔole aa kùlē‡ <sup>17</sup> aa mè: Dii Lua Gb̄aapiide, n̄ kú yāa mé n̄ kú tia, wa n̄ sáaukè,

---

§ **10:10** Eze 2.8-3.3    \* **11:1** Eze 40.5, Zkl 2.5-6    † **11:2** Luk 21.24    ‡ **11:4** Zkl 4.3, 11-14    § **11:6** 1Kia 17.1    \* **11:6** B̄oa 7.17-19    † **11:7** Zia 17.8    ‡ **11:7** Dan 7.7, 21, Zia 13.7    § **11:8** Isa 1.9-10    \* **11:11** Eze 37.10    † **11:12** 2Kia 2.11  
‡ **11:15** B̄oa 15.18, Dan 2.44, 7.14, 27

asa n bɔ́ n n gbāa zɔ́oε,  
ɔ́ n gbasa n na kibleawa.

<sup>18</sup> Bùsu píi gbé̄ za fɛ̄,

ɔ́ n pɔ́kūmabòbɔ́má. §

N yákpalekeá n̄ gyaadeo gɔ́o kà.

Nyɔ́ flabo n zòblena ānabiōne

n̄ n gbé̄ pó aale v̄iakeneo,\*

néfēnen gbēzɔ́o,

n̄ dúniadēnao dēde.

<sup>19</sup> O wà Lua kpé pó kú musu wè, ɔ́ ma Luabaakuańo kpagolo  
è. Lou lé píle, àle v̄i, àle pūna. Tɔ́ole lúalua, lougbé pāsí kwè.

## 12

### *Nɔ́e n̄ kwāsao*

<sup>1</sup> O ma seela zɔ́o è luabe. Nɔ́ee iaté yea zwāa ū, móvua ku  
aà gbá zíe, a saana mèn kueplao kpaa kía fala ū.\* <sup>2</sup> A nosia,  
ɔ́ nɔ́wāwā mòwà, àle ne'iwāwā wii lé. <sup>3</sup> O ma seela pâle è luabe.  
Kwāsa tēa zóizoi kú we, a mi sopla, a kóba kwi.† A kíafua mèn  
sopla kpákpa. <sup>4</sup> A saana lee àaðde wòlo luabe n̄ a vláo a kwè  
tɔ́ole,‡ ɔ́ à mò zè nɔ́e pó ye ne'ipi aε, ké à e né pó a ipi so yái. <sup>5</sup> O  
nɔ́epi negɔ́e pó a kible bui píiwa n̄ mò gopanao i. § <sup>6</sup> O wà népi sè  
tàò Lua n̄ a kpalabaa kíi. <sup>6</sup> Nɔ́epi báalè tà sēu, gu pó Lua kékèè  
wà aà gwau gɔ́o ðaa soolo n̄ báaðopi (1.260) guu.

<sup>7</sup> O zì fèlè luabe, Miseli\* n̄ a malaikaɔ́ zíkà n̄ kwápio, mé kwá  
n̄ a malaikaɔ́ zíkàńo. <sup>8</sup> O an gbāa kèsā, aai zɔ́lèkíi e luabe lɔ́o.  
<sup>9</sup> Wà kwāsapi ya bò. Ome mlè zi† pó wí me Ibiisi ge Setāu, dúnia  
búu sàsāna ū. Wà aà bɔ́ zu tɔ́ole‡ n̄ a ìwaɔ́ sānu. <sup>10</sup> O ma lɔ́o  
gbāa mà luabe à mè: Wá Lua zíblè sa, aà gbāa n̄ aà kpalao  
bò gupuau, à iko kpà kía pó á kpàwa. Asa wà gbéyaana pó lɔ́  
wá gbé̄ yaa wá Luaε fāane n̄ gwāasīnao ya bò. § <sup>11</sup> Wá gbé̄  
zíblèwà n̄ Sã au gbāao n̄ n̄ sealadekeyāo. Aa gí n̄ wēnii e aa gè  
gàò. <sup>12</sup> A yái tò á gbé̄ pó á kú luabeo, à pɔ́nake. Waiyoo tɔ́ole n̄  
ísiao, asa Ibiisi pílawá n̄ pɔ́kūma zɔ́oε, ké a dɔ́ gɔ́o pó gɔ́e bílao  
yái.

<sup>13</sup> Ké kwá è wà a zu tɔ́ole, ɔ́ à pèlè nɔ́e pó negɔ́e ìpizi. <sup>14</sup> O wà  
kúu zɔ́o gásia kpà nɔ́epiwa mèn pla, aà vuað, i zákū n̄ mlépio,  
à ta gu pó wa kékèeu sēu, ké wà aà gwau wè àað n̄ kíniopi guu.\*  
<sup>15</sup> Mlépi í písi nɔ́epi kpé lán swawa, ké ísõ e aà sé, <sup>16</sup> ɔ́ tɔ́ole nɔ́epi  
misi, à a lé wè à i pó bò kwá léupi mi. <sup>17</sup> O kwápi po pà nɔ́epizi,

§ **11:18** Sou 2.1, 5 \* **11:18** Sou 115.13 \* **12:1** Daa 37.9 † **12:3** Dan 7.7

‡ **12:4** Dan 8.10 § **12:5** Isa 66.7, Sou 2.9 \* **12:7** Dan 10.13, 21, 12.1, Yud 9

† **12:9** Daa 3.1 ‡ **12:9** Luk 10.18 § **12:10** Yob 1.9-11, Zkl 3.1 \* **12:14** Dan  
7.25, 12.7

à gè zìkai ní aà bui pó gò, gbé pó aa Lua yá kúa mé aañ Yesu seeladeke. <sup>18</sup> A zea ísiale.

## 13

*Wài mèn pla*

<sup>1</sup> Ò ma wài è, àle bɔ̄ ísiapi guu, aà kóba kwí, aà mi sopla. Kóba mèn kwipiù kíafuaù kpákpa. Dóea níLua tó këa aà mipiøwa.\*

<sup>2</sup> Wài pó má èpi bò lán gbeaanawa. Aà o pásì maamaae, mé aà lé de nòomusu léwa. Kwá a gbâa kpâwà ní a kpalao ní a iko zòo.† <sup>3</sup> Aà mipiù do de lá wà a kaikè dëadæa a bɔ̄ làawa. Aà yá bò dúnia gbépii sae, ò aa tèaàzi. <sup>4</sup> Ò aa kùle kwâpiè, kë à a iko kpâ wàipiwá yá. Aa kùle wàipie lò aa mè: Démè kà wàipiwai? Démè a fɔ̄ zìkaaàñoi?

<sup>5</sup> Wà walaya'ole dò wàipie aà Lua tòbëesiò, mé wà aà gbà zé aà iko vî e mɔ̄ bla ní plao. <sup>6</sup> Ò à nà dóea níLuaowa, à aà tòbëesi ní aà kúklio ní gbé pó kú we. <sup>7</sup> Wà aà gbà zé aà zìka níLua gbé, i zìblemá. Wà aà gbà zé lò aà iko vî bui píiwa nígbépii níbuiyâo píi níbùsu píi gbé.‡ <sup>8</sup> Gbé pó aa ku tòoleo kúle wàipie mìpii, mé i ke gbé pó an tó kú àizâna taalau§ eLua àò gé dúnia káliei bàasio. Taala piá Sã pó wa dè póe. <sup>9</sup> Gbé pó nòse vî, aà yâe bee ma.

<sup>10</sup> Gbé pó Lua dìle wà kû zìzo û,  
wa kû zìzo ûe.

Gbé pó Lua dìle wà de ní fëndao,  
fënda wa dëò.\*

Bee lé leda Lua gbéwa aao mena vî, aao aà náai vî.

<sup>11</sup> Ò ma wài pâle è, àle bɔ̄ tòoleu. Aà kóba vî mèn pla lán sâwa, áma à yâ'ò lán kwâsawae.† <sup>12</sup> A wài séia iko píi kë aà wâa. A tò tòole nígbé pó aa kuwâo kùle wài séia pó wà aà kaikè dëadæa a bɔ̄ làaae. <sup>13</sup> A dabudabu zòo kë, baa se a tò té bò luabe à lèle tòole gbénazâna wâa. <sup>14</sup> A gbé pó aa ku tòoleo sâsâ nídabudabu pó wà aà gbà zé a kë wài séia wâa. A òné aa wài pó wà aà kaikè ní fëndao à gi ku taa ke. <sup>15</sup> Ò wà wài plaadepi gbà zé à wëni kpa wài taapi, ò wài taapi fô yâ'ò a tò wà gbé pó gî kúleieo dëde. <sup>16</sup> A tò wà seelakè gbépii oplaawa ge an mi'aë, néfënën gbézòo, òdeo nítaasideo, zòo níwéeo, <sup>17</sup> kë gbé su pó yíao ge à pó lúo, mé i ke a seela pó de wàipi tó û ge aà tó nimeloo vî bàasio. <sup>18</sup> Ònyâñ ke. Gbé pó wezë vî, aà wàipi nimeloo polo, asa gbénazâna tó nimelooe. Aà nimelooá òaa àa ñbâa ñsoolooe (666).

\* **13:1** Zia 17.3, 7-13 † **13:2** Dan 7.3-6 ‡ **13:7** Dan 7.8, 25, 11.36 § **13:8** Sou 69.28 \* **13:10** Zel 15.2 † **13:11** Mat 7.15

## 14

*Sa n̄ gbé p̄ à n̄ b̄ō*

<sup>1</sup> Ḍ ma Sā è zea Sīna gb̄s̄is̄iwa. Gb̄en̄ ðaaas̄osō l̄ee basopla n̄ s̄īō (144.000) kuaànō. Aà t̄ ñ aà Mae t̄ō k̄ea ñ mi'aewa.\*

<sup>2</sup> Ma k̄fī mà à b̄ò luabe. A k̄ī d̄ō lán iz̄os̄ukaawa, lán louvia gb̄aawa. K̄fī p̄ má m̄api d̄e lán m̄ōnleñāō m̄ōnā ówa. <sup>3</sup>Gb̄en̄ ðaaas̄osō l̄ee basopla n̄ s̄īōp̄īō (144.000) l̄é l̄è dafu sí kpalabaa n̄ p̄ b̄éé m̄èn̄ s̄īō n̄ gb̄z̄ōō āe. Gb̄e i f̄ō l̄epi d̄ad̄ao, sema gb̄e p̄ wà n̄ b̄ó d̄únia guupīō b̄aasio. <sup>4</sup>Aame aa gb̄e p̄ aai gb̄s̄ik̄e n̄ n̄ōeōō ū, aa l̄esō. Aañō te Sāzi gu p̄ō ále géu p̄ī. Gb̄ē guu ampīō ū wà n̄ b̄ó Luæe n̄ São p̄ō káau p̄ō wa kp̄awà̄ ū. <sup>5</sup>Wi ma zii aa eetðō, aa tâae vio.†

*Yákpalekeḡō baokpaa*

<sup>6</sup> Ḍ ma malaika pâle è, ále vua musumusu. A baona p̄ō kú ḡōpii kúa à kpa gb̄e p̄ō aa ku t̄ōleñne, bùsu gb̄epii, bui p̄ī, buiyâ'ona p̄ī n̄ gb̄epiio. <sup>7</sup>A ò gb̄auggbâu: A v̄lak̄e Luæe à aà t̄ob̄o, asa aà yákpaleke a n̄ gb̄ē ḡō kâe. A kúle Lua p̄ō musu n̄ t̄ōleo n̄ ísia o n̄ nib̄onāō kèpīe.

<sup>8</sup> Malaika plaade te aà kpe à mè: Babeli gâ! Meeewia zô̄opi gâ!‡ A tò bui p̄ī a v̄ēe gbâa p̄ō d̄e a káaluakaa ū mî̄.

<sup>9</sup> Malaika àañde té n̄ kpe, a ò gb̄auggbâu à mè: Tó gb̄e kûle wâie n̄ aà taao, mé à aà seela k̄e a mi'aé ge a ñwa, <sup>10</sup> ñme a Lua p̄okûma v̄ēe p̄ō wa kâ a p̄of̄ imib̄ou atëe mi, i wâwâk̄e té n̄ iatëgb̄ō§ guu Lua malaika n̄ São āe. <sup>11</sup>An iadama súele āo b̄o ḡōpiie.\* Gb̄e p̄ō kûle wâipie n̄ aà taao aa aà t̄ō seela k̄ē ñampaa vio fâane n̄ gwâasânao. <sup>12</sup>Bee l̄é leda Lua gb̄e p̄ō aa yâ p̄ō a dîlēo kûla mé aa Yesu náai v̄īwa aāo mëna vî̄.

<sup>13</sup> Ḍ ma l̄ō mà à b̄ò luabe à mè: Ké bee ké. Báaadeō gb̄e p̄ō aa ga naa Diiwa guu za tiā. Lua Nisâna mè: Ao! Aa kâmabo n̄ zî̄o, asa an maakea gbe téñzi.

*T̄ōle p̄ō keke*

<sup>14</sup> Ḍ ma luabepuana è, p̄oe zô̄lewâ à b̄ò lán gb̄enazinawa.† A vua fùa kpaa, a kôma lena kûa. <sup>15</sup> Ḍ malaika pâle b̄ò Lua kpéu à lé gbâa zù gb̄e p̄ō zô̄lea luabepuanawazi à mè: Kôma kâ p̄oī n̄ ké, asa t̄ōle p̄ōō mà à kâ kekeae.‡ <sup>16</sup> Ḍ gb̄e p̄ō zô̄lea luabepuanawa a kôma mâle t̄ōle, à t̄ōle p̄ōō kèke.

<sup>17</sup> Malaika pâle b̄ò musu Lua kpéu, a kôma lena kûa l̄ō. <sup>18</sup> Ḍ malaika pâle p̄ō té iko vî̄ b̄ò sa'okâi. A lé gbâa zù gb̄e p̄ō kôma lena kûapizi à mè: N n̄ kôma lena ka t̄ōle v̄ēe kóoī n̄ zô̄, asa a

\* 14:1 Eze 9.4, Zia 7.3-4    † 14:5 Sof 3.13    ‡ 14:8 Isa 21.9, Zel 51.7-8, Zia 18.2

§ 14:10 Daa 19.24, Eze 38.22    \* 14:11 Isa 34.10    † 14:14 Dan 7.13    ‡ 14:15 Yoe 4.13

be màe. <sup>19</sup> Ḍ malaikapi a koma màle tɔole, à tɔole vɛe kó zɔzɔ a kà vɛefékii zɔɔ pó de Lua pɔkūmabɔbɔbo ū guu. <sup>20</sup> Wà ɔzɔ vɛe kópiwa§ wénkpε, õ au bòle vɛefékii guu à dàgwa e kiloo òaa do n̄ basɔoo, a lesi kà sɔ òasina léu.

## 15

*Kíisia gbɛzā mèn soplaɔ kpaanízi*

<sup>1</sup> Ḍ ma seela pâle è luabe, a zɔɔ, à bò ma sae. Malaika gbɛɔn soplaɔ kíisia gbɛzā mèn soplaɔ kúa. Bee Lua a a pɔkūmabɔbɔama midéò.

<sup>2</sup> Ḍ ma pœ è lán ísiwa, a da lán díiwa yâalea n̄ téo. Ma gbé pó aa ziblè wàiwa n̄ aà taaa n̄ aà tó nimelooo è zea díi pó da lán ísiwapi sae, aa moɔna pó Lua kpàmáɔ kúa. <sup>3</sup> Aale Lua zòblena Moizi le\* sí n̄ Sã póo aa mè:

Dii Lua Gbäapiide,  
n yâkeac zɔɔ, aa bò wá sae.  
Bui píi Kíia,  
ni yâke a zéwa n̄ sianao.  
<sup>4</sup> Dii, déme n vía vio ni?  
Démε a gí n tɔbɔii?  
Asa ndo n kua mé adoa.  
Bui píi a mɔ kúlenε,<sup>†</sup>  
asa n maakεac bò gupuau.

<sup>5</sup> Bee gbεa ma Lua kpé è wēa musu, zwàakpε pó aà ikoyã kúu ū.‡ <sup>6</sup> Ḍ malaika gbɛɔn sopla pó kíisia mèn sopla kúa bòle kpépiu. Aa bâabaa pua tátai tekea dadaa, vua asana dɔdɔa n̄ kúawa. <sup>7</sup> Ḍ pó béε mèn síiɔ do vua tûu kpà malaika gbɛɔn soplapiɔwa n̄ miwa. Lua pó ìo béε gɔɔpii pɔkūma ká n̄ pai. <sup>8</sup> Lua gawi n̄ a gbäao súele kpépi pà.§ Gbëe a fɔ gɛuo e malaika gbɛɔn soplaɔ kíisia mèn soplapiɔ gε midéò.

## 16

*Lua pɔkūmabɔbɔa dúniawa.*

<sup>1</sup> Ḍ ma lɔɔ gbäa mà à bò Lua kpéu, a ò malaika gbɛɔn soplapiɔne: A gé Lua pɔkūma pó kú tûu mèn soplaɔ guu élεi dúniawa.

<sup>2</sup> A séia gè a pó élε dúniawa. Ḍ sánε vãi pâsíɔ\* gbé pó wài seela vî aañ kúle aà taaεɔ lè.

<sup>3</sup> A plaade a pó élε ísiawa. Ḍ ísia í gò lán gè auwa, pó béε pó kú a guuɔ gàga píi.

<sup>4</sup> A òaɔde a pó élε swaɔ n̄ nibɔnaɔwa, õ an í lì au ū.† <sup>5</sup> Ḍ má mà malaika pó í iko vî mè:

---

§ 14:20 Isa 63:1-6, Zia 19.15 \* 15:3 Bøa 15.1 † 15:4 Soü 86.9 ‡ 15:5 Bøa 40.34 § 15:8 1Kia 8.10-11, Isa 6.4 \* 16:2 Bøa 9.10 † 16:4 Bøa 7.17-21

Kuaadoade, n gbé pó n kú yää,  
mé n kú tia,  
n yákpalekèíno a zéwae.

<sup>6</sup> Aa n gbé n ñanabiø au bòle,  
ñ n aupi kpàmá aa mǐ.

A kôssiñno màaae.

<sup>7</sup> Ḍ ma lɔ̄ mà sa'okli à mè:  
Ao, Dii Lua Gbäapiide,  
n yákpalekèíno a zéwae,  
mé a sìana vî.

<sup>8</sup> A siiñde a pó èle iatëwa, a tò à gbënazïnao tekù. <sup>9</sup> A pusu  
gbää n lé, ñ aa Lua pó kïsia beeø iko vî tòbëesì. Aai nòselile aa aà  
tòbòo.

<sup>10</sup> A soode a pó èle wài kpalabaaawa, ñ gusia‡ dà aà kpala. Gbéø lé n lé fi wâwâ guu, <sup>11</sup> ñ aa Lua Musude tòbëesì an wâwâ  
n sâneø yái. Aai nòselile aa mikè n yâkeaoawo.

<sup>12</sup> A soolode a pó èle swa zɔ̄ Uflatawa, § ñ swapi í bà à zebò  
gukpe kïaøne. <sup>13</sup> Ḍ ma tâaø è mèn ãaø lán blɔ̄çwa, aale bɔ̄ kwâ  
n wàio n ñanabi egenao léu. <sup>14</sup> Tâa dabudabukënaøne. Aale gé  
dúnia bûu kïaø kïi, ké aa n kâaa zïkaa Lua Gbäapiide gɔ̄ zɔ̄ zî  
yái. <sup>15</sup> Ma! Má mó lán kpáiwae.\* Báaaden gbé pó lé itéké mé a  
a pokasaø daa, ké asu bɔ̄ bûu wà aà puizi eo yái ü.† <sup>16</sup> Ḍ tâapiø  
kiapiø kâaa gu pó wî me n Ebelu yâo Aamagedñ.

<sup>17</sup> A soplade a pó èle ïanawa. Ḍ lɔ̄ gbää bò kpalabaa kïi Lua  
kpéu à mè: A lé kà. <sup>18</sup> Lou lé pîle, àle vî, àle püna. Tɔ̄le lùalua  
pâsîpâsl. Zaa wà gbënazïna kâle dúnia guu, a taa i keo, a pâsl  
kè zài. <sup>19</sup> Meeewia zɔ̄ këaa lee ãaø, mé bui píi meeewiaø kwè.  
Meeewia zɔ̄ Babeli yâ dò Luagu, ñ à a poküma vëe gbää imibɔ̄  
kpâwâ a mî.‡ <sup>20</sup> Isia gûgûnaø gëzea pii, wi wesi gbësisiøle lɔ̄o.  
<sup>21</sup> Lougbé zɔ̄ø bò luabe, aa kà kiloo bla. Aa kwè gbënazïnaøla, §  
ñ aa Lua tòbëesì lougbé kïsia yái, asa kïsiapi pâsl maamaæe.

## 17

### Kâalua pô di wài kpé

<sup>1</sup> Malaika gbëñn sopla pô tuu mèn sopla kûapiø do òmee: Mo  
mà yâ pô a wi kâalua zɔ̄ pô zôlea swa zôçwa ñløne. <sup>2</sup> Dúnia  
kïaø gbâsikëaàñø, mé dúnia gbéø vëe pô de aà kâaluakaa ü mî  
aa kâ.\* <sup>3</sup> Lua Nisïna dëdeaapi guu malaikapi gëmanø sëu. Ḍ ma  
nõee è di wài têa kpé. Dóea nì Luao tóø fîfiwâ, a mi sopla, a kóba  
kwi.† <sup>4</sup> Nõepi zwâa têa nì a gâaluladeo yea, a vua nõamblebôø

‡ 16:10 Boa 10.22    § 16:12 Isa 11.15    \* 16:15 Zia 3.3    † 16:15 Zia 3.18

‡ 16:19 Isa 51.17    § 16:21 Boa 9.23, Zia 11.19    \* 17:2 Zel 51.6-7, Zia 14.8

† 17:3 Zia 13.1

daa ní gbè bεεεdeo ní òsoo. A vua imibø kúa, bølø ní a káaluakaa gbásíø ka a pai. <sup>5</sup> Wà tó pø wa a asii dø kë aà mi'aewa wà mè: Meeewia zøø Babeli, káaluao ní dúnia bølø da. <sup>6</sup> Má è nøepi Lua gbé pø wà ní døde Yesu seeladekø yáio au mì à kà, àle aà dø lán wéwa.

Ké ma aà è, yápi dia. <sup>7</sup> O malaikapi ma la à mè: Bóyái yápi dímai? Má nøepi asii one ní wài pø aà sea, a mi sopla, a kóba kwipi asiio. <sup>8</sup> Wài pø ní èpi ku yää mé a ku løo. A bø gbáo zòolo guu<sup>‡</sup> i mipe kaalewa. Gbé pø aa ku tøole an tó kú aizána taalau za dúnia daalegøoo, tó aa wài pø kú yää mé a ku løo mé a ea mɔpi è, a yá a dimá. <sup>9</sup> Låasooode pø ñno vñ yán ke. Mì mèn soplapioá sìsì mèn sopla pø nøe zòlemáøe. Kìa gbëøn soplaøne lø. <sup>10</sup> An gbëøn sòo lèle, gbëdo ku, gbëdo kpé. Tó à mò, a gëgëø. <sup>11</sup> Wài pø kú yää mé a ku løo piá kíø swaaðdee. Gbëøn soplapioø doe lø. Ale mipe kaalewa. <sup>12</sup> Kóba mèn kwi pø ní èpiø kíø gbëøn kwi<sup>§</sup> pø aai kpitable yääøøne. Aa kigøøsopla ble ní wàio sánu. <sup>13</sup> An gbëøn kwipiø píi lé doñø. Aa ní gbää ní ní ikoo kpa wàipipa. <sup>14</sup> Aa zíka ní São, Sã i zíblemá, asa diiø Diiø mé kíø Kiaø. Aà gbé náaide pø à ní sisi à ní séø kuaànø. <sup>15</sup> O malaikapi òmeeø: Swa pø ní è káalua zòlemápiø buiø ní bílaø ní bùsu gbéø ní buiyá'onaøne. <sup>16</sup> Wài ní kóba mèn kwi pø ní èpiø za káalua pigu. Aa aà ke yáiyai, aai aà to puizi. Aa aà so aai tesøwà. <sup>17</sup> Asa Lua a pøeä dàné ní sõu aa ledoñkeø, aai ní kpala kpa wàipipa e Lua yá ge paø. <sup>18</sup> Nøe pø ní è piá mæewia zøø pø iko vñ dúnia kíøwaøe.

## 18

### Babeli gaa

<sup>1</sup> Bee gbea ma malaika pàle è à bø luabe. A iko zøø vñ mé aà gawi dúnia pù. <sup>2</sup> A wii gbää lè à mè: Babeli gá, mæewia zøøpi gá.\* A gò zeeø kúkíi ü, tää bui píi tòø ü, bã pø wí ní tëbo wa ye ní gïyäioø be ü.† <sup>3</sup> Asa bui píi aà vëø gbää pø de aà káaluakaa ü mïe.‡ Dúnia kíø gbásíkèaànø, mé dúnia laatanaø kë odeo ü aà lalasikøa zøø guu.

<sup>4</sup> O ma løø pàle mà à bø luabe à mè:  
A bøle a guu ma gbéø,  
ké á ø su àø ku aà duuna guu,  
yá pø wa yíawàø á leo yáí.§  
<sup>5</sup> Asa aà duuna gbà zòø luawaøe,  
mé aà vâikøaø dò Luagu.  
<sup>6</sup> A flaboø yá pø a këéwa,

‡ 17:8 Dan 7.7, Zia 11.7    § 17:12 Dan 7.24    \* 18:2 Isa 21.9    † 18:2 Zia 14.8,  
Zel 50.39    ‡ 18:3 Zel 51.7, Zia 17.2    § 18:4 Zel 51.6

à kēè aà yākεawa lee pla.  
 A pōkūma í káuè a imibōu  
 de pō pō a kàunéla lee pla.  
<sup>7</sup> A wāwā ní wēnao kpaaàzi,  
 lá à tōbò kua lalasikεa guu léu.

Asa ī o a sō guu,  
 noε kian a ū zōlεa a báawae,  
 gyaa gbēandon a ūo,  
 a wēnakε bauo.\*  
<sup>8</sup> A yái tō kisiaε beeō aà le gōo do,  
 gagya ní wēnao ní noanao.  
 Té mé a kūwà,  
 asa Dii Lua aà yākpalekεna gbāa.

<sup>9</sup> Dúnia kía pō aa gbāsikεaànō aa lalasikεaànō, tó aa a tékūa  
 lu è, aa ówlō aa nízia gbēgbē. <sup>10</sup> Aa ze kāaa vīa guu wāwā pō wa  
 kpài yái aa me:  
 Waiyoo, waiyoo, mēewia zōo!  
 Mēewia ikode Babeli!  
 Yá mò zōlema gōo do gōo!

<sup>11</sup> Dúnia laatanaō ówlō sō,† aa wēnakεè, kē gbēe a ní laae beeō  
 lúmá lōo yái: <sup>12</sup> Vua, ánuṣu, gbè bēeedeo, òsoo, zwāa ɔdeo, zwāa  
 tēa ní a gāaluladeo, siliki, lí maa bui píi, pō pō wí ke ní wesa  
 swaaō ní lí bēeedeo ní mogotēo ní mōsio ní gbēpuao píi, <sup>13</sup> dopoo,  
 nísi gínanao, tulapeti, zōgo lí'oo, vēe, nísi, pēeti, pōwena, zuo,  
 sāo, sōo ní a góo, zōo ní gbēnazīna wēni. <sup>14</sup> Wa oè: Pō maa pō ni  
 a nideō làama píi. N nama ní n gawio pilima píi, wa e bau lōo.

<sup>15</sup> Laatana pō aa kē ɔdeo ū mēewiapi sabaiō ze kāaa vīa guu  
 wāwā pō wa kpài yái. Aa ówlō aa wēnakε <sup>16</sup> aa me:  
 Waiyoo, waiyoo mēewia zōo!  
 A bàabaa yè yāa  
 ní zwāa gāaluladeo ní a tēao.  
 A vua noamblebo dà yāa  
 ní gbè bēeedeo ní òsoo.

<sup>17</sup> Aà àizee píi mūsikè gōo do gōo.  
 Gó'ilena diiō ní tagenao ní ígbēo ní gbē pō aaí zìkε ísiaao ze kāaa  
 mípii. <sup>18</sup> Tó aa mēewiapi tékūa lu è, aa wiile aa me: Mēewiae  
 ku yāa, a zōo kà mēewiae beewao. <sup>19</sup> Aa ówlō aa nízia gbēgbē, aa  
 wēnakε aa wiile aa me:  
 Waiyoo, waiyoo mēewia zōo!

Gbē pō aa gó'ilena vī ísiaao píi  
 kē ɔdeo ū ní àizee pō pàlawào,‡  
 ñ à gō bεzia ū gōo do gōo.

\* **18:7** Isa 47.7-9   † **18:11** Eze 27.31   ‡ **18:19** Eze 27.33

20 A pɔnake a yá musu luabedeo ní Lua gbéo ní aà zínac ní aà ãnabiò, asa Lua mé tɔsiwàé.

21 O malaika gbääde gbe pó kà wísilgbé gbènèwa se zu ísia guu à mè: Màa wa mèewia zòò Babeli zu ní gbääao, wa mèewiapi e bau lòo. §

22 Wa moona ge gâa'ò ge kule

ge kâae'ò ma n guu bau lòo.

Wa ɔzïkenae e n guu bau lòo.

Wa wísilgbé kɔfì ma n guu bau lòo.

23 Wa filia gupua e n guu bau lòo.

Wa nɔsekɔfì ma n guu bau lòo.

N laatanaoá dúnia gbé gbiaoné yáa,  
n pɔdà bui píwa, n ní mi liaa.

24 Wà ãnabiò ní Lua gbéo au è a guu  
ní gbé pó wà ní dède dúnia guu píi.\*

## 19

### *Pɔnakea luabe*

1 Bee gbea ma lòo gbää mà luabe lán dasi yá'owa à mè:  
Aleluya! Wá Lua mé ziblè!

Ome gawi ní gbääao vî,

2 asa i yákpalékéríno a zéwa ní sianaoe.

A yákpalékè ní káalua zòò pó dúnia ɔokpà ní a káaluakaaopio.  
A a zòblenaò dèdea tɔsiwà.

3 Aa ò lò:

Aleluya!

A súele aò dò gɔɔpiie.\*

4 Gbëzòò gbëen baasoo mèndosaiò ní pó bëe mèn siiò wùlewule  
aa misiileeLuaë zòlea a báawa aa mè:  
Ami! Aleluya!

5 O ma lòo mà báapi kíi à mè:

A wá Lua táasile  
aà zòblenaò píi,

á gbé pó á aà vîa vîo,

néfénen gbëzòò.†

6 O ma lòo mà lán dasi yá'owa, lán izòosukaawa, lán louvîa  
gbääawa à mè:

Aleluya!

Dii wá Lua Gbääapiide nà kibleawa.

7 Wà pɔnake wà yáalò wà aà tɔbo,

asa Sã nɔsegoo kà, aà nɔ sou mà.

8 Wà bàabaa pua taitai tekéa kpàwà aà ye.

Bàabaa piá Lua gbéo maakéaoe.

<sup>9</sup> Malaika òmee: Ké. Báaadeon gbé pó wà n̄ sisi Sā n̄osebleble guu ū.‡ A òmee l̄: Lua yá sianan we. <sup>10</sup> Ma wule aà gbázi mà misiileè, ᳚ a òmee: Bee tó. Kúle Lua. N zòbлен deen ma ū n̄ n̄ gbé pó aai Yesu seeladeke ke.§ Yesu seeladekēkea m̄ ānabikēmi ū.

### *Kilisi m̄a dia s̄skaapua kpē*

<sup>11</sup> Ḍ ma luabe è a wēa, ᳚ s̄skaapua b̄, gbé pó di a kpē tón Náaide Siande. I yákpalekeńo, i zíkańo a zéwa.\* <sup>12</sup> Aà wé de lán tévuawa, kíafua pó a kpaa dasi. Tóe kēa aà mi'aewa, gbēe típi yáasi dō, aà bāasio. <sup>13</sup> A ula pó tâ n̄ auo daa.† Aà tón Lua Yá.‡ <sup>14</sup> Luabe zígōo tcaàzi, aa di s̄skaapua kpē, aa bāabaa pua taitai dadaa. <sup>15</sup> Fēnda lena lé b̄ aà léu à buī le. i kiblemá n̄ m̄ gopanao,§ i ᳚ vēebewa vēeféki guu Lua Gbāapiide p̄okūma pāsi ū.\* <sup>16</sup> Wà tóe bee k̄e aà ulawa n̄ aà gbalao:

Kíao Kíao, dii Dii.

<sup>17</sup> Ḍ ma malaikae è zea kpaa íatéi. A lé gbāa zù bā pó aale vua musumusuzi píi à m̄: A m̄ kāaa à ble zōo pó Lua k̄é ble, <sup>18</sup> i kíao ge só n̄ sosa gbēzōo n̄ gbāadeo n̄ s̄s̄o n̄ n̄ dikpēnao n̄ gbépiio, wéec n̄ zōo, néfēnen gbēzōo.† <sup>19</sup> Ḍ ma wài è n̄ dúnia kíao n̄ n̄ zígōo, aa k̄o kāaa aa zíka n̄ gbé pó di s̄s̄o kpēpio n̄ aà zígōo. <sup>20</sup> Wà wāipi kù sānu n̄ ānabi egena pó dabudabu. k̄e aà aeo. Dabudabupiō ᳚ à gbé pó aa wài seela v̄l̄ aa kùle a taaeo sāsāo.‡ Wà n̄ zú té ísida pó lé kú n̄ íatēgbōo guu b̄é an pla m̄pii. <sup>21</sup> Gbé pó di s̄s̄o kpē gbé kíniō dède n̄ fēnda pó b̄ a léuo,§ ᳚ bāo píi n̄ ge sōso aa kà.

## 20

### *Kilisi kiblea tōole w̄e b̄aa s̄o*

<sup>1</sup> Ḍ ma malaikae è à b̄ luabe, a gbāo zòolo kiline kūa\* n̄ m̄odaona gèeleo. <sup>2</sup> A kwá pó de ml̄e zi† ū, w̄l̄ m̄ Ibiisi ge Setau kù, ᳚ à m̄kawà e w̄e b̄aa s̄o. <sup>3</sup> Malaikapi aà zù gbāo zòolopi guu, à zetāaàlé à kilidau, k̄e asu buī sāsāo e w̄e b̄aa s̄oopi pa. Bee gbea wa aà gbae yoo.

<sup>4</sup> Ḍ ma kpalabaaō è n̄ gbé pó zōlezōlewa.‡ Wà n̄ gbá zé aa yákpaleke n̄ gbé. Ma gbé pó wà n̄ mi z̄ luayā'oa n̄ Yesu seeladekeo yáio è. Aai kúle wài ge aà taaeo. Aai aà seela ke n̄ mi'aé ge n̄ ɔwao. Aa vù wà kpalablè n̄ Kilisio w̄e b̄aa s̄o.§ <sup>5</sup> Geo vua s̄éian we. Gè kíniō i vu o e w̄e b̄aa s̄oopi gè pàò. <sup>6</sup> Báaadeon gbé pó an baa ku geo vua s̄éia guu ū, an kua adoa.

‡ 19:9 Mat 22.2    § 19:10 Zia 22.8-9    \* 19:11 Sou 96.13    † 19:13 Isa 63.3

‡ 19:13 Zaa 1.1    § 19:15 Sou 2.9    \* 19:15 Zia 14.19-20    † 19:18 Eze 39.17-20

‡ 19:20 Zia 13.1, 11-16    § 19:21 2Tes 2.8    \* 20:1 Zia 9.1    † 20:2 Daa 3.1, Zia 12.9    ‡ 20:4 Dan 7.9, 22    § 20:4 Dan 7.22

Ga plaade iko vîmáo. Aao de Lua ní Kilisio gbàgbanao üe, mé aao kibleaàno e wè òaa sco.

### *Setâu zua téu*

<sup>7</sup> Tó wè òaa scoopi pà, wa Setâu bo gbae, <sup>8</sup> i gé bui pó kú dûnia gola sîiñwaç sásai, Gogu ní Magoguo, i ní kâaa zì musu. Aao dasi lán ísiale üfâawa. \* <sup>9</sup> Aa lì dûniaa, aa koezò Lua gbéç bðoi ní wéle pó Lua yeio, ɔ té bò luabe à kùmá. <sup>10</sup> Wa Ibiisi pó ní sásâ se zù té ísida pó lé kú ní latégbô guu, gu pó wài ní ânabi egénao kuu. Aao wâwâkë fâane ní gwâasînao gocpiie.

### *Yâkpale gbeza*

<sup>11</sup> O ma kpalabaa pua zôo è ní gbé pó zôleuo. Toole ní musuo gusikè aà ae, wi ní gbe e lòo. <sup>12</sup> O ma gbézôo ní néfénenaç gyaadeç è zea báapi ae. Wà taalao wèwé, ɔ wà lá pâle wè lò àizâna taala ü. Wà yâkpalekè ní gyaadeç an yâkeawa, lá a ku lápiç guuwa. <sup>13</sup> Isia gyaade pó kú a guuɔ kpà. Ga ní bêdao gyaade pó kú a guuɔ kpà lò. O wà yâkpalekè ní baadeo a yâkeawa. <sup>‡</sup> <sup>14</sup> Wà ga ní bêdao zù té ísida guu. Té ísida piá ga plaadee. <sup>15</sup> Gbé pó wi ní tó e àizâna taalauo ɔ wà ní zú té ísidapiu.

## 21

### *Yelusaleü dafu*

<sup>1</sup> O ma toole dafu ní musu dafuo è, \* asa toole séia ní musu séiao gè, mé ísia ku lòo. <sup>2</sup> O ma Lua wéle Yelusaleü dafu è à bò musu Lua kíi, àle pila. Wa kéké lán noç pó a zâkesou màwa. <sup>†</sup> <sup>3</sup> O ma lòo gbâa mà kpalabaa kíi à mè: Lua zôle ní gbénazânaç sa, aç kúrîno, aao de aà gbéç ü. Lua dee aç kúrîno ní Lua ü. <sup>‡</sup> <sup>4</sup> A ní wé'i gogoné pii. <sup>§</sup> Ga aç ku lòo ge wéna ge çôlo ge wâwâ, asa yâziç gè.

<sup>5</sup> Gbé pó zôlea báapiwa mè: Ma! Mâlé pôpiii ke dafu. O a òmee: Ké, asa yâ beeç náai vî mé siianaç. <sup>6</sup> O a òmee: Yâ làa. Mámé má Alafa ní Omegao ü, Dàaleña ní Midenao ü. Gbé pó imi lé de, má aà gba nibona í wénide. \* <sup>7</sup> Gbé pó ziblè gban we. Má de aà Lua ü, iò de ma né ü. <sup>†</sup> <sup>8</sup> Ama viakenaç ní náaisaideç ní yâbëekenaç ní gbédenaç ní gbâsikenaç ní esedec ní táagbagbanaç ní mœafilideç pii, an baa aç de té ísida pó lé kú ní latégbô üe. Ga plaađen we.

<sup>9</sup> Malaika gbéon sopla pó tûu mèn sopla kúa, kísia gbezâ mèn sopla ká ní paipio gbédo mò òmee: Mò mà Sâ no dafu ñlone. <sup>10</sup> Lua Nisina dèdeaapi guu malaikapi ma se gèmano gbësisi zôo lesi musu. A Lua wéle Yelusaleü ñlomee, à bò musu Lua

---

\* **20:8** Eze 38.16    † **20:12** Dan 7.9-10    ‡ **20:13** Mat 16.27    \* **21:1** Isa 65.17, 66.22, 2Pïe 3.13    † **21:2** Isa 52.1, 61.10    ‡ **21:3** Lev 26.12, Eze 37.27    § **21:4** Isa 25.8, 35.10, 65.19    \* **21:6** Isa 55.1    † **21:7** 2Sam 7.14, Soü 89.27-28

kíi, àle pila.<sup>‡</sup> <sup>11</sup> A Lua gawi vĩ, a pípia lán gbè beeeđewa, àle teke lán diamaawa. <sup>12</sup> A bii zɔ̄o lesi vĩ. A bole kuepla, malaika gbẽn kueplao zezeu. Isaili bui kueplao tó kẽa bɔlēpiɔwa. <sup>13</sup> Bole mèn àaõ ku gukpè oi, àaõ gugbāntoo oi, àaõ geomidɔkli oi, àaõ be'aë oi. <sup>§</sup> <sup>14</sup> Wà biiipi dàale gbè mèn kueplao wa. Sã z̄ina gbẽn kueplao tó kẽa gbepiɔwa.

<sup>15</sup> Malaika pó lé yā'omee poyɔbɔ́ pó wa pí ní vuao kúa, ké à wélepi yɔ̄o ní a bɔle ní a bii. <sup>\*</sup> <sup>16</sup> Wélepi gola siiõe, a gbàa ní a yàasao sáae. O à wélepi yɔ̄o ní poyɔbɔpio. A gbàa kiloo òaa kueplao (2.400). A gbàa ní a yàasao ní a lesio píi sáae. <sup>17</sup> A a bii yɔ̄o lɔ̄, a lesi gásisuu basoplasoo mèndosai. Malaikapi yɔ̄o gbénazina gásisuu gbàa léue. <sup>18</sup> Wà biiipi kè ní diamaao, mé wéle piá vua tẽeteeé ikéa lán díiwa. <sup>19</sup> Wà gbe pó wà wélepi bii dàaleò kéké ní gbè beeeđe bui píio. <sup>†</sup> Wà gbe séia kéké ní diamaao, a plaade ní safio, a àaõde ní agatao, a siiõde ní emelodio, <sup>20</sup> a soode ní onisio, a soolode ní saadjanio, a soplade ní kisolitio, a swaaõde ní belilio, a kẽokwide ní topazao, a kwide ní kisopazao, a kuədode ní tiikɔazio, a kueplade ní ametisio. <sup>21</sup> Bole mèn kueplapiá òso mèn kueplao. Wà nípii kè ní òsoo mèndodoe. Wélepi zeaá vua tẽeteeé, wí gu'eu lán díiwa.

<sup>22</sup> Mi Lua kpé e wélepi guuo, asa Dii Lua Gbāapiide ní São mé a kpépi ū. <sup>23</sup> Wélepi bàa kú ní laté ní mɔvuao gupuaèoo. Lua gawi mé lé wélepi pu, mé Sã de a filia ū. <sup>‡</sup> <sup>24</sup> Bui tá'a'o a gupuai, mé dũnia kíao gẽu ní ní àizee. <sup>§</sup> <sup>25</sup> A bɔle aao taa fãane bauo, mé gwāasina aao ku we sɔ̄o. <sup>26</sup> Wa gẽu ní bui àizee ní ní pó ođe. <sup>\*</sup> <sup>27</sup> Ama pó gbâleae a gẽuo<sup>†</sup> ge yâbẽekéna ge mɔafilide, sema gbé pó Sã ní tó kéké àizâna taalau bâasio.

## 22

<sup>1</sup> O malaikapi swa'i wẽnide pó lé bo Lua ní São kpalabaa kíi òlomée, <sup>\*</sup> àle teke lán díiwa. <sup>2</sup> Ale bâale wélepi zea guo. Lí wẽnide<sup>†</sup> ku a baale ní a baalao, i ne'i wé do gẽn kueplao, mɔ ní mɔo gẽn dodo. Lípi láoá bui gbágba'bɔe. <sup>‡</sup> <sup>3</sup> Pó pó Lua lekèe aao ku lɔ̄o. <sup>§</sup> Lua ní São kpalabaa aao ku wélepi guu, mé aà zɔblena zɔblee. <sup>4</sup> Aa wesiâale, mé aà tó aao kú ní mi'aëwa. <sup>5</sup> Gwāasina aao ku lɔ̄o, gbé baa aao kú ní filia ge laté gupuaoo, ké Dii Lua a gupuné yái. <sup>\*</sup> Aao kible e gɔɔpiie. <sup>†</sup> <sup>6</sup> O a òmee: Yá bee náai vĩ

<sup>‡</sup> **21:10** Eze 40.2    <sup>§</sup> **21:13** Eze 48.30-35    <sup>\*</sup> **21:15** Eze 40.3    <sup>†</sup> **21:19** Isa 54.11-12

<sup>‡</sup> **21:23** Isa 60.19-20    <sup>§</sup> **21:24** Isa 60.3    <sup>\*</sup> **21:26** Isa 60.11    <sup>†</sup> **21:27** Isa 52.1

<sup>\*</sup> **22:1** Zkl 14.8    <sup>†</sup> **22:2** Daa 2.9    <sup>‡</sup> **22:2** Eze 47.12    <sup>§</sup> **22:3** Zkl 14.11, Daa 3.17

<sup>\*</sup> **22:5** Isa 60.19    <sup>†</sup> **22:5** Dan 7.18

mé sianaε. Dii Lua pó i døaa ānabiøne mé a malaika zì, kék a zòblenaø yá pó a mó tia dø.

### *Yesu a mó tia*

<sup>7</sup> Gwa, má mó tia. Báaaden gbé pó zia yá taalaε bee yá kúa ū.

<sup>8</sup> Ma Zää máme ma yá beeø mà mé má è. Ké má mà mé má è, ma wule malaika pó yápiø òlømeeø gbázì mà kúleè. <sup>9</sup> O a òmeeø: Bee tó. Kúle Luaε. N zòblen deen ma ū ní n gbé ānabiø ní gbé pó aa láε bee yá kúaø. <sup>10</sup> O a òmeeø: Nsu pó kúle zia yá pó kú lápiuwao, asa a gɔø káikù. <sup>11</sup> Gbëvái wetä àø yáváike. Gbásíde wetä àø gbásí. Gbëmaa wetä àø yámaake. Kuaadoade wetä a kua àø adoa.<sup>‡</sup>

<sup>12</sup> Gwa, má mó tia, máø asea kúa, mí flabo baadeø a yákεawa. <sup>§</sup> <sup>13</sup> Alafa ní Omegaon ma ū, Døaana ní Gózánaø, Dàalena ní Mídenao.\* <sup>14</sup> Báaadeøn gbé pó aa ní ulataopiø ū. Aao zeví wà gë wélepi bøleøu, aai lí wénide<sup>†</sup> be ble. <sup>15</sup> Ama gɔø blesanaø ní esedeø ní gbásíkenaø ní gbëdënaø ní tåagbagbanaø ní gbé pó ye mɔafiliyákεaiø aao ku bàasie.

<sup>16</sup> Ma Yesu ma a malaika zì aàø de yápiø seelade ū ma galílideøne. Máme má Davidi Bui, aà kpala pó vlápà Kia ū,<sup>‡</sup> Gudøleia saan'ina ū. <sup>§</sup> <sup>17</sup> Lua Nisína ní Sâ nɔ dafuo i me, mó. Gbé pó bee mà sɔ, aà o, mó. Gbé pó imi lé de, aà mó. Gbé pó ye i wénidei, aà si gba ū.\*

<sup>18</sup> Málε o gbé pó ānabikelaε bee yámàøne píi, tó gbé yæe kàfi a guu, Lua a kíisia pó a yá kú láε bee guuø kàfi adeee. <sup>19</sup> Tó gbé yæe bò taalaε bee guu, Lua a ade baa bø a wéle ní lí wénide pó a yá kú láε bee guuo guue.<sup>†</sup>

<sup>20</sup> Gbé pó de yápiø seelade ū mè: Sianaε, má mó tia.

Ami! Dii Yesu mó!

<sup>21</sup> Dii Yesu aàø gbëke vñ ní a gbéø píi.

<sup>‡</sup> **22:11** Dan 12.10    <sup>§</sup> **22:12** Isa 40.10, 62.11    <sup>\*</sup> **22:13** Isa 44.6, 48.12, Zia 1.8, 17

<sup>†</sup> **22:14** Daa 2.9, 3.22    <sup>‡</sup> **22:16** Isa 11.1, 10, Zia 5.5    <sup>§</sup> **22:16** Zia 2.28    <sup>\*</sup> **22:17** Isa 55.1    <sup>†</sup> **22:19** Iko 4.2